

續修四庫全書

《續修四庫全書》編纂委員會編

續修四庫全書



上海古籍出版社

四一一・史部・紀事本末類

欽定剿平粵匪方略四百二十卷(卷三百三十四至卷三百七十七)

〔清〕奕 訢等撰……………一

2735/0

欽定剿平粵匪方略卷三百三十四 癸亥年

二月初五日辛巳官文嚴樹森奏言正月二十一

日接准曾國藩咨稱搜獲偽文內稱偽忠王現在蘇州卽圖率黨渡江以侵皖楚並據金陵探報偽護王由常州帶賊七八萬人偽賀王偽齊王各帶賊三四萬人合忠逆之賊詐稱五十萬實數確有二十萬現護逆一股已在解溪溇化

欽定剿平粵匪方略卷三百三十四

一

等鎮據糧仍擬由九洑洲渡江上竄咨請豫爲防範等因伏查皖北和含巢一帶尙有賊蹤若忠逆復率大隊渡江則必勾結該賊悉力上犯鄂皖肩齒相依頭頭是道若不早爲戒備必致臨事周章惟鄂中路路喫重竹襄棗隨等處雖均駐有防兵一經抽調卽有顧此失彼之慮穆正春王桐柏所部兵力甚單防守楚邊尙虞不

足斷不能遠，剿旁征禦此悍寇現已飛咨李續宜迅速起程由鄂赴皖督率皖北諸軍相機截剿臣等仍當督飭在防各營扼要堵禦如果逆氛偏近再酌度情形添派勁旅以期保固邊圉奏入

欽定剿平粵匪方略卷三百三十四

二

和含巢一帶踞賊上犯楚疆該省兵力甚單殊不足禦此狂氛著曾國藩督飭皖北各軍實力剿洗或添撥勁旅前往協剿或進搆蘇常攻所必救以分其勢俾不至竄入楚邊左宗棠在浙剿匪現在極爲得手若乘此聲威直搆杭嘉等郡則該逆勢必回顧蘇常自無暇圖犯鄂境應如何乘勝進剿浙西以掣賊勢之處著左宗棠悉心籌畫

初六日壬午曾國藩奏言浙江提督鮑超上年十

一月二十七日在楊柳鋪及本年正月初六日

涇縣擊賊獲勝後聞小淮寧地方有賊紛擾鮑

超以該處守兵單薄水陸糧路可虞乃督馬步

馳赴黃麻渡會合王可陞防軍誘賊過河一擊

敗之旋報花旗廣匪六萬餘衆由甯國縣進窺

馬頭鎮高橋楊柳鋪一帶鮑超營盤被賊阻隔

聖朝聖略卷三十四

三

卽自高祖山老營至清弋江南陵亦幾爲賊氛

所梗鮑超恐老營有失遂至黃麻渡還援遙見

四面烽煙紛起知僞跟王藍逆一股已對高祖

山下寨僞作王李逆一股已對清弋江下寨另

有賊騎數萬由寒亭高祖山摩壘而過繞出抱

龍岡翼襲我營之後鮑超既次清弋江先派宋

國永守定高祖山二十七日督率各營徑由抱

龍岡進攻該賊恃衆分拒密布長圍鮑超令梁

雲材等自山岡後分兩枝抄入截賊數段賊隊

大亂奪路竄奔諸將士合力薄之遂將馬頭鎮

等處十數村賊壘一律平毀追襲近六十里殲

擒近八千人自有此捷凡附近我營之高嶺梅

嶺麒麟山各賊股伏匿不出正月初一日僞匡

王奉王襄王糾合花旗股匪竄入大坑黃村近

聖朝聖略卷三十四

四

偏涇縣城南包過城東擁衆六七萬人連營二

十餘座初四日該逆架梯撲城維時鮑超在高

祖山聞警恐涇城不支將胎甯郡後路之患乃

簡隊疾馳九十里初五日抵涇入城少息初六

日五更時拔關齊出先遣王衍慶等分匿叢箐

深樹間而以易開後等遙爲之應復令婁雲慶

等依山而上譚勝達等循河而上鮑超督飭梁

美材等暨黃海清等騎隊直前挑戰羣賊爭相
出巢從山梁撲下叟雲慶等正當其衝梁美材
黃海清等馬步競進戰逾兩時我軍佯退引賊
將近山麓伏兵頓發叟雲慶等回輾轉鬪兩面
夾擊賊乃大敗正欲歸壘瞥見壘中火起已爲
譚勝達等所破我軍乘勝併進盡掃羣壘立解
涇縣之圍長驅三十餘里遂入黃村賊不虞官
軍之驟至有棄壘欲遁者有閉壘死守者衆軍
士擁至濠下肉薄而登又平數十壘追二十里
至大坑斃賊數萬初七日鮑超自涇縣回軍適
西河之賊撲近寒亭高祖山老營將圖乘虛一
逞忽見旗幟蔽空軍容甚盛乃相顧錯愕卽一
興散走臣查甯國境內徧地逆氛鮑超以病餘
之將新補之卒四出雕勦得此兩戰軍威可以

欽定剿平粵匪方略卷三十四

五

欽定剿平粵匪方略卷三十四

六

復振危局可以暫安所有出力人員可否酌給
獎敘以作士氣至參將羅國才等六十七員力
戰陣亡相應請
旨飭部從優議卹
曾國藩又奏言據駐守涇縣總兵易開俊稟稱
甯國縣另股於上年十一月竄近涇縣東北潘
村一帶易開俊商同吳廷華分路進攻吳廷華
率所部兩營會合葉明瑞等進攻潘村以蕭章
開馬隊應之易開俊親率三旗直趨晏公堂王
華國賀國楨率兩旗分路包抄殺賊數百人而
潘村之賊亦經葉明瑞擊退吳廷華追過壩頭
葉明瑞等由晏公堂大路斜刺而來會軍夾擊
賊衆大敗遁入黃村官莊一帶易開俊以賊遁
未遠不速除之終貽後患仍與吳廷華督率各

軍分道馳勦卽將黃村官莊之賊擊潰不料山
坳伏發遽斷歸路敗賊回戈助戰我軍困入垓
心易開俊馬傷墮地蕭章開大呼救之乃得更
騎突圍而出將隊伍連環收歸軍士已多傷亡
二十八日賊黨乘勢撲城見城上守禦謹嚴退
去正月初三四等日賊以大股環城奮攻晝夜
不息競於矢石中架梯而升易開俊吳廷華令

聖學聖方略卷三十四

七

守堞士卒立斬數人擊毀攻具蕭章開曹義勝
復潛出抄賊賊始歸巢初六日鮑超引軍來援
城中士氣益奮突出盪擊俘斬甚衆卽平毀附
城諸壘旋入黃村痛加勦洗臣查涇軍七營久
與悍賊相持卒能保全危城遮護甯郡洵屬有
裨全局所有節次陣亡之參將倪昌明等五十
一員相應懇

恩飭部一併從優議卹

曾國藩又奏言金陵甯國各營穩守如常太平
石埭等股踰伏未動宣城縣屬之金寶圩於上
年臘月二十日被偽侍王攻破該圩練丁逃至
蕪湖者數千臣爲編營安插聞侍逆在圩中大
掠米糧仍圖窺伺蕪湖金柱關一帶該兩處防
務暫難鬆勁北岸無爲州原駐樹字五營本係

聖學聖方略卷三十四

八

李鴻章新募之卒現因救援常熟進攻崑太兵
力不敷飛調樹字等營回滬另撥章志俊一軍
駐防無爲州城蕭慶衍專顧銅城廬一路尙足
防禦毛有銘專顧巢縣一路實形單薄又在六
安州抽兵助之惟九洑洲江面續有賊船百餘
號晝夜趕渡據搜獲偽文賊欲先攻浦口江浦
以通進兵之路臣恐前敵各防未能穩固亟須

親往察看通籌攻守事宜此次拜摺後即日由水路駛赴金陵及無為州蕪湖金柱關等處巡視一次往返約需月餘安慶省城兵勇尙有四千餘人賁成司道各員權爲統率暫可無虞萬一巢縣踞匪蓄意西竄臣亦卽兼程旋省以顧根本奏入

上命議政王軍機大臣傳諭曾國藩左宗棠曰九

欽定剿平粵匪方略卷三三四

九

洲江面賊船晝夜趕渡曾國藩恐前敵各營未能穩固自應親往察看俾攻守悉臻妥善惟江浙軍務互爲表裏此次賊匪徑趨江北若浙師出奇制勝直搗杭州自可牽制賊勢現在金華等處均已克復紹興賊勢已孤指日可下乘勢規取杭城易如反掌第杭城不難於取而難於守嘉興未復則賊由石門等處可以西趨湖州未復則賊由德清

等處可以南竄左宗棠克復杭城後若拘泥成例駐紮會垣賊以遊師擾之必有應接不暇之勢不如督率勁旅相機進剿杭城雖復不必固守仍分兵徽州以清皖南之賊俾朱品隆等酌撤渡江會合毛有銘等軍迅克和含等處水陸兩路併力規取九洲肅清江而則皖北可期穩固然發可合鮑超甯國等軍攻取金陵或酌分奇兵旁取句容丹陽以圖常州似剿辦較易得手著曾國藩左宗棠酌度機宜妥籌辦理

欽定剿平粵匪方略卷三三四

十

上諭內閣曰此次官軍剿辦馬頭鎮悍賊大勝並涇縣解圍出力員弁著曾國藩擇尤請獎其節次打仗陣亡之參將羅國才等六十七員暨涇縣打仗陣亡之參將倪昌明等五十一員均著交部從優議卹

初七日癸未者齡奏言湯城踞匪及金華開化一

帶賊援經兩次痛勦後開化之賊分股竄至四

安嶺經參將化儒等率兵擊走該逆竄至北坑

嶺復經化儒等擊敗之偽梯王率黨來撲上盛

營盤都司林珠直突賊陣逆眾披靡逆首彭禹

蘭赴藩司蔣益澧營內乞降蔣益澧即飭其黨

作為內應正月初十日三更會同康國器督率

各軍分攻各門當將湯溪克復十一日黎明開

化酌坊之賊圖犯蘭背源上盛經化儒等派兵

擊斃百餘人康國器協同浙師乘勢進勦該逆

悉竄金華當將賊營焚燬康國器探知龍游敗

匪遁往金華隨飭古捷芳等分兵截殺於上盛

杜家村等處斬獲一萬餘名其分股竄至下陳

坑者復經化儒等合力抄殺斃匪無數龍游縣

欽定四庫全書

十一

欽定四庫全書

十一

城亦為浙江撫臣左宗棠攻克兩處殺賊數萬

人援匪望風奔竄藩司蔣益澧臬司劉典派隊

分投追勦收復蘭谿金華府縣兩城敗匪分竄

浦江義烏等縣又據探報永康之賊經都司馬

雲標等率勇進勦於十三日辰刻克復縣城總

兵林文察亦於十三日攻克武義縣城實由湯

溪龍游攻克後該逆險要已失用能於三日之

間連克府縣六城我軍勢成建瓴可期席卷而

進蔣益澧已拔隊進紮金華臣飭康國器馳赴

武義與林文察會攻義烏諸暨化儒馳赴縉雲

與馬雲標等會攻東陽迅圖收復進規紹興並

飛飭林文察等各營乘此聲威協力攻勦不得

稍事遷延康國器等力卻數萬援賊收復各城

截殺龍游竄匪逾萬實屬異常奮勇卓著戰功

欽定四庫全書

十一

及此次尤爲出力之遊擊吳光亮等合無仰懇
天恩優加獎敘以昭激勸

者齡又奏臣現飭各軍分攻東陽義烏進取
紹興相去浦城漸遠臣自應移紮浙境以便就
近調度惟據探報各城敗匪自浦江分竄桐廬
分水兩縣該處爲杭徽兩郡毗連之區如該逆
歸併杭州臣擬進紮金華督戰備該逆竄入徽

欽定剿平粵匪方略卷三十四

三

郡則江西戒嚴閩省處處毗連隘口林立均須
布置又當以仍紮浦城力固本省邊界爲重容
再確探賊蹤妥籌進止奏入

上命議政王軍機大臣傳諭者齡左宗棠曰此次閩
浙官軍於三日之間連克府縣六城我軍勢成建
瓚可期席卷而進卽著左宗棠嚴飭各軍乘此聲
威次第掃蕩趕緊規復紹興毋得稍有稽延致失

時會者齡另片奏閩軍節節前進相去浦城漸遠

擬移紮浙境以便調度惟探聞各城敗匪分竄桐
廬分水二縣如卽歸併杭州擬進紮金華督戰備
竄入徽郡則江西戒嚴仍須駐紮浦城力顧邊界
各等語所奏不爲無見第金華等處既有蔣益漣
一軍駐守又有左宗棠督率調遣以之進剿必可
收破竹之功而桐廬分水一帶賊蹤未淨其或竄

欽定剿平粵匪方略卷三十四

十四

徽郡或竄江西均不可不防閩江毗連隘口林立
仍應妥籌守禦者齡總以仍紮浦城爲是遠可策
應湘軍近可籌防閩境所有一切進止機宜該督
隨時與左宗棠熟商籌辦

上諭內閣曰自湯溪龍游攻拔後該逆險要已失連
日克復永康等處四城著者齡飭令康國器林文
察等會攻義烏東陽等處乘此聲勢節節掃蕩知

府康國器前經左宗棠奏保降旨以道員仍歸江西補用著再加恩交軍機處記名遇有江西道員缺出請旨簡放遊擊吳光亮著免補遊擊以參將卽補並賞加副將銜賞給誠勇巴圖魯名號都司古捷芳著免補遊擊以參將補用並賞給績勇巴圖魯名號林本著免補都司以遊擊補用並賞換花翎林珠著免補都司以遊擊補用並賞加參將銜知縣康熊飛著免選本班以同知不論雙單月選用並賞換花翎

聖朝聖略卷三十四

五

聖朝聖略卷三十四

六

初十日^{丙戌}李鴻章左宗棠奏言上年十二月己革道員張景渠率兵進攻紹郡逆首糾合蕭山諸暨之賊分路竄至東浦等處希圖包抄我軍後路經張景渠抽調遊擊布興有等分投截擊賊卽敗退並攻毀昌安鎮賊卡一座本年正月

初一日我軍由東浦前進分攻昌安五雲兩門未能得手該逆外援日增連日分股竄犯陶堰東關一帶蔓延數十里屯踞烏門山包家山白塔洋分股肆擾均經兵圍擊敗共殺賊千餘名所有紹東逆卡一律踏毀城中之賊不敢出戰我軍聲威大振現在仍飭張景渠等相機進攻肅清紹郡併圖省垣奏入報

開

李鴻章又奏言正月初二三日以後常熟孤城被賊圍攻益急署提臣黃翼升督率師船赴福山白茅徐六涇各口攻勦日有斬擒圍城之賊亦分添各口以禦我師編修劉秉璋會同道員潘鼎新副將劉銘傳等統帶陸隊三千餘人於十三日駛抵福山與黃翼升籌商登岸黃翼升

分派礮船渡師於福山上游之西洋港陸續上岸連夜紮營劉秉璋潘鼎新等身先士卒指揮齊進二十日各營往攻福山獲一勝仗周興隆略國忠等於正月十三日尙有帛書出城據稱自初十日接到臣處帛書後知援師卽至人心稍定惟因守月餘將士精力疲憊設使西北門地雷轟發衆必驚亂恐有不測該將等惟與城

欽定剿平粵匪方略卷三十四

七

存亡等情臣又飛函商令黃翼升潘鼎新等穩紮穩進先將福山悍賊擊退卽乘機節節攻打又恐背水之陣軍無後繼擬添派常勝軍馳往援應

李鴻章又奏言臣於上年九月間奏報四江口立解重圍摺內恭奉恩旨猥以臣弟知縣李鶴章薄有戰功飭臣秉公酌

保仰見

皇上振勵人才無微不至惟念臣以菲材遭逢

聖主特達之知由道員驟躋巡撫數月以來無尺寸

功效足以上紓

宵旰之憂勤夙夜震懼臣弟五品銜補用知縣李鶴

章患難相從周旋軍旅乃義分所當爲果能蕩

平羣醜克復名城

欽定剿平粵匪方略卷三十四

六

聖主甄念微勞給與優敘戰功足以相稱臣心亦藉

以稍安此時強寇在境軍事方殷集諸將之力

以收一戰之效本無勞績之足言臣弟質雖愚

魯尙知大義且臣家世受

國恩此次復蒙

諭旨垂詢榮寵已極圖報彌殷臣惟有訓飭臣弟奮

勉圖功仰答

聖慈殷殷屬望之意斷不敢遽行請獎以負初心奏
入

上命議政王軍機大臣傳諭李鴻章曰常熟孤城被
圍甚急太倉尚未攻克滬軍勢不能前往救援李
鴻章調派水陸各營進攻福山獲有勝仗現在周
興隆等竭力固守望援甚切著卽激勵黃翼升潘
鼎新等乘勝進攻福山俾賊節節掃蕩以期進達

聖朝聖略卷三十四

九

常熟立解城圍如慮後軍不繼並著飛催常勝軍
星速前進穩紮營壘如敢仍蹈前轍任意退回該
撫卽從嚴懲辦以肅軍令李鶴章屢著戰功該撫
不敢邀請獎敘具見引嫌謙退之忱已加恩將李
鶴章賞加四品銜以知州用矣

上諭內閣曰前因江蘇四江口解圍巡撫李鴻章之
弟知縣李鶴章擊退援賊該撫意存引嫌未經請

獎當經諭令李鴻章查明勞績一體奏請獎敘茲
據奏稱李鶴章雖隨同剿賊乃義分所當爲仍不
敢仰邀議敘等語五品銜分發補用知縣李鶴章
戰功卓著豈可沒其微勞著賞加四品銜以知州
用

十一日 丁亥 耆齡奏言正月初六日都司馬雲標
等率兵進紮縉雲縣之黃碧街地方以偏永康

聖朝聖略卷三十四

二十

初七日擊破牛筋嶺賊卡旋卽移紮該處十一
日夜復選銳卒四百名往襲永康縣治該逆防
守甚密未能得手十三日馬雲標等往攻永康
東南二門該令程陶成等各率團丁會攻各門
據柵衝入該逆力不能支望義烏一帶逃遁卽
於是日克復永康縣治總兵林文察自將武義
三角店等處賊卡攻破後城賊伏匿不出正月

十一日林文察派遊擊白瑛等率勇進逼次日
白瑛等督隊攻城林文察率兵協助力攻數時
該逆堅不出戰是夜林文察復派各營薄城圍
攻火箭噴筒並發城上賊篷半被延燒煙燄四
起該逆無可駐足卽向金華一帶逃竄當於十
三日克復武義縣城林文察督勇追殺餘匪由
東鄉白溪一帶遠竄臣查逆匪盤踞浙東各城
以悍賊力扼湯溪龍游拒我進兵之路分股屯
聚永康武義牽掣兵勢迫湯龍二城攻克大股
賊援亦被官軍擊走永武各匪聞風膽落總兵
林文察等乘機進剿立將該二縣克復從此溫
處可期穩固探聞義烏浦江之賊亦俱竄往杭
州臣現飭林文察與知府康國器率兵由義烏
進參將化儒等率兵由東陽進會合浙師及甯

欽定剿平粵匪方略卷三十四

三

波各軍分攻諸暨紹郡埭蕩浙東進規杭嘉湖
三府以靖全浙至林文察等各軍防守處郡各
屬隘口歷時半年屢挫逆鋒地方保守完固茲
又連克兩縣實著辛勤可否容臣擇尤保獎以
示激勸奏入

上命議政王軍機大臣傳諭著齡曰逆匪盤踞浙東
各城自我軍攻克湯溪龍游各城復經林文察等
將永康武義兩城克復義烏浦江之賊俱竄往杭
州浙東賊勢日蹙卽著著齡飭令各軍會同左宗
棠各軍乘此聲威節節進剿迅克紹郡進規杭嘉
湖三府以靖全浙至賊匪時思旁竄其界連江西
福建各隘口該督仍應處處兼顧前經諭令該督
居中策應以仍駐浦城爲宜卽當遵旨酌量情形
辦理

欽定剿平粵匪方略卷三十四

三

上諭內閣曰官軍於克復永康武義後東陽諸賊畏懼官軍聲勢奔竄渡江著著齡飭令林文察等軍由義烏東陽一帶進兵會同浙師節節進剿規取紹興所有出力各員著著齡擇尤保獎

十二日戊子左宗棠奏自龍游湯溪蘭谿金華等

城經官軍攻克後金華賊由義烏竄赴諸暨

粵賊譚星率蘭谿賊竄赴浦江臣飭蔣益澧

聖朝聖方略卷三十四

三

聖朝聖方略卷三十四

三

分軍由武義永康義烏進剿劉典由浦江進剿合攻諸暨適據督臣調攻武義之總兵林文察

署永康縣知縣程陶成馳報武義永康之賊於

正月十三日同時遁走當將兩城克復東陽義

烏之賊亦聞風向諸暨一帶潰竄劉典急率各

營近偪浦江十八日劉焄黃少春等率所部馳

至離城五十里之白馬橋殺賊數百名當將縣

城收復劉典即飭各營乘勢偪攻諸暨黃少春等由牌頭以攻暨諸之南劉焄等由草塔以截

賊出路該處民團一見官軍無不踴躍爭先願

為前導二十二日黃少春等督隊行至距城二

十里地方出賊不意擊之擒斬數百賊敗入城

官軍直抵城下城賊千餘驚慌無措遣人詣黃

少春等軍前乞降黃少春等受之當將縣城收

聖朝聖方略卷三十四

三

復現據各路稟報金華賊與首逆戴三竄赴

諸暨後聞官軍將至復向義橋竄遁其意在回

竄杭州諸暨逸匪聞已回竄紹興蓋自龍游湯

溪蘭谿金華四堅城破後羣賊喪膽一聞官軍

躡蹤追至即奪路狂奔足無停趾惜前途無兵

阻截未能聚而殲旃其粵賊譚星一股由浦江

敗竄桐廬臣已飭蔣益澧一軍乘勢進攻紹興

劉培元率所部水師會魏喻義所部合擊桐廬之賊過其西趨臣已移軍蘭谿俟將金華等處布置稍定即親赴嚴州調度一切其劉典一軍仍須由嚴赴徽爲肅清皖南之計必俟皖南局勢漸定然後臣軍無後路之虞方可一意進取至督臣派來援剿之康國器一軍及閩粵各軍臣已緘商督臣飭其暫駐東陽縉雲一帶以壯

欽定剿平粵匪方略卷三十四

三

蔣益澧後路聲援

左宗棠又奏言浙江補用同知楊昌濬向在臣軍辦理營務上年九月奉

旨簡放衢州府知府臣因軍務喫緊仍暫留營差遣未經飭赴新任現在金嚴克復事務倍繁而一切進止機宜及帶隊接仗非深明方略之員不足以資贊畫該員此次克復各堅城勞績卓著

可否仰懇

天恩俯准將楊昌濬開缺以道員留於浙江補用俾臣得收指臂之助奏入

上命議政王軍機大臣傳諭耆齡左宗棠曰前經疊次諭令耆齡左宗棠以浙境軍聲大振勢成破竹即當乘勢進取紹興先復浙東並令耆齡仍應駐紮浦城以防賊竄皖南江西滋擾令左宗棠分兵

欽定剿平粵匪方略卷三十四

三

嚴州以清皖境而顧全局現在金華敗賊竄向義橋遁走自係回竄杭州其諸暨逸匪已回竄紹興著左宗棠飭令蔣益澧乘勢進攻速復紹城粵賊譚星一股由浦江敗竄桐廬即著飭令劉培元迅率所部水師會同魏喻義所部合擊之以遏西趨左宗棠現在移軍蘭谿擬俟金華等處布置稍定即親赴嚴州調度其劉典等軍仍須由嚴赴徽肅

清皖南俾左宗棠無後顧之虞方能一意進取所
論甚合機宜著卽照所擬辦理

上諭內閣曰浙江衢州府知府楊昌濬襄辦左宗棠
營務尙屬得力著准其開缺留營並以道員留於
浙江補用

同日潘鐸徐之銘奏言據東川府稟報髮逆被
勦窮蹙分股由米糧壩小江口過江入川知府

聖皇聖考卷三十四

三七

黎新德與參將楊盛宗分路跟追並飭軍功楊
玉衡親督所部於金沙江下游一帶分布嚴防
黎新德與楊盛宗兩路截擊將該匪衝爲兩股
擊斃無數該匪又分股攻撲東川府城黎新德
飭令在城文武嚴密防守一面出城親督各軍
奮力攻擊斃匪三千餘人餘賊奔赴金沙江上
游紮搭浮橋潛行過江入四川會理州屬地方

郡圍立解會澤縣屬一律肅清楊玉衡仍帶兵
練於川滇交界之沿江要口扼防黎新德又飛
致楊盛宗乘勝進剿巧家廳髮逆以期一鼓殲
除等語臣等查此次髮逆竄擾東川府經該府
堵擊獲勝已將攻撲郡城賊匪殲除殆盡餘匪
竄入川境該省現有重兵扼要防剿難保不復
回竄臣等仍飭黎新德楊玉衡防守各路要隘
並會商楊盛宗乘此賊勢窮蹙速將巧家廳髮
逆悉數殲除不容延宕奏入

聖皇聖考卷三十四

三八

上命議政王軍機大臣傳諭潘鐸徐之銘曰石逆被
勦竄入川省現在該省兵勇俱集南路防堵該匪
儘被川兵截擊難保不回竄滇境著潘鐸等督飭
在事文武將毗連川境各要隘嚴密設防毋令逆
蹤復行回竄至後股逆匪尙在巧家廳盤踞該署

督等務當飭令知府黎新德等乘勝進剿並分兵截其渡江北竄之路以期悉數殲除

欽定剿平粵匪方略卷三百三十五 癸亥年

二月十三日己丑官文嚴樹森奏查髮逆屯踞竹谿縣屬鄉寨四出焚掠正月初七日道員梁作楫統率所部趕到該逆探知大軍將至分路遁竄經該縣知縣周世榮督兵跟追殺賊數十名餘賊均向陝西興安一路去竹谿境內一律肅清並據探稱興安踞逆偽扶王等於正月十三四等日竄赴漢陰廳一帶偽啟王並馬融和等分支由平利紫陽等處圖竄川境距鄂省邊界均有三四百里興郡已無賊蹤各等情正擬專摺具奏欽奉

上諭以陝南軍務緊急飭臣嚴樹森馳赴秦鄂交界督兵進剿臣等查鄂中東西北三面賊氛環伺兵單餉絀應接不遑現在賊蹤遠竄距鄂之西

北邊至三四百里之遙道員梁作楫一軍僅二千五百人若令越境遠征則深入無繼本已難操勝算萬一賊蹤回竄四面抄襲必致糧路斷梗進退維谷臣等再四籌思與其謀遠而貽後來之憂何如守近而收自立之效現札飭梁作楫扼守陝西平利縣屬之關垵子地方以杜該逆回竄二竹之路兼令隨時派哨輪巡大甯縣

聖諭

二

屬之雞心嶺以防興房一路並令郎中李雲麟統兵馳赴鄖西之上津堡扼紮以固鄖郡門戶藉防爲勦布置似較周密至臣嚴樹森本應欽遵

諭旨迅赴鄖陽惟念臣之部將穆正春周鳳山王桐柏等現均統率所部扼紮黃州德安等處一以禦蘇常髮逆之上竄一以防皖豫捻匪之南侵

現准會國藩來咨忠侍等逆統帶悍賊號稱二十萬陸續渡江北犯窺伺鄂疆是下游軍事萬分喫緊又據報皖捻出巢西犯則德安邊防尤難鬆勁穆正春等各軍均防要地指日即有戰事未敢撤動此外楊朝林之駐麻城舒保之駐襄樊沈俊德之駐隨州邊境千數百里處處須防竟無一將一兵堪以抽調隨征隻身前往何

聖諭

三

濟於事臣等權衡緩急似暫未能赴鄖督勦且忠逆等係著名悍賊率衆至二十萬一經竄入鄂邊深慮穆正春等軍力尙單必須臣等馳往調度且俟下游軍事稍鬆彼時能否出鄖督辦另行詳察奏報

官文嚴樹森又奏言正月十八日欽奉

諭旨據兵部奏員外郎余上華呈請簡派重臣督辦

三省邊防飭臣等各舉所知迅速具奏臣等念此事關緊三省全局任重事繁必須文武兼資威略素著之大員方能調度各路將士操縱自如現在鄂省帶兵大員中實無其人堪勝斯任不敢妄舉近聞蜀中踞逆又回滇境川省軍務稍鬆或當移緩就急由四川督臣略秉章相機先撥勁旅如周達武等軍就近出川迎頭堵剿甚為便捷其三省如何合力會剿容咨商略秉章瑛瑛斟酌情形另行妥議具奏奏入

欽定剿平粵匪方略

卷三三五

上命議政王軍機大臣傳諭官文略秉章嚴樹森曰前因陝南軍事緊要諭令嚴樹森馳赴秦鄂交界督師進剿茲據奏稱盤踞竹谿之尾賊雖經道員梁作楫擊敗退往興安惟梁作楫一軍僅二千五百人越境遠征難操勝算且鄂省髮捻交乘疆事

孔急竟無一兵一將堪以抽調隨征所籌自係實在情形著照所擬即飭梁作楫李雲麟兩軍嚴扼二竹鄖西兩路邊隘藉防為剿以遏該逆回竄之路如下游軍事稍鬆兵力足敷抽調該督撫仍當於陝南軍務力籌兼顧無得稍分畛域惟興安踞逆分竄平利紫陽等處圍竄川境是陝南軍事甚急滋蔓堪虞前經疊諭略秉章飭令周達武一軍越境馳剿即著迅催就近入陝迅殄賊氛其四川界連平利甄坪之城口大甯等處並著嚴密防範以杜紛竄至員外郎余上華請派督辦三省邊務大員前已諭令官文略秉章瑛瑛等斟酌速奏現在官文等奏此事關緊三省全局鄂省現無堪膺斯選者川省軍務稍鬆正可先撥勁旅其如何合力會剿之處已咨商略秉章等再行具奏並著官

欽定剿平粵匪方略

卷三三五

文嚴樹森略乘章等迅速會議一面具奏免致稽遲

十七日癸巳馮子材魁玉奏言據探偽忠王李逆

由蘇州至金陵厚集徒眾亟謀北竄偽懷王周

逆暨偽漳王等由甯國糾黨萬餘馳至句容距

城十餘里之扎溪會同丹陽逆首偽效王於馬

陵附近之柏林村等處沿途築壘分黨抄糧一

聖皇聖略卷三十五

六

俟米石飽掠運往金陵即由九洲洲北渡臣等

聞報當派總兵張文德等各率精騎相機迎剿

總兵陶茂森馬步應之二月初五日官兵行抵

壇子廟哨探逆匪大股已由柏林村下竄張文

德思賊勢浩大且見東湖一帶黃旗掩映必有

埋伏即令本部扼橋以待楊青山分軍三路遊

擊湛恩榮等當其左參將楊安龍等當其右親

聖皇聖略卷三十五

七

督都司吳天興等直趨牧馬口地方該處卡館

林立擁護甚堅湛恩榮等飛騎陷敵手殲逆目

數名賊陣稍卻李耀光躍馬爭先直搗中堅我

軍無不以一當百當將牧馬口賊卡十餘處全

行焚燬維時東湖伏賊先經張文德派參將田

慶和等分投截剿陶茂森復率所部從旁夾擊

賊大潰西遁張文德等揮軍躡剿直過句容縣

境之薛村共斃賊二千有奇是役也西路之賊

雖經創敗而南路柏林村一帶賊營該逆首效

天義係偽英王陳玉城之叔所部皆敢死之眾

必須出其不意一大創之臣等詳密會商於初

六日仍派張文德楊青山為前敵是夜五鼓銜

枚疾馳總兵田宗揚陶茂森各率步軍直抵豐

樂山扼險憑高遙為聲勢初七日卯刻霧氣大

作張文德等謀知陳逆率眾數千均在柏林村築壘餘賊分踞豐村一帶該鎮等乘霧疾攻將士爭先馳驟如牆直進該逆排列迎敵勢極臨張楊青山督同楊安龍等首先衝突陣殪黃袍逆日多名古龍光見逆首兇悍料係效天義躍馬斬之賊眾錯愕向西南奔潰楊青山等乘勢奪毀柏林村逆壘直追至丹陽西門而止時豐

欽定剿平粵匪方略卷三三五



村和陽之賊意圖抄截張文德督飭參將田慶和等馳擊當將豐村等處一律掃平旋據探報偽懷王一股亦於初七八等日悉眾西遁據獲賊供是日之戰除偽效天義陳逆授首外其餘逆目伏誅者計數十名洵足以壯軍威而褫賊膽奏入
上命議政王軍機大臣傳諭馮子材魁玉曰鎮城為

瀕江要地此次逆首偽懷王等糾黨窺伺經張文德等追擊偽懷王雖已悉眾西遁難保不與丹陽各匪密圖報復馮子材等仍當激勵在防將士加意防勦毋得以賊鋒屢挫稍涉大意現在金陵賊勢日增上游九洲渡江之賊連日不絕鎮防關繫緊要該提督防守多年諒能斟酌機宜豫籌布置以副委任

欽定剿平粵匪方略卷三三五



十九日乙未左宗棠奏冒浦江諸暨等城經劉典攻克後逆賊何汝馨率黨三千餘人由紹興竄至徑撲城下高連陞等馳抵諸暨縣城督隊迎擊斃賊三四百名餘賊仍向紹興一路逃竄官軍正擬移紮城外適東陽永康敗匪萬餘人紛紛竄至高連陞等合兵縱擊大敗之劉典復率各營追至應店街斃賊數百名首逆戴三因官

軍追躡其後率黨由富陽西渡蔣益漴正飭劉清亮等規取紹興適接高連陞等稟稱紹興府城於正月二十六日經署提督葉炳忠等督率甯波諸軍收復賊由臨浦義橋渡江而遁其桐廬地方先有賊目賴姓踞守復添紹興敗匪萬餘於沿江修築石壘勢頗猖獗二十八日劉培元派水師副將楊政謨率三板師船駛往下游

聖朝聖學卷三十五

十一

該逆見官軍無多悉衆來撲經楊政謨督隊奮擊燒燬賊船百餘號將沿江賊壘一律焚燬是夜楊政謨會合魏喻義所部陸軍併力圍攻遂將桐廬縣城克復臣維紹郡既克浙東一律肅清桐廬克復上游全爲我有劉典一軍追賊已抵富陽縣境當杭州之西南距省城僅八十里蔣益漴所部高連陞熊建益等已飭由臨浦義

橋蕭山而前當杭州之南距省城亦不過百餘里若遂乘勝長驅杭州糧少城孤似亦無難速克惟粵逆譚星一股已由於潛昌化竄入皖南必將勾結太平石埭諸賊擾我後路臣前奏劉典一軍仍須由嚴赴徽爲肅清皖南之計正爲此也其黃呈忠等逆已由富陽渡江意在與首逆李秀城合犯江北查杭嘉湖均爲李秀城分地紹城克則杭城危李逆或以此暫輟北犯之謀亦未可定臣現飭蔣益漴率所部規取杭州臣所部除分駐金華外均隨臣進紮嚴郡而催劉典一軍仍由諸暨浦江回嚴州以漸向皖南其劉典回湘新募之勇計此時行過章門臣已飛飭江西廣信府暫行截留聽候劉典隨時調遣以固江右之防劉典未回嚴州之先臣已檄

劉培元前赴開化縣之馬金街會合王德榜一軍相機截剿再由臣軍撥兵扼紮淳安縣港口茶園以遏逋遂之衝一面檄飭各營勿貪克復省城之功勿憚江皖迂阻之勢將來杭州克復皖南肅清臣擬額懇

天恩勿論曾否克復省城總以殺賊之多寡爲勞績之高下一體錄敘以昭獎勵庶人心競奮大局

欽定剿平粵匪方略卷三十五

十三

易就救平所有克復各城尤爲出力之按察使劉典等請

旨分別給與獎敘以昭激勸

左宗棠又奏言浙江此次之變人物凋耗田土荒蕪現屆春耕之期民間農器毀棄殆盡耕牛百無一存籽種無從購覓殘黎喘息僅屬朝不保暮臣於去冬會籌補救十二條刊發各屬現

復籌採買籽種購辦耕牛招集鄰省農民來浙耕種冀將來或有生聚之望惟浙省被難地方極廣富紳早已遠徙臣軍所過地方每與統領各官分散錢米暫救目前然涓滴之施無裨大局現飭浙省徙居滬上各富紳速措巨款廣購米石運浙辦賑以救阡危而資撫恤

欽定剿平粵匪方略卷三十五

十三

同日沈葆楨奏言臣疊據各路探報浙東敗逆從於潛昌化竄入績溪並勾結太平大股聚於石埭大有西趨之勢建德爲之震動其後路蔓延昌化之冷水埠車盤嶺等處以窺淳遂查淳遂一帶已據左宗棠分兵駐紮並派臬司劉典援徽江西廣信一路可以無虞惟該逆若橫竄建德則與饒九處處接壤臣當飛飭段起等嚴扼景鎮王定國嚴扼湖口韓進春偵賊所向迎

頭截擊如韓進春拔營勦賊屈蟠卽由貴溪進
紫樂平以聯聲勢而固門戶均奏入

上命議政王軍機大臣傳諭左宗棠沈葆楨曰此次
浙東肅清若竟乘勝長驅杭城無難速克惟譚逆
一股已竄皖南必將勾結太平石埭諸賊擾我後
路左宗棠現飭劉典一軍回嚴以向皖南所辦甚
合機宜至檄飭各營勿貪克復省城之績勿憚江

聖學聖略卷三十五

十四

皖迂阻之勞將來總以殺賊多寡爲勞績之高下
尤屬洞中窺要並著隨時策勵各軍迅奏膚公同
膺懋賞現在浙東敗賊竄入績溪意圖西趨江西
建德饒九一路不可不豫爲之防沈葆楨已飭段
起等分投嚴扼並令韓進春偵賊迎擊卽著督飭
該員等嚴密防勦勿稍疏虞浙江此次之變吾民
顛沛流離千里赤地朝廷軫懷民瘼哀憫殊深左

宗棠現擬散錢煮粥拯救飢民招集流亡給資耕
種具見該撫能體朝廷德意惠我烝黎卽著勸令
富紳力措巨款廣購米石迅救阡危

上諭內閣曰浙江官軍自攻克浦江諸暨等城後左
宗棠復督飭水陸各軍將桐廬縣城克復辦理甚
爲得手仍著飭令劉典等分道進攻埽清全浙其
尤爲出力之浙江按察使劉典著交部從優議敘

聖學聖略卷三十五

十五

副將熊建益著賞給銳勇巴圖魯名號楊政謨著
賞給壯勇巴圖魯名號黃少春著賞給強勇巴圖
魯名號楊芳桂著賞給勤勇巴圖魯名號黃有功
著賞給振勇巴圖魯名號知府朱明亮著賞給衝
勇巴圖魯名號副將劉清亮著交軍機處記名遇
有總兵缺出請旨簡放並賞給靖勇巴圖魯名號
參將周廷瑞著以副將補用並賞給策勇巴圖魯

名號遊擊鄧受福著以參將補用並賞給技勇巴圖魯名號守備徐文秀著以遊擊補用並賞給卓勇巴圖魯名號都司李運榮著以參將補用並賞加副將銜翁桂秋著以遊擊補用並賞換花翎守備於朝貴著以遊擊補用賀國輝著以都司補用並賞加遊擊銜賞換花翎千總張志公著以都司補用並賞加遊擊銜賞戴花翎丁賢發王宗元均著以守備補用並賞加都司銜賞戴花翎五品軍功李世祥著以守備補用並賞加都司銜賞戴花翎已革守備王東林著開復原官以都司補用並賞加遊擊銜同知陳瑀著以知府補用並賞加道銜知縣吳作梁著免補本班以直隸州知州補用並賞加知府銜

二十日
丙申
毛鴻賓奏言查江忠義一軍疊經會

聖皇聖考卷三十五

七

國藩奏調赴皖因蓮塘股匪未平暫留粵西茲復欽奉

諭旨江忠義應否赴皖令臣酌度情形具奏臣維皖南鮑超一軍雖屢獲勝仗而糧路尙多梗阻甯國之金寶圩被賊攻破糧米充足悉爲賊有其石埭等縣賊勢亦未少衰昨准曾國藩來咨據曾國藩搜獲賊中僞文僞忠逆李秀城已調蘇

聖皇聖考卷三十五

七

州悍賊二十餘萬定於正月內渡江北竄分股下擾揚州上趨湖北又准左宗棠來緘浙中羣賊注意西竄計在擾江皖以撓浙軍後路目前浙江龍游湯溪蘭谿金華各城幸已先後克復議勦議守兵力愈形單薄且進兵旣深則後路更屬喫重臣維江皖鄂三省實爲東南樞紐若不速將皖賊掃蕩不獨江鄂可危卽金陵浙江

各大營懸軍深入皆有飢潰之虞此時諸路官軍勦辦皆稱得手然逆賊狡計百端斷不肯株守待斃設使皖鄂小有變動則全局又將決裂故曾國藩左宗棠皆亟盼江忠義迅速提軍前往臣細加考察潯州股匪有劉坤一易元泰等軍兩路會攻可期翦滅以粵省與皖較則大局之輕重懸殊以潯匪與大股逆賊較則事機之緩急迥異臣於緩急輕重情形既有所見不敢不據實縷陳伏候

聖裁奏八

聖

上命議政王軍機大臣傳諭曾國藩毛鴻賓曰據毛鴻賓奏廣西潯州股匪有劉坤一易元泰兩軍會合勦辦不至任令旁竄而皖省軍情緊要曾國藩等皆亟盼江忠義提軍前往著卽飭令江忠義馳

赴皖省並著曾國藩妥為調度何路緊急卽派往何處以資得手

同日兵部會同刑部奏言臣等恭奉

諭旨以近來各營武弁尙多狃於積習平日徒事嬉遊臨敵輒行退縮甚有文員衝鋒失利而武弁不肯救援遷延畏葸貽誤事機者

飭將各劣員應得處分罪名從嚴定擬臣等謹會同

刑部按照

聖

諭旨所指各條應得處分罪名查明律例公同酌覈分晰臚陳恭候

欽定奏八

上諭內閣曰前經通諭各營痛除積習並令兵部將臨敵退縮遇賊觀望等項劣員應得處分罪名從嚴定擬茲據該部會同刑部查明律例遵議章程

請旨遵行用兵以紀律爲先近來各省軍務未竣
其間文武同心協力折衝禦侮者固不乏人而各
營員弁狃於積習退縮不前遷延貽誤者尤屬不
少若不嚴定章程無以振軍心而昭炯戒著照所
請嗣後盜賊侵犯城池蹂躪地方帶兵員弁如有
畏葸觀望不前貽誤事機者卽照律定以斬監候
如係兵餉充足之區先期逃散者著照奏定章程

欽定剿平粵匪方略

三

請旨卽行正法如有盜賊入境及已奉調遣不能
星馳策應以致賊勢蔓延卽照律擬軍其有文員
當先陷陣而武弁擁兵坐視者卽照律斬監候請
旨卽行正法如有軍營武職日事恬嬉而不習軍
旅傲慢規避及擅離汛守者卽照例革職不准留
營如鄰境有賊帶兵員弁坐糜糧餉不妥籌堵禦
以致賊至潰散失守地方卽照例革職不准留營

仍從重發往軍臺新疆由該督撫及統兵大臣酌
覈情罪輕重定擬具奏其該管上司及原派上司
均照本例分別加等議處如聞鄰境警報將軍提
督以下各官不親身領兵馳往會剿託故遷延貽
誤事機者著照例加等革職不准留營至軍營帶
兵武職如有不能約束兵丁以致生事擾民殺傷
人命者除該兵丁照軍法從事外其帶兵員弁均

欽定剿平粵匪方略

三

照本例加等降三級調用不准抵銷經此次明定
章程之後各路統兵大臣及各直省督撫務當轉
飭所屬員弁一律遵照實力奉行儻仍蹈從前惡
習卽按現定章程據實叅辦以肅軍律

二十三日 己 嚴樹森奏目前奉

諭旨催 臣 出省西征籌防川粵交界等處 臣 念蘇常
髮逆與川粵各匪同爲鄂邊之患防皖防秦二

者並重而緩急之勢則迥不相侔與安府城業已收復踞逆竄擾漢陰石泉一帶距鄂省西北邊界已四五百里而遙現據各路探報僉謂偽忠賀等逆業由九洲洲陸續渡江意在假道皖北竄擾鄂疆截斷江皖各軍糧路牽掣鄂省兵力圖解金陵之圍是皖事之急十倍於秦也目下鄂邊雖幸安堵而軍情變幻且夕異宜設髮

聖訓

三

聖訓

逆乘隙上犯深慮兵力單薄收拾為難臣部將領穆正春王桐柏現各率所部駐紮黃州府屬之上巴河該處四通八達為黃郡扼要之區如果賊犯鄂疆指日即有戰事周鳳山一軍現駐應山城外以防皖豫擒匪臣若出省駐紮秦楚適中之地則必將穆正春王桐柏等軍隨帶前往而黃德各屬門戶洞開萬一賊蹤乘虛闖入

聖訓

三

聖訓

大局何堪設想此外如楊朝林之駐麻城舒保歐陽正塘之駐襄樊沈俊德之駐隨州均屬要地實無一兵一將堪以抽撥隨征臣與督臣官文詳審緩急鄂省西路邊防情形較鬆而東北兩路正值萬分喫緊不能不先其所急必俟李續宜抵皖後由舒桐一路進兵皖防稍穩始能移師謀陝藉以自固藩籬屆時臣當一面奏聞一面調派勁旅督率西行取道德安隨棗襄樊一帶查閱邊防再行酌度情形相機勦辦奏入上諭曰覽奏均悉著即遵照前次諭旨嚴防斬黃一帶暫緩前赴陝省

二十四日 庚子 李續宜奏言 臣欽奉

諭旨准賞假四十日假滿後迅速起程仰見聖慈體恤無微不至伏念臣自上年九月奔喪到籍

適皖省軍情喫緊

廷旨敦促赴皖

聖度如天不責臣以稽延之罪復蒙

賞假四十日本月十三日續假之期亦滿本應迅速

起程顧念臣母新墳負土未乾臣父亦久病未

愈依戀私情固結莫解近接皖省來函軍情平

穩額懇

欽定剿平粵匪方略

卷三五

恩施逾格寬展行期二十餘日曲遂孺慕私忱謹以

三月初十日自籍起程江行順利計一月內外

可抵皖省軍營惟墨經從戎垂諸古訓又復重

以

朝命臣亦何敢固辭但以兢兢在疚之身統屬百僚

不特臣心未安亦且有干清議况臣沈痾初起

卽專力軍營殫精竭慮猶恐不支若以地方軍

務萃於一身必至精神委頓兩無裨益伏乞

聖恩開臣安徽巡撫之缺既惟臣苦衷亦可維持風

教臣無任激切惶悚待

命之至奏入

上命議政王軍機大臣傳諭李績宜曰李績宜假期

已滿因父病未愈請寬限二十日於三月初十日

起程著卽迅速起程赴皖該省髮捻交乘軍情緊

欽定剿平粵匪方略

卷三五

急該署撫必須早赴新任毋稍延緩至軍務與地

方應辦事宜必須聯爲一氣始能收臂指之效李

績宜請開皖撫之缺專辦軍務誠恐事權分屬或

致呼應不靈於軍務地方轉無裨益李績宜惟當

身任其難力圖報稱以副委任

欽定剿平粵匪方略卷三百三十六 癸亥年

二月二十七日 卯 癸 都興阿富明阿奏言查逆匪

大股竄渡以來愈聚愈多攻打江浦縣甚緊六

邑以西水家灣劉家圩瓜埠均有股逆窺伺旋

卽竄陷江浦縣城前李世忠調赴蔣壩各隊是

否已回原營無從探悉防場一軍前後兼顧分

布甚廣兵力實難遠及現在六合危急未知曾

剿平粵匪方略卷三十六

一

否布置當派副將刁經明馳赴六境密查該處

防務並探官兵戰守情形相機辦理至儀徵地

處揚六之間實爲揚防西路門戶乃其城垣屢

遭兵燹殘缺破壞城南泗源溝江岸一帶濱臨

大江有險可守爲瓜州三汊河咽喉要隘前令

層啟綸撥勇駐紮以固沿江險要本月十一日

聞賊有竄近東溝之信該處僅留參將戴錦芳

帶勇四百名駐守兵力甚單揚防兵勇刻下亦

難再撥 臣 查看形勢必須添築營壘挑挖長濠

方臻穩固遂令層啟綸會同江甯府儀徵縣各

地方官募勇四五百名權歸戴錦芳節制前飭

馬隊翼長杜嘎爾時常帶隊查看地勢豫爲防

範自上月以來逐日操練馬隊人數雖單士氣

尙壯遠探近防均稱靈便聞該逆專用炸礮攻

剿平粵匪方略卷三十六

二

營又善挖地道轟陷營壘當飭各營於營牆內

趕築夾牆一道營中隙地挑挖穴穿多備土袋

以防詭計

都興阿又奏言揚防上下游江路縣長前經派

定統領分設地段統歸吳全美節制調度嗣因

下游沿江喫重四墩子等處有長髮難民屯聚

經吳全美督率礮船駐紮八圩港盤查安撫並

將沿江各口相機釘堵嗣據稟稱前次逃出難民業已紛紛回波靖泰一帶已照常安靜臣遂將派紮泰興之副將劉成元三營兵勇調回原防嗣吳全美聞上游通江關各處警急連夜駛回瓜州分布策應又聞李鴻章所派各軍進剿福山逆賊退走我軍正欲入城安營詎逆黨甚多又復併力來爭勢難支持福山仍爲賊踞又

欽定剿平粵匪方略卷三十六

三

據報總兵郭定猷督帶師船趕至福山策應不意狂風大起致將紅單船大桅吹倒擊沈拖帶大船一隻沈失礙位十三尊狼福山江面本極遼闊遇有狂風狂浪實非人力所能設施所有擊沈礙划當飭趕緊修整沈失礙位設法撈獲以資攻剿奏入

上命議政王軍機大臣傳諭曾國藩都興阿富明阿

吳棠唐訓方日前因江浦等處防務喫緊諭令曾國藩督飭李世忠實力防守茲據都興阿等奏稱賊勢大股北趨竄陷江浦縣城李世忠何以未聞派一旅之師迎頭攔截著曾國藩傳旨嚴行申飭並檄令懷遵前旨將衡陽各隊兵勇調回防所責令將江浦縣城迅圖克復並嚴防江口不得再令匪蹤偷渡江浦既陷六合可危既據該將軍等派

欽定剿平粵匪方略卷三十六

四

令刁經明前往查探卽著相機設法策應揚防關緊緊要裏下河一帶尤係完善富庶久爲該逆垂涎都興阿富明阿現在竭力專顧揚防恐賊衆明攻揚州而乘虛分股直竄裏下河尤不可以不防著都興阿等相機妥籌兼顧務令該處有備無患並著吳棠仍遵前旨督飭在防兵勇實力布置防範福山船隻遭風礙划沈失著都興阿飭令郭定

猷等趕緊撈修以利攻勦現在和舍等城尙未克復該逆既陷江浦勢必駸駸上犯唐訓方雖已赴蒙城會辦善後仍須酌派勁軍遏勦毋令匪勢西趨益致延蔓皖省江北軍情同時喫緊兵力不敷分布並著曾國藩飛咨毛鴻賓催令江忠義迅率所部前赴該大臣軍營聽候調撥再據都興阿奏前次逃出長髮難民業已紛紛回渡靖泰一帶照常安靜等語既係逃出難民何以又復回渡江南行蹤殊屬可疑著都興阿富明阿吳棠派員確切查明如有續來者務須嚴究來歷分別妥辦毋墮奸計

二十八日甲辰曾國藩奏言臣親赴前敵各軍查

閱營伍正月二十八日乘舟下駛行過池州大通聞蕪湖金柱關軍情喫緊次日起至蕪湖周

歷城壘旋赴裕溪口適彭玉麟由東西梁山駛赴金柱關晤悉僞侍王連日撲犯該處官軍連次獲勝二月初五日行抵烏江水營與提臣楊岳斌同至金陵之大勝關次日入雨花臺營盤逐段查閱均尙穩固壘據探報忠逆之黨僞愛王黃崇發僞顧王吳如哮等股續渡九洲二十七以後屢撲李世忠部將陳自明營盤至初二夜失陷初三早浦口繼陷該逆遂分撲江浦橋林城壘勢甚猖獗聞將先竄西梁山裕溪口再犯無爲廬州等語又據甯郡各軍稟報廟埠等處之賊分小股逼近郡城劉松山出城迎勦擒斬多名而大股由敬亭山趨併楊柳鋪圍撲鮑超老營鮑超督率諸將分路出擊大獲全勝旋即收復西河其小淮甯馬家園等處賊壘亦

經王可陞率師掃蕩鮑超乘勝進攻又將紅楊樹高嶺梅嶺竹塘仰賢圩麒麟山各壘全行平毀其灣沚一股經水師擊退綜計甯郡西南北三面百餘里之賊一律掃除惟水陽鎮金寶圩尙未克復自去秋以來奇險疊生仰託

聖主鴻福轉危爲安臣以南岸局勢較鬆調駐防三山之劉連捷三營北渡無爲州與毛有銘協守

欽定剿平粵匪方略卷三十六

七

石澗埠調駐防寒亭之梁美材三營北渡廬州與石清吉協守郡城曾國荃亦撥熊登武等營添紮東西梁山以保要隘惟巢含以上地勢寬曠賊數衆多目前兵力單薄未敢浪戰必俟李續宜銷假回任江忠義由湘東來乃能會剿皖北由巢含迤邐而下至九洲以清北岸逆氛至石埭太平之賊於二月初一日竄至黟縣旋

卽退出嶺外於潛昌化之賊初三日竄近徽郡

唐義訓迎擊獲勝此兩股意圖內犯江西能否

堵截尙無把握臣將金陵戰守事宜商定卽赴

九洲洲相度地勢回舟西上仍往蕪湖裕溪無

爲一帶詳加察看如果巢賊上竄自當兼程回

省以固根本要地聞李世忠親赴五河所有浦

口九洲洲失陷情形尙未接其咨報卽甯國徽

欽定剿平粵匪方略卷三十六

八

州金柱關三處大捷亦未據該軍詳報奏入

上命議政王軍機大臣傳諭曾國藩曰浦口江浦被

陷李世忠自應親督兵勇認真防剿何以遠駐五

河任令匪蹤竄擾昨經諭令該大臣傳旨申飭並

檄令調回衡陽各隊兵勇將江浦縣城迅圖克復

著卽懷遵前旨飭令李世忠親赴前敵奮勉圖功

倘仍前貽誤卽行據實參奏該大臣赴九洲洲後

著將詳細情形及如何辦理之處趕緊具奏甯國等處獲勝情形查明速奏李續宜江忠義均已疊次催令赴皖該大臣卽派弁迎探會商勦辦總期上下游一律穩固迅奏膚公

同日耆齡奏言東陽賊遁之後同知韓承恩督飭民團及廩生李鏐之勇入城駐紮正月十六日突有逆匪五六千人由南鄉來撲民團力單

聖朝聖學卷三十六

九

未能抵禦退紮巍山十八日韓承恩復催調民團與都司楊應龍之勇合力進逼賊出西北二門而逃當將東陽縣城收復諸暨之賊經浙師分路追勦該匪於二十二日由北門退去浙江臬司劉典乘機克復縣城浙江藩司蔣益澧所派總兵高連陞知府康國器所派知縣康熊飛接踵入城二十三等日紹郡逆匪兩次

來撲均經劉典高連陞等擊卻臣以諸暨賊遁紹郡城賊必無固志飛飭知府康國器等各軍會合攻勦旋據探報紹興府城已於正月二十六日經甯波各軍克復蕭山踞賊亦同時渡江由富陽分水竄往徽州浙東肅清並接左宗棠來函桐廬亦已收復惟皖南喫緊已調各軍馳赴徽州防勦親率大隊移紮嚴州策應囑將援師分紮東陽義烏等處查紹郡旣已克復康國器等各勇自可無須前進東陽永康先經調派總兵周萬遠分紮防守應再飭令林文察一軍仍駐武義左宗棠所部多已調往徽嚴二郡蘭谿一岸兵力稍單臣現飭康國器等移紮蘭谿以資防守萬一竄徽之賊由遂安開化窺伺衢州廣信偏近閩邊亦可就近抽調堵禦將來徽

聖朝聖學卷三十六

十

防穩固浙師自由徽嚴分路而進攻勦分水富陽等縣以薄杭城西南臣擬卽循江而下駐紮蕭山一帶進攻杭城東面分兵規取海甯海鹽聯絡上海官軍圖攻嘉興使蘇杭賊勢中斷不一能在于援應俾易得手奏入

上命議政王軍機大臣傳諭耆齡左宗棠曰浙東軍務得手杭城不難乘勢攻復惟逆首譚星一股由

欽定剿平粵匪方略卷三十六

十一

於潛昌化竄入皖南必將勾結太平石埭諸賊爲患逆首黃呈忠亦由富陽渡江欲與李秀城合勢北犯左宗棠飭令蔣益澧規取杭州而催劉典一軍回嚴以向皖南並飭劉培元等軍會合開化相機截勦及分紮滄遂之衝茲據耆齡所奏亦稱蕭山路賊渡江已由富陽分水竄往徽州此時皖南及江西之廣饒到處皆虞分竄卽閩浙交界處所

亦不可不豫爲之防浙西地方如何規復一時尙難豫定耆齡若移紮蕭山進規杭城則與福建江西皖南相距寬遠設浙西之賊窺伺福建等省必致援救莫及耆齡總宜仍駐浦城嚴扼要隘所有閩軍進止機宜隨時與左宗棠會籌妥辦毋稍疏虞

欽定剿平粵匪方略卷三十六

十一

上諭內閣曰浙省惟衢州府一城未經失陷其餘各郡邑均爲賊踞年餘以來地方百姓慘遭荼毒節經耆齡左宗棠各督所部官軍由閩皖分道進兵將各府州縣次第克復浙東已就肅清前據左宗棠奏稱浙東人物凋敝田土荒蕪殘黎喘息僅屬閱之殊堪哀憫吾民何辜罹此慘酷所有浙東新復各府州縣地方著加恩蠲免二年錢漕以蘇民困

二十九日^{乙巳}略秉章奏言疊奉

諭旨以陝南軍務緊急飭臣分兵援剿並以毛震壽

師久無功令臣等各舉知兵大員藉資接辦查

川省各股滇匪雖已蕩平而石逆自橫江敗遁

滇境近復自雲南大關分竄川界珙縣等處仍

圖竄擾敘南該處雖有臬司劉嶽昭一軍並有

湘果三軍分扼橫江屏山密布金江沿岸防賊

聖朝聖略卷三十六

十三

回渡而該逆復分股雲南鎮雄趨向興文敘永

一帶意圖牽掣臣已飛調重慶鎮唐友耕率部

截剿以固瀘渝藩籬乃中旗一股自窪烏司上

竄意欲直撲甯遠府城至河西地方臣當撥總

兵朱桂秋帶勇馳剿並經署建昌鎮文陞甯遠

府知府李祐分道迎擊將河西收復賊匪敗退

德昌是石逆假徑滇黔往來奔突實則注意蜀

疆多方牽綴欲以全力乘我之懈川南自甯遠

以至綦江上下數千里間節節不能鬆勁兵力

萬難抽調而偽扶王陳逆等既陷興安蔓延於

平利輒坪紫陽石泉西鄉等處在在皆與川境

毗連不惟陝南可慮實亦川北之憂必須速翦

此寇以弭川陝巨患但川北僅有嚮導營川勇

二千餘名現分布城口太平兩處要隘臣復由

聖朝聖略卷三十六

十四

省抽派護軍營楚勇二千餘名馳赴保甯兼顧

通江廣元以備堵剿祇此兩軍分防川境實形

單薄雖有總兵周達武一營較為得力現駐渠

縣居保甯綏定適中之地為上下策應之師然

所部亦僅二千人遽令越境進剿賊眾兵單難

操必勝若令會合嚮導護軍兩營併力趨陝設

賊以另股繞竄川疆無兵堵禦恐陝南未就肅

清川北已被肆擾且恐統師乏人事權莫屬儘
有稍挫賊勢益張誠如

聖諭必得知兵大員統屬各營方足以操勝算而川
省文武大員知兵者甚難其選惟查有候選員
外郎李雲麟抱負瑰異昔年帶勇駐紮襄樊紀
律甚嚴現在鄂省臣昨咨調令其帶隊來川卽
令在川增募三五千入自成一軍再由臣酌撥

欽定剿平粵匪方略卷三十六

十五

數營歸其節制奏請

飭令接辦陝南軍務以專責成是否可行伏候

聖鑒

駱秉章又奏言查興漢爲南山阻奧之區川陝
楚三省連界儘使髮逆盤踞其間此擊彼竄則
三省邊防無日不形喫緊必得三省會勦方足
制其死命惟陝省回逆未平不能南顧而蜀中

石逆奔突亦難分兵北征惟湖北尙無寇氛儘
撫臣嚴樹森酌量情形能遵

諭旨親率梁作楫李雲麟等軍馳赴陝南居中督辦
再由臣酌派數營聽其調遣其毛震壽一軍裁
留數營併歸嚴樹森節制是三省用兵事權歸
一無須更謀知兵大員而陝南軍務自當日有
起色矣奏入

欽定剿平粵匪方略卷三十六

十六

上命議政王軍機大臣傳諭官文駱秉章嚴樹森曰
石逆自橫江敗遁滇境近復自雲南大關鎮雄竄
及川省之珙縣高縣興文敘永一帶分股自窪烏
司竄撲甯遠是其假徑滇黔往復奔突實則注意
蜀疆川南自甯遠以至綦江數千里間節節須防
兵力勢難抽調而陝省竄陷興安之陳逆股匪蔓
延於平利鞏坪紫陽等處所在與川境毗連川北

僅有護軍總導兩營防勦總兵周達武一營現駐渠縣爲保甯綏定適中之地上下策應所部僅二千人刻難責令越境進勦尙屬實在情形陝南軍務孔亟略乘章擬令員外郎李雲麟帶兵赴陝李雲麟前經官文等奏飭令與梁作楫兩軍嚴扼鄖西二竹以防爲勦此時如鄖西一帶防務稍鬆著官文等卽飭該員就近越勦並將梁作楫之軍一

欽定四庫全書

七

同派往以厚兵力三省會勦之事前本以興漢地方緊要諭令嚴樹森帶兵出省馳赴秦鄂交界督辦嗣據官文嚴樹森奏自梁作楫一軍而外穆正春等扼紮黃州德安等處嚴樹森並無一兵一將堪以抽調隨征現尙未能督師援陝所籌諒亦實在情形惟興漢爲南山要區川陝楚三省連界誠恐羣醜日久蔓延爲害日深官文略乘章嚴樹森

等均能素顧大局鄂省兵力如有可分仍著隨時妥籌兼顧卽周達武一軍川省但能騰挪仍著略乘章飭令赴陝以期得力總之陝省力難自振漢南軍務紛如必得川楚兩省協力相資方冀廓清有日也石逆窺竄敘南等處甚爲喫緊著略乘章督飭臬司劉嶽昭總兵唐友耕等各軍實力防勦毋稍疏虞

欽定四庫全書

七

同日李鴻章奏言准黃翼升函稱我軍從福山上游五里之西洋港上岸紮營連破賊卡正月二十一日潘鼎新等各率所部分三路進勦遇賊於同觀山之北我軍奮力衝突適僞聽王大股來援因賊勢過衆漸不能支且戰且退是時我軍各營列於福山芳家山等處該逆分兩股來撲潘鼎新等揮軍接仗賊隊少卻乃聽逆大

股由西路回抄直趨海塘已包鼎字營之後我軍拚死突圍而出撤隊回營黃翼升親督水師由廟後兜截將賊擊退二十三日我軍各營進紮於蘆浦港口之西南跨海塘爲壘營壘未成而賊已出隊一股由東路撲銘樹新營劉銘傳施放炸彈斃賊無數一股乃僞聽王親率悍賊直犯銘樹舊營經遊擊董鳳高開礮擊退遂分犯鼎得兩營牆內槍礮齊施賊猶抵死不退潘鼎新張遇春潛出小隊以洋槍擊斃執旗老賊賊始稍卻我軍併力追過海塘該逆向繆橋田莊一帶退去是日殺賊數百人黃翼升等各帶師船將岸邊之賊殲斃甚多二十五日鼎有得等營亦皆移紮蘆浦港之兩岸二月初四日參將李恆嵩督帶常勝軍千餘名駛抵福山我軍

俱拔營進紮與賊壘相去不及半里常勝軍以礮車推往施放將賊壘轟塌丈餘斃賊不少各營出隊猛撲水師由廟後上岸列隊海塘攻其別壘正在酣戰間常熟城外援賊踵至一股倚賊營爲陣一股攻鼎樹有新營一股分上同觀山塔山窺我後路劉銘傳帶小隊衝上茅家山擊退同觀山之賊張樹珊列隊海塘以防塔山之賊相持至暮賊各回巢我軍亦卽收隊此正月二十一二二十四二月初五等日我軍會攻福山連戰獲勝之情形也臣兩次接到常昭城內帛書據稱正月二十八日該逆以大礮轟倒東門城牆二三丈賊卽乘勢爬城周興隆駱國忠等極力堵住復添來悍賊數千各帶雲梯數百具圍聚西山意欲緣城而上亦經將士開礮抵

住其夜該逆在小東門外河下搭造浮橋並於對岸築卡安置大礮轟我城牆次日該逆在大北門外添卡四座潛在相近河岸開挖地道聞僞忠王帶賊衆十餘萬由江甯來攻常熟不日卽到情形極爲危急程學啟等進紮崑太之交相度形勢以蓬南鎮爲賊來往要隘欲於該鎮添築石城以遏竄路卽督飭各營勇夫備築蓬南石城分派各營堵禦太倉崑山之賊自帶小隊由蓬南前往太倉進探地勢忽見逆匪千餘纒擁而來當卽扼要轟擊未分勝敗復令槍船依傍旱隊開放槍礮立斃黃衣賊目二名斬獲悍賊數十名生擒八名被傷落水者不計其數追至太倉西門次日復督各營照舊興工該逆千餘名船百餘號由六葭濱進竄程學啟調洋

槍小隊並水師船由大通橋至六葭濱揮兵進擊該逆不意我軍之至卽行奔潰程學啟自督小隊跟蹤追剿擒斬百數十名燒燬賊船二十餘隻其蓬南石營告成後派知府符信帶兵守之太倉賊股連日分出東北竄竄亦經李鴻章派隊擊回查常昭縣城雖經降衆同心固守惟忠聽各股援賊攻圍兩月有餘連營數十里我軍水陸不過四五千入竭力攻打實虞衆寡不敵常勝軍自在太倉敗挫銳氣未復近復添買槍礮軍火剋日馳往福山協力援剿未知常昭降衆能否苦守以待之太倉崑山兩城爲蘇州門戶賊所必爭地勢旣難於進偏兵力亦絀於兼顧現忠逆由金陵回竄兼之金華紹興新復浙東全境肅清侍逆亦無駐足之所數十萬悍

賊縱橫蘇杭數百里間臣軍頗形喫重兵單地
廣在在堪虞所望上游新募水陸各營陸續齊
到分路布置庶可漸圖得手奏入

上命議政王軍機大臣傳諭李鴻章曰常昭縣城雖
經周興隆等同心固守而忠聽各股援賊圍攻兩
月有餘若非迅速救援恐常昭必致復陷且此次
周興隆等若因援絕受害則以後真心反正自拔

欽定剿平粵匪方略卷三十六

三

來歸者未免中存疑懼著李鴻章督飭水陸各軍
分路進兵設法救援務使常昭縣城得以保全方
爲妥善太倉崑山爲蘇州門戶極關緊要現在蓬
南石營旣已築成官軍業經追至崑太城下雖該
逆勢甚兇悍抵死抗拒我軍已有難再撤退之勢
著李鴻章督率程學啟等步步爲營以圖進取務
將戰守事宜妥籌辦理迅拔崑太以通救援常昭

之路

欽定剿平粵匪方略卷三十六

三

欽定剿平粵匪方略卷三百三十七 癸亥年

三月初三日 己酉 嚴樹森奏言查興安踞匪向西

遁竄距鄂省西北邊界已遠西路防務稍鬆而

下游軍情正值喫緊現據探報忠逆糾合大股

業由九洲陸續渡江復分兩股一竄六合一

竄和含其據糧之賊已至廬州之柘皋店準一

帶又據探報李世忠駐防九洲營壘被賊攻

剿平粵匪方略卷三百三十七

一

陷現在圍撲江浦橋林並欲猛撲西梁山裕溪

口再行撲犯無慮等語是其蓄志上犯圖擾鄂

疆已可概見安慶已有重兵該逆或捨安慶而

直趨舒廬之交自桐潛太以迄六英霍等處數

百里空虛路路喫重署安徽撫 臣李續宜尙無

起程之信 臣部將領穆正春王桐柏等現在各

率所部扼駐黃州府屬之上巴河雖疊據稟報

布置嚴密所慮兵單地廣士卒久役生疲必得

親歷行間加意拊循如果賊犯鄂疆指日卽有

戰事與其臨事周章何如先期籌度使賊知我

有備或可稍杜其覬覦之心而皖北前敵諸軍

知我後路益兵增防亦可藉壯聲勢於防剿事

宜不無裨益 臣與督 臣官文再四籌商擬留親

軍兩營駐紮省郊 臣卽隨帶親軍馬隊自省起

剿平粵匪方略卷三百三十七

二

程馳赴上巴河行營親督布置俟李續宜抵皖

後進紮舒桐皖防穩固 臣卽取道麻城德隨一

帶查閱營壘指授防檢機宜彼時如西路無警

臣卽折回省垣照常辦事奏入

上命議政王軍機大臣傳諭官文嚴樹森曰前因皖

北軍情喫緊已令嚴樹森暫緩興漢之行現在舒

廬潛太一帶處處空虛鄂防甚關緊要該撫已起

程親赴黃州府屬之上巴河查閱前敵營壘卽著
妥爲布置飭令駐紮之穆正春王桐柏等督率各
軍嚴密防範無稍疏虞並一面知照李續宜迅速
起程赴皖相機防剿毋再延誤

初七日癸丑曾國藩奏言臣行抵金陵後於二月

十五日由大勝關赴九洲該處江路狹隘與
南岸草窠峽列壘對峙次日回舟西上入金柱

欽定剿平粵匪方略卷三十七

三

關小河查閱龍山橋三汊河查家灣等處十九
至二十六等日由東西梁山入裕溪口小河查
閱雍家鎮運漕石澗埠無爲州等處二十三日
由神塘河出江現在舟抵大通不日卽可旋省
北岸之賊十六日續陷江浦縣城新河口營壘
迤邐西竄徘徊於巢含全椒之間未遽深入其
僞忠王蹤跡據李鴻章函稱該會因浙東肅清

調集羣賊併守杭省而自留蘇州未出據蕭慶
衍稟稱該逆實已北渡於十三日入巢縣城各
路生擒賊供僞天王令忠會力攻西梁無爲州
圖取廬州和州之米令侍會力攻蕪湖金柱關
圖取甯國太平之米欲還昔歲之舊觀以保金
陵之巢穴各等語逆謀詭秘無從測度臣所謂
劉連捷三營已到石澗埠與毛有銘共紮十一

欽定剿平粵匪方略卷三十七

四

營地勢寬曠尙嫌兵單此外西梁運漕無爲廬
州等處亦僅力能自固非俟李續宜江忠義到
皖難以輕進南岸自甯國屢捷後惟金柱關侍
逆一股爭戰不休初一至十六等日連次猛撲
查家灣該逆雖大受懲創我軍亦屢有傷亡正
擬令鮑超攻取金寶清進剿東壩以固皖南之
藩籬而抄侍逆之後路乃徽州青陽兩處連日

警報頻至石埭之賊黃汝金古濠賢等併犯青陽太平之賊分竄徽州各嶺又有花旗譚星兩股由浙江敗回屬集徽境初三日唐義訓擊退歙南一路其東北兩路愈來愈眾繞過郡城之西十五日唐義訓帶隊出勦頗有擒斬而別股從黃山南來猛撲休甯縣城唐義訓以休城僅留三營不敷守禦添派王華雲一營入城協守

聖朝聖略卷三十七

五

至祁夥一帶王文瑞擊退竄擾石坑南湖之賊其大洪禾成等嶺時有逆蹤窺伺防不勝防臣本擬令朱品隆回援徽州因青陽喫緊該軍不能抽動不得已令鮑超暫緩東壩之行先從南陵馳救青陽以解目前之急左宗棠肅清浙東卽慮敗逆回竄皖南亦派劉典一軍援應徽州羣逆皆窮餓之餘無巢可歸蓄意闖入善地就

食江西若徽休青陽等城倖得保全該逆或由祁西以竄饒景或由歙南以竄婺源均爲江西北邊之患臣時時兢惕並函告沈葆楨豫爲防範合力維持

會國藩又奏言臣巡閱諸軍詳觀賊勢攬南北之形勝察天人之徵應竊以爲有可懼者數端而可喜者亦有數端自池州以下兩岸難民皆

聖朝聖略卷三十七

六

避居江心洲渚之上編葦緝茅棚高三尺壯者被擄老幼相攜草根掘盡則食其所親之肉風雨悲嘆死亡枕藉二月十五日大勝關江濱失火茅棚數千頃刻灰燼哭聲震野苦求賑恤他處蘆棚叢雜亦往往一炬萬命徽池甯國等屬黃茅白骨或竟日不逢一人又聞蘇浙之田多未耕種羣賊無所得食故壹意圖竄江西並窺

伺皖浙已復之區平民無所得食弱者轉徙溝壑黠者則從賊以偷生日夕黨與無定長會長無定謀誠恐變爲流賊更難收拾而諸僞王中如李侍夔失金華楊輔青失甯國黃汝金失蕪湖古澧贛失青陽劉官方失池州巢穴雖破醜類尙多其意怏怏不甚服僞天王僞忠王之調度其行徑亦與流賊相近恐其竄入裏下河以

欽定剿平粵匪方略卷三十七

七

據場鹽之利此皆可懼之端也粵匪初興蟲有條理頗能禁止姦淫以安裏脅之衆聽其耕種以安占踞之地民間耕種與賊各分其半取江南數郡之糧運出金柱關取江北數郡之糧運出裕溪口並輸金陵和春等雖合圍城外而賊匪仍擅長江之利掘不竭之源傍江人民亦且安之若素今則民間賊至痛憾椎心男婦逃避

煙火斷絕賊行無人之境猶魚處無水之地必窮之道豈有能久之理而東南要隘如安慶蕪湖廬州甯國東西梁山金柱關裕溪口暨浙之金華紹興此皆山川筋脈必爭之地但求此數處不至再失終足以制該逆之死命昔年粵賊所至築壘如城掘濠如川堅深無匹近亦日就草率而官軍修壘濬濠今實遠勝於昔賊中羣

欽定剿平粵匪方略卷三十七

八

酋受封至九十餘王之多各爭雄長苦樂不均敗不相救而官軍仰承聖謨三江兩湖水陸各營頗能和衷共濟呼應靈通至百姓仰戴皇仁淪肌浹髓雖臣等撫綏無術治軍無效斯民久陷水火之中曾不一聞怨咨之語翹首而望平寇擊壤而謠吾

君意者民心所在天佑孔長凡此皆可喜之端也夫
竊號巨股變為流賊昔

文宗顯皇帝常慮及之但冀金陵蘇杭三處有一二克
復即當大赦羣會廣為招撫以庶幾赤眉百萬
同日納降之盛軌奏入

上命議政王軍機大臣傳諭會國藩都興阿富明阿
吳棠曰逆賊續陷江浦縣城新河口營壘迤邐西

聖朝聖略卷三十七

九

聖朝聖略卷三十七

十

竄巢含全椒之間九狀洲逆壘尙未攻克賊蹤紛
竄江北時切隱憂會國藩所奏賊將分黨一攻西
梁山無為州以取廬和之米一攻蕪湖金柱關以
取甯太之米欲還賊踞舊地以保金陵巢穴逆情
詭祕不可不防至金柱關徽州青陽休甯紛紛告
警該大臣已令鮑超等軍分道馳援著即與左宗
棠所派劉典之軍會合攻剿保全徽境並與江省

隨時聯絡以杜賊黨竄越之路其劉連捷毛有銘
等營分紮地面甚寬務與西梁山運漕鎮及無為
州廬州竭力固守俟李續宜江忠義到皖兵力較
厚再行相機進取至池州兩岸及西梁山大勝關
等處難民編葦而棲析骸以食死亡灰燼之餘不
堪目擊等情閱之殊深憫惻如有可為倡率捐賑
之處即著該大臣酌量辦理以甦殘喘其賊中乏
食及羣會漸不相能勢將變為流賊更難收拾原
在意計之中若無撫綏安定之方終是不了之局
此時惟有將皖南北已克各要地嚴密守備毋令
復為賊有仍俟李續宜江忠義到皖再圖節節進
取至所稱逆賊日將渙散其如何招撫之處該大
臣諒已早有辦法刻下賊勢既形渙散即可乘機
辦理不必待金陵克復以後饒景葵源賊蹤必將

竄擾該大臣已知照沈葆楨豫爲防範諒該撫必能以全力共維危局惟裏下河一帶係江北膏腴賊所垂涎屢經諭令都興阿富明阿吳棠竭力防維諒能不致疏懈該大臣如有所見仍著飛速知照都興阿等俾得先事綢繆保全完善

初八日甲寅沈葆楨奏言據道員王文瑞稟稱石

太分竄嶺內之賊自二月初一等日經總兵丁

欽定剿平粵匪方略卷三十七

十一

長勝等在黟縣擊退後旋由太平之橫潭石埭

之余溪蔓延米坑藍湖一帶初九日續添石埭

踞匪將由大洪禾成兩嶺竄犯祁北經該道派

令賀章彬出嶺截剿大獲勝仗斃賊千餘名解

散甚夥查該逆圖犯江境已非一日經此次懲

創雖足稍戢賊氛惟屢接各路探報徽郡之東

北朱村洪村及北路之楊村黃山等處賊氛徧

布逆會劉憑玉陳四性擁衆數萬皆由浙之於

潛昌化陸續入徽一過績溪偏近深渡一由徽

郡歸併太平糧匱賊多希圖乘隙紛竄現計浙

江臬司劉典榮將由嚴入徽其由江赴浙助剿

之長左營王德榜一軍亦經浙江撫臣左宗棠

飭回江省協防三月初開可抵景鎮饒防兵力

尙足支持臣惟有諄飭各軍嚴密扼守以杜竄

欽定剿平粵匪方略卷三十七

十二

越而固門戶奏八

上命議政王軍機大臣傳諭沈葆楨曰昨據曾國藩

奏浙東之匪無巢可歸蓄意就食江西該大臣榮

經函致該撫豫爲防範卽著速飭各路帶兵員弁

認真扼截毋令闖入善地撫郡爲饒廣後路聲援

且係省垣門戶最關緊要該撫仍當妥爲布置以

備不虞毋專恃景鎮饒防致有疏失

初九日^{乙卯}瑛瑛奏言查髮逆五六萬衆自興安竄出圍攻石泉漢陰紫陽等處復分股四出焚掠裹脅日衆已有十餘萬所到之處團勇萬難抵敵其竄紫陽一股於正月初九等日由銀硃壩竄近縣城該縣袁詩熙等督勇出勦當時退卻嗣後匪衆大至槍上神峯山頂壓偏城下火箭火彈飛入城內民勇被燒驚亂賊遂大股用

聖朝聖略卷三十七

十一

雲梯爬入城內隨即失陷袁詩熙等集團進攻晝夜環擊匪衆驚懼奔竄漢陰一帶而去官軍跟蹤追勦生擒賊目一名當將紫陽縣城收復又據署漢陰廳通判金鑑稟稱大股髮匪先後竄圍廳城該廳等督同官紳激勵民團多方守禦賊始敗退又據石泉縣稟稱髮逆偽端王等率衆數萬馬隊萬餘先後闖入設法堵禦屢經

擊勦獲勝自偽端王西竄後偽扶王大股接踵紮營城外察看地勢該逆必於北城外暗挖地道豫於北門內趕修木城該逆果開放地雷將北城震開六七丈計場十一梁當即督勇死禦登時築補該逆又於東城安放雲梯冒死上撲均經我軍槍礮擊退該逆計窮糧缺即於次日西竄續到大股仍紮西關旋又分股逐日圍攻我軍奮力堵禦添集團丁該逆不知我兵虛實又見城內添兵不敢久停遂拔營西竄饒峯將奔西鄉境內城圍立解^臣查西南兩路川匪髮逆循環疊至該廳縣等竭力嚴防將十餘萬賊設計驅出立解城圍洵屬著有勞績所有漢陰尤爲出力之金鑑等相應開列奏懇恩施給予獎敘其餘出力人員查明彙案請獎其署

聖朝聖略卷三十七

十四

紫陽縣知縣袁詩熙都司孫嘉猷雖於失守後
集團收復城池究屬疏懈已飭藩司毛震壽就
近查明辦理此股髮逆由興安散竄石漢現又
全注漢中頃據探稱髮逆四僞王已由西鄉竄
擾漢中衆十餘萬兵勇單薄抵敵不住已竄至
距漢中府城三十里地方城固被圍甚急川匪
藍大瞬已與僞端王藍逆認爲族叔勾通一氣

欽定剿平粵匪方略卷三十七

十五

漢中餉缺兵單處處須防分之愈形單薄現在
毛震壽自率各軍駐紮城固而飭盧又熊帶領
所部專顧漢中其餘各處要口皆分兵駐守惟
兵力尙單斷難抵禦省城不特無兵可撥且曹
逆大股現在郿縣扶風一帶急須先清此股方
能得達漢中多隆阿盡力攻剿東路正在得手
勢難分兵雷正綰病在三原亦難兼顧所幸楚

境已無賊蹤逆衆全股西竄漢中距楚較遠無
虞回竄援兵即可越境會剿已咨官文嚴樹森
駱秉章迅催梁作楫歐陽正塘周達武等星夜
進援與漢中官兵會合夾擊並懇

飭下官文等速催兵勇越境會剿庶可就地殲除以
靖大患奏入

上命議政王軍機大臣傳諭官文多隆阿駱秉章嚴

欽定剿平粵匪方略卷三十七

十六

樹森曰逆匪四僞王由石漢西竄距漢中府城僅
三十里城固被圍甚急川匪藍大瞬與該逆勾通
一氣現在毛震壽駐紮城固分飭盧又熊專顧漢
中惟隘口紛歧兵力單薄該逆全注漢郡設有疏
虞剿辦又覺棘手前經寄諭官文等飭令李雲麟
會同梁作楫督率防守郿西二竹之兵越境追剿
此時郿屬已無賊蹤豈可藉防賊回竄爲辭株守

楚境且此股髮逆本係由楚入秦更不得以驅賊出境遂可以塞責了事嚴樹森現因察看下游營壘不克督兵西上卽著官文等嚴飭梁作楫李雲麟等剋日督率所部馳赴漢中相機進剿儘該員弁意存畛域玩愒不前則是以鄰爲壑該員等其能當此重咎耶周達武一軍前據駱秉章奏稱現駐渠縣策應保甯綏定第漢中不靖蜀境亦難安

聖朝聖略卷三十七

七

聖朝聖略卷三十七

六

堵自應先其所急廓清邊患著駱秉章速飭周達武星馳赴陝會同漢南各軍併力勦洗彘而殲旃俾川陝楚三省邊陲永除後患官文駱秉章等務當力顧大局毋稍推諉貽誤事機多隆阿係督辦全陝軍務省垣爲根本重地當調派數營前往接應疏通餉道遏截逆氛毋稍大意

上諭內閣曰此次髮逆大股圍攻漢陰石泉至十餘

日之久在事官紳竟能以少擊衆力解城圍所有尤爲出力之通判金鑑著免補直隸州知州以知府用並賞戴花翎巡檢林耀廷舒國用均著以主簿縣丞補用把總馬全著以千總補用舒國用馬全並賞戴藍翎守備李春海著免補守備以都司儘先補用主事陳進銜胡印遠均著免補本班以員外郎用石泉縣知縣陸莖著以同知直隸州知州用並賞換花翎典史段本誠著以主簿縣丞補用方大燾著免補典史以主簿縣丞用把總蕭祿著免補本班以守備補用生員周之幹鄒榮均著以訓導不論雙單月選用段本誠方大燾周之幹鄒榮及武舉毛啟昌均賞給六品藍翎其餘出力員弁紳團並著瑛瑩查明彙案保奏署紫陽縣知縣袁詩熙都司孫嘉猷雖於失守後齊圍收復城

池究屬疏於防範袁詩熙孫嘉猷均著先行革職
留任仍著瑛榮查明該員等如有棄城逃遁情事
卽行嚴叅治罪

初十日丙辰李鴻章奏言自鼎字等營紮定福山

左右與賊營相對常勝軍亦駛抵福山二月初
五至十五日更番輪擊屢有斬益維時接帶
常勝軍之英兵官戈登馳抵福山上岸徧察形

欽定剿平粵匪方略卷三十七

十九

勢十七日編修劉秉璋道員潘鼎新會商戈登
約定常勝軍以大礮轟擊賊壘各營專打援賊
兼挑奮勇數百人會合常勝軍豫備爬城次日
署提臣黃翼升帶各部水師由西路上岸令總
兵王東華等四面列隊並設伏於西山之內常
勝軍出隊以西洋大礮安架福山舊城門上小
礮分列其旁令呂宋兵乘坐小船駛近賊壘搭

架浮橋各營奮勇伏於舊城牆下自巳至午連
放開花炸彈擊倒港東賊壘數尺副將張遇春
揮令各營奮勇外國兵官揮令常勝軍擁至港
邊賊猶憑牆開放槍礮我軍渡過浮橋由倒牆
缺處而進賊尙抵死抗拒我軍刀砍矛刺盡數
礮之港西賊營猶未肯退有字營衝撲數次各
營奮勇暨常勝軍一齊擁上賊始逃竄當我軍

欽定剿平粵匪方略卷三十七

二十

攻壘之際謝家橋等處賊營數十座同時出隊
來援約四五萬人黃翼升等各率兵勇分路搏
戰併力奮擊賊爲披靡當將福山石城收復是
夜各營復選精銳潛襲大義橋謝家橋賊壘齊
聲吶喊賊於昏黑驚遽中不知我軍多少棄營
狂奔我軍節節掃蕩踏毀沿途賊營數十座先
是圍城之賊多赴福山周興隆駱國忠等商派

奮勇千人分由四門殺出連日鏖戰踏毀該逆附城營卡二十餘座十九日瞭見賊衆退入西山一路福山火起知我援軍獲勝當卽派隊迎會福山得勝之師前後追剿董正明驍勇過人生擒逆首哮天義朱衣點一名餘逆斬獲甚多奪獲賊船數十隻城圍立解 臣查常昭投誠雖久崑太兩路未通福山各口又被援賊占踞匪

聖朝聖略卷三十七

三

衆十餘萬圍攻七十餘晝夜無論智愚皆料其必難自存 臣不忍負降人死中求生之意太倉堅城旣屢攻不下因抽調水陸各營航海繞赴福山竭力援剿而衆寡懸殊後無接應形同孤注所幸衆志成城拚死守禦海口援軍出奇入險助以西人礮彈遂得掃除逆壘打通後路以解常昭之圍實非 臣初念所及現派劉銘傳督

帶銘字各營會同知府張樹聲等各營分紮福山港口並咨商黃翼升酌留水師三營與城內外陸軍相依防守一面檄調潘鼎新一軍迅回金山衛以防浙西竄賊 臣查黃翼升自去夏督師來滬無戰不與指揮布置備歷艱險實屬忠勤耐勞爲近日提鎮中不可多得之人才王東華各員亦皆以福山危險之舉引爲己任竟能由險入深以寡敵衆會合諸軍解此重圍 臣不敢不擇尤開列先行奏懇

聖朝聖略卷三十七

三

恩施以示鼓勵

李鴻章又奏言英國兵官戈登甫經接帶常勝軍經 臣以常昭圍急福山兵單諭令往助該兵官卽帶隊馳往與諸將士和衷籌商併力攻克往來 臣營稟商調度情詞恭順亟思四出攻剿

凡埽巢穴又以常勝軍習氣太壞欲漸漸約束
裁制其志趨實爲可嘉戈登旣爲中國帶兵似
應循照成案請

旨暫假以中國總兵職任以便臣等節制調遣俟其
事竣回國再請撤銷

李鴻章又奏言駱國忠余拔羣董正勤等數人
於四面賊區之中薙髮獻城該城獻山五日蘇

聖軍方略卷三十七

三

常大股卽來圍攻反側危疑變在旦夕臣不得
不從權給予二三品頂戴並許解圍後破格保
獎旣而該城危急日甚董正勤被礮傷陣亡城
外營壘盡失幾至不守臣又派都司劉增壽齎
帛書開道入城恭傳

恩旨宣布嘉獎降衆感頌再生各以死報駱國忠等
忠誠不二奮勇絕倫血戰苦守兩月有餘殲斃

爬城及穿地道悍賊不知凡幾保全斯土以待
援師實非尋常降將可比遊擊周興隆單騎奮
入勸衆歸心督同守禦致受礮石重傷左目已
眇亦非尋常勞績可比可否懇

恩將駱國忠等破格獎勵之處出自

鴻施其餘出力各員弁及隨同投誠各頭目容臣詳

細查明擇尤彙保現在賊氛雖退而崑太未復

聖軍方略卷三十七

三

常昭與松滬中多阻隔該城距蘇僅九十里防
堵緊要仍令周興隆駱國忠等督衆堅守俟大
軍前進再行酌覈辦理奏入

上命議政王軍機大臣傳諭都興阿富明阿李鴻章

吳棠曰據李鴻章奏稱官軍攻克福山常昭解圍

辦理甚爲得手戈登接帶常勝軍奮勇明白此次

復力克福山著卽授以中國總兵職任仍著李鴻

章傳旨嘉獎常勝軍積習太壞並責令戈登嚴加約束以期消患未萌略國忠等請獎副將翎枝等職未免過優惟念該降將自拔來歸復血戰苦守兩月有餘力保孤城非尋常降眾可比且該撫已許其破格優保若不俯如所請無以示信義而勸將來著李鴻章將明發諭旨宣示略國忠等並責令仍駐守常昭將附近一帶賊營掃蕩俾知格外

聖朝聖略卷三十七

三

感奮不可因賊氛稍遠稍涉大意此後投誠之人仍宜漸次保升免貽諸將口實且恐此輩驟膺顯秩志得意滿不復勉圖上進不可不示以限制崑山太倉必須攻克方可聯為一氣著即激勵諸軍乘勝攻拔為先發制人之計該撫現飭劉銘傳等紮福山口令黃翼升留三營防守調潘鼎新回金山衛以防浙西所籌均尚周妥即著督令該員弁

等認真防剿福山敗匪竄向何處未據聲明恐其渡江北竄著李鴻章查明具奏仍隨時相機辦理江北隘口處處喫緊疊經諭令都興阿富明阿嚴密布置此時江南得手賊必全注江北尤須自固藩籬方免竄擾完善通州靖江等處口岸甚多著都興阿等督飭水陸各軍晝夜防範毋得稍有疏虞致干重咎

聖朝聖略卷三十七

三

上諭內閣曰官軍水陸大獲勝仗攻克福山常昭解圍尤為出力各員除道員潘鼎新業經簡放江蘇常鎮通海道外記名提督黃翼升著遇有提督缺出儘先提奏署蘇松鎮總兵王東華著遇有水師總兵缺出儘先提奏副將周國興著賞加強勇巴圖魯名號劉銘傳著以總兵補用參將張樹珊著以副將儘先推補其餘在事出力文武員弁及先

後陣亡弁勇著李鴻章查明分別奏請獎卹

上又諭內閣曰降將駱國忠等於四面賊區之中殺賊獻城復當蘇常大股晝夜環攻七十餘日竟能力保孤城堅忍苦戰以待援師實屬出死入生效忠不二非尋常降眾可比允宜破格施恩以昭激勸駱國忠著以副將用並賞加總兵銜賞戴花翎余拔羣著以參將用並賞加副將銜賞戴花翎

欽定剿平粵匪方略卷三十七

三十七

國孝著以遊擊用並賞戴花翎胡金元董正明吳超凡略金榮均著賞給遊擊銜並賞戴花翎至參將周興隆單騎入城與駱國忠等督同守禦身受重傷尤為奮勇異常周興隆著以副將補用並賞給健勇巴圖魯名號都司劉增壽著以遊擊補用其餘出力各員弁等並著李鴻章擇尤彙保以示獎勵

十三日 己未

上諭內閣曰前因浙江金嚴甯紹台等府縣地方先後克復人民凋敝田土荒蕪甚為可憫已加恩蠲免二年錢漕以蘇民困惟念衢州一城雖未失守城外之民疊遭荼毒西安縣為該府附郭首邑各鄉村亦久經賊踞焚掠殆徧民不聊生若將應徵錢糧照常徵收殊不足以示體恤著左宗棠查明

欽定剿平粵匪方略卷三十七

三十七

衢州所屬之西安縣地方錢漕加恩照新復府縣一體蠲免二年以紓民力
十四日 庚申 左宗棠奏言桐廬既克杭州上游關鍵祇富陽一城而浙江自桐廬七里瀧以下地勢漸平江面漸闊縣城背江面山右阻一溪形勢完固賊自臨杭後於此修築城壘雉堞一新當官軍克復桐廬時杭屬新城之賊均棄城而

竄併聚於此踞杭之賊亦以前年所奪戰船溯流上拒臣飭副將楊政謨等自桐廬擊楫而下遙見賊船數百號排列城下前後均有礮船護之遂傳令師船作兩層排齊疾進大礮連轟江流鼎沸賊船頃刻延燒殆徧其礮船復爲我後隊師船擊散官軍並上岸蹙之踏平堅壘二座計焚賊船數百號奪礮船十數號民船數十號

聖朝聖略卷三十七

三

斃賊約以千計楊政謨等卽駐富陽城南岸徧之現在蔣益澧將臨浦義橋一帶布置略定卽飭高連陞熊建益馳赴富陽蔣益澧亦率後隊繼進現已由南岸渡江臣飭魏喻義率所部由桐廬前進適與之合探報有賊數千自杭城來援現擬先勦援賊以怵之如富陽堅城不能驟拔擬飭蔣益澧分兵助魏喻義扼要立營以綴

城賊而自率所部由富陽而下以撼杭城再由嚴州撥兵駐新城護以師船以遏賊援而通餉運其屯踞皖南之賊約有三起一爲胡黃古賴諸逆卽踞甯國太平石埭旌德者也一爲花旗賊前年由廣東湖南江西入浙皖者也有人數最多無甚伎倆爲金陵賊黨所不齒時尾賊後游行掠食蹤跡靡常一爲賊首譚星卽前踞蘭谿

聖朝聖略卷三十七

三

抗官軍者也此股自蘭谿敗竄浦江諸暨經劉典及各營躡蹤緊追直至富陽江邊其黨除殺斃溺斃及解散外存者不及三分之一太平石埭之賊時窺黔祁邊界總兵丁長勝等擊敗之賊從藍湖米坑而來將窺祁門北界道員王文瑞等迎擊之怒馬馳入奮勇衝殺賊大潰敗官軍緊追比近藍湖賊復回拒郭德馨馳斬數人

餘賊竄逸追過米坑十餘里約共斃賊千餘名
生擒七十餘名其墮崖落澗死者無數有此
戰胡古兩逆之勢頓衰祁黠當可無事惟徽休
之賊日聚日衆似花旗之賊已經合併譚星一
股聞已由昌化過千秋關竄徧徽州徽防官軍
紛紛告警計劉典一軍此時亦已由威坪至屯
溪臣又催其新募之勇由廣信趨婺源機勢湊
拍或可力遏奔衝規杭郡可以綴賊竄擾江北
之謀勦皖南可以遏賊突犯江西之路爲大局
計卽所以爲浙計臣惟有勉竭駑鈍慎以圖之
以求仰紓

宸廑

同日沈葆楨奏言二月十四日徽北之賊由黃
山楊村潛口一帶擾及巖寺街距草市二十里

欽定剿平粵匪方略卷三十七

三十七

欽定剿平粵匪方略卷三十七

三十七

同知王沐派兵由篁墩屯溪分路前趨巖寺街
隔河列陣該逆以兩股渡河猛撲我勇開礮斃
賊目二名賊卻而復進經官兵擊斃十餘名時
休甯城圍未解恐賊分襲婺源副將彭維玉以
三成隊紮屯溪二成隊紮茶亭應之次日該逆
叢擁直撼屯溪彭維玉率隊交鋒斃其衝鋒賊
騎排槍連環而進悍賊紛紛倒地營官王萼匹
馬當先哨隊繼之殲賊三百餘人乘勝追至茅
嶺伏賊復起適王沐等自茶亭馳至前後夾擊
復斃賊四百餘名餘賊始潰生擒百餘名解散
難民二千餘人十七日探聞巖寺大股疾趨篁
墩王沐知其必撲草市老營豫約彭維玉收屯
溪之軍回援傳令各營偃息鎮靜任賊馳騁察
看賊勢漸懈援兵將到鳴鼓展旗而出連放礮

山賊斃賊目三名賊駭而退彭維玉亦至分路
追擊殺賊無算至下草市賊忽回顧我軍前隊
分左右應之鏖戰一時復殺百餘名賊遂齊奔
追至羅田收隊該逆仍由巖寺竄去連日奪獲
軍械五百餘件據生擒賊供十六日一股為偽
襄王劉姓股眾約三萬撲屯溪者其前鋒二公
子十七日一股為偽俊天燕王姓股眾約二萬

聖朝聖略卷三十七

三

聖朝聖略卷三十七

三

有餘皆廣東花旗後路尚有偽凍王股眾約七
八萬約會合竄江西等語現在巖寺之賊退歸
碣田萬安之賊退歸松橋 臣查草市居徽休之
衝為婺源一帶屏蔽繼果營勇僅二千且甫經
戰陣 臣甚慮其孤軍受敵迺能屢獲勝仗洵足
以寒賊膽現在鮑超已將甯郡一帶賊壘掃蕩
廓清敗逆相率而南徽休被圍頗急劉典一軍

已由威坪抵大川口必可進解城圍該逆終有
竄江之志 臣惟諄飭各防互相聯絡穩固門戶
上慰

宸廑均奏入

上命議政王軍機大臣傳諭左宗棠沈葆楨曰浙省
官軍剿賊得手羣賊鼠竄欲由皖南就食江西現
在太平石埭之賊時窺夥祁邊界為總兵丁長勝

等軍擊敗並經道員王文瑞等各軍於藍湖米坑
等處痛加截殺胡古兩逆之勢已衰祁夥可以無
事惟休甯尚未解圍徽境之賊日聚日多據左宗
棠奏稱花旗之賊業經合併譚星一股已由昌化
過千秋關竄徧徽州與沈葆楨摺內所稱同知王
沐等於巖寺等處擊走之賊皆為花旗廣匪正相
符合草市地方為休婺藩籬王沐等所部僅二千

人防勦殊形單薄此次雖由屯溪一路疊次擊賊獲勝尙足以固軍心仍著沈葆楨督飭該文武等實力嚴防毋稍鬆懈不得以甫經獲勝致或疏虞劉典一軍據沈葆楨奏已由威坪抵大川口經左宗棠復飭其催新募之勇由廣信以趨婺源是已繞出賊前機勢湊拍定能力遏奔衝以解休甯之圍江省信防足資穩固卽著左宗棠督飭劉典等

欽定剿平粵匪方略卷三十七

三

乘機妥辦並與江省官軍隨時聯絡互爲防勦以全大局桐廬旣克杭州上游關鍵祇富陽一城業經左宗棠飭令水師大加轟擊並踏平其江岸堅壘軍聲日振著卽飭令蔣益澧所部之高連陞等及魏喻義等軍水陸會合將自杭來援之賊擊斷進拔堅城或令蔣益澧分軍自率所部由富陽下撼杭城卽可綴賊竄擾江北詭謀均著左宗棠相

機辦理

同日署荊州將軍巴揚阿奏查浙江乍浦副都統錫齡阿於咸豐十年偕其子主事榮輝榮耀因乍浦失陷與賊巷戰力竭陣亡其妻胡札爾氏及幼女次媳同時殉難經瑞昌等奏請旌卹茲據江陵縣紳士知府鄧承彬等呈稱咸豐四年正月粵匪上竄荆郡戒嚴該副都統錫齡阿在江陵縣截勦賊匪連獲勝仗並於五年帶兵收復沔陽州城使逆匪不敢窺伺荆郡保全要地實屬有功於民嗣在乍浦圍門殉難荆郡紳民至今感誦呈請額懇

欽定剿平粵匪方略卷三十七

三

天恩予諡並於郡城建立專祠等情合無懇恩照所請予諡建祠以彰忠節奏入
上諭內閣曰乍浦副都統錫齡阿前在荊州督團勦

賊圍郡賴以保全並收復沔陽州城戰功疊著嗣因乍浦失陷與其子榮輝榮耀力戰陣亡其妻胡札爾氏及幼女次媳均同時殉難洵屬忠節萃於一門著該衙門查明錫齡阿如未給與諡號卽行奏請予諡並准在荊州府城建立專祠其同時殉難之親屬著一併附祀以彰忠節

聖學聖方略卷三十七

三十七

欽定勦平粵匪方略卷三百三十八 癸亥年

三月十七日 癸亥 馮子材魁玉奏言鎮城迤南一

路直達丹陽其東路如陴城留村等處西南如

句容以北之上塘塔山侯莊等處距鎮遠或四

五十里近祇二三十里向為逆蹤出沒之區自

二月初柏林大創之後丹陽逆首葛天義密約

句容死黨亟圖報復因官軍有備未敢深入三

聖學聖方略卷三百三十八

一

月初四日偽侍王李逆暨偽懷王偽漳王等會

由溧陽甯國率黨數萬圍集鎮城西南分踞上

塘塔山廟一帶蔓延十餘里丹句兩巢同時蠢

動游騎直逼甘棠橋地方當以賊眾剽悍其氣

正銳利在速戰宜堅壁以老之一面選派將領

就附近要隘輕騎游哨察看賊蹤時化子橋有

逆隊數百意圖屯紮把總業得彪等出其不意

織賊數名餘皆驚竄續又謀報常州逆首護賊
糾同偽浦王等衆由東路陴城留村葛村一帶
步步進逼分屯抄掠聲言俟後隊到齊會同侍
懷諸逆攻撲鎮江等語查侍護諸逆併力內犯
我軍堵禦應分先後東路之賊距城五十餘里
情形稍緩惟西路塔山上塘各屯近在肘腋不
可不堵剿兼施挫其兇燄當派總兵張文德率

欽定剿平粵匪方略卷三十八

二

領馬隊由南門甘棠橋進發副將楊青山等各
帶馬步分扼毛家甸馬鞍山左右偃旗設伏以
翼其後總兵田宗揚等所部屯紮迴龍岡相機
堵截仍嚴飭水陸各防暨新舊兩城一律扼守
川備不虞初五日官軍行至駙馬莊見上塘各
路之賊約五六千衆蠶擁而至參將田慶和等
爭先馳突逆陣屹不少卻並有洋槍賊隊分排

兩翼兇燄大張遊擊李兆霖等力殲賊目十餘
名怒馬陷陣直搗中堅楊青山等舉旗起伏由
馬鞍山前後夾擊賊衆披靡自相蹂踐殲斃約
千餘名紛紛潰散回竄官莊上塘各屯臣等仍
令各鎮將部勒士卒更番山哨賊由何路來犯
卽以何營迎擊何營策應總以堅守爲主不以
浪戰爲能水陸布置先自立不敗之地使之無

欽定剿平粵匪方略卷三十八

三

隙可乘無糧可掠使彼常勞而我常逸或者未
能久持現在浙東大兵進攻杭嘉諸郡而常昭
解圍之後官軍規復崑蘇南路軍情節節應手
逆黨鋌而走險其勢如水趨壑鎮城首當其衝
臣等督飭將士遠防近擊相機而動以期力持
全局奏入

上命議政王軍機大臣傳諭會國藩都興阿富明阿

馮子材魁玉曰侍逆等糾股分偏鎮城馮子材等不以浪戰為能而以堅守為主以逸待勞所籌尚屬周妥即著督飭將士嚴密防守伺其懈怠潛軍痛勦務當慎之又慎毋墮奸計第該逆不得逞於鎮城必將渡江而北都興阿等駐軍五臺山已及年餘該營將士久未接仗恐養成驕逸之性不可復用即著都興阿富明阿隨時探明如有北渡逆

聖朝軍略卷三十八

四

匪即行相機截擊裏下河一帶並著會同吳棠設法嚴防毋任肆意紛竄至江皖軍情得手常州溧陽各匪首均離巢北竄恐其突犯雨花臺營盤著會國藩轉飭會國基加意嚴防賊至即剿以固大營儘該逆渡江上竄地廣兵單尤慮奔軼並著飭令毛有銘等妥為防守勿令西竄慮郡以致重煩攻勦

十八日甲子

上命議政王軍機大臣傳諭會國藩左宗棠會國基曰本日將著齡補授福州將軍左宗棠補授閩浙總督仍兼署浙江巡撫會國基補授浙江巡撫已諭令著齡將所辦閩浙兩省防勦事宜及所部各軍移交左宗棠接辦矣左宗棠接辦後著齡即赴福州將軍之任左宗棠現駐浙省軍務正當緊要其浦城防所應即遴委大員前往接辦由左宗棠酌度奏明辦理閩浙兩省軍營兵勇均歸左宗棠節制著齡所部廣勇並著左宗棠於閩浙軍營內選擇善於駕馭之員派令統帶如廣勇實係不能得力有害無利即著左宗棠酌量撤遣浙省係左宗棠兼轄省分既兼署巡撫尤責無旁貸會國基仍統前敵之軍駐紮雨花臺一意相機進取以圖

聖朝軍略卷三十八

五

金陵毋庸以浙事爲念此時會國藩巡江諒已旋至安慶仍著隨時與會國藩熟籌戰守機宜東南軍務惟在該督撫等勸力同心通籌全局共圖挽救國家異數酬庸尤爲地方擇人起見該督撫等諒能益矢公忠以副委任也

上又命議政王軍機大臣傳諭耆齡曰本日榮將耆齡補授福州將軍左宗棠補授閩浙總督兼署浙

欽定剿平粵匪方略卷三十八

六

江巡撫耆齡接奉此旨著將所辦閩浙兩省防剿事宜及所部兵勇一一移交左宗棠接辦後卽迅速前赴福建省城接受將軍印務以重職守

十九日^{乙丑}沈葆楨奏冒探聞皖浙巨逆議分三路同時竄犯江西僞侍王李逆將浙江餘黨並

花旗等股由徽休進僞輔王楊逆糾古賴諸賊目由祁門進僞孝王胡逆僞堵王黃逆僞祐王

李逆由青陽進每路號稱十餘萬閏二月二十五日繼果營隨同浙江臬司劉典會剿徽屬之巖寺街賊匪陣斬數百人淹斃三千餘人二十九日賴南道王文瑞擊賊於漁亭擒殺千餘名景鎮爲休祁後應各營聲勢聯絡此兩路似可無虞惟青陽守兵頗單東流建德節節空虛殊爲可慮據段起報稱該逆從甯國繞出青陽前

欽定剿平粵匪方略卷三十八

七

鋒已至稠嶺去建德僅數十里臣以彭湖鄱浮均與建德接壤飛飭參將韓進春馳赴鄱建交界之石門街陳家街一帶扼要截擊並與祁門景鎮湖口各軍互相應援復飭副將孫昌國分撥礮船扼守鄱屬之陶家灘童子渡道員屈蟠駐紮樂平飛催道員王德榜馳赴浮梁防所續據署饒州府知府吳秉衡報稱該逆於三十日

竄擾建德股家匯張家灘樺子橋等處徧地賊蹤旋准督臣曾國藩函知開甯國各逆有西竄之意已飭提臣鮑超回軍南陵青陽一帶截之臣計賊蹤飄忽鮑超回軍萬難繞出賊前然江省防兵能與前後夾擊該逆當不得逞奏入

上命議政王軍機大臣傳諭曾國藩左宗棠沈葆楨曰沈葆楨奏江省防軍隨同劉典剿賊於巖寺街

聖朝聖略卷三十八

八

道員王文瑞擊賊漁亭均有斬獲休祁兩路可以無虞而青陽守兵頗單甯國之賊繞由此路竄至建德東流一帶股家匯等處地方是江省信防稍鬆饒防更復喫緊沈葆楨飭令參將韓進春副將孫昌國水陸各軍前往鄱陽毗境扼截並催飭道員王德榜馳赴浮梁防所以爲堵禦所籌尙屬周妥並據奏稱接曾國藩函知甯國各逆西竄已飭

鮑超回軍南陵青陽一帶截剿惟此時賊蹤已至東流建德鮑超一軍勢難繞至賊前如果江省防兵布置得宜到處迎頭堵剿後路得有鮑超勁旅跟蹤緊逼當不難收前後夾擊之效著曾國藩卽飭該提督之軍乘機追剿並著沈葆楨嚴督饒防各路官軍探蹤迎擊與鮑超之軍隨時聯絡毋稍疏虞徽境之賊雖疊次堵剿而休甯尙未解圍尤恐賊因青陽一路不得逞志乘閒由徽休一路逞其圖犯江境詭謀並著左宗棠沈葆楨嚴飭徽屬及信防各軍加意嚴防毋稍鬆懈

聖朝聖略卷三十八

九

二十日丙寅瑛棨奏冒據探另股髮捻由漢中西擾褒沔攻陷沔縣又分股竄踞沔縣所屬之茶店鎮地方距略陽百里勢甚危急二月初三日該匪三萬餘人撲至盧又熊營盤該副將親督

接仗奈衆寡不敵未能得手正在相機分剿而漢中又復喫緊經毛震壽復飭盧又熊並副將徐邦道趕緊馳赴漢中以解危急毛震壽率領諸軍分駐城固以作犄角之勢初五日賊紮漢中城外三十里之桃花鋪初七日該逆竄至十八里鋪老君殿宗家營等處盧又熊商同徐邦道於初八日各帶所部分爲五路乘賊紮營未

欽定剿平粵匪方略卷三十八

十一

定併力進搗斃賊數十名該匪潰逃追至萊子集地方次日該匪大股圍城占踞東關塔兒巷以爲巢穴我軍設法攻擊該逆抵死不出恐其在內暗挖地道經南鄭縣周蕃壽飭令警者輪流竄聽並於城濠以內開挖深濠惟城外多屬平原城池又大防不勝防盧又熊等督飭各營出隊皆獲小勝十三日兩軍復出會同鎮南健

威各營殺入塔兒巷砍開賊壘該逆死拒我軍奮勇爭先當將塔兒巷奪回共計焚殺賊匪數百名其城固自毛震壽駐紮以來匪衆每於夜間撲營均經我軍擊退該匪分十餘股四面圍攻自辰至酉更番遞戰易佩紳指揮川楚各營陳天柱率領陝甘官兵伺其銳氣少衰繼擁而進賊卽轍亂旗靡大敗而遁斃匪無算逆首僞

欽定剿平粵匪方略卷三十八

十二

天將倪李二逆一萬餘人擾至城固對河肆行焚掠僞齊王大股亦至南山意圖分攻沔縣經楊光澍統帶數營馳至上元關轟斃數十名該匪退走山梁原擬乘勢窮追適滇匪大股又渡渭水窺伺城固因收隊回顧城營現在東有藍逆北有張逆西有僞扶王僞遵王僞端王南有僞齊王蔓延二三百里羣盜如毛以僅有之官

兵幾難分布尙幸毛震壽以全力守城固盧又
熊徐邦道以全力守郡城若能餉項無缺漢中
大局當可固守待援川楚援軍屢經催飭迄未
一應昨據歐陽正壩來稟以不敢遠離襄樊爲
詞梁作楫周有全等來稟以未奉本省札飭亦
不敢越境援陝是楚省援軍竟成畫餅臣聞郎
中李雲麟帶兵勇往軍令嚴明現帶數營紮老

聖朝聖略卷三十八

十三

河口如蒙

皇上俯念漢南緊要飭令李雲麟帶兵迅解漢郡城
圍三秦幸甚臣惟有策勵毛震壽等勦力同心
就現有兵力相機防剿奏入

上命議政王軍機大臣傳諭官文略秉章嚴樹森瑛
棨曰髮逆於攻陷沔縣後分股竄踞茶店鎮地方
去略陽不過百里復有大股圍偏漢中徐邦道盧

又熊以全力扼守漢中而兵力較單賊勢太盛毛
震壽駐守城固不克赴援雖經派勇援救恐不能
立解城圍且張逆志在必得城固城固如有差失
則漢郡更危前經諭令官文略秉章等調撥得力
兵勇越境助剿現在漢郡軍情日見緊迫而所謂
楚蜀各軍無一至者設有疏失後患曷可勝言據
瑛棨奏接梁作楫周有全等來稟以未奉本省札

聖朝聖略卷三十八

十三

飭不敢出境援陝等語著官文嚴樹森慎遵前旨
速飭李雲麟會同梁作楫等督率所部馳赴漢中
援剿毋得稍有遷延並著略秉章迅飭周達武督
勇星馳赴陝會合漢郡諸軍盡力勦洗毋稍推諉

二十一日丁卯曾國藩奏言據提督李世忠咨稱

九洲洲浦口各營自被賊圍前敵糧路梗塞軍
火缺乏與江浦不能互通消息危急萬分二月

初三初四兩日又增賊黨二萬餘人四面環攻
猛撲不休該將弁等目不交睫竭力堵禦兩晝
夜至初四日勢難再支遂將浦口以西及城南
營寨一併撤回江浦城內查浦口一城本毀於
賊我軍在西南兩門外分營駐紮此次被圍挫
退實因半月來內無糧藥外無援軍以致不能
固守至江浦存城將士自初五日以後亦經力

欽定剿平粵匪方略卷三十八

古

守旬餘屢與賊戰傷折不少乃賊眾繞城密圍
水泄不通城中食盡糧運又絕子藥既罄徒以
輒石擊賊而賊攻益急行將就斃該鎮將因於
十六夜率領弁勇冒死殺出江浦縣城維時橋
林防營已被困二十餘日江浦陷後羣賊悉趨
橋林該營守將邱昌良激勵士卒奮勇爭先以
守爲戰十八日賊竟愈聚愈多不下六七萬眾

槍礮如雨我軍死守疊有傷亡賊又以礮轟坍
城樓緣梯直上並有踰濠越牆進者各勇短刀
相接眾寡不敵邱昌良身受重傷經左右背負
出圍退至大勝關部卒十傷八九各該處失事
人員委係力盡援絕可否均邀寬免惟世忠忝
襄軍務不能先事籌防無可辭咎應乞奏參請
旨革職撤去勇號不准留營至豫勝營一軍或派副

欽定剿平粵匪方略卷三十八

古

將朱元興接統世忠罷職後決不敢任意妄爲
致負
國恩等情查浦口江浦二城爲濱江絕大關鍵一
經失此重險上可由和含巢各屬進逼廬州下
可犯儀揚各防進窺裏下河袤延數百里未易
勦辦該提督李世忠悚惶引咎深明大義應如
該提督所陳請

旨將李世忠卽行革職撤去勇號不准留營並懇

聖恩允其所舉卽派副將朱元興接統該軍以重防

務臣自上年十月卽有調度該軍之責未能先

事籌畫又不能設法救援咎亦難辭應請

旨將臣交部議處

曾國藩又奏言查近日軍情金陵駐守如常甯

國自二月初屢捷後鮑超派何紹彩一軍守西

欽定四庫全書

宋

河王可陞一軍守灣沚洪容海一軍守清弋江

其劉松山仍守甯國府城易開俊仍守涇縣朱

品隆仍守青陽縣又換調吳廷華守南陵縣逐

節布置糧道通暢甯郡應無他虞蕪湖金柱關

兩防自前月大戰獲勝該逆至今不敢再逞臣

於二十七日過大通聞黃汶金等大股由青陽

上竄臣卽兼程西旋次日抵省調喻吉三護軍

二營赴池州李榕鈞字五營赴東流以截賊竄

江西之路乃兵甫渡江賊已由建德關入彭澤

鄱陽境內而譚星及古賴等股又蔓延於徽州

各屬兩路皆有深入江西之勢幸浙江臬司劉

典與唐義訓王沐等在休歙兩縣屢獲勝仗徽

州一路必可擊退其建德一路竄入者恐貽江

西腹地之憂臣正檄令鮑超由青陽赴援景德

欽定四庫全書

宋

鎮冀保江西完善之區旋據各營告警僞忠王

大股上竄分枝牽掣廬江無爲州之兵而以全

力猛撲石澗埠毛有銘劉連捷營盤自初三至

初七日晝夜圍攻糧路斷絕文報不通臣不得

已又飛檄鮑超改道渡江以解石澗埠之圍曾

國荃亦自金陵分撥五營救援該處能否趕到

尙難豫定又有股匪從河南竄入湖北之麻城

經鄂軍堵剿卽自三里埂竄至蕪水境內其勢亦將歸併皖境現在安慶廬州各屬處處喫緊竄入江西之賊別無大枝勁旅可以派往援剿幸撫臣沈葆楨已調水陸萬餘人分守景鎮樂平兩處或者足資扼堵江之南岸徽州與江西同警江之北岸下游與上游同警臣調度無方焦灼實深奏入

欽定剿平粵匪方略卷三十八

十六

上命議政王軍機大臣傳諭曾國藩曰現在江浦等城隘被陷僞忠王復率衆猛撲石澗埠營盤江北軍情正當喫緊天六一帶防剿亦不可鬆勁若竟准李世忠所請革職不准留營則該提督轉得置身事外已明降諭旨將李世忠撤去幫辦仍留本任皖南大股逆賊由建德闖入彭澤鄱陽鮑超改道渡江旣不克赴援景鎮卽曾國藩所謂之喻吉

三李榕各營亦落賊後江省素無大枝勁旅恐不足以禦茲狂寇江忠義一軍計日亦應東下著該大臣一面飛催前進一面酌量情形如果屆期巢含等處兵力足敷剿辦此軍卽可令其改道馳赴饒州一帶迎頭截擊如賊已竄腹地能否飭調該提督駐師江境相機進剿並飭喻吉三等拔營追躡俾與江省各軍共收夾擊之效均著該大臣迅籌辦理江省爲浙皖諸軍後路關繫東南大局該大臣身膺重寄諒能妥籌援應與沈葆楨共相維持不致有誤事機

欽定剿平粵匪方略卷三十八

十九

上諭內閣曰李世忠以提督大員辦理浦口等處防務不能竭力固守以致營盤被陷咎實難辭卽照其自請予以嚴譴亦所應得惟念該提督此次失守各營實因糧盡援絕衆寡不敵尙非有心貽誤

上年攻克六合等城頗著戰功該提督業因另案革職留任著加恩撤去幫辦軍務免其革職以示薄懲該提督屢經朝廷恩施逾格終始保全嗣後務當奮勇殺賊立功堅守滁州六合等處毋爲賊擾以贖前愆曾國藩節制江浙提鎮各員不能申明約束先事籌防致令江浦等城失陷實屬調度無方著交部議處仍著該大臣嚴督李世忠在營各將弁明定賞罰迅圖恢復毋任稽延

聖朝聖旨卷三十八

三

曾國藩又奏冒僞輔王楊輔青糾約僞隨王跟王堵王祐王等會嘯聚西河灣沘紅楊樹黃麻渡麒麟山一帶不下十萬餘人以一大枝抄出高祖山之前潛匿村落中距我營七八里十數里不等以一小枝繞過高祖山之背橫出楊柳鋪揚言上犯涇縣火光燭天晝夜不滅鮑超飭

令宋國永布置高祖山營寨堅壁穩守另在板橋寒亭清弋江等營抽隊數成親自督率設伏於太子廟山坳以伺其變二月初一日烏沙鋪之賊進徧獅子山約三四萬衆旌旗蔽空迤邐而來將高祖山八營層層圍裏鮑超亟帶太子廟伏軍向山僻小徑偃旗疾趨行至離營二里許聞營中礮聲轟發知老營業已出隊接戰譚

聖朝聖旨卷三十八

三

勝達等督率各軍分路包賊宋國永乘勢從各營夾縫中擊出截賊數段賊隊譁亂不復成伍正思奪路竄走適雲慶等馬步齊至我軍縱橫盪決賊之前鋒鮮有脫者賊之後隊尙欲抵死來援鮑超揮令各將士奮力衝擊追近狹巷山梁美材大呼突出扼斷歸路羣賊駭懼紛紛竄入田隴衆軍合力蹙之追襲四十餘里遂平

高嶺周橋諸壘直抵西河賊乃依水爲險意圖
抗拒俄而盧榮忠統帶礮划由清弋江駛下我
軍水陸夾勦俘斬無算立毀堅巢敗賊始往桃
花園灣沚一路而遁西河以北曰馬家園爲衆
賊屯糧之所迤西則曰黃麻渡曰小淮窰爲王
可陞進兵之地西河旣復王可陞知羣賊膽寒
卽派蔣占鼇等進取小淮窰親督陽華坤等取

欽定剿平粵匪方略卷三十八

三

道黃麻渡潛襲馬園逆壘時已夜分王可陞令
軍士傍壘縱火悉焚賊糧賊不知官軍之猝至
睡夢中急起棄壘狂奔小淮窰之賊正欲聞警
赴援蔣占鼇等已斫斷浮橋破卡而入乘勝逐
之蹙偏入水者無數沿途卡壘盡毀無遺維時
賊之由西河遁入灣沚者經盧榮忠礮划隨同
外江水師日夜轟擊賊不能堪乃縮入灣沚之

後山退聚竹塘旋分大股歸併梅嶺麒麟山意
在伺閒再逞鮑超謂賊餒雖衰不速除之終貽
後患次日引軍渡河進次紅楊樹偏壘而陣壘
賊匿不出戰我軍相持數時羣以火器環擲延
燒哨棚軍士冒烟突火踰濠直進一壘旣陷衆
壘盡亂將弁揮隊縱擊殲獲甚多直追過桃花
園竹塘灣沚後山賊皆聞風先遁遂焚其巢是

欽定剿平粵匪方略卷三十八

三

夜鮑超遺書劉松山令於明日自郡城率師來
會將有事於梅嶺及麒麟山天甫向曙秣馬辱
食傳令宋國永等十五營專攻麒麟山婁雲慶
等馬步八營專攻梅嶺而以劉松山所帶各旗
營爲斷後行未十數里賊黨糾衆來迎宋國永
同各營哨就山麓布列陣勢直前搏戰潛遣銳
卒自山後舉旗先登襲破賊壘周麾而呼賊咸

驚疑卻顧宋國永等縱兵掩擊斃賊不計其數
麒麟山堅壘悉平是日劉松山亦破廟埠之壘
殲賊千餘斐雲慶鄧榮貴等擊破梅嶺之壘並
收復仰賢圩各處餘匪分道竄逸一由新河莊
敗往東壩一由油榨溝敗往廣德建平臣查西
河小淮窰為水路衝要自被賊踞數月糧運梗
阻大為甯國各營之患幸將士同心五日之間

聖朝聖考卷三十八

三

悉復諸隘距郡城數十里內一律肅清在事人
員厥功甚偉可否彙入楊柳鋪涇縣各案酌給
獎敘之處出自

鴻施逾格至力戰陣亡之參將李芳菲等二十六員

開單清

旨飭部從優議卹以慰忠魂奏入

上諭內閣曰官軍連克甯國近城各要隘西河灣汴

紅楊樹黃麻渡麒麟山一帶賊壘悉平敗賊分路
竄逸仍著鮑超等乘勝追擊將敗竄之匪盡數殲
除所有此次在事出力人員准其彙案請獎陣亡
之參將李芳菲等二十六員均著各照本職本銜
從優議卹

同日都興阿富明阿奏言據水師總兵吳全美
咨稱逆匪大股北趨意在分竄儀揚及和含安

聖朝聖考卷三十八

三

徽等處南岸七里洲中關一帶當必有隙可乘
卽親督遊擊陳步雲等駛赴浦防會同梁正源
等相度情形攻其不備三月十八日瞭見七里
洲下賊旗徧野黃旗賊目督隊山竄當卽飭令
梁正源等分開大小師船直徧南岸對賊開礮
連次轟擊斃賊數十名餘皆遁回賊營我軍徧
近賊巢施放噴筒火箭逾時賊營火起逆眾蒼

黃奔竄我軍乘勝登岸兜抄斬賊無算即將七里洲尾賊壘三座一律踏毀其通江關地段爲儀六門戶且係浦防水師要道連日據探北岸賊氛蠢動該處戒嚴卽派長龍礮划馳往堵剿會合該防營互爲聯絡並飭梁正源等迅卽趕回觀音門督領各船出賊不意駛往燕子磯開礮攻擊轟斃賊匪七十餘人賊目十名我軍乘

欽定剿平粵匪方略卷三三八

三

勝追勦鼓勇而進當將該逆頭卡全行踏毀連日另股賊匪千餘人竄至炭渚一帶往來騷擾猖獗異常吳全美等當派副將馬步雲督率師船傍岸迎擊賊見我軍有備旋向高資逃逸經該處防兵登岸兜剿適馬步雲由炭渚追擊左右包抄斃賊百餘名賊卽遁向山後而去次日賊復聚衆來撲一由丹陽撲至炭渚一由廣角

山撲至高資散漫鄉間任意蹂躪經馬步雲等分隊兩路迎勦殺斃數十名賊匪見我軍勢狂紛紛敗竄旋接下游水師統領林宜華等稟稱初三日李起高親率所部各船駛赴南岸巡視各灣行至江心見圩埔魏村一帶上下數十里火光燭天知是逆匪撲犯江濱亟令各船飛駛前往勦洗及至圩埔港口逆匪黃旗徧插蟻聚

欽定剿平粵匪方略卷三三八

三

蘆洲卽飭開礮轟擊該逆意圖奔竄適林宜華飛調礮划迎勦會同環攻擊斃賊目數名逆匪百餘賊勢不支陸續卻退該逆又由陴城出撲包港分我兵力經在防師船開礮環轟賊又糾集大股自小河赴援包港等處經各幫師船分投迎勦該逆受創遁回次日逆匪駛船數百隻泊張公橋奔牛鎮等處經林宜華擊斃無數生

檢六十餘名訊據賊供云此股賊眾係偽護王
偽侍王等由蘇常杭嘉等處調賊眾數萬逆船
數百餘隻分泊南岸上至包港小河下至江陰
石牌處處牽掣時思北竄等語連日該逆或出
或沒勢甚臨張雖屢次擊退仍敢盤踞 臣等立
飭添派師船接應又飭總兵詹啟綸酌派三汊
河礮划數隻遊擊葉廣全撥船十餘隻馳往協

聖朝聖略卷三十八

三

勦此次該逆集數萬之眾逆船數百隻分援包
港小河魏村圩塘一帶希圖北渡雖經水師屢
次痛勦而逆情詭譎難保不復覬覦若下游賊
情喫緊 臣富明阿即遵

旨由陸路馳赴靖泰一帶分派布置擇要嚴防至北
渡難民屢經 臣等飭令在防官兵及靖泰各縣
實力拊循認真盤詰惟因江北無謀生之處田

地房產皆在江南賊來暫避江北賊去則仍歸
南岸 臣等諄飭各路在防官兵及地方官嚴密
盤詰毋令奸宄濶跡以致別生事端又聞江浦
之賊議俟擴足糧食即分股窺犯儀揚牽掣我
軍餘逆悉由和州等處合竄蔣壩從裏下河後
路包抄計圖大逞 臣等查該逆垂涎裏下河蓄
謀已久既欲竄撲下游又欲北竄蔣壩乘隙圖

聖朝聖略卷三十八

三

逞惟有悉心籌畫晝夜嚴防斷不敢稍涉大意
奏八

上命議政王軍機大臣傳諭都興阿富明阿吳棠喬
松年曰揚防水師於上游之七里洲等處下游之
圩塘各港口屢獲勝仗而上自包港下至江陰石
牌處處均有賊蹤時思北竄亟應嚴密防範著都
興阿等督飭上下游水師統領實力梭巡相機勦

截如下游情形喫緊卽著富明阿馳赴靖泰一帶
分派布置擇要嚴防毋得稍涉鬆勁至江浦之賊
議欲備足糧食卽分股窺伺儀揚牽掣我軍餘逆
悉由和州等處合竄蔣壩從裏下河後路包抄是
逆情詭譎將圖大逞卽著吳棠嚴飭在防將士實
力扼守不得稍涉大意都興阿等仍隨時會籌防
剿保全完善要區是爲至要北渡難民露宿江灘

欽定剿平粵匪方略卷三十八

三

顛沛流離情殊可憫第人數過衆恐易聚而生事
仍著都興阿吳棠等飭屬妥爲辦理應拊循者加
意拊循應盤詰者嚴加盤詰務令難民不致失所
而奸宄不能溷跡方爲妥善

上諭內閣曰吳棠著補授漕運總督所有江北文武
各員及軍務地方一切事宜均著仍歸吳棠節制
二十四日
庚午馮子材魁玉奏言僞侍王等賊屢

敗後惟於跼岡侯莊各處依村築壘分匿民房
未敢遠離巢穴附近窮簷慘遭蹂躪亟應設法
驅除以免失所查該處山巒叢雜搜剿爲難惟
有密派馬步於近城十餘里內分投設伏一面
閉關堅壁靜以待之賊見官軍不出勢必離巢
掠食待其偏近然後夾擊分抄出奇制勝彼進
無所掠退無可食斷難日久相持因飭總兵張

欽定剿平粵匪方略卷三十八

三

文德等分統馬步各隊授以機宜屯伏九華山
左右截剿三月十一日跼岡官莊等處大股悍
賊山巢由西而東前鋒直達塗山楊巷其氛甚
惡我軍由迴龍岡進遏該逆歸路張文德所部
直趨甘棠橋攔頭堵擊步軍分紮九華山麓參
將田慶和等各率精騎橫衝直擊斃賊頗衆時
塗山一帶逆旗團簇刀矛火器往來抵拒兇燄

大張正慶戰開楊青山從迴龍岡揮軍下壓將賊隊橫分兩截都司吳天興等發馬陷陣賊悍逆數十名其勢少卻參將楊安龍等大呼殺賊力擣中堅該逆披靡由東南一路奔竄楊青山跟蹤掩殺遙見馬陵以東逆股擁擁來援當卽分撥勁旅扼堵丹陽之賊一面會同張文德等隊前後包抄黃武賢手刃悍賊大兵四而蹙

聖朝聖略卷三十八

三

三

之餘黨奔潰遁回侯莊各巢共斃賊四五百名東路陴城諸賊望風洶懼棄巢而遁回竄孟河旋又謀知西路上塘侯莊等處踞逆亦冒雨遠颺當派鎮將躡勦我軍由站岡侯莊一路分投追擊斃賊無算直抵南青山地方斬馘五十餘級逆黨不敢迎拒大半歸併白兔老巢餘匪竄入句容境內當將沿村逆壘一律踏毀東西附

近均無賊蹤惟逆情詭譎難保不乘閒思逞江防重地尤應加意籌維仍督飭水陸各營隨時堵剿奏入

上諭曰仍著督飭將弁認真堵剿毋得恃勝致有疏虞

二十八日甲戌著齡奏言撫臣左宗棠進紮嚴州

藩司蔣益澧道員魏喻義各軍會攻富陽縣城

聖朝聖略卷三十八

三

三

甯郡中外各軍防守西興以杜杭州逆匪偷渡其前竄徽州之賊探聞屢犯屯溪地方均爲微防各軍擊退尙踞許村一帶績溪縣股匪亦盤踞未退江皖官軍及撫臣左宗棠調派赴徽各營分布防守遏賊西竄之路臣仍當隨時確探設或江西有警卽調援師於江閩交界地方相機堵剿爲禦賊門外之計一俟徽郡賊衆擊走

皖防穩固再行拔隊東下以冀遠應浙師近防
閩境仍當嚴飭將領約束兵勇免滋事端惟閩
省本屬瘠區用兵日久經費支絀士卒常有乏
食之虞現將處防各營量加裁減以節餉需奏
入

上命議政王軍機大臣傳諭左宗棠曰耆齡援浙各
軍前諭統歸左宗棠調度現在分紮東陽等處尙

欽定剿平粵匪方略卷三十六

三十四

足爲後路聲援惟據該將軍奏稱經費支絀量爲
裁減左宗棠所統兵勇是否足敷布置備閩軍尙
可裁減自應酌量裁汰以節餉需著該督妥籌辦
理以副委任

二十九日 乙亥 李鴻章奏冒白福山攻克常昭解

圍後太倉守賊僞會王蔡元隆屢次遞稟乞降
情辭懇摯 臣未忍絕其自新之路因剴切札諭

並派員入城開導勸令及早獻城該逆首請卽
於三月初九日派隊分紮四門豫備接應程學
啟等如期嚴陣以待是日東門忽出賊匪數千
頭紮白巾聲稱排隊迎接南門又出賊萬餘各
路伏賊齊起我軍分投迎剿衆寡不敵致被衝

動李鶴章所部各營已偏東南城根且戰且退
李鶴章屢受槍子傷幸不甚重程學啟所部進

欽定剿平粵匪方略卷三十六

三十五

扼西門當崑山來路又有賊數千由崑山來並
有賊船八十餘號程學啟派弁迎探見該逆語
冒親密恐有詭計當飭各軍準備出戰忽大股
賊由南門抄出又由西門突出悍賊數千攔攔
來撲前後圍繞程學啟揮令各將士併力攻剿
戰數十合斃賊千餘仍將該逆擊退該逆竄撲
婁塘前敵營盤副將梁安邦等擊走之其時戈

登李恆嵩已帶常勝軍由松江圖攻崑山臣聞
信卽調該兵官徑赴太倉合力進攻復派編修
劉秉璋馳往幫同李鶴章料理出隊程學啟與
戈登等面商妥協卽於次日督派三營進紮太
倉西門並調副將陽利見帶淮揚水師中營同
紮西門大河戈登李恆嵩帶隊由南門進毀賊
卡三座十四日逆首際天福李汝熙帶礮船三

聖學聖考卷三十八

三

十餘號堵截河口程學啟派洋槍隊四百餘名
繞襲該逆後路自督水陸各營兩面轟擊奪獲
礮船多隻賊逆窮蹙乞降當將賊首際天福並
偽燕豫等十九名悍逆百餘名悉數誅戮城賊
出援又經擊退賊膽已寒戈登復帶礮位至程
學啟營前安設先將西門賊築石壘二座全行
轟破程學啟派隊守之李鶴章派隊進紮南門

防賊竄逸戈登排列大礮在西門外連環轟擊
城垣斃賊甚多該逆仍死拒不退我軍添礮四
面開放自已至申擊倒城頭悍賊不計其數轟
裂城垣十餘丈各營奮勇搶越城濠一擁而上
刀砍槍擊賊衆披靡該逆欲由南門出竄又被
我軍擊回程學啟戈登李恆嵩等登時進城捕
殺各軍因賊詭降屢次拒傷官兵立將城賊萬

聖學聖考卷三十八

三

餘人圍而殺之偽會王率二千人突圍由北門
逃出程學啟等派隊緊追立擒蔡元濬誅之餘
匪追斬殆盡遂於三月十五日克復太倉州城
現飭李鶴章帶隊入城布置防守程學啟仍會
同戈登乘勝進攻崑山以聯常昭之氣此次在
事出力人員並傷亡弁勇容臣查明彙請獎卹
奏八

上命議政王軍機大臣傳諭李鴻章曰逆首蔡元濬
踞守太倉敢以乞降詭計誤我軍情實屬罪大惡
極經程學啟將該逆生擒誅之並將城內餘匪悉
數圍殺自應如此辦理以儆凶頑現在太倉既復
則崑山賊膽必寒乘此破竹之勢不難剋期攻復
著李鴻章督飭程學啟會同戈登指日攻克進規
蘇城以牽忠逆北竄之勢常昭雖甫經解圍而現

欽定剿平粵匪方略卷三十八

三十八

與滬上各軍聲勢聯絡可保無虞若略國忠等能
出奇伺隙亦足以擾賊謀並著該撫密籌辦理以
收多方誤賊之效

上諭內閣曰官軍攻克太倉州城生擒逆首蔡元濬
盡法處死殺賊淨盡剿辦甚屬得手著李鴻章督
飭各軍乘勝進攻崑山迅圖克復所有出力及傷
亡各員弁勇丁並著查明彙案奏請獎卹

欽定剿平粵匪方略卷三百三十九 癸亥年

四月初一日丁丑沈葆楨奏言二月二十五日許
村碣石之賊分竄藍田胡村山坑一帶道員王
文瑞飭副將鄧榮達抽隊助防該逆分路進犯
鄧榮達等開礮斃賊甚夥賊卻而復前總兵丁
長勝督兵分抄極力衝突賊遂披靡追殺十餘
里斃賊三四百名據生擒賊供偽襄王劉官方

欽定剿平粵匪方略卷三十九

三十九

偽總統天將劉官幅各率萬餘人由廣德甯邑
而來昨從許村各處竄至藍田一帶欲攻破漁
亭由葵竄江旋聞賊衆屯踞五羣橋西小溪口
又有由九羣橋渡河者我軍潛伏不動巳午之
交鄧榮達等出其不意突出街口丁長勝督隊
抄擊後路賊衆蒼黃失措紛紛投河丁長勝等
合力掃蕩沿途賊屍枕藉逆首劉官幅經外委

謝聘賢矛刺墜馬擒之旋自觸石而死計殺斃
溺斃賊匪約三千餘人生擒悍賊二百六十三
名旗幟七八百桿洋礮洋槍擡槍各數十件偽
襄王劉官方等復糾合偽對王洪春元偽顧王
吳如哮等分踞潯縣各鄉由虎嶺分擾柏溪等
處距祁城二三十里王文瑞密令防祁五營分
路潛出並飛飭丁長勝等向小嶺橫抄會商皖
南道葉兆蘭調勇五百餘名繼進先由長里衝
柏溪之中斃悍賊數十名賊漸分隊包抄適喻
勝榮從金字牌一帶擊敗零股繞出柏溪之右
羅瑞山由畢家亭抄出柏溪之左楊海泰由長
里出白塔郭德馨由板溪山小柏溪同時並至
五路會擊賊大潰亂我軍追過虎嶺復斃賊千
餘名臣仍飭跟蹤追剿以防竄越

聖朝聖考卷三十九

二

聖朝聖考卷三十九

三

沈葆楨又奏言查竄撲屯溪草市之賊爲繼果
營擊敗退竄箬嶺旋有賴逆大股由巖寺街擾
及徽郡之西逆首劉姓分踞離屯溪二十五里
之長林許村一帶劉典統軍進抵屯溪會商王
沐進勦甫抵巖寺街卽見賊巢火發楚軍向街
頭衝突王沐揮中右營從街腰橫入前左營擊
散伏賊由街尾寶塔灣包抄截殺巷戰逾時賊
斃無數賊過橋而遁現探該逆欲糾旌太各股
再到草市決戰如不得逞卽走池州等情其青
陽分竄東流逆匪爲沿江礮船所擊併歸建德
會建德羣會分三路入江其大股從陳家衝擾
石門街窺饒州者爲中路該逆搭造浮橋赴上
下游分路過河練勇力弱未能迎敵遂退至童
子渡三月初九日韓進春前隊抵陶家渡該逆

不敢徑進卽於石門洋塘一帶築壘十一日官軍進至許田橋遇賊千餘人奮力衝擊陣斬數十名賊卽敗遁其一股由秧田坂擾桃樹店窺景鎮者爲左路由太湖盤村東竄與祁門賊合其一股由東流之香口擾彭澤縣窺湖口者爲右路壘被圍練擊殺甚多湖口縣城經督臣曾國藩飛飭護總兵萬泰嚴守該逆無隙可乘遂

欽定剿平粵匪方略

卷三三九

東併石門大股合力窺饒現在大田埠等處徧地賊蹤據生擒賊供沿塘河者已三四萬人逆會黃汶金胡鼎汶李遠繼均在石門一帶建德後路尙有僞尤王僞蕭王等衆均約期會攻饒州等語臣飛飭韓進春拔隊進剿並飭段起派定四成隊如前途有急卽令遊擊劉勝祥統之進援屈蟠已到樂平王德榜前隊已到浮梁各

波口饒防尙屬穩固臣復添派虔字營馳防都昌仁右營填紮貴溪以杜旁竄並飛咨湖南撫臣毛鴻賓等飭道員席寶田迅統所部來江相機協剿至皖南一帶祁門軍情日緊繼果營王沐已由草市赴漁亭助防草市一帶經劉典派營照料皖北賊勢猖獗鮑超援江之師已改旆北渡扼守無爲州矣奏八

欽定剿平粵匪方略

卷三三九

上命釀政王軍機大臣傳諭左宗棠沈葆楨曰江西道員王文瑞駐防祁門在漁亭壘次獲勝雖有斬擒賊未大創著沈葆楨督飭該道等相機進剿將祁縣各鄉騷匪力圖掃蕩無稍鬆勁徽屬之巖寺街防軍屢勝據探該逆現欲糾合旌太各股再到草市決戰如不得逞卽改走池州等情著左宗棠沈葆楨飭令劉典王沐等將徽州附近各鄉鎮匪

股一律肅清如該逆糾大股來犯務當激勵各軍痛加勦洗無任竄犯其由彭澤湖口敗竄之賊東併石門大股合力窺饒現在大田埠石門街等處賊蹤徧地逆酋黃汶金等欲糾合偽尤王等會攻饒州沈葆楨已飛飭韓進春等拔隊進勦並飭段起等軍進援布置甚屬周妥著卽嚴飭各軍以勦爲防保固完善地方勿令匪蹤深入江省圍練經

聖朝聖學卷三十九

六

該撫勸辦亦頗得力仍當激勵地方紳團輔助官軍之不足席寶田一軍前據江忠義奏已由湖南啟行本日復諭毛鴻賓催令迅統所部赴江該撫卽派員迎提令其扼要駐紮以資得力逆匪不能逞志於皖必將上竄江西恣意蹂躪沈葆楨身任封圻責無旁貸如本省兵力不敷仍隨時與曾國藩左宗棠籌商調派勿致稍有疏失

上又命議政王軍機大臣傳諭毛鴻賓曰皖南髮逆由建德分路入江窺伺饒州景鎮等處江省饒防甚形喫重其祁門一路復有偽襄王等欲由婺源入江信防亦形喫緊該省兵力單薄不敷防勦而曾國藩所派鮑超一軍又因逆賊渡江收旆北渡扼守無爲州江省完善之區爲皖浙諸軍後路賊氛甚熾兵力過單設有疏虞大局均爲掣動道員

聖朝聖學卷三十九

七

席寶田一軍昨據江忠義奏該員募勇三千現已成軍卽日可以啟行此時距江忠義奏報之期又將一月諒此軍已整隊在途著毛鴻賓馳檄飛催兼程前進馳赴江西聽候沈葆楨調遣毋少逗留
初四日庚辰曾國藩奏言近日軍情金陵雨花臺一軍撥彭毓橘北援後兵力稍單守局尙穩金柱關蕪湖甯國等處距賊漸遠防務大鬆徽州

三面皆賊臣僅留唐義訓一軍防守徽休兩城十分單薄幸賴左宗棠派劉典王沐各營在長林梅嶺巖寺草市等處疊次苦戰獲勝沈葆楨所派王文瑞亦於漁亭七里橋等處連戰皆捷徽休祁門各城或可無虞然賊思假道徽境內犯江西其謀未嘗一日息也其嶺外石埭太平等處又有古賴劉藍各股與嶺內夥祁北面之賊接連一片縱橫蹂躪臣飭朱品隆由青陽進攻石埭冀擊動徽賊之後路三月二十二日大戰獲勝仍以賊多兵寡未敢輕離青陽之本防深入石埭之重地鮑超渡河北援之師三月十六日始抵無爲州正欲進剿石澗準十七日蕭慶衍彭毓橘會合水師由黃落河進兵並約被圍之毛有銘劉連捷等由內擊出大破賊壘賊

欽定剿平粵匪方略卷三十九

八

欽定剿平粵匪方略卷三十九

九

卡立解石澗準之圍鮑超聞重圍已解登舟仍回上游欲再踐赴援江西之約臣聞賊大股並未退回巢縣悉銳上竄直撲廬江乃飛檄鮑超急登北岸往援忠逆於十九日攻撲廬江縣城守將梁美材等登陴堅守伺隙出擊斬甚衆賊由界河地邇而北分竄舒城桐城一帶據搜獲忠逆偽文將由舒城六安上竄英霍麻林宋準一出黃州一出漢口擾犯湖北意欲擊我南岸之兵以援北擊我下游之兵以援上無非圖解金陵之圍臣以該逆規畫甚大蕃謀甚狡湖北爲數省樞紐不可稍有疏失飛咨官文嚴樹森調成大吉回駐潯口撥水師速赴武漢聞李續宜於三月初十日自湘起程擬俟其道出鄂疆卽咨令暫駐黃州會籌鄂皖大局奏入



上命議政王軍機大臣傳諭曾國藩左宗棠李鴻章
曾國荃李續宜嚴樹森曰逆賊欲解金陵之圍分
黨由徽甯窺伺江西由和含一帶圖犯湖北疊經
官文等奏聞江省饒信兩防守備尙嚴與左宗棠
派往皖南之劉典等軍聲勢聯絡賊不得逞而逆
謀竄江之意迄未少息和含一帶賊衆游弋已久
勢必欲越皖境上犯鄂疆茲據曾國藩奏集縣大

聖朝聖略卷三十九

十

股攻撲廬江由界河分竄並搜獲忠逆偽文有將
由舒六而竄英霍分道擾犯鄂境等情該逆蓄謀
甚狡而規畫甚大總欲圖解金陵之圍此時曾國
荃兩花臺之軍自不得輒自移動墮賊詭謀石澗
埠雖已解圍巢含大股賊氛正肆鮑超之軍仍應
在北岸相機擊勦當此羣醜蓄謀紛竄皖鄂曾國
藩所督各路之軍幾有應接不暇之勢該大臣素

能鎮定惟當持以毅力用圖萬全浙滬兩軍事機
尙順節據左宗棠李鴻章各奏進攻富陽及崑山
均可得手著該督撫嚴飭各軍迅速進取左宗棠
以杭城不難卽克而難於杜賊紛竄是以不急且
夕之功固屬老謀此時賊旣紛投北岸及長江上
游圖解金陵之圍浙滬兩軍如能一克富陽以取
杭州一克崑山以取蘇郡則金陵之賊腹背受敵

聖朝聖略卷三十九

十一

或卽可收搏穴擒渠之效諒該大臣督撫等必能
因時審勢以赴事機也

同日曾國藩彭玉麟楊岳斌奏言蕪湖金柱關
水陸各營自去秋以來戰爭不休迨十一月間
侍逆糾悍賊數萬人蔽船數百號突出東壩將
犯金柱關分竄蕪湖曾國荃派武明良一營馳
紮東梁山朱洪章兩營馳紮龍山橋以爲聲援

三月初八及十三十五等日金柱關守將羅逢元朱南桂截賊於花津上駟渡萬頃湖疊有斬擒十七日賊之由陸路來者右至魚壩左至太平府由水路來者已由三汊河環偏我營朱南桂等督軍出擊焚燒四船賊始奔北二十二日賊復犯三汊河營寨並用飛划登岸勢更洶湧朱南桂等率隊搏戰追及河千萬化林等水營

欽定剿平粵匪方略卷三十九

十一

乘勢奪船數十號斃賊千計水陸各營以該逆屢來西岸未得一逞不若我軍東渡擊之二十六日夜朱南桂等整旅渡河分道疾進朱南桂令謝大洲先趕上駟渡以截青山後路而自領所部進次卿家橋有一卡梗道我軍猝不得前忽水師萬化林等已自下游飛槳而來面面環擊朱南桂卽飭潘泗知等躍入卡內駢戮無遺

羅逢元一校正攻涂家渡二壘未下適朱洪章從青山抄來武明良亦帶隊趕至環壘奮擊賊無一得脫者其西岸一卡一壘亦卽攻破自有此捷賊兩月踰伏不出意謂防務可以少休不料賊之窺伺愈深蓄計愈狡乃繞竄梅塘嘴以上在新圩角搶渡朱洪章輕騎馳往一擊敗之羅逢元派兵伏於花津之下而與朱南桂進次

欽定剿平粵匪方略卷三十九

十二

薛鎮賊堅守不出各隊繞壘而攻水師以巨礮傍隄轟擊賊棄壘竄至花津半爲伏軍所殺遂由新圩角來撲朱洪章整軍出關不期另股由萬頃湖渡過抄我卡後朱洪章撤隊急退已層層包裹朱南桂帶隊馳援重圍始解而弁勇已多損折賊猶疾如風雨猛撲不休朱南桂派彭維祥堵河邊一路向世驥堵陶家灣一路仍自

帶親兵衝入查家橋街中苦戰逾時羅逢元等
分路截擊乃能轉敗為勝羅逢元等復密約蕪
湖防兵周萬倬等水師乘賊屢挫共籌再舉分
路並進行至萬頃湖邊見浮橋一道環列賊壘
十五座賊卡賊棚延亙十餘里羅逢元等督隊
過橋直搏賊壘周萬倬等沿河燒擊彭楚漢等
復縱焚賊棚爭拔地賊蟻附而上悉破卡壘搜

聖朝聖略卷三十九

十四

十五

勦至上駟渡以歸賊以小股排列梅塘嘴查家
灣對岸而以大股由新圩角過河專撲朱洪章
營卡時李祥和來自金陵率師助防新圩角甫
至該處而長勝營守卡哨勇先經挫退李祥和
與吉振各營悉力堵禦且戰且走退保老營羅
逢元等聞警一面飛商彭楚漢等水師來援一
面自簡精銳倍道進發羅逢元由陸公塢繞河

而上朱南桂朱寬義由霍木山前進行未數里
彌望皆賊遂分四路衝入賊乃大潰我軍追至
新圩南河邊水師彭楚漢等亦自梅塘嘴追賊
而至一鼓蕩洗餘賊盡溺於河先是周萬倬吳
坤修兩軍勦賊於南新圩等處進踞四壘該處
近偏蕪湖不能專恃陸師乃令任星元等移師
船於清水河為之倚護正月二十三日賊竄至

聖朝聖略卷三十九

十五

三里頃循河而下距蕪湖不遠任星元等派流
迎擊至三錫登隄督戰右脅中槍仍揮兵衝突
將賊軍退二月初四日灣沚踞賊將犯清水河
高化等乘夜駛船潛往方燃礮轟發適寔營
新破西河之賊派船從清弋江下駛合力猛攻
更於晨霧中分水勇為旱隊在街口積薪焚之
賊不及防急遽無措出巢紛竄我軍遂收復灣

江一隘旋值河水漲溢萬化林等進攻三里橋
賊壘朱洪章等亦率陸軍來會賊焚壘宵遁退
併黃池石壘之下該逆自恃岸峻壘堅列礮以
待任星元等奮力仰轟左光培登岸與水面戰
船摩壘夾擊各賊驚潰我軍立復黃池鐘平石
壘朱南桂等陸師會約彭楚漢等水營亦於次
日盡破伏龍橋護駕墩花津賊巢擒斬甚夥羣

聖恩奏入

十六

賊遁往金寶圩溧水丹陽一帶臣等查蕪湖金
柱關兩城隘爲江界要衝又爲金陵各營後路
上年賊蹤環伺諸將士五旬苦戰幸獲保全今
又屢卻逆氛連克灣沚黃池以通甯國蕪湖之
氣實屬始終不懈所有陣亡各員弁另開清單
請卹在事出力人員可否彙入前次案內查明
奏保以資鼓勵出自

聖恩奏入

上諭內閣曰此次水陸各軍在蕪湖金柱關一帶累
月苦戰攻克三里壩黃池伏龍橋護駕墩花津各
要隘擒斬甚多在事出力員弁著會國藩等彙案
保奏以示鼓勵其陣亡之遊擊姜固國都司潘泗
知姜兆琮守備李得貴黃洋國涂文仲向開喜楊
光才陳正復符加科宋玉廷黃茂勝千總鄭正坤

聖恩奏入

十七

胡玉坤劉應順楊通倫甘大華印開元劉金貴李
隆升楊萬洪把總謝德發姚明海舟福順外委彭
禹明周太和劉斯興張邦早凌福清吳正才沈開
泰張開泰魏進初均著照陣亡例從優議卹都司
熊登照把總唐萬盛蕭名揚均著照傷亡例從優
議卹

初五日辛巳掌江西道監察御史洪昌燕奏冒訪

聞浙江省城失守時學政張錫庚與將軍瑞昌

巡撫王有齡同時殉節張錫庚之柩已達上海

經前任江蘇巡撫薛煥飭屬改殮面色如生眾

所共覩該學政見危授命大節慷慨可否仰懇

恩施從優

賜卹之處出自

聖裁奏入

聖朝聖學卷三十九

六

上諭內閣曰前因浙江學政張錫庚在杭州殉難屢

經諭令左宗棠等查明請卹尙未據該督撫奏聞

茲據洪昌燕奏張錫庚與瑞昌等同時殉節情形

自屬確實該學政家屬前於咸豐十年二月在杭

州殉難此次復因省城失陷慷慨捐生忠烈萃於

一門實屬可嘉可憫浙江學政刑部右侍郎張錫

庚著照尙書例賜卹任內一切處分悉予開復應

得卹典該衙門察例具奏

初六日壬午官文嚴樹森奏旨查鄂省目下情形

皖豫捻匪竄擾黃州府屬皖北髮逆進擾廬江

無爲等處計圖上犯鄂事之亟實覺自顧不遑

惟陝省髮逆竄踞甯陝漢中一帶與曹藍各匪

勾結蔓延勢甚猖獗若不及早殲除則賊燄日

張爲患更無底止臣等再四籌商鄂省駐防東

聖朝聖學卷三十九

九

北各軍旣俱派赴前敵正與皖豫捻匪相持斷

難撤動刻下蒙亳巨捻幸已殲擒西路髮逆又

經遠竄與漢鄖西防務似覺稍鬆通盤計畫祇

李雲麟所部之三千三百人尙可抽調該員隨

臣等日久知其堅忍耐勞且爲略秉章所舉若

統鄂軍入秦更可與川省派出之師互相聯絡

臣等當飭該員率所部殺健全軍並添撥礮船

由鄖陽渡漢而南取道竹谿之關垭子進紮興安府城相機布置探明川省何時進兵約期會合進剿並令梁作楫率所部二千五百人移紮鄖竹要隘爲該營後路聲援兼顧楚西門戶卽爲襄鄖一帶游兵第鄂省兵力本單此次移紮就急原係一時權宜儘髮逆上犯尙須檄調該軍沿漢而下回顧鄂疆以重根本且陝南賊勢

欽定剿平粵匪方略卷三十九

三

浩大斷非鄂力所能獨支將來李桓所募湘軍抵陝作爲本省主兵阻其竄犯西安之路李雲麟所部鄂軍由東而西再得川省派周達武全軍由南而北迎頭進擊庶可三面兜剿以成掎角之勢秦蜀鄂三軍雖各樹一幟而同辦陝南軍事聲息自通相應請

旨飭下四川督臣迅派勁旅哈劍關而北與鄂軍會

合以期大挫兇鋒所有該營軍火器械鄂省均已發給其所需口糧亦飭糧臺籌備但鄂省至興安程途二千數百里轉運維艱勢難剋期而至並請

飭下四川督臣將李雲麟軍餉隨時量籌協濟由川省夔州關稅項下就近撥發俾免飢潰奏入上命議政王軍機大臣傳諭官文駱秉章嚴樹森曰

欽定剿平粵匪方略卷三十九

三

陝南郡縣匪徒麇集勢甚猖獗若不迅圖剿滅將來蔓延愈廣不獨西安省垣可慮卽川楚邊陲亦無安謐之日官文等現飭李雲麟率所部三千餘人由鄖陽渡漢而南著卽飭令該員剋期進剿漢中待援孔亟毋得株守興安城內致誤事機前因漢南軍情緊急節經諭令駱秉章檄調周達武督軍援剿現在賊氛甚熾恐非李雲麟一軍所能殄

滅駱秉章自當力顧大局仍遵前旨速飭周達武
星夜馳援與李雲麟兩路夾攻俾收聚殲之效如
周達武一時不能赴陝卽著藩司劉蓉出省督率
勁旅踰劍閣而北與鄂軍會合攻擊之處由該督
酌量迅速辦理李雲麟師至漢中去楚較遠所有
該營軍餉等項並著駱秉章隨時協濟俾免飢潰
仍著官文嚴樹森設法接濟毋得以道遠爲辭稍

聖學聖方略卷三十九

三

涉推諉

同日都興阿富明阿奏言三月初八日大股逆
匪復盤踞百丈鎮當飭副將林宜華等撥船分
剿詎該逆於次日突竄圩塘港口遊擊熊並茂
等分帶礮船星馳堵截遙見賊船聯檣銜尾將
至河口原泊師船正在開礮轟擊陸賊已將近
岸幸河內水淺賊無大船熊並茂等各駕小船

駛扼港門鏖戰千總鄒玉廷直進河口開礮擊
賊都司張焜沿岸轟擊陸賊後隊該逆始紛紛
潰竄是役擊壞賊船數隻斃賊甚多鄒玉廷胸
受槍傷登時殞命總統水師吳全美現親帶船
隻駐紮下游布置防剿惟江防數百餘里港汊
甚多而北岸尤屬紛歧沿江各口商船輻輳五
方雜處緝匪查奸不容稍緩臣等復派侍衛芮

聖學聖方略卷三十九

三

楞阿帶領馬隊百名駐紮仙女鎮副將孫文友
帶領步隊千名駐紮泰興逐日分赴下游巡探
以期防範周密鄒玉廷中槍陣亡情殊可憫應
請

飭部賜卹奏入

上命議政王軍機大臣傳諭都興阿富明阿曰圩塘
各港口逼近江陰賊巢而北岸靖江實當門戶之

衝現在南岸軍情正在得手該逆必時思北竄是
江北一帶亟宜嚴防以固藩籬此次逆匪竄擾圩
塘各港口均經我師擊退辦理尙屬得手現在該
將軍等復派總統水師吳全美親帶師船駐紮下
游布置防剿著卽督飭該總兵加意嚴防不可稍
有疏虞至北岸河汊紛歧之處現旣派侍衛芮楞
阿等帶領馬步各隊駐紮仙女鎮等處務飭該侍
衛等嚴巡下游各港口以期防範周密所有陣亡
千總鄒玉廷著交部議卹

欽定剿平粵匪方略卷三十九

三

欽定剿平粵匪方略卷三百四十 癸亥年

四月初七日 癸未 閩浙總督兼署浙江巡撫左宗

棠奏冒富陽踞逆經水師副將楊政謨等擊敗
後伏匿城中於西門安設大礮援賊復在城東
北之新橋屯踞蔣益澧由南岸渡江飭高連陞
等軍進駐新橋偪之築壘未竟援賊分股來撲
官軍開礮轟斃數十人賊卽退回據生擒賊供

欽定剿平粵匪方略卷四

一

偽天將謝逆偽朝將汪逆飭主將汪逆於杭嘉
等處挑選悍黨四萬餘已至新橋左右偽聽王
擁衆續至以圖抗拒溫處道魏喻義會同總兵
劉清亮偪圍富陽縣城二十四日蔣益澧移紮
新橋飭高連陞等分兩路齊進該逆先撲左路
熊建益大呼陷陣王聯芳等由田隴橫截而出
賊甫敗走後隊之賊又進熊建益等奮力衝殺

賊始奔敗陣斬悍賊四五百名當左路酣戰之時賊分兩大支撲犯中右兩路蔣益漴令徐文秀等偃旗設伏飭周廷瑞等佯敗誘之賊至伏發斬賊無數賊遂併歸右路高連陞揮軍迎敵斃騎馬賊目數名大旗悍賊數十名賊眾敗走官軍乘勢猛追賊復分股抄襲王宗元衝入賊中手刃數賊中槍陣亡張志公亦身被數創正

聖朝聖略卷三十四

二

相持閒蔣益漴率親兵馳至高連陞等復挺矛回鬪立斃悍賊百餘名賊始大潰官軍齊隊跟追被戮者不下六百餘名其富陽城中踞逆見官軍進勦援賊突出二千餘人徑撲西門營壘曹魁甲等從旁抄殺斃賊數十名賊敗過石橋副將楊政謨等率戰船排礮轟之又斃賊無算查此股援賊均係首逆李秀城之黨勢頗兇悍

經蔣益漴等此次痛擊逆賊稍衰惟地方遼闊又值陰雨兼旬難以起戰當飭諸軍相機圖之至富陽以下潮汐甚大三板不能壓潮現製長龍戰船並調甯波水師布與有等艇船及甯紹台道史致諤雇募白龍殼船十二號駛進錢塘江助勦其新城縣城已飭遊擊賴錫光等帶營駐守桐廬縣城以知縣楊鼎勳帶營駐守以通餉運而壯後路力戰陣亡之守備王宗元應請旨交部從優照遊擊例議卹

聖朝聖略卷三十四

三

左宗棠又奏言臬司劉典一軍調回嚴州後臣卽飭其馳赴皖南行抵長溪適接徽防總兵唐義訓等函稱賊已逼近徽城由巖寺街上至萬安街北至許村南至東關賊蹤密布並據生擒賊供僞金王鍾逆僞東平王何逆及僞梁王等

踞潛口僞主將賴逆踞巖寺街僞襄王劉官方
及僞哮王濂王等踞長林萬安街等處衆約十
餘萬劉典以賊未知我軍突至利在速攻即日
分營進紮梅林以防賊由休甯南路繞竄並約
唐義訓王沐剋期會勦次日飭黃少春攻長林
劉典率中營從萬安街搜勦而下賊視浙軍驟
至卽大潰退追過河西始結陣回拒另股由山

欽定剿平粵匪方略卷四

四

谷中竄出抄我後路劉典一面分軍截勦一面
率親兵從中橫擊賊敗向山路蹂附而遁時黃
少春等由右路進攻巖寺街已奪據山梁適王
沐馳至併力夾擊約計斃賊近萬生擒三百餘
名餘逆退往徽州北路之許村箬嶺以至藍田
一帶而僞金玉濂王糾合僞天將鍾王等逆復
進踞潛口劉典移營進紮適昏霧四塞大雨如

注意令收隊而前隊已至長林猝不及收該逆
分三路來撲劉典馳往策應始將隊伍收回是
役殺賊僅百餘名而參將張顯榮等均以深入
力戰陣亡三月初一日僞金玉鍾逆率黨來撲
梅林中路官軍疾起擊之左右兩路由山谷抄
出賊大敗狂奔斃賊數百名初五日鍾逆賴逆
又來撲營劉典飭左右兩路乘之追殺十餘里

欽定剿平粵匪方略卷四

五

陣斬悍賊數百名初七日黃少春等由東關出
潛口之右劉典由長林出潛口之左賊見官軍
隔岸遙放槍礮劉典揮軍猛擊賊卽狂竄追過
潛口十餘里斬敵數百名生擒數十名現往太
平縣縣竄去劉典已飛飭黃少春等馳赴漁亭
與王文瑞等會勦其駐防祁門之道員王文瑞
等會同劉典各軍擊敗逆首劉官方等疊勝於

蕪亭祁門之閒臣維各股逆賊屬聚於徽休祁門一帶原圖由此越竄江西現敗賊多趨夥縣劉典一軍必殲除此股乃無後顧之虞頃據探報甯國有另股賊匪續竄績溪其甯國旌德太平石埭等縣仍為賊踞劉典擊敗之賊又竄入池州屬之建德縣逆氛漸趨江西景德鎮之防殊為喫緊臣前飭王德榜一軍由白沙關速回

聖朝聖旨

六

浮景翼可稍退奔衝惟賊數太多浙軍未免為所牽綴前此劉典赴徽時臣屬其無分江皖相機援剿如果皖事漸緩浙軍可敷分撥自當星馳入江共圖掃蕩斷不敢稍事遲回所有陣亡之參將張顯榮守備左萬明金友成懇請飭部從優議卹

左宗棠又奏言臣查杭城被陷後學政張錫庚

按察使甯曾給均已殉難署布政使麟趾巷戰至武林門中槍身死臣在嚴州詢問由杭逃之士民眾口僉同並派員至上海查詢由湖避難士民據稱湖州府城被賊圍攻五月有餘嗣以糧盡失陷知府瑞春屬賊不屈遇害湖州協副將鄂爾霍巴圖室自焚等語除學政張錫庚已奉

聖朝聖旨

七

旨優卹外署布政使杭嘉湖道麟趾隨同巡撫王有齡登陣固守六十餘日城陷復督勇巷戰力竭捐軀深堪嘉憫應請旨照布政使例從優議卹

予諡按察使甯曾給城陷投縊自盡洵屬大節無虧應請

旨照按察使例從優議卹補用道湖州府知府瑞春

督率士民嬰城固守城陷之日罵賊不屈遇害
死事甚烈應請

旨照道員例從優議卹湖州協副將鄂爾霍巴固守

湖郡屢挫賊鋒城陷圍室自焚尤屬慘烈應請

旨照副將例從優議卹張錫庚麟趾甫會給均請入

祀浙江省城昭忠祠瑞春鄂爾霍巴並請於湖

州建立專祠其各該員家屬隨同殉難者容俟

查明請

旨旌表

同日沈葆楨奏言據道員王文瑞稟稱三月初

五日探聞竄踞建德之偽堵王黃汶金等潛勾

石太賴古各逆合攻祁門該道以西路空虛將

漁亭兩營調回繼果營王沐亦抽隊來助該逆

由桃樹嶺過新安嶺次日有騎馬賊數千冒雨

衝至西城根自大白鋪等處至離城十里許徧

地賊蹤號稱五六萬該道傳令是夜五更出隊

張左右翼分路而進至七里橋遇賊丁長勝開

礮立斃悍賊十餘人賊猶恃眾衝撲丁長勝直

搗中堅熊常富從旁抄擊賊乃逃竄追近小路

口賊大隊回撲弁勇奮力衝殺殲賊千餘賊因

而死鬪者十餘次喻勝策匹馬當先左手受矛

傷馬前足亦被斫斷猶力戰不退百長彭友年

身被十餘創血戰而死丁長勝等鼓譟直前適

左右兩路橫抄而至圍而殲之免脫無幾其藏

匿山林者亦經鄉團搜殺甚夥共計生擒八百

六十五名此次各將士以少擊衆屢獲奇捷洵

足屏蔽江右厥功甚偉其出力及陣亡員弁應

由左宗棠查明辦理

沈葆楨又奏言僞哮王胡鼎汶等由龍船渡率馬步數千徑犯梅源橋團長程發達等豫伏橋左殺斃百餘名韓進春派隊至陳家嶺遇賊千餘殺斃數十名次日復出隊前進遇哮逆帶賊數千鏖戰兩時殪其前鋒數十哮逆騎馬先遁羣賊遂潰悍賊數萬揚聲撲營前隊及灣里周村一帶韓進春分三路迎敵殺賊甚多後隊援

聖朝聖考聖皇

十一

十一

賊踵至併力死鬪我軍少卻韓進春督兵突陣手刃騎賊五名賊遂大敗該逆經此大創不敢再窺饒郡由洋塘潛出高沙坂一帶漸有東趨之勢王德榜已將浮梁城守事宜安置妥貼建德後河尚有僞愛王一股跟蹤而上其勢寡弱不過數千彭澤都昌鄱陽各團尚能互相聯絡臣惟有嚴飭各軍相機堵剿均奏入

上命議政王軍機大臣傳諭左宗棠沈葆楨曰首逆李秀城之黨自杭嘉糾合醜類援救富陽經藩司蔣益澧等痛加剿擊兇燄稍衰左宗棠現在添造長龍戰船並檄調甯波水師駛進錢塘江助剿著節嚴飭水陸各軍合力進剿迅拔堅城務將此股悍賊悉數殲除勿留餘孽其竄擾徽休之賊節經臬司劉典督率兵勇先後在嚴寺街潛口等處迎

聖朝聖考聖皇

十一

擊殺斃無算退竄太平黟縣其圖竄祁門之賊亦經道員王文瑞督率丁長勝等以少擊衆疊獲奇捷殺斃逆匪甚多追出嶺外微防可期穩固惟各股逆賊屬聚休祁一帶原圖竄越江西現雖擊退而績溪旌德太平石埭等縣尙爲賊踞敗賊復竄回建德饒郡之防殊爲喫緊韓進春率勇在陳家嶺灣里周村一帶奮力攻剿賊由洋塘東趨尙有

偽愛王一股由建德後河跟蹤而上彭鄱各縣鄉團雖尙能聯絡而賊勢太多蔓延太廣必須厚集兵力方可掃蕩羣兇著沈葆楨督飭在防員弁認真堵剿並激勵各屬團勇就近策應以輔官軍所不逮饒廣爲浙軍後路關繫緊要此時賊匪分道竄徧江西王德榜一軍尙恐兵力不厚並著左宗棠妥籌兼顧如皖事稍鬆卽飭劉典等軍無分畛

欽定剿平粵匪方略

卷三

域相機援剿俾該逆不能竄越浮景方爲妥善所有微休陣亡之參將張顯榮守備左萬明金友成均著交部從優議卹其富陽陣亡守備王宗元著交部從優照遊擊例議卹署布政使麟趾湖州府知府瑞春據左宗棠奏訪聞於城破時殉難仍著查明該員等死事詳細情形具奏再降諭旨道員暹福湖州紳士道員趙景賢有無下落並著該督

一併查明據實奏聞

上諭內閣曰浙江學政刑部侍郎張錫庚於杭州城陷後見危授命大節凜然業經降旨照尙書例賜卹著再加恩予諡按察使甯曾綸著照按察使例從優議卹張錫庚甯曾綸並著入祀浙江省城昭忠祠湖州協副將鄂爾霍巴固守湖州府城屢挫賊鋒城陷後闔室自焚尤屬慘烈著照副將例從

欽定剿平粵匪方略

卷三

優議卹並於湖州府城建立專祠以彰忠蓋同日署廣西提督江忠義奏言臣於三月初八日拔營前赴粵西前隊總兵黃仁遺等五營計期已抵廣西省城臣途中接奉諭旨令赴皖省卽檄調抵粵各營旋楚俟各營旋師卽行就道不敢稍事遲延至臣部應由何路進取自當聽候會國藩調遣

江忠義又奏言 臣奉

命赴皖本不應率冒他事而審度時勢之機宜有不

敢自甘緘默者請為

皇上敬陳之 臣自去秋蒙

恩署理貴州提督經毛鴻賓奏請飭 臣赴任及 臣陳

請赴黔而毛鴻賓又力請留 臣專辦蓮塘股匪

嗣兩江督 臣曾國藩奏調 臣軍赴皖毛鴻賓又

聖旨 諭旨

十四

請令 臣赴粵復蒙

恩留辦廣西軍務署理提督毋庸再行赴皖是以 臣

即拔營起程茲毛鴻賓以欽奉

諭旨詢其前後陳請異辭奏請

飭 臣赴皖

皇上以 臣舊部次第拔回新甯故

允所請今 臣軍抵粵則情形既異辦理自殊惟查曾

國藩原奏係調 臣舊部三千嗣奉

諭旨飭增募一二千名 臣因赴粵故飭 臣部道員席

寶田募勇三千赴皖該道增募近四千人又湖

南提 臣周寬世亦經曾國藩令其募勇六千前

往是援皖之師足資調遣儘仍兵力單薄如在

籍道員趙煥聯所部湘勇近六千人令其赴皖

尤為便捷此外如總兵王永章李明惠周洪印

聖旨 諭旨

十五

臬司陳士杰道員吳士烈知府戈鑑各軍亦無

妨酌為抽調 臣昨准兩廣督 臣晏端書咨稱奏

調 臣軍會剿高州股匪該督所陳兩粵緊要情

形不容緩圖廣東地方完善財賦甲於東南現

在江浙山陝膏腴之地均經蹂躪計各省軍旅

所費均不能不籌畫於廣東是論共見之跡則

皖急於粵而論遠大之計則粵重於皖在毛鴻

賓奏飭臣軍赴皖亦謂先其所急今臣軍既已抵粵皖粵相距三千餘里軍行須數月方達亦必不能濟其急矣而廣東陳金剛一股實屬著名悍賊以百戰之健將卓興率萬餘之衆百計進取師老無功是其伏伺待釁不獨爲兩粵之隱憂若非增調重兵分途擊勦則日久必成巨患蔓延將不可收拾此輕重利害所宜熟思而

欽定剿平粵匪方略

六

審處者也臣效力馳驅此身原非己有今既奉旨赴皖雖臣軍抵粵不敢不爲赴皖之計其在新甯各營自應毋庸赴粵擬取道衡州進發其抵桂林各營飭其旋赴永州緣臣昨接晏端書函係令臣軍徑赴肇慶會國藩函係令臣軍如有船隻則徑赴九江如無船隻則取道江西瑞州查衡永係適中之地無論赴廣東江西安徽均爲

便道計由新甯檄調在粵各營並各營由粵旋楚往返道途已在一月之後而晏端書之摺及臣此次陳奏均當奉到

諭旨不至有誤師期愚昧之見仰候聖裁奏入

上命議政王軍機大臣傳諭會國藩毛鴻賓江忠義曰前因江皖軍情緊要屢命江忠義赴粵之師東

欽定剿平粵匪方略

七

行赴皖茲據江忠義奏該營已次第赴粵旋奉赴皖之命已檄調頭隊五營旋楚俟兵齊卽行就道惟廣東高州賊勢甚熾屢接晏端書函催亦當力籌保全各等語現在援皖之師既有席寶田周寬世新募各軍諒已可資分布而廣東陳金剛一股蔓延日久若與潯郡各匪勾結一氣必爲兩粵巨患江忠義所部頭隊五營此時計已前抵桂林若

再檄調回楚不特為期迂緩無補皖事之急且得力勁旅僕僕道途亦屬非計江忠義著無庸赴皖即日率領各營前赴粵省酌量賊勢重輕先其所急相機勦辦至席寶田一軍現在行抵何處並著曾國藩毛鴻賓催令剋日進行應由何路進取規賊所向實力迎勦之處著曾國藩相機調遣湖南現在四境無警其駐守省垣之趙煥暉一軍及總

聖朝聖略卷百四

十六

兵王永章等臬司陳士杰知府戈鑑所部各營何員可以調令援皖著曾國藩與毛鴻賓隨時咨商辦理毋誤事機

初九日 乙酉 西安將軍穆騰阿陝西巡撫瑛瑛奏

言漢中府城雖有盧又熊徐邦道諸軍及通江團練保護然近日又添悍賊數萬終恐未能得手隨派護鎮陳天柱等往援穆懷德分路衝過

賊營二月二十三日趕入郡城會同道員張守岱等及城外各軍進攻東南朝天宮等處賊巢斃賊七百餘名三月初七日望見該逆萬餘在東北角大肆猖獗即集各營迎擊力戰數時逆勢不支紛紛敗退跟蹤追勦現在偽啟王梁逆上竄沔縣偽天將倪李二逆進擾襄城偽遵王賴逆偽扶王陳逆偽端王藍逆仍各盤踞郡城

聖朝聖略卷百四

十九

附近各路察看情形必須先取東關庶幾城圍可解郡城兵勇雖多半係新投兼之營分不一統率無人當將盧又熊及南鄭縣所報通江團練健威各營均歸南鄭縣周蕃壽統率其徐邦道穆懷德各軍均歸陳天柱親督庶幾令畫一不敢推諉毛震壽自駐城固屢挫兇鋒惟髮逆聲勢甚大我軍因眾寡懸殊未能得手而川匪

藍張二逆尤形猖獗現在分踞寶山斗山意在
必得城固城固若失漢中難守毛震壽必須親
駐城固相機防勦臣思漢中關繫秦蜀兩省門
戶被圍日久雖屢次獲勝究因賊勢太衆未能
剋期殲盡多隆阿既難分兵省城更無從籌撥
臣咨駱秉章嚴催周達武迅帶數營就近援勦
會合掃蕩又飛飭漢中各文武加意嚴防以待

欽定剿平粵匪方略卷三十四

三

援軍並許從優請獎激勵其心前蒙

飭令李雲麟並道員梁作楨迅速赴漢勦賊迄今尙
無信息惟有懇

恩飭催來秦以解漢郡之圍大局幸甚奏入

上命議政王軍機大臣傳諭官文駱秉章嚴樹森曰
漢中被圍日久現在偽啟王梁逆等分竄沔縣褒
城賴陳藍諸逆盤踞漢中郡城附近各路川匪藍

張二逆復分踞寶山斗山以伺城固情形岌岌可
危官文等前已遵飭李雲麟率師援陝著卽迅飭
統率所部星馳前進速解漢中之圍並著駱秉章
仍飭周達武一軍就近援勦會合陝鄂諸軍力圖
掃蕩以靖鄰氛

欽定剿平粵匪方略卷三十四

三

同日沈葆楨奏言休北藍田小溪之賊經王沐
會浙師勦洗紛竄鄂縣四五等都並蔓延黃土
坑等處不特山瀟亭赴祁路梗且有乘虛南竄
之勢王沐令王安敦等力勦此路以通祁門之
氣卽出隊至柘木嶺遇賊彙擁而來我軍立斃
騎賊數十追至橫路頭賊忽分竄左右山谷我
軍斃悍賊百餘賊復向雙溪流而遁王安敦等
繞出左路之李坑口一帶搜殺百餘名忽有另
股由柘木嶺擾及李村王安敦等又斬賊二百

餘名卽督軍直攻金字牌劉志友由李村進勦高嶺脚會於雙溪流王沐卽進紮橫路頭接應詎金字牌一股先遁其館於高嶺脚及雙溪流嶺內者亦均潰歸黟縣老巢浙江臬司劉典親至瀛亭約攻黟縣繼果營由桃源洞進劉典由千里山進王安敦駐橫路頭以杜南竄谷進祿等專防胡葉等村之賊抄我後路王沐自督親兵出桃源洞抵石山街該逆於石山橋下設卡王沐令劉志友由中路攻卡王萼由右路旁擊而卡右山岡望棚賊隊林立非先毀望棚卡不能下王沐乃大聲疾呼先登者有賞將士勇氣百倍肉薄齊登遂同時攻破賊分左右潰走城賊亦傾巢出援劉典當其左王沐當其右鏖戰一時當將黟城收復王萼賀心田向右路追殺

聖朝聖略卷四十一

三

聖朝聖略卷四十一

三

忽有巨股回撲王沐劉典擊卻之劉志友搜城中餘匪追出北門轉入山谷伏賊四起劉典更以親兵助之伏賊始退右路潰出羊棧嶺左路潰出方干嶺其南竄橫路頭與葉村胡村之賊均經王安敦等勦敗計斬賊目五名餘匪五六千名生擒五百餘名解散甚夥臣查該逆垂涎江右自皖之績溪西至饒境橫互數百里號稱數十萬幾於防不勝防浙江撫臣左宗棠飭劉典馳援血戰而前所向披靡今賴國家威福克復堅城保障兩江厥功甚偉王沐一軍始則獨當一面連獲全勝茲復協力苦戰迅奏膚公除劉典所部應由左宗棠查明辦理外所有出力之同知直隸州知州王沐懇恩以知府仍留江西儘先補用並

賞給勇號其在事員弁勇丁容查明另行請獎

沈葆楨又奏旨韓進春一軍於三月十八日遇有股匪糾集萬餘人來撲韓進春派隊奮力衝之賊蒼黃失措我軍跟追數里陣斬數十名現在連日來營乞降者已百餘名聞其尾隊復由石門竄向建德其大股仍在時山許家山一帶自夥縣克復祁門解圍賊勢頓孤軍心益奮據

聖皇聖略卷四

十四

段起報稱於二十一日赴規田街察看地勢擬與韓進春會商進剿奏入

上命議政王軍機大臣傳諭左宗棠沈葆楨曰逆匪垂涎江右自皖之績溪西至饒境橫互數百里王沐一軍屢戰屢捷茲復會同左宗棠所派之劉典一軍克復堅城徽境漸可肅清江防賴以保障實屬異常出力惟夥縣克復之後餘匪潰出羊棧嶺

方干嶺現已歸併何處恐其再來撲城著左宗棠沈葆楨飛飭劉典王沐等四面搜檢務將祁夥一帶零匪除盡無任再有勾結段起現赴規田街擬與韓進春會剿刻下夥縣已復祁門解圍軍威益振賊勢日孤該撫卽催令韓進春等迅將大股賊匪認真掃蕩以安邊境

聖皇聖略卷四

十五

上諭內閣曰安徽賊匪踞守夥縣並分黨竄擾黃土坑等處經沈葆楨派同知直隸州知州王沐督軍與左宗棠援皖之師分路進剿賊眾潰敗當將夥縣城池克復所有尤爲出力之同知直隸州知州王沐著以知府仍留江西補用並賞給懋勇巴圖魯名號其餘在事出力員弁兵勇著准其擇尤保奏

欽定剿平粵匪方略卷三百四十一 癸亥年

中央民族學院圖書館藏

四月十六日 壬辰 沈葆楨奏言三月二十二日

堵王黃老虎由祁門界桃墅鎮一路帶領悍賊十餘萬與許家山陳家嶺等處踞匪會合次日逆眾傾山倒海而來營官王大魁等率槍隊六百名憑河扼之該逆分路從上下游竄渡欺我軍勢孤冒煙而進韓進春見眾寡懸絕非猛戰

剿平粵匪方略卷三百四十一

一

不可令收回槍隊讓其過河調馬隊迎剿行至中途被該逆圍住過河之逆喊聲大震韓進春望見賊環長濠數市後隊迤邐四五里因令長夫火夫站立營牆十營士卒拔隊盡起親率死士衝其右翼引山西路左右營之兵楊必遇等統馬隊突圍而出撼其左翼韓鳳飛等直搗中堅賊陣屹立不動將士憤極短兵相接人人致

死賊乃披靡我軍偪至河邊該逆憑水死戰我軍復卻適韓進春擊退西路之賊以親兵及左右營馳至東路之賊為馬隊所偪併歸中路我軍三面夾擊賊遂大潰自相踐踏積屍盈渠自已至申血戰四時非勇中有一人殺四五十賊者計陣斬千餘名割取首級五百餘顆淹斃者不可勝數據生擒賊供黃逆以皖浙無糧圖竄

剿平粵匪方略卷三百四十一

二

江西以達楚粵現退至離營三十餘里之楓樹壠一帶仍飭加意嚴防毋任竄越沈葆楨又奏冒據韓進春稟稱擒獲逆匪鄧惡發一名供稱從賊最久因覓偽哮王胡鼎汶屍首該將飭於積屍中辨認有穿藍襖袖盤金龍者曰此偽哮王胡逆也復獲陳士發一名供亦相同是胡逆確已伏誅洵足以快人心奏入

上命議政王軍機大臣傳諭沈葆楨曰偽堵王黃老虎等由祁門界桃墅鎮一路率領悍賊十餘萬渡河撲營韓進春親督死士奮力擊賊以少勝多陣斃偽王胡鼎汶一名此次力戰卻賊大挫兇鋒實屬異常出力著沈葆楨將在事出力員弁擇尤保獎以示鼓勵惟黃老虎尙未就擒該逆現退至離營三十餘里之楓樹壠一帶難保不乘隙復出

欽定剿平粵匪方略卷四十一

三

滋擾仍著督飭韓進春一軍加意嚴防毋任竄越段起一軍前據該撫奏報已赴規田街察看地勢擬與韓進春會商進剿刻下祁門賊勢甚盛即著飭令該道員等一鼓作氣實力勦辦務將黃逆殲除勿留餘孽

十七日癸巳李鴻章奏旨太倉克復後總兵程學啟會同戈登乘勝進攻崑山三月十六七等日

總兵郭松林等追剿苗涇支塘餘逆擒斬無數太倉境內一律肅清與常熟福山各營來往通氣程學啟等督帶所部進逼崑山東門跨河立營猛攻兩日未能卽下戈登遂暫撤回松臣因太倉新復崑山軍情未定帶隊由嘉定馳赴太倉與李鶴章會籌布置於太倉北門外通常熟蘇州之路分紮八營以堵援賊二十三日臣往

欽定剿平粵匪方略卷四十一

四

程學啟崑山營次察度城賊情形周歷婁江青陽江吳淞江各河道派淮揚水師陽利見等三營分扼水口與陸軍相爲依護越日由水路折往青浦飭守將滕嗣武加意嚴防如蘇崑窮寇乘虛內竄與現駐千墩水陸各軍互爲援應二

十七日至松江府城面商戈登添備攻具剋期赴崑山會剿是夜仍馳回上海據程學啟稟稱

四月初一日派副將劉士奇由東門滾紮北門外月河橋步步進蹙程學啟帶三營隊伍前往更樓橋周市一帶察勘地勢有賊千餘紛紛竄伏卽飭參將周良才等排開隊伍該逆見我軍嚴陣而來遂退回城中程學啟卽飭周良才等就地扼紮以杜該逆由北門出竄初二日劉士奇至月河橋紮營程學啟親督洋槍隊並陽利

聖朝聖略卷中十一

五

見礮船前往堵禦該逆瞭見我軍已紮營牆卽糾大股由南門衝出並於城上開礮抵拒程學啟令各軍一面紮營一面奮勇截殺斃賊數百名該逆敗退入城劉士奇立定營盤距城不過數十丈擬借輪船大礮兩尊併力轟打儘能得手卽搭造浮橋渡過奮勇爬城戈登昨由松來滬亦約定帶隊前往會攻探聞崑新城賊欲糾

蘇州踞逆僞暮王譚紹洸合力抗拒然屢敗之餘勢已窮蹙僞忠王李秀城已帶大股赴皖北巢縣廬江等處與鮑超各軍相持似難速回援救或可乘此機會迅克崑城如崑城可得則與常熟各軍進規蘇州前路河湖交匯支汊皆通水師旣易得力陸軍亦便分扼其常州踞逆僞護王陳坤書一股現由楊厓顧山圖窺福山壘

聖朝聖略卷中十一

六

經總兵劉銘傳等分兵截剿嘉興踞逆僞聽王陳炳汶一股赴援杭州富陽又分股圍撲章練塘泔涇一帶以牽掣我師亦經參將曾敏行等師船合力擊退奏入

上命議政王軍機大臣傳諭都興阿富明阿李鴻章曰總兵程學啟一軍於太倉肅清後進徧崑山東門跨河立營該逆由南門衝出我軍奮勇截殺斃

賊甚衆該逆敗退入城勦辦極爲得手卽著照李鴻章所擬調集水陸隊伍併力圍攻速將崑城克復以爲進規蘇州之計惟崑山攻勦一經得手則蘇城之賊勢必圖竄江北旣得就食裏下河完善之區卽可掣動南岸官軍之勢皆在意中據李鴻章奏稱僞忠王李秀城已帶大股赴皖北巢縣廬江等處與鮑超各軍相持是其窺伺江比較謀已

欽定剿平粵匪方略卷三十四

七

可概見著都興阿富明阿督飭各軍嚴密布置加意防禦江北關繫極爲緊要該將軍等務當慎之又慎毋得稍有疏失致誤事機

同日唐訓方奏言僞忠王李秀城爲苗逆勾合自石澗埠解圍後進撲六安臣卽函商提督鮑超探明追勦並飭臣部駐防廬州義字三營撥隊馳赴臨淮昨接探報該逆聞鮑超大隊到舒

卽解圍遁至壽界又爲各圩練丁盛之該逆野無所掠卽由壽南遁至定遠之鐘橋臣復飭定遠鳳陽各地方官集練守城分咨鮑超暨義字三營星速北來規賊所至痛加勦洗而該逆已竄至鳳陽曹家店分撲定遠縣城偏近鳳陽蔓延鳳屬之劉府總鋪一帶縱橫百餘里火光燭天地方屢經蹂躪覓食維艱臣部兵力本單軍

欽定剿平粵匪方略卷三十四

八

無數日之糧甚爲可慮所幸民心尙固各圩紳董多能齊團助勦臣惟有殫盡血誠激勵兵練以待援師相機會勦奏入

上命議政王軍機大臣傳諭曾國藩吳棠唐訓方曰唐訓方奏苗逆勾合髮匪由六安進撲定遠偏近鳳陽蔓延所屬之劉府總鋪一帶縱橫至百餘里逆勢臨張鮑超之軍能否由廬州定遠進援著曾

國藩相機調遣如鮑超未能赴援壽境其應如何
另籌勁旅以顧壽州一路之處著曾國藩唐訓方
迅籌妥辦唐訓方即力保東路其東北一帶兵力
空虛著吳棠嚴飭黃開榜等勤加偵探遏其北竄
毋任紛擾

同日李續宜奏言 臣於三月初十日自籍冒雨
起程感觸風寒舊病陡發仍力疾前行計 臣家

聖學方略卷四十一

九

至湘鄉縣城陸程僅一百六十里至三月十七
日始到於是病益難支遂趕緊覓醫調治近來
疊接下游警報皖鄂均形喫緊恨不星馳赴皖
辦理軍務而一病糾纏憂灼如焚俟痼疾稍痊
即當勉強支撐由水路飛速下駛斷不敢稍涉
稽遲貽誤戎機 臣於同治元年七月初六日間
計丁母憂以來悲痛之情至今不釋而奉

旨奪情在

朝廷有不得已之苦衷 臣亦有不能言之隱懣惟有

願懇

恩施逾格開 臣皖撫之缺專辦軍旅之事不特完 臣

名節亦且於 臣病體有益至事權分屬或致呼

應不靈 臣自當隨時商榷委曲求全以期上副

宸廑下盡 臣職奏入

聖學方略卷四十一

十

上諭內閣曰前因安徽軍情緊要督辦需人疊經降
旨命李續宜署理安徽巡撫令其墨經從戎於假
滿後迅速由籍起程馳赴安徽並以軍務與地方
應辦事宜必須聯合方可收功諭令該署撫毋庸
固請開缺茲據該署撫奏稱途次患病悲痛未釋
請仍開巡撫署缺專辦軍務等語奪情起復本係
朝廷不得已之舉既據該署撫懇情陳奏至再至

三自當曲體下情勉從所請李績宜著准其開署
理安徽巡撫之缺仍專辦皖北軍務迅速前赴軍
營毋稍遲延

二十日丙中官文嚴樹森奏言皖省捻匪由清水

河東走廣濟重陽橋經該縣知縣覃瀚元擊敗
遂竄往黃梅縣屬之考田鎮後山鋪一帶覃瀚
元復會同該縣知縣史維基帶勇追及斬擒數

欽定剿平粵匪方略卷一百一十一

十一

百人該逆連夜由亭前驛竄入安徽宿松縣屬
之二郎河臣遙揣賊情必由潛太舒桐勾合巢
含髮逆當咨提督成大吉由蘄水鼓行而東跟
蹤追躡並飭總兵穆正春馳紮英蘄之間相機
會剿正在部署間接准兩江督臣曾國藩飛咨
偽忠會李秀城自解圍石澗埠後親率大股直
撲廬江繞竄桐城之東北新店崇山等處適由

潛太下竄之皖捻攻撲桐城未得逞志遂在孔
城地方會合同由舒城大路上竄圍攻六安州
城勢甚兇猛其捻股已至霍山縣境據廬江官
兵搜獲偽忠會文稱該逆與偽來會陸驟得等
計議令其率掣皖軍而自率悍黨由舒六英霍
疾趨湖北麻城宋埠一帶分犯漢口黃州窺伺
荆襄與竄陝之陳玉斌餘黨聯成一片又據謀

欽定剿平粵匪方略卷一百一十一

十二

報苗沛霖率眾突叛亦有勾結髮逆犯鄂之謀
臣等查皖豫捻逆甫經擊退乃忠逆復糾黨西
趨冀圖肆擾鄂疆斷絕皖軍餉道逆燄甚張其
謀尤狡現在賊氛逼近或由英霍以達二蘄羅
麻或繞商固信羅以至德安所屬迢迢千里防
不勝防一經闖入既恐其直撲武漢攻我腹心
又慮其分犯荆襄踞我形勝設有疏虞大局何

堪設想曾國藩於搜獲偽文後飛調提督鮑超
蕭慶衍道員毛有銘各軍由廬舒一路進解六
安之圍飭道員李榕一軍由潛山一路進擊霍
山之捻復恐鄂力單薄檄飭成大吉回顧鄂疆
侍郎彭玉麟所部之總兵王吉水師喬導營自
九江上駛漢黃一帶並飭總兵李朝斌將由湖
過鄂之新募太湖水師截留數營以資巡防又

聖朝聖略卷中十一

三

聖朝聖略卷中十一

十四

咨商提督楊岳斌添派水師二三營來鄂助守
其意甚為周浹臣等熟商以目下形勢而論守
鄂卽所以顧皖而近防尤貴乎遠征現已檄飭
總兵穆正春率所部毅恆六營自上巴河星赴
英山會合皖軍兜擊而以副將王桐柏所部親
軍六營馬隊二營代守上巴河成大吉之馬步
各營扼紮漢黃適中之岐亭宋埠而以舒保所

部之東省馬隊馳驟其間作為游兵又抽撥毅
恆營副將蕭恆勝等守羅麻交界之松子長嶺
二關而以紳士姚敦禮等集團輔之以防東路
總兵周鳳山五營分守麻城之兩路口黃安之
新集一帶總兵楊朝林六營固守應山縣屬之
三關總兵沈俊海率元右等五營移紮隨州七
姑店並飭郎中李雲麟暫緩赴陝率毅健六營
守棗陽道員歐陽正埔率發右等五營守襄樊
以防該逆乘虛西犯幸春水盛漲武漢黃江面
及河湖港汊分布礮船可資控扼現飭總兵張
啟基等各率所部礮船一齊駛入內河分防鵝
公頸等處其黃屬下游之下巴河一帶責成副
將丁長春等分段巡邏以防搶渡南岸至曾國
藩派來水師王吉一軍卽令其由潯陽直駛武

漢東自陽邏西至漢口分列於北岸江漢之滸
隨時援應目下黃州四面皆水李朝斌所部太
湖水師前後兩營卽令其專防黃州附近之三
台河等處俾昭嚴密儻皖軍得手該逆或不至
長驅直入如遲至十日後則各軍均抵防所布
置稍周尙可勉支危局 臣嚴樹森於三月二十
七日馳赴上巴河察看各營壁壘旋於四月初

欽定剿平粵匪方略卷四十一

十五

二日仍回黃州團風鎮居中調度奏入

上命議政王軍機大臣傳諭曾國藩略乘章唐訓方
李桓曰髮捻勾結肆擾據搜獲僞文稱忠逆欲分
黨牽掣皖軍而自率悍賊由舒六英霍疾趨湖北
麻城宋埠一帶分犯漢黃窺伺荆襄自應力籌防
剿曾國藩現調鮑超蕭慶衍等軍由廬舒進以解
六安之圍道員李榕一軍由潛山進以擊霍山之

捻並令成大吉回顧鄂疆彭玉麟楊岳斌所部各
派水師赴鄂協同防剿官文等現飭穆正春赴英
山王桐柏駐上巴河成大吉紫岐亭並羅麻等界
之松子長嶺二關及應山隨州棗陽襄樊等處各
派防兵與水師分段巡邏均尙布置周妥卽著官
文等督飭水陸各軍嚴密設防毋令闖入嚴樹森
回駐團風該處與巴河緊接尤爲扼要卽著隨時

欽定剿平粵匪方略卷四十一

十六

妥爲調度其六安舒桐蔓延英霍一帶之賊並著
曾國藩唐訓方迅籌剿擊賊如犯鄂曾國藩卽飛
飭各軍緊躡與鄂省諸軍前後合力夾擊其李雲
麟之軍現守棗陽一時不能赴陝而陝南軍務極
緊現在髮逆狡謀又有欲由襄漢勾連之信與漢
賊氛尤應及早掃除前諭略乘章飭周達武一軍
由川赴陝仍著懷遵諭旨飛飭該總兵拔隊迅往

漢南以資勦辦李桓現在行抵何處並著星速前往漢中督率辦理毋稍稽延

二十一日酉丁曾國藩左宗棠沈葆楨奏言自徽休解嚴瀘亭獲勝後羣賊嘯聚黟縣祁門圖竄浮景以擾江西偽堵王黃汶金偽祐王李遠繼等勾結太平石埭賴古兩逆由建德過新安嶺至太白鋪渚口等處逼近祁門西路黟縣之賊

聖朝聖略卷四十一

七

亦時擾祁門東路王文瑞以賊氛四逼當將駐防瀘亭之總兵丁長勝等調回祁門並由王沐派營赴祁助勦三月初十日賊蹤緊逼祁門西路之千佛橋小路口一帶距城僅十里次日王文瑞督隊迎勦行至七里橋遇賊轟斃十餘名賊始敗走追至小路口賊復以大股回拒官軍猛擊數次斃賊千餘賊死拒不退喻勝策匹馬

陷陣身受矛傷哨長彭友年裏創力戰陣亡官軍益加憤怒左右兩路齊出奮力衝殺賊乃大潰官軍四面蹙之殲斃殆盡後股之賊紛紛竄走楊海泰等繞出千佛橋迎擊又斃賊無算計是役共斃賊七八千名生擒八百六十五名奪獲偽印三百餘顆羸馬二百餘匹據生擒賊供首逆偽祐王李遠繼已被官軍陣斬並殲斃賊

聖朝聖略卷四十一

八

目甚多其劉典一軍將徽州北路肅清後即飭黃少春等七營進勦休甯北路藍田之賊斬斃百餘名次日進勦小溪之賊又斬斃數十名十四日王沐因賊由黟西竄至橫路楠木嶺一帶瀘亭赴祁門道路梗阻遂率所部轉戰而前又斃賊二三百名而該逆大股仍踞黟縣城內自黟西至祁門東北折而至祁門南境均爲賊踞

王文瑞將丁長勝等調回祁門漁亭僅王沐一軍駐守頗形單薄劉典卽飭黃少春等各營進紮漁亭張聲恆齊蘭禮移紮九鞏橋十六日劉典至漁亭瞭見駭境四五八九等都賊蹤已滿其夥縣至漁亭大路又設一卡以阻我師當於十七日偕黃少春王沐分三路齊進甫近卡邊該逆出黨千餘王沐奮擊卻之劉典卽督軍過

欽定剿平粵匪方略

卷三

河將賊卡平毀而城賊及左右村莊之賊大至衆約數萬繼擁而前適黃少春從左路沿岸而下中右兩路一齊猛進賊勢大潰劉典遂令黃少春由左路攻四五都之賊王沐由右路攻八九都之賊劉典率黃有功等追至駭縣城下乘勢奪門而入賊由東門竄走其時左右兩路已將四五八九都之賊剿除小溪一帶賊千餘

來撲經張聲恆擊敗悉向羊棧嶺方干嶺逃去計共斃賊四五千名十九日王沐進紮駭城右山劉典派朱明亮等三營助之築壘未畢該逆大隊來撲王沐等奮擊斃賊多名該逆又分路來犯王沐等督隊猛進賊敗而復回官軍勢幾不支黃少春等繞後擊之賊始駭奔追殺數百名據生擒賊供該逆圖竄嶺內者因太平古逆

欽定剿平粵匪方略

卷三

掘其去路必欲喉各逆竄越江西並約騎賊前來助戰而另分大股偷竄徽休以撓官軍後路二十四日劉典知駭縣之黃村廬村等處賊已築壘勢將久踞遂率軍進剿該逆併力出拒左路黃少春等擊破一壘李良平復降其二百餘人中右兩路之賊來援王沐等繞出其後賊大敗狂奔陣斬詢天義等悍賊多名黃少春追至

羊棧嶺賊分向嶺外竄去計破賊壘二十一座
斃賊近二千名二十六日有零股回竄又約斃
三百餘名生擒僞主將林逆礫之惟據道員段
起緘稱池建之賊已竄過石門距景德鎮僅七
十餘里青陽等處之賊亦併圖上竄饒景戒嚴
劉典擬留王沐防守黟縣自率全軍赴浮梁助
勦又據王沐稟稱賊蹤尙環伺嶺外劉典未便

聖朝聖略卷三十一

三

移軍入江如果太平石埭之賊全股竄江自當
越皖赴江以行原議等語查該逆由廣德分竄
皖南蔓延愈廣浙東敗賊復竄入合股其圍繞
徽州休甯者意在闖越婺源以入江西之德興
樂平其竄踞黟縣圍繞祁門者意在闖越浮景
之東以出德興樂平之閒而抄浮梁景德之後
此次官軍肅清歙休進勦黟縣嚴守祁門前後

斃賊二萬數千之多劉典身先士卒屢瀕險危
應先開列請獎以昭激勸其餘出力員弁容臣
等查明酌保陣亡員弁並懇

飭部議卹奏入

上命議政王軍機大臣傳諭曾國藩左宗棠曾國荃
沈葆楨曰池建青陽等處之賊併圖上竄饒景戒
嚴王沐回援江境而黟縣無兵留防賊蹤尙環伺

聖朝聖略卷三十一

三

嶺外徽休一帶空虛劉典自未便移軍入江左宗
棠以該逆糾各大股由廣德分竄皖南蔓延愈廣
浙東敗賊復竄入合股其圍徽休者意在闖越婺
源以入江西之德興樂平竄踞黟縣圍繞祁門者
意將闖越浮景東出德興樂平之閒而抄浮梁景
德之後現在饒信之防沈葆楨辦理尙屬周妥左
宗棠督飭劉典等軍與江省聯絡一氣諒羣醜不

得肆其衝突仍著該督撫妥爲辦理惟嶺外逆黨
尙多青陽石埭建德東流均有賊蹤安慶省城爲
中權扼要北自巢含舒桐以至英霍一帶髮捻交
乘又值苗沛霖復叛金陵逆黨自九洲洲渡江聲
言不擾及裏下河等處卽直上和含且與捻苗各
匪均相勾結恐有詭謀以解金陵之圍曾國藩識
略素優務宜倍加謹慎以策萬全浙軍近日甚爲

欽定剿平粵匪方略卷三十一

三

得手此時劉典等軍能否與蕪湖金柱關等處聯
絡一氣或於克復富陽後卽移得勝諸軍由於潛
昌化進攻廣德以圖東壩與曾國荃偪金陵之師
前後夾攻直搗老巢著卽會商妥籌辦理皖浙脣
齒相依左宗棠務與曾國藩聲息相通緩急互應
並著籌知彭玉麟楊岳斌等加意巡邏以杜勾結
上諭內閣曰官軍會克黟縣出力之浙江按察使劉

典著賞給阿爾剛阿巴圖魯名號江西吉南賴甯
道王文瑞著賞給該員祖父母父母父母二品封典副
將黃少春著交軍機處記名遇有浙江總兵缺出
請旨簡放黃有功楊芳桂均著賞加總兵銜參將
喻可宗齊蘭禮均著以副將仍留浙江補用喻可
宗並賞給鋒勇巴圖魯名號齊蘭禮並賞給健勇
巴圖魯名號守備劉大謨著以遊擊補用並賞換
花翎同知李耀南著以知府仍留浙江補用並賞
換花翎其餘出力員弁著左宗棠沈葆楨擇尤保
奏陣亡之擬保遊擊彭友年擬保把總羅廣林均
著交部照擬保官階議卹

欽定剿平粵匪方略卷三十一

三

欽定勦平粵匪方略卷三百四十二 癸亥年

四月二十三日 己亥都興阿富明阿奏言查大股

逆匪於丹陽凌口一帶蔓延至玉山後揚言北

竄當經督飭提督賴鎮海整備師船以資堵禦

該逆果竄至諫壁以南旋即折回玉山越日復

由玉山結隊擁至江邊經賴鎮海分飭各船迎

擊適遊擊陳奇彪亦帶長龍礮划駛至開礮合

勦平粵匪方略卷三百四十二

一

勦擊斃數十名該逆仍即遁回江陰逆首蓄意

圖竄巫山港大陰沙等處先派逆首左姓率黨

擄船經總兵郭定猷督船堵勦開礮轟擊酣戰

一時之久斃匪甚多賊陣潰亂我軍乘勝登岸

掩殺遊擊李德祿奮勇爭先手刃數賊骸受矛

傷仍裹創力戰各軍相繼並進該逆紛紛敗走

其上游浦口觀音門一帶三月二十七日寶塔

根以上時有賊蹤窺伺即經水師派撥礮划前

往防勦次日忽有馬步賊數百向寶塔根而來

統領梁正源揮令各船開礮轟擊斃賊不少賊

勢披靡守備袁得龍首先登岸正在砍殺忽被

逆槍擊中登時陣亡各弁勇愈加奮怒大呼追

殺斃賊無算江浦屯逆分股上竄之後覲覲東

犯並據探報髮逆竄撲滁境離城三十五里之

勦平粵匪方略卷三百四十二

二

關山朱龍橋地方並有圖竄儀揚之說又探苗

練勾結髮逆竄擾定遠縣攻打吳家圩意圖東

犯滁揚頃准吳棠咨稱髮逆由桐城竄六安經

官軍追擊現已竄至定遠鐘橋有東竄淮揚之

說並探逆衆由六安竄至盱眙西鄉之馬家岡

管店一帶肆行擄掠各等情臣等查揚防以東

江陰等處逆賊時圖北竄現在太倉肅清後官

兵圍歙城該逆窮蹙無歸尤恐渡江紛擾北路則苗練復變欲竄淮揚兼之大股逆衆由定遠直犯盱眙五河而西路江浦之賊亦時謀窺伺實有瞻前顧後之虞六合李世忠自江浦失利遠保滁州若大六喫重甚屬可虞惟有督飭各軍嚴加防禦不敢稍存大意其陣亡守備袁得龍懇

欽定剿平粵匪方略卷三十二

恩飭部從優議卹

同日漕運總督吳棠奏言臣准署安徽撫臣唐訓方咨稱髮逆由桐城北竄六安經提督鮑超追擊現已竄至定遠鑪橋有東竄清淮之謠又據副將蔡觀賢稟稱髮逆由六安竄至盱眙縣西鄉之馬家岡管店及津泥澗溪地方並據總兵安勇盱眙縣知縣李金庚稟報相同臣查粵

逆經上游官軍擊退窮蹙狂奔人數尙衆誠恐乘機突擾臣已飛飭蔣壩衡陽高寶各將領督率水陸各軍嚴加防禦並抽調駐防成子河之總兵鶴齡等管帶馬步隊一千名馳往蔣壩衡陽會同各軍實力堵禦如再緊急臣當飛調別隊馳往防剿不敢稍涉大意並咨會都興阿富明阿一體嚴防

欽定剿平粵匪方略卷三十二

同日李鴻章奏言太倉肅清後進攻崑山以程學啟一軍主之派開字奇字等營分紮東北兩門之間四月初三日程學啟督軍直逼城根開礮轟打城上悍賊拚死抗拒礮子往來如織我軍不能仰視賊卽乘勢由南門衝出欲襲我軍之後程學啟派隊迎剿陣斬賊匪數百名該逆敗退入城旋探僞暮王城王等糾集大股數萬

來崑援應初七日有賊萬餘復由南門繞東門兼至青陽江一帶程學啟派洋槍隊會同水師轟擊斃賊百餘賊仍向南門遁走復從北門衝出直撲開字新中營當令副將陳有昇等竭力堵禦該逆死踞營右高坡意欲築壘屯紮我軍轟斃黃衣賊目賊乃退回其援逆分股竄周市更樓橋等處副將宋有勝等擊之斃賊數百僞

聖朝聖略卷三十四

五

拱王一股復由北門搭造浮橋直抵開字營之前次日又由南北兩門衝出萬餘人分偏我營別出悍賊數千直撲開字新中營濠牆經各軍互相攻擊酣戰四時生擒及轟斃者不下二三千人賊始返奔留守太倉之軍係李鶴章主之派督撫標各營紮毛家市橋建字各營紮杜家橋盛字營親兵紮雙鳳鎮以爲犄角之勢其八

里橋小路另派遊擊衛汝貴築一小營扼守布置甫定四僞王糾衆約六七萬人欲攻太倉以解崑山之圍卽糾合大股圍撲盛字營周盛波憑牆固守一面抽隊繞過街西從後抄擊該逆腹背受敵奪路狂奔遁回周市僞來王率六七千衆徑撲親兵前營周盛波開礮擊斃紅衣黃衣賊目數十名賊復分隊圍撲盛字副營並在街口修造石卡周盛波令周盛傳由雙鳳鎮之右孔昭佑由雙鳳鎮之左分路包抄自帶親兵直入街內賊見我軍夾擊僞來王已中槍傷遂奪路而遁周盛傳等合力兜剿該逆人馬紛紛投水水爲不流李鶴章派副將吳建瀛伏於樹屋叢密處截殺百餘名與周盛波等合隊追至鴛鴦橋次日僞王率三萬餘衆由雙鳳

聖朝聖略卷三十四

六

鎮之右來撲親兵前營並由鎮北面四路環攻
子如雨注周盛波等連開槍礮擊斃賊目十餘
人賊猶死拒周盛傳自帶親兵伏於牆外木城
排放洋槍擊斃無算孫善成水師復來會勦自
辰至午過河之賊愈多周盛傳派隊乘船渡河
將守橋之賊擊斃數百浮橋立即燒燬賊乃膽
怯遁去其雙鳳鎮左之賊正在圍撲副營周壽

欽定剿平粵匪方略卷四十二

七

昌帶隊衝進孔昭佑由營衝出兩面合擊該逆
退踞石橋周壽昌躍馬直入被槍打穿左髀猶
裹創力戰適吳建瀛等趕到施放洋槍該逆龍
旗大隊忽被槍子擊動賊隊乃亂周盛傳等與
援軍夾攻賊紛紛撤退是夜大廟河川橋一帶
賊卡復經知縣余思樞等襲破殺賊數百名又
有另股竄踞沙溪鎮分擾季家灣黃中元等乘

夜出隊賊不及防蒼黃亂竄我軍追至沙溪該
逆自相蹂踐港多路窄淹斃無數周盛傳等亦
由直塘以西跟追擒斬數百名諸僞王遁回崑
山太境一律肅清查該逆以崑山攻急糾合四
五萬衆注意打破雙鳳鎮三營直入嘉定以斷
後路而解重圍其計甚爲兇狡賴將士用命得
以大挫兇鋒而援應崑山之賊復經各軍同時

欽定剿平粵匪方略卷四十二

八

擊敗城賊爲之奪氣現在戈登備帶洋礮於初
十日抵崑臣已飛飭各將弁等會商妥辦
李鴻章又奏言崑山北門援賊連營密布意在
抄擾我師十一日程學啟派參將周良才等繞
至更樓以襲該逆後路道員符信等進攻左路
副將宋有勝等進攻右路程學啟自督遊擊陳
忠德洋槍隊並攜帶開花礮四尊會勦天明直

偏賊營該逆乘霧埋伏約三萬餘衆見我軍至
伏兵突起勢甚兇猛當飭各軍分投迎擊並另
派副將陽利見所部戰船夾攻水陸各軍連戰
十餘合擒斬悍賊百餘名賊猶拼死抗拒戈登
連放開花礮擊中多賊該逆大股稍卻程學啟
揮令各軍乘勝進剿斬馘無算大股之賊始行
狂奔立破賊營十餘座符信等三營由左路進
擊宋有勝等三營由右路直攻復破賊營四座
其餘各賊營亦多潰散周良才督率四營跟蹤
追剿陽利見督率各船開礮環攻該逆奔逃無
路半就擒誅計共殺斃賊匪萬餘名落水死者
不計其數共破賊營二十四座奪獲旗幟器械
三四千件餘匪不及入城望西遁竄我軍追過
西門三里許該逆外接受此大創城賊喪膽已

聖朝聖業書卷四十二

九

聖朝聖業書卷四十二

十

挑先鋒乘夜屯紮西門以備阻截一面飭令程
學啟會同戈登併力攻打城池並飭李鶴章派
隊由雙鳳進剿兩路夾攻迅克堅城均奏入
上命議政王軍機大臣傳諭都興阿富明阿吳棠李
鴻章曰逆匪竄撲下游之諫壁大陰沙等處經都
興阿等督飭賴鎮海等率領師船連獲勝仗其上
游之浦口寶塔根馬步賊匪亦被梁正源等登岸
擊卻防剿均尚認真現在太倉全境肅清崑山援
賊疊被程學啟等水陸各軍迎剿獲捷僞蕃王等
所築崑山城外營壘均經官軍踏平戈登現帶洋
礮已抵崑山李鶴章復派隊由雙鳳進剿兩路夾
攻崑山之賊斷難久踞著李鴻章速飭程學啟等
乘此聲威迅拔堅城以收破竹之效惟江陰一帶
逆賊時圖北竄若崑山克復該逆窮蹙無依鉅險

渡江尤意中事著都興阿富明阿嚴飭沿江水陸各軍加意防守不可以屢獲勝仗稍涉鬆懈所有寶塔根打仗陣亡之守備袁得龍著交部從優議卹髮逆捻逆合同苗練直犯定遠已竄至盱眙縣之馬家岡管店及津泥澗溪地方淮揚屬境防堵正當喫緊著都興阿等督飭各營將領嚴密戒備力保完區並著吳棠飛飭蔣壩衛陽高寶在防文

武員弁認真扼截毋得稍有疏虞

同日沈葆楨奏言鄰境踞匪自三月二十五日經我軍痛剿後退屯高沙坂山背時出小隊窺探追之則不戰而退以誘我軍深入又因我軍有投誠免死之示逃出者均資遣回籍遂令悍賊五名詐降求充營勇希圖焚我貨糧軍火經韓進春訊出真情立予正法遣人焚積薪以誘

欽定剿平粵匪方略卷三十二

十一

之該逆望見煙起果擁擁而來窺我營不動復狐疑而退智窮力竭勢將遁矣而石太古賴諸逆復勾楊輔青由建德馳驟而來從石門東趨繞出陶溪渡之南分股西竄現在東至梘田街西至花橋賊蹤充斥昌江北岸蔓延百里韓進春以饒郡震動移營徐埠橋以截之段起王德榜派隊哨及梘田街雖小有斬獲然賊勢如長

蛇慮其旁襲仍收隊回浮景臣飛飭守備法占

雄劉效鵬帶忠勇軍左右營馳赴饒州歸韓進春調遣屈蟠帶平江各營與夏耀藻之仁右營樂平縣之民團嚴扼昌江南岸與浮景聯絡王沐之繼果營將抵浮梁席寶田之精毅營已抵臨江計二十前後可至饒防俟兵力較厚飭其會商進剿奏入報

欽定剿平粵匪方略卷三十二

十一

聞

二十五日 辛丑 駱秉章奏言查興安鎮安兩城雖

經收復髮逆偏攻漢中藩司毛震壽屢次進擊

賊勢少卻而逆蹤蔓及沔縣甯羌其注意窺川

已可概見且藍張兩逆仍踞洋縣是陝南之賊

一日未除不惟漢郡可危川北亦時虞紛竄 臣

查髮逆中旗一股自甯遠上竄由川西沿山急

遁屢經各軍追擊勢已窮蹙乃接會理甯遠稟

報石逆已擁眾渡金沙江竄至德昌河西禮州

一帶圖犯腹地此路祇大渡河有險可扼而越

嵩冕甯路徑紛歧皆可直達彼岸沿河三百餘

里凡可渡之處皆須派兵扼堵且有僻境由沈

邊土司地界渡河即可趨天全小徑以窺川西

臣已調總兵唐友耕一軍並飭署雅州府知府

聖朝聖訓卷四十二

三

蔡步劍募練二千名及木坪土兵四百五十名

分布清溪以下渡口以扼越嵩冕甯兩路其沈

邊渡口則飭副將謝國泰調兵設防 臣復飭提

臣胡中和馳赴嘉定策應此川省西南分兵防

剿之情形也髮逆李幅猷一股自雲南昭通分

竄貴州之大定畢節現據敘永合江等廳縣稟

報該逆已竄黔界之孤兒井毛台村等處皆距

川境數十里 臣度該逆與石逆分道而馳一則

繞建昌以伺我不備一則突涪南以乘我不及

其計誠為兇狡 臣已檄臬司劉嶽昭由高縣移

營截剿以杜詭謀此川省東南分兵防剿之情

形也敘郡為川南適中門戶不惟滇黔土教各

匪時圖侵擾且虞石逆及李幅猷等逆一經各

軍擊退勢必復由雲南之東川鎮雄合窺敘南

聖朝聖訓卷四十二

十四

是敘郡之防不可一日稍疏臬司劉嶽昭所部
移赴碁南臣卽調總兵何勝必蕭慶高各軍仍
防敘南以期周密至川北則上至廣元昭化下
至城口太平在在與陝南毗連旣經撥兵出剿
斷難分段駐師兵由此進賊由彼入道途相左
回顧莫及鄰疆未見肅清本境已遭蹂躪臣再
四籌度旣不能不酌抽數營進援漢南更不得

欽定剿平粵匪方略

卷三四二

不選留勁旅兼防川北伏查總兵周達武所部
武字營雖尙得力然其舊部僅二千名合之現
募之一千名僅三千餘人萬難獨剪巨寇而此
軍最稱矯捷留爲川境要擊離剿之師則甚可
恃是以屢經鄰省咨調臣不敢遽令出境現擬
抽調駐防南江通江之道員張由庚所部三千
二百人並添調總兵朱桂秋所部二千二百人

共五千餘名卽由南通出境先剿漢中髮逆惟
川中雖已撥兵而髮逆號稱十餘萬仍須湖北
會剿且須統帥得人方不致進止不齊臣接江
西藩司李桓自長沙來稟約計三月中旬起程
取道湖北卽襄前進到營尙需時日未便懸兵
以待現有湖北派防鄂西之郎中李雲麟願率
所部由興安約會川兵進剿臣已飛咨湖北督

欽定剿平粵匪方略

卷三四二

撫臣卽派李雲麟迅速會剿並懇

恩賞加李雲麟品秩較大虛銜俾得暫爲統帥其道
員張由庚總兵朱桂秋悉聽其指授方略儘一
戰而殲羣醜固屬至幸卽使先挫兇鋒得保漢
郡以待李桓整旅而來亦不難次第削平前次
擒獲奸細及逃出難民均有該逆垂涎蜀境意
圖與石逆糾合之供現在川北防兵旣已抽撥

出境川南之師萬難移動周達武一軍仍令暫紮昭廣一帶設賊由甯羌奔突可備堵截或賊由南通城太乘虛窺伺亦即星馳馳勦此外尙有平武縣之喬莊等處與陝境之陽平關一帶接壤山徑叢雜周達武一軍殊難兼顧 臣復調派護軍營二千餘名前往設防俾昭嚴密

聖朝聖訓卷四十三

十七

聖朝聖訓卷四十三

十六

州郎岱與石逆分路繞赴建昌意圖伺我不備迨退踞德昌裏脅煙匪不下三四萬人於正月二十六日復行上竄適值總兵朱桂秋已抵甯遠即出隊迎擊殺斃二千餘人該逆抄小徑繞竄參將劉鶴齡追至禮州副將蕭祥勝帶隊行抵觀音巖賊眾來撲副將鄒成彪力戰陣亡適副將秦福益趕到朱桂秋亦督兵追及遂與劉

鶴齡等合力攻勦賊始披靡退踞瀘沽我軍分路進勦斃賊甚多賊之前股已由冕山對河小路急竄直偏越瀘縣城經署同知周岐源等督率兵練堵禦斃賊二千餘名生擒賊供辨認賊屍內有逆首賴積新被土兵用石擊斃並有偽統領蕭袁二逆之屍該逆既無統率益復拌命狂奔竄至保安署都司趙仁接仗陣亡賊乃涉淺搶渡 臣即飛調總兵唐友耕由嘉定迎擊並派知府劉德謙馳赴邛雅復調總兵何勝必等相繼而進該逆已繞過清溪直奔榮經知縣孫怡祿帶團出禦因賊眾團單賊遂闖入縣治孫怡祿復調團進攻將縣城收復該逆竄入山徑道員鄂惠等督飭兵練分扼隘口維時護軍營已抵名山該逆不敢由大道直窺雅郡由山徑

旁竄天全知州丁雲章帶團扼守靈關賊已關
入州治丁雲章聞信趕回旋即克復總兵唐友
耕由邛州先撥都司唐大有迎勦該逆被蘆山
縣團練截擊竄至高家場不意我軍猝至乃反
奔河場唐大有即於高家場築壘劉德謙亦由
名山移紮夾門關以扼由蒲江東竄之路該逆
分撲唐大有營壘該都司督兵奮力擊勦斃賊

欽定剿平粵匪方略卷三十三

十九

五六百名三月初一日唐友耕親往接應正遇
賊匪紛紛敗竄即與唐大有前後夾擊該逆力
不能支由石家山狂竄計斃賊三千餘名遂由
大邑崇慶山內之新場懷遠鎮竄至溫江之何
圩場蕭慶高兼程馳至該逆復旁竄郫縣之花
園場朱桂秋又由雅州追及該逆不意到處有
兵日夜急奔蕭慶高等因賊行甚疾催隊遣行

及賊於彭縣之敖家場劉德謙等直前衝殺勇
氣百倍復斃賊三千餘名拔出難民數千人賊
向什邡之李家堰逃竄何勝必時已先至什邡
朱桂秋復由彭縣馳來賊衆新敗不敢喘息急
奔百餘里至德陽之孝泉甫思暫踞而何勝必
又督隊趕到朱桂秋亦自火燒堰截出合兵酣
戰共斃賊千餘人生擒二百餘名初十日追至

欽定剿平粵匪方略卷三十三

二十

羅江之略坪探知該逆已由慧覺鋪竄至三臺
縣之葫蘆溪蕭慶高等分道並進正值該逆渡
河我軍擊斃一千餘名餘賊向劉家河逃竄適
知縣潘澤霖管帶武字營新募勇丁行抵梓潼
即向劉家河進發該逆甫經交鋒復由宣化鋪
竄去十四日及賊於江油之馬鞍寺參將何世
華匹馬突陣忽中洋槍兵勢稍卻蕭慶高率隊

繼進賊仍由山徑逃竄十六日追至馬關賊已遁平武之雁門壩涼水井一帶由此以往悉皆窮山僻徑我軍乏糧不能枵腹並進遂分朱桂秋一軍由雁門壩搜捕據生擒賊供僅餘數千人向山谷奔匿以圖苟延殘喘乃旋接廣元昭化探報餘賊已由平武山內逃往甘省文縣邊界之畢口地方臣以此股殘匪未能殲諸本境

聖朝聖略卷四十二

三十一

殊深憤懣現復籌援漢南未便以此率緣大兵度該逆必由略陽圖與甯羌之賊合股儘能分兵會剿陝南之賊並將此股殲除庶不致貽患鄰疆所有剿賊陣亡之參將張春圃等均請飭部從優議卹並查榮經天全皆於上年經藍逆攻陷城垣未及修築此次復被賊匪闖入知州丁雲章知縣孫怡祿雖未能防範於前旋計收復

尙知愧奮應懇

天恩將丁雲章孫怡祿革職暫行留任副將秦華祝雖因中途患病不能親督前進以致該營挫失究難辭咎應請

旨將秦華祝革職並撤去勇號以示懲儆此次逆賊狂竄一日夜行百數十里諸軍兼程追剿連戰皆捷不無微勞可否容臣查明擇尤獎敘

聖朝聖略卷四十二

三十一

同日署貴州巡撫張亮基奏言二月初六日有髮匪一萬餘人由川界至雲南鎮雄州竄入畢節縣境勾結豬拱箐苗匪從小路竄至林口攻破團營數處經總兵李有恆督練截擊斃匪四百餘名賊復由後所吳家屯七星關竄出總紀河我軍追至小兔場因乏糧收隊又有另股髮匪萬餘人由雲南昭通府下竄威甯水城即尙

平遠各屬州地面均經紳團擊退擒斬甚多該
匪因各屬均有嚴備不能逞其狡圖於三月初
旬回竄沙子哨我軍追至瓢兒井復斃匪數百
名賊向遵義地界之清水塘遁去其由總紀河
追出之匪亦回竄大定府屬木烈鋪地方臣查
該逆等奔突無常此次分竄清水塘木烈鋪兩
處難保不合股肆擾現已飛飭總兵李有恆暨

欽定剿平粵匪方略卷四十二

三

大定遵義各文武督率兵團合力夾擊並派都
司張樑帶兵馳往黔西州相機助勦務期迅掃
妖氛以弭數省之患

同日雲南提督福陞奏言本年正月初旬髮逆
石達開十餘萬衆由四川橫江分竄入滇自大
關以北西竄永善縣瀘漁河等處旋由樂得古
地方竄撲昭通府城臣當卽會同署昭通鎮總

兵副將博昌昭通府知府夏廷相等帶領兵練
極力抵禦始行擊退共斃賊匪六萬餘衆生擒
一千九百餘名獲斃逆首並擒獲石逆幼子奪
獲贏馬槍礮多件餘賊仍由金江連夜竄入川
境昭通地方一律肅清此次以數千之兵練當
十餘萬之兇賊一月之內卽將全股擊退所有
出力文武員弁已分別稟報督撫臣酌覈辦理

欽定剿平粵匪方略卷四十二

三

均奏入

上命議政王軍機大臣傳諭駱秉章勞崇光張亮基
賈洪詔福陞曰周達武一軍旣據駱秉章奏稱兵
力尙單改令道員張由庚總兵朱桂秋各領所部
兵勇合五千餘人由南通出境越勦漢中之賊卽
著督催張由庚等星速前往李雲麟之軍前經官
文等奏留駐防鄂棗刻下鄂邊賊勢稍紓當可移

師西向駱秉章所請量加階秩俾資統率之處應俟李雲麟行抵漢中再爲酌辦其甯遠等處被勦由平武山內逃往甘省文縣邊界餘匪如由略陽與甯羌之賊串合張由庚等軍馳赴陝南即可並將此賊聚殲著駱秉章飭令該道員等探悉賊蹤相機勦辦其川省東南之劉嶽昭軍西南之胡中和唐友耕等軍布置均尙周妥敘南所駐之何勝

聖朝聖訓卷四十二

三

必一軍川北所留之周達武一軍均著督飭嚴密防勦保全四境石逆一股游弋川黔等省各邊已久此賊起自廣西最爲頑惡流轉東南各省現復擁衆以渡金沙分擾川滇接壤境地逆謀詭譎必有所圖駱秉章與勞崇光張亮基賈洪詔等務宜隨時相機飭令各邊將士設法將此賊擒戮毋任蔓延至福陞所奏由川入滇髮匪竄撲昭通府城

督率地方官兵禦擊獲勝等情並著該督撫等查明如果有出力員弁兵練據實保奏

上又命議政王軍機大臣傳諭官文嚴樹森毛鴻賓李桓曰陝省漢中被圍已久城固衰沔徧地賊蹤鄰省援師豈容日久耽延致形滋蔓李桓自報起程迄今尙無到陝消息亦未接中途奏報前已傳諭該藩司迅速趨行卽著懷遵前旨刻日兼程前

聖朝聖訓卷四十二

三

進馳赴漢南相機勦辦李雲麟一軍官文等前因髮逆圍犯鄂境飭令留守棗陽暫緩赴陝現在該省防堵事宜自己布置周妥其棗陽一路距皖省逆氛尙遠不妨抽調別營駐紮以資鎮遏且川省援軍旣已出境若無鄂軍合力夾擊賊勢浩大終難聚殲著官文嚴樹森卽飭李雲麟迅率所部刻期出境由興安取道西鄉與川中所派之兵會合

兜勦毋少宕延川省西防髮逆東禦鄰氛堵勦情
形亦與湖北相埒略乘章尙能不分畛域抽調赴
援湖北以榮經派赴漢南之軍豈可因防務甚嚴
日久羈留置鄰疆於不顧官文等務當剋日調派
一面將李雲麟起程日期迅速馳奏以慰廬繫

上又命議政王軍機大臣傳諭熙麟瑛榮恩麟曰此
次竄入甘省文縣之髮匪必繞由略陽糾合甯羌

欽定剿平粵匪方略卷三十一

三七

踞賊若不力加擊勦甯羌匪勢益張著瑛榮督率
文武將圖竄略陽之殘匪認真搜勦悉數殄除毋
令與甯羌之賊勾結致辦理更形棘手張由庚等
軍指日可到並著瑛榮嚴飭漢南各軍會合川兵
相機攻勦不得專恃鄰境援兵轉任本省兵勇觀
望退縮貽誤戎機髮匪現既竄入甘省文縣未知
復竄何處抑或卽擾略陽著熙麟恩麟一體派兵

嚴加堵勦迅殄賊氛

上諭內閣曰四川兵團截勦髮逆獲勝並殲斃首逆
所有陣亡之參將張春圃副將鄒威彪遊擊雷國
斗都司彭果能龍春化趙仁周漢三知縣葉滄外
委李復舉魏文明馬正魁左興發恩騎尉王德壽
把總蕭有才均著交部從優議卹榮經天全兩城
因上年被匪攻陷後尙未修築致此次復被賊匪

欽定剿平粵匪方略卷三十一

三八

闖入天全州知州丁雲章榮經縣知縣孫怡祿雖
未能防範於前惟調集兵團旋即收復尙知愧奮
丁雲章孫怡祿均著革職暫行留任以觀後效副
將秦華祝雖因中途患病不能親督進兵惟該營
因此挫失實有應得之咎秦華祝著卽革職並撤
去勇號以示懲儆所有在事尤爲出力各員弁團
練等著略乘章擇尤保奏

同日安徽巡撫唐訓方奏言苗逆勾合髮匪自六安竄至鐘橋直逼定遠鳳陽一帶臨淮南北兩岸僅有四營若令拔隊遠勦不特眾寡懸絕轉恐避實擊虛為賊所乘臣再四籌維仍令按兵不動嚴飭鳳陽府縣暨定遠縣督練堅守城池並飭道員秦榮等親詣各圩諭其防守卡寨俟賊蹤逼近以副都統克蒙額所部馬隊並敢

聖朝軍略卷中十二

三

死步卒為游擊之師擊畫既定令營總勝安出西路曹家店等處營總和善出南路總鋪一帶克蒙額出東路靠山集而以總兵宋慶等軍先趨鳳陽多豎旗幟使賊知我有備而別率輕卒赴援田趙各圩該逆不虞官軍猝至望風奔逸我軍由總鋪一帶追擊斬賊千數百名該逆併歸定遠將欲偪城為營臣復添派馬隊跟追至

定遠北二三十里該逆列仗迎敵我軍從旁擊之槍如雨下該逆首尾不能相顧紛紛南竄我軍乘勝擊斃千餘人次日竄至張橋又為參將吳開會邀擊斃賊數百名而臣部義字三營自廬郡來援行至定遠東南之圓潭地方適與賊遇遊擊歐陽勝美等各率所部分路衝突賊倉猝失措自相蹈藉而死者不可勝數被脅逃散

聖朝軍略卷中十二

三

者亦以數千計其積年巨匪悉數南遁自必併入巢縣而零星股匪分走定遠之明光池河等處或繞盱眙或回江浦臣飛咨吳棠嚴密防範尙可無虞查江北髮逆以數萬之眾屬集六安忠會初意原圖併犯湖北踞我完善之區乃為苗逆所誘入此絕地路無可休之舍野無可掠之糧臣復以馬步官兵及各處團練四出擊之

該逆窮無所逞悉數敗竄其骸大衰現在鳳陽
定遠一律肅清臨淮復臻穩固所有在事出力
員弁紳練可否容臣查明擇尤請獎之處出自
鴻慈奏入

上命議政王軍機大臣傳諭會國藩都興阿富汗阿
吳棠唐訓方曰髮捻並犯皖疆現經唐訓方派集
兵練以勦爲防逆股悉數敗遁鳳陽定遠一律肅

欽定剿平粵匪方略卷三

三

清臨淮復臻穩固洵屬調度有方深堪嘉尚所有
尤爲出力之馬步兵練均准其擇尤保奏藉資策
勵髮匪南遁勢必併入巢縣而零星股匪分走定
遠之明光池河等處或繞盱眙或回江浦著會國
藩都興阿富汗吳棠嚴密偵探督令在防各將
士認真擊勦並著會國藩飭知李世忠固守地方
遇賊卽擊勿任寇氛肆擾該逆如竄犯江北都興

阿等務當認真勦洗勿稍疏虞

同日馮子材魁玉奏冒蘇常江陰等處逆首因
官軍連下堅城聲威大振進勦崑山勢將攻取
吳門搆其巢穴乃以鎮防兵單地蹙輒思復犯
頭隊賊約六七千名晝伏夜行潛窺東路屬集
孩溪大肆焚掠臣等當調馬步隊四成派總兵
陶茂森等迎頭擊勦大戰於諫壁鎮地方遊擊

欽定剿平粵匪方略卷三

三

林從太等率馬隊爭先陷陣守備鄧全勝等繼
之斬獲極多而敗殘之賊恃有後援未卽遠遁
散漫於諫壁孩溪附近二三十里之內臣等亟
擬掃除奈陰雨連旬未能出戰迨四月十五日
復探聞常蘇江陰死黨萬餘人屯於丹陽新豐
等處並在越河以南拆屋紮箒三十餘座欲侵
鎮防南路並據都司楊鎮稟報僞護王侍王因

浙滬兩軍偏勦意圖北犯會集十大酋擬分十
路出竄江防現有偽趙輔侍三王已到並於常
郡西門河下擄獲多船等情臣等卽飛咨都興
阿吳全美等轉飭沿江各口加意嚴防並派隊
扼東路丹徒鎮之衝飭都司向代清等守丹徒
鎮灣子橋柏子橋兩處十六日東路之賊欲犯
丹徒渡河肆擾因見官兵先已據橋當有悍賊

聖朝聖略卷四十二

三

數百逞兇來奪遊擊林從太等卽帶兵堵禦維
時大隊逆匪紛紛繼至衆逾萬餘攜有洋槍排
列河干轟擊並有悍黨梟水渡河適臣等豫調
之張文德楊青山由南門繞赴東路田宗揚陶
茂森由東路馳至丹徒正見我軍與賊相持張
文德首先衝入爲賊槍所中洞穿小腹之旁當
經守備李耀光救護回營參將文漢章等均因

突陣受傷猶復裹創力戰斬將奪旗斃賊無算
逆勢不支紛紛敗遁是日共斃賊一千餘名墜
河淹斃者不計其數臣等仍飭水陸各營嚴加
戒備以固鎮防奏入

上命議政王軍機大臣傳諭馮子材魁玉曰蘇浙敗
匪屢思渡江北犯現經滬上官軍連下堅城進攻
崑山勢將進取吳門蘇常江陰等處逆首復思竄

聖朝聖略卷四十二

三

犯鎮城經馮子材等督飭將士將孩溪諫壁之賊
及紛搶渡河股匪先後擊退惟丹陽新豐等處之
賊現在敗遁何處曾否退出鎮境未據該提督等
奏及此次賊黨衆多較諸歷次犯鎮諸賊勢尤兇
悍馮子材等務當加意慎重嚴密防勦將境內賊
蹤迅速掃除毋令久踞

欽定剿平粵匪方略卷三百四十三 癸亥年

四月二十七日 癸卯 會國藩奏旨自石澗埠圍營

之賊經水陸各軍合力剿退後進撲廬江分窺

桐舒與由鄂東下之捻聯爲一片僞忠王李秀

城於三月初二日犯石澗埠近偪我營該處將

領毛有銘劉連捷等密飭士卒穩守營寨連日

賊衆數萬圍攻南後瑞左等營東草負板撲近

聖軍方略卷三百四十三

十一

濠邊毛有銘排礮環擊殪其前鋒賊猶晝夜猛

攻相持不下如是者數日初七日毛有銘挑銳

卒潛出濠外突焚積草劉連捷復派隊奮擊毀

其攻具賊爲少卻仍於營前營後增壘盈百層

層合圍營中糧運俱絕如是者又數日會國荃

在金陵聞警卽派彭毓橘率馬步八營倍道而

至彭玉麟亦調周萬倬等渡江來援遂與蕭慶

衍會軍於黃落河十六日彭玉麟親督水師進

次海子口牽制東關一路遣死士瀕入石澗埠

營中密約詰朝會戰是夜四更彭毓橘進攻釘

子壩皇圖寺各賊壘蕭慶衍周萬倬進攻黃龍

岡迎珠塔各賊壘號礮齊發毛有銘遂於重圍

中衝出攻草嶺嶺之壘劉連捷出攻石澗埠之

卡王戴嗣等亦馳出擊賊於羊虎山見黃龍岡

聖軍方略卷三百四十三

二

迎珠塔火光突起知黃落河援軍得手卽乘勢

猛進併力夾擊俘斬無算彭毓橘亦自皇圖寺

來會縱橫決盪羣壘悉平而東關賊援並爲水

師擊退忠會各黨乃分向小嶺開城橋而遁臣

所調鮑超北渡之師十六日抵無爲州未及移

營進剿聞賊已解圍而去擬回軍以踐上援江

西之約甫及登舟賊之另股竄盛家橋者偪犯

廬江該城有吳長慶等三營又截留梁美材等
三營分段繕守乘賊喘息未定一擊卻之十五
日王占魁出城雕勦又捷於羅家埠至十九日
忠會大股自石澗埠而來悉萃廬江圍撲城池
臣飛檄鮑超舍舟登陸轉援廬江而廬江之賊
復經吳長慶等伺隙出擊賊遂解圍西竄梅心
驛二十一日突攻舒城之西南兩門守舒城者

御製聖略卷三十三

三

爲安肅道蔣凝學分軍迎勦賊退七里河是夜
設伏誘賊大挫兇鋒執僞天將羽天福於陣維
時捻逆張總愚髮逆馬融和等由豫而鄂而皖
問道疾馳足無停趾瞬息而至桐城守桐城者
爲湖南提督周寬世出戰於三里街凌厲無前
賊衆大怖將謀宵遁我軍聯騎追勦該逆遂往
孔城鎮與忠會合而爲一二十三日忠會前隊

衝至六安州之十里鋪該州城大而圯留守者
祇有道員曾廣翼等數人力籌守禦次日賊以
大股繼至自東南迤北而西面面結壘軍士守
定柴口各以巨礮環轟會不少卻賊乃分路來
攻將抵城根東門城垣久爲風雨所損猝傾六
七丈一時塵土蔽空羣賊大呼擁入王臨祥揮
兵齊上抽刃攢刺擲屍城下曾廣翼袁秀林飛
騎繼至悉戮進口之賊槍築木城二道二十七
日賊衆傾巢而出自北城以至西城幾無寸隙
其尤悍者挽盾直前誓以死搏我軍屹立不動
俟其躍過城濠拋擲火毬焚賊無數始各裹屍
而退翼日曾廣翼王臨祥見城南一二里外掩
映賊旗徘徊不進乃令勇士總城馳擊斃賊數
百三十日又總死士出襲鮑家圩據糧之賊斬

御製聖略卷三十三

四

偽富天豫張承得等並生擒偽左監護劉潮柱

臣檄鮑超由廬江往援檄劉連捷等由無為州

往援鮑超將至舒城賊遂解圍遁往廬州二路

臣查無為州為江北膏腴六安州為皖鄂要衝

忠會以全力圍撲石澗埠冀破無為旋由廬江

舒桐糾結捻股圖爭六安其行蹤剽悍蓄謀兇

狡諸將士苦籌戰守城營均獲保全使賊不敢

橫竄鄂疆均屬著有微勞相應開列清單先行

懇

恩獎敘其陣亡之參將黃仁親都司趙人和守備蕭

淇松劉紹志千總吳秀高把總李大材毛昌五

謝仁週外委李升山沈謙德向慎光董景星應

請

飭部從優議卹

欽定剿平粵匪方略卷四十三

五

會國藩又奏言雨花臺金柱關蕪湖東西梁山

各營水陸穩固均無戰事甯國附近如南湖新

河莊等處涇縣附近如茂林章家渡等處俱有

賊蹤游弋防務尚難鬆勁然甯郡及涇縣南陵

青陽各城灣沚及西河清武江各隘水陸防守

綦布星羅足以仰慰

宸廑微郡防兵單薄是臣布置最疏之處去冬甯國

欽定剿平粵匪方略卷四十三

六

之賊今春浙東之賊現皆屬集於石埭太平及

徽祁饒景一帶實屬防不勝防勦不勝勦幸左

宗棠派劉典一軍沈葆楨派王沐一軍會克駭

縣大破近城廬村黃村之賊王文瑞亦將柏溪

金字牌零股擊退夥初境內甫掃羣氛而賊之

竄往鄱陽者已由梘田街進偪浮梁王沐將回

駐景德鎮劉典將馳援饒景江西之門戶可虞

徽州之空虛尤為可慮現調李榕一軍由北岸馳赴建德進援祁門調席寶田一軍由湖南馳赴撫州進援徽境不知能否迅速趕到偽忠王李秀城自六安州解圍下竄或稱其回救蘇州或稱其圖犯揚州裏下河或稱其糾合苗黨竄擾濱淮各屬雖未得其確耗而悉數東趨並未西犯鄂疆即屬大局之幸臣現檄鮑超由廬州

聖朝聖略卷四十三

七

追擊忠會即從柘皋進兵以攻巢縣之北劉連捷等分攻巢縣之東蔣凝學等進援壽州並調成大吉由鄂回皖會師壽州共討苗黨該州糧缺兵單再能固守半月各軍次第趕到兼得僧格林沁李續宜遵旨偕來誅屢叛之逆豎保長淮之重險庶足以彰天討而定人心

同日都興阿富明阿奏言據總兵詹啟綸稟稱前犯滁州逆賊分股竄至天長縣境之金家集地方勢甚鷓張該處百姓紛紛東逃又據署江甯府楊鍾琛稟報逆匪竄至白鷺橋與苗逆糾合計圖竄撲蔣壩擾犯揚防後路又欲直犯天六明撲儀揚現在竄及津泥其大股已分三路至茅家嶺一帶十九日又據報稱苗逆糾同髮

聖朝聖略卷四十三

八

匪詐稱數十萬由滁州東竄於十六日擾及天長有騎馬賊三千餘人在天長縣東之玉興集聲言攻撲揚州賊眾大隊均皆夜行儀邑之西北鄉難民絡繹而來各等情查苗逆自竄陷懷遠後勢必與粵逆聲息相通今擁眾蔓延已踰天六臣等飛咨李世忠嚴加防範並飭駐紮天長六合各將弁一體堵禦該逆船隻甚多邵伯

一第... 冊... 四庫全書第 0 卷之...

湖西一帶最爲緊要除札令駐防邵伯之副將馬占葵嚴防外復派遊擊葉廣全酌帶哨船駛赴高邵湖面加意梭巡又飛咨總兵吳全美酌量抽撥礮划二三十隻星夜進湖以資堵剿又飛飭總兵黃開榜及駐紮三河之總兵安勇相機扼截以保完善至水師軍情現據吳全美稟報四月初九日見九洲以下賊船北渡當派

欽定剿平粵匪方略卷四十三

九

礮划駛至二安溝之上開礮轟沈賊船二隻斃賊數十名該逆卽飛糧回竄經都司劉連升跟蹤追擊奪獲賊船一隻又據副將張瀚稟稱十四日瞭見逆賊由汝山後出竄並由諫壁西首山岡後分股列隊又分千餘人向丹徒一帶竄擾蔓延諫壁港口當卽督船開礮轟擊斃賊多名餘匪潰散又准馮子材咨據探常州僞護王

陳坤書等意圖北竄會集十僞王分爲十路常城之西城河下至夏墅等河俱有逆匪所據民船及長龍划船停泊極多等語臣等卽飛飭吳全美嚴督水師防禦並咨令喬松年布置沿江團練以壯聲勢札飭駐紮東路侍衛芮楞阿等馬步各營晝夜探防隨時策應

欽定剿平粵匪方略卷四十三

十

同日李鴻章奏言自我軍直逼崑山後僞蕃王來王湖王等卽由蘇城糾集大股五六萬衆來援四月初七日南北二門各出賊萬數千人我水陸各軍擊走之次日復出竄擾甚逆選悍賊踞月河橋前路經參將何安泰等殲賊多名另股數千人擾及更樓橋副將宋有勝等迎頭轟擊均卽敗退初九日復有萬數千賊由南北兩門而出分偏我營何安泰與各軍合力擊之斬

首千餘級該逆以我軍無隙可乘遂於北門一帶連紮賊營二十餘座十一日派周良才等繞襲賊之後路直抵更樓橋派道員符信等張左右翼進自督親兵繼之先將伏賊擊敗戈登施放開花礮助攻當破其二十四營殺賊萬餘戈登卽欲攻城程學啟密覘地勢城西爲陽澄湖北爲巴城湖南爲青陽江其由崑山回蘇僅正義鎮爲陸路該處紮有賊營四座賊匪屯踞於此接應崑城我軍必先據其後路要隘使城賊膽落則其勢易破十二日因與戈登乘船由崑山南門繞赴正義開礮轟擊賊無數次日復率同總兵郭松林滕嗣武等直達正義該逆憑河拒戰當揮令各軍分投迎勦自督洋槍隊居中策應轟斃及殺斃之賊約二三千名副將陳

東友等督水師前來助戰戈登李恆嵩繼至又斬賊三四百名其時暮逆等踞守崑山西門見我軍已紮正義退無所歸復率三四萬賊直撲我營各軍會同水師開礮夾擊斃斬二三千名賊乃敗退入城郭松林等守住界口以阻該逆由蘇來援之路程學啟又飛飭周良才等於北門橋口扼紮三營以杜奔潰復飭何安泰等於東門外點隊分派既定時已昏暮聞崑山城下人聲鼎沸恐賊復來衝撲卽商令郭松林埋伏橋口成俞卿礮船攔河排列自督親兵扼紮正義大路果見暮逆等糾合大股由小西門拌死狂撲意在奪路狂奔因排列洋槍迎擊我軍伏兵四起呼聲震天水師礮船連環轟打賊不能支紛紛回竄斬殺傷斃者不可數計隨飭各營

按隊而進直抵城下賊猶在城開礮抵拒當派
劉士奇符信等攻南門周良才等攻北門鄒湖
水師於西門搭造浮橋礮船由水關潛進十四
日遂將崑山新陽兩縣克復其守城各逆盡行
剿滅計共生擒悍賊七千餘人轟斃悍賊二三
萬人訊據偽朝將夏添義供稱偽碁王譚紹光
等昨夜逃出聞投陽澄湖而死據程學啟稟報
前來洵足大快人心諸將士先後攻戰洵屬勞
苦功多兵官戈登奮勇明白均應請
旨褒獎以昭激勸其陣亡之藍翎千總黃虎臣鄧松
元把總黃慶榮彭長貴施啟太千總夏化普梁
占鼈汪經山張勝懷束家麟吳長陞把總周得
勝胡盛元萬慶普外委張玉生藍振興謝洪恩
施大業張得海劉得魁馬宏元應請

欽定剿平粵匪方略卷四十三

十三

欽定剿平粵匪方略卷四十三

十四

飭部分別謹卹均奏入
上命議政王軍機大臣傳諭會國藩都興阿富明阿
吳棠李鴻章唐訓方曰逆酋李秀城率黨圍撲石
湖埠營盤經毛有銘等會合彭玉麟水師併力夾
擊蕩平賊壘立解重圍其竄撲廬江六安州等處
之賊該文武員弁且守且戰疊獲勝仗賊遂解圍
而遁據都興阿等奏苗逆糾同髮逆詐稱數十萬
已由滁州竄至天長之玉興集儀邑西北鄉居民
紛紛震恐與會國藩所奏或稱其圖犯揚州裏下
河或稱其糾合苗黨竄擾濱淮各屬之語相合是
其窺伺揚防圖竄裏下河一帶已無疑義現在淮
揚兩郡防剿正當喫緊著都興阿富明阿嚴飭水
陸各軍整肅隊伍相機迎剿並著吳棠仍遵前旨
檄飭蔣壩衡陽高寶等處守將認真扼截淮揚唇

齒相依都與阿富明阿吳棠務當不分畛域互爲策應力保完善之區俾該逆無隙可乘方爲妥善並著會國藩札飭李世忠固守六合遏截賊匪東竄之路毋得意存觀望自取咎戾鮑超現由廬州追擊忠會著卽飭令該提督會同劉連捷等進攻巢縣迅拔堅城壽州糧缺兵單萬分危迫該大臣當嚴檄蔣凝學等軍星夜馳援剋期趕到俾免疏虞

聖朝聖略卷四十三

十五

聖朝聖略卷四十三

十五

虞僧格林沁現因圍攻淄川功在垂成未便撤圍南下成大吉業已由鄂旋皖計日可抵壽州該提督熟習情形著卽先行檄飭成大吉蔣凝學毛有銘會師進討其蒙亳一帶並著唐訓方督飭將弁妥籌援應李續宜已由水路北來行將抵皖毋再遷延皖南之賊時思竄擾江西雖經劉典王沐等軍掃除夥劫賊匪而賊之竄往鄱陽者已由規田

街進偏浮梁且昨據沈葆楨奏建德踞匪恨彭澤縣九都團練之悍以大股分路猛撲民團爲賊所乘退至西河扼守現因饒防危急不能分兵往援是江省防務饒九均形喫重會國藩現調李榕一軍由北岸馳赴建德著卽酌度機宜將此軍就近調赴彭澤攻勦竄匪俾該縣民團不致潰敗則士氣益堅邊防可期穩固惟該大臣酌量迅速辦理鎮江一軍昨據馮子材具奏與都興阿等所奏大略相同該將軍務當嚴檄上下游水師認真防範備豫不虞並咨會喬松年將沿江團練實力整頓以壯聲勢至崑新一城爲蘇省東面切近門戶現經官軍剋期攻拔擒斬逆賊至數萬之多蘇城踞賊自必聞風喪膽且據會國藩奏探悉忠會有回救蘇城之說亟宜乘賊情惶恐之際迅速進攻著

李鴻章督飭程學啟等速移得勝之師規取蘇城
力圖克復俾渡江之賊回顧巢穴不敢肆意分竄
則淮揚一帶防務可期稍鬆現在我軍宜先由何
路攻取最操勝算之處著該撫妥籌迅速辦理

上諭內閣曰忠逆糾眾數萬疊犯石澗埠官軍營盤
並偏犯廬江城池經鮑超等飛速馳援奮力攻擊
賊眾披靡城圍立解仍著曾國藩督飭在事文武

欽定剿平粵匪方略卷四十三

十七

員弁乘勝追擊迅掃逆氛所有尤為出力之記名
按察使劉連捷著交部從優議敘道員毛有銘著
賞加按察使銜並賞給果勇巴圖魯名號曾廣翼
著賞加鹽運使銜並賞換花翎副將王臨祥袁秀
林均著交軍機處記名遇有總兵缺出請旨簡放
署六安州知州何家驄著以知府補用其餘出力
員弁著曾國藩查明擇尤保奏陣亡之參將黃仁

親都司趙人和守備蕭淇松劉紹志千總吳秀高
把總李大材毛昌五謝仁週外委李升山沈謙德
向慎光董景星均著交部從優議卹

上又諭內閣曰官軍攻克崑山新陽縣竄賊擒斬殆
盡洵足以伸天討兵官戈登紀律嚴明洞悉機宜
會同程學啟等奮勇立功著傳旨嘉獎總兵程學
啟著以提督記名遇缺提奏並賞給正一品封典

欽定剿平粵匪方略卷四十三

十八

總兵郭松林著遇有總兵缺出儘先提奏並賞給
二品封典總兵陳有昇著賞給堅勇巴圖魯名號
張光泰著賞給壯勇巴圖魯名號陽利見李恆嵩
均著以總兵記名簡放劉士奇著賞給奮勇巴圖
魯名號並賞加總兵銜宋有勝著賞給精勇巴圖
魯名號並賞給二品封典參將周良才著以副將
補用並賞給烈勇巴圖魯名號王永勝何安泰均

著以副將推補並賞加總兵銜鄭國魁著以副將
留於江蘇補用副將銜吳建瀛著以副將補用並
賞給剛勇巴圖魯名號遊擊張志邦著開復革職
處分以參將補用並賞加副將銜陳忠德著以參
將補用並賞加副將銜都司張行科著以遊擊補
用並賞加參將銜其陣亡之千總黃虎臣邵松元
把總黃慶榮彭長貴施啟太千總夏化普梁占鼐

聖朝聖訓卷四十三

十九

聖朝聖訓卷四十三

二十

汪經山張勝懷束家麟吳長陞把總周得勝胡盛
元萬慶普外委張玉生藍振興謝洪恩施大業張
得海劉得魁馬宏元均著交部分別議卹

上又諭內閣曰江蘇省所屬地方半為賊擾年餘以
來百姓慘遭荼毒蹂躪難堪現在官軍將太倉等
處次第攻克而田土荒蕪人物彫敝小民何辜罹
此慘酷亟須加意撫綏與民休息所有江蘇省新

復之太倉鎮洋常熟昭文崑山新陽等州縣及歷
年被害尤重之嘉定金山兩縣均著加恩豁免本
年漕糧以蘇民困其餘浦東西各廳縣並著李鴻
章於秋後體察情形彙案辦理

二十九日乙巳瑛榮奏言漢南自去歲軍興以來

毛震壽所部兵力本單故日久未能得手現在
陸續添集如盧又熊徐邦道等軍及南鄭縣周

蕃壽所招通江團練統計漢南兵勇已有二萬
餘人兵力不為不厚其所以仍未奏功者固緣

賊匪衆多亦因號令不一當此川粵各匪騰蹕
漢南軍務萬分喫緊之際亟應鈐束得宜指揮

如意方能肅除醜類昨接李桓稟稱前由江西
赴湖南募勇千名現已招齊定於三月二十五

日由長沙起程計四月內即可抵漢伏思漢中

爲奉蜀楚三省咽喉關係甚大總統軍務之人
必須事權歸一而該處距省城千里之遙若每
事稟商往返需時未免諸多延誤應請

飭下李桓於接統漢南軍務後一切軍情由該藩司
自行馳奏以期迅速奏入

上命議政王軍機大臣傳諭瑛棨李桓曰漢南軍務
緊要李桓計日可到陝南節經諭令星馳前進現

欽定剿平粵匪方略卷四十三

三

在行抵何處著卽懷遵前旨迅速趨行抵陝後所
有該處軍情卽著李桓自行馳奏並著將興漢軍
務悉力整頓詳細馳陳

同日江忠義奏言臣准兩江督臣曾國藩咨會
飭道員席寶田一軍由江西前進臣率所部徑
赴皖北臣當札催道員鄧子垣等自衡州知府
陳鳴志等自寶慶分別雇船東下四月十一日

行抵湘潭途中復接湖南撫臣毛鴻賓轉准會
國藩咨會令臣馳赴江西撫州相機進剿臣卽
傳諭各營迅速前進惟查皖省地勢遼闊步隊
必兼用騎兵始能得力可否仰懇

天恩飭下湖廣督臣官文撥調馬隊一百名隨同臣
軍進剿如無馬隊可撥卽委弁就近於河南等
處採買口馬二百匹解給臣軍由臣自挑勇丁

欽定剿平粵匪方略卷四十三

三

訓練以資剿辦奏入

上命議政王軍機大臣傳諭江忠義曰前因江忠義
奏該營頭隊計已行抵桂林因准該署提督所請
諭令無庸赴皖乃本日據奏仍將前軍調回準備
赴皖自係未奉寄諭著江忠義仍遵照前旨趕緊
赴粵酌量賊勢輕重相機勦辦至所請於湖北省
撥調馬隊一百名如到粵尙需應用卽著酌量採

買以資得力

聖皇聖德

三

欽定勦平粵匪方略卷三百四十四 癸亥年

五月初六日 辛亥 官文奏言查江西布政使李桓

到鄂來見 臣 查其才具尙可有爲乃料理起程

之際忽患中風之證 臣 委藩司厲雲官親詣看

視據稱患病情形與所稟相符相應懇懇

天恩賞假一月俾得醫治就痊所有該藩司原帶營

哨員弁勇丁現出 臣 委員訓練一俟李桓病痊

聖皇聖德

一

仍卽管帶赴陝如屆時李桓尙難大痊卽將該

營勇丁擇員統領或派赴援陝各軍以資調遣

官文又奏言李雲麟所部經 臣 飭令卽日由鄖

赴陝據四川督 臣 略秉章函稱蜀南股匪正熾

酌撥一二營派道員張由庚等管帶馳赴陝蜀

交界歸併李雲麟調遣刻下李桓患病調理需

時該軍尤宜迅速西上 臣 已飛催趕緊進行馳

抵漢南妥籌勦辦奏八

上命議政王軍機大臣傳諭官文多隆阿略秉章瑛
榮李雲麟曰藩司李桓抵鄂患病勢難卽赴陝南
著照該大臣所請賞假一個月在湖北省城調理
俟病體痊愈卽行催令起程陝南軍務喫緊亟須
知兵大員爲之統率郎中李雲麟先後經官文略
秉章等交章保薦著卽督率所部星速西行不准

欽定剿平粵匪方略卷四十四

二

遲留到陝時卽將現存兵勇實力整頓張由庚朱
桂秋兩軍卽照略秉章前次所奏併歸李雲麟統
帶並著略秉章飭令該員等各率所部馳抵漢中
不准遲延時日所有漢南軍情著卽由李雲麟專
摺奏聞以期迅速其李桓原帶之楚軍並著官文
派員管帶起程交李雲麟帶赴漢南以厚兵力該
軍軍火糧餉並著多隆阿瑛榮分撥解濟以資飽

騰

上諭內閣曰候補郎中李雲麟著以四品京堂候補
辦理漢中一帶勦匪事宜所有陝南在防兵勇並
川省援陝各軍均歸節制

同日曾國藩彭玉麟奏言忠逆李秀城在六安
州下竄鮑超卽由柘皋進兵以攻巢縣之北劉
連捷等又從遞珠塔進兵以攻巢縣之東惟欲

欽定剿平粵匪方略卷四十四

三

圖巢縣必先力取東關銅城牖臣與彭玉麟商
令蕭慶衍等專攻銅城牖派水師曾泗美會合
劉連捷等專攻東關偽閩天安蕭逆擁衆堅守
劉連捷令師船由蟹子口潛渡陸軍緣隄填而
進伏於九峯山下另派譚國泰帶勇數十人從
東關近處以木盆夜渡突偏賊壘賊以礮石外
擊劫德雲等架梯而上中礮死之劉連捷遂督

兵繼進曾泗美列礮環轟壘賊欲遁九峯山下
伏兵齊出衝殺立破石壘遂克東關七陳村等
處來援之賊劉連捷親率副後等營迎敵毛有
銘由九峯山斜刺而入賊乃卻走俄又從林頭
鎮吳家村擺隊而來毛有銘等分道並進搏鬪
移時王載綱等卽帶部卒搶上九峯山曾泗美
率三板從河曲中出斷賊歸路盡焚各賊卡賊

聖朝軍略卷之四十四

四

館而還其陸師之分攻銅城牖者蕭慶衍等軍
由黃墩渡河約會喻俊明等水師四營奮攻賊
伏匿不出於南北兩街各添四壘爲負嶠死守
之計四月初九日各軍商留彭毓楠所部扼守
八角廟分蕭慶衍所部移剿百旺市一帶先清
銅城牖之後路接戰正酣三汊河雍家鎮兩支
官軍亦至遂將兩處卡壘平毀水師之入南北

圩者環賊壘之三面皆有三板小划陸軍亦萬
槍齊發遂踏毀南街土壘並攻破銅城牖駢屍
塞道幾無脫者而林頭鎮另股亦旋爲水師擊
走此次力戰陣亡之千總彭勝華等應請
飭部從優議卹

聖朝軍略卷之四十四

五

曾國藩又奏言查大江兩岸雨花臺賊匪堅守
如常蕪湖甯國南陵數城金柱關灣沚西河數
隘防務尙鬆涇縣守將易開俊於四月十八日
在章家渡擊賊大勝朱品隆亦在青陽境內擊
賊屢勝徽州自王沐回景德鎮後賊又從太平
竄入歙縣之許村唐義訓督軍擊卻追出箬嶺
李榕進攻建德二十三日再戰克之臣檄令進
剿彭澤鄱陽會合韓進春等掃除上游羣賊大
江北岸自忠會下竄賊勢漸衰我軍攻克東關

銅城隔劉連捷進紫望城阿彭統橋進紫巢縣
東門水陸攻擊於二十二夜克復巢城現繳餉
超蕭慶衍諸軍進取和含二浦直達九洲莫
驅賊併歸南岸壽州被圍毛有銘成大吉分路
援壽均以餉缺未能成行昨鮑超自從陽登岸
苦無途費其部卒逃散一千餘人毛有銘自東
關起程其部卒亦逃散數十人是兵事之遲鈍
成效仰求

欽定剿平粵匪方略

卷三四

皇上天恩特派大員來南於

欽差大臣兩江總督二篆中分給一篆俾臣責任略
輕不勝感激悚切之至奏入

上命議政王軍機大臣傳諭會國藩都興阿富明阿
彭玉麟曰會國藩督師九載運籌決策屢克名城

該大臣堅忍耐勞久爲朝廷所倚重近因所轄地
方太廣所統水陸兵勇過多而各省餉銀又復不
能源源接濟深懼責大任重稍有蹉跌則大局立
虞決裂所奏自係實情惟當此時事勢孔棘正臣
工黽勉效忠之時該大臣當勉爲其難仰體朝廷
兢業之心交相儆惕以期事有轉機現在巢縣既
克賊勢東趨並著檄飭鮑超蕭慶衍等乘勝進取

欽定剿平粵匪方略

卷三四

和含二浦直逼九洲賊壘彭玉麟亦當督飭水
師駛赴下游會同揚防舟師肅清江面並著都興
阿等嚴飭梁正源等督帶礮划相機會擊前據都
興阿等奏賊匪擾及天長縣之玉興集該匪曾否
回竄現值鮑超等率師進剿難保該匪不分股東
竄仍著都興阿等嚴飭各營豫爲防範

上諭內閣曰此次會國藩等督飭水陸官軍會克東

關銅城牘要隘並克復巢縣縣城勦辦甚為得手
仍著飭令各軍迅復和含江浦浦口各城以期肅
清江北所有力戰陣亡之千總彭勝華把總曾彩
雲胡德雲石太和均著交部從優議卹

同日福州將軍耆齡奏言臣因浙江藩司蔣益
澧將留防義橋之勇調攻富陽飭令遊擊甯世
杰等移守聞家堰並令都司馬雲標填紮義橋

聖朝聖略卷第四

八

均歸總兵劉萬德統帶督飭沿江巡防以杜杭
逆偷渡仍留漳詔等勇駐守處郡以資緝捕據
探皖南逆匪於三月初七日由建德縣竄至江
西鄱陽縣之石門地方另股竄至童子渡又聞
該逆自石門洋塘一帶竄至茅屋嶺距景德鎮
僅六七十里是逆蹤已擾及饒州境內難保不
窺伺廣信臣即抽調飛虎等勇馳赴廣豐駐紮

並令道員康國器親率昭武饒平兩營繼進以
備截擊以上改調裁撤各營均與左宗棠札商
辦理臣於四月十五日將閩浙總督關防及文
卷等件派員齎送嚴州府左宗棠軍營交收奏

八

上命議政王軍機大臣傳諭耆齡左宗棠曰湘師現
攻富陽閩省援軍自以嚴防賊抄後路為急耆齡

聖朝聖略卷第四

九

業飭飛虎等營移紮廣豐並令留紮蘭溪之南康
各營相機策應即著左宗棠督飭在防將士實力
扼守其分防義橋聞家堰及駐守處郡各軍並著
左宗棠隨時調遣毋失事機耆齡交卸後即著馳
抵福州將軍新任以重職守

同日馮子材魁玉奏言查東路之丹徒鎮係水
陸要衝該處麥田成熟尤為該逆注意之區自

四月十六日接仗後臣等分兵駐守並咨行水師提督賴鎮海嚴飭各口師船聯絡堵剿十八日臣馮子材親率各營鎮將行至豬婆灘地方賊衆已由洪山凹下犯當飛調城中馬隊令副將關松志等分投迎擊兼顧丹徒後衝副將林從太等分紮米家山豆沙河一帶開槍轟擊賊再卻再進我軍從中橫衝將士無不以一當百時陶茂森等亦敗賊於王家灣併軍抄殺溪塹中賊屍幾滿另股竄撲丁卯橋關松志等督率精騎馳擊殲殪尤多餘賊仍向越河一路回竄旋據賴鎮海咨稱十九日賊由諫壁沿江撲擾副將張瀚等親督艇師擊退次日復有大股竄至江邊焚掠亦經殲斃多名賊於二十一二等日遁回丹陽老巢先後派委田宗揚等跟蹤追

聖朝聖略卷四十四

十

聖朝聖略卷四十四

十一

擊由越河至馬陵沿村搜捕一面慰諭居民趕緊刈麥登場俾災黎得以喘息臣等仍督飭在防鎮將遠探近守不許稍涉鬆懈奏入

上命議政王軍機大臣傳諭馮子材魁玉曰蘇浙敗匪屢思北犯鎮江此次賊由越河洪山凹下犯而諫壁之賊又沿江撲擾疊經水陸各軍戰敗遁回丹陽勦辦尙屬得手惟賊蹤出沒靡常自越河至丹徒鎮一帶尤應嚴密守禦著卽督飭賴鎮海等嚴飭各師船聯絡堵禦並飭各路官軍迅將鎮城東西南一帶逆氛盡力掃蕩以期進攻丹陽老巢鎮防南北兩岸均屬緊要並著隨時知照都興阿等會合水師一體嚴防

初七日子都興阿富明阿奏言據探大股逆匪由來安竄天長東王廟分股竄至東門又報逆

衆屬聚於天六交界之四合墩一帶賊馬分竄長境之紅山菱塘橋等處現在各鄉麥熟難保不四散刈割以資寇糧臣等督同翼長杜嘎爾由甘泉山直出大儀查無賊隊復由官橋至金家集遇賊隊分紮村鎮賊見官兵張皇列隊臣等將馬隊分路埋伏令營總德明等各率數十騎誘賊不料馬賊兇後抄撲德明等正在分隊抵禦幸委防禦慶順等三路夾攻該逆驚慌奔竄我兵乘勝追殺立斬悍賊百餘人賊勢不支全行潰竄其步賊亦不敢近撲是役斃賊約二百名生擒髮逆二十餘名旋據六合縣報稱該逆大股仍踞六邑西南鄉焚掠並將垛石橋馮家橋拆毀又據詹啟綸稟稱金家集賊匪退遁當派遊擊熊宏泰前往偵探忽西路各村突

出賊匪大隊分路包抄內有身穿黃衣賊目騎馬奔來當經槍傷落馬我軍乘勢衝突斃賊數十名又據副將黃國棟稟稱逆賊由盱眙直竄六合忠逆等在汙河新集等處打館當卽出隊進剿斃賊約二三百名生擒一百四十餘名查高寶湖西卽天長境界據總兵黃開榜稟稱派委副將龔云福等分投扼堵已極周密至邵伯等處爲裏下河衝要門戶茲又調到詹啟綸等分守三汙河六舖一帶藉資聯絡其下游水師前雖將圩塘口門釘塞而魏村一帶尙未釘樁近聞有逆匪由圩塘北竄經吳全美於釘堵完工後督率礮划轟斃馬步賊匪我軍乘勝追趕斃賊無算現仍飭令水師於沿江各處嚴加防範以免疎虞

同日吳棠奏言擒匪張落刑之姪張總愚等匪由盱眙竄至天長南境與僞忠王由滁州江浦北竄之匪合股繞至天長北境意圖由高郵西岸之小河口搶渡經遊擊陳順超帶勇迎勦斃賊二十餘名該逆大股忽又來撲陳順超開礮轟擊適副將龔云福等在小河口後街與賊往來衝殺陣斬悍賊百餘名賊始退入小河口鎮

聖皇聖略卷四十四

十四

內其搶渡賊股亦經水師開礮擊退二十三日龔云福等乘賊不備拔柵突入該逆紛向小河口鎮迤西竄去官軍追殺多名二十五日髮逆大股又繞至小河口以南列柵十餘座黃開榜親督各軍迎擊該逆一股來撲一股屯紮小河口南山經參將黃國銳抄入賊後生擒僞丞相林有元等賊陣擾亂龔云福等帶隊夾擊逆眾

始行敗退官軍追斃髮逆多名一面嚴防金溝等處以杜奔突據林有元等供稱忠逆糾合燕逆豹逆等死黨數萬意圖竄擾清淮裏下河臣部現無可調之兵查有遊擊陳浚家等所帶礮船五十隻前經撥赴皖境防苗臣因湖防再警不得不先其所急已飛檄星夜折回高寶湖嚴扼髮逆竄越一俟賊氛稍遠再令趕赴皖防均

聖皇聖略卷四十四

十五

奏入

上命議政王軍機大臣傳諭都興阿富明阿吳棠曰逆匪由來安竄圍天長復糾合擒匪屬聚於天長各路經都興阿等派兵往勦獲勝其由小河口搶渡之賊亦經吳棠分派水陸兵勇疊次擊退惟逆數眾多意圖攻撲儀揚竄赴裏下河一帶都興阿等務當督飭各路將士嚴密設防毋任竄越並著

吳棠嚴飭水師將弁力扼小河口等處以固湖防其邵伯等處及下游水師仍著都興阿等飭令管帶各員嚴加防範

初九日甲寅毛鴻賓奏言查江忠義所部前隊業

於四月中行抵醴陵其後隊自粵旋師亦已從

永州順流而下連日接准兩江督臣曾國藩咨

稱皖南石太之賊蔓延建德景鎮祁門一帶注

欽定四庫全書

十七

意上竄江西皖北巢縣大股竄撲廬江分竄桐

舒並搜獲忠逆偽文計由舒六英霍分擾鄂境

皖北雖添周寬世一軍然祇能駐守桐城安徽

撫臣李續宜又以患病未能就道鮑超既經渡

江勢不能不留北岸以資雕勦臣查皖南賊氛

徧地既將鮑超調去兵力便形單薄若使賊蹤

闖入則皖浙餉源中斷就目前事勢而論江忠

義由醴陵入江程途較近已囑江忠義審察緩

急或順道赴江或取道赴粵並由該前署提臣

自行奏報至該營餉需臣早飭局將欠款覈算

清楚另發一月口糧俾不至有滯師期

同日江忠義奏言臣親奉

諭旨飭令赴粵自應欽遵前進惟准曾國藩函稱古

賴黃胡諸逆紛擾歛績休黠等處鄱陽都昌之

欽定四庫全書

十七

賊直撲祁門若由小徑竄入樂平景鎮尤為江

西大患催臣部速由袁州趕至撫州督同道員

席寶田勦辦並准江西撫臣沈葆楨咨稱該逆

大股偏近潘村江村等處勢將東犯德興樂平

催臣星馳入江援勦現在臣軍已抵醴陵當此

江防萬緊仍宜先其所急查皖南兵力雖單現

經左宗棠分軍兼顧或可支持而江西並無大

枝勁旅僅增席寶田三千餘人議勦議防均爲棘手該省爲浙軍後路儘使該逆得逞大局堪虞臣計自粵赴皖爲期迂緩無補皖事之急自以就近赴粵爲宜今已抵醴陵則赴粵爲遙赴江爲近道路既有遠近之殊情形又有今昔之異臣仍應遵奉前

旨祇聽會國藩調遣現定於四月二十七日由長沙

欽定剿平粵匪方略卷四十四

十六

起程進援江西規賊所向迎頭截勦將來臣軍肅清江西之後或皖省無須增兵臣卽由江西贛州赴粵以期便速均奏入

上命議政王軍機大臣傳諭毛鴻賓江忠義曰現在江忠義一軍疊經會國藩等催令入江所部陳鳴志等已先後行抵醴陵江忠義於四月二十七日由長沙起程是其赴江程途近於赴粵卽著迅率

所部各營向江西進發入江後卽督飭席寶田等軍會同皖省之兵規賊所向迎頭截勦江西肅清後皖省如無須增兵卽照該署提督所擬由贛州便道赴粵相機勦辦江忠義旣已入江所有援皖之軍著毛鴻賓暫緩添調並著將江忠義不能赴粵情形咨會晏端書黃贊湯另籌辦理該軍欠款及赴江口糧已據毛鴻賓發給卽著迅催前進毋

欽定剿平粵匪方略卷四十四

十九

稍遲緩

十二日丁曾國藩左宗棠李鴻章奏言據江蘇候補知府趙炳麟稟稱堂姪布政使銜福建糧道趙景賢於三月十八日在蘇城遇害並稱趙景賢被執到蘇後求死不得自太倉敗賊回蘇播言趙景賢勾結內應有襲蘇州之意僞暮王譚紹洸設席招飲趙景賢肆口謾罵譚逆卽取

洋槍對胸一擊而殞查該故員誓守湖州血戰三年並分兵克復遠近堅城賊不敢偏迫賊以大股合圍時閱五月糧盡援絕而陷該道抽刀自砍為賊所持執至蘇州百計誘偏矢志不移卒以身殉洵屬忠貞蓋世無愧完人其長子深彥年甫十二歲聞湖州之陷痛父情切即先服毒自盡次子五人濱彥潤彥滋彥溱彥洙彥遠

勳業傳略卷中四

三

寄湖湘孤苦無依相應詳細陳明請

旨照陣亡例從優議卹並請

特旨予諡准於湖州本籍地方建立專祠及殉難事

蹟宜付史館立傳以彰忠盡奏入

上諭內閣曰道員趙景賢係湖州在籍紳士並無守

土之責集團禦侮每戰必捷迨至孤城固守糧餉

軍火俱盡仍復堅持數月力竭被擒經賊匪百端

誘脅矢志不移卒以身殉孤忠勁節實屬可嘉布政使銜福建督糧道趙景賢著照巡撫陣亡例從優議卹並加恩予諡准其於湖州府地方建立專祠其業經議卹之趙景賢長子趙深彥著一併附祀所有該員死難事蹟著宣付國史館立傳以彰忠盡其子趙濱彥趙潤彥趙滋彥趙溱彥趙洙彥均著俟及歲時交吏部帶領引見

勳業傳略卷中四

三

李鴻章又奏言查江陰縣屬之楊厘汛在蘇常之交為沿江著名險要有悍賊二千餘人踞守提臣黃翼升總兵劉銘傳派得字營攻南門銘前營攻東門銘後營排紮東南之閒以堵西塘市援賊西北兩門則有水師營官王東華等進擊縣丞劉盛藻等各督親兵搭架浮橋守賊施放排槍我軍傷亡甚眾唐殿魁左髀受傷劉盛

藻赤足渡河指揮弁勇擁抵城下甫將雲梯架
上城頭礮石如雨梁玉和等大呼登城各勇相
繼直進賊會李添得劉汰生各率悍賊抵住缺
口劉盛藻激勵兵勇誓必登城其時王東華等
正攻西北兩門劉銘傳調趙宗道隊伍助之童
祖亮率各營奮勇先登逆會李添得劉汰生仍
復抵拒經我軍槍斃賊眾慌亂遂乘勢一擁而

欽定剿平粵匪方略卷四十四

三

入所有守城悍賊二千餘名殲戮殆盡賴榮光
等由西門進擒斬逆首趙向林等多名其逸出
之賊又經方有才等並水師攔頭截殺無一漏
網遂於二十二日將楊厓汛城克復其南瀾北
瀾西塘市踞逆聯營三十餘座均於是夜遁回
無錫常州等處劉銘傳遂督各營入城從此進
取江陰當可漸次得手且可遮蔽渡江北竄之

路首先登城之副將賴榮光等合無仰懇

天恩分別給予獎敘其餘在事出力文武員弁兵勇

可否容臣查明歸入克復福山寨內一併保獎

奏入

上命議政王軍機大臣傳諭李鴻章曰楊厓一城爲
南岸要隘現經水陸官軍攻克其南瀾北瀾西塘
市踞逆均遁回無錫常州等處從此進取江陰當

欽定剿平粵匪方略卷四十四

三

可漸次得手著李鴻章督飭水陸各軍步步進逼
規取江陰以收破竹之勢江陰既克以後卽須派
撥重兵扼紮聯絡通泰靖江聲勢進取無錫常州
蘇常逆勢窮蹙或鋌而走險圖犯他處或暗設詭
計繞我軍威李鴻章務當慎益加慎戰守兼籌毋
得稍有疏失其渡江北竄之路尤須妥爲兼顧勿
令該逆得以偷渡

上諭內閣曰此次水陸官軍攻克楊庫汎城守城悍賊二千餘名殲戮殆盡並擒斬首逆趙向林等多名仍著李鴻章督飭各軍乘勝進剿在事尤爲出力之副將賴榮光著以總兵記名簡放縣丞劉盛藻著以知縣選用並賞加振勇巴圖魯名號其餘在事出力文武員弁兵勇著該撫歸入克復福山案內一併請獎

聖朝聖略卷四十四

三

同日張亮基奏言髮逆經官軍擊退後分竄清水塘木烈鋪兩處意在合股肆擾三月十六日該逆一萬餘人由清水塘竄擾仁懷縣屬魯班場經知縣沈復會同紳團截擊斃賊百餘名賊由乾溪一帶竄入遵義縣屬松林高坪等處適值總兵沈宏富駐軍蒙子橋該鎮密派千總程遇春等扼要埋伏一而督飭千總潘體仁等率

部迎剿斃賊二千餘人餘匪復竄往望巢地方沈宏富及知府樊希棣跟蹤追剿其竄木烈鋪另股髮逆亦經總兵李有恆分派都司劉道宗等督帶兵團在栗樹坪跳蹬河等處堵剿斃賊千餘人賊由瓢兒井小路逃竄出境臣仍嚴飭該文武等將該匪悉數殄滅其出力員弁及陣亡兵勇容臣詳細查明奏請獎卹奏入

聖朝聖略卷四十四

三

上命議政王軍機大臣傳諭勞崇光張亮基曰髮逆由清水塘竄擾仁懷縣屬之魯班場遵義縣屬之松林高坪等處經總兵沈宏富擊敗餘匪竄往望巢地方其竄木烈鋪另股亦經總兵李其恆等於栗樹坪等處堵剿賊由瓢兒井逃竄出境仍著勞崇光張亮基飭令該總兵等跟蹤追剿務殲醜類此次張亮基摺內所稱清水塘木烈鋪等處究係

何縣所屬其由飄兒井逃竄出境之賊究係出竄
何境此係何股賊匪來自何處爲首者何人聲敘
殊未明晰仍著張亮基查明覆奏嗣後奏報軍情
於各州縣所屬地方務當指陳明確毋得草率含
混

欽定剿平粵匪方略卷三十四

三六

欽定剿平粵匪方略卷三百四十五 癸亥年

五月十三日戊午官文蔚樹森奏言查李雲麟於

四月十五日接到家信親母王氏病故例應奔
喪回旗合無仰懇

聖恩俯准給假兩月回旗治喪出自

鴻慈其所部一軍現飭歐陽正塘就近兼統第陝南
警報頻來必須另撥一軍前往控制現飭駐防

欽定剿平粵匪方略卷三十五

一

鄖陽之道員梁作楫督率所部剋日馳赴興安
扼要堅守俟李雲麟入陝後再行拔回鄖陽此
時該軍赴陝兵力較單且與川軍氣誼未孚以
之扼守興安則可以之進規漢南則力有不足
須俟李雲麟假滿到營方可會合川陝各軍痛
殲巨寇相應請

旨飭下總管內務府大臣於該員到旗後催令趕緊

料理葬事迅速回營務於七月十五日以前到鄂率師赴陝俾梁作楫一軍回顧鄂邊庶於兩省防勦事宜均有裨益奏入

上命議政王軍機大臣傳諭官文略秉章嚴樹森曰陝南軍務孔亟李雲麟丁憂一時不克赴陝官文等調往興安之梁作楫一軍亦祇能擇要扼守未能進規漢南且李雲麟已有援陝之命恐漢中軍

勦平匪亂略卷四十五

二

士聞信後毛震壽呼應不靈前據駱秉章奏調張由庚朱桂秋等軍馳援漢郡計期應抵陝境所有漢南各營卽著駱秉章傳諭張由庚暫行統率俟李雲麟假滿抵陝後仍歸該京堂節制以一事權梁作楫業已拔營前進卽著官文嚴樹森迅飭梁作楫扼守興安並會合張由庚等軍籌商進取毋得專待李雲麟致令事機鬆懈李雲麟部勇旣據

官文飭令歐陽正墉兼統卽著責成該員妥爲彈壓前因李桓患病請假諭令將該藩司所募勇丁交李雲麟帶赴漢中勦賊現在李雲麟回鄂需時此項勇丁自應暫緩前進如李桓病已痊愈仍著該藩司督率所部星馳赴陝並著該大臣妥籌辦理

勦平匪亂略卷四十五

三

上諭內閣曰候補四品京堂李雲麟現丁母憂著自問計之日起賞假兩箇月回旗治喪假滿後卽回營督軍馳赴漢中辦理勦匪事宜
十四日己未沈葆楨奏冒逆匪右敵饒州左窺景鎮其中路思由昌江偷渡以撼樂平迨見我軍水陸聯絡復由景鎮上達祁門中間無專防之兵河淺灘高敵船未能上駛石太羣逆以數隊出沒黔界牽掣劉典一軍以萬餘人從桃樹嶺

漆嶺分道潛趨掩我不備初七日已及閃上勒市一帶道員段起檄繼果營進擊而以祥字營爲之後援十三日賊進踞包家墩次日王沐抵張村塢派隊由蛟潭潛伏而進至烏坡頭慮賊抄後伏兵深林飭王萼等分路夾擊匪衆翻山而逃墮崖死者無數我師馳抵包家墩該逆不料官軍驟至并死抵禦王沐令各勇環放排槍

欽定剿平粵匪方略卷四十五

四

殲賊百餘名賊退安甯王沐從中路鼓譟直前賊且卻且拒我兵極力衝突生擒百餘名解散五六百名據賊供僞天侯鄧天福鄧天豫均殞於陣查繼果一軍自皖回江喘息未定復挫兇鋒於江皖大局實有神益沈葆楨又奏言查韓進春擊賊於土塘殺賊數十名進紮小港賊斂歸陶家渡河北與該軍隔

河相持其後股紛竄彭澤湖口都昌離城各二三十里不等知縣趙宗耀督團力拒督臣曾國藩檄道員李榕統東字營從東流援之不日可到湖口又聞提督江忠義一軍已抵長沙臣咨令取道袁瑞由九江徑趨湖口甘肅臬司劉于濬親督水師到饒席寶田一軍從撫州前進浙江臬司劉典亦拔隊來援計端節以前皆入饒

欽定剿平粵匪方略卷四十五

五

境臣通飭各營悉聽劉典調度剋日廓清鄰境以援都湖不得互相觀望奏入上命議政王軍機大臣傳諭沈葆楨曰逆匪從桃樹嶺漆嶺潛趨閃上勒市一帶進踞包家墩經王沐進剿獲勝賊竄嶺外洵足大挫兇鋒惟該逆紛至沓來刻思上竄該撫奏稱劉典拔隊來援不日可入饒境著卽檄飭各營將弁悉聽劉典調度廓清

鄰境次第由都昌湖口節節掃蕩期與曾國藩派出之李榕一軍前後夾攻俾該逆竄遁無路前已有旨令江忠義由長沙進援江西計期應抵江境著沈葆楨飛催前進會同席寶田援師齊抵饒防以厚兵力

十五日庚申都興阿富明阿奏言查逆匪糾合捻匪竄擾天六等處意在勾結南岸各匪同時並

聖朝聖略卷四十五

六

舉據吳全美稟稱下游君山之賊直撲黃田港口總兵李起高督船開礮斃賊數十名賊始敗遁二十五日李起高等復督勇擊倒守卡賊匪數十名燒燬卡房一所賊匪墮巖死者甚多副將張茂清在黃泥庵地方將賊土壘踏毀殺斃逆逆二十餘名忽見逆匪蠢擁前來我軍誘至江濱葦中伏兵突起追殺里許賊各鼻水逃竄

溺死不少二十七日賊匪由青陽竄來副將林宜華開礮迎擊立斃悍賊多名賊向東竄本月初三日吳全美等各駕礮船進剿申夏港口該逆率眾迎拒吳全美等連開槍礮斃賊多名並以火器拋入賊叢賊眾披靡敗遁各勇追殺無算至上游水師據參將梁正源稟稱賊在新槎頭搭橋竄渡當督礮划迎擊逆眾棄船逃走又

聖朝聖略卷四十五

七

見中關賊船紛紛北渡督船駛至中流開礮打沈賊船兩隻餘匪轉棹回竄梁正源即帶勇兜擊該逆紛紛投水又奪獲賊船二隻二十九日瓜埠賊眾出港紛竄揮令各船迎剿砍殺長髮多名新洲圩舊灘汊河內賊船游弋並有紅旗賊隊數百人搖旗吶喊梁正源復分路兜抄該逆蒼黃奔竄各勇乘勝追擊斃賊數十名奪獲

划船二隻仍一面飭令吳全美在下游魏村等處督飭水師堵剿以防該逆偷渡五月初一日金家集逆匪由白廟通江集卸甲店一帶回竄浦口九洲洲臣富明阿督隊馳至新城等處查探賊股已至浦口離儀邑甚遠其回竄九洲洲之賊復竄汊河集王家渡新集一帶據總兵黃開榜稟稱逆股竄踞楊村地方在泥湖搶擄民

欽定剿平粵匪方略卷三十五

八

船拆去民房木料紮搭木簔千總楊德山從泥湖後路進軍殺賊多名守備謝國恩施放火彈登時燒著賊船傷斃老賊數十名餘賊棄筏而逃謝國恩等當時會合大殺斃賊百餘名並將生擒老賊十餘名正法黃開榜又馳抵天長之護城橋地方派令遊擊陳浚家繞抵狀元圩之北突圍入城與副將陳文勝兩面夾擊先解北

門之圍襲云福等分帶陸隊迎擊陳浚家等各帶礮船進剿馳至狀元圩地方該逆已將河口填塞我軍將河口掘開而髮逆大股竄至參將黃國銳等分投迎敵斃賊甚多陳文勝亦由城內調出勇隊夾擊該逆潰敗我軍追至三汊河該逆負嵎死拒黃國銳首先攻入賊營當將該逆營壘踏毀殺斃甚多餘賊竄向天長西南十

欽定剿平粵匪方略卷三十五

九

八里集而去刻下天長西北兩門重圍已解仍飭在事將士隨時嚴防以杜竄擾都興阿富明阿又奏言據總兵泊承陸稟稱有人自江陰城中逃出見江陰送溧陽侍賊密書知有曾授偽職瞬天侯黃姓本在常熟投誠現在江北水營暗約侍逆令其假扮難民或五六人或三四人一起由各口陸續渡江臣等正以

江陰縣知縣沈方煦妄欲體恤南岸難民擅稟
吳棠弛禁江防准其渡江各節貽誤事機當添
派參將胡世英等馳抵江干會同孫文友嚴密
稽查並暗備隊伍防範飛咨喬松年轉飭各屬
團練認真巡防又派副將刁經明等連夜趕赴
下游會同吳全美密查黃姓嚴拏務獲惟事關
軍務大局知縣沈方煦稟請江防弛禁並不通

聖朝聖略卷四十五

十

報大營相應請

旨飭下喬松年嚴查系辦以重軍務奏入

上命議政王軍機大臣傳諭都興阿富明阿吳棠曰
金家集一帶賊匪已有回竄浦口九洲洲之意著
都興阿等督飭水陸諸軍嚴密防範毋令東竄揚
城其在盱眙一帶築壘及竄踞楊村攻撲天長各
賊均經黃開榜等會剿疊勝並解天長西北兩門

重圍仍著都興阿等會同吳棠督軍掃蕩毋任紛
竄江陰賊匪屢有扮作難民渡江北擾之說都興
阿等現飭水陸防兵嚴查並密查賊首黃姓務獲
所辦甚是逆匪窺伺裏下河已非一日現當江防
喫緊豈得任令南岸奸民紛紛北渡著吳棠嚴飭
北岸地方官認真盤查並將續來難民一體禁渡
儻漫不經心致令奸宄潛跡貽誤事機恐吳棠不

聖朝聖略卷四十五

十一

能當此重咎也辦理荒謬之江陰縣知縣沈方煦
著都興阿富明阿吳棠會同查明嚴參以儆玩泄

十七日 壬戌 吳棠奏言查天長為清淮南路屏蔽

髮逆屢撲城垣堵剿萬緊黃開榜督隊擊退伍
子胥廟踞賊復探得天長之護城橋紮有賊營
阻扼城中運糧水路黃開榜當令礮船進擊適
遊擊龔文林水師亦到礮斃髮逆甚夥立將賊

營平毀天長守將陳文勝又與黃開榜內外夾
擊攻克三汊河逆圩天長西北兩面重圍均解
餘賊退至天長城東南築壘屯糧計圖持久黃
開榜又飭水陸各隊向天長城東進剿五月初
五日該逆糾眾萬餘來撲襲云福等與賊相持
未下嗣經礮船駛至轟斃逆眾多名守備楊長
林等帶隊繞至賊後奮力衝擊該匪兩面受敵

聖朝聖略卷四十五

十三

紛紛敗退官軍追至天長城下該逆向城南遁
去立解天長城圍計生擒髮逆百餘名臣現仍
飭黃開榜嚴扼天長湖河各要隘不敢稍涉大
意奏入

上命議政王軍機大臣傳諭吳棠曰現在天長之圍
雖解而賊蹤尙未遠遁仍著吳棠飭令黃開榜嚴
扼天長湖河各要隘探明賊在何處督同龔云福

等軍實力剿除毋留餘孽

十八日癸亥左宗棠奏言據探聽逆計集各股賊
踞觀音山板橋一帶進紮山口距新城僅三十
餘里四月初一日魏喻義會同賴錫光等進剿
遇賊大至官軍槍礮環擊斃賊數百名賊死拒
不退魏喻義分軍由小路抄之自率親兵與賴
錫光等所部殲其先鋒賊目數名賊始奔潰各

聖朝聖略卷四十五

十三

營乘勝緊逼斃賊千餘生擒百餘名偽朝將汪
逆復分路擾至永昌時山霧漫空魏喻義且戰
且退至城東收隊入城逆賊躡蹤而至賴錫光
等督隊由南門出擊賊勢稍卻蔣益澧卽遣提
督高連陞復率數營馳援自率親兵督之令熊
建益回防新橋之賊初三日高連陞馳抵新城
之南臣飭楊昌濬率十營往援亦陸續行抵桐

盧賊見援軍大至向臨安一路奔竄高連陞亦僅斬其尾賊數十名而還是日新橋之賊見官軍方接新城忽出賊分路來犯熊建益督隊迎擊斃賊甚多賊遂入壘熊建益率親兵踰濠而進直薄賊壘忽被賊施放火器洞穿小腹殞命賊亦不敢復出初六日偽聽王各逆至洪莊上陳泗洲庵等處布陣數十里誓破新橋官軍營

聖朝聖事卷四十五

十四

壘次日該逆徑撲王東林等營官軍列隊仰攻立斬悍賊十餘名高連陞分軍埋伏自率親兵嚴陣以待俟賊撲近伏兵左右抄擊共斃賊四百五十名陣斬偽朝將李逆等三十餘名生擒賊十名賊為槍礮轟傷者殆以千計而逆賊抄襲富陽官軍後路之計始沮先是水師副將楊政謨都司羅啟勇各率所部師船沿江駛抵隔口

遇賊船百餘艘官與上游戰艇開礮夾擊逆賊紛紛逃潰楊政謨等登岸追殺直抵杭州望江門外踏毀賊壘一座殺賊數百名焚燒賊船數十隻杭州踞逆大震屢呼聽逆及汪逆回援該逆等知官軍後路嚴密無隙可乘又杭城之賊呼援甚急遂潛竄回杭勢甚窮蹙總兵熊建益中礮捐軀深堪憫惻合無仰懇

聖朝聖事卷四十五

十五

天恩飭部照總兵陣亡例從優議卹予諡並於富陽縣建立專祠守備劉立號同時陣亡並請

旨從優賜卹

左宗棠又奏言查耑齡所部兵勇原有四枝現均無員統帶彰武一軍係耑齡舊部尙留浦城從前援浙兵勇人數共二萬數千陸續裁撤現

存者不過三千餘員名就中如南康勇穴雜尤甚尙應裁撤而彰武軍之千餘人准著齡緘稱商帶赴閩臣已諾之是援浙一軍贖存不過八千餘人而粵勇中之桀驁難馴及患病求歸者臣接辦後亦須汰遣其援浙統領秦如虎現署提督接帶之總兵樂清等不爲士心所附臣前咨督臣仍歸秦如虎調遣林文察所部台勇業經前督臣撤遣綜計統領之僅存者惟康國器一員而已閩粵各營勢均力敵材質亦不相上下就中推擇統領苟非其人無以服衆若別由外營派委統領彼此不相服習此酌量遣撤非難而另派統領之尤宜慎密也至浦城地勢在閩省固爲衝要以近日局勢言之賊蹤擾及饒境是浮景爲門庭而廣信爲堂奧浦城又在江

欽定剿平粵匪方略卷四十五

十六

山玉山廣豐之後相距甚遙不必以重兵屯於開散之地惟閩省轉輸入浙舍舟而陸必須問途於此當暫以偏師駐之奏入

上命議政王軍機大臣傳諭左宗棠曰此次賊犯新城思襲富陽後路雖經官軍擊退而劉典王文瑞兩軍尙須駐皖蔣益澧全軍力攻富陽其餘各營分撥上下游防剿兵力實不爲厚是克復杭州尙難剋期而待左宗棠現擬將新隸閩軍力圖整飭相機進剿亦是因時制宜之法卽著將閩省營兵分別去留認真訓練俾成勁旅仍一面於閩粵營官中慎選統領之員派令分營管帶庶將識士心士識將意可收餉節兵精之效至浦城地勢旣無須重兵屯駐卽由左宗棠酌派一軍駐之以護運道

欽定剿平粵匪方略卷四十五

十七

上諭內閣曰此次官軍截勦富陽新城援賊疊獲勝仗卽著左宗棠督率在事員弁兵勇迅克富陽進規杭州毋稍遲誤記名總兵熊建益中敵捐軀深堪憫惻著交部照總兵陣亡例從優議卹加恩予諡並於富陽縣建立專祠守備劉立號力戰陣亡著一併交部從優議卹

同日前署安徽巡撫李續宜奏言臣臥病湘鄉

迄今四十餘日乃蒙

皇上天恩宥臣遲延之罪開臣皖撫之缺體恤下情無微不至詎四月以來病勢日增咳嗽不絕於口吐痰咯血諸證不時舉發肌肉頓形消瘦咽喉疼痛非常凡屬問疾人來罔弗見之流涕頃接曾國藩來函知湖北業已蕺事六安解圍後忠會因滬軍克復太倉回救蘇州曾國藩現檄

鮑超等規復巢含南岸之徽駭將次肅清左宗棠又調劉典回援景鎮曾國藩復派李榕由東建進紮祁門軍事日見平穩臣病十分危劇可否願懇

恩施賞假四個月俾臣回里調養或一二月內可以強支卽當速赴皖省軍營與疾討賊斷不以假期未滿稍涉拘泥奏入

上命議政王軍機大臣傳諭李續宜曰該前撫臥病湘鄉迄今四十餘日醫藥尙未見效著賞假四箇月回籍安心調理惟刻下江北下游喫緊逆匪又圍攻蒙城唐訓方漸有不支之勢亟盼該前撫赴皖督辦儘回里之後病勢漸輕仍當趕緊就道不必拘泥假期是爲至要

同日瑛榮奏言漢中被圍日久情形危急石逆

中旗現將由川入陝陝省兵力實不能支四川
道員張由庚總兵周達武既在廣元與其停兵
坐視何如出境救援以勦爲防於川省未嘗無
益否則漢南一有疏虞則秦蜀兩省皆不可問
不得不顧懇

天恩飭下川省援師迅卽入漢會同現有兵勇將此
股髮逆早日殄除以保危局又據毛震壽探報

欽定剿平粵匪方略卷四十五

三

石逆中旗由川西竄至平武之喬莊急欲取道
甘肅文縣繞出漢南若再添此一股則大局更
不能支惟有仰懇

皇上催調援兵迅速赴漢不勝急切屏營之至

瑛榮又奏言頃接官文嚴樹森來咨因漢南軍
務喫緊飭催郎中李雲麟一軍由鄖襄一帶入
陝駐紮興安並遣道員梁作楫一軍駐紮鄖陽

以爲李雲麟後路接應現在漢中與緊毛震壽
獨力難支又添石逆大股大局深慮決裂興安
距漢中尙有六百餘里之遙鄖陽尤遠設有危
急鞭長莫及伏懇

皇上飭下官文等速飭李雲麟梁作楫馳援漢中迅
解城圍於大局實有神益奏入

欽定剿平粵匪方略卷四十五

三

前因李雲麟回旗穿孝不克赴陝諭令駱秉章迅
飭張由庚等馳赴陝南援勦茲據瑛榮奏稱張由
庚現在駐軍廣元去陝不遠著駱秉章飛飭該道
員等星速赴援石逆中旗現在竄至平武之喬莊
勢將取道甘肅文縣繞出漢南並著駱秉章飭令
張由庚相機迎擊毋令石逆餘黨與漢南髮逆勾
結爲患梁作楫計已行抵興安著官文等嚴飭該

員認真扼守並酌度情形移師漢郡與川省官兵
會同勦辦李桓患病曾否就痊如一時不克西行
卽著官文嚴樹森選派得力員弁將李桓所募勇
丁帶赴陝南勦賊嚴樹森前有赴下游察看營壘
由襄樊西上之奏此時皖北髮逆東趨鮑超等跟
蹤追躡擒匪已回竄豫境楚北防務稍鬆嚴樹森
現在駐紮何處著與官文妥速籌商如能由襄樊

聖朝聖略卷四十五



徑赴鄆西俾梁作楫進勦漢中逆匪庶於秦楚兩
省邊防均有裨益仍著官文嚴樹森斟酌辦理

二十日^{丑乙}曾國藩彭玉麟奏言查銅城峒旣克

蕭慶衍劉連捷兩軍拔赴望城岡未及下寨賊
卽擁衆過河成發翔俟賊半渡令各水營抄過
賊後賊方逡巡卻顧我舟師已橫截圩中萬敵
齊轟斷其歸路成發翔等又分勇登陸四出痛

勦賊會蕭主將梟悍絕倫左營裨將李宏試
而斬之羣賊奪氣我軍水陸交攻襲破二卡一
壘壘中壘外積尸若阜罕有脫者望城岡旣紮
定則巢縣之南賊無竄路陸師可薄城而營水
師亦可繞湖而陣四月二十一日彭毓橘等軍
卽移偏城根列隊挑戰賊矢石交下我軍且卻
且前相持竟日二更後水師環隄猛擊悉焚湖

聖朝聖略卷四十五



中賊划毀其浮橋劉連捷亦自河南飛騎馳至
共破窰廟沿河六石壘壘賊向東門進城會泗
美喻俊明卽追入東門成發翔等從南門攻入
適鮑超亦派數營自廬郡西來遂克巢縣二十
三日鮑超由柘皋督軍出清溪鎮擊賊勝之略
地而東蕭慶衍截尾賊於林臺圩旋合劉連捷
彭毓橘等營渡河前進於二十四日與鮑超會

師含山賊已宵遁鮑超等以賊去未遠星夜往襲和州比入州境但見賊旗靡亂不絕於道水師成發翔約泊賊魚背之楊占鼇駛入和州港內城賊逃遁不及半聚壘中鮑超蕭慶衍與水師環壘急攻賊出壘乞降盡釋脅從者而斬其頭目以徇各軍整隊入城含山和州同時克復從此進取江浦九洲或可翦其枝葉圖拔金陵

聖諭

五

此次副將成發翔功績最偉應如何優加獎勵之處恭候

聖裁其山力陣亡文武員弁謹分別開列懇請獎卹會國藩又奏言查雨花臺石城據險雄峙屏蔽城垣守賊衆而且悍四月二十七日曾國荃督飭各軍先將聚寶門外四面石壘攻拔卽緊逼石城東草填濠架梯欲上賊燃礮外擊趙三元

率中軍親兵從礮臺下蟻附而升李臣典等各率部卒從中右兩路肉薄齊登維時敵樓火發賊方爭相奔救我軍已奪偽城一座餘賊棄壘竄遁蕭孚泗等縱軍圍剿將賊追逼長干橋蹙入水者無數曾國荃以雨花臺地段遼闊近接城圍賊必與我爭此要害乃抽四營駐守石城增修六壘以接各舊營之氣並調集後路各營

聖諭

五

以待城賊復出大設潛匿附郭屋舍中以誘敵各軍俟賊少懈突出奮擊賊乃負創入城共計俘執二百餘名殲戮近六千人此次尤爲出力之總兵李臣典等謹先行開列奏請獎敘其餘出力人員可否附於巢含和案內容臣開單保奏出自

天恩陣亡各員弁查明另案請卹

曾國藩又奏言查南岸曾國荃一軍自克雨花臺石城及南門外各壘後防兵愈單抽調金柱關守兵千人移紮金陵又調回彭毓橘一軍回顧老營仍留劉連捷步隊楊鎮南馬隊隨同鮑超進攻江浦九洲等處其蕪湖金柱關甯國灣沚西河東西梁山青陽南陵池州一帶節節布置均尚穩固五月初三日太平石埭之賊分

聖朝聖略卷四十五

三

竄茂林涇縣守將易開俊督隊迎勦殲斃盈千其竄江西之黃汶金等股在鄱陽浮梁境內屢爲官軍所敗現在斜趨都昌湖口等屬李榕一軍破賊於彭澤之項家山進援湖口綜計饒州九江各屬水路有劉于濬孫昌國左光培丁義方等營陸路有段起李榕席寶田王沐韓進春等營而劉典又自徽州赴饒江忠義亦由湖南

赴潯水陸兵力會萃數萬當可驅賊出境不致深入腹地奏入

上命議政王軍機大臣傳諭曾國藩都興阿富明阿曾國荃曰巢縣克復之後連復含山和州收回要地卽可進取江浦九洲以翦賊之枝葉圖拔金陵雨花臺及金陵南門外各石壘之賊踞險負隅復經曾國荃力戰下之不特可分蘇杭賊勢卽金

聖朝聖略卷四十五

三

陵賊巢勢亦日蹙氣機甚好卽著曾國藩曾國荃督飭鮑超蕭慶衍等軍於南北兩岸相機進取和含之賊殲渠釋從是否尙有餘匪潛往他處抑卽向江浦九洲等處竄逃江北裏下河一帶久爲賊所垂涎此時南北兩軍勦賊均正得手尤恐敗殘餘黨欲向裏下河等處就食著都興阿富明阿隨時督率各軍嚴密巡防忠逆李秀城現在何處

是否卽在金陵城內其回援蘇州及直犯裏下河均不可不嚴爲之備如果江浦九洲卽能攻克則賊衆渡江之路可期斷絕而金陵益成檻阱之勢諒不難悉數殲除也

上諭內閣曰官軍連克含山和州兩城出力之副將成發翔業經簡放巴里坤鎮總兵仍著以提督提奏道員彭毓楛著賞給卓勇巴圖魯名號提督蕭

欽定剿平粵匪方略卷四十五

天

慶衍著賞給提督應得封典總兵張錦芳著賞給威勇巴圖魯名號副將李宏試著賞給靖勇巴圖魯名號副將會泗美著交軍機處記名遇有總兵缺出請旨簡放副將劉長槐朱吉玉趙太和均著交軍機處記名遇有總兵缺出請旨簡放並賞加提督銜副將唐敏義著賞加總兵銜其餘出力人員准其擇尤酌保陣亡之參將陳邦榮楊繼隆傅

堂春遊擊鄭楨祥劉春福都司丁文彬守備張彪外委屈傳芝顏隆許李連勝及因傷身故之副將黃福田遊擊潘宏勝均著交部分別從優議卹

上又諭內閣曰官軍攻拔雨花臺僞城及聚寶門外諸石壘所有戰功卓著之總兵李臣典著交軍機處記名遇有提督缺出請旨簡放總兵晏澧遇著遇有總兵缺出提奏並賞加提督銜副將趙三元

欽定剿平粵匪方略卷四十五

天

武交清趙清河何玉貴黃東南伍維壽均著交軍機處記名遇有總兵缺出請旨簡放其餘出力人員著會國藩查明彙案請獎陣亡各員弁著一併查明請卹

同日前兩廣總督勞崇光奏言臣行抵黔境據知縣于鍾岳稟稱長髮逆匪自雲南昭通府竄至貴州黔西轉竄桐梓經總兵沈宏富擊敗竄

至該縣黃泥港地方距大道不遠臣卽馳抵旺
草接報賊匪已竄至毛鴉鋪相離祇二十餘里
臣率親兵入寨傳見團首千總彭佑芝飭令飛
傳附近團丁益以臣部親兵共六百餘名當卽
部勒整齊嚴密布置旋據獲賊供稱賊首李陳
周三姓皆係石逆餘黨匪衆約三四萬人分三
起行走次日賊果擁擁而至我軍施放槍礮轟

聖學聖方略卷三十五

三

斃數百人該逆敗退臣飭諸軍開壁追剿又殺
賊數百人因人少不敢深入遂札總兵沈宏富
知府樊希棟各帶勇練前來合剿十二日隊目
石得勝帶領兵勇趕到據稱沈宏富親督大隊
二千餘人樊希棟帶勇二百餘人已抵大關田
興恕亦由遵義率親兵一千餘人同來會剿臣
卽飭各軍分道並進田興恕與沈宏富身先士

卒匹馬衝鋒樊希棟在後督催各勇齊心奮擊
追殺二十餘里殺賊四五千人生擒五百餘人
餘匪四散紛竄追至合面山諸軍飢疲已甚收
隊至旺草軍營據稱該匪收合餘燼屯聚南坪
一帶查該處可由正安州竄蜀之彭水涪州可
由婺川縣竄蜀之酉陽秀山田興恕係奉
旨赴四川差遣之員正可跟蹤追剿無論賊竄川省

聖學聖方略卷三十五

三

何處卽追至何處免致逆氛又在蜀境蔓延卽
可順道前赴成都聽候督臣略秉章調遣臣現
於沈宏富部下分撥千人親督前進若中途遇
匪卽竭力轉戰而前以冀早達省城此次各弁
勇團練以少敵衆著有微勞可否准其擇尤請
獎出自
逾格恩施奏入

上命議政王軍機大臣傳諭勞崇光曰勞崇光折入黔境爲右逆餘黨阻遏該督倉卒召募分投部勒遂能以少擊衆殺賊四五百人實堪嘉許此股竄匪現經田興恕沈宏富等擊敗屯聚南坪一帶復欲由黔竄蜀正宜乘勝跟追亟圖殲滅田興恕係奉旨查辦之員該督卽將該革員調回毋庸飭赴川省其南坪髮逆著調派得力官兵實力追剿就地殲除毋任竄逸

欽定剿平粵匪方略卷三十四

三

上諭內閣曰此次官軍由川入黔中途擊敗髮逆剿辦甚爲得手仍著勞崇光督飭帶兵員弁實力跟追所有出力弁勇團練著該督擇尤請獎

欽定剿平粵匪方略卷三百四十六 癸亥年

五月二十四日己巳官文奏言查李桓病難速痊

疊接陝南警報亟須派兵前往現經臣由湖北糧臺籌撥餉銀軍火器械令李桓原派營官總兵蔣運喜等管帶義勝兩營勇丁一千餘名卽日馳赴興安暫歸駐軍興郡之道員梁作楫統率相機進剿仍飛催李桓趕緊調治力疾西征楚省苦無統師大員現計李雲麟由鄂起程已到直隸永平府本旗相應仰懇

欽定剿平粵匪方略卷三百四十六

一

天恩飭下總管內務府大臣嚴催李雲麟於到旗後不得拘泥假限迅速回營率隊西上庶於陝南軍事有裨奏入

上命議政王軍機大臣傳諭官文曰李桓病難速痊而陝省軍務喫緊官文將李桓所部勇丁已令原

派營官帶赴興安暫歸道員梁作楫統率著卽飭令梁作楫相機調遣併力進剿李雲麟經此次飭催亦必當奮發忠義墨經赴軍惟計行抵陝南尙需時日李桓如能速痊仍著官文飭催赴陝

上諭內閣曰候補四品京堂李雲麟前經降旨自聞計之日起賞假兩箇月回旗治喪現在陝南軍務緊要該員計已到旗遠道奔喪孝思已展著總管

聖朝聖考聖訓卷之六

二

內務府大臣卽行飭催該員於到旗後趕緊將喪務料理不必拘泥假限迅速馳赴陝南督辦軍務

同日曾國藩李鴻章奏旨查江蘇蘇松太浮賦

上溯之則比元多三倍比宋多七倍旁證之則

比毗連之常州多三倍比同省之鎮江等府多

四五倍比他省多一二十倍不等其弊由於沿

襲前代官田租額而賦額遂不平也宋時籍蔡

京韓侂胄等莊爲官田又買似道廣公田元代續加官田明初平張士誠又沒入諸豪族田皆據租籍收糧嘉靖中復令各州縣盡括境內官

田民田分攤定額長洲縣官田最多故額最重他縣他郡官田遞少故額遞輕今長洲等縣每畝科平米三斗七升以次不等折實粳米多者幾及三斗少者一斗五六升遠過律載官田之

聖朝聖考聖訓卷之六

三

數此蘇松太重賦之源流也我

朝承平日久海內殷富爲曠古所罕有故乾隆中

年以後辦全漕者數十年無他民富故也至道

光癸未大水元氣頓耗然猶勉強支吾者十年

迨癸巳大水而後無歲不荒無縣不緩以

國家蠲減曠典遂爲年例部臣職在守法自宜堅

持不減之名疆臣職在安民不得不爲暗減之

術始行之者前督臣陶澍前撫臣林則徐揣其
意必謂減額則永不能加災緩則後不爲例原
冀民氣漸甦無難復舊初不意年復一年且年
甚一年而不可返也又官墊民欠一款其所謂
墊者豈州縣之果能墊哉不過移雜墊正移緩
墊急移新墊舊移銀墊米以官中之錢完官中
之糧將來或豁免或攤賠同歸無著猶之未完

欽定剿平粵匪方略卷四十六

四

也故歷年糧冊必除去墊欠虛數方得徵收實
數以此數民固未嘗完也伏查蘇屬全漕一百
六十萬厥後積漸減損今試以道光十一年起
至咸豐十年止三十年中運數分計之辛卯以
後十年共一千三百餘萬內除官墊民欠得正
額之七八成辛丑以後十年共九百餘萬內除
官墊民欠得正額之五六成咸豐辛亥以後十

年共七百餘萬內除官墊民欠得正額之四成
而已自粵逆竄陷蘇常焚燒殺掠慘不可言臣
鴻章親歷新復各州縣向時著名市鎮全成焦
土連阡累陌一片荆榛凡田一年不耕便爲荒
田今已三年矣各屬縣冊報拋荒者居三分之
二雖窮鄉僻壤亦復人煙寥落遇有居民無不
鵠面鳩形奄奄待斃已復之松太如此未復之

欽定剿平粵匪方略卷四十六

五

蘇州可知而欲責以重賦責以數倍他處之重
賦亦無骨可敲無髓可吸矣臣等細覈歷年糧
數咸豐十年中百萬以上者僅一年八十萬以
上者六年而皆有官墊民欠十餘萬在其中是
最多之年民完實數不過九十萬成案如是民
力如是大難之餘催科尤形棘手又查順治八
年三月奉

上諭凡故明仇怨地方或一處加糧甚重我朝並無仇

怨何可踵行此等情由詳察具奏雍正三年三月十

九日怡親王奏請酌減蘇松浮糧奉

旨蘇松之浮糧當日部臣從未陳奏常塵

皇考聖懷屢欲施恩議減今怡親王等悉心籌畫斟酌

奏請朕體

皇考愛民寬賦之盛心准將蘇州府額徵銀蠲免三十

欽定四庫全書

六

萬兩松江府十五萬兩乾隆二年奉

上諭江省糧額尙有浮多之處著再加恩免徵銀二十

萬兩部文照雍正三年例辦理仰准

列祖

列宗當東南全盛之時猶復

軫念民依如此其深且厚況今日之兵燹才遺流離瑣

尾至於此極漕糧爲惟正之供而蘇松獨曰浮

糧曰浮賦見諸

列聖諭旨及郡縣志書不以爲嫌是知實有浮多應減

之處留以待我

皇太后

皇上行之者也惟有願懇

聖恩鑒察特沛

殊恩俯准減定蘇松太三屬糧額由臣等督飭司道

欽定四庫全書

七

設局分別查明各州縣情形以咸豐中較多之

七年爲準折衷定數總期與舊額本輕毋庸議

減之常鎮二屬通融覈計仍將每年起運交倉

漕白正耗米一百萬石以下九十萬石以上著

爲定額卽以此後開徵之年爲始永遠遵行不

准更有墊完民欠名目似此覈實辦理不特酌

十年二十年之通相較固無所紬卽酌三十年

之通相去亦不甚遠至官墊民欠本屬弊政必
宜永遠禁止又嗣後非大旱大水實在荒歉者
不准捏災著爲令伏願

皇太后

皇上俯念蘇松各屬爲十八省未有之重賦非他處
被陷州縣可比又爲數百年未有之大難非歷
年被災例案可比去無益之空籍求有著之實

欽定剿平粵匪方略卷四十六

八

九

徵民生幸甚

國計幸甚如蒙

俞允俟蘇屬肅清一體辦理先自松太創行由臣等

設局擬定章程以昭覈實

曾國藩李鴻章又奏旨查蘇松漕糧積弊視他
省爲甚其最不公平者莫如大小戶之分蓋州
縣徵收錢糧皆有折色平餘世家大族卽以正

供定額與州縣相持於是一切攤之民戶惟所

誅求漫無限制因有大小戶之名一以貴賤強

弱定錢糧收數之多寡推原其故皆由錢糧額

徵過重激成大戶把持而迫州縣剝削小民積

習相沿竟無善全之術目下當以覈減浮糧爲

理漕之綱以辦理均賦爲治漕之用除去大小

戶名目使州縣不得意爲高下而後浮收之弊

欽定剿平粵匪方略卷四十六

九

乃可次第清釐臣查錢糧浮收自嘉慶以後漸

次加增其時州縣之殷富已漸不如從前而浮

收反爲重者則以彌補州縣虧空定爲攤賠之

例挪東掩西弊端百出一切取償於錢糧各管

上司知其弊而無能禁制又運糧之旗丁收漕

之倉書互相需索年甚一年其始因浮收而有

浮費其後浮費日增浮收亦遂習爲固然日求

取盈無上下相恤之意故臣以爲蘇松漕糧覈減後必以革除大小戶名目爲清釐浮收之原以裁減陋規爲禁止浮收之委如蒙

天恩俯准將蘇松浮糧酌中定額臣卽督飭司道等設局清查隨各州縣風土人情之宜明立章程酌定折價紳衿平民一例完納永遠革除大小戶名目不使州縣陵虐小民敢爲箕斂而不顧亦不使各項陋規困苦州縣迫使病民而不辭

聖事聖略卷四十六

十一

奏八

上諭內閣曰據曾國藩李鴻章奏江蘇松江府及太倉州地方百姓被賊踐虐爲數百年來所未有各廳州縣田畝拋荒雖窮鄉僻壤亦復人煙寥落連阡累陌一片荆榛居民窮困情形有不能殫述者覽奏曷勝憫惻因思蘇松太三屬地方爲東南財

賦之區繁庶甲於天下而賦額亦爲天下最重比諸他省有多至一二十倍者良由沿襲前代官田租額且自宋明兩代籍沒諸田皆據租籍收糧所致嘉靖中又令各州縣盡括境內官田民田分攤定額蘇松等屬田賦至比官田通額亦皆大有增加我朝順治年間卽經明奉

聖事聖略卷四十六

十一

聖諭以故明仇怨地方加糧甚重我朝何可踵行飭由

地方詳察具奏嗣於雍正乾隆年間疊奉

恩旨以蘇松浮糧施恩議減並將蘇松額徵銀兩及江省糧額浮多之處分別蠲免仰見我

祖宗軫念民艱至深且厚國家承平百餘年來海內殷富江蘇自乾隆開辦理全漕者數十年固由民力之充亦屬民心之厚及道光年間兩次大水以後各州縣每歲荒歉加恩蠲減遂成年例嗣是每年

徵收之數內除官墊民欠率得正額之七八成或
四五六成不等民力殆已難堪及至粵逆竄陷該
省焚燒殺掠民盡倒懸幸上年官軍克復松江本
年克復太倉現飭統兵大臣等進取蘇州救吾民
於水火若不將各該府州屬數百年來浮糧積弊
仰體

列聖深仁厚澤大爲覈減無論民力斷有不堪卽勉強

聖聖聖聖聖聖聖聖

十一

減成輸納亦非培養黎元之道且令官紳胥吏徒
營中飽尤爲弊之甚者亟宜因此時會痛加掃除
所有蘇州松江太倉三府州屬糧額著兩江總督
曾國藩江蘇巡撫李鴻章督飭司道設局查明折
衷議減總期與舊額本輕毋庸議減之常州鎮江
二屬通融覈計著爲定額先自松太創行卽以此
後開徵之年爲始永遠遵行不准再有墊完民欠

名目蘇州所屬俟肅清後一體辦理嗣後非大水
旱成災實在荒歉者並不准請緩請蠲至蘇松清
弊尤莫如大小戶等名目紳戶把持州縣浮收種
種弊竇皆出其中著卽永遠禁革所有一切辦理
章程及應行裁革之浮收陋規包戶等積弊均著
該督撫悉心妥籌詳細具奏務期上紓國用下恤
民生變通盡利經久可行用副朝廷痼疾在抱嘉
惠斯民至意

聖聖聖聖聖聖聖聖

十一

曾國藩又奏言現在髮捻紛乘苗練復叛軍情
反覆祇貽
宵旰之憂每與臣弟國荃寓書做惕本年二月至兩
花臺大營與臣弟共處八日慨兵事之方殷感
主恩之極渥中夜奮興互相誠勉臣弟前擢藩司已
叨非分今又特沛

恩綸授以開府之榮專其治軍之責聞

命而後已閱兼旬與臣弟兩次函商欲固辭則頗涉

矯情欲受事則不自量力惟有願懇

天恩收回

成命俯准臣弟以開缺藩司效力行閒與臣熟籌戰

守或者以勤補拙以恐致福迅克堅城殄除醜

類稍答

聖學聖學略卷四十六

十四

高厚鴻慈於萬一

李鴻章又奏言查蘇常杭嘉為東南財賦最盛

之區逆眾占踞四年派糧收稅取精用宏且時

以財粟接濟金陵轉輸各路金陵是其老巢而

蘇常杭嘉又為金陵根本賊必死守力爭以護

寇糧此其可慮者一也江南多水蘇嘉各郡尤

甚湖河蕩蕩港千百通聯津路迷離橋梁斷續戰

船有不能徧及之處陸軍有望洋而歎之時我

難進而賊易守不比中原四戰之地山川瘠苦

之邦克一名城則各城之賊望風而走前此常

熟解圍太崑壘克蘇嘉之賊亦未嘗不膽寒然

猶死力抗拒蓋恃地勢之險足以自固又念貨

財之厚不肯遽棄臣由松滬進兵若蘇嘉並圖

則無此兵力舍嘉圖蘇則動輒牽掣此其可慮

聖學聖學略卷四十六

十五

者二也偽忠王李秀城為諸賊之冠踞有蘇杭

嘉湖四郡之地其餘各偽王皆其死黨咸豐十

年圖解金陵圍困繞竄浙江十一年圖救安慶

繞竄江西湖北去年迄今圖救金陵分竄皖江

南北又欲繞竄揚州裏下河以取遠勢此時我

軍進徧蘇州若攻勦過急則或挈眾來援或另

圖竄踞均屬意中之事此其可慮者三也惟是

江皖浙東各有重兵堵截絕超與曾國荃所派各軍連復巢縣含和已偏至江浦浦口其另股竄至天長揚州者飢疲實甚都興阿吳棠等果能竭力堵守不使竄入裏下河絕超等再速克二浦扼斷北賊過江之路則各軍分投剿辦較易收拾此其可幸者一也李秀城李侍賢分踞蘇浙自見挫於官軍各路損傷不下數十萬其

欽定剿平粵匪方略卷四十六

十七

精銳已不甚多各軍攻奪不下數十城其膏腴亦去其半蘇浙各賊惟嘉興陳炳汶一股較多而悍現有蔣益澧扼其前臣軍綴其後常州無錫直接金陵東壩賊援甚廣深入頗難但使我軍穩進得寸得尺毋再失機亦可徐圖制敵此其可幸者二也臣軍水陸添募及收撫各城降衆已踰四萬督臣曾國藩以蘇郡可圖太湖可

進又派總兵李朝斌統率太湖水師十營剋日下駛現擬由崑山進蘇州爲一路以程學啟所部陸軍當之由常熟進江陰無錫爲一路以李鶴章劉銘傳所部陸軍當之提臣黃翼升督帶淮揚水師各營往來調度常勝軍移紮崑山專備各路援應由泖澱湖進吳江平望太湖爲一路李朝斌水師當之以上三路皆欲規取遠勢

欽定剿平粵匪方略卷四十六

十七

以翦蘇州枝葉而後圖其根本又恐分路並進杭嘉湖各賊繞竄浦東窺撲松滬復派道員潘鼎新帶所部八營扼紮金山衛編修劉秉璋帶所部七營扼紮涑涇副將楊鼎勳帶所部五營扼紮張堰以防內竄俟浙軍得手卽相機前後夾剿據程學啟稟稱該總兵在陽澄湖迎擊賊船擒敵千餘仍卽日移紮大小官塘及外跨塘

一帶李鶴章稟稱樂將常熟略國忠降衆編立
八營分置防剿並會各軍進紮常熟西三十里
之王莊探明前面賊營由顧山至無錫城外連
互不絕係偽漳王偽潮王偽侍王帶領賊衆六
七萬希圖抵禦擬併力兜擊再與黃翼升劉銘
傳等規復江陰又據常勝軍稟稱已雇齊小輪
船或協攻吳江或協剿無錫冀斷各賊援蘇之

聖學聖略卷四十六

六

路 臣 惟有密飭諸將穩慎以圖互相援救以固
全局

同日浙江巡撫曾國荃奏言去年正月 臣補授

浙江臬司 臣兄國藩以一家受

恩過重密陳金陵未克不再

加恩 臣家迨二月閒又蒙

恩擢授江蘇藩司 臣兄弟交相敬懼茲復仰荷

恩命躋之開府 臣本無學識又乏積勞自顧區區曷
克勝任雖蒙

聖慈曲諒仍留金陵軍營不必親辦浙事惟巡撫不
到本任近年並無成案

皇上破除定例自有權衡然前此以兄弟而免其迴
避今以疆吏而不令履任異數不可以類邀非

分不可以屢竊溯查咸豐十一年彭玉麟擢授
皖撫以統帶水師不能到任累疏陳請開缺卒

聖學聖略卷四十六

七

蒙 允准 臣今駐軍金陵遙領浙撫尤覺難安合無仰懇
聖恩收回

成命准以開缺藩司專辦金陵軍務如使堅城果克
元惡就誅屆時

恩綸下逮 臣亦不敢以德薄能鮮爲辭均奏入

上命議政王軍機大臣傳諭曾國藩李鴻章曾國荃
都興阿富明阿吳棠曰覽曾國藩兄弟所奏實屬
發於至誠惟朝廷懋官懋賞當此艱難宏濟之時
尤貴因材器使曾國藩等總當一意進取以奏膚
公毋許固辭李鴻章所籌三可慮二可幸及調派
程學啟等軍以剿為堵並防內竄均極妥協即著
督飭程學啟李鶴章等穩紮穩進以圖萬全常勝

欽定剿平粵匪方略卷四十六

三十一

等軍尤宜妥為調度策應江南浙滬各軍日圖進
取曾國藩前奏克復巢縣後擬進攻江浦及九洲
洲之賊諒南岸竄匪不得復行偷渡其由巢含竄
至天長揚州之賊多半飢疲著都興阿富明阿吳
棠等督率諸軍竭力堵守勿使竄擾裏下河一帶
曾國藩督令鮑超等軍速克二浦絕賊過江之路
則南北岸之賊勢成中斷各軍分投剿辦當必所

向無前較易為力也

上諭內閣曰曾國荃自統師南下以來屢復沿江名
城要隘駐軍雨花臺連破逆壘與彭玉麟鮑超等
規取金陵朝廷以曾國荃勲績卓著播授浙江巡
撫令仍統前敵各軍駐紮雨花臺一意進取論功
行賞國家自有權衡茲覽曾國藩及該撫所奏深
以金陵未復兵頓堅城該大臣兄弟異數頻邀弗

欽定剿平粵匪方略卷四十六

三十一

克負荷為慮現在軍事方亟凡在臣工正宜黽勉
效忠共期宏濟該大臣惟當督率曾國荃忠誠報
國以副委任正不必瀆辭朝命也
二十七日 壬申 都興阿富明阿奏言查髮捻等匪
遁踞江浦二口恃九洲洲為負嶠之固臣等當
飭統領梁正源督率礮划駛赴沙漫洲隨時策
應適值金陵雨花臺逆壘為曾國荃踏毀忠逆

帶隊渡江援助經梁正源截擊於寶塔根賊遂
敗竄當又飭梁正源扼定要隘斷其援路使該
逆不能相顧嗣聞會國藩派出皖省水陸各軍
陸續東下彭玉麟楊岳斌鮑超等進攻江浦二
口九洲七里等洲其江浦二口各城於本月初
九日攻破七里洲於十二日攻破九洲洲於十
五日攻破臣等據梁正源稟稱十二日會同楚

聖皇聖略卷中六

三

師礮划督帶所部礮划三板等船駛至中關下
關七里洲與楚師聯絡猛攻當將七里洲賊壘
二座焚燬賊衆奔竄並連燒大小賊船六十餘
隻擊沈三隻砍斃賊逆數十名落水死者不計
其數逆衆向中關回遁當將下關七里洲一律
克復十五日梁正源探聞楊岳斌從九洲洲後
面進攻上游礮划半由二家溝進當督帶礮划

並都司劉連陞等各駕三板駛赴九洲洲會同
楚師攻入賊壘賊衆奔向江濱砍殺賊目多名
其落水淹斃者不可勝數楚師遂將九洲洲賊
巢一律踏毀又據總統水師吳全美稟稱江陰
之賊逐日出擾經吳全美率帶礮船至江陰黃
田港口堵遏賊見我軍突至出城來拒其西門
復出賊二三千人意圖兜截吳全美飭令總兵

聖皇聖略卷中六

三

李起高等由西路迎擊斃賊極多賊退入城我
軍乘勝追趕直薄城下當將西北兩路賊卡三
座次第焚燬臣等查現在南岸及上游正當攻
勦得手沿江水師尤宜防賊竄渡稽查奸匪不
容稍涉大意臣富明阿於二十一日隨帶親軍
小隊前赴下游靖江一帶察看情形以期周密
都興阿又奏言臣質稟微弱本有肝氣舊病咸

豐五年又在馮官屯夜戰身受矛傷四處氣血
虧損舊病因之日甚若得專心攝養尙可望痊
茲幸富明阿到防軍民人等皆以得所倚恃爲
幸其精明老練振作有爲勝 臣何止十倍現在
九洲各要隘均經克復江北防務稍鬆用敢
瀝懇

逾格鴻施准 臣開缺回旗趕緊調治儘能舊疾痊愈

當再求

賞差使奏入

上命議政王軍機大臣傳諭會國藩都興阿富明阿
曰會國藩前奏鮑超等軍追賊已至江浦飭令攻
克二浦後卽進攻九洲茲據都興阿等奏江浦
浦口七里洲及九洲均已攻破官軍敏速如此
都興阿等所奏諒係實情會國藩奏報已否在途

欽定剿平粵匪方略卷三十六

三

著卽將詳細情形迅卽馳奏都興阿等摺內所稱
忠逆帶隊渡江援浦爲梁正源截擊於寶塔根賊
遂敗竄現在竄往何處下關七里洲之賊向中關
回遁其九洲踞賊溺斃之外是否尙有餘匪紛
竄均須確切查明妥籌堵剿會國藩將兩花臺
賊壘攻克茲九洲等要隘又爲鮑超等乘勝掃

除金陵勢成檻穽其機大爲可乘應如何相機進

搆及會商左宗棠李鴻章進攻蘇杭使賊應接不
暇以圖進取之處會國藩等諒必成竹在胸惟窮
寇必思竄走江路水陸寬廣備禦宜嚴裏下河一
帶尤應嚴密設防吳全美所領師船擊賊於江陰
之黃田港能否卽與由滬派出進攻江陰各軍會
合攻搆著會國藩都興阿等於南北兩岸分飭各
軍乘機妥辦此時富明阿旣赴下游揚營堵剿喫

欽定剿平粵匪方略卷三十六

三

緊都興阿何可以舊疾復發遠思卸肩著俟富明
阿回營後賞假一月在營調理軍務正在得手該
將軍雖在營養病仍當督率所部各軍嚴密防剿
毋稍鬆勁

二十八日 癸酉 多隆阿奏言查漢中現在情形粵

逆蔓延必須謀勇兼備之將統兵調度方於軍
務有裨前奉

聖旨

奉

諭旨令郎中李雲麟督辦漢南軍務臣查該員前在
安徽軍營曾隸臣部下心浮膽怯言大而夸其
性情才具實非將將之才一旦遽膺統率之任
深恐因而債事頃奉

諭旨知李雲麟現在丁憂

聖恩賞假兩月令其回旗穿孝漢南諸軍暫歸道員

張由庚統制深為慶幸張由庚能否勝任臣必

詳加察訪隨時奏

聞現在臣軍由渭水南北兩岸進剿勢難兼顧漢中
一俟此閒得手後如該處軍事辦理尙未就緒
自當遴選得力統兵大員前往接替奏入

上命議政王軍機大臣傳諭官文略秉章嚴樹森曰
李雲麟疊經官文嚴樹森歷次保奏略秉章亦謂
李雲麟可以獨當一面自應確有見聞茲據多隆

聖旨

奉

阿奏稱李雲麟曾隸該將軍麾下所奏必非無因
誠恐其才或僅任偏裨未必能勝督辦之任現在
漢中一帶粵逆蔓延多隆阿由渭河南北兩岸進
剿勢難兼顧若統兵調度不得將才糜餉老師必
致復蹈毛震壽故轍著官文略秉章嚴樹森迅將
李雲麟性情才具若何是否堪膺統帥迅即切實
馳奏無得以保奏在先稍涉含混儻該員將來貽

誤事機必惟該督等是問如李雲麟曾經親歷行
開著有成效仍應據實奏聞亦不必因多隆阿此
奏稍涉遷就

欽定剿平粵匪方略卷四十六

天

欽定剿平粵匪方略卷三百四十七 癸亥年

六月初一日丙子馮子材魁玉奏言南路屯賊自
越河被創後潛伏未敢下窺惟於馬陵水湖頭
博落村等處深溝高壘守護甚嚴探聞金陵兩
花臺賊營業經官軍攻奪北岸之江浦浦口九
洲洲南岸之下關七里洲先後克復上游水陸
諸軍雲集金陵剋期大舉江北敗賊紛紛南竄
半為丹陽縣賊截留意在全力抗拒必須節節
掃蕩以杜奔軼嚴計在防兵勇萬人留守進攻
稍形單薄連日挑選得力馬步派總兵田宗揚
等為第一撥張文德等為第二撥陶茂森等為
第三撥各統所部輪流出擊由馬陵一帶攻搗
沿途賊壘以次規取丹陽仍飭該將領等察看
情形相機進止至鎮城為江南根本重地尤宜

欽定剿平粵匪方略卷四十七

一

審顧萬全所有內外各城暨雲臺寶蓋諸山營壘已飭加意嚴防不敢稍涉大意奏入

上命議政王軍機大臣傳諭曾國藩都興阿富明阿馮子材魁玉曰江北敗賊紛紛南竄半為丹陽踞賊截留馮子材等已派總兵田宗揚等由馬陵一帶步步進逼以期規復丹陽所籌尙中窾要惟鎮城防兵數止萬人攻守兼籌頗形單薄刻下南北

聖朝聖略卷四十七

二

兩岸官軍連營進逼難保該逆不乘間挺走窺伺鎮防馮子材務當妥籌戰守飭令各營加意防範其田宗揚等軍尤當謀出萬全相機進取不可輕率貪功二浦九洲收復逆賊渡江之路已斷揚城防務漸鬆著都興阿富明阿派軍渡江而南交馮子材等調遣以厚兵力一切進兵機宜並著曾國藩妥籌調度

同日張亮基奏言髮逆由黔西竄擾遵義經總兵沈宏富擊敗後欲竄踞綏陽縣屬之旺草寨阻勞崇光進省之路當飭兵團跟蹤追剿適田興恕帶兵入川已抵遵義亦即趕往協剿賊黨萬餘竄至集場距旺草寨甚近勞崇光先已調集兵團移紮寨中該匪三四人直撲寨前被擊敗退奔入集場連日出隊均有斬擒四月十

聖朝聖略卷四十七

三

二日沈宏富趕到會同寨內勇練分道進擊斃賊千餘該匪棄巢而遁田興恕等追殺二十餘里斃賊四千餘人餘匪竄至南坪探有入蜀之意業經勞崇光商令田興恕順道帶兵追剿當不致於蔓延奏入報

聞

初五日 庚辰 曾國藩彭玉麟楊岳斌奏言自巢含

和三城相繼攻克旋破雨花臺等處石城石壘賊恐官軍攻城又以崑新既克恐滬軍大舉圍蘇李秀城與諸僞王紛紛改圖議由江北回援近救金陵遠救蘇州於是天長六合來安等處之賊次第解圍南渡其分踞橋林之小店者亦紛紛渡江蕭慶衍度江浦浦口各賊已無固志遣隊襲之行未中途浦口之賊先已棄城遁走

聖朝聖略卷四十七

四

江浦之賊獻書乞降鮑超劉連捷察知其詐引軍疾進蕭慶衍出烏江與各水營合師約戰李朝斌派撥師船由大江衝下先駐浦口以扼忠會餘黨之未渡江者臣玉麟自率三營臣岳斌自率四營同入內河師次江浦賊又聞風宵遁遂會合陸師將江浦浦口一併收復仍沿途追勦抄過逃賊之前賊正竄併九洲洲上僞城

之賊閉門不納舟師截江圍擊賊不得渡爭向蘆葦中駭竄不知蘆葦密處水深丈許或數丈溝港縱橫人馬一蹴卽溺死者以數萬計餘賊困偏江邊旣爲新開河所隔不得仍回北岸又爲大江所阻不得徑渡南岸各水師登陸輪攻攔刃就戮者半墮江自沈者半二浦旣復遂進規九洲洲會國基乘夜至新江口與臣玉麟臣

聖朝聖略卷四十七

五

岳斌商定先取南岸數隘撤其藩籬當派丁泗濱等四營爲頭隊從下關進喻俊明等六營爲二隊從草輦峽進彭楚漢等爲三隊聯絡策應十三日各營循南岸駛下將偏賊巢賊用礮轟擊猝不得近我軍縱火江上先焚賊艦數百乘勢薄壘槍登遂克下關草輦峽賊壘八座移師轉向中關該處水流甚急師船不能上駛回軍

暫息分兵襲破燕子磯而還臣岳斌詢知江濱叢莽中尙有隄埂一道可達九洲洲賊濠之外商令陸軍劉連捷等隊由隄埂缺處梟水而進彭楚漢等從洲尾攻上張錦芳等由洲頭攻下喻俊明等及李朝斌所部各駕三板繞洲奮擊另飭丁泗濱等由南岸分領水師直趨中關十五日兩岸並進賊之在中關者自恃附城爲壘卒不稍動其盤踞九洲洲者下有賊划上有僞城又於東西南三路分伏悍隊伺閒出擊我軍猝難得手彭楚漢等奮勇進攻暫得此隘戰至日晡賊始少怠初更後移船潛近賊壘時西南風作衆軍以火箭攢射焚賊拖罟數隻風引火猛燃及洲邊卡房喻俊明李朝斌揮軍直上成發翔等在左彭楚漢等在右大呼登岸丁泗濱

聖朝聖德

木

聖朝聖德

七

亦由中關駛至臨過重濠肉薄齊登遂奪九洲僞城聚殲羣賊無一脫者北岸盡爲我有長江一律肅清從此圍攻金陵較易得手此次尤爲出力各員謹先行開列懇請獎勵總兵銜副將鄔桂芳副將胡俊友力戰捐軀均請照總兵陣亡例從優議卹曾國藩又奏言濱江一帶自九洲洲攻克後留蕭慶衍駐江浦浦口以固北岸之防派鮑超渡江進紮孝陵衛以合金陵之圍吳坤修王可陞等連破賊壘收復金寶圩蕪湖金柱關一帶已無賊蹤西河灣汴各防亦均穩固甯國守將劉松山赴涇與易開俊會勦灣灘大坑之賊僞襄王奉王等股偏犯涇城易開俊力戰卻之其青陽守將朱品隆屢攻石埭未克回軍仍駐青陽

徽州嶺防近無戰事饒州景德鎮一帶疊獲勝
仗李榕已抵湖口俟江忠義兵到卽與饒軍兩
路並進臣當檄江忠義李榕席寶田等各率所
部自石太漸進東壩埽蕩而前洪逆留偽忠王
不援蘇州共守金陵須俟照破九江安慶之法
嚴防江路禁截賊糧數月以後當有因飢內訌
之事

欽定剿平粵匪方略卷四十七

八

同日沈葆楨奏冒襄逆劉官方率黨分擾太湖
潘村江村谷源石斛立功街等處前隊已及楊
村將從青石灘偷渡繞出祁景段起聞信卽飭
繼果會從清風橋出祥字營從金家塢出親督
鼓湘營新衝營馳往青石灘南岸之臧家灣以
備不虞祥字營馳抵谷源賊衆列陣抗拒我軍
分三路偪之衝擊數次不動遂暗挑勇隊由山

僻小徑截賊爲兩前後夾擊該逆奪路狂奔追
殺二十餘里陣斬千餘名敗匪下竄流口復回
竄龍潭中洲另股從石斛倉頭抄我後路我軍
先占山頭施放火器賊新敗膽怯陣勢遂亂擒
斬數百解散千餘追二十餘里收隊王沐則自
守清風橋老營而令營官王安敦等督帶所部
向立功街分路抄擊探知巨股分踞中冠方村

欽定剿平粵匪方略卷四十七

九

塢遂由江村先偪中冠該逆憑卡固守大隊賊
匪自山而下對岸賊亦擁至王尊直前搏戰王
安敦潛由山後登高列隊以分其勢並撥兵由
左路越嶺策應鏖戰逾時轟斃賊匪千餘賊遁
歸方村塢乘勝衝殺過河賊大驚潰斬敵百餘
劉逆已遁出建境劉典現抵景鎮雖黃李古賴
等逆蔓延鄱都湖彭然東路無虞可以專意西

討劉典智勇足備諸將齊心努力必能得手至督臣所派鈞字營已由彭澤移援湖口彭澤賊尙蔓延鄱境之賊復分擾梟田街等處劉典席寶田等從景鎮趨之賊衆聞風逃遁現已進紮梟田街等處將從茅屋嶺繞出賊後夾攻陶家渡北岸賊壘俾該逆不敢久踞

聖朝聖略卷三十七

十一

沈葆楨又奏言韓進春一軍進紮小港後派隊環攻賊壘忽雞公山之賊從對面山岡馳至韓進春督軍迎勦賈勇競進賊之馬隊先遁我軍遂折而東合勦雞公山之賊轉戰逾時截殺無算賊遂大敗入巢韓鳳飛躍濠而進諸將從之焚其二壘韓鳳飛忽中礮陣亡該逆遂乘勢擁出各營向前縱擊立殪騎賊數十名賊乃披靡盡遁入壘堵逆黃老虎由都昌回顧老巢劉于

聖朝聖略卷三十七

十一

潯會同舟師進勦韓進春督軍渡河該逆盡擁撲出隔濠相持斃賊甚多賊猶抵拒不退韓進春潛伏數哨於小港北岸佯令收隊該逆越濠緊追將至河干伏兵四起縱橫掩殺賊陣大亂并死奔竄水陸各營斃賊無算是日另股賊匪萬餘思由章田渡旁襲亦經劉于潯會同團勇夾攻殪其前鋒始行退竄

沈葆楨又奏言偽祐王李遠繼率黨四千餘人分紮青田鋪饒郡練勇由童子渡駛赴牛石山夜分登岸馳抵青田鋪焚其哨棚守棚之賊蒼黃回走乘勢衝入逆館擒獲逆酋斬之羣匪驚潰登山而遁旋見兵少復行馳下希圖圍裏我軍併力衝殺立殪賊目十餘名賊乃敗竄追殺十餘里斃悍賊三四百名賊供所斬逆酋係偽

111 年 卷之三十七 3 頁之下

祐王李遠是否確係李遠繼尙難懸斷容再查明具奏均奏入

上命議政王軍機大臣傳諭曾國藩左宗棠李鴻章沈葆楨曾國荃曰鮑超彭玉麟等水陸各軍由江浦浦口掃蕩而前羣賊望風奔靡其勢頗壯曾國藩現派蕭慶衍留駐二浦以固北岸之防鮑超進紮孝陵衛以合金陵之圍洪逆留偽忠王共圖死

欽定剿平粵匪方略卷四十七

三

守勢成阱檻惟青陽之軍進攻石埭未下著曾國藩催提江忠義一軍速與饒軍並進將江境各賊驅除卽各率所部由石太進取東壩合圍金陵必更易於得手金陵賊勢日蹙宜防因獸之鬪曾國藩左宗棠沈葆楨務當協力扼堵毋任竄往江境蘇郡之賊滬軍應可乘閒進圖浙軍能否分兵會攻廣德著左宗棠李鴻章等相機進取北岸之防

著曾國藩隨時知會都興阿富明阿妥籌堵禦偽

襄王劉逆圖越昌江上游以犯婺樂經祥果等營

截剿上游穩固可以專事西路一俟江忠義馳抵

湖口卽著沈葆楨飭令劉典會合掃蕩陶家渡賊

壘是否卽克當與韓進春劉于濬等軍隨時策應

饒郡練勇出奇制勝甚屬可嘉應行獎勵人員著

沈葆楨查明保奏所斬逆酋是否確係李遠繼乃

欽定剿平粵匪方略卷四十七

三

卽查明奏聞

上諭內閣曰此次水陸各軍會克江浦浦口二城九

洲等要隘長江一律肅清覽奏曷勝欣慰所有

尤爲出力之總兵喻俊明丁泗濱彭楚漢楊明海

均著交軍機處記名遇有提督缺出請旨簡放彭

楚漢並著遇有水師總兵缺出先行請簡提督李

朝斌成發翔均著賞穿黃馬褂副將楊占鼐李助

發嚴定國顏海仙羅宏裕傅敏才周正林李宏試均著交軍機處記名遇有總兵缺出請旨簡放楊占鼇並賞加提督銜李助發並賞給禦勇巴圖魯名號顏海仙並賞給捷勇巴圖魯名號羅宏裕並賞給精勇巴圖魯名號傅敏才並賞給烈勇巴圖魯名號總兵張錦芳著賞加提督銜副將唐敏義著賞給策勇巴圖魯名號參將許雲發陶樹恩均著以副將補用許雲發並賞給績勇巴圖魯名號賞加總兵銜陶樹恩並賞給志勇巴圖魯名號遊擊江福山著以參將選用並賞加副將銜其餘出力人員著會國藩等專案奏獎以示鼓勵總兵銜副將鄔桂芳副將胡俊友力戰捐軀殊堪憫惻均著交部照總兵陣亡例從優議卹其餘陣亡各員弁並著查明請卹

聖朝聖略卷四十七

十四

十二日丁亥略秉章奏言偽易王石達開兩次犯蜀皆為重兵堵截退入滇境而竊謀未息以中旗賴積新一股先自甯遠內竄以偽宰輔李幅猷一股仍由黔境下趨而自率大隊由滇境之米糧壩踵渡金江意謂我軍已跟追中旗不暇回顧乘勢急進使我驟不及防臣揣度既審當飭署雅州府知府蔡步鍾就近募勇調阜和營及木坪松林漢土各兵並重慶鎮唐友耕一軍馳防安慶壩至萬工汛大小兩路渡口札土千戶王應元扼守松林小河復調雲南提督胡中和所部分布化林坪瓦斯溝以為聲援又檄護阜和協事都司謝國泰帶本標兵扼猛虎岡防其竄打箭鑪之路維時中旗殘匪遠遁陝境臣急調總兵蕭慶高何勝必兩軍兼程馳赴雅郡

聖朝聖略卷四十七

十五

以爲後勁而令功部土司嶺承恩帶領夷兵將越嶺大路各隘紮斷偏賊使入夷地小徑卽從後路包抄層層設守以臻周密三月二十五日唐友耕蔡步鍾等馳至河邊布置甫定石逆果擁衆三四萬人渡過金江知越嶺大路有漢夷各兵扼截遂由小路徑奔紫打地適松林小河及大渡河水陡漲數丈賊衆趕造船筏時至河邊窺渡疊被我兵轟斃多名四月初四日賊衆四五千擁至河邊拚命搶渡我軍排列河岸屹立不動連用槍礮轟擊將賊筏火藥引燃同時炸烈搶渡之賊無一生還賊知大河難渡圖撲松林小河冀由瀘定橋直趨天全土千戶王應元扼河力戰前後斃賊數千都司慶吉等及土司嶺承恩復帶夷兵由後路抄至新場一帶節

節攻偏乘夜劫取馬鞍山賊營逆匪猝不及防夷兵從上壓下殺賊數百遂將馬鞍山據住絕賊糧道逐日斃賊無算從此逆勢日蹙糧已漸竭石逆乃以箭搏書射投千戶王應元啗之以利欲使讓路王應元誓以死拒復以利誘土司嶺承恩欲使緩攻而嶺承恩攻之益急石逆自知陷入絕地憤極思逞十七日盡斬嚮導二百餘人傾巢而出分股一撲大河一撲松林小河唐友耕等隔岸轟擊兼以水勢湍急登筏者悉皆沈溺對岸之賊亦紛紛倒地該逆無計可施因伏賊巢殺馬而食繼以桑葉充飢二十三日賊匪二百餘徑至河岸自棄器械口稱投誠唐友耕蔡步鍾察知其詐督令開放槍礮石逆果親擁大衆由水路分撲船筏二十餘隻悉被擊

沈時謝國泰已至松林遂與王應元督率土兵
 渡過松林小河參將楊應剛等亦同嶺承恩從
 馬鞍山壓下兩路齊撲紫打地將賊巢一律焚
 燬斃賊數千山徑險仄逃竄之賊自相擁擠漢
 夷兵練兩面夾擊槍礮如雨夷兵復登山巔競
 用木石滾擊賊眾墜巖落水者以萬餘計石逆
 僅率餘黨七八千人奔至老鴉漩復為夷兵所
 阻輜重盡失進退無路其妻妾五人抱幼子投
 河其曾受偽職老賊自溺者亦復不少楊應剛
 等稔知該逆無路逃生於洗馬姑豎立投誠免
 死大旗石逆攜其一子及偽宰輔曾仕和偽中
 丞黃再忠偽恩丞相章普城等並其餘黨至洗
 馬姑乞降楊應剛嶺承恩等將石達開等五人
 縛留在營遣散脅從四千餘人偽官悍賊悉予

聖皇聖考卷四十七

六

聯誅此股巨匪實已勦洗淨盡石達開等五犯
 於初十日押解到省當即恭請

王命將石達開極刑處死偽宰輔曾仕和黃再忠章
 普城一併凌遲處死其子石礎忠現年五歲例
 應監禁俟及歲時照例辦理惟李幅猷一股現
 由正安敗遁婺川臣已知照田興恕約會劉嶽
 昭兩面合勦移調胡中和仍駐敘南並俟唐友
 耕所部凱旋即令馳赴江津碁江以固邊隅此
 次尤為出力各員弁謹先行開列懇請
 恩施其餘出力員弁兵勇容臣查明請獎奏入
 上命議政王軍機大臣傳諭駱秉章曰石達開此次
 銳意窺川其計甚狡駱秉章豫派兵勇沿河截勦
 遂將積年巨憝一鼓殲除調度合宜實不愧為封
 疆重臣惟李幅猷一股尚在婺川難保不作窺川

聖皇聖考卷四十七

十九

之計略秉章惟當乘此聲威嚴飭劉嶽昭等速將此股殄滅川界毗連滇黔仍須隨時設備略秉章擬令胡中和仍駐敘南唐友耕一軍馳赴江津葦江布置尙屬周密卽著照所議辦理至張由庚等所部已抵漢中兵數尙單不足制賊死命此時川省兵力當可分撥著略秉章添撥勁旅馳赴漢中以厚兵力

欽定剿平粵匪方略卷四十七

三

上諭內閣曰石達開由廣西倡亂竄擾湖南湖北江西安徽占踞金陵擁衆出犯浙江福建廣東等省邊境紛擾滇黔注意川疆志在必逞此次川省將士人人用命將積年巨憝一鼓生擒並將全股殄滅實足以伸天討而快人心太子少保四川總督略秉章運籌決策調度有方深堪嘉尙著賞加太子太保銜尤爲出力之總兵唐友耕著記名遇有

提督缺出請旨簡放署雅州府知府蔡步鍾著免補知府以道員補用並賞戴花翎都司唐大有著免補遊擊以參將升用並賞加副將銜遊擊龔定國張占瀝均著免補遊擊以參將升用都司劉宇德著免補都司以遊擊升用卽選府經歷縣丞秦春臺著免選本班以通判留於四川補用從九品劉榮光著免選本班以府經歷選用千總陳太平

欽定剿平粵匪方略卷四十七

三

著以守備補用並賞換花翎余文龍把總會占釐均著以守備升用並賞戴藍翎千總周高發著以守備卽補並賞換花翎軍功胡興邦著以把總補用典史姜由範著以府經歷縣丞卽補並賞戴藍翎府經歷王樽著免補本班以知縣補用都司謝國泰著免補遊擊以參將補用參將楊應剛著賞加副將銜土千戶嶺承恩著賞加宣撫司職銜並

賞給桓勇巴圖魯名號王應元著賞加宜撫司職銜並賞加副將銜王自楹著賞戴花翎並賞加四品頂戴土目王立中著以吏目選用土遊擊包良潤著賞加副將銜其餘出力員弁兵勇著略乘章查明請獎

同日李鴻章奏旨查自江陰界之顧山起至無錫城外止連亙數十里賊營密布係偽漳王護

聖朝軍機處

三

聖朝軍機處

三

王普王潮王侍王五逆帶領八九萬人希圖援應江陰窺竄常熟其江陰另股又於五月十四五等日圍撲楊庫經劉銘傳督軍痛剿大破賊鋒忠逆渡江回援已到無錫聲稱合五逆之眾水陸數十萬分路內犯李鶴章與黃翼升劉銘傳赴顧山一帶躡看賊勢縱橫六七十里賊於水陸兩路布置嚴密遂議分路滾營而進總兵

劉銘傳進攻北涇為左路滕嗣武等進攻麥市橋為中路郭松林等進攻南涇為右路復慮無錫援賊繞抄王莊老營令周壽昌等由嚴家橋進攻張涇橋一帶賊營黃翼升等水陸分進李鶴章自率馬隊等營在顧山上下排列策應離蘇十八里之蠡口有賊甚眾黃翼升恐其由水道內犯飭令副將鄧長里等先將該處賊營二座攻破移堵羊尖湖橋各隘並檄副將張桂芳等赴謝家橋排列助勢二十一日出隊移紮右路南抵陳市該逆已於街頭紮兩石卡阻我進兵並以礮船抵敵黃翼升焚其四船郭松林乘勢攻入捻斬百餘賊即遁去遂傍前後大河分紮三營常州新到大股盤踞華市擾近楊庫副將耆貴等擊走之二十二日劉銘傳復於北涇

河北岸紮駐兩營滕嗣武張樹聲等行近麥市橋該逆先搭浮橋渡河經周盛波等奮擊敗退河西斬溺無算我軍焚其渡船依岸屯紮各路濠壘均成一齊進攻左路劉銘傳轟倒北瀾河邊石營五座賊於上流架橋渡河抄襲趙宗道等擊敗之中路周盛波伏於河隄轟破木卡七處右路吳建瀛等繞近南瀾營邊相持至午李

欽定剿平粵匪方略

卷三

鶴章遙見無錫援賊萬餘由張涇橋緱山羊尖各路抄來恐周壽昌等兵力單薄飛調苗順清等帶隊往助而以馬隊洋槍向前衝突斃賊無數該逆遂退長涇水路之賊亦即遁去各船向南瀾衝進焚賊礮船十餘號賊以槍礮抵擊水師不能登岸郭松林乘閒越過南瀾徑趨長涇帶隊分攻東石營斃賊數百賊眾悉併街西參

將張林錦繞攻街西頭營拔樁直上受傷陣亡郭松林等奮勇擁入石營斬首百餘賊始大敗街西十餘營之賊相率狂奔郭松林追至竹塘北瀾逆眾分救長涇截我歸路適吳建瀛等趕至前後夾擊賊眾潰退是夜李鶴章黃翼升同赴陳市知會劉銘傳等往劫賊營火器齊發逆眾奔潰水陸官軍鼓譟而進劉銘傳攻破北瀾

欽定剿平粵匪方略

卷三

賊營二十七座滕嗣武等攻破麥市橋賊營二十三座郭松林等攻破南瀾賊營三十五座擒斬逆眾六七千名戰至天明江陰無錫援賊由跨塘橋長涇西陳家橋分路來援與敗賊合隊仍有十餘萬眾盡力迎拒李鶴章令各軍以小隊衝進以大隊圍裏之戰不數合賊即反奔左路劉銘傳追殺至八字尖右路郭松林賴榮光

等分追至竹塘長壽滕嗣武王東華等追殺至
三巴橋沿途殺斃八九千名踏毀賊營賊卡百
餘座計兩日一夜生擒偽王宗偽朝將主將及
義安福燕豫各逆首百餘名悍賊五千餘名殲
斃萬餘焚燒賊船七十餘隻奪獲賊船三十餘
隻顧山以西七八十里內一律肅清實足以寒
賊膽前准會國藩來函偽忠王李秀城由金陵
回救蘇州昨據程學啟稟稱忠逆於二十二日
糾集大股已入蘇城徧貼偽示聲稱分四路內
竄幸其黨與大敗於江常之間其氣已挫此次
尤爲出力各員謹先行開列懇

恩鼓勵其餘出力文武員弁兵勇容查明彙案保奏
陣亡之擬保副將張林錦等均請交部從優議
卹奏入

聖朝聖略卷四十七

三

聖朝聖略卷四十七

三

上命議政王軍機大臣傳諭李鴻章曰現在江陰之
顧山以西已無賊蹤當可乘此聲威先將江陰縣
城克復並乘勝規取蘇常等城以期節節肅清偽
忠王已入蘇州徧貼偽示聲稱分四路內竄其言
雖肆其氣實餒著李鴻章激勵各軍分道進逼無
任再行出擾摺內所稱生擒偽王宗偽朝將主將
及義安福燕豫各逆首百餘名是否訊明正法其
偽漳王等五逆是否內恐各營稟報或有未確
實之處該撫仍當確切查明據實具奏

上諭內閣曰官軍會剿江陰無錫援賊大獲全勝顧
山以西一律肅清著李鴻章督飭各軍乘此聲威
進攻蘇常等逆以期一鼓殄除諸將士冒暑血戰
奮勇可嘉其尤爲出力之遇缺題奏總兵郭松林
福建金門鎮總兵王東華均著賞加提督銜總兵

滕嗣武劉銘傳均著遇有總兵缺出儘先提奏請
旨簡放知府張樹聲著免補本班遇有江蘇道員
缺出請旨簡放並賞戴花翎副將黃中元著以總
兵記名簡用鄧長里著賞給長勇巴圖魯名號參
將張學仕著賞給制勇巴圖魯名號都司李長樂
著賞給侃勇巴圖魯名號並著以參將補用遊擊
周盛波著以副將留於兩江補用遊擊銜顏邦桂
周壽昌均著賞加副將銜其餘出力文武員弁兵
勇著李鴻章彙案保奏陣亡之擬保副將儘先參
將張林錦擬保遊擊儘先都司汪龍淦擬保都司
儘先守備施銀貴均著交部從優議卹

同日沈葆楨奏言僞襄王劉逆敗遁出嶺後僞
匡王鎮逆復由建德南竄偪近鴉橋劉勝祥由
鴉橋進兵遇於汪村賊以馬隊千人猛犯七次

欽定剿平粵匪方略

卷三四七

我軍不動營官鄒興發大呼陷陣裏創力戰各
勇如牆而進礮傷賴逆落馬羣賊護之而逃賊
乃大潰擒斬千餘王沐復敗之於曹家壩等處
追至桃樹店而還浮梁以北賊氛稍靖鄱陽之
賊於石門陶家渡增壘浚濠爲死守計席寶田
營於袁家墩以偪之黃老虎親率賊黨撲營我
軍合力堵禦斃賊三四百名賊始敗退劉典約

會王德榜進剿崇光渡殺賊千餘將逆壘逆館
掃盡該逆遁歸石門席寶田又將陳家嶺踞逆
勦洗逐日於陶家渡挑戰該逆堅伏不出五月
十九日各營會攻陶家渡三面猛攻弁勇拔樁
越濠肉薄以登賊勢將潰騎賊押之死守攻擊
四時雖斃賊千計而堅壘急切難下我軍乃徐
徐收隊是役也席寶田所統精毅營尤爲出力

欽定剿平粵匪方略

卷三四七

劉典所統克勇亦極銳戰黃老虎因鄱陽浮梁
嚴緊未能南竄微甯糧缺又不願折回復嗾羣
逆堅守自赴都昌廣收大竹爲紮筏渡湖之計
並有打造戰船圍攻潯郡之說彭澤勇單亟須
援應江忠義已由省拔營赴潯其應由彭澤或
由都昌會攻俟到潯後察看情形進取奏入

上命議政王軍機大臣傳諭曾國藩左宗棠沈葆楨

聖朝聖考卷七

三

日饒九各屬羣盜如毛江忠義一軍現已拔營赴

潯著曾國藩速飭該提督出湖口都昌一帶轉戰

而北會同劉典寶席田等軍廓清江境然後掃蕩

皖南餘孽規取金陵方無後顧之患江忠義所部

員精蓄銳下爲不久此次援剿上竄逆匪自當倍

加奮勉迅掃逆氛劉典王德榜業將崇光渡逆壘

三館掃蕩左宗棠飭令張勝進取石門陶家渡

等處賊壘毋任久踞沈葆楨仍當嚴飭各營奮勇
進攻毋稍鬆懈江南各軍分道攻賊漸覺得手賊
勢窮蹙恐其蓄意竄往江西以圖牽掣左宗棠沈
葆楨務須督飭將士協力剿洗盡殲醜類俾賊匪
無隙可乘於規復金陵方有把握

十六日辛卯馮子材魁玉奏冒丹陽屯賊愈集愈

多常州金壇等處逆匪先後併注分屯丹句一

聖朝聖考卷七

三

帶數約八九萬衆並於丹陽七里廟左右添營

紮卡拒守甚嚴欲以援應金陵尤恐聲東擊西

窺伺鎮城因飭各營加意防範都興阿又飭副

將刁經明管帶兵勇二千九百餘名來南助剿

當飭暫駐丹徒聽候調遣其進取事宜仍俟會

國藩函覆商酌辦理奏入

上從之

十八日癸巳沈葆楨奏言陶家渡踞逆自五月十
九日被創後守禦益固黃老虎由都昌折回石
門偵知我軍進攻陶家渡卽圖襲我營壘各統
領會議留克勇右營於規田街劉典王德榜督
六成隊赴茅屋嶺進攻陶家渡之北席寶田督
四營分伏山下以待石門援賊而以四營攻陶
家渡之東平江營攻其東南鄱陽民團繼之韓
字營忠勇軍攻其西南江軍水師出小港內河
水師出馬尾港饒州練勇護之二十四日各軍
壓賊而陣平江營首先衝入焚其更樓燬木椿
十數丈精毅營遂越濠入壘搏殺數十人克勇
拔取木椿三十餘層韓字營忠勇軍亦各偪壘
該逆四面受敵負嵎抗拒堅匿如故石門援賊
偵我有備亦不敢前二十五日忽有騎賊數百

欽定剿平粵匪方略卷三十四

三

帶隊數千至小港北岸韓進春督隊過河迎剿
斃其前鋒數十賊遂驚遁我軍乘勢攻壘仍爲
礮石所拒韓進春伏兵於左近山谷夜分於各
山頭縱火疑賊四更後賊之大股已從山僻潛
遁留數千死黨踞壘牽綴我軍楚軍各營分路
追剿截殺無算韓進春等衝入賊壘逆衆不支
棄巢而遁焚燬賊壘三十餘座殲斃數千餘逆
竄歸石門此次山力陣亡各員弁謹先行開列
一 懇
恩分別獎卹奏入
上命議政王軍機大臣傳諭左宗棠沈葆楨曰饒防
各軍掃清陶家渡賊壘剿辦尙屬得手惟逆首黃
老虎由都昌折回石門其勢尙熾沈葆楨務當督
飭諸軍乘此聲威將石門股匪悉數殲除毋令與

欽定剿平粵匪方略卷三十四

三

彭澤湖口諸賊合併並著左宗棠飭令劉典迅速
進剿將黃逆就地殲擒一面督飭徽防各軍嚴扼
要隘勿任折竄徽郡

上諭內閣曰逆匪竄擾饒州府屬盤踞陶家渡負嵎
固守各營分路攻剿衝入賊壘焚燬賊壘三十餘
座斃賊數千勦辦尙屬得手所有尤爲出力之浙
江按察使劉典著賞加布政使銜道員席寶田著

聖朝聖訓卷之七

三

聖朝聖訓卷之七

三

賞給業鏗額巴圖魯名號屈蟠著以江西道員補
用王德榜著以浙江道員補用參將韓進春著賞
還花翎其餘在事出力員弁兵勇准其擇尤保奏
陣亡之副將喻可宗著照總兵例賜卹並加恩予
諡遊擊銜都司艾子德著照遊擊例從優議卹千
總周景柏外委林貴德均著照原官從優議卹

十九日午會國藩奏言查三月間偽忠王銳意

犯鄂計不得逞折而東趨圖犯揚州裏下河厥
後李鴻章之兵攻破崑山進逼蘇州會國基之
兵攻破雨花臺各石壘而巢縣和含次第克復
於是逆謀大亂紛紛南渡遠救蘇州近救金陵
天六瓜州等處之賊不擊自退江浦橋林浦江
之賊不攻自破在忠會之意收回江北羣賊全
力保守江南僅留精銳分守九洲洲七里洲等
壘欲與金陵相犄角爲堅拒不拔之基不料我
軍大舉進攻正值羣賊甫渡中洲未達南岸之
際凡競渡之賊蟻聚於濠汊蘆葦中各礮船繞
洲圍攻登岸搏戰數萬悍寇悉數聚殲縱偶有
倖脫者亦不過逃歸金陵老巢實未嘗紛竄江
北致貽裏下河之患九洲洲克後臣卽檄鮑超
南渡檄蕭慶衍防守二浦旋接楊岳斌會國基

來函請調蕭慶衍同渡南岸紮駐神策門一帶
而以鮑超一軍繞過鍾山直達孝陵衛漸圍合
圍爲持重之謀者則以城垣太廣兵力猶單不
宜力求合圍恐大股援賊齊至一隙可乘全局
俱震爲制敵之謀者則以浙攻富陽滬攻蘇州
金陵亦宜迅速合圍使該逆備多力分不遑兼
顧或者致力於金陵收效於蘇杭三處有一得

欽定剿平粵匪方略卷四十七

奏

手兩處可期並下臣亦以合圍制敵之說爲宜
擬俟江西邊境蕩平再調江忠義李榕席寶田
等軍由皖南漸趨東壩會剿金陵一面咨請揚
州鎮江防兵前來協剿此籌剿金陵老巢之大
畧也奏入報

聞

二十九日甲辰官文嚴樹森奏言查候選員外郎

李雲麟廉隅耐苦頗能得士卒心實爲文員中
之帶兵得力者惟其年輕氣盛議論煩多才具
雖稱倜儻性情不免囂疏若置之偏裨得知兵
將帥薰陶磨練以老其才他日躁釋矜平未必
非

欽定剿平粵匪方略卷四十七

奏

國家干城之選此時志氣未定閱歷尙淺猝投艱
鉅恐誤事機該員聽人指揮辦一鄉一邑之賊
尙屬優爲非敢信其能濟三省邊防之統帥也
現在陝南羣盜如毛軍事日亟援師四集統帥
無人若由多隆阿派員前往接替或恩信未孚
或資望太淺未必能服陝南諸將之心道員張
由庚曾在鄂省帶勇臣官文深知其人囂莽躁
率更在李雲麟下若令統攝陝南諸軍必難勝
任臣等再四籌商以陝南情形而論必須謀勇

兼優之帥益以專膺疆寄之權使軍務地方合
為一手不但本省文武操縱自如即各路客兵
亦皆備服且以本省之大僚辦本省之軍事敵
兵籌餉不必聽命於人庶於吏治軍務均有裨
益伏查四川藩司劉蓉曉暢戎機勇於任事如
蒙

天恩予以疆寄責令督辦陝南軍務由川省起程不

聖學聖賢卷三十四

三

出一月便可抵漢川省派出之張由庚各軍賢
愚勇怯為該藩司所深知因材驅遣倍能得力
即李雲麟亦素所心服必能聽其節制奏入

上命議政王軍機大臣傳諭駱秉章劉蓉曰陝南羣
盜如毛軍事日棘毛震壽一籌莫展因循貽誤而
李雲麟又不能獨當一面亟須知兵大員前往接
替軍事方能日有起色著駱秉章即飭劉蓉督帶

各營趕緊起程前往督辦陝南軍務並著專摺奏
事一俟行抵漢南即行迅速馳奏

同日左宗棠奏旨浙師援江疊獲勝仗已將陶
家渡賊壘攻拔該逆疊經痛擊敗遁洋塘石門
劉典立派七營會同江軍追剿沿途殲斃多名
行抵洋塘該逆列隊抗拒又經我軍擊敗後路
石門雞公包之賊大至劉典復派黃少春所部

聖學聖賢卷三十四

三

先剿雞公包之賊該逆已向青山橋一帶逃竄
各營分路進攻石門直逼賊壘賊眾棄壘逃遁
乘勝掩殺該逆合併鐵鑪岡援賊復圖回拒適
王德榜等由左路搜剿而上攔頭截擊賊遂大
敗越嶺逃竄追殺一千有餘直抵鐵鑪岡賊悉
向彭澤縣境竄去浮梁鄱陽境內一律肅清都
昌之賊亦聞風下竄現在李榕駐紮湖口江忠

義已入江西將由都昌以趨湖口如機勢湊拍
江軍躡其後江忠義李榕兩軍阻其前或可聚
而殲旃惟由彭澤縣境可橫竄建德以出祁門
劉典一軍尙須防宜歛一路未可復進且士卒
勞瘁異常擬令稍爲休息確審賊蹤以定進止
現時天氣酷熱疫氣盛行實難趨戰俟秋涼後
卽行督飭各軍力圖進取以赴戎機奏入

欽定剿平粵匪方略卷三十四

四

上命議政王軍機大臣傳諭曾國藩左宗棠沈葆楨
曰浙師會合江軍將陶家渡等處賊壘掃蕩其竄
往洋塘石門之賊復經劉典等馳勦賊衆悉向彭
澤竄去浮梁鄱陽境內一律肅清都昌之賊亦聞
風下竄事機甚爲順手刻下李榕一軍駐紮湖口
江忠義諒已自潯拔隊卽可與江省追躡之師前
後夾擊以圖聚殲著曾國藩左宗棠沈葆楨分飭

各軍合力掃蕩無任旁竄賊本由建德祁門竄出
此時被勦窮蹙恐復由原路挺走左宗棠擬令劉
典一軍防堵宜歛一路甚合機宜卽著妥籌調度
相機辦理軍營疫氣盛行殊深慮繫現在已交秋
令時疫諒可稍減左宗棠惟當加意拊循以消疹
戾

左宗棠又奏言臣奉

欽定剿平粵匪方略卷三十四

四

命總統援浙各軍總計水陸各營共兵一萬三千二
百有餘除南康勇三千由臣撤遣外遊擊關鎮
國所帶紅單船十號計弁勇四百十三名現有
四號調赴臺灣餘均留閩其薪糧應由閩省發
給道員康國器所部各營已飭令挑留四千此
外尙有彰武軍一千一百餘名暫駐浦城秦如
虎舊部閩字四營並楚勇共一千九百名現駐

聞家堰忠毅軍八百名現駐義橋嘯勇漳詔勇八百餘名現亦調歸義橋經 臣飭歸藩司蔣益澧就近統領聽候派撥共計每月薪糧尚需五萬餘兩浦城向設援浙大營糧臺支應援浙各軍 臣既並統此軍自應歸併總糧臺均勻支應再 臣入浙後距浦較遠擬於衢州府城設立閩浙糧臺綜司各軍支應派署杭嘉湖道蘇式敬湖南卽補道王嘉敏總司其事其浦城糧臺應卽改爲轉運局以節糜費奏入報

欽定平粵匪方略卷四十七

四十三

欽定平粵匪方略卷四十八

一

欽定平粵匪方略卷三百四十八 癸亥年七月初二日 丙午 李鴻章奏冒蘇州踞賊以吳江震澤縣城當江浙之衝爲嘉湖援賊所必由之路添聚逆黨分紮花涇港同里等處阻截官軍 臣因商令程學啟戈登先圖吳江以斷賊援六月十一日程學啟督令陽利見等進攻花涇港賊壘該逆見我軍突至開礮迎擊程學啟等揮兵兜剿以開花礮向賊營轟擊賊敗回壘中適蘇州援賊數千由葑門出寶帶橋鼓譟而前令礮船截擊之連放炸礮六十餘次轟倒石城四梁壘賊驚亂戈登輪船隨到連開大礮悉中要害程學啟督水陸將士一擁而出燒燬賊船二十餘隻陣斬三四百名當將賊壘攻克吳江之賊數千盡擁又至經官軍追斬數百名十三日

進攻同里副將張光泰等將湖口賊營踏破生擒五百餘名潰賊梟水逃遁官軍以槍礮排擊轟斃溺斃之賊數千蘇州賊酋率二萬餘人破船一百餘隻由尹山橋圍攻花涇港石壘程學啟親督水陸各軍往援分抄賊後復經副將劉士奇等奮勇夾擊賊即潰退同里賊營即時攻克李恆嵩度官軍攻勦同里之際城賊必不爲備先將北門外賊卡踏毀並將同里回窺之賊擒斬淨盡十四日程學啟督軍進偪城根合力攻擊該逆自知不敵開門出降吳江震澤縣城卽於辰刻收復臣查江震一城當吳越之衝水陸交匯茲旣攻克則嘉湖賊援可斷且由花涇港直下太湖足以規取蘇垣程學啟等奮勇當先勦辦尙爲得手其尤爲出力之副將張光泰

欽定剿平粵匪方略卷四十八

二

等先行開列仰懇

恩施至陣亡把總劉士珂等並請

旨交部從優議卹

李鴻章又奏冒丹陽江陰各逆首攻撲楊庫分踞長涇經臣傳令各營分投勦洗初八日該逆分數十股漸偪楊庫西南北三門忽自退去據降卒云江陰無錫各僞王與護逆意見不合均率衆回遁沙山僅護逆一股盤踞未退是夜唐殿魁派勇偷擊賊館賊多憑河防守我勇由太平橋繞襲其後擒斬多名焚燒賊卡二處賊竄向黃埔而去初九日黃翼升進攻長涇踞賊連踏卡壘十餘座賊退回竹塘青陽港李鶴章令總兵郭松林等分出隊伍於顧山陳市嚴家橋一帶排列長涇之賊時出衝突當經擊退嚴家

欽定剿平粵匪方略卷四十八

三

橋之賊亦經擊敗賊於七里橋設有大卡一座
我軍於初九日用槍礮排擊該逆拌命抵拒適
王東華督礮船前來併力攻擊轟倒卡牆數丈
我軍疊擁而進該逆敗過浮橋斬殺無數賊眾
大敗狂奔自相踐踏死者尤多當將賊卡賊壘
一律踏平 臣查楊厓長涇一帶竄賊經各營將
士冒暑擊退疫病甚多略一休息應即相機進

聖朝聖訓卷中八

四

圖江陰已函商黃翼升並令劉銘傳李鶴章等
穩慎籌辦其力戰陣亡之千總唐先蔭並其兄
唐先照應請

旨飭部分別議卹以慰忠魂

李鴻章又奏冒據常熟巡船在計關奪獲偽文
數百件 臣查閱多係金陵賊目致蘇杭嘉興各
頭目書信內稱洪逆現封偽忠王李秀城為軍

師留守金陵因被官軍圍逼調各偽王赴援並
求蘇嘉各賊解濟米糧該城內米價每石十二
兩無處購買火藥亦缺等語 臣查九洲洲下關
克復則江路已斷商船不能販運進城金陵賊
眾糧少實有坐困之勢曾國荃鮑超漸圍漸緊
可冀得手現在蘇州賊勢亦蹙吳江復後我軍
進步較寬 臣已商令戈登程學啟等密為防備

聖朝聖訓卷中八

五

通飭前路營卡一體查拏嚴斷接濟以杜狡謀
奏入

上命議政王軍機大臣傳諭李鴻章曰江震一城當
水陸之衝恐嘉湖之賊必將力爭要隘我軍既已
攻克必須固守方足以扼賊吭而制其命著李鴻
章飭令程學啟等仍以穩紮穩進為主然後由花
涇港直下太湖規取蘇城毋稍大意楊厓長涇之

賊既經擊退卽應飛飭各營進規江陰惟該營將士冒暑征戰疫病甚多殊深慮念該撫當令黃翼升等妥爲拊循入秋以後疫氣定可漸平卽督令該員弁等妥籌進取無誤事機計開搜獲僞文內稱金陵城內米價昂貴火藥亦缺並調各僞王赴援等情著卽飛咨曾國荃上緊備攻並嚴斷接濟以期早克堅城現在江南各軍以次得手該撫惟當督飭各軍謀定後動先自立於不敗之地以待敵之可勝然後攻瑕乘隙自不難節節蕩平同膺懋賞勉之望之

上諭內閣曰此次官軍攻克花涇港同里賊壘收復吳江震澤縣城仍著李鴻章督飭諸軍進逼蘇州省城嚴密布置以期及早攻拔迅掃妖氛李鴻章自駐軍上海節節進剿疊克崑新常昭等城復克

吳江震澤調度有方深堪嘉尚著交部從優議敘其尤爲出力之副將張光泰陳東友成俞卿均著以總兵記名簡放總兵陽利見陳有昇副將劉士奇均著遇有總兵缺出儘先提奏陽利見劉士奇並賞給二品封典副將張元龍著賞給彪勇巴圖魯名號何安泰著賞給挺勇巴圖魯名號王永勝著賞給慤勇巴圖魯名號參將陳忠德著以副將

推補遊擊阮炳福著以參將補用並賞加副將銜光祿寺署正徐佩瑛著免選本班以知州儘先選用並賞加運同銜守備鄭國榜著以都司補用並賞換花翎千總謝梁鎮著以守備補用並賞加都司銜以示獎勵陣亡把總劉士珂外委周長榮張萬盛均著交部從優議卹其餘應獎應卹人員著李鴻章彙案具奏丹陽江陰各逆首攻樸楊厘分

踞長涇經劉銘傳等水陸擊勦賊即潰竄所有陣亡千總唐先蔭著照陣亡例從優議卹把總唐先照著照軍營病故例議卹

初三日丁未馮子材魁玉奏言南路援賊自常州

至丹陽蟻聚十餘萬衆其丹陽境內舊有逆卡如博洛村水湖等處深溝高壘悉力負嵎六月初十日總兵田宗揚等督隊進勦水湖逆壘我

聖朝聖略卷四十八

下

軍攻搆良久以天時酷熱人馬未能久駐旋即回防十二日又派總兵陶茂森率所部至馬陵分道進攻該逆傳放火號即見丹陽城外賊旗隱現陶茂森等指揮馬步分投轟擊賊憑巢阻險以誘我師攻至酉刻亦即收隊旋探聞屯賊大股竄併水湖上下甸一帶亟圖下犯十九日派副將黃武賢等選帶勁旅亟搆逆巢賊見官

軍勢盛鼠伏不出當飭水陸各營分守要隘毋稍大意查此次南路援賊分屯無非圖援金陵而鎮郡孤懸南岸羣賊垂涎日久臣等前接會國藩來函金陵官軍長圍未合目前鎮防緊要不宣分兵遠出應隨時相機進勦丹陽各賊以牽制之仍可進退裕如等語臣等惟有以堅守爲主而以更番出擊牽綴賊勢使之無暇分援

聖朝聖略卷四十八

九

他處即以固我藩籬酌量進止

馮子材魁玉又奏言鎮營兵力不敷進取仰蒙我皇上通籌全局飭派江北勁軍交臣等妥爲調遣連日查看該營將士尙屬精壯惟一切營制與鎮營互有參差將來調派防勦深恐事權未一仍於軍事無裨查目前進攻機宜移步換形非且

夕可以藏事而江北防務漸鬆前准都興阿來
咨存營兵勇業已足敷堵剿仰懇

天恩飭將此起兵勇二千九百六十名歸併鎮營防
剿由臣等簡閱整頓俾資得力各該營向由北
臺領餉者仍循其舊其本在南臺領餉各營查
照併軍節餉章程分別釐剔用節冗糜至副將
刁經明向辦都興阿營務係江北得力之員應

聖旨



飭仍回場營辦事由臣等揀派鎮協大員分別
統領以專責成奏入

上命議政王軍機大臣傳諭都興阿富明阿馮子材
魁玉曰南路援賊圖救金陵鎮營官軍雖於博洛
村水湖等處屢獲勝仗而賊勢正銳總當加意慎
重會國藩所稱金陵長圍未合鎮防緊要不宜分
兵遠出應隨時相機進剿丹陽各賊以牽制之仍

可進退裕如等語洞中機宜與應次諭旨應合節

著馮子材等妥籌防守仍一面更番出擊使賊無
暇分援他處庶金陵之師可期合圍江北存營兵
勇既據馮子材等奏接都興阿咨稱足敷堵剿所
有前撥兵勇二千九百六十名著准其歸併鎮江
軍營由馮子材等簡閱調度俾壯聲威各該營向
由北臺領餉者仍著悉循其舊其本在南臺領餉

聖旨



各營並著查照上年併軍節餉章程分別釐剔用
節冗糜至副將刁經明向辦都興阿營務仍著飭
令回營由都興阿等差遣以資得力

初四日 戊申 會國荃奏言竊臣前奉撫浙之

命具疏懇辭實以才智短淺不敢謬膺重寄乃荷
溫綸疊沛勸勵逾恆臣亦何敢為再三之瀆惟當恪
遵

訓諭電勉效忠查金陵軍事自去歲進兵以來或謂
 宜將蘇皖各城全數攻下然後從事於金陵或
 謂宜乘東西梁山蕪湖太平甫破先圖金陵臣
 以書生從戎愧乏成算在巢縣時曾與多隆阿
 函商如果各處得手臣由蕪湖循南岸而下直
 達雨花臺多隆阿由廬州循北岸而下直達九
 洲兩路並進會勦金陵厥後臣攻克蕪湖多

聖恩略卷四十八

三

聖恩略卷四十八

三

隆阿攻克廬州臣即循南岸徑抵雨花臺而多
 隆阿馳援陝西不克踐北岸會勦之約非臣初
 意所及料也逮秋閒疾疫繁興軍士死亡相屬
 羣賊大舉來援臣以孤軍深入重地撫殘羸之
 卒當數十倍之寇仰賴
 聖主威福幸獲苟全蕪湖金柱關暨鮑超甯國之師
 亦瀕於危者半載至今年二月始得出險入夷

方其存亡呼吸之際大局幾幾決裂未嘗不咎
 謀之不臧然去冬忠侍諸僞王悉力與臣及鮑
 超相持而滬浙兩軍遂得少紓兵力屢下名城
 近日臣軍連克石壘滬軍進逼蘇州而僞忠王
 悉撤北渡之賊救援南岸江北遂得一律肅清
 是知軍事之得失無定抑又非初謀所及料也
 頃者九洲洲既克臣與彭玉麟楊岳斌等熟商
 乘此時浙攻富陽滬攻蘇州金陵亦宜合圍三
 處同時並緊可期一處得手質之臣兄國藩意
 見亦相符合惟是鎮江要地兵數無多不宜輕
 於調出苗逆新陷壽州江北處處宜防都興阿
 揚州之兵蕭慶衍二浦之兵亦不宜率調過江
 金陵城池極大軍西起江東橋綿互而南東
 至印子山分布二三十里鮑超一軍立營幕府

山一帶與臣軍相隔四十餘里自鍾山南通秣陵關東至榮華鎮尙爲該逆所有急切不能合圍加以酷暑薰蒸疾病繁起鑒於上年覆轍不得不倍加慎重擬俟天氣新涼各營病勢稍定鮑超卽進兵孝陵衛再行酌調新營漸圍合圍屢據投誠賊供城內薪米均缺殺馬而食拆屋而炊決無能久之理臣派臬司劉連捷會合水師稽查江濱嚴斷接濟倣照安慶九江辦法待其糧盡援絕或可覆此老巢殲除巨憝一雪敷天臣民之憤奏入

上諭曰金陵蘇杭三處同時並緊可期一處得手所籌均合機宜該撫惟當與曾國藩權度地勢調察賊情隨時相機應變於勇往中寓慎重之意庶百密不至一疏城賊旣缺米糧合圍以後當飭劉連

捷會合水師稽查江濱嚴斷接濟俾賊糧盡自亂
搶渠構穴迅奏膚公有厚望焉勉之

初五日己酉沈葆楨奏自饒防各軍掃清陶家渡後該逆遁歸石門並分紮雞公包等處劉典督軍分路進攻石門該逆三面受敵翻山而遁當將賊壘悉數平毀劉典以士卒連日血戰量予休息再圖會剿初二日參將韓進春探聞黃

老虎從都昌潛出鐵門遂率韓字等營徑撲鐵門賊陣不動初二日該逆冒雨由謝家灘潛渡我軍蒼黃應敵拒之河干驟雨淋淫藥繩槍礮難以施放該逆復從上下游分涉而來襲我後路我軍營壘未成以致挫退韓進春以親軍數百人斷賊後乃收集各隊回紮小港該逆見官軍屹然山立仍竄歸鐵門饒防安堵如常臣查

韓進春恃勝而驕輕進無備致為該逆所乘除
嚴飭該參將振刷精神力加整頓再行約會進
取外相應請

旨將臣標中軍參將韓進春暫行革職留營以觀後
效並請

旨將臣交部議處

沈葆楨又奏言該逆自陶家渡石門敗後以饒

聖朝軍方略卷四十八

十六

防未易窺伺乃以偽愛王踞都境偽感王踞湖

境偽賊王踞彭境堵逆等來往於都湖之間擄

奪民船編竹作筏希圖偷渡而堵逆之弟黃汝

丙又嗾譚星劉官方分途窺伺祁西使我首尾

不能相顧督糧道段起以桃樹嶺空虛移紮狀

元港初七日該逆分股攻桃樹嶺及打杆汊團

紳汪爾昌率勇抵禦斃賊頗多適段起督勇至

桃樹嶺都司郭開連督勇至打杆汊會合兜擊

賊乃敗潰出嶺其由都湖港汊偷渡者均經副

將丁義方等水師擊退其零星各股遁出江境

為青陽防兵擊敗回竄彭澤之外江戰船調防

他處該縣趙宗耀僅以練勇數百嬰城固守臣

檄楊友勝分戰船五號以為之援江忠義李榕

於初七初十等日會剿湖口之賊未能得手都

聖朝軍方略卷四十八

十七

昌水陸各營雖勦時獲勝仗而賊兵日益乞援

之書雪片而至臣於饒防抽調忠勇軍赴之自

吳城下至南康遙望對岸徹夜火光燭天民心

震恐經劉于濬飭駐饒之江軍移緩就急沿湖

布置大局尚可無慮惟自湖口以東延袤數百

里焚殺搶擄之慘耳不忍聞被難紳民來省上

書促戰殆無虛日而各營奔馳於炎風烈日之

中病者十幾六七餉輒逾期皆緣臣調度無方所致惟有諄飭各將領隨時相機辦理以期仰慰

宸廑奏入

上命議政王軍機大臣傳諭曾國藩左宗棠沈葆楨曰臬司劉典督軍分路進攻石門該逆因三面受敵翻山遁逸當將賊壘悉數平毀劉典以士卒連

聖聖聖略卷四十八

六

日血戰量予休息再圖會剿著沈葆楨飭令劉典將各軍妥爲拊循暫息勞乏仍卽乘此聲威復圖攻取相機辦理該逆自陶家渡石門敗後知饒防未易窺伺乃分踞都湖各境希圖偷渡並窺伺祁西且自湖口以東延袤數百里焚殺搶掠慘不忍聞據沈葆楨奏賊兵日益自係由太平石埭祁門建德一帶竄入若令蔓延江省全局必致掣動卽

著曾國藩左宗棠迅檄徽甯等處得力防軍分路追躡痛加剿洗並會同江省官兵兩面夾擊務將圖竄江西之賊殲除淨盡俾江南浙江諸路官軍後路均臻穩固方爲妥善參將韓進春因聞黃老虎從都昌潛出鐵門輕進失利咎有應得著暫行革職留營以觀後效所有沈葆楨自請交部議處之處著加恩寬免

聖聖聖略卷四十八

十九

初八日壬子曾國藩奏言近日探報僞忠王侍王均隨洪逆堅守金陵船運蘇州之糧接濟老巢會國荃一軍自五月十五十八等日攻破金陵南城角長干橋一壘二卡後圍逼如常別無戰事鮑超至鍾山築營將竣本擬移紮孝陵衛旋因自染暑瘧又以軍中疾疫大作死亡相屬恐前敵爲賊所乘遂平毀鍾山營基仍往神策門

沿江一帶金陵暫難合圍 臣亦以江西未靖皖南方棘恐鮑超須調勦上游不敢令其遽爾合圍也蕪湖甯國南陵涇縣各城金柱關灣沚清弋江各隘雖抽調何紹彩西河一軍而水陸防守幸均完固偽輔王楊七麻等股在東水陽新河莊結卡踞守亦未敢伺隙內犯二十至二十六等日甯國守將劉松山會約涇縣守將易開

聖學聖略卷四十八

三

俊勦賊於黃村等處四戰四捷朱品隆亦自青陽會勦於木竹潭等處獲勝三次斃賊極多前據搜獲偽文忠會欲調黃李古賴各賊回援金陵近則並無其事古賴劉藍等逆仍在太石涇旌之交黃李等逆則屬聚於湖口都鄱一帶數月以來江西官軍與左宗棠派援之師苦戰苦守屢獲勝仗景鎮鄱陽之賊次第退竄沈葆楨

又咨調江忠義專勦湖口滿擬即日全境肅清六月初二日韓進春在洋塘挫潰兇燄復張目下賊勢趨重湖口一路六月十七日猛撲江忠義堅山營寨李榕部將陳由立援勦獲勝旋以追賊致挫十九二十三等日復來堅山圍營攻撲甚猛江忠義雖係宿將而所部老勇較少新募居多李榕則全係新立之軍未經大敵殊可

聖學聖略卷四十八

三

危慮由湖口下至彭澤馬當東流上至屏峯南康都昌濱江濱湖一片逆氛 臣現咨商彭玉麟多帶礮船親赴湖口援勦江西

諭旨所示廓清江境然後併力皖南規取金陵誠為確不可易之理即當欽遵辦理奏入

上命議政王軍機大臣傳諭曾國藩沈葆楨曰逆匪屬聚湖口都鄱一帶江西官軍與左宗棠派援之

師苦戰苦守屢獲勝仗景鎮鄱陽之賊次第退竄
因韓進春在洋塘挫潰賊勢復趨重湖口一路狂
撲江忠義營寨李榕部將陳由立援勦先勝後挫
由湖口下至彭澤馬當東流上至屏峯南康都昌
濱江濱湖一片逆氛曾國藩咨商彭玉麟多帶礮
船親赴湖口援勦現在江忠義所部老勇較少李
榕新立之軍未經大敵而該逆愈聚愈眾勢甚兇

欽定剿平粵匪方略卷四十八

三

悍自應添撥勁旅以資攻勦著曾國藩咨會彭玉
麟督帶礮船迅速前赴湖口會同江省官軍實力
進攻並著沈葆楨督同江忠義李榕等軍穩紮穩
進節節掃蕩毋再稍有疏失務將該匪聚礮廓清
江境庶可移師併力皖南爲規取金陵之計鮑超
自染暑瘧軍中疾疫大作死亡相屬朝廷甚深廕
繫曾國藩以江西未靖皖南方棘恐鮑超須調勦

上游不令遽圍金陵所籌甚是該提督一軍應調
赴何路策應之處卽著曾國藩相機辦理

同日瑛榮奏言接毛震壽來稟因郡圍未解各
路援兵不至擬令全師赴援而洋縣之賊連日
窺伺城固遂以振威兩營派赴東路迎擊以靖
逆一軍防守城固而以果健奇勝楚軍十一營
各六成隊伍三千餘名往搗漢中東關先通糧

欽定剿平粵匪方略卷四十八

三

道然賊至二十餘萬之眾僞端王以七八萬人
屯紮東關自柳林鋪以西賊卡林立我軍勢力
懸殊十九日易佩紳催督各軍分路進攻連破
賊卡而東關之賊馬步二三萬人前來拒敵我
軍俟賊稍近爭先衝入槍礮環擊斃其馬上執
旗悍賊多人賊猶死拒我軍振臂一呼踰牆而
進短兵相接賊勢不支紛紛敗走直追至七里

店天色微明賊見我軍分兵復入隊伍無多月
添馬隊兩面要截我軍縱橫決盪兜勦旁衝乃
衰城及北路之賊以馬隊數千步隊二萬有餘
包抄我軍之左是時團練甫進猝與賊遇初猶
力勦繼而失利賊卽兩路來抄層層圍裏斷我
歸路我軍見四面皆賊且戰且退易佩紳激勵
將士左右衝突始出重圍又據署漢中府知府

聖朝聖方略卷四十八

五

楊光澍稟稱漢中重圍未解糧運不通張由庚
一軍駐於川邊楊光澍兩次詣營乞援均以各
軍到齊方能拔隊爲詞是其畛域爲心漠視漢
南已可概見楊光澍遂率所部前進五月初七
日甫抵沈家寨營壘未成爲賊所乘傷折頗多
楊光澍仍回青石關駐紮自請參辦各等情 臣
查漢中賊多兵少此次易佩紳希冀疏通糧道

楊光澍急於援救郡城尙屬急公且楊光澍憤
張由庚援軍不至疾趨進勦與尋常輕進致敗
者有閒雖據自請參辦合無仰懇

天恩暫予免議責令勦賊以觀後效倘再有控衄一
併從嚴參辦奏入

上命議政王軍機大臣傳諭駱秉章劉蓉曰漢中被
圍日久毛震壽與易佩紳圖解城圍因賊勢過重

聖朝聖方略卷四十八

五

未能得手劉蓉已授陝西巡撫現在漢中情形危
迫異常著駱秉章速催劉蓉馳往漢南統率諸軍
力解城圍毋再遲延張由庚疊奉諭旨令其帶兵
馳援漢中現已駐軍川陝邊境經署漢中府楊光
澍兩次親詣該營求援輒敢擁兵不救是否各軍
部署未齊抑係藉詞推諉著劉蓉確切查明如有
遷延貽誤情形卽著從嚴參辦楊光澍因張由庚

延不赴援憤激出城帶兵勦賊孤軍被圍失利與輕進致敗者有閒並著免其議處

十二日丙辰略秉章奏旨臣查石逆就擒全股殄

滅南路稍鬆可以抽調遂檄總兵何勝必蕭慶高率湘果中右兩軍共六千餘名仍取道南江通江並喬導桂字兩營陸續前進合計一萬三千餘人軍械口糧皆由川省籌發兵力既厚庶

聖聖聖略卷四十八

毛

可力解漢郡之圍以次掃蕩羣寇並查何勝必蕭慶高皆轉戰數省久歷行陣當能會籌決勝似可無須張由庚統率其陝西藩司毛震壽所部兵勇欠餉甚多此時亦未便遽易統帥伏查毛震壽自到陝以來雖不能迅殄逆氛而力守城固尙能與賊相持現已分兵馳援漢郡當不至呼應不靈所有陝南各營應請

旨仍歸毛震壽統帶以專責成奏入

上命議政王軍機大臣傳諭略秉章劉蓉曰陝南軍務亟須統率有人川省現復添兵前往總兵何勝必蕭慶高皆久經行陣可期得力卽著劉蓉迅速馳往漢南統率諸軍進勦何勝必等所部及援勦陝南各軍均歸調遣張由庚駐軍川陝邊境經署漢中府楊光澍兩次親詣求援擁兵不救該撫行

聖聖聖略卷四十八

毛

抵陝境務卽遵查確實具奏毋稍徇隱毛震壽雖不能迅殄逆氛而力守城固尙能與賊久持著劉蓉於到陝後察看其人是否可用並其兵勇應否簡汰之處迅速具奏

十三日丁巳李鴻章奏旨探聞嘉興府逆首偽榮

王廖發受領水陸賊衆數萬於十六日直撲吳江縣之南門勢甚洶湧程學啟督軍登陴用礮

對轟一面挑派洋槍隊千人調集礮船二十隻
出城迎剿該逆見我軍遠出悉力來撲鏖戰良
久互有損傷副將何安泰等乃由城左小路抄
襲賊後都司彭玉貴等開礮轟擊謝梁鎮等礮
船復攔腰截剿賊陣大亂程學啟督洋槍隊奮
力猛衝賊反戈狂奔自相踐踏我軍追殺二十
餘里將至平望奪獲賊礮船十二號擒斬悍賊

聖朝聖略卷四十八

天

三千餘名程學啟相度形勢該城南通嘉興北
接蘇州西連太湖面面皆為賊窟因於城南之
萬頃橋扼紮兩壘令遊擊阮炳福守之以當嘉
興來路城西北之夾浦口扼紮兩壘令總兵陳
有昇陸師與總兵張光泰淮揚水師守之以當
蘇州來路又令副將何安泰督同遊擊張志邦
帶兩營駐守城中相機策應多儲米糧子藥為

死守計程學啟於二十日仍回灘亭老營兼顧
由崑入蘇之路二十一二日以後蘇嘉各處大
股四出狂竄互延數十里連撲夾浦營盤均經
我軍擊退該逆有開花礮臺次向營轟打幸其
礮甚小尙能儘力抵禦臣現商令各國領事出
示嚴禁不准流氓接濟賊匪至崑蘇吳江之交
百里間河湖交錯師船甚單亟盼李朝斌太湖
水師下駛以資分布聞尙阻風海門不能徑渡
現飭劉銘傳李鶴章等進攻江陰劉秉璋潘鼎
新等進圖嘉善冀可稍分賊勢奏入

聖朝聖略卷四十八

天

上命議政王軍機大臣傳諭李鴻章曰嘉興逆首偽
榮王糾眾來撲吳江程學啟分派各軍迎剿該逆
反戈狂奔我軍追至平望收隊蘇嘉各處大股四
出狂竄連撲夾浦營盤均經我軍擊退惟總須斷

其接濟方能制賊死命所有水路各要隘應如何設法禁止斷賊接濟之處著李鴻章咨照左宗棠會同妥商辦理崑蘇吳江之交師船甚單並著催令李朝斌統帶水師迅速下駛以利攻剿

十四日戊午張亮基奏言髮逆竄擾遵義等處經

臣勞崇光督飭文武兵練擊敗後餘匪奔竄婺

川縣屬當陽園三岡等處圖擾川楚署婺川縣

知縣田慶治遊擊田應祥各帶兵練分路截擊

自四月二十三日起相持二十餘日屢戰皆捷

斃匪三四百人陣斬數十人將該匪所踞鄭家

灣民寨襲破五月十六日賊由晏溪率眾五千

餘人直趨正安州屬之丁木坳隘口適知州彭

城已有嚴備並於四山設伏以待該逆甫抵隘

口彭城揮軍衝擊伏兵繼之斃斃五十餘人該



逆奪路狂奔我軍跟蹤追勦復斃賊四十餘名

餘匪退歸晏溪十八日賊又出擾丁木坳等處

田慶治等督練抄截斃匪二百餘名招降被脅

難民三百餘名卽令薙髮分別安置餘賊俱由

正安婺川交界之合婆嶺敗竄現仍嚴飭各屬

激勵兵練四面兜勦務將此股髮逆悉數殲除

以弭後患奏入報



聞

十五日己未沈葆楨奏言自提督江忠義一軍進

紮堅山該逆黃老虎由都昌之蔡家嶺悉眾來

爭六月十七日江忠義密令各營出六成隊伍

堅山分道設伏並飭江上喜江忠倬督率隊伍

防其由梧桐嶺襲我馬影橋老營一面函商李

榕會勦該逆偪營而陣橫互十餘里我軍分路

攻勦酣戰兩時斃賊數百名賊不少卻江忠義督同江忠華揮令馬隊出搏中堅黃仁遺等怒馬疾呼而進賊始披靡我軍乘勝追殺該逆復敢抗拒經我軍殺斃七八百名李榕分軍援勦亦多斬獲總兵陳由立窮追遇伏小有挫折江忠義以該逆不得逞於前必襲我後當飭堅山各營如賊來犯各自堅守毋輕出戰十九日該

聖軍平定書卷八

三

逆果以大股伏於張天社酬山一帶而以小股於堅山之前挑戰自辰至午見我軍不動乃以四千人徑撲新左翼營壘其大股三面合圍堅山各營我軍俟其近濠始放槍礮斃賊千計賊仍不退前鋒後勁兩營地尤衝要賊分股牽掣各壘悉銳攻撲兩營逆酋黃老虎次號揮眾營官黃仁遺調槍隊擊之該逆倒地羣賊昇之而

遁餘悉鼠竄查該逆為悍賊渠魁既受重創羣逆自必喪膽 臣現飭劉典會督饒防各軍步步進逼合力兜勦以期殲除醜類綏靖邊疆

沈葆楨又奏冒據統帶老湘營道員王文瑞稟稱古江二逆踞安徽黟縣石太地方於六月十六夜竄至郭村十七日由羊棧橫竄入黟縣經該道乘其喘息未定擊之知府朱明亮等分道

聖軍平定書卷八

三

會勦十八日行距黟城數里部勒甫定城賊傾巢而出我軍環施槍礮屢戰逾時賊猶拚死抵禦熊常富等從後抄殺賊乃驚潰喻勝榮等乘勝衝入南門搜殺百餘賊當將城池克復喻勝榮知左路賊勢較重馳往應援見賊堅伏濠內槍礮擊之不動乃同丁長勝等率步隊踰濠攀牆而上立斬悍賊數十名賊遂棄壘而遁邵榮

達等涉過小河截其歸路各軍兜殺斃賊五六百名援賊分道而至我軍整陣以待丁長勝等左右抄擊各軍齊進賊乃大敗我軍追出羊棧嶺斬其尾隊百餘名餘匪悉向石太而遁鄂境肅清查該逆回竄鄂城圍竄江境王文瑞乘機掃蕩具見調度有方臣惟有檄飭該道督率各軍奮力追剿以遏賊匪窺竄之路

聖諭

聖諭

沈葆楨又奏冒日來悍賊盡趨湖口祐逆李遠繼實未陣斃仍隨黃老虎於文橋以拒江忠義一軍自十九一戰羣逆膽落屢次挑之伏匿不出其擾都昌之賊疊被官軍襲剿愈遁愈遠惟蔡家嶺等處尙堅紮老營悍賊守之以固文橋後路鄂境既靖劉典無東顧之憂已約會席寶田等進紮石門梅源橋洋塘等處擬先攻青山

橋擊賊之後以期迅掃逆氛奏入

上命議政王軍機大臣傳諭沈葆楨曰石太古江二逆糾老賊二萬餘人竄入鄂縣圍竄江境經王文瑞派隊襲擊克復城池分路追殺餘賊仍向石太遁去仍著沈葆楨督飭該道員檄勵各軍將此股竄匪奮力追擊毋令回竄江境黃李等逆屬聚於湖口都都一帶前因韓進春在洋塘失利賊勢趨

聖諭

聖諭

重湖口一路當經諭令沈葆楨督飭各軍穩紮穩進自江忠義進紮堅山扼要設伏李榕亦分軍援剿雖陳由立遇伏官軍小有損折而黃逆中槍倒地已受重創羣賊亦必膽落著督飭劉典會督饒防諸軍步步進逼合力兜剿湖口雖疊獲勝仗黃李各逆仍堅踞文橋都昌之賊雖敗遁較遠而蔡家嶺等處尙有悍賊堅守老巢以固文橋後路現

在黔境既清劉典可無東顧之慮卽著會同席寶田等軍進紮石門梅源橋等處乘勢繞出賊後分路包抄迅掃逆氛以顧江省全局

同日湖南巡撫惲世臨奏旨據探髮逆李幅猷一股尙徘徊綏陽境內亟宜乘時進剿爲一勞永逸之計已派同知羅建章帶勇進駐玉屏與各軍分路前進並約會黔軍聯絡進剿奏入

聖訓聖學略言四十八

三

上諭曰該撫身受厚恩且新膺疆寄惟當力圖整頓俾軍務地方日有起色隨時實心實力毋得徒託空言以副委任

欽定勦平粵匪方略卷三百四十九 癸亥年

七月十八日 壬戌 都興阿富明阿奏言接奉

諭旨飭將赴鎮協剿各軍歸併鎮營 臣等公同商酌

鎮江一軍若果能出擊丹陽牽制賊勢使該逆無暇赴援金陵則於軍務大局有益當卽挑選精銳兵勇八營交副將刁經明統帶渡江助剿現紮前敵然以江北兵力而論實係於無可抽

聖訓聖學略言四十九

一

撥之中通融辦理非謂揚防兵勇衆多足敷堵禦尙能顧及鎮營也今馮子材奏請將所撥兵勇歸併鎮營防剿殊不知北岸情形實有不敷分防之苦惟有仰懇

天恩俯念揚防軍務全局攸關

飭下馮子材等卽將江南領餉之廣西提標兵一營忠成提壯勇二營共一千一百五十餘名歸併

鎮營簡閱其餘江北領餉之湖南各起官兵捷壯凱勝勇營仍交副將刁經明統帶暫留南岸協勦之處出自

聖裁奏入

上命議政王軍機大臣傳諭都興阿富明阿馮子材魁玉曰前因馮子材等奏請將江北撥赴鎮江兵勇二千九百六十名歸併鎮營防勦並稱與都興

欽定剿平粵匪方略卷三十四九

二

阿咨商已妥是以降旨允准茲據都興阿等奏稱前此分撥兵勇赴鎮助勦原以南岸擬擊丹陽牽制賊勢若竟將此軍歸併鎮營揚防兵力本單防堵全局攸關所有前次調赴鎮江兵勇礙難全行歸併鎮營等語所奏亦係實在情形著馮子材等卽將江南領餉之廣西提標兵一營忠成提壯勇二營共一千一百五十餘名歸併鎮營簡閱其餘

江北領餉之湖南各起官兵捷壯凱勝勇營仍交副將刁經明統帶暫留南岸協勦毋庸歸併鎮營以示限制並著馮子材等激勵將士妥籌防堵相機進取揚防北岸沿江一帶並著都興阿等督飭兵勇與南岸將弁聯絡一氣嚴密防範不可稍有疏虞儘南岸有警都興阿仍當不分畛域撥兵救援

欽定剿平粵匪方略卷三十四九

三

同日瑛榮奏冒漢中十餘萬髮捻連互竄沔裏脅愈多陳天柱盧又熊徐邦道等軍寡不敵衆勉力支持而援軍不至兵餉兩缺岌岌不可終日茲接毛震壽來稟自二月初旬勉分四營暨陝甘官兵衝入城中徒事株守嗣於三月間復飭楊光澍督率五營由南岸進不意兩次失利追挾派楚軍進攻復有十八里鋪之控刻下賊

衆兵單遺疫大作欠餉九月有餘拊循激厲萬
分爲難道員張由庚總兵朱桂秋兩軍總無出
境消息各等情臣查漢郡餉盡糧絕決裂堪虞
李雲麟丁憂回旗雖蒙

諭旨飭催一轉瞬間又已兩月前據略秉章咨稱已
飭張由庚朱桂秋兩軍出省援剿而該員等因
李雲麟未到停兵不進前有

聖朝聖旨卷四十九

甲

旨命張由庚暫行節制漢中各軍道途梗阻想該道
尙未奉到至楚省梁作楫一軍已於六月十三
日行抵興安據稟因奉本省督撫札飭以楚省
邊防緊要未可冒昧前進漢中百計乞援皆成
畫餅竊思川楚旣撥援師與其停兵遠駐不如
會合進攻仰懇

天恩飭下川楚督臣速催張由庚朱桂秋梁作楫等

剋日拔營前進並請

旨飭下李雲麟剋日起程赴陝勿庸回旗俾不至再
有遷延大局幸甚

瑛榮又奏冒接毛震壽稟稱髮捻圍困漢中郡
城開掘長塹灌水極深阻截內外信息經毛震
壽密諭諸將不必專待外援分營出紮趕造礮
船使南北之賊不能兼擾旋經副將徐廷道設

聖朝聖旨卷四十九

五

伏東路斃賊甚多生擒偽扶王之弟陳玉和訊
明正法總兵陳天柱出隊誘敵將賊擊退各等
情臣查漢郡之賊不下十餘萬衆圍攻五月之
久祇以我軍糧餉兩缺疫癘大作是以不能迅
速奏功然諸將支持半年每戰必捷勦辦尙屬
奮勉儘川楚援軍果能乘此聲威會合進剿郡
圍可以立解也奏八

上命議政王軍機大臣傳諭官文略乘章嚴樹森劉
蓉張集馨曰漢中被圍已久節據毛震壽派兵衝
入郡城復分兵往援而賊眾兵單兩次失利更兼
時疫大作餉需不至飢潰堪虞該郡萬分緊迫疊
經諭令官文略乘章等迅調兵勇赴援數月以來
張由庚朱桂秋兩軍總無出境消息梁作楫一軍
雖已行抵興安據稱該省督撫飭令即在興安駐

欽定剿平粵匪方略

六

紮是朝廷移緩就急徵調援師該文武員弁等竟
敢任意遷延全不以國事為重道員張由庚總兵
朱桂秋均著先行交部嚴加議處道員梁作楫著
先行交部議處劉蓉業已擢任陝撫責無旁貸著
駱秉章會同該撫嚴飭張由庚等星夜前赴漢南
援剿劉蓉亦即督率後起之何勝必等軍趕緊前
進力解漢中之圍以副委任並著官文迅飭梁作

楫由興安拔隊進援毋得以楚省邊防緊要藉詞
觀望李雲麟不日即可抵陝著官文等傳諭鄂省
援陝各營俟李雲麟到陝統歸調遣以期得力劉
蓉未到任以前著張集馨飭毛震壽激勵諸軍勉
力支持毋稍貽誤漢南各營軍餉仍著張集馨妥
籌運解藉資接濟

欽定剿平粵匪方略

七

二十日甲子曾國藩奏言遵查金陵各軍疾疫過
半鮑超所部霆營為尤甚偽忠王等糾率悍黨
堅守老巢時復伺隙出戰以圖一逞六月二十
二日突分兩股一出儀鳳門直撲鮑超霆字右
營一出太平門繞撲劉連捷南字等營我軍轟
擊竟日負創始遁七月初一日又以西瓜炸礮
猛攻劉連捷下關營寨勢更兇悍得水師協力
苦戰擊退而李成謀與劉連捷各受槍傷幸不

甚劇現在劉連捷營外明掘直濠暗開地道計
日內必有數次惡戰准李鴻章鈔送忠會等偽
文新調偽護王潮王同援金陵偽展王改守句
容但願羣逆畢萃金陵或者蘇常等處有機可
乘張運蘭自上年十月閒因病回籍所部湘勇
十營卽派部將易開俊劉松山各統五營分守
甯國府涇縣兩城甯國當廣德建平之衝涇縣

欽定四庫全書

八

當太平石埭之衝易開俊等內防外勦屢卻賊
氛城垣賴以保固所駐皆係最要之地臣處別
無換防之師接據毛鴻賓來函亦以該營欠餉
過多一時恐難抽動已令張運蘭另募三千人
帶赴粵中則原部湘勇自應仍留皖南以資得
力太平石埭之賊於六月十七日分股進章嶺
羊棧嶺竄入黟縣意將由上溪口衝出婺源就

食江西十八日王文瑞自祁門督軍會合劉典
留守漁亭各營併攻黟縣城一戰克之驅賊至
嶺外十數里捻斬甚衆此次幸仗

天威勦辦極速不使徽州更增一患卽免江西再啟
一防江忠義李榕兩軍駐守湖口堅山之戰偽
堵王黃汝金實負重傷官軍追勦亦獲勝仗七
月初三夜堅山營中俯瞰文橋賊巢火光隱約

欽定四庫全書

九

江忠義知賊將宵遁約李榕於將曙時引軍襲
破諸壘賊乃敗過黃沙嶺分竄都昌彭澤境內
湖口已無賊蹤臣當催令江忠義李榕等欽遵
聖諭速籌進剿至臣前調黃翼升淮揚水師由洪澤
湖赴援臨淮須俟李朝斌太湖水師到滬後交
替防務始得自上海拔營西上誠恐輾轉需時
緩不濟急因飛商彭玉麟楊岳斌等在長江水

師內暫派三板八十號先赴臨淮日內計可趕到至太湖師船現已陸續入滬李朝斌亦可即日抵防上海戰船足敷分布相應請

旨飭下署江南提督黃翼升親統淮揚水師之半剋日駛往臨淮仍分一半留滬助剿責成該署提督往來布置兼顧淮滬兩防俟克復蘇州後卽將駐滬各營分紮洪澤湖以下巡防淮揚通泰

欽定剿平粵匪方略卷四十九

十

等處駐淮各營分紮洪澤湖以上巡防潁潯渦等河至江南提督一缺黃翼升既赴臨淮應懇天恩卽令浙江處州鎮總兵李朝斌就近在滬接署以重職守奏入

上命議政王軍機大臣傳諭會國藩李鴻章曰偽護王等逆首畢萃金陵蘇常等處賊勢必單李鴻章正可飭令所部各軍乘機克復蘇常爲步步進逼

之計張運蘭已在楚南另募三千人赴粵其原部湘勇現駐甯國等處防剿自應仍留皖南以資得力石太股匪竄入黟縣經王文瑞督兵克復將賊衆驅出羊棧嶺外前已據沈葆楨將情形具奏仍著會國藩飭令徽防將士會合浙軍嚴密堵遏毋令再竄入境江忠義李榕兩 在堅山等處獲勝逆匪分竄都昌彭澤境內湖口已無賊蹤著會國

欽定剿平粵匪方略卷四十九

十一

藩卽飭江忠義等軍速由湖口與饒郡各營合力並進由石太一路東下掃盡逆氛乘勢進攻東壩以期與滬浙各軍聲勢聯絡李朝斌所部太湖水師既已陸續入滬上海戰船足敷分布黃翼升所部淮揚水師著李鴻章將一半留滬助剿其餘一半卽飭令黃翼升親行統帶速赴臨淮惟淮滬兩處相距較遠黃翼升往來布置能否兼顧仍著會

國藩李鴻章酌量辦理

二十一日 乙丑 陝西布政使毛震壽奏言髮逆陳

得才等既竄漢中偽啟王梁逆及偽天將倪李

二逆竄至天明寺上元關等處至三月底石逆

中旗竄合漢中之賊其燄愈張各股併計共有

二十餘萬援師未至狂寇頻添雖陳天柱盧又

熊徐邦道等屢次接仗獲勝未能解圍實深憤

急楊光澍一軍初由南岸高家嶺進正可得手

忽為李家街及沔南援賊兩面夾攻致有挫失

復於沈家寨立營未成為賊所乘斷其進兵之

路易佩紳於十八里鋪被賊圍裏損折不少查

漢郡南北兩岸概係賊蹤蔓延沔橫互二百

餘里非厚集兵力分路進剿不能操必勝之權

竊以進兵之路須從北岸之十八里鋪東西文

川及南岸之油坊街西路之長寨三面夾擊方

能應手現在兵勢賊勢多寡懸殊士卒病疫祇

可先疏糧道以待援師並飭催易佩紳進紮南

岸法慈院步步為營臣即親次南鄭縣屬青石

關相機調度一面密飭城中文武併力南關速

據漢水之險以期南北聲息能通李雲麟軍到

陝未知何日臣已就近飛催張由庚朱桂秋梁

作楫等軍會合進剿迅解重圍奏入

上命議政王軍機大臣傳諭官文嚴樹森駱秉章劉

蓉毛震壽曰此次毛震壽所奏漢江南北兩岸賊

蹤蔓延橫互二百餘里進兵之路須從北岸之十

八里鋪東西文川及南岸之油坊街西路之長寨

三面夾擊方能應手而現在兵力尙單疾疫又重

惟有先疏糧道以救漢中毛震壽現已進次青石

欽定四庫全書 卷一百一十九 十三

欽定四庫全書 卷一百一十九 十三

續修四庫全書 史部 紀事本末類 卷一百一十九 十三

關飭催易佩紳進紮南岸之法慈院與郡城文武
相約併力南關力據漢水之險聲息聯絡所籌尙
合機宜著卽妥爲辦理力保郡城以待援師仍著
劉蓉懷遵疊次諭旨星速馳赴漢南統率諸軍力
解郡圍痛殲羣醜官文嚴樹森略秉章嚴催川楚
派援各軍前往如再遷延卽著指名從嚴叅辦毋
稍姑容鄂省援師須俟李雲麟到後交其統帶未

欽定剿平粵匪方略

十四

十一

知該員何日方可抵陝劉蓉抵漢南後著卽併歸
節制以一事權將陝南原有各軍加以激勵與川
楚援師合併調遣俾資得力漢江南北岸三路進
兵是否切中機宜並著妥籌進取劉蓉未到以前
毛震壽仍當竭力戰守毋得稍涉鬆勁致滋罪戾
二十四日戊辰會國荃奏官軍攻克雨花臺等
處後賊勢日蹙提督鮑超與候補臬司劉連捷

進紮城北神策門下關一帶城中賊匪連日出
隊撲營均經擊退自六月初一日起臣督飭各
營進攻印子山賊壘持久未下至七月初五夜
派隊梟水過河襲破賽拱橋邊土壘一座盡殲
守賊江東橋水西門之賊壘犯西路經候選道
陳湜督隊擊退臣以爲欲分北路西路之賊勢
莫如猛攻東南之印子山賊壘諸將咸以爲然

欽定剿平粵匪方略

十五

十二

初六夜傳令三路出隊進攻三更時東草塢濠
拔籤架梯守壘之賊槍礮如雨各弁勇奮不顧
身紛擲火彈肉薄齊登初七日黎明攻克山頂
石壘一座殲斃偽佩王馮眞林奪獲礮械旗幟
多件其七竈橋附近逆壘賊匪加隊死守我軍
壘攻未下初九日該逆分路出撲經我軍分投
迎剿該逆敗竄七竈橋邊各軍乘勢攻克石壘

一座土壘三座壘內之賊鮮有脫者城內之賊復出洋槍大隊萬餘人李秀城率之過橋猛撲臣適在印子山督陣令我軍佯退以誘之伍維壽率馬隊先從右路包抄哨官唐遠光等併力前進賊遂不支提督蕭孚泗等分路進擊將賊隊衝爲兩段鏖戰三時之久賊衆敗潰我軍三路追殺斃賊甚多陣斬偽梯王練榮發及偽汝幅以下賊目數十名奪獲旗幟器械無數臣因兵力尙屬不敷咨調守江浦浦口之候補提督蕭慶衍率七營過江擬紮至七壘橋河邊以扼秣陵關小河入城之路仍留一營守江浦縣城至金陵城大必須增募萬衆合圍庶可剋期掃蕩所有此次尤爲出力人員及陣亡各員弁應由督臣分別查明彙案奏懇獎卹

聖朝聖考卷四十九

十六

曾國荃又奏言臣軍餉項久缺懸欠年餘自四五月至今苦戰不休傷亡疾病不知凡幾士卒困苦不忍殫述查咸豐年間和張諸將圍攻此城實有兵勇八萬餘人厥後每月欠餉不過十天竟以事久變生貽誤大局今則每月發餉不滿十天鈐制維難拊循匪易思之寒心然此猶不過臣軍一隅之患耳方今天下之患在憂貧而所以致貧之由在利權委棄於地而莫之收拾臣愚以爲救時之策必以理財爲先務理財之道必以用人爲先務目下諸臣中能上裕國計下益民生者蓋有數人布政使銜雲南迪東道黃冕廣東督糧道李瀚章已革運司金安清該三員各有所長而其才大心細洞達時務於裕財一道實皆能見其大李瀚章在廣東政聲

聖朝聖考卷四十九

十七

卓著已在

聖明洞鑒之中金安清去歲因案牽累並無實跡可指容俟咨調來營助臣指臂之力目下未便遽請開復黃冕請練老成勇於任事不避勞怨爲當今籌餉第一能手闔臣奏調黃冕前赴淮揚儻蒙

皇上破格升用授以實缺畀以重寄使得竭盡心力

欽定剿平粵匪方略卷四十九

十六

及時自效實於東南大局有裨

同日李鴻章奏冒吳江縣城收復後逆匪復圖竄撲六月二十一日蘇州之賊竄偪夾浦口營盤總兵陳有昇等堅守不動是夜賊率大股猛撲水師總兵張光泰等挑選洋槍隊奮勇登岸黑暗中喊聲震天該逆惶遽退走二十三至二十七等日平望之賊連撲同里另股二三千人

直衝吳江東門營盤副將陳東友督率水師分路堵剿副將何安泰亦帶隊出城援應捻斬甚多該逆戰船復由北庫駛出關入同里旋經官軍擊退二十九日何安泰等督隊追剿沿途將慶腰橋等處賊壘攻破斃賊多名官軍追至平望始行收隊其太湖一帶賊卡亦經水師攻毀現在總兵李朝斌督帶太湖各營已於本月初

欽定剿平粵匪方略卷四十九

十七

五日抵滬陸續進發臣與李朝斌晤商數次該鎮明白勇幹洞悉機宜惟於蘇浙交界形勢及前敵各陸師素未熟習臣擬卽日會同該鎮前往蘇崑吳江各路周歷察勘妥籌布置以便聯絡而資攻取至總兵劉銘傳等進攻江陰之兵已於初四日拔隊前進編修劉秉璋等進攻楓涇嘉善之兵亦於十一二日會同進紮臣當次

第親往各路督籌妥辦所有陣亡都司王新華
應請

旨交部從優議卹其餘陣亡兵勇容臣查明彙案辦
理均奏入

上命議政王軍機大臣傳諭曾國藩曾國荃李鴻章
曰金陵賊勢窮蹙官軍攻剿喫緊之際該逆因獸
猶鬪勢必拼死抵拒曾國荃所奏旬日閒戰守各

欽定四庫全書

三

情並將城東南之印子山賊壘攻破將士奮勇倍
加喋血苦戰現在檄調江浦浦口之蕭慶衍七營
過江屯紮七壘稍河邊扼秣陵關小河進城之路
並以金陵城大尚須增募萬眾以冀合圍剋期掃
蕩惟江浦浦口等處防兵亦不可過於單弱著曾
國藩與曾國荃妥籌相機辦理仍須謀出萬全以
期必勝蘇常之賊回救金陵其閒宜有可乘之機

吳江水陸各營既將蘇嘉兩路大股援賊擊退總
兵李朝斌督帶太湖水師到滬陸續進發李鴻章
會同該鎮即日前往蘇崑吳震各路周歷布置並
督同劉銘傳等進攻江陰之兵劉秉璋等進攻嘉
善之兵聯絡進紮著即乘機進取將攻搆各情形
迅速馳奏曾國荃所保各員自係為籌兵籌餉急
切需材起見第恐其中或有為人筆動之處如黃

欽定四庫全書

三

冕已經有旨准毛鴻賓所請調赴廣東金安清聲
名甚劣著不准調往軍營曾國荃經朝廷簡任封
圻受恩至渥倚畀方殷當茲軍事萬分喫緊宜時
以儆懼存心其於左右任使之入必須慎之又慎
方不至以引用非人為該撫身名之累軍中機務
殷繁艱鉅所集當與曾國藩隨時商推以求萬全
上諭內開曰官軍連日獲勝攻克印子山等處賊壘

勦辦尙屬奮勉所有此次尤爲出力人員及陣亡各員弁著會國藩等分別查明彙案奏請獎卹上又諭內閣曰吳江水陸各營擊退大股援賊太湖一帶賊卡亦經水師攻毀勦辦尙屬得手仍著李鴻章督飭各軍分投進剿盡殲醜類都司王新華在同里鎮陣亡殊堪憫惻著交部從優議卹其餘陣亡弁勇著李鴻章查明請卹

欽定剿平粵匪方略卷三十九

三

二十六日庚午都興阿富明阿奏冒據會國荃咨

稱金陵之九洲洲七里洲下關草嶼各賊壘均經水師攻克提督楊岳斌已親率礮船駐紮草嶼一帶足敷防剿所有派紮浦口對岸燕子磯戰艇十數號應令駛赴下游防守以專責成臣等查自浦口至石埠橋一帶地段係派參將梁正源爲統領茲值上游楚師下駛自係聲

威甚壯防剿足資當飭梁正源所部船隻分撥下游小河以下各港口駐泊目下滬軍水陸攻勦江陰下游一帶亟宜水師聯絡且該逆紛踞南岸援應江陰丹陽等處逆衆紮成木陣甚多有圖犯太平洲之勢各處港口甚爲喫重今增梁正源一軍可期得力吳全美復親督礮划周巡各口上下嚴防臣等又派蘇松鎮總兵李起高等各船聯絡上海各軍俾資協剿奏入

欽定剿平粵匪方略卷三十九

三

上命議政王軍機大臣傳諭都興阿富明阿吳棠曰金陵上游楚師聲威已壯現在滬軍水陸攻勦江陰下游一帶亟宜水師聯絡丹陽等處逆衆圖犯太平洲都興阿等已飭梁正源將所部船隻分撥下游各港口駐泊吳全美親督礮划周歷嚴防又派李起高等各船相機助剿所籌均妥著卽督飭

該鎮將等認真梭巡遇賊即擊不得任令一賊北渡現在南岸江陰一帶屢添悍賊該處江防不甚嚴密恐其乘隙竄突擾及裏下河完善之區吳全美統領水師聞不甚得力該將軍等務當隨時查察江防各口與裏下河處處可通尤應嚴加防範未可稍涉大意近聞髮逆勾合江北教匪為內應乘隙思逞其髮逆薙髮易服潛伏江北者甚多都

東粵軍界略卷中九

三

興阿富明阿吳棠惟當嚴飭所屬營員及地方官不動聲色實力查拏僞內奸不清釀成變亂惟都興阿等是問

二十七日 辛未 沈葆楨奏言皖南大股髮逆上竄

江西之湖口都昌一帶自官軍槍傷虎逆各僞王設伏壘左以圖掩襲江忠義會商李榕於六月二十八日以一軍偪文橋賊壘以疑之以一

軍斷梧桐嶺賊援層層搜伏而進該逆出隊抵拒酣戰逾時我軍人人自奮賊屍盈野是夜賊屯毛家店花尖山等處以圖一逞二十九日江忠義督隊迎勦諸將爭先奮擊兩路之賊同時敗潰羣酋氣奪然猶恃其堅壘重濠負隅抵拒石太等處之匪復更番出擾亟律罷我七月初一日劉典席寶田顧雲彩各軍擊賊於青山橋

東粵軍界略卷中九

三

斬賊二千有餘屈蟠擊賊於段家洲挫其前鋒賊匪斃路併集愈聚愈多屈蟠督率各營縱橫盪決水師復以巨礮轟擊賊始敗遁初三日夜江忠義李榕等軍潛薄文橋賊壘乘勢踰溝焚殲無算僞跟王尙以二萬餘眾堅踞上下彭不動初四至初六等日席寶田等督軍奪隘縱火賊眾驚潰追至谷口適僞祐王率援賊數萬抄

出官軍後路都司夏基鴻等斂眾血戰短兵相接一以當百賊遂大潰祐逆向建德遁去都湖各隘踴逆奪路紛竄各營裏糧窮追殲無數前後斬賊萬餘解散脅從並拔出難民數萬江境一律肅清據擒賊供稱該逆初意由鄱浮竄入腹地嗣因鄱浮屢撼不動乃踞濱湖各隘堅壁儲糧爲固守計比以官軍四面兜剿歸路垂

聖朝聖略卷三十四九

三

斷乃謀遁回石太再從徽屯以窺婺樂等語現在江忠義擬進紮東流順途掃蕩彭澤餘匪劉典已派隊入徽擬出羊棧嶺會擊以清皖境臣查該逆號稱數十萬竄擾江西迨屢次受創無路逃生又成困獸之鬪各將士齊心用命累日血戰遂能摧此巨寇實非意料所及廣西提督江忠義運籌決勝身先士卒應如何優予獎勵

之處出自

天恩其尤爲出力之浙江按察使劉典等先行開列

仰懇

恩施李榕所統一軍應由督臣會國藩查明請獎陣

亡之擬保同知銜知縣張寶鑑等殺賊捐軀均

堪憫側應請

旨交部分別議卹並懇

聖朝聖略卷三十四九

三

恩准於殉難地方建立李棉兆張時雨祠宇同時陣亡兵勇一併附祀奏入

上命議政王軍機大臣傳諭會國藩左宗棠沈葆楨曰逆匪麕聚都鄱等處窺伺江右腹地經沈葆楨督飭江忠義等軍奮力勦擊匪勢敗潰僞祐王奔竄建德各隘口逆會均紛紛竄遁江境一律肅清辦理甚爲得手現在賊眾被勦窮蹙意欲遁回石

太再從徽屯以窺婺樂江忠義擬紮東流劉典已
派隊入徽惟祜逆向擁眾數萬盤踞建德必須悉
數殲除方無後患著會國藩沈葆楨飭令江忠義
等跟蹤擊剿以剿為防務將此股匪徒殄除淨盡
並將石太等處股匪一律掃蕩乘勝東下以免後
顧之憂池州防務緊要會國藩嚴飭該處守將協
力防剿無任再行狂竄左宗棠即飭劉典一軍出

欽定四庫全書

天

欽定四庫全書

三九

羊棧嶺會擊無令闖入徽境彭澤等處餘匪沈葆
楨派隊搜剿皖境擊剿得力難保各匪不鋌而走
險仍圖回竄該撫須嚴扼江防督飭地方文武員
弁竭力固守勿稍懈弛俟此股匪眾全行殲滅劉
典一軍仍當駐徽防剿以顧浙境會國藩即將江
忠義李榕諸軍酌量派赴金陵交會國荃調遣以
厚兵力

上諭內閣曰此次官軍截剿都湖踞逆大獲勝仗該
逆遁出江境剿辦甚屬出力提督江忠義著賞穿
黃馬褂浙江按察使劉典著賞給白玉搬指一箇
白玉煙壺一箇大荷包一對小荷包兩箇江西督
糧道段起著賞給珊瑚松額巴圖魯名號按察使銜
道員席寶田屈蟠均著賞加布政使銜知府王沐
著以道員留於江西補用記名總兵黃仁遺著交
軍機處記名遇有提督缺出請旨簡放並賞給白
玉搬指一箇白玉煙壺一箇大荷包一對小荷包
兩箇徐生德著交軍機處記名遇有提督缺出請
旨簡放副將林志金著賞加提督銜並賞給該員
三代一品封典記名總兵權光燦著交軍機處記
名遇有提督缺出請旨簡放並賞給該員三代一
品封典遊擊李榮發著交軍機處記名遇有總兵

缺出請旨簡放知府陳鳴志著以道員卽選並賞
加鹽運使銜副將丁義方著賞給壯勇巴圖魯名
號蔡康業著賞給健勇巴圖魯名號顧雲彩著賞
給敢勇巴圖魯名號參將劉光裕著賞給固勇巴
圖魯名號暫革參將韓進春著開復原官以副將
升用遊擊劉勝祥著以參將留於江西儘先補用
並賞加副將銜施從善楊友勝均著以參將留於

欽定剿平粵匪方略卷四十九

三

江西儘先補用都司郭開連著以遊擊儘先選用
其餘出力員弁兵勇著沈葆楨擇尤請獎其李榕
所統一軍著曾國藩查明奏請獎勵打仗陣亡之
擬保同知銜知縣張寶鑑著照道員例議卹都司
李棉兆張時雨均著照參將例議卹千總何潤桂
李全勝均著照都司例議卹艾平輝李嗣佑林且
福把總屈達宇均著照本職分別議卹並准於殉

難地方建立李棉兆張時雨嗣宇同時陣亡各弁
勇一併附記以慰忠魂

欽定剿平粵匪方略卷四十九

三

欽定剿平粵匪方略卷三百五十 癸亥年

八月初二日丙子左宗棠奏言石埭太平踞匪復

竄黟縣道員王文瑞等分路進剿該逆蠶擁而

出我軍前後抄襲奪關直入斃賊百餘名復將

出城逃賊追殺其後路盧村等處之賊分道應

援又經我軍擊敗沿途剿殺殲斃賊匪甚多生

擒三百餘名解散不計其數餘黨遁歸石太老

聖朝聖略卷三百五十

一

巢當將縣城克復嶺內仍就肅清查該逆自上

年盤踞皖南每思就食江西且以牽動金陵浙

江官軍之勢屢受重創狡謀未已現在黃李各

逆竄擾湖口等處江忠義李榕兩軍雖屢得勝

仗尙相持未下彭澤建德一帶之賊尙思乘閒

奔突浮景防務未能稍鬆必俟江西肅清徽防

穩固劉典王文瑞之師始可別圖進取臣惟有

仍飭各軍協力防剿以全大局

同日李鴻章奏言程學啟等攻毀沿湖賊卡後

進搗大缺口賊營該逆憑湖死拒我軍分路進

攻先將北岸賊營轟燬並派師船扼守飛虹橋

口該逆不能逃遁悉數殄滅南岸賊營望風奔

潰我軍乘勝追殺並將洞庭東山打館之賊全

行誅戮統計斬殺二千餘人程學啟等遂督軍

聖朝聖略卷三百五十

二

圍逼蘇州並派水師四營於南舍鎮暫紮扼守

太湖要隘其進攻江陰之軍先經李鶴章調派

隊伍拔赴楊厘會合進攻初七至十一等日更

番挑戰屢獲大勝立將北門賊營踏毀十二日

劉銘傳等會攻東門又將石壘三座次第攻克

並斷截該逆歸路四面兜殺生擒逆目十餘名

殺斃賊匪一千餘名各軍滾營進紮偃城而壘

候補總兵淮揚水師營官賴榮光中槍陣亡殊堪憫惻應請

旨交部照總兵陣亡例從優議卹並准於死事地方建立專祠遊擊龍玉麟應請一併交部從優議卹

李鴻章又奏言臣自滬啟行於十三日至楓涇鎮該處賊壘經編修劉秉璋等攻破檢斬甚多

欽定剿平粵匪方略卷三十五

三

臣於十四日督帶礮船察看河路直至浙江嘉

善縣之西塘地方該處賊巢現飭潘鼎新等拔

隊進剿十六日至吳江縣徧觀城垣內外扼紮

尙屬嚴密十七日李朝斌徑往太湖臣派流而

上沿途有黃翼升水師扼守蘇州之賊不敢東

犯十八日行抵蘇州之跨塘地方我軍夾湖爲

壘地利既得士氣尙奮具城根一帶俟程學啟

布置齊整卽相機進攻臣查蘇州城大而堅四

圍多水有程學啟一軍近偏於東南劉銘傳李

鶴章各軍遠包於西北李朝斌等水師來往游

擊局勢似漸緊湊賊氣似已衰蹙但冀金陵杭

州互相牽制別無大股來援臣軍勿稍抽動秋

冬之間當有起色臣擬留住數日與程學啟等

籌商進取機宜再行轉舵而北由常熟至江陰

欽定剿平粵匪方略卷三十五

四

徧覽形勢察奪調度均奏入

上命議政王軍機大臣傳諭曾國藩左宗棠李鴻章

曰沈葆楨前奏都湖賊匪被剿遁去江境一律肅

清曾諭曾國藩左宗棠沈葆楨以江境遁去之賊

欲回石太再從徽屯以窺婺樂祜逆盤踞建德衆

尙數萬飭令速派江忠義等卽由江境跟蹤追擊

以剿爲防並將石太等賊一律掃蕩乘勝東下左

宗棠卽飭劉典一軍出羊棧嶺會同剿擊左宗棠此次奏報各情與沈葆楨前奏大略相同而拜發在沈葆楨之前此時江忠義當已進紮東流將彭澤餘匪掃除迺廻回石太之賊劉典入徽後亦可出嶺會擊以清皖境仍與浙軍相爲掎應池防穩固東征各軍方無後顧之虞李榕江忠義兩軍將此股敗匪殄除後卽可乘勝東下歸會國荃調

聖皇聖考卷三十一

五

遣以厚兵力著會國藩左宗棠仍遵前旨妥速辦理一面咨照沈葆楨仍嚴督江省各軍及地方文武嚴密守禦李鴻章自滬至蘇巡歷布置所辦甚爲得手蘇城賊勢旣蹙程學啟一軍偪其東南李鶴章劉銘傳等軍規其西北李朝斌等水師往來游擊足資得力現在官軍已分路進至江蘇腹地會國藩左宗棠當分檄各軍牽制賊勢俾蘇州江

陰等城或有一處得手則江浙全局必能日有起色

上諭內閣曰官軍攻毀太湖賊營進偪蘇城並進攻江陰踏平附城賊壘剿辦甚爲山力著李鴻章卽督飭程學啟李鶴章等軍迅克蘇州江陰各城早奏膚公用伸天討記名總兵賴榮光力戰陣亡殊堪憫惻著交部照總兵陣亡例從優議卹並於死

聖皇聖考卷三十一

六

事地方建立專祠以慰忠魂同時陣亡之遊擊龍玉麟著一併交部從優議卹

初四日戊寅沈葆楨奏言逆匪遁出江西而彭澤

境內股匪猶肆掠不已七月初七初八等日尙有騎賊撲城均經守城兵勇擊退初九日探知西路已無賊蹤惟東南鄉尙有餘逆屯聚初十十一等日城勇出隊追之該逆悉向建德遁去

臣查知縣趙宗耀履任甫經而月乃能激勵鄉團屢獲奇捷歷時五月之久危城卒獲保全洵屬瞻識兼優可否仰懇

天恩准以知府留江遇缺儘先卽補其會同防剿出力之守備張宏亮請以遊擊留江儘先補用把總夏得元請以守備儘先升用並

賞戴藍翎其餘在事出力員弁紳民容臣擇尤請獎

出自

逾格鴻慈奏入

上諭內閣曰粵逆大股竄入江西彭澤縣境該縣知縣趙宗耀等力保危城實屬異常出力自應破格獎勵趙宗耀著以知府留於江西遇缺儘先卽補守備張宏亮著以遊擊留於江西儘先補用把總夏得元著以守備儘先升用並賞戴藍翎其餘在

欽定剿平粵匪方略卷三十五

七

事出力員弁紳民兵勇准沈葆楨擇尤保獎候旨施恩

同日惲世臨奏言貴州苗教各匪分竄思州屬之孔塘涼水井一帶經總兵周洪印等分路進擊斃賊多名正擬移師直搗張家寨適包毛仙一股復糾約荆竹園張家寨各匪合隊同來以孟溪上寨爲老巢而於對山之狗崽巖分立數

欽定剿平粵匪方略卷三十五

八

壘恃險負固更番疊撲勢殊岌岌臣當飭周洪印將晃邊防務嚴密布置責成吳自發等聯絡守禦督率部勇先剿包逆一而各行鎮守鎮道迅撥兵練馳援連日復據永順龍山府縣稟報髮逆李幅猷自正安婺川擾及酉陽州境旋竄彭水縣屬之周家寨七月初七日已至黔江縣屬綫壩地方距龍山縣城百里據獲賊供李逆

與包逆合謀竄楚包逆欲由秀山趨保靖以窺辰州李逆欲由龍山趨永定以窺常德包逆死黨不過數千李逆死黨總在一萬以上沿途裹脅兇燄方張李逆百戰之餘為石達開死黨石逆在川搵斬此股無所依歸因獸猶鬪兩湖邊界均應嚴為之防知縣黃元齡兩營業經行抵辰州即飭兼程馳赴龍山扼守門戶復調參將彭炳武副將丁高勝兩營取道慈利永定一帶前進又飭候補臬司趙煥聯派和字兩營疾趨常德探明賊蹤所向星馳截擊並飭周洪印等迅剿包逆即以兼顧寶靖永綏其辰澧兩處河道則飭副將陳樹勳等各帶師船扼要駐泊惟辰常澧永道里遼闊兵力不敷分布另飭署永州鎮王永章署永綏協副將包順科各增募勁

聖朝聖略卷三十一

九



勇一營聽候調遣值此環邊告急籌兵籌餉應接不遑臣惟有督飭在事文武盡心區畫合力支持以期援鄰保境迅掃狂氛奏入

上命議政王軍機大臣傳諭官文略秉章勞崇光張亮基嚴樹森惲世臨曰李幅猷以石逆死黨擁眾萬餘欲勾結包逆合謀竄楚不可不嚴為之防著惲世臨即飭派出將弁會同地方文武各員認真堵剿不得任令狂竄略秉章前派劉嶽昭追剿李幅猷股匪此軍現抵何處著即飭令跟蹤追躡會同楚省兵勇兩面夾擊務令就地殲除以期一勞永逸該逆既有窺楚之意官文嚴樹森即派得力兵弁探明賊蹤迎頭擊剿毋令深入腹地楚軍出境剿辦黔匪現為李逆等牽掣勢不得不先顧本境張家寨匪股及孟溪上寨包逆老巢若有得力

聖朝聖略卷三十一

十



之軍直搗巢穴亦攻其必救之策勞崇光等務須
抽調勁旅迅圖殄滅不得專恃客兵致多貽誤
世臨甫任封圻值此邊境地方同時告警自當督
同在事文武悉心經畫固不可稍涉大意亦不必
徒事張皇總當倣照從前駱秉章辦法以圖久安
疆圉

同日馮子材魁玉奏言丹陽踞逆以金陵賊勢

欽定剿平粵匪方略

十一

十一

日蹙勾合大股悍黨欲撲鎮防掣我全局七月
二十二日臣等偵知偽兌王等會由常州宜興
金壇等處統率大股前來丹陽因飭內外諸軍
嚴陣以待二十五日該逆糾合丹陽城卡各賊
傾巢內犯一由東南甘棠橋下竄一由西南八
公洞分撲雲臺等處營壘勢甚披猖臣等當派
總兵田宗揚等分督將領併力衝殺賊衆大潰

自相蹂踐擠崖落澗者不計其數官軍乘勝追
擊該逆向博洛等處回竄惟逆蹤飄忽靡常難
保不去而復來臣等總當激勵三軍妥籌戰守
不敢稍有疏虞五品藍翎儘先千總張得明臨
陣捐軀應請

飭部從優議卹奏入

上命議政王軍機大臣傳諭都興阿富明阿馮子材

欽定剿平粵匪方略

十二

十二

魁玉曰此次偽兌王等會由常州等處統率大股
糾合丹陽城卡各匪撲犯鎮防自係爲援應金陵
牽掣我師起見馮子材等已飭總兵田宗揚等督
率馬步各軍分投迎擊著卽督飭該總兵等奮力
堵剿務將此股內犯各匪急圖翦除勿令紛竄以
致我師爲所牽掣刻下揚防稍鬆都興阿務與南
岸各軍聯絡一氣如鎮防有警卽抽撥水陸官軍

渡江助剿以壯聲威陣亡之五品藍翎儘先千總張得明著交部從優議卹

初六日庚辰會國藩奏冒逆首黃汝金糾合大股

竄入江西鄱陽等處疊經官軍截擊該逆遂竄

入湖口分擾文橋等處六月初九十七等日江

忠義李榕等軍分路進擊黃汝金受傷入壘堅

匿不出二十八日我軍將花尖山等處之賊擊

退七月初三日江忠義等乘夜將文橋賊壘攻

破該逆向建德一帶奔竄我軍沿途截擊斃賊

甚多江境一律肅清此次剿賊出力人員江忠

義一軍應由沈葆楨奏請李榕一軍可否容臣

查明酌獎之處出自

聖恩至守備張儀卿等力戰陣亡應請

飭部各照本職從優議卹

聖諭

三

會國藩又奏言近日軍情會國基派劉連捷駐軍下關七月初八九等日連獲大勝攻毀印子

山賊壘調蕭慶衍由江浦南渡分守要地鮑超

病體尙未痊愈其將卒雖亦多病然較去歲則

已少矣蕪湖守將吳坤修於十七日約會水師

擊賊於雙斗門破其二壘乘勝追至水陽地方

金柱關蕪湖等處防務稍鬆惟湖口肅清後江

西羣賊悉數東趨二十日已繞過池州進撲青

陽縣城守將朱品隆督軍固守賊以全力來撲

勢甚危急朱品隆所部七營病者甚多未知能

否堅守待援現在劉典一軍回駐徽州江忠義

李榕席寶田三軍臣檄令作為潯饒徽甯池五

郡游擊之師李榕已抵東流江忠義席寶田尙

未拔營入皖但願青陽保守無恙各軍陸續前

聖諭

十四

進則皖南大局不至決裂奏入

上命議政王軍機大臣傳諭曾國藩曰湖口肅清後江西羣賊東趨繞過池州進撲青陽縣城朱品隆所部未知能否堅守待援著曾國藩卽督催李榕江忠義席寶田各軍陸續前進趕緊赴援仍飭朱品隆竭力固守以待援師毋令稍有疏虞致皖南全局復爲震撼

欽定剿平粵匪方略卷三十五

十五

上諭內閣曰曾國藩奏官軍勦賊獲勝江郡一律肅清與沈葆楨所奏大略相同除江忠義一軍出力陣亡各員業經降旨分別獎卹其李榕一軍出力員弁著曾國藩查明擇尤保奏陣亡之守備張儀卿楊友和劉喜祿王俊傑沈克明千總汪春旺金家見張先亮把總夏楚寅譚正兩韓得勝馮欽峯外委楊興隆均著交部從優議卹

初九日 癸未 都興阿富明阿奏冒據副將孫文友

等稟上海師船因進攻江陰將南岸難民渡過北岸者數千名之多請設法撫恤等語前因南岸賊匪有假扮難民北渡之說曾由 臣 等奏請禁渡奉

欽定剿平粵匪方略卷三十五

十五

旨允准現在滬軍師船就便濟渡雖爲拯救難民起見惟並未接准來咨若任其接踵而至該難民等拋家離業北岸亦難謀生設有奸匪隱雜其中關繫大局實非淺鮮况刻下常昭太倉各處均已肅清並無長江阻隔南岸難民儘可就近遷避何必涉險過江已咨水師提督黃翼升等轉飭各幫水師禁止擺渡並咨商李鴻章嗣後滬軍如渡難民過北必須先行咨會以便就近派員稽查而重防務至已經北渡難民卽飭吳

全美及孫文友等會同地方官嚴密盤查妥爲安
安軍又派侍衛色楞額等馳往查看以壯聲勢
都興阿富明阿又奏言休致總兵王萬清病痊
銷假後由邵伯鎮調赴揚營前敵駐紮該總兵
整頓營伍約束謹嚴兼之年力正強若從茲廢
棄誠爲可惜且所部川勇統帶有年若易生手
似難得力可否仰懇

聖旨

十七

聖旨

十六

天恩俯准該總兵暫留揚營統帶川勇出自
逾格鴻慈將來如仍不能振作當隨時奏參不敢稍
有容隱奏入

上命議政王軍機大臣傳諭都興阿富明阿吳棠李
鴻章曰前因江陰賊匪有扮作難民渡江之謠疊
諭禁止續渡認真稽查誠以江北裏下河一帶完
善之區若令外匪勾結爲患非輕况江南常昭太

倉等處均已次第肅清南岸難民儘可就近遷避
何必定欲涉險過江上海師船進攻江陰何以將
難民率行擺渡至數千名之多難保無奸人潛跡
著李鴻章嚴飭統帶水師員弁嗣後不准再有續
渡如查明實係難民有家屬住居江北亦須先行
咨會江北文武大員以便派員稽查其已渡難民
人數甚多都興阿富明阿卽飭孫文友等會同地
方官嚴密盤查不得視爲具文吳棠當督同喬松
年飭令各屬文武認真查察善爲撫綏妥籌安插
如有形跡可疑之人一經盤獲必須隨時懲究不
得稍有疏虞王萬清著准其暫留都興阿軍營帶
勇效力儘仍不知愧奮卽行從嚴參辦該員縱勇
滋事朝廷早有所聞既據該將軍等稱其年力尙
強廢棄可惜姑准所請惟當調赴都興阿軍營隨

時察看無庸令其專防汛地以免滋擾

初十日甲申都興阿富明阿奏冒接奉

諭旨令查江防水師及難民遷徙情形臣等查總兵吳全美自軍興以來久帶水師轉戰江南江北疊著戰功營規整肅大小將弁無不畏服現在駐紮下游督同各港師船聯絡調度一切均合機宜實非虛應故事備查有滋擾情事或不甚

欽定剿平粵匪方略

十九

欽定剿平粵匪方略

二十

得力卽當據實奏請更換南岸難民春閒遷徙北岸者近因南岸賊氛稍遠陸續回南歸業並無勾結賊匪情事現在北渡難民已飭水陸防兵會同地方文武嚴密盤查妥爲安置至裏下河等處教匪勾結髮逆乘勢思逞經通州知州黃金韶疊次拏獲通賊教匪盛廣大等數十名訊明辦理其散處各屬者現飭地方官實力訪

查隱爲開導以弭內患至下游之賊撲犯倉利橋經遊擊林家祚等擊退復糾集常州大股直撲巫山等處疊經我軍會剿該逆向南鄉焦店一帶敗退查現在滬軍雲集江陰賊勢日蹙自必鋌而走險南北兩岸港汊紛歧亟宜嚴密防範臣等已飭吳全美督飭沿江水師聯絡聲勢並令該總兵常川往來相機策應不令逆蹤偷

渡藉固江防

都興阿又奏冒據探八月初一日滬軍乘夜攻塌江陰城垣當將縣城克復又據下游密探江陰踞賊棄城竄出會合各路援賊分投打館謹將據報情形先行馳奏

同日吳棠奏冒據鹽城等縣續獲勾通髮逆之匪首盛廣大茅廣幅王錦漳吳政隴陸錦春黃

汰來黃玉衡盛沅振等解浦當委員訊擬解
臣復親提研鞫仍咨會都興阿等飛飭文武員
弁嚴密查拏務期消患未萌均奏入

上命議政王軍機大臣傳諭都興阿富明阿吳棠李
鴻章曰勾通髮逆之教匪盛廣大等經通州知州
黃金詔拏獲卽著吳棠速將所獲各匪於訊明後
卽行聯戮毋久稽誅其餘匪衆尙恐不免散處各

勦平匪方略卷三

三

屬仍著吳棠飭該地方官實力查拏以消內患都
興阿富明阿亦飭各防員弁嚴密巡查毋稍大意
其撲犯倉利橋等處之賊經吳全美擊退旣據都
興阿等查明該總兵調度得力著卽飭令督率所
部聯絡滬軍互相策應並令往來梭巡於江陰各
港何處有賊卽駛赴何處應援現當南岸官軍得
手之際江防尤應嚴密以杜逆匪乘虛北渡江陰

縣樂經克復李鴻章奏報當已在途其棄城竄出
打館之匪究係竄走何處著李鴻章督軍乘勢追
擊與都興阿等南北併力堵剿以杜紛竄江陰克
復卽應進規常郡期與京口官軍及進逼蘇郡之
兵聯絡策應以圖攻取

勦平匪方略卷三

三

中央圖書館藏

欽定剿平粵匪方略卷三百五十一 癸亥年

八月十二日 丙 李鴻章奏 臣於七月二十五

日由崑山行抵常熟聞偽納王邵泳寬等撲陷

蕩口鎮欲竄常熟當派總兵麟嗣武等水陸各

軍分道迎剿 臣親督師船繼進該逆節節潰退

我軍追至蘇城齊門外攻破黃埭賊壘三座斃

賊五六千人偽納王僅以身免立將蕩口鎮收

復

李鴻章又奏 江陰圍攻日久賊勢已蹙偽護

王偽潮王偽武王偽齊王偽區王五大股糾衆

十餘萬由常州蘇州等處分道來援綿亙數十

里李鶴章以賊衆兵單久恐難支立調張樹珊

等六營由常熟福山馳往並調總兵郭松林等

八營橫衝賊後剿破祝塘璜塘賊巢且戰且進

欽定剿平粵匪方略卷三百五十一

一

沿途擒斬四五千人李鶴章劉銘傳周覽江城

四圍賊勢西自江邊東至山口沿河紮木城十

餘座其中石營土壘木卡大小百餘座守禦極

堅因令各營分路進剿二十九日劉銘傳由中

路進誘賊出敵郭松林忽自山後翻上逆衆并

命迎戰郭松林大呼殺入橫衝直突該逆尾隊

撤動頭隊遂亂劉銘傳張樹珊揮衆直搗中堅

賊遂大潰各軍追殺人馬自相蹂踐死者山積

附城賊見援衆敗走惶惑不定我軍乘勢蹙

之遂將沿河木城石壘一律平毀追過南門焚

其船隻二百餘號城西各賊仍復死守劉銘傳

添調洋槍隊並帶炸礮乘勝轟擊先將石營一

座轟塌各勇越濠踰牆賊遂棄營而走黃翼升

又將極西山邊賊營攻破於是城外各股援賊

欽定剿平粵匪方略卷三百五十一

二

勦逐淨盡李鶴章當飭各營將該城四面圍困
七月三十八月初一等日各軍分門進攻賊眾
內亂我軍乘夜登城四面衝殺逆勢披靡遂將
城中之賊悉數殲除江陰縣城卽於初一日克
復偽廣王薰王是否死於亂刃之中俟查明續
報查江陰縣城介江海之衝拊常州無錫之背
爲南賊北竄咽喉自臣軍攻勦日緊忠逆卽噤

聖朝聖略卷三十一

三

守賊僞廣王李愷瞬勾引通州教匪盛廣大等
糾眾數千謀爲內應幸先事發覺稍遏亂萌臣
於克復崑太後卽派李鶴章劉銘傳督兵進駐
常熟楊厓自夏徂秋時與大股悍賊互爭必欲
力克此城以杜蘇常逆匪北竄之路茲各軍銳
志攻取水陸將士血戰二十餘日擊退援賊各
股十餘萬先後擒斬賊眾約兩萬有奇足以寒

逆膽而振軍威黃翼升劉銘傳郭松林等踴躍
衝鋒堅忍效命厥功甚偉除臣弟四品銜補用
知州李鶴章不敢仰邀

獎敘外其總兵黃翼升等謹先行開列仰懇

天恩俯准給予獎勵其餘出力及陣亡之員弁兵勇

容臣查明分別奏請獎卹臣卽日馳赴江陰督

籌妥辦再行回滬奏入

聖朝聖略卷三十一

四

上命議政王軍機大臣傳諭李鴻章曰江陰一城現
經官軍克復該逆渡江北竄之路業已斷絕從此
乘勝進兵則常州無錫之賊亦必聞風膽落惟匪
黨甚多失此要區難保不糾合醜類再來撲犯李
鴻章現由常熟前赴江陰著卽妥爲布置飭令在
營將士循序漸進嚴防該匪回竄毋得稍涉大意
其踞守江陰之僞廣王薰王是否殺斃抑係逃山

仍著李鴻章查明具奏

上諭內閣曰江陰一城爲南賊北竄咽喉關繫甚重
此次水陸各軍銳志攻取將士血戰二十餘日擊
退援賊十餘萬先後擒斬賊衆二萬有奇克拔堅
城盡殲悍黨實足以寒逆膽而振軍威知州李鶴
章著以知府補用並賞加三品銜總兵黃翼升著
賞穿黃馬褂劉銘傳郭松林均著以提督記名儘

欽定剿平粵匪方略卷三十一

五

先簡放副將周盛波張樹珊周國興均著以總兵
記名簡放略國忠著賞給勁勇巴圖魯名號參將
周盛傳著賞給勳勇巴圖魯名號知縣劉盛藻著
免選本班以同知留於江蘇補用遊擊李長樂唐
殿魁彭楚文略金榮均著以參將儘先補用並賞
加副將銜三品頂戴法國兵丁畢乃爾著賞加副
將銜並賞戴花翎其餘出力及陣亡之員弁兵勇

著李鴻章查明奏請分別獎卹

李鴻章又奏冒逆匪大股踞守楓涇臣派編修
劉秉璋等進紮官塘該逆前來撲營經道員潘
鼎新擊退我軍營濠甫就賊忽來撲勢甚兇猛
潘鼎新開礮轟擊逆衆驚潰擒斬百餘名奪獲
槍礮旗幟無算十三日劉秉璋等三路並進該
逆不出各營連放炸礮轟倒石壘數處忽嘉善

欽定剿平粵匪方略卷三十一

六

援賊大至楓涇逆匪突出數股迎拒遊擊蔡渭
川等分隊繞過賊營之西將援賊擊退副將楊
鼎勳等繞至賊營東北該逆憑河抗拒我軍開
礮轟擊立將賊壘攻破斬擒甚多餘賊由嘉善
縣一路竄去自楓涇克復後嘉興平乍各賊來
援嘉善者約三四萬人分踞干窰西塘等處綿
亙二十餘里劉秉璋等拔隊進攻援賊分路迎

拒我軍水陸並進分隊抄擊該逆首尾不能相顧英人馬格里以開花礮擊斃賊十餘人我軍四面兜殺生擒七百餘人當將賊壘攻克西塘鎮一律肅清餘賊竄併干窰一路復經我軍進擊踏破賊壘賊營餘逆遁入嘉善縣城臣維楓涇西塘兩鎮為松江入嘉興要隘賊所必爭此次越境苦戰旬日之間攻堅奪隘連克壘卡二

聖朝聖訓卷三十一

七

十餘座搃斬甚眾實賴將士用命現飭分路堵紮以扼蘇嘉之吭相機進剿以助吳江之勢尤為出力之編修劉秉璋應如何獎勵之處出自聖裁其道員潘鼎新等應行開列仰懇

天恩俯准給予獎勵陣亡之守備潘國宏把總趙炳鴻張全福陳廷材外委胡標應請

飭部從優議卹其餘陣亡弁勇容臣查明彙案辦理

奏八

上諭內閣曰此次官軍克復楓涇鎮石壘並攻克嘉善縣北之西塘鎮踏毀干窰賊巢出力之編修劉秉璋著以侍講遇缺題奏常鎮道潘鼎新著賞加按察使銜總兵張遇春著賞給一品封典副將楊鼎勳著以總兵記名簡放並賞給鋒勇巴圖魯名號唐宏成著賞給策勇巴圖魯名號參將江福山

聖朝聖訓卷三十一

八

著賞給強勇巴圖魯名號高占彪著以副將仍留四川儘先補用遊擊劉起著以參將仍留福建儘先補用並賞加副將銜參將吳長慶等均著免補參將以副將儘先補用都司徐道奎著免補都司以遊擊儘先補用張紹棠著以遊擊儘先補用並賞加副將銜參將聶桂榮等均著免補參將以副將儘先補用陣亡之守備潘國宏把總趙炳鴻張

全福陳廷材外委胡標均著交部從優議卹其餘出力之文武員弁暨陣亡各弁勇並著李鴻章查明彙案奏請獎卹

十四日戊子都興阿富明阿奏冒據探八月初一

日江陰縣城克復初二日賊竄申夏港口勾結該處踞匪分撲江邊搶擄民船均經我軍擊退該逆向常州竄去查江陰附近各港尙有賊巢

欽定剿平粵匪方略卷三十一

九

當此逆賊分散防堵尤宜嚴密總統水師吳全美已飭各幫礙船嚴行防禦以杜逆匪紛竄奏

入
上命議政王軍機大臣傳諭都興阿曰江陰縣城業經克復江北防堵事務都興阿仍當督飭水陸各營妥籌布置不得因南岸軍情稍鬆致形疏懈
同日暫署陝西巡撫按察使張集馨奏言漢南

近日軍情據毛震壽稟稱石逆中旗近與髮捻爭糧分屯定軍山圓墩子等處仍用偽易王旗號馬逆派撥伊弟回踞沔縣東關偽扶王陳得才已有竄志偽啟王梁逆因受重傷誓陷郡城以洩其忿偽端王藍大瞬踞於東南菜集子偽遵王賴逆屯於西北村莊賊營缺鹽並於襄城東關設市貿易穀米現飭留壩廳鳳縣等處文

欽定剿平粵匪方略卷三十一

十

武設法分撥兵團出防馬道青橋一帶俟大兵進剿兵團可從雞頭關而下乘機收復襄城並防北竄武字營擬由甯沔而進已飭丁毓藻等在彼籌糧張由庚一軍擬先屯沈家寨以易佩紳爲策應朱桂秋進關卽應繞出漢山之左前准駱秉章照會添派湘果中右兩軍一俟約會定計卽從城固分兵迅由文川柳林鋪而西並

調南山各團助勦自可立解重圍 臣查楚軍梁作楫屯紮興安現已商同多隆阿並咨官文催令移紮西鄉茶鎮既可遏賊東竄亦可防其北奔周有全帶領礮船二十隻到興於七月十六日先撥十四隻駛往石泉擇要防堵李雲麟計可入陝當卽督師會勦新撫 臣劉蓉由通江取道來漢據報湘果營已抵南江嚮導營現屯牟

聖朝聖略卷五十一

十一

家壩桂字營已至青石關袁甲鵬復稱果健八營已由城固南渡邀同楚軍會勦是軍威業已大振專權復將歸一漢南諸賊當可次第殲除奏入

上命議政王軍機大臣傳諭多隆阿劉蓉張集馨曰劉蓉自簡放陝撫以來尙未據奏報由川入陝此時自通江進發如何籌布進勦機宜諒必奏報在

途當此各路之軍已集著卽星速前進統率諸軍先將漢中城圍力解督同李雲麟等將陝南羣醜奮力蕩平並卽檄飭各廳州縣集團守險以助軍威嚴防豕突仍與多隆阿等隨時聯絡聲勢以籌全局

十五日 己丑 左宗棠奏言偽堵王等屬聚湖口經

劉典等分路進攻先將青山橋賊巢攻克其上

聖朝聖略卷五十一

十二

下彭之賊亦經官軍勦洗各逆紛紛下竄現在湖口等處一律肅清江忠義等分道跟追諒可得手惟疊據賊供該逆有仍圖由徽竄江之計現在江防無事劉典一軍已取道回徽俟探明賊蹤卽當相機進勦
左宗棠又奏言逆賊由皖竄江其謀雖狡然都昌各境北阻長江西臨鄱湖南隔章江皆有水

師防堵賊匪鼠竄其間三面皆水實亦自趨絕地惟江西之浮梁及安徽之黟祁可爲旁竄之路安徽之建德石埭一帶可爲退竄之路臣於劉典援徽之始屬其嚴扼嶺路以保徽休黟祁如賊竄江則力保浮梁以杜紛竄劉典善審地勢故轉戰而前幸免隕越現據探報賊匪欲由石太竄入嶺內又有將趨廣德以援金陵之信

欽定剿平粵匪方略卷三十一

十一

臣維石太一帶無糧可據賊難久踞能偏其下竄廣德以重兵扼之則徽甯之防可固卽浙師攻取湖州亦較易得手臣惟當隨時會商曾國藩飭令各軍相機進剿奏入

上命議政王軍機大臣傳諭左宗棠曰江西全境肅清此股賊匪非復竄江西卽回趨廣德前經疊諭曾國藩沈葆楨飭江忠義等諸軍乘勝進規池太

並諭左宗棠飭劉典督率各營由徽境之羊棧嶺馳往會剿此時江忠義等軍定可追賊入皖著左宗棠仍遵前旨辦理務令徽郡各營與江忠義諸軍聯絡聲勢前截後追將池太股匪就地殲除毋任蔓延旁竄滬軍現已攻克江陰蘇州嘉興等城攻剿正在喫緊賊勢漸蹙左宗棠當檄令蔣益澧等軍攻賊要害使賊兼顧不遑當更有一二處可以得手

欽定剿平粵匪方略卷三十一

十四

十六日庚寅馮子材魁玉奏言博落等處踞匪經官軍擊敗後分竄句容之茅村一帶八月初一二等日悉數遁回丹陽鎮城附近已無賊蹤據曾國荃來函金陵官軍自印子山大捷後連破上方橋賊壘數處南北長圍漸合俟兵力厚集卽可剋期進攻鎮城才立江濱尤慮賊氛橫溢

臣督飭總兵田宗揚進紮丹徒鎮聽候進止一面簡閱勁旅購備火器力圖戰守用固要防奏

上諭曰鎮城戰守倍加緊要宜嚴密相機籌辦毋得稍涉大意嗣後軍情仍著隨時探明具奏

十七日辛卯李鴻章奏言臣於八月初四日由福

山行抵江陰察看軍情各營將士血戰日久本

聖學聖略卷三十一

十五

應略加休養再行進兵惟當賊鋒大挫之際機

會難失臣與黃翼升等悉心籌議如兵力足用

則須分三路一進常州一進無錫一進蘇州之

間門使賊首尾難顧無如臣部陸師不過四萬

自金山衛至江陰橫互四五百里面面賊巢蘇

州四圍皆水賴有水師扼紮以補陸軍所不逮

若更遠略常州實覺接應不暇為今之計以規

取蘇州為要而蘇州旱路一由胥門葑門以達

吳江平望程學啟帶兵扼之一由閶門滄關以

達無錫須將無錫攻克始能由此路進剿是吳

江為南路咽喉無錫為北路咽喉欲拔其腹心

須先搯其咽喉庶可漸偏漸緊現踞常州之偽

護王陳坤書雖經我軍擊敗難保不圖再逞踞

守無錫之偽潮王黃擺子堅守不出當飭各軍

聖學聖略卷三十一

十六

乘勢蹙之擬令劉銘傳進紮江常錫交界之青

陽鎮兼防護逆繞襲我後周盛波紮無錫之芙

蓉山郭松林紮無錫之緱山道員張樹聲等紮

張涇橋為郭松林周盛波後路援應又令總兵

黃中元紮蕩口前之大橋角以堵蘇賊竄常熟

之路凡此數路均令黃翼升分派師船相為依

護以固糧路而助攻勦李鶴章自督小隊往來

調度總期進可制賊退可自立接會國基函稱
偽忠王因蘇常危急將由金陵回援我軍前進
必有大戰事 臣惟諄飭諸將力求穩慎相機夾
擊至江陰縣城關緊要必須擇人駐守查副
將駱國忠前曾力保常熟心志甚堅近來營規
益整所有京口協副將一缺應請
旨卽以駱國忠署理俾專責成

欽定剿平粵匪方略卷三十一

十七

李鴻章又奏言 臣周歷江陰城內外屍骸枕籍
慘目傷心爲他處所未睹推詢其故由軍情日
緊賊氛日盛徧肆焚掠難民欲就近渡江於裏
下河完富之區各求生路都興阿以防奸細爲
詞禁絕北渡大拂人情以致常屬無告之民強
者偏而爲匪弱者慘遭荼毒現在江陰旣克江
北當可無慮而常州無錫正值用兵其才遺之

民願就近避徙過江者宜聽其便江南民氣本
弱其先與官兵遠隔賊尙假仁義以安民迫官
兵壓境賊必大加焚擄聚資糧丁壯爲死守計
窮民迫欲逃生斷無人人欲作奸細之理都興
阿擁陸軍二萬水師數千專守揚州離賊較遠
江陰至鎮江百餘里之江而果能整飭軍威認
眞防範大股賊匪斷難飛渡卽有一二奸細亦

欽定剿平粵匪方略卷三十一

十六

易查辦奚忍與此數百萬災民爲仇強分畛域
耶謹據實上

奏入

上命議政王軍機大臣傳諭李鴻章曰江陰克復李
鴻章擬令劉銘傳進紮青陽鎮周盛波等分紮茅
蓉山等處黃翼升分派師船相爲依護李鶴章自
督小隊往來調度所籌均屬周密著卽照所議妥

速進兵並嚴檄諸將不可屢勝而驕稍有輕敵之意總期進可制賊退可自保方能節節進取克奏全功江陰一城關繫緊要副將駱國忠前曾力保常熱心志甚堅該撫派令扼守江陰可期得力所有京口協副將一缺卽著駱國忠署理李鴻章仍當隨時策勵俾該員益知感奮用收臂指之助前因江陰難民紛紛北渡恐有奸匪潛跡擾及完善

聖朝聖略卷三十五

十九

是以准都興阿所請不得率行擺渡如查明實係難民有家屬住居江北亦須先行咨會北岸文武地方官稽查安插並非概不准其北渡避地本日又諭都興阿等設立渡口遇有北渡難民彼此知照認真稽查妥爲撫恤該撫仍當遵照前旨查明咨會以重防務至南岸克復地方已屬不少並當督飭地方官各就所轄境內招集流亡分別安撫

上又命議政王軍機大臣傳諭都興阿富明阿吳棠曰都興阿等前因江陰難民擺渡過江派兵禁阻該將軍等慎重江防保全完善辦理甚屬認真但不分良莠概禁北渡小民無辜被戮固屬可慘或因無慮謀生飢餓倒斃亦殊可憫甚至強壯者被賊裹脅反爲該匪添助黨與於軍務甚有關繫現在江陰已復而常州無錫正值用兵其孑遺之民

聖朝聖略卷三十五

二十

亦必有避難過江者自應量爲變通妥籌濟渡俾江南被脅難民有自逃之路我多一民則賊少一兵被陷各城攻取更易得手著都興阿富明阿吳棠妥速籌商於沿江要隘酌設渡口一二處分飭防江員弁及地方文武各官就兩岸渡口嚴密稽查如實係避難良民言貌形跡並無可疑或攜有家眷或經南岸帶兵大員及地方官先期照會者

均應准其陸續渡江妥爲撫綏安插用副朝廷軫念災黎至意如查有形跡可疑之人該將軍等仍當遵照前旨隨時認真查明懲辦務令奸匪無瀾跡之所而良民有避地之方庶戢匪安良兩盡其道不致因噎廢食也

二十一日乙未曾國藩奏言大江南岸諸軍自江

西肅清後黃汶金等股圍撲青陽守將朱品隆

欽定剿平粵匪方略卷五十一

三十一

病勢日篤不能登陴將士病者過半苦守兩旬

兵單糧絕岌岌可危李榕之由水路赴援者甫

抵離城十八里之銅埠江忠義席寶田之由陸

路赴援者現尙未至池州青陽之能否保全殊

無把握縱青邑倖保無恙而賊意在圍魏救趙

將徧擾皖南最要之區以掣金陵官軍之勢凡

甯國蕪湖南陵涇縣灣沚清弋江必將處處喫

緊臣以金陵各軍新破上方橋河西二壘城賊水運已斷不得已檄令鮑超引軍西上以勦由江回皖之賊以救甯國蕪湖之急奏入

上命議政王軍機大臣傳諭曾國藩沈葆楨曰青陽

危急必須援兵早到方可保全江忠義席寶田二

軍現在行抵何處著曾國藩沈葆楨迅卽催提此

項兵勇令與李榕水路之師會合力解青陽之圍

欽定剿平粵匪方略卷五十一

三十一

保全皖南要地曾國藩已檄令鮑超引軍西上以

勦由江回皖之賊其甯國蕪湖南陵涇縣等處著

飭各守將嚴爲戒備以鮑超爲游擊之師毋令逆

氛肆擾此股竄賊由江西敗遁其膽已寒得江忠

義等軍並鮑超一軍合勦當可聚而殲旃俟青陽

賊股勦辦完竣仍令鮑超等軍前赴金陵以圖合

圍而顧全局

二十三日 丁酉 候補四品京堂李雲麟奏言臣抵

襄陽現將軍火餉需粗爲料理卽行督軍前進刻下陝南賊勢藍陳二逆聞楚軍西上懼而協謀已分黨數萬竄踞鎮安意在牽掣我軍查鎮安一縣緊接河南毗連湖廣且爲臣進兵之路該逆在鎮盤踞旣可斷楚軍糧道復可竄擾他省以兵情而論楚師進剿諸軍未合兵力尙單

聖朝聖學卷五十一

三

若徑行西上圖解漢中之圍儻行抵興漢東路之賊乘勢包抄西路之賊亦必藉犄角之勢益肆猖狂欲速反遲儻有貽誤將來更難得手以地形而論漢郡城池被圍已久守禦之力將竭望援甚殷毛震壽旣有解兵之信所部各軍呼應不靈難期得力川省援兵雖有張由庚統帶與陝兵尙未會合新任陝西撫臣劉蓉到陝尙

需時日陝南爲臣專責使勦辦鎮安稍稽時日而漢中有失厥咎誰歸臣通盤籌畫現在鄖陽一路最屬空虛臣擬從此路進兵俟行抵陝境察看情形若川軍已至漢中城圍較鬆便可先勦鎮安踞匪再行西上若城圍岌岌而外援不至卽將現帶李桓舊部候補總兵蔣運喜之義勝三營調紮山陽所屬之漫川關一帶防其東

聖朝聖學卷五十一

三

竄鄖陽再留臣舊部楚軍千人駐壘漢陰責成副將雷復勝等扼要固守以杜該逆回援漢中之路而自帶步隊五營與水師同進直向漢中一面飛調川軍會合進剿以圖迅解城圍至興安郡城現有梁作楫全軍駐守商州郡城亦經多隆阿派兵防守計此兩處尙可無虞奏入上命議政王軍機大臣傳諭劉蓉李雲麟曰陝南軍

務亟須整飭毛震壽雖尙能撐拄而勦辦總難期
得力卽著李雲麟迅由鄖陽帶領所部星馳赴陝
速解漢中城圍分救鎮安其漢陰及山陽所屬之
漫川關等處分布各軍卽照所擬辦理仍著劉蓉
迅速由川赴陝以資統率該撫自簡任陝撫後何
以至今尙無奏報前據陝省奏報桂字營等兵均
已由通江取道入陝是否該撫業已在途著卽懷

欽定剿平粵匪方略卷三十一

三

遵前有星馳前進劉蓉到陝南後一切地方軍務
及毛震壽李雲麟新舊各軍均歸該撫節制以一
事權李雲麟卽可會同劉蓉陳奏事件毋庸自行
單銜具奏

二十七日辛丑曾國荃奏言官軍攻克印子山後

臣調提督蕭慶衍一軍渡江進紮東路時上方
橋西岸尙有賊壘二座與七龜橋相爲犄角臣

派李祥和等進紮前敵又派熊登武等繞出賊
後扼要駐紮該逆糾集大股抗拒經提督蕭孚
泗等擊退追至秣陵關攻破賊卡十餘座殺賊
甚多其西岸賊壘亦經蕭慶衍等進攻破其土
壘二座殺賊殆盡自是東岸之賊不敢來犯而
小河運糧之賊船亦斷至江東橋賊壘陳湜率
吳隆海等多備火器乘夜環攻該逆併力堵禦

欽定剿平粵匪方略卷三十一

三

我軍四面擊殺立將石壘攻克並破其附近賊
卡賊壘數處城中之賊出隊來援蕭孚泗等合
力堵禦陳湜復增修數壘分兵駐守與楊岳斌
水師相爲依護以扼水西旱西兩門衝突之路
至鮑超一軍本欲進紮孝陵衛與彭玉麟楊岳
斌礮船聯絡因督臣曾國藩改調鮑超全軍援
皖令臣分營保護下關及七里洲各營後路當

派提督張詩日等移紮幕府山一帶惟臣軍占
地頗寬兵分力單援賊將至現派易良虎等同
湘募勇計九十月間可抵金陵屆時再騰山老
營紮至孝陵衛此次應行請獎請卹各員弁均
俟查明咨請督臣彙入雨花臺等案一併陳奏
奏入

上諭曰陳湜等攻克江東橋石壘尙爲出力著將詳

欽定平粵方略卷三十二

三

細戰狀及應行獎卹人員咨明曾國藩彙案陳奏
現在曾國荃尙未履浙撫之任嗣後金陵攻剿情
形著與楊岳斌彭玉麟等隨時稟知曾國藩統由
曾國藩奏報曾國荃毋庸單銜出奏以一事權

欽定平粵方略卷三百五十二 癸亥年

九月初一日乙巳惲世臨奏言髮逆至綏壩後偵

知龍山有備徘徊蜀楚之交未敢遽進而包逆

一股方以全力環攻田宗營太平場營壘周洪

印率兵馳救偏賊而營賊棄壘狂奔併歸閔溪

老巢周洪印派隊分路進剿攻破閔溪巢穴斃

賊千餘名餘匪竄往老山正思會合黔軍擣穴

欽定平粵方略卷三十二

一

擒渠以期一勞永逸適髮逆李幅猷大股由四
川酉陽等處潛襲湖南永綏廳屬勢將直趨乾
州圖擾辰常臣飭周洪印等督率兵練沿途截
擊屢有斬獲賊勢不支收歸平浪周洪印派兵
夾擊斃賊一千餘名周洪印立將平浪賊營踏
毀賊之前隊已自鴨保寨竄得勝營後隊亦往
合股九月初三日該逆從四都坪繞竄麻陽等

處於羊股腦搭造浮橋意欲渡河以犯浦市周洪印親督各軍馳赴浦市繞至賊前賊方半渡周洪印等督率師船開礮轟擊奪船四十餘號斃賊四百餘名賊梟水退竄對岸將來或假道沅靖八粵或橫出激浦以窺寶辰均未可知臣飭總兵趙福元率師駐紮洪江王永章率舊部千人馳赴寶慶探明賊蹤相機防勦沅州府城

勦平粵匪方略卷五十二

二

已由周洪印派田宗營等飛往協防此時靖邊情形漸鬆知府戈鑑一軍亦可移緩就急調往會勦奏入

上命議政王軍機大臣傳諭惲世臨曰此股髮逆係屬百戰之餘現在蓄意回竄楚南且恐與沅寶一帶餘匪勾合惲世臨現令總兵趙福元暫駐洪江並令田宗營等協防沅州府城分飭王永章所部

及戈鑑一軍會合防勦著卽督飭在營將士嚴密布置務將此股匪徒就近殲除毋得縱令他竄以致滋蔓難圖

初四日戊申李鴻章奏冒程學啟規蘇各軍進紮

婁門外跨塘旋調水陸官兵滾營前進八月初四日至永安橋屯紮直偏城根賊由婁葑齊三門突出二萬餘人分路來撲程學啟等軍分門

勦平粵匪方略卷五十二

三

迎戰槍礮齊施立將賊隊壓退斬斃數百名初九日臣旋抵上海卽飭總兵陳東友等各帶礮船並咨商李朝斌酌撥太湖水師數營駛入寶帶橋一帶與陸軍會勦初十日賊匪五六萬人分門復出官軍奮勇攔擊斃賊三千餘名賊衆奪路狂奔追至護城河落水淹斃者甚夥據探僞忠王李秀城已於十一日由金陵回蘇所帶

賊黨甚衆意欲立解蘇城之圍該逆現於婁葑兩門外堅築石壘我軍礙難猛撲必先攻克東南官塘之寶帶橋賊壘進步方寬十六日程學啟等督率水陸各軍將寶帶橋之西石營一座東土營三座先後奪取分軍進剿賊衆棄壘而逃遂將賊壘踏平程學啟親督各隊分段駐扼查蘇州形勢甚固米糧甚足實與金陵爲犄角

聖朝聖略卷五十三

四

忠逆現由金陵回救意欲護此巢穴程學啟督軍進紮直薄城根足扼東南衝突之路寶帶橋爲水路要區蘇垣鎖鑰茲賴官軍協力攻取該逆失其屏蔽從此進鏟附城逆壘即可設法攻城臣又調總兵張遇春副將梁安邦知州吳毓芬等四營交程學啟調遣以資進剿李鴻章又奏言八月十二日總兵郭松林親督

馬步各隊由東亭鎮節節進攻適潮逆率萬餘人憑壘抗拒官軍進逼逆壘連開槍礮奮力勦擊賊始敗走我軍乘勝追至無錫南門外刃傷潮逆幾爲我檢約計斃賊二三千名奪獲旗幟器械無算自東亭鎮至無錫東南兩門沿途賊壘賊卡一律踏平臣飭劉銘傳等趕緊進紮聯絡攻剿奏入

聖朝聖略卷五十三

五

上命議政王軍機大臣傳諭曾國藩李鴻章曰蘇州東南寶帶橋賊壘爲水陸要區現經我軍攻克則攻取蘇城已成破竹之勢著李鴻章激勵將弁節節進攻以期迅克堅城仍須穩紮穩進計出萬全不可稍涉大意至無錫一路經郭松林等協力進攻自東亭鎮至無錫東南兩門賊壘賊卡一律踏平潮逆受傷攻剿正極得手著李鴻章迅飭劉銘

傳等軍趕緊進紮與郭松林等軍聯絡聲勢爲規
取無錫之計僞忠王李秀城已由金陵回蘇所帶
賊黨甚衆意欲立解蘇城之圍現在忠逆旣回蘇
郡金陵老巢勢必空虛我軍正可乘此機會迅圖
攻取著曾國藩督飭曾國荃等軍乘虛進擣俾賊
首尾不能兼顧金陵蘇州一城或有一處可以得
手

欽定剿平粵匪方略卷三十一

六

同日張集馨奏言據梁作楫稟稱川匪圖竄山
陽該處緊接鄖西李桓所募義勝三營行抵興
安經鄖陽鎮府稟請兩湖督臣回紮鄖西該部
義切援秦責兼防楚祇得仍駐興安未便移扼
茶鎮又據石泉縣知縣陸堃稟稱屢聞髮逆下
竄之謠深慮賊衆勇單無以保全興安門戶因
約西鄉漢陰甯陝等廳縣會辦聯團每邑挑選

壯丁一萬名以一半留守本邑一半出境防剿
漢江劃河爲界合四廳縣之衆密布北岸節節
防守並以楚師礮船梭巡上下該逆斷難飛渡
等語臣已檄飭該令主持其事並檄西鄉漢陰
甯陝各廳縣一體照辦許以官紳出力優加保
獎如有從中牽制者據實稟奏至漢中近日軍
事川軍均出青石關從南路進剿擬先掃平油

欽定剿平粵匪方略卷三十一

七

坊街賊巢張由庚進次雲峯寺易佩紳扼於兩
河口分屯犄角俟蕭慶高何勝必等軍到齊進
紮高家嶺三路進攻可以次第掃蕩惟沔縣襄
城有賊西路尙覺空虛現已知會川督駱秉章
飭令周達武等軍徑出大安驛兩縣之賊必望
風而逃即可次第收復奏入

上命議政王軍機大臣傳諭官文駱秉章嚴樹森劉

蓉張集馨曰川省進援漢南之兵現已雲集逆匪被剿窮蹙勢必東趨興安漢江以北防兵甚少石泉縣知縣陸堃現約漢陰甯陝西鄉各廳縣每處挑選壯丁一萬名以一半留守本邑一半出境防剿憑險扼守並令楚師礮船梭巡上下辦理甚合機宜張集馨即飭令該員總司其事並飭西鄉等廳縣一體照辦毋許從中牽制如有出力官紳卽著從優保獎鄖陽一帶扼要處所並著官文嚴樹森飭令梁作楫設法嚴防毋令匪蹤東竄鄂疆劉蓉搢授陝撫業已兩月疊經諭令馳赴漢南至今尙無起程日期實屬玩誤現在川陝諸軍俱集漢南亟須大員統率著劉蓉迅赴漢南督率諸軍力解城圍並著駱秉章速催劉蓉赴陝毋再遲延據張集馨奏川軍陸續到齊由南路進攻漢中漸次

聖朝聖考卷三十三

八

得手惟沔縣褒城有賊西路尙覺空虛周達武等兩軍如徑出大安驛兩縣之賊必望風而逃卽可次第收復各等語著駱秉章迅速酌量辦理初五日己酉曾國藩奏言金陵上方橋爲東南隅糧路賊築壘久踞七月二十日蕭慶衍等滾營進攻並用巨礮晝夜轟擊賊堅壁不出曾國基於二十九日潛遣熊登武等繞過上方橋五里許築營以截賊後賊糾衆來撲蕭孚泗李臣典等揮軍迎戰賊始駭潰合軍追及秣陵關破十餘卡並將上方橋賊壘攻毀醜類悉殲罕有脫者其江東橋一路爲西南要隘賊築石壘環繞木城城外隔水二道八月十一日夜陳湜選銳卒數百涉流而渡潛匿壘下飛擲噴筒賊方驚駭陳必友等衝過浮橋分左右抄擊陳湜督大

聖朝聖考卷三十三

九

隊繼進各軍奮力登壘賊惶遽失措奪路爭竄
遂將眾壘一鼓下之兩處要隘既經攻克當俟
上游軍事稍鬆即可圖圍金陵此次出力人員
可否附入克復雨花臺案內請獎之處出自
聖恩陣亡員弁俟彙案開單請卹

曾國藩又奏言近日軍情青陽一城賊匪圍攻
已歷一月文報不通米糧久斷李榕部將鄭陽

欽定剿平粵匪方略卷三十一

十一

和等至距城十里之袁橋紮營旋被該逆攻陷
喻吉三率三營繼進於八月二十一日攻破袁
橋賊壘小有擒斬二十二日江忠義席寶田兩
軍繼進將合謀力戰以解重圍青陽迤北爲銅
陵縣突有另股竄入彭玉麟派在防水師一戰
而卻其迤東爲涇縣賊股紛擾劉松山自甯郡
督隊至涇會同守將易開俊勦賊於金村等處

疊獲大勝又有花旗股匪窺犯甯國郡城劉松
山引軍回郡力戰卻之目下皖南羣盜如毛幸
劉典等由徽州分道出嶺進規石埭太平二縣
而臣所謂鮑超一軍亦由金陵上援先赴蕪湖
甯國或可力保皖南支持全局

同日都興阿奏言長江綿亙數百里港汊紛歧
形勢不一惟裏下河完善之區爲該逆日久垂

欽定剿平粵匪方略卷三十一

十一

涎現雖南岸勦辦得手而北岸防範更宜倍加
嚴密是以李鴻章咨商濟渡難民並地方紳士
稟請弛禁江防臣均未准緣南岸百姓凡過北
岸可謀生者早經北渡其無業貧民相安已久
卽有時勢須躲避南岸亦儘有可避之處而該
逆定欲驅民北渡者未必非計圖溷跡勾結之
意今自江陰克復後八圩港一帶南營採辦軍

需商民往來過渡並未禁止惟在北岸認真稽
查防範茲奉

諭旨飭令妥速籌商於沿江要隘酌設渡口臣斷不
敢拘執前議稍存畏難之心臣已飭藩司喬松
年迅即查明沿江水口何處稽查易周調派巡
江船隻即由該處設渡明張告示宣布

皇仁並派委委員會同地方官及水陸官兵嚴定章

聖皇聖略卷三十三

程查察安撫如有形跡可疑之人仍即隨時認
真查辦以杜奸匪溷跡至水師防勦情形據總
兵吳全美稟稱探得南岸陸洲賊旗密布並有
馬賊在江邊游弋即揮令各船齊擁南岸適梁
正源亦帶師船繼進開放大礮連環轟擊斃賊
甚眾賊始敗走包港之賊竄至江邊亦經吳全
美等揮兵擊退現在包港趨颯港陸洲共有逆

賊三大股約二萬餘人並有賊船二百餘號停
泊孟河難保非由江陰潰退無處奔逃意欲四
散已嚴飭各幫水師加意防勦不得稍有疏虞
均奏入

上命議政王軍機大臣傳諭曾國藩左宗棠都興阿
吳棠李鴻章曰金陵官軍攻克上方橋江東橋諸
賊壘勦辦甚屬得手著曾國藩即行知曾國荃督

聖皇聖略卷三十三

飭將士乘機攻取將城外各賊營次第掃蕩俟各
路官軍會齊後再圖合圍以期攻拔堅城前據曾
國荃奏報攻克江東橋等處石壘情形與曾國藩
此次所奏大略相同所有應行獎卹人員即著曾
國藩查明彙案具奏青陽被圍一月有餘文報不
通危急萬分李榕部將鄭陽和在袁橋紮營被匪
攻陷雖經喻吉三攻破袁橋賊壘而賊勢並未大

創江忠義席寶田兩軍現已繼進著曾國藩嚴飭該提督等合謀力戰迅解城圍並著曾國藩左宗棠分飭劉典等軍速由徽郡分道山嶺規復石埭太平與江忠義等軍會合夾擊將此股賊匪就地殲除毋任旁竄涇縣甯郡各股賊匪雖經官軍擊敗尚未殄除現在皖南羣盜如毛非西趨江右卽東併金陵曾國藩現調鮑超一軍回援上游先赴

欽定剿平粵匪方略卷五十二

十四

欽定剿平粵匪方略卷五十二

十五

蕪湖甯國著卽飭令會同該處駐守各軍併力合剿先將涇縣甯國各匪掃除淨盡再行約會池太各軍將該處賊氛悉行掃蕩以期肅清金陵後路都興阿奏南岸包港趨瓢港陸洲等處共有逆匪三大股約二萬餘人並有賊船二百餘號停泊孟河等語難保該逆非由江陰潰退無處奔逃意欲四散紛竄江陰等處被難百姓固不宜禁其北渡

然匪徒之漏跡冒充亦不可不嚴行稽察沿江一帶渡口甚多豈容概行弛禁漫無防限著於衝要地方酌定何處渡口濟渡難民總以愈少愈妙便於盤詰其餘渡口概行封禁以防逆匪漏跡並著都興阿吳棠李鴻章妥議章程務於體恤難民之中仍寓防範奸宄之意毋致兩相妨礙仍著都興阿督飭水師嚴密梭巡毋令賊匪占踞沿江洲地致防剿又形費手

初六日庚戌左宗棠奏冒蔣益澧一軍圍攻富陽

自四月以來城壘各逆伏匿不出江西肅清後劉典引軍還歙相距漸近臣乃調康國器所部馳赴富陽與蔣益澧合軍進剿富陽之北雞籠山以下連築賊壘十餘處地勢最爲險要必由此進攻奪其要隘斷其糧道始可制賊死命八

月初七日遊擊徐文秀攻雞籠山賊壘副將楊政謨等攻倚城賊壘蔣益澧自率親兵馳往督戰該逆見官軍大至齊出猛鬪徐文秀督隊奮擊將頭層賊壘攻破該逆拌死回拒槍礮如雨官軍鼓譟大進遊擊余朝貴等繼之搶入二層賊壘賊勢不支余朝貴等復奮力衝殺斃賊百餘名將大小賊壘賊卡盡行攻破新橋出賊千

聖朝方略卷三十二

七

餘來援亦經徐文秀等擊退遂因賊舊壘背水結營其原泊江中拖罟廣艇及對岸大小礮船連放炸彈向城轟擊城賊大震楊政謨等攻倚城大壘城賊分隊來迎蔣益澧令副將劉清望等助戰徹夜轟擊傷賊無數初八日黎明蔣益澧復親督李運榮等馳往助剿軍士勇氣百倍首先攻破賊壘一座賊勢靡亂不敢入城竄向

新橋一路總兵王月亮等督軍截殺斃賊數百名蔣益澧飭徐文秀等由雞籠山繞出新橋併力追殺遂將富陽縣城克復其新橋各壘踞逆經高連陞等分路進攻該逆出悍黨萬餘迎敵諸軍奮力攻擊立破賊壘六座殺賊數百名劉清亮等亦踏平賊壘五座殺賊七百餘名徐文秀等督勇追至合兵長驅共破賊壘二十餘座

聖朝方略卷三十二

七

沿途斃賊不計其數生擒七百餘名奪獲旗幟器械無算查富陽一城地處上游為杭城鎖鑰逆賊負隅死守與新橋賊壘相為犄角此次水陸各軍晝夜環攻將城壘一律攻克實足快人心而彰天討蔣益澧當飭劉連陞等營渡江一面令劉清亮等八營駐紮新橋王月亮等兩營駐守富陽餘

悉隨蔣益澧沿江而下規取杭省距杭城十五里而營水師戰船已薄杭城轟擊臣復飭康國器迅率所部由富陽直趨餘杭魏喻義由新城出師夾擊如餘杭攻克卽調康國器所部襲取海甯州以固浙東之防據探首逆偽聽王陳炳汶往援嘉興現聞富陽攻破星夜回杭臣卽移營富陽相機調度至嚴州爲居中策應要區臣

聖朝聖略卷三十三

十六

現留兩營及水師一營駐之並調駐遂安之副將劉明珍兩營至嚴駐紮以資鎮壓臣仍隨時兼顧所有在事水陸弁勇可否彙案保獎出自天恩奏入
上命議政王軍機大臣傳諭左宗棠李鴻章曰富陽一城爲杭城上游鎖鑰逆賊負隅踞守經左宗棠督飭水陸各軍將縣城攻克並將新橋賊壘一併

攻破自應乘此聲勢規復杭城現在蔣益澧統率各營沿江而下偏杭城十五里而營左宗棠亦已移紮富陽相機調度著卽激勵諸軍鼓勇前進迅拔堅城水師戰船進薄杭城著嚴飭該將弁等認真攻擊與陸軍相輔而行勿稍鬆懈康國器已由富陽直趨餘杭魏喻義由新城出師夾擊著卽飭令該員等迅圖攻克以孤杭城之勢一俟餘杭攻拔卽迅速攻取海甯州城則浙東之防可固且與蘇省規取嘉善之軍聲勢可期聯絡偽聽王現由嘉興星夜回杭嘉郡自必空虛前據李鴻章奏官軍攻克嘉善縣北之西塘鎮等處賊巢此時浙軍已克富陽緊攻杭州如嘉郡機有可乘李鴻章卽可檄飭將士乘虛進擣以牽賊勢著李鴻章酌量調遣

聖朝聖略卷三十三

十九

上諭內閣曰富陽一城爲杭城鎖鑰逆賊久踞堅守與新橋賊壘相爲犄角此次各軍晝夜環攻將城賊壘賊悉數殲除實足以振軍威而寒逆膽著左宗棠督飭蔣益澧等節節進取迅速攻拔杭城肅清全省所有在事出力水陸弁勇著准其彙案保奏候旨施恩

初七日 辛亥 陝西巡撫劉蓉奏言據探髮逆大股

聖學聖方略卷三十二

三

現在漢中府城附近數十里四面環紮復分股蔓延襄沔略陽一帶臣奉

命由蜀入秦自應先清漢南以次而北漢中被圍日久尤須迅籌進擊力解重圍四川督臣駱秉章派出援陝候補道張由庚提督蕭慶高總兵朱桂秋何勝必等軍均距漢郡不遠其何勝必蕭慶高兩軍已由南江通江先後進發計日均抵

漢境毛震壽所統之易佩紳一軍亦移紮兩河口其由鄂派往之健銳營因候補京堂李雲麟告假回旗暫紮興安尙未前進臣現已選募親兵星馳前往相度機宜分路攻擊統計各軍萬有七千餘人而髮逆大股號稱二十餘萬兵力實嫌單薄該逆久頓堅城大軍進勦勢恐解而東趨或仍由西鄉洋縣回竄鄖西或斜趨商洛

聖學聖方略卷三十三

三

均未可定李雲麟疊奉

諭旨飭催迅赴漢南現尙未報到營應請

旨飭令迅速馳抵軍營卽由西鄉會剿以資扼擊奏

上命議政王軍機大臣傳諭劉蓉曰據奏籌辦陝西軍務先將大概情形馳奏著卽照所議辦理至於賊情詭譎且夕變更該撫當隨時斟酌機宜妥籌

進止不爲遙制李雲麟一軍前據奏稱已由襄陽起程當經諭令迅由鄖陽赴陝解漢中之圍分兵救鎮安漢陰等處並令歸劉蓉節制毋庸單銜奏事其應由何路進剿著該撫酌度機宜就近知照辦理如賊股紛竄著飛咨川楚等省督撫迎頭合擊就地殲除勿任再擾完善

初八日壬子駱秉章奏言陝西撫臣劉蓉定於八

欽定剿平粵匪方略卷五十二

三

月十二日由川省起程取道南江馳赴陝境親督諸軍相機進剿川省所派援陝之師共計一萬三千餘名現已陸續出境惟川北與陝南犬牙交錯陝南寇氛一經大兵攻剿難保不伺隙竄蜀現飭建昌鎮總兵周達武所部武字營暨知縣曾紀鳳定武營五千餘名分布廣元昭化及陽平關一帶以備北路防剿所有太平城口

等處亦須嚴防臣撥振武軍二千餘名前往駐紮奏八

上命議政王軍機大臣傳諭駱秉章曰川省所派援陝之師現已陸續出境劉蓉亦自省起程取道南江進剿該逆一經官軍攻擊難保不紛竄蜀疆此時川北之防正當喫緊駱秉章現飭周達武曾紀鳳兩軍分布廣元昭化及陽平關一帶並撥振武

欽定剿平粵匪方略卷五十二

三

軍二千名防堵太平城口等處布置尙屬周妥著卽飭令在事文武嚴密堵截並著周達武等兩軍俟衰沔肅清後仍著進紮漢郡聽候劉蓉調遣速解城圍

初十日甲寅張集馨奏言川省援軍暨果健等營於九月十六十九等日進攻油坊街官軍挫敗退至青石關二十三等日漢中城固相繼失陷

據石泉縣知縣陸堃稟稱城固上游新造礮船盡為賊擄若該逆乘勝長驅與安危如累卵沿江而下石泉首當其衝楚北周有全所帶礮船雖經強留而襄樊戒嚴梁作楫一軍業經該省札調回防鄖陽若周有全再挂帆東去西北勢尤空虛等語接閱之下不勝憤懣查川軍進紮青石關蕭慶高等軍均在漢郡以南而東北一

欽定四庫全書

三

面並無兵勇駐守欲籌一軍往援苦無於兵可撥據探李雲麟全軍由鄖西取道山陽前隊已到漫川關臣飛咨該京堂分兵徑出石泉嚴防賊匪下竄復令毛震壽收集潰殘繞往西鄉防堵北面以顧興安並咨商湖北督撫將統帶礮船之候補知府周有全留泊茶鎮以防匪竄襲沔一帶早有賊蹤已嚴檄留壩鳳縣等廳縣會

營聯團步步嚴防無令竄出寶雞更難收拾此次郡縣失陷臣未能先事豫防咎無可辭相應請

旨將臣交部議處奏入

上命議政王軍機大臣傳諭官文駱秉章嚴樹森劉蓉李雲麟張集馨曰漢中被圍日久堅守待援張由庚等軍前既遲遲不進迫進屯雲峯寺等要隘

欽定四庫全書

三

復不能慎重進剿致軍聲大挫郡縣失陷實屬貽誤戎機劉蓉已由南江起程著即星夜前進督率漢南諸軍相機勦辦該處將領現已失利帶罪圖功如再不知愧奮必當從重治罪決不寬貸一面嚴飭毛震壽等招集潰散兵勇繞赴西鄉防堵北面李雲麟將抵山陽即著取道興安迎頭截擊梁作楫一軍業經楚省調回興安一帶空虛可慮現

在城固藏船盡爲賊擄若沿江而下其勢更熾知
府周有全所帶藏船自應留泊茶鎮著官文嚴樹
森妥籌辦理其鄖陽所屬地方並著該督撫嚴密
防範以備不虞周達武曾紀鳳等營分布廣元等
處距漢中尙不甚遠著駱秉章飭令該總兵等以
剿爲防毋事株守張集馨前奏石泉等州縣每邑
集團萬人密布漢江北岸興安一帶可保無虞此

欽定剿平粵匪方略卷三十三

三

次又稱西北勢甚空虛可見該署撫從前奏報徒
事鋪張著傳旨申飭至此次漢中失守情形摺內
聲敘未詳並著劉蓉張集馨查明詳細具奏

上諭內閣曰漢中城固相繼失守西安道張由庚記
名總兵朱桂秋派援漢南始則遷延貽誤繼復輕
進失機均著革職留營以觀後效陝西布政使毛
震壽候補知府易佩紳辦理漢南軍務日久無功

甘肅肅州鎮總兵何勝必記名提督蕭慶高經駱
秉章續派帶兵援陝此次連失二城亦難辭咎以
上四員均著交部嚴加議處張集馨未能先事豫
防著一併交部議處漢中城固文武下落及失事
情形著劉蓉查明具奏並著該撫激勵各軍迅圖
攻克毋稍延玩

欽定剿平粵匪方略卷三十三

三

欽定勦平粵匪方略卷三百五十三 癸亥年

九月十一日 乙卯 廣西巡撫張凱嵩奏言據探石

逆餘黨李幅猷擁眾數萬由蜀竄黔關入湖南

麻陽縣境近在榆市地方榆市路通洪江由武

岡城步一帶可達廣西之龍泉廳及全州西延

等處若由會同靖州過青林界可達懷遠 臣飛

咨代辦提督蕭榮芳偵探賊蹤相機堵剿並調

遊擊孔憲隆等扼要堵截一面檄飭地方文武

厚集團練布置嚴防務期實力堵禦以保無虞

奏八

上命議政王軍機大臣傳諭張凱嵩曰石逆餘黨李

幅猷竄入湖南麻陽縣境榆市地方恐其仍循熟

徑回竄粵省自應分路嚴防以免竄越著張凱嵩

咨會蕭榮芳偵探賊蹤調集兵勇扼要堵截並檄

飭各該地方文武員弁厚集團練實力防堵毋稍

疏虞

十九日 癸亥 曾國藩奏言逆匪十數萬眾竄撲青

陽縣城四面壘築圍偏八月初八日李榕督率

所部由洪山口乘夜攻破袁橋賊卡礮划銜尾

而上十六日派鄭陽和陳由立各將三百人進

紮袁橋守城將士望見援兵出隊應之賊眾兵

單城圍仍未能解十八二十一等日喻吉三喻

俊明江忠義席寶田水陸各軍先後進紮徐家

村石墨鋪等處軍聲一振二十四日席寶田由

五溪橋踰嶺攻破賊卡逆匪驚潰適彭玉麟來

自池州周歷形勢商令江忠義率八營出董家

村山後為攻卡正兵喻吉三率三營出陳家村

後為抄襲之兵李榕率師會於董家村口為接

應之兵並以喻俊明柳壽田水師分進夾山洪山兩口專攻大小賊壘爲陸師依護之兵八月二十七日水陸大舉江忠義親督黃仁遺等行近董家村從山後榛莽中擗隊緣巖而上江忠寬抄上巖腰斬賊無算徐德生躍過濠溝撲卡直入喻吉三涉水而前會合黃仁遺等擊退援賊移軍轉攻賊壘相持逾時堵逆突糾大股數

欽定剿平粵匪方略卷五十三

三

萬環布壘外圍抄我軍後路江忠義揮軍直前縱橫盪決賊遂大潰守城之軍自內擊出會合援軍悉掃賊巢直抵城根青陽之圍立解計平一百三十餘壘殲擒實逾萬人餘賊遁歸石埭一路查青陽一城逆賊以全力爭此要區意將大擾皖南掣我金陵兵勢幸託

平主威福諸將士內守外援歷三十餘日卒能拔出

重險力保危城實屬有神大局在事尤爲出力員弁應先另繕清單仰懇

恩施其餘出力員弁可否容臣查明專案奏獎陣亡花翎都司許和山等應請

飭部從優議卹

曾國藩又奏言近日軍情大江南岸青陽解圍後太平石埭旌德甯國四縣尙爲賊踞劉典等

欽定剿平粵匪方略卷五十三

甲

軍正擬由徽州出嶺會剿適因太平之賊竄入著嶺延擾許村石門一帶雖經劉典唐義訓擊退而浙江富陽新復左宗棠調札劉典回浙該臬司去後徽州防兵單弱勢難再圖嶺外現令江忠義席寶田等分兵兩路進攻石埭太平等縣惟該數軍轉戰數月尙多嬰疾未愈朱品隆亦因大病過久請假回籍調理鮑超一軍已至

南陵擬先令搜剿新河莊等處圩賊由建平直
達東壩其甯國守將劉松山涇縣守將易開俊
自八月初九十一等日大捷後十七日賊圍甯
國府劉松山力戰卻之二十二日賊至廟埠又
卻之而易開俊亦於八月二十四九月初三日
先後破賊於涇縣之茶坑平垣等處但求將皖
南各股悉數驅除東接浙師之氣北絕金陵之

聖朝聖考卷三十三

五

援則事機漸順矣奏八

上命議政王軍機大臣傳諭曾國藩左宗棠曰青陽
雖已解圍而太平石埭旌德甯國四縣尙爲賊踞
徽郡防務仍未可稍鬆左宗棠現因富陽新復札
調劉典回浙惟徽郡所屬地方爲江浙兩省屏蔽
設或復被竄擾則勦辦重煩兵力左宗棠現駐兵
富陽距徽防稍遠但關繫浙師後路亟須妥籌兼

顧仍著左宗棠隨時策應與皖南諸軍聯絡聲勢
迅掃妖氛毋稍大意太平石埭旌德甯國四縣城
於何時失陷現在是否均淪於賊著曾國藩查明
具奏江忠義席寶田各軍業經曾國藩分飭進攻
石太等縣現今秋氣已深軍營疾病當已盡痊著
該大臣嚴飭帶兵員弁激勵軍士鼓勇前進會同
鮑超一軍將皖南被陷各城次第攻克期於直達

聖朝聖考卷三十三

六

東壩會師金陵或進取廣德爲蘇浙各軍後路援
應以收聚殲之效朱品隆因病請假回籍曾否定
有日期該總兵平日帶兵得力一俟假期將滿卽
令迅速來營

上諭內閣曰青陽援軍大捷立解城圍平毀賊壘一
百三十餘座擒斬萬餘人勦辦甚屬得手著卽乘
此聲威迅將石埭等縣踞賊趕緊掃蕩所有尤爲

出力之前署廣西提督江忠義著交部從優議敘
浙江鹽運使李榕著賞給運司應得封典總兵朱
品隆著以提督交軍機處記名請旨簡放布政使
銜記名道席寶田著賞給該員兩代及本生父母
二品封典總兵喻吉三著賞給二品封典記名提
督黃仁遺徐德生均著遇有提督缺出儘先提奏
並賞給一品封典副將林志金著交軍機處記名
遇有總兵缺出請旨簡放並賞給捍勇巴圖魯名
號江忠寬著交軍機處記名遇有總兵缺出請旨
簡放記名總兵李榮發著以總兵儘先提奏並賞
加提督銜王順慶著以總兵記名請旨簡放並賞
加提督銜參將鄭喬隆著交軍機處記名遇有總
兵缺出請旨簡放副將鄭長希參將龍萬貴均著
以總兵記名請旨簡放參將陳東和著以副將儘

先補用並賞加總兵銜卽選道陳鳴志著賞加按
察使銜參將陳正珀曹復勝均著以總兵補用遊
擊何明立著以副將遇缺儘先推補都司鄭長來
著以參將遇缺儘先推補副將喻榮陞著賞給力
勇巴圖魯名號參將宋聲平著以副將儘先補用
副將洪得發著以總兵記名請旨簡放總兵成立
福著賞加提督銜參將朱步青著以副將儘先補
用遊擊朱寶隆著以參將儘先補用卽補知府易
潤壇著以道員仍歸安徽補用卽補同知直隸州
知州梅錦源著以知府仍歸安徽補用已革延平
協副將陳由立著開復副將原官陣亡都司許和
山等均著交部從優議卹其餘出力員弁著准其
擇尤保奏

同日李雲麟奏言臣於本月初四日兵抵鄖西

探知鎮安賊匪東竄山陽之九里坪圖犯楚邊
勢甚猖獗 臣正擬督兵迎剿聞探得援陝川兵
與髮逆接仗失利漢中城固相繼失守 臣不能
迅速進援致兩城次第淪陷咎無可辭相應請
旨將 臣先行

飭部嚴議至漢郡不守賊燄甚張備該逆乘勢下竄
興安亦岌岌可危設有不虞則楚師無進兵之

欽定四庫全書

九

路陝南全局更難收拾現已飛飭管帶水師之
候補知府周有全由興安駛赴石泉所屬之茶
鎮扼要嚴守該逆自難東下並飭候補遊擊張
殿甲率該營水師由鄖陽上駛會同防剿一而
飛咨候補道梁作楫分凱字三營駐守興安親
統兩營進紮茶鎮並飭兩營水師嚴行防禦俟
臣督率舊部楚軍將鎮安賊匪擊散後即當調

集諸軍同攻漢郡以期速復城垣奏入

上命議政王軍機大臣傳諭官文嚴樹森劉蓉李雲
麟曰李雲麟奏稱九月初四日兵抵鄖西探聞漢
中城固失守現已派知府周有全等分守茶鎮興
安而自率楚軍擊鎮安股匪再圖會攻漢郡等語
所籌均尚妥協李雲麟所請嚴議之處著加恩改
為交部議處該京堂即當激勵部將將鎮安賊匪
痛加剿除毋任闖入楚境仍迅即取道興安節節
進剿隨時與劉蓉會商妥辦毋稍大意周有全職
船前經諭令留泊茶鎮該京堂復派張殿甲率該
營水師由鄖陽上駛即著飭令認真防剿梁作楫
一軍前經官文等調駐鄖陽固鄂西門戶係在漢
中等城未失之先現在漢中城固不守備該逆乘
勢下竄興安等處甚屬可慮李雲麟請令梁作楫

分凱字三營駐興安親統兩營紮茶鎮並調度兩營水師嚴行防禦著官文嚴樹森卽飭該道員力顧興安毋庸退紮鄖陽以資控扼如鎮安賊衆李雲麟兵力不敷仍著官文等妥籌調派以壯聲援劉蓉諒已由川入陝著懷遵前旨星速前進嚴飭毛震壽等繞赴西鄉防堵北面並督飭張由庚等力圖規復郡縣以贖前愆興安爲楚陝門戶其地險峻易守該撫當督飭地方文武及楚省援軍極力固守以勦爲防勿使再有疏失李雲麟一軍勦辦鎮安賊匪後應由何路會勦著隨時知照辦理川中援陝之師前因統率無人號令不一致有挫敗該撫到後務申明禁令一新壁壘自能所向有功不負朝廷破格擢用之意勉之

二十日甲子
子 惲世臨奏言髮逆李幅猷一股關入

欽定剿平粵匪方略卷五十三

十一

楚境旣不獲逞志於浦市乃橫竄榆枝灣圖由辰谿以窺辰州水師哨官把總李曾榮禦賊陣亡適臣前調各營先後馳抵辰州賊偵知有備復由浦市竄向芷江黔陽兩縣地境勢將渡河東竄經官軍於江西街白土塘等處扼要堵截賊不得逞復分股由他處乘夜暗渡屯踞托口官軍分路進攻縱橫轟擊賊勢不支紛向墓坪竄逸我軍跟追十餘里共斃賊千數百名該逆翻山狂竄八月十五日賊之前隊猝犯會同知縣鄧爾昌倉卒登陴賊蟻附登城鄧爾昌罵賊被害十六十七等日總兵周洪印知府戈鑑等軍馳至會同三面環攻旋由東門攻入立將會同縣城克復追殺二十餘里斃賊一千數百名陣斬僞軍略梁姓等二名趙福元一軍復於鳳

欽定剿平粵匪方略卷五十三

十二

陽坪截殺千餘名餘賊蒼黃奔潰併竄綏甯賊甫入城各軍踵至奪門而入賊分竄長安堡青林界查該處緊接廣西融懷若該逆擾及龍勝永甯則湖南之城步新甯皆屬喫緊兼恐由興安全州灌陽以入永屬之江華永明現飭王永章由武岡拔回永州籌畫零東江永道五屬防務飭趙元福等軍從武岡新甯以至東安探明

聖朝聖旨卷之三

三

賊蹤相機進剿飭前江蘇臬司陳士杰與永州各營聯絡防堵飭都司熊宗洛率水師一營駐永棧巡上游江面並咨會兩廣督臣將張運蘭等入粵之師先在郴宜樂昌一帶暫駐如果該逆計圖入江便可會合楚軍扼其東趨一面咨會廣西撫臣派兵駐紮興全聯永州防兵為一氣總期節節布置使該逆進退失據惟此次逆

匪實數不下三四萬粵西地方瘠苦非賊所戀或竄廣東或竄江西均在意計之中臣惟有嚴督在事文武認真防範以期迅掃賊氛補用同知直隸州革職留任會同縣知縣鄧爾昌罵賊捐軀受害最慘應請開復革職留任處分照同知直隸州知州例從優

聖朝聖旨卷之三

十四

賜卹綏甯縣知縣邵承湜守備不設致被賊擾應請革職查辦如查有先期逃避情事再行據實奏麻陽縣知縣署黔陽縣事榮懷珍於防守事宜毫無布置河干所泊杉槁並不先期押令下駛以致賊得渡河實屬玩忽貽誤應請旨革職永不敘用奏入

上命議政王軍機大臣傳諭惲世臨沈葆楨張凱嵩

曰逆首李幅猷率黨由浦市竄向芷江黔陽一帶
猝陷會同縣城經官軍追至將城池攻克賊復竄
陷綏甯官兵跟蹤追至該逆遂竄長安堡青林界
惲世臨現飭周洪印戈鑑等扼駐靖綏以防回竄
令陳士杰熊宗洛水陸各營防堵永州等處趙福
元等軍由武岡新甯至東安一帶沿途探剿並留
張運蘭等入粵之師先在郴宜樂昌暫駐以防該

欽定剿平粵匪方略卷三十三

十五

逆東竄江省惟此股賊數尙不下三四萬人勢甚
剽疾此次官軍雖於托口及會同縣城鳳陽坪等
處斃賊各千餘名均已勢成尾追且於大股賊勢
無損惲世臨務當分飭各軍迎頭攔剿痛加掃蕩
毋得徒事跟追致令賊蹤任意蔓延擾及鄰省江
西爲皖浙金陵諸軍後路東南大局最關緊要劉
典一軍前由江西回駐徽郡現復經左宗棠調回

浙省饒九兩郡防兵勢已較單設李幅猷一股再
由楚南竄入江境恐東西兩面防剿卽有兼顧不
遑之勢著惲世臨嚴督在事文武實力堵剿務將
此股就地殲除毋得縱令東竄並著沈葆楨選派
得力將士鼓勵鄉團扼要堵截毋令賊蹤擾及邊
界綏甯地接融懷兼可東趨永甯等處著張凱嵩
速撥兵勇分扼龍勝永甯及興安全州灌陽等處

欽定剿平粵匪方略卷三十三

十六

以防賊匪竄入並與楚軍互相聯絡務期迅掃逆
氛不可稍分畛域惲世臨摺內所稱長安堡青林
界究係何縣所屬地方並未聲敘明晰嗣後奏報
務當將地理軍情詳細敘明

上諭內閣曰逆首李幅猷股匪竄入湖南被剿狂竄
猝至會同縣蟻附入城官軍追至三面環攻立將
縣城克復賊復竄陷綏甯縣城官軍跟蹤追至分

門攻入立將該縣城池攻克著憚世臨督飭各營將士嚴密兜剿就地殲除毋任旁竄會同縣知縣補用同知直隸州知州鄧爾昌罵賊捐軀被害甚慘深堪憫惻著開復革職留任處分交部照同知直隸州知州例從優議卹把總李曾榮著照本職從優議卹綬甯縣知縣邵承湜失守城池著卽革職查辦如有先期逃避情事著卽從嚴懲辦署黔

勦平匪略卷之三

十七

陽縣事麻陽縣知縣榮懷珍於防守事宜毫無布置河干所泊杉筏並不先期押令下駛以致賊得渡河實屬玩誤著卽革職永不敘用

二十一日乙丑李鴻章奏言各營規取無錫聯絡

進紮八月二十二十一二等日李鶴章派令張

樹聲等軍列隊芙蓉山突有賊匪七八千人來

撲各軍迎前擊退連奪賊卡迨至城根立將西

勦平匪略卷之三

十八

北兩門各賊壘一律平毀燒燬賊船十餘號二十六七等日偽侍王李侍賢等率眾四五萬人由無錫南門至坊前梅村三十餘里賊氛一片高橋大股亦分眾七八千人擾至西高山李鶴章派令各軍分路迎剿郭松林督帶馬隊衝殺東路散賊設伏誘擊賊隊大亂悉向坊前梅村敗走滕嗣武等軍由東王橋包抄夾擊擒斬千餘人張樹珊等合擊街西股賊正追殺間該逆復出礮船數十號將抄我後張樹聲等揮隊截擊並飭參將李正珮槍船助剿將陸路之賊斬擒幾盡並奪獲礮船五六十號生擒賊目三十餘名高橋大股及北門出竄之賊亦經周盛波等擊退賊敗入城二十九日偽忠王糾合水陸賊匪十餘萬由蘇州竄出直犯大橋角官軍營

盤李鶴章督軍馳援周壽昌率親兵數千人向賊船施放槍礮燒燬賊船八隻斃賊數百名其對河悍逆復由浮橋偷渡圍偏官軍營盤吳勝清督率各軍擊斃賊屍狼藉適援軍大集勇氣百倍張樹珊率洋槍隊衝擊斃賊百餘賊猶死拒各軍分隊抄擊連拋火彈延燒該逆藥簍張士芳等揮軍直入往來馳突四面環攻該逆奪

欽定剿平粵匪方略卷五十三

十九

路奔竄復被董鳳高等率劈山礮隊扼橋截擊斃賊數百名餘匪落河溺斃者無數南面之賊並經黃翼升等率洋槍隊橫擊之擊沈賊船多隻大橋角之圍立解其退踞黃埭及分竄緱山芙蓉山之賊均經官軍連日擊退擒斬甚多並燒燬火輪船礮船多隻訊據賊供偽祥王黃濬芸偽納王邵泳寬偽忠王之子均被官兵擊敗

落水淹斃查我軍進圖無錫蘇賊日見危蹙偽忠王李秀城偽侍王李侍賢率大股來援欲攻破大橋角營盤直入常熟太倉擾我後路擊我兵勢幸將士用命苦戰連旬轉危爲安臣仍慎密防備並飭李鶴章程學啟等穩紮穩進以圖攻取此次尤爲出力人員謹先行開列懇請獎勵其餘在事出力員弁可否容臣查明彙案請

欽定剿平粵匪方略卷五十三

二十

獎出自逾格

天恩陣亡之都司銜守備施本仁請

飭部照都司陣亡例議卹

李鴻章又奏言程學啟一軍自攻克寶帶橋後卽商同李朝斌戈登扼要駐守八月十九日忠逆糾衆七八萬來撲程學啟督兵截擊鏖戰八時之久傷斃無算賊始敗退九月初二日賊由

齊叟葑三門分股出犯約四五萬衆程學啟督軍迎戰槍礮輪施偪賊退至護城河邊始行收隊嘉興大股分路入竄踞紮七里橋蔓延二十餘里經駐守之副將何安泰等迎擊力戰竟日斃賊數百總兵陳有昇馳至腹背夾擊賊始敗退初四五等日湖州嘉興之賊分竄吳江東南其由平望至同里一路賊衆亦四出焚擄李朝斌等督隊擊退平毀賊卡數十處查蘇州城大池深附河堅壘攻取頗難忠逆又挾衆來援時欲乘虛擾我後路刻下兵力尙單似須各路得手賊勢稍分乃可乘機攻克奏入

上命議政王軍機大臣傳諭李鴻章曰李鴻章督飭各營進規無錫聯絡進紮僞忠王等各率大股來援計圖攻破大橋角等營盤直入常熟太倉掣動

各軍後路諸軍苦戰擊走援賊各營得以轉危爲安我軍將士實爲異常出力踴躍用命深堪嘉尙著李鴻章加意拊循傳旨嘉獎此時援賊屢敗城賊亦經疊創而困獸猶鬪仍應飭令李鶴章程學啟等穩紮穩進毋以垂成之功稍涉驕懈嘉興湖州逆黨各竄吳江同里平望亦經各路之軍力戰敗走惟蘇州城大池深賊以附河堅壘而面死守屢欲乘虛狡逞著李鴻章飭令程學啟李朝斌等嚴扼要隘制其奔突仍當聯絡各路之軍相機攻取

上諭內閣曰官軍進攻無錫分路擊敗水陸援賊勦辦甚爲奮勉著李鴻章乘此聲威督飭李鶴章等軍速克堅城並乘勝直搗蘇垣將餘逆悉數殲除以靖疆圉所有此次尤爲出力之總兵王東華著

賞給正一品封典記名總兵滕嗣武黃中元均著
賞加提督銜江蘇道員張樹聲著賞給卓勇巴圖
魯名號副將銜周壽昌顏邦桂均著以副將儘先
補用周壽昌並賞給莊勇巴圖魯名號參將吳勝
清著賞給冠勇巴圖魯名號童邦喜著賞給技勇
巴圖魯名號王平西著賞給勝勇巴圖魯名號遊
擊董鳳高著賞給精勇巴圖魯名號都司張士芳
著賞給強勇巴圖魯名號守備楊正國著賞給翼
勇巴圖魯名號孔慶玉童虎臣均著以遊擊補用
並賞加副將銜汪丙炎著以都司補用並賞加遊
擊銜其餘在事出力員弁著李鴻章查明彙案請
獎陣亡之花翎都司銜守備施本仁著交部照都
司陣亡例議卹

二十二日
丙寅 都興阿奏言欽奉

欽定剿平粵匪方略

卷三五三

諭旨飭令酌設渡口濟渡難民查靖江縣之八圩六
圩兩港緊對江陰地勢扼要稽察易周擬卽在
該兩港口各設巡船二隻以六圩港專渡難民
以八圩港專渡南岸水陸兵勇其餘各港口仍
應概行封禁 臣一面嚴飭該處員弁妥辦一面
咨會李鴻章吳棠查照如有另辦章程仍隨時
酌覈妥議務於體恤難民之中仍寓嚴防奸宄
之意至水師扼泊長江防勦最關緊要刻下南
岸咸隄壘向利港劉港包港姚家橋等處竄撲
雖經各軍擊退而防範不容稍鬆據吳全美稟
稱以總兵郭定猷一營移紮丹徒至包港一帶
參將梁正源一營派防包港以下圩塘口提督
賴鎮海及副將林宜華兩營仍派原防該總兵
可於三江營適中之地上下策應 臣准有督飭

欽定剿平粵匪方略

卷三五三

水師嚴密梭巡毋令賊匪偷渡奏入

上命議政王軍機大臣傳諭都興阿曰據奏酌設渡

船濟渡難民籌辦尙屬妥協卽著飭令地方文武

妥籌辦理毋稍疏懈至水師扼泊長江防範最關

緊要江陰克復南岸賊匪雖屢被官軍擊退而賊

蹤出沒無常亟宜扼要設防相機堵剿著卽督飭

吳全美統率水師各營弁聯絡聲勢遇賊卽擊以

聖朝軍略卷三十三

三

免滋蔓

二十八日

壬申

駱秉章奏言髮逆李幅猷擁眾數

萬由正安婺川一帶竄入彭水之周家寨經總

兵李復勝等分路進剿斬馘無算疊破賊卡該

逆出巢抗拒我軍奮勇衝突開礮轟破賊壘斃

賊約千餘名餘賊向梅子垵敗竄官軍跟蹤追

剿復斬馘千餘級生擒三百餘名賊乃翻山向

西陽之學堂坪兩河口竄走其前隊已突竄黔

江之分水嶺李復勝等分兵攻擊將拒賊擊敗

進逼兩河口直搗賊巢賊勢不支紛紛敗走其

竄入黔江者被官軍追殺千餘名該逆遂由綫

壩遁入湖北之咸豐縣界旋竄黔江之沙子坪

我軍乘勢掩殺斃賊二三千名敗賊竄往龍潭

各軍乘勝追殺斬馘悍賊二千餘名賊奪路奔

聖朝軍略卷三十三

三

竄秀山之容溪一帶官軍沿途追殺斬馘數百

餘賊敗竄平塊邑梅場兵勇追殺不計其數該

逆遂由邑梅濫橋遁入黔境現據探報餘賊由

花園逃竄湖南麻陽一帶被楚師截爲數起該

逆驚魂未定復被痛創殘燄諒難再張惟銅仁

包逆尙在黔蜀邊界西秀之防旣難遽撤而援

陝諸軍現甫失利川北雖有武宇定武兩軍分

布昭廣平武等處要隘並派振武四營駐防太平究覺地廣兵單不能無慮臣現札飭果後軍暫留三營以防秀山邊界其餘九營調赴保甯一帶以備防剿

駱秉章又奏言援陝諸軍敗挫賊勢必張竊慮該逆乘我敗退窺伺川疆川北各隘之防更形喫重陝西撫臣劉蓉已抵保甯臣已飛咨知會

聖朝方略卷三十三

三

然劉蓉所帶僅有親兵其恃以進剿者卽此湘果等軍一萬餘人銳氣旣挫急切難圖進剿儘賊以全力注蜀尤難堵拏臣已調分駐涪州等處之果後九營馳赴保甯一路旣可助劉蓉之聲威並可隨時堵禦以防奔突再據總兵周達武馳報漢中府城已於二十一日失陷城中文武不知下落合併附陳奏入

上命議政王軍機大臣傳諭駱秉章勞崇光憚世臨

劉蓉張亮基曰髮逆李幅猷被川軍擊敗遁入黔境餘賊自花園入湖南麻陽一帶與憚世臨前奏情形大略相同該逆經楚軍截剿後復被痛創殘燄諒難再張亟應協力進剿以圖聚殲著駱秉章憚世臨各飭在防官軍會合進攻兩面夾擊務將此股賊匪就地掃除毋令再肆蔓延李幅猷股旣

聖朝方略卷三十三

三

遁入黔境黔省銅仁包逆現尙遊駛黔蜀邊界西秀一帶自應嚴密防禦所有駐防秀山三營卽著駱秉章飭令認真捍禦嚴加守備毋稍疏懈並著勞崇光張亮基迅派得力兵將將李幅猷敗竄餘匪分投夾擊實力殲除毋任蔓延漢南援軍新挫賊勢鴟張川北各隘之防亦形喫重駱秉章札調果後九營馳赴保甯一路務須飭令派出官軍實

力防勦以固川疆劉蓉已抵保甯著卽迅速前進
相機勦辦迅克漢中城固等城惟該撫所恃以進
勦之軍卽此湘果等營現在銳氣已挫一時恐難
進攻應否將派赴保甯之果後九營移紮前敵協
同勦洗之處著駱秉章劉蓉酌度情形妥籌辦理

聖學聖方略卷三十三

三

欽定勦平粵匪方略卷三百五十四 癸亥年

十月初三日 丙子 李鴻章奏言程學啟一軍攻克

寶帶橋後商同李朝斌戈登分投堵勦寶帶橋

西有五龍橋爲蘇州入太湖之鎖鑰該處賊紮

堅壘六座憑河死守九月十二日程學啟飭周

良才等嚴守永安橋老營親率五營並洋槍隊

二千人及水師陳東友成俞卿等由寶帶橋分

勦平粵匪方略卷三十四

一

路進攻五龍橋逆壘戈登以開花大礮攻其左

轟傷垛賊多名賊猶抵死不退李朝斌由左首

小河繞出賊後用礮轟擊賊旗已亂成俞卿陳

東友乘勢蹙之戈登帶隊緣牆而上陳忠德等

撲入賊營之右立破大營兩座土營四座追斬

潰賊鮮得脫者暮逆突由盤門擁衆來援經張

遇春等擊退計是役擒賊四百餘名傷斃千餘

中央民族
學院圖書
館藏書

落水死者無算其嘉湖竄撲吳江同里之賊經
知州吳毓芬參將何安泰等於初六初八初九
初十等日敗於長板橋等處而百龍橋八坼一
帶賊營密布直至平望程學啟令戈登暫駐五
龍橋十五日自督水陸各軍從吳江分路進擊
戈登派洋人克根本等分帶礮位出隊助剿各
破沿途賊營十餘座進至八坼諸軍會合夾攻

聖朝聖略卷三十四

二

生擒偽貴王陳得勝及悍賊一千餘名斬殺三
千餘名共破賊營三十餘座追至平望賊匪望
風奔潰訊據擒賊供稱偽會王榮王貴王帶賊
三萬餘人逃出者不及一半臣查官軍進攻蘇
州紫永安橋而婁門路斷紫寶帶橋而葑門路
斷茲攻克五龍橋而盤門太湖之路又斷蘇逆
遂勾通浙逆圖撲吳江以擾我後經程學啟與

戈登李朝斌協力迎剿幾使嘉湖援賊片甲不
歸從此攻蘇之軍不虞牽掣臣飭程學啟調陳
有昇梁安邦二營扼紫五龍橋張遇春二營扼
紫寶帶橋鄭國魁二營移守同里之長生橋均
派太湖水師分駐依護仍令程學啟戈登督帶
槍礮隊伍四路游擊隨時會商李鶴章等先將
援賊擊退再行設法攻城惟分布太廣兵力過

聖朝聖略卷三十四

三

單必須穩慎籌辦以固全局
李鶴章又奏言忠逆自大橋角敗退後糾集大
股賊匪八九萬眾船千餘隻停泊運河口令各
偽王由望亭后宅滾營前進圖竄常熟抄我後
路九月初四日郭松林督率馬步剿賊於茅塘
奮勇衝殺擒斬多名賊始退回滕嗣武張樹珊
等亦於是日擊退蘇舍橋一帶之賊初八日李

鶴章親督各軍進至后宅忠逆率黨出拒我軍
排放槍礮直奪其卡滕嗣武合力追逐賊遁入
營其街北一營最堅街西賊營無數皆倚河爲
壘滕嗣武張樹珊先攻街北賊營賊伏不動營
後賊眾數萬突出猛撲我軍轉至街西大橋整
隊鏖戰斃賊數千名李鶴章督催橋東大隊踰
街衝突賊始敗退李鶴章遂留滕嗣武三營併

聖朝聖略卷三十四

四



聖朝聖略卷三十四

紫大橋角令張樹珊帶隊回張涇橋老營豫備
夾擊初九十一等日郭松林率隊屢敗賊於紅
山等處十三日忠逆率大股由后宅竄撲安鎮
郭松林復擊走之擒斬頗眾江陰西南焦塾芙
蓉圩等處爲僞護王賊眾踞守日在江陰城西
掘掠並以斜橋三河口築壘十餘座劉銘傳進
駐青陽於九月初二日先攻芙蓉圩之賊破其

外卡搭橋渡河圩賊萬餘分路來撲劉銘傳令
彭楚文守護浮橋劉盛藻等從兩邊圩塹迎擊
劉東堂等由圩心迎擊水深數尺各勇解衣耐
戰賊遂大敗護逆以木板浮河逸去斬僞天將
馬逆一名擒僞官五百餘人芙蓉圩等處卡館
一律掃清初三初五等日唐殿魁等進剿焦塾
之賊劉銘傳自率五營繞攻焦塾之後劉盛藻

聖朝聖略卷三十四

五



聖朝聖略卷三十四

奪石巖山河口賊卡二處張桂芳敗西路援賊
各軍分攻河東南北三路賊營擒殺踞賊二千
餘名立將焦塾賊營踏毀乘勝攻踏三河口賊
營十餘座十一二等日各營迎剿侍逆大股又
破賊眾於西高山聯營進紮侍逆退踞高橋臣
查忠侍各逆全勢萃於西路力援無錫以護蘇
州援賊一日不清則蘇錫不能進取護逆一股

受創已深侍逆亦爲劉銘傳等擊敗退踞高橋其鋒稍挫我軍可以專意併圖忠逆臣現飭李鶴章與劉銘傳郭松林張樹聲等堅紮營濠以固後路抽派精銳直逼賊壘合力進攻總須擊退忠逆錫蘇各城乃可漸圖陣亡守備楊人傑把總但成喜應請

飭部從優議卹奏入

欽定剿平粵匪方略卷三十四

六

上命議政王軍機大臣傳諭李鴻章曰現在蘇州婁門葑門盤門各路俱斷嘉湖援賊復受大創事機甚爲順手著李鴻章卽飭五龍橋寶帶橋長生橋水陸各軍嚴密扼紮毋致爲賊所乘惟忠逆糾合各僞王大股萃於西路力援無錫以護蘇城援賊一日不清則蘇錫勢難進取現在護逆受創於芙蓉圩侍逆亦爲劉銘傳等逐退高橋其鋒已挫卽

著飭令各軍合力併圖忠逆先將該逆大股痛加勦戮再行設法攻城惟值此蘇賊窮蹙各軍屢勝之餘尤當穩紮穩進不可稍有挫失陣亡守備楊人傑把總但成喜均著交部從優議卹

初六日己卯曾國藩奏言本年七月下旬太平逆

會古澆賢石埭逆會賴汝鴻等乘青陽被圍時各糾大股蓄意犯涇古逆一股踞聚茂林潘村

欽定剿平粵匪方略卷三十四

七

等處甯國守將劉松山督隊於八月初八日馳抵涇城與守涇之易開俊會商先擊章家渡之賊以便徐圖茂林初九日劉松山易開俊令章瑞璿陳名鈺等分投前進道出丁家渡斬卡賊數人餘賊退入章家渡易開俊劉松山等催軍猛擊斬賊頗多突有花旗一股自金村來援章家渡敗賊回戈轉鬪陳青雲率隊斜刺而入章

合才易德麟併力乘之王華國等從葦箐中抄出賊後賊敗竄水南都易開俊謀之劉松山於十一日馳赴茂林至則鳳村李村之賊聞風悉遁乃以六旗攻茂林四壘以二旗攻潘村三壘茂林之賊踰橋來拒鄧光武等偪賊退至村口章合才率眾追之壘賊千餘來援易德麟騎隊橫出邀截章合才王華國等從村後包抄賊隊

聖朝聖略卷三十四

八

遂亂壘賊亦潰其攻中二壘者爲歐陽廷易致中見古會出巢督戰歐陽廷以一旗掠陣易致中昇巨礮轟之古會負創返奔易開俊亦率勁隊馳至施放火器燼賊壘二座潘村三壘亦爲陳青雲張恆舟所破於是合軍追逐又踏二壘於潘村之後餘黨向太平老巢而遁至甯國北臨羣賊嘯聚聞劉松山赴涇甯郡空虛謀襲

城十四日劉松山引軍馳回令各門繕修守具十七日諜報賊至油榨溝將以詰朝來襲劉松山令章瑞璿等夜出南門繞過敬亭山擇險設伏又令張聲壯易德麟等在西城嚴陣以待天甫向曙賊數千人沿河擁至踰濠競進劉松山令張聲壯陳世隆等分勦西南兩門之賊自督胡文高章合才等自北門出攻賊不及備死於

聖朝聖略卷三十四

九

濠下者甚多驅賊至北門衝張聲壯易德麟等適從西門追來遂將北門兩股一併擊退賊之在南門者將由敬亭山折竄而北不料伏軍橫斷歸路賊乃東奔廟埠劉松山又遣章合才等前後夾擊斬馘無算賊走涇河一帶爭舟舟覆多溺水者劉松山又於二十二日率張玉迪章合才等迎賊於廟埠賊不戰而退楊玉迪進軍

油榨溝奮擊帶傷突陣賊循河下竄維時涇縣之水南都尙有踞匪屬聚丁塘茶坑一帶二十四日易開俊密諭各營乘夜出奇雕勦比曉進圍四頁村執先鋒賊數百名斬之丁塘等處賊卡均被攻破賊由雲嶺西竄水南都旋踞平垣九月初三日易開俊軍次平垣五里許令蕭章開等分路進擊賊悉踰崖而遁初七日晏公塘零匪與壩頭曹溪各股併退風坑易開俊於初八日出隊琴溪橋下設伏誘賊賊自風坑來撲曹義勝等接戰佯卻引入伏中歐陽廷等突出包圍亂刃交錯賊不能支敗往甯國縣而去臣查甯國涇縣地居皖南數屬之中自上年易開俊劉松山等統軍分駐兩城屢卻大敵復能馳驅援應保全大局把總鄧光武外委雷國英力

欽定剿平粵匪方略卷三十四

十

戰陣亡均請

飭部從優議卹

同日左宗棠奏言臣於富陽克復後卽飭康國器魏喻義與楚軍各營由富陽圍攻餘杭蔣益澧令劉清亮助之而自駐留下地方居中調遣兩路疊獲勝仗攻破城外賊壘賊卡數十處事機頗爲順利惟賊勢尙熾自杭城至餘杭連營數十里希圖抗拒臣本擬進駐富陽適得徽州各路警報太平石埭之賊紛紛過嶺犯及歙休黟祁各境劉典王開琳等各率所部防勦均獲勝仗賊雖敗遁歸巢勇股時由績溪歙縣各境踰嶺紛擾又探皖北之賊圖越浙境以援杭州餘杭股數甚多嚴州防務喫緊臣未可遽離此閒故暫緩富陽之行相機布置現聞青陽解圍

欽定剿平粵匪方略卷三十四

十一

逆賊有趨浙境之勢已分遣各營防守新城分水富陽並飭劉典暫緩出嶺相機截擊臣督親兵三營仍駐嚴州以期兼顧臣營中將士及地方印委各員多染疫物故者移紮新城分水各營亦然節交霜降疫氣仍未衰減殊為憂煩所有各路獲勝詳細情形容即專摺奏報均奏入上命議政王軍機大臣傳諭會國藩左宗棠曰逆會

聖學聖略卷五十四

十一

古滄蕘等糾合大股匪徒圖犯涇縣經劉松山督隊往援會同易開俊合力迎擊連破茂林潘村等處賊壘嗣甯國北路之賊謀襲郡城劉松山聞信馳回開門出擊賊股相率敗遁該鎮將等往來策應屢卻大敵勦辦頗為出力惟石埭太平尚為賊踞皖南羣匪蟻聚必須由上游各城掃蕩而下著會國藩嚴飭江忠義李榕等激勵諸軍鼓勇前進

迅將石太一帶賊壘悉數削平與易開俊劉松山等廓清皖南全境俾金陵之師無後顧之患方為妥善微浙軍務互相表裏微郡餘孽未清歛休駭祁路路可通難保不乘隙竄越浙境左宗棠自應仍駐嚴州相機布置著即飭令劉典王開琳等嚴防徽郡各屬毋任該匪闖入其進偏杭城餘杭之師並著密飭蔣益澧分飭所部穩守營壘不可輕

聖學聖略卷五十四

十二

率前進致為該匪所乘節交霜降何以該省疫氣尚未消除據奏營中將士及地方印委各員物故者多軍士如此百姓可知覽奏曷勝憫惻該督務當宣布朝廷德意善為撫綏感召

天和潛消疹癘以期軍務日有起色會國藩奏請將陣亡把總鄧光武外委雷國英優卹等語均著照所請交部從優議卹

曾國藩又奏旨遵查已革水師總兵黃彬案款
臣訊據供詞細覈原系各款水師將佐實未
在劉河打仗巡撫衙門並無周姓控案即沿江卡
釐既歸臺局經理亦無侵吞實據惟在船宴客
索取米帳兩事案關通賊情節較重反覆推勘
派員密訪均未查有確證然於游匪潛濟賊米
未能覺察恐其部卒亦不免參錯其中以致物

欽定剿平粵匪方略卷五十四

十四

議沸騰實非尋常失察可比自應從重比例擬
結查例開姦徒偷運米穀接濟奸匪者較失察
各官照例議處此案已革黃巖鎮總兵黃彬雖
訊無通賊重情乃以幫辦軍務總統水師大員
既不能攻克城池肅清江面又不能禁遏奸匪
接濟賊糧科以失察議處之例殊覺過於輕縱
業經革職在先仍擬請

旨將黃彬發軍臺效力贖罪以肅軍政奏入

上諭內閣曰已革總兵黃彬被案各情雖經曾國藩
查無實據惟以幫辦軍務總統水師大員既不能
攻克城池肅清江面又不能禁遏奸匪接濟賊糧
實非尋常失察可比黃彬著即發往軍臺效力贖
罪

初七日庚辰雲貴總督勞崇光署貴州巡撫張亮

欽定剿平粵匪方略卷五十四

十五

基奏言據署松桃同知劉侶鶴等稟稱髮逆李
宰輔等被葵川兵勇擊退尙存五六千人逃往
四川彭水縣境七月十三日竄至西陽州屬龍
潭地方旋竄秀山縣境逼近松桃劉侶鶴等厚
集兵練扼防該匪由閒道越嶺分股竄入廳境
劉侶鶴等督率兵勇向長興堡併力攻擊斃匪
數百名賊遂奔潰我軍跟蹤追剿復斃匪三四

百名生擒五十餘名正法追至湖南邊境弭落
地方始行收隊現飭該文武仍派兵勇扼守各
隘以防回竄奏入

上命議政王軍機大臣傳諭勞崇光張亮基駱秉章
惲世臨曰髮逆李宰輔等經婺川兵勇擊退後逃
往四川彭水縣境復由酉秀等處竄入黔省松桃
廳經同知劉侶鶴等督率兵勇擊退追至湖南邊

勦平匪方略卷三十四

十一

境弭落地方此股逆匪往來川黔楚南邊境奔突
靡常非三省合剿不能杜其紛竄著勞崇光張亮
基駱秉章惲世臨各派兵勇合力攻剿務將該匪
四面兜圍迅速殄滅不得稍分畛域致令乘隙奔
逃復形滋蔓

初八日辛巳張凱嵩奏言前探石逆餘黨李幅猷
由粵竄楚當咨代辦提督蕭榮芳調軍擇要堵

截一面嚴檄地方文武集練嚴防八月二十四
日該逆已由楚省之青林界竄入粵西龍勝驛
境通判曹德炘率領團練會同代理義甯協副
將扼駐防守二十七日該匪分股數千翻山繞
出防兵之後竄擾都乃地方大肆焚掠在籍總
兵胡元昌自督鄉團截擊奮勇衝鋒手刃數賊
旋因賊眾勇少力盡被害該匪遂屯踞仰寨沂

勦平匪方略卷三十四

十七

潭等處二十八九等日曹德炘調團攻賊疊有
斬擒賊匪沿河逃遁署義甯縣知縣汪元崇等
帶練跟追殺賊多名賊由馬蹏汎芙蓉塘竄往
湖南城步縣境其後隊之賊為兵練所遏退竄
斗江關入懷遠縣境臣以懷遠路達潯梧亟應
制其奔竄派副將黃仲慶帶勇千名由省堵剿
並以城步與興安全州接壤北路宜防復派都

司唐應瑞募勇五百名以資策應旋探前竄城步之賊於九月初五日由興安僻徑突至界首圖擾省城北路署興安縣知縣錫敬齊團截勦該匪奔往灌陽縣界署知縣趙準等設伏以待初八日敗之於古嶺頭又敗之於立安寨職檢甚眾都司唐應瑞帶勇趕至全州知州葉葆元督勇合勦斃匪四百餘名生擒十二名初九日

欽定剿平粵匪方略卷三十四

十一

追至鋪門該匪回旗轉鬪我軍奮力酣戰匪遂遁往文村沿途擊斃三百餘名生擒九名該匪由烏水村直出道州地界其斗江一股志在由柳竄潯擾及融縣境內千總李德全師船已抵融縣遊擊孔憲隆等帶軍將次抵境太平府知府鳳貴亦會督地方文武分扼水陸要路九月初三日賊復由斗江折竄懷遠初四初五等日

屢為洞練擊敗竄至程陽冠洞平鋪等處屢被團練擊退斃匪不可勝計初九日各團約會圍攻斬悍賊百餘名生擒十餘名該逆逃往茶溪水團一帶其地為黔楚粵三省交界臣查此起匪徒入粵以後被擊分竄逆首李幅猷究在何處犯供互異尚難指實近聞北竄之匪復為道州兵勇擊敗臣已嚴飭全州等處文武加意嚴

欽定剿平粵匪方略卷三十四

十九

防黃仲慶孔憲隆等兩軍計抵懷遠已飭令迅速躡蹤將屯踞茶溪水團之賊實力圍勦並檄右江柳州各道府督屬集團併力殲除仍咨湖南貴州兩省兜勦以期全股蕩平在籍提督銜總兵胡元昌督團力戰被執遇害仰懇天恩飭部從優議卹龍勝通判曹德新代理義甯協副將思恩營遊擊甘應經臣札令妥籌捍衛乃

祇知設防不卽迎剿致賊由閒道竄擾總兵大員被害實屬咎無可辭應請

旨將曹德所甘應二員一併革職留營效力以示懲

儆奏入

上命議政王軍機大臣傳諭毛鴻賓晏端書郭嵩燾張亮基惲世臨張凱嵩曰張凱嵩奏髮逆李幅猷股匪由楚省之青林界竄入粵西龍勝廳境分股

聖朝聖略卷五十四

二十

三

擾及都乃屯踞仰寨沂潭等處經兵團擊退折竄湖南城步縣境後隊之賊退至斗江關入懷遠縣境內城步之賊復由興安僻徑突至界首圖擾粵西省城北路經勇練截殺多名退至湖南道州地界斗江一股擾及融縣復被紳團狗練到處截擊折回懷遠此股逆匪由楚入粵復由粵入楚分合無常奔突靡定必須會合兜剿方可杜其紛竄現

在分擾道州一股雖在楚南境內惟該處界連兩粵往返奔逃勢甚便捷著毛鴻賓晏端書郭嵩燾張凱嵩惲世臨分飭兵勇嚴扼分界要隘並令三

省將弁聯絡聲勢前截後追以期迅掃逆氛惲世

臨亦宜振刷精神嚴督在事文武將道州股匪就

地殲除不得以驅逐出境卽爲了事懷遠地方界

連黔粵楚三省著勞崇光張亮基惲世臨派撥兵

聖朝聖略卷五十四

三

勇分扼險要勿令竄入並著張凱嵩督飭兵練將茶溪水團一帶之賊實力剿洗勿任他竄張凱嵩摺內所陳鋪門等處地方究係何州縣所屬並未敘明嗣後務當詳細聲敘以清眉目上諭內閣曰張凱嵩奏李幅猷股匪竄入廣西龍勝廳境分股由斗江擾及融縣經該處師船及各地方兵團狗練分投兜剿陣斬悍賊百餘名該逆向

茶溪水圍一帶遁走在籍提督銜總兵胡元昌親督鄉團在龍勝廳都乃地方遇賊接仗因眾寡不敵被執遇害深堪憫惻著交部從優議卹龍勝通判曹德炘代理義甯協副將思恩營遊擊甘應於賊氛入境未能嚴密設防致匪蹤由閒道闖入實屬疏於布置咎無可辭均著卽行革職仍留營效力以觀後效

欽定剿平粵匪方略卷三十四

三

十三日丙戌駱秉章劉蓉奏言查漢南援軍失利

時臣劉蓉業由成都起程臣駱秉章當卽飛咨詳查失利實情以憑會辦臣劉蓉於八月二十七日行抵巴州據探援軍於十六日接仗後十九日提督蕭慶高率中軍攻油房街何勝必率右軍攻中所營陝安道張由庚率所部嚮導營循左路漢山旁抄中所營總兵朱桂秋率桂宇

營由右路抄油房街知府易佩紳率果健營攻右路李家街甫近賊卡油房街中所營之賊如潮湧至我軍施放槍礮轟擊斃賊千餘賊陣已亂蕭慶高何勝必長驅直進連拔梅花椿數重距賊巢甚近不意襄沔之賊由新集左路抄入北岸之賊復由右路抄來嚮導一軍先潰桂健兩軍亦敗該逆復出馬隊數千四而包裹官軍

欽定剿平粵匪方略卷三十四

三

血戰逾時始獲潰圍而出其時兩路包抄之賊距營不遠我軍分路抵敵斃賊數百薄暮收隊是夜賊匪多未歸巢潛伏四面山澗桂健兩軍退紮法慈院青石關等處賊知我軍勢孤遂於次日黎明由右路繞出各營之後四面合圍我軍力戰傷亡甚多至午後始突圍回營山後之賊已由後營放火於是湘果中右及嚮導等軍

盡棄輜重退至青石關一帶先是臣劉蓉奉

命督師卽慮各軍輕進致敗曾經檄飭諸軍偏營漢

郊堅壁勿戰俟臣到營後規度進剿乃各軍尙

未接到前檄因見漢郡城圍緊迫急欲一戰解

圍漢中地勢平衍賊馬便於馳騁我軍皆係步

隊又值久雨泥深不利衝擊賊衆我寡以致挫

敗漢中城固相繼失守臣駱秉章馳檄川東添

聖朝聖略卷五十四

十四

調勁旅臣劉蓉派員回楚增募新兵暫駐巴州

趕辦軍裝俟所調果後九營到齊卽行統率前

進查十九日之戰陝安道張由庚所部先潰總

兵朱桂秋知府易佩紳當事勢危急之時不能

方戰實有應得之咎該三員均應請

旨卽行革職惟張由庚平日尙能撫馭士卒此次實

因傷病未能督陣情尙可原易佩紳在漢中軍

營年餘尙能竭力支持合無仰懇

天恩俯准將張由庚革職留任並准易佩紳留營效

力以贖前愆候補提督蕭慶高何勝必進攻過

銳亦屬未能持重應請

旨一併摘去翎頂以示薄懲至各營官或有臨陣退

縮者應俟詳細查明分別懲辦陣亡之總兵賀

蘭桂蕭慶泗何玉林解洪德副將李凱章參將

聖朝聖略卷五十四

十五

徐祥泰黃星堂遊擊黎松鶴守備蕭積蕊千總

張大興升用同知蕭積玉血戰捐軀均請

旨交部從優議卹

劉蓉又奏言八月二十日援軍敗退後僞啟王

由南岸回踞漢郡東關乘夜越城放火城遂不

守旋據代理西鄉縣知縣陳爾芾稟報郡城失

後南鄭縣知縣周恭壽殉難守城將弁兵勇四

散潰逃該逆於二十四日撲陷城固縣城溯自羣賊竄擾漢中屢廛

聖慮始派李桓督辦適以病辭繼派李雲麟前征忽遭母喪展轉耽誤賊勢愈張迨臣奉

命督師蒼黃就道方冀仰仗

威德立解倒懸不謂臣未出疆聲威先挫遂使名城瓦裂逆燄臨張推其所以致敗之由一因孤軍

聖朝聖略卷三十四

三

無援誤於輕進一因漢中無險可扼以步卒當騎隊用我所短攻賊所長一因轉運不繼戰士飢疲有此三者遂處必敗之勢臣與督臣駱秉章早慮及之故於三四月閒奏派張由庚朱桂秋率師赴援復檄使暫紮邊境俟鄂師西上會合夾擊至石逆就俘蜀境稍靖又添派蕭慶高何勝必兩軍戒以勿得輕進冀俟鄂軍到後仍

爲三省會剿之謀迫聞漢中城圍孔亟而李雲

麟假期已滿杳無來音不得已檄催前進亦以

楚軍久著聲威無妨冒險一出不料軍威挫損

賊勢猖狂現惟避短用長仍圖三路進剿庶幾

轉敗爲勝惟餉源乏竭精銳銷亡比接探報衰

沔西鄉一帶賊氛密布並據毛震壽稟稱八月

初九日中旗髮匪竄近略陽代理知縣劉希寬

聖朝聖略卷三十四

三

督團禦於閉道嶺被賊兩路夾撲力竭陣亡並聞徽成階文均有賊蹤竄越附近興漢州縣亦皆可虞近日漢郡賊衆四出向通江南江毗連之龍池場一帶擄掠意圖窺伺川疆臣現督飭諸將收集殘卒分隘嚴防並檄毛震壽將兩城潰卒妥爲資遣易佩紳所部八營亦飭大加裁汰一面函催李雲麟迅率所部水陸各軍由鄂

陽徑趨西鄉會商勦辦一面派員回楚募勇三四千名練成勁旅惟由蜀抵湘往返八九千里計須臘底取齊且聞苗逆擾及裕州鄂邊戒嚴李雲麟能否會師西嚮尙難豫定臣擬俟所調果後九營到後親統進駐青石關激勸諸軍先固川疆門戶相機雕勦並檄署漢中府知府楊光澍設法採運米糧以供軍食伏乞

聖學聖略卷五十四

三

皇上迅催李雲麟裹帶行糧泝流西上以符三省會勦之議現值中旗髮逆竄近階文周達武曾紀鳳兩軍祇可嚴防川界襄沔一路尙屬無兵可籌將來臣與李雲麟分道犄角相距不宜太遠一切進止機宜尙須熟籌如李雲麟回顧楚疆不能來陝會勦則臣不宜孤軍獨進致蹈前日覆轍惟當咨商督臣酌撥四五百人分防青石

關而自率萬餘人改由廣元趨甯羌以圖襄沔庶節節痛勦尙有可圖且係通驛大路米糧便於轉輸督臣駱秉章忠誠懇至於籌餉事宜必能竭力措辦惟臣身任封圻於陝省事宜責無旁貸而道路梗阻聲息苦不相聞伏乞

皇上飭下署撫臣張集馨於一切應辦要務實心整頓勿存五日京兆之見或司庫稍有存款仍卽

聖學聖略卷五十四

三

撥濟臣軍荊州將軍多隆阿兵力尙厚或更分撥馬隊千餘名駐紮留壩以遏該逆北竄之路亦可少戢兇鋒俟臣趨襄沔約會夾擊實於通省機局有裨著南鄭縣知縣周蕃壽督勇守城臨難不苟應請特恩優加褒卹代理略陽縣知縣劉希寬禦賊捐軀並請

旨交部照例賜卹其餘文武各官容俟查明下落再行據實具奏

劉蓉又奏言查江西袁州協副將唐星照前在川中屢著戰績該副將籍隸衡陽經臣札飭就本籍衡湘一帶募勇二千名分作四營派員統帶來營以備調遣惟係實缺人員應請

旨飭下江西撫臣沈葆楨湖南撫臣惲世臨催令趕

欽定剿平粵匪方略卷三五四

三

緊募選戍軍迅速起程所需槍礮軍裝各項應請由湖南軍需局撥發該副將承領以利軍行而資攻勦奏入

上命議政王軍機大臣傳諭官文多隆阿駱秉章麟嚴樹森劉蓉李雲麟張集馨曰援陝各軍輕進失利以致漢中郡縣失陷該員弁等獲咎甚重前據張集馨陳奏各情業經降旨分別革職留營以

觀後效矣陝南逆燄臨張據劉蓉奏稱中旗髮逆

竄近略陽知縣劉希寬禦賊陣亡並徽成階文均有賊蹤竄越附近興漢州縣亦甚可危近日賊眾四出時向通江南江毗連之龍池場等處擄糧裹人大有窺伺川疆之意劉蓉現在督飭諸將收集殘兵嚴防各隘並檄毛震壽將兩城潰卒妥為資遣易佩紳所部亦飭大加裁汰一面派員回楚募

欽定剿平粵匪方略卷三五四

三

勇三四千名練成勁旅擬俟果後九營到齊進駐青石關先固川省門戶相機雕勦或孤軍未能獨進則改由廣元趨甯羌以圖褒沔所籌均尙周妥籌添募之勇到營須在臘月所調之副將唐星照又遠在江西且回湘募勇亦恐緩不濟急而毛震壽又係革職留營差委之員尤恐威望不著呼應不靈設該匪乘機肆逞則陝甘川楚邊境在在可

虞劉蓉身任封圻責無旁貸著即趕緊部署就現有兵力或分防青石關徑由甯羌進圖褒沔俾該匪偵知蜀兵將至有所顧忌不敢紛竄為患徐圖相機前進方為妥善留壩廳為入西安要路劉蓉勢難兼顧並著多隆阿酌度情形如兵力有餘即抽撥馬隊千餘名駐紮留壩以遏該匪北竄之路劉蓉到任尙需時日張集馨署理撫篆斷不可存

聖朝聖學略卷五十四

三

五日京兆之見所有應辦要務必須實心整頓其漢南一帶應行防剿之處並著隨時與多隆阿熟商妥辦毋誤事機劉蓉所統各軍指日抵陝所需餉項如司庫稍有存款張集馨仍當力籌撥濟李雲麟於九月初旬行抵鄖西之上津堡節經諭令該京驛馳赴興安扼賊東竄計已行抵興郡該京卿所部係特派援陝之師著俟布置稍定即約會

劉蓉分路進剿以收夾擊之效

上又命議政王軍機大臣傳諭沈葆楨惲世臨曰陝南髮逆自竄陷漢中後蔓延日甚川陝交界處所一片賊氛劉蓉自川援陝前敵各軍挫衄非再練精銳之師不足以新壁壘副將唐星照既據劉蓉稱其堪勝統將之任即著沈葆楨飭令迅回本籍於衡湘一帶招募精壯勇丁二千名分作四營派

聖朝聖學略卷五十四

三

員統帶前赴劉蓉軍營以資調遣唐星照回湘後著惲世臨催令選募成軍趕緊起程所需槍礮軍裝各項著即由湖南撥發交該副將承領以利軍行

上諭內閣曰駱秉章劉蓉奏確查援陝各軍先勝後挫實在情形一摺除道員張由庚等業經降旨分別革職懲辦外所有接仗陣亡之總兵賀蘭桂蕭

第一二册 丹黃參日軍全書第 0 反三

慶泗何玉林解洪德副將李凱章參將徐祥泰黃
星堂遊擊黎松鶴守備蕭積蕊千總張大興同知
蕭積玉等均著交部從優議卹以慰忠魂
上又諭內閣曰陝西署南鄭縣知縣周蕃壽督勇守
城殫竭心力臨難之際大節凜然著交部從優議
卹代理略陽縣知縣劉希寬禦賊於閭道嶺力竭
陣亡殊堪矜憫著交部照例議卹

欽定剿平粵匪方略卷三百五十五 癸亥年

十月十四日丁亥都興阿奏言據吳全美稟稱風
聞洪逆遣人赴粵接眷同到上海欲由海沙英
洲等處偷渡當飭遊擊彭玉把總凌國祥參將
陳賢才舉人李銓購綫查拏九月十三日見有
小船行駛飛速追至岸邊該船人眾登岸潛逃
拏獲船中男婦九人解送水營經吳全美密訊
據稱姓洪名芒尙廣東花縣人係洪逆共祖堂
兄女眷四人幼丁四口均係洪逆家屬親戚接
往南京等語詢其另一小船供係洪逆派去接
眷之偽職曾超李四黃亞二等所乘吳全美當
派妥弁跟蹤緝拏務期弋獲先將現獲賊眷解
送來營臣委員訊明後即將該逆等正法示眾
查總統水師吳全美督船防剿戰功屢著現當

防務喫緊之時認真梭巡盤獲奸細頗爲出力
遊擊彭玉把總凌國祥參將陳賢才舉人李銓
躡獲賊黨亦有微勞可否仰懇

天恩量予獎敘出自

聖裁

都興阿又奏言據總兵郭定猷稟稱探聞諫壁
地方近山一帶由奔牛鎮來賊數千係賊酋侯

勅聖聖聖聖聖聖

二

聖聖聖聖聖聖

三

姓率領聲言前赴陸營投誠當飭各船加意防
範一面派委遊擊李廷芳督帶礮船前往察看
旋據都司吳連陞等稟報諫壁附近市鎮由奔
牛一帶續添賊黨萬人聲稱丹陽僞英王之叔
所部係查拏投誠各賊衆而來等語九月十九
日果有匪黨二三千人分撲江濱吳連陞卽飭
各船開礮轟擊該逆往來抵拒經我軍礮斃賊

目一名賊勢稍卻旋即繞向隄內列陣固拒正
相持閒適副將張瀚撥船下駛與遊擊李廷芳
同時助勦吳連陞卽飭守備梁先晃等各駕三
板會同礮划各船傍岸迎擊該逆登時潰走我
軍亦卽收隊等情查逆情詭譎當此沿江賊衆
亟思擾竄之際防禦尤關緊要現令吳全美通
飭沿江水師妥爲稽查實力嚴防奏入

上命議政王軍機大臣傳諭都興阿馮子材魁玉曰
總兵吳全美總統水師戰功屢著此次復能留心
訪察緝獲渠逆親族甚屬可嘉卽著都興阿飭令
吳全美督飭在事員弁迅將在逃之僞職曾超等
悉數弋獲盡法懲辦毋令漏網諫壁地處上游素
爲該逆垂涎此次逆黨數千聲稱投誠旋即分撲
江濱意圖一逞其計甚狡現在撲營之賊雖經都

司吳連陞等奮勇迎擊立時潰散而逆蹤山沒無常難保不再來窺伺著都興阿飭令沿江水師嚴加防範馮子材魁玉等督飭陸路兵勇隨時會同水師實力防剿毋稍疏虞

上諭內閣曰吳全美督率水師嚴防江面屢著戰功此次復能留心訪察緝獲洪逆親族辦事甚屬認真其躡緝出力之遊擊彭玉把總凌國祥參將陳

聖朝聖略卷五十五

四

賢才舉人李銓等著都興阿奏請獎勵以昭激勸

十七日庚寅左宗棠奏言富陽克復後蔣益澧所

部各營直擣杭州並調閩字五營與楚軍前營渡江會剿漸偪清波鳳山兩門康國器魏喻義進取餘杭蔣益澧派副將劉清亮率六營助之偽歸王鄧光明偽聽王陳炳汶偽朝將汪海洋等於杭城要隘修築卡壘復嗾餘杭踞逆謝添

義等併力死守八月二十五日蔣益澧令高連

陞帶所部各營進攻十里長街洋將德克碑等

率各營接應水陸諸軍均抵濠邊拔椿開礮踏

毀街口賊壘一座殲斬壘賊三四百名城內悍

賊萬餘蟻擁而來高連陞等俟賊偪近揮兵突

擊斃賊多名賊敗入城二十六日蔣益澧飭高

連陞等乘勝進紮十里長街六和塔萬松嶺一

聖朝聖略卷五十五

五

帶先占地勢俯瞰杭城而自率徐文秀等赴東

嶽廟察看路徑諸將乘賊不覺立破賊卡三座

斃賊數十名餘黨浮水竄去九月初六日城賊

萬餘由江邊饅頭山等處分路來撲高連陞率

水陸各營分路迎敵往來馳突斃悍賊數十名

賊大敗官軍追至饅頭山斬賊三百餘名逆首

鄧光明等率黨回撲高連陞等督勇迎擊賊始

狂奔入城十三日該逆率黨於楊家橋紮壘一座蔣益澧飭徐文秀率勇士乘夜平之殺賊百餘名復乘勝過河攻破對岸小壘一座擒斬又數十名據生擒賊供鄧逆在饅頭山受傷逆首謝添義已在餘杭被礮轟斃其攻餘杭縣城等軍八月初九日魏喻義等各率所部分路前進連破花牌樓牛背嶺栗樹村諸卡卡賊遁去歸

欽定四庫全書

六

欽定四庫全書

七

併青山賊巢十二日魏喻義羅大春等分由餘杭臨安各路前進破賊卡十餘處進搗青山等處賊巢先將附近賊匪擊走復分兵繞出壘後夾攻賊衆驚潰擒斬壘賊幾盡青山一帶卡壘悉平餘賊回竄餘杭八月三十至九月初十等日魏喻義等屢擊賊於石門橋皆敗之其餘杭東南一路賊壘最多而近城之寶塔山文昌關

兩壘尤爲必爭之地八月十八日劉清亮率營攻城南賊壘以分其勢康國器率營急攻寶塔山賊壘康熊飛等分路包抄一鼓而拔殺斃悍賊多名二十日汪逆從杭州率黨上援康國器等擊敗之二十一至二十六等日官軍連破賊卡斬擒甚多九月初七日康國器派軍於文昌關傍設伏約劉清亮等營分攻餘杭南岱門等處賊卡以牽制之自率親兵轟擊文昌關逆壘鏖戰多時斃賊無數吳光亮伏軍齊出夾攻立將逆壘攻克逆黨盡殲城賊出援均被擊退臣查杭州餘杭逆首惟鄧洗明汪海洋最爲兇狡陳炳汶等次之賊以杭州爲老巢以餘杭爲犄角均盼嘉興湖州之援而嘉湖來杭之路又在餘杭故官軍必先克餘杭扼截嘉湖來路而後

可合圍杭州現在蔣益澧一軍偏紮鳳山清波各門僅能扼其西面其餘杭一城雖已圍東南而北路無重兵駐紮兩城之賊仍可往來自如臣本擬移紮富陽後親赴餘杭酌量進紮旋因青陽圍解皖賊有竄浙之勢不得不暫駐嚴州以期上下兼顧計浙軍援皖者馬步一萬有餘攻杭州餘杭者水陸馬步二萬有餘此外如錢

欽定剿平粵匪方略卷三十五

八

江東岸以及富新等處在在宜防現隨臣駐嚴之軍不過千餘備有巨股竄入恐多罅漏當卽飭王沐移營守徽屬祁門王開琳分防徽屬之漁亭屯溪而令劉典移軍東向兼顧浙境據魏喻義稟報湖州之賊由武康而來似有以全力援杭之勢已飭蔣益澧康國器魏喻義等痛勦援賊並飭富陽新城分水各營加緊防守劉典

現抵績溪已派營進勦昌化於潛之賊臣惟有隨時相機調度務期堅城速克不敢稍失機宜此次出力弁勇應俟克城後彙案請獎其陣亡之都司陶晉陞守備邱得勝千總李長林梁楨祥應請

飭部從優議卹

左宗棠又奏言臣以徽州各屬兵單恐賊仍由

欽定剿平粵匪方略卷三十五

九

石太旌德糾股內犯當飭劉典一軍仍由景德鎮清華街一路回顧徽浙之防八月初三日劉典率所部各營行抵休甯分屯漁亭萬安街等處初七八等日青陽之賊由香口琅田竄至黃嶺一帶圖犯祁門初九日王開琳等率軍分路前進初十日馳抵鴉坑見該逆列陣田隴而栗樹街尾賊甚多當令賀章彬等分投迎擊王開

琳飭鄧榮達率馬步繞扼蘆林橋截其歸路斃賊約數百名追至琅田沿途斬馘頗多是役共斃賊千名生擒一百七十餘名內有偽朝將陳矮子等當經訊明正法祁門北路肅清劉典聞賊圍青陽急與王開琳等會議出嶺進剿石太探聞太平古逆率黨竄至橫潭郭村等處劉典卽派張聲恆等各營進駐黟城賊知黟縣有備

聖朝聖事略卷三十五

十

遂改向箬嶺奔竄二十一日竄至徽州之北許村地方前隊距潛口不遠劉典立率各營往剿並派都司劉敬廷先赴潛口知會總兵唐義訓率師來會二十三日該逆復竄至許村一帶分股由績溪擾及歙東石門等處二十四日唐義訓出隊豐口劉典直搗許村賊巢令知縣楊詠春等分兩路進攻槍礮排擊陣斬賊目一名賊

潰我軍兩路追殺約斃賊五六百名生擒二百餘名餘賊越嶺而逃據生擒賊供逆目偽金王偽東平王偽黃天將林天將等仍欲由徽州竄過江西否則由昌化入浙等語二十五日劉典移軍徽城次日卽與唐義訓分路進剿橫村石門藍田等處股匪行抵該處賊已聞風竄歸旌德賊巢據劉典王開琳稟報賊之大股有由

聖朝聖事略卷三十五

十一

甯國竄廣德者有由甯國入浙者均聲言欲來援杭恐皖事鬆而浙事日急石埭太平旌德各城雖有賊踞人數尙不甚多揣度賊意似欲牽綴上游官軍使不得悉銳東向現在曾國藩繳鮑超一軍由蕪湖進兵埭南陵涇縣等處繳江忠義席寶田李榕喻吉三朱品隆等軍由青陽池州進兵攻石埭太平旌德等處兵力甚厚知

果嶺外肅清則皖軍攻廣德建平以扼東壩浙軍由昌化於潛孝豐臨安各路進規湖州兩路聲氣聯絡漸偏漸近庶可制其鷓張此次劉典援皖援江復由江右回顧皖浙各將士勞瘁異常王開琳老湘營固守祁門均於大局有益應由臣分別存記彙案保獎陣亡參將朱連彪應請

飭部照參將陣亡例從優議卹奏入

上命議政王軍機大臣傳諭曾國藩左宗棠李鴻章曰蔣益澧所部直搗杭州該藩司親督各軍攻杭連破城外卡壘偏紮鳳山清波兩門魏喻義等攻餘杭縣城亦連破花牌樓等處賊卡奪據寶塔山文昌閣險隘現在杭州餘杭逆首以鄧光明汪海洋爲最而陳炳汶次之逆謀以杭州爲老巢以餘

杭爲犄角均盼嘉興湖州之援嘉湖來杭之路必由餘杭自應先將餘杭攻克遏賊來路以期合圍杭省餘杭險要已得不難收破竹之效著卽飭魏喻義等迅圖攻拔湖州援杭之賊由武康一路而來左宗棠卽飭蔣益澧等實力痛剿無任勾合現在嘉湖之賊併力趨援杭郡李鴻章若由嘉善平湖以攻嘉興以太湖水師襲湖州爲攻取搗虛之

計牽制該逆使不得併力杭州則蔣益澧等可以攻克二城規取嘉湖該撫卽相機督剿以分賊勢左宗棠所奏劉典等軍截剿皖南賊匪疊獲勝仗訊據生擒賊供逆目僞金王等欲由徽州竄過江西如不能竄過卽由昌化入浙劉典現已移軍徽城與唐義訓分剿橫村口等處賊匪該逆遁歸旌德現在曾國藩檄鮑超一軍由蕪湖進兵攻南陵

涇縣等處檄江忠義等由青陽池州進兵攻石埭
太平旌德等處左宗棠擬俟嶺外肅清皖軍攻廣
德建平以扼東壩浙軍即由昌化於潛孝豐臨安
各路以規湖州兩路聲勢聯絡東南大局自可日
有起色著曾國藩即飭鮑超等軍實力進攻務將
皖南各城一律肅清不得任令回竄江西並會合
浙軍方圖攻勦廣德等處徽防緊要左宗棠飭劉

聖朝聖旨卷五十五

十四

典等妥籌防勦此次杭州餘杭及皖南出力弁勇
均著左宗棠分別存記彙案保獎其陣亡之都司
陶晉陞守備邱得勝千總李長林梁楨祥均著交
部從優議卹參將朱連彪著照參將陣亡例從優
議卹

左宗棠又奏冒據浙江按察使劉典稟報九月
十八日接到家信親父智新於八月三十日在

籍病故例應丁憂懇奏請開缺並遣員接統所
部兵勇以便奔喪回籍等語臣查臬司劉典自
咸豐十年隨臣討賊先後百戰靡役不從茲以
聞計懇請開缺奔喪自應請

旨允准以慰孝思惟臬司一缺現無委署之員而劉
典正當帶兵防皖援浙軍事緊要未可遽易生
手非尋常奪情可比應否改為署任俟軍務稍

聖朝聖旨卷五十五

十五

定准其回籍治喪事畢赴浙仍領原部之處伏
候

訓示奏入

上諭內閣曰浙江按察使劉典自隨同左宗棠勦賊
戰功卓著此次丁親父憂自應准其回籍治喪以
遂孝思惟該員帶兵攻辦皖匪分勦浙逆軍務正
當喫緊未便遽易生手劉典著改為署任浙江按

察使俟軍務稍定再行回籍治喪事畢卽行赴浙
統帶原部勦賊

二十日癸巳曾國藩奏言官軍攻克江東橋上方

橋後金陵城東尙有數隘未下夾河而壘戒備
甚嚴近城者曰中和橋雙橋門七甕橋稍遠者
曰方山土山曰上方門高橋門迤南則爲秣陵
以至於博望鎮保金陵之外輔曾國荃令蕭慶

欽定剿平粵匪方略卷三十五

七

衍彭毓橘蕭孚泗等擇小河紆曲之處架橋結
筏謀分隊伍東渡立營賊已先踞河東築數壘
抗拒蕭慶衍旋派朱吉玉等更在西岸上下游
各修三營爲進兵之計賊復排列洋槍與我軍
對壘轟擊九月二十日李祥和蕭慶衍等各率
銳卒分從上下游渡河破五土壘賊頗衆俄
而城賊壘賊擁來爭蕭慶衍一面搶築營寨

一面揮軍環進將賊擊走遂成東岸之壘二十
二日賊分道並出陳湜等率師東渡直搗左路
都司熊桂林死之我軍抄過七甕橋後破賊一
壘駐兵其中使雙橋門以東不能通城賊之氣
蕭慶衍更率所部徑取中路曾輝日等死之各
將士憤極速進賊乃退竄蕭慶衍以騎隊邀斷
歸路遂克上方門高橋門雙橋門諸石壘而右

欽定剿平粵匪方略卷三十五

七

路方山土山之賊經熊登武等分道馳勦亦各
棄壘而奔於是七甕橋踞賊惶遽欲遁蕭孚泗
等八營扼東岸之後李臣典等五營遮西岸之
前正謀前後合圍一鼓併下城中忽出大股來
援張毓明等又死之蕭孚泗彭毓橘急督各軍
擊退援賊仍復偪壘環攻至二十四日夜令死
士潛往縱火賊衆衝煙突出乃克斯壘屠戮無

算其秣陵關南爲博望鎮賊在該鎮設卡二壘
七八月十八日朱南桂約朱洪章等五營進小
丹陽議襲博望十九日昧爽各軍齊抵博望卡
下卡賊負固死守槍礮橫施猝不得進朱洪章
俟賊稍懈昇巨礮至左卡轟斃無算武明良用
火箭攢射右卡羣賊駭懼撲火爭竄我軍乘勢
毀卡而壘中之賊傾巢驟至朱南桂往來猛撲

聖朝聖略卷三十五

六

朱洪章武明良潛率哨勇繞山頭壘踰牆而登
賊洪返顧羣壘已易官軍旗幟錯愕不知所爲
朱南桂等遂縱兵驅賊至長流背地方墮河溺
斃者強半乃引軍回駐博望曾國荃以博望旣
得則秣陵關之勢孤七甕橋旣得則中和橋之
勢孤二十五日派趙三元伍維壽共帶馬步九
營南略秣陵關又派陳湜黃潤昌分帶八營出

七甕橋之西與熊登武等會師於中和橋一戰
克之秣陵關之賊見我馬步馳至卽棄壘奔潰
各營追及河干斬賊後隊二百餘人自是紫金
山西南無賊巢矣二十七日曾國荃親督蕭慶
衍等往勘孝陵衛地勢將欲分營移紮朝陽太
平兩門各出賊榻戰蕭慶衍陳湜率兵分擊蕭
孚泗李臣典各率所部傍城抄入賊會僞護王

聖朝聖略卷三十五

十九

陳坤書指揮督陣曾國荃伏槍隊於山麓伺其
近而擊之該會中槍墜馬賊陣遂亂俘執百數
十人臣查金陵一城面面布置據有重險自克
九洲江東橋數隘西南一面已爲我有茲又
克七甕橋秣陵關等隘東南一面並爲我有現
令蕭慶衍全隊進紮孝陵衛經營城北漸成合
圍之局此次出力人員應俟續立功績彙案請

獎其力戰陣亡人員俟查明另行請卹

曾國藩又奏言查大江南岸甯國太平以東久爲賊藪彭玉麟親督水師會合王可陞等陸師於九月杪攻克審灣等處賊壘駐師高淳湖口賊目楊友青乞降十月初二日收復高淳縣城東壩賊黨黎立新等亦卽具稟納款願爲內應彭玉麟知東壩一股已無固志商同鮑超率師

欽定剿平粵匪方略卷五十五

三十一

疾進楊岳斌亦帶師船來會旋於初七日攻克東壩幸仗

天威得此要隘不特皖南可冀肅清卽東至蘇州北至金陵攻取亦較有把握

曾國藩又奏言僞匡王賴汝鴻竄踞太平僞奉王古澹賢分踞石埭旌德廣德等城聚黨出掠久貽皖南之患自賴汝鴻爲涇軍所敗遁入甯

國而太平遂爲古澹賢分地青陽解圍後該城

守將朱品隆疊據古澹賢遣人通款請以四城獻部衆之在石太者四萬有奇其在旌廣者亦三萬有奇悉願反正朱品隆呈明 臣處議將廣德撫局以鮑超任之旌德撫局以易開俊任之石埭太平撫局則請自任之九月十九至二十三日朱品隆兩派營弁馳赴石埭宣諭降衆

欽定剿平粵匪方略卷五十五

三十一

先繳軍械次令薙髮分屯城下待命二十八日親督易潤壇等分帶四營入城受降並調太平江老三降衆歸併石埭挑留馬步千人編立營哨仍交古澹賢管帶責令立功贖罪餘則由 臣給資遣散是日旣復石埭縣城遂於次日收復太平城池調喻吉三所部三營守之二十七日易開俊引軍進次旌德城外踞逆申法喜聞風

先遁餘黨舉城歸降易開後安撫城中盡遣降卒三千餘人即分所部兩營守之臣查古澹賢為賊中巨擘本屬罪不容誅一旦翻然悔悟自拔來歸不煩一兵而三城並下不邀寬典則無以開羣盜自新之路而廣

聖朝如天之仁合無額懇

天恩賞給古澹賢遊擊虛銜頂戴以昭激勸其部下

勅諭軍機略卷三十五

三

頭目及經辦招撫各將士可否容臣查明請獎之處出自

聖裁再廣德一城臣飭鮑超部下宋國永往辦招撫

事宜旋有叛黨江合義申法喜等下竄尙恐事

多中變現在水陸各軍已克東場鮑超將由建

平進剿廣德該州撫剿事宜已檄令相機辦理

同日李鴻章奏言臣因蘇城東南兩面經程學

啟等布置扼紮均屬穩密而忠逆糾眾竄擾蘇錫之交前有李鶴章所部各軍追剿攻蘇各營正可暗抽精銳由蘇城西北橫出賊後使城賊與援賊氣阻膽寒當飭程學啟戈登於九月十日挑派槍礮隊先攻齊門外蠡口賊營以通

要路是夜程學啟等帶隊銜枚急進二十日候

選道潘曾璋亦督礮船民勇來會先派劉士奇

勅諭軍機略卷三十五

三

等各出隊漕莊口牽制城賊程學啟揮軍猛進賊營開礮抵拒戈登連開炸礮傷賊多名程學

啟督軍四面環攻賊眾不支立將逆營攻毀斃

悍賊千餘人戈登即督兵駐守程學啟督隊進

偪齊門適城逆糾眾來援總兵陳有昇率兵禦

之賊眾披靡追斬千餘人程學啟戈登察看黃

垆虎邱之交賊紮四營最扼要隘會商黃翼升

潘曾瑋各帶水陸隊伍於十月初一日往攻戈登派克根本攻黃埭之右自督槍隊攻黃埭之左程學啟派陳有昇等攻其南黃翼升督師攻其西潘曾瑋亦率民團礮船隨勦逆首萬國鎮糾眾突圍程學啟戈登督軍施放開花礮乘勢越濠而入手刃悍賊多名黃翼升令水師夾擊賊眾逃竄各軍圍殺殆盡當毀賊壘四座擒斬

欽定剿平粵匪方略卷三十五

三十四

二千餘人生擒偽天將萬國鎮一名偽忠王李秀城糾黨進踞蘇錫之交偽侍王李侍賢分踞無錫西北惠山一帶連營五六十里抗拒我軍九月十六日該逆竄踞芙蓉山二里許排隊紮卡周盛波督小隊擊走之連破賊卡二道擒斬二百餘人二十四日賊眾萬餘分撲緱山營壘郭松林先期設伏追逆眾圍營郭松林自後突

出賊駭而奔自相蹂踐死者無算是日忠逆由后宅出撲大橋角黃中元帶隊擊走之擒斬五六百人踏毀后宅南塘打鼓橋賊營十一座二十七日忠侍各逆由坊前梅村等處排隊數十里欲撲緱山李鶴章與劉銘傳等會商分路滾營前進派周盛波由興隆橋進紮與劉銘傳合攻坊前賊壘張樹聲由中安橋進紮與郭松林

欽定剿平粵匪方略卷三十五

三十一

合攻梅村芳塘橋賊壘李鶴章自督洋槍隊分投策應二十八日周盛波帶隊至興隆橋逆眾踞橋抵守周盛波擊走之斃賊甚多追至鴨城橋遇坊前竄賊又斬獲百餘名二十九日督營分紮鴨城橋侍逆率黨數萬來撲周盛波調隊堵擊知會郭松林由梅村進勦忠逆先已竄入安鎮偽武王汪有維分竄緱山郭松林督隊奮

戰張樹聲亦移營進紮中安橋張樹珊由太平橋抄擊生擒僞主將章城篙一名擒斬餘賊無數賊遂潰退郭松林乘勝進攻梅村西倉賊巢賊復分股迎拒郭松林用洋槍連環排擊立將梅村賊壘十餘座踏平生擒僞軍師李生香一名及各賊目數十名擊斃逆首唐政才擒獲賊衆千餘名淹斃殺斃五六千人忠逆由茅塘橋

聖朝聖略卷五十五

三

自帶悍賊數千來援副將吳建瀛分攻西倉賊壘兼顧左路郭松林親督槍隊衝進吳建瀛攻踏西倉賊營八座又會攻茅塘橋破賊壘三座忠逆死踞石營槍礮甚密郭松林撲牆受傷遂卽收隊李鶴章解到生擒僞軍師李生香訊據供稱忠逆因金陵緊急將救金陵先救蘇錫冀調各路逆匪速解蘇圍又搜獲忠逆致無錫賊

日黃子澄陳坤書各函內有蘇杭二處不穩金陵不能解圍常錫亦成瓦解等語忠逆在賊中謀略較長彼以金陵蘇杭三城皆有官兵圍困而蘇州尤爲中樞關鍵故糾衆死爭兩月以來未嘗少休屢挫之餘復率各逆圖救無錫臣督飭將士先以堅壁勿戰挫其氣繼以滾營並進遏其鋒連日疊受懲創兇醜漸衰臣已飭李鶴

聖朝聖略卷五十五

三

章劉銘傳等穩紮穩進並令程學啟戈登由滄關一帶抄襲蘇錫交通之路以收夾擊之效俟此股援賊勦退然後分攻蘇錫當可漸次得手李鴻章又奏言查水師將領黃翼升前經曾國藩調赴臨淮現在該員自帶二營來往蘇錫之交四處策應李朝斌所統太湖水師船隻較少專顧吳江之九里湖及蘇城南面之黃天蕩等

處並隨時入太湖離剿賊勢過重地面太寬不敷分布准楊岳斌彭玉麟咨稱前派助援臨淮之丁泗濱等戰船亟須飭調出江協剿東壩催令黃翼升卽率所部四營趕至臨淮接防等語查各路賊勢以蘇錫爲最多况蘇城六門已圍無錫官軍疊獲勝仗攻剿甚緊若於水師中抽去一枝則罅漏甚多不獨蘇錫難攻且恐忠侍

欽定剿平粵匪方略卷五十五

三

各賊乘虛內竄黃翼升准揚水師應請暫留協攻俟蘇州無錫克復再飭分帶數營前往臨淮卽毋庸兼顧蘇滬均奏入

上命議政王軍機大臣傳諭曾國藩左宗棠李鴻章曰金陵官軍攻克上方橋等處賊壘並將中和橋秣陵關攻克擊敗出城抗拒之賊曾國荃擬令蕭慶衍進紮孝陵衛經營城北漸成合圍之局辦理

甚爲得手著卽令曾國荃督飭將士實力攻剿毋稍鬆勁古隆賢舉眾就撫收復石埭太平旌德三城朱品隆將降眾挑留千人編立營哨交古隆賢管帶責令立功贖罪著卽妥爲撫馭仍隨時留心防範不可稍涉大意廣德招撫事宜仍須審慎辦理現在水陸各軍已復東壩鮑超卽將由建平進剿廣德東壩爲金陵西南水陸要衝廣德爲皖浙

欽定剿平粵匪方略卷五十五

三

門戶與湖州毗連一經得手則賊之險要已失著曾國藩卽飭令鮑超迅速攻克廣德州並著左宗棠分撥兵勇會同鮑超所部進取湖州以斷杭城賊匪援應其東壩各軍仍由曾國藩飭令進取溧水溧陽金壇等處以期與李鶴章規取蘇郡之師漸相聯絡蘇州官軍攻克蠡口黃埭等處賊營無錫官軍攻剿安鎮等處援賊連獲大勝李鴻章現

飭程學啟等由許關一帶抄襲蘇錫交通之路著
卽飭令該營將士將此股援賊合力剿退以期分
攻蘇錫漸次得手現在官軍屢次獲捷一切攻剿
事宜尤須慎之又慎不可恃勝而驕李鴻章務當
督飭諸將謀定後進毋稍輕率李鴻章所部水師
本形單弱分路防剿不敷應用現當蘇錫攻剿喫
緊之時黃翼升所統水師船隻准其留於該處以

聖朝聖略卷五十五

三

資得力

上諭內閣曰金陵官軍疊克東南八隘並收復秣陵
關剿辦甚為奮勉仍著曾國藩督飭水陸各軍乘
此聲威相機進剿規復金陵所有出力人員著曾
國藩查明存記彙案請獎力戰陣亡各員著一併
查明請卹

上又諭內閣曰皖南官軍自解青陽之圍軍威大振

古隆賢等率眾投誠九月二十八日朱品隆督軍
受降當將石埭縣城收復並復太平縣城其旌德
縣城亦經總兵易開俊引軍收復降人古隆賢悔
罪輸誠獻城反正自當寬其既往予以自新著加
恩賞給遊擊銜

上又諭內閣曰蘇州無錫官軍攻克賊營多座連獲
大勝剿辦尚為奮勉仍著李鴻章督飭諸軍乘勝

聖朝聖略卷五十五

三

進規無錫速拔蘇城將各處踞逆悉數殲除以靖
地方

欽定剿平粵匪方略卷三百五十六 癸亥年

十月二十一日甲午 惲世臨奏言髮逆李幅猷一

股前隊竄至粵境後隊尙踞綏甯地界經各營
跟蹤搜剿斃賊多名賊遂全股入粵歷龍勝全
州灌陽而東屢窺城步新甯等縣邊隘經臣豫
飭地方官集團扼要布置派防各營亦俱趕到
賊未得逞遂欲竄犯道州九月初十日徑撲州

欽定剿平粵匪方略卷三百五十六

十一

屬蔣家嶺臣所謂陳士杰四營先期趕至道州
與知縣顏月洲設伏洞尾地方誘賊深入該逆
大股衝突見我軍屹立不動即退踞徐家鋪各
營挑派勇丁夜往潛擊賊驚惶失措殺斃二百
餘名十一日李幅猷親率悍黨萬餘列隊隔河
高峯顏月洲派千總雷宗斌守備李仁黨等分
路截殺顏月洲督勇策應我師勇氣百倍縱橫

盪決賊始敗退上山適總兵王永章所派副將

唐敏慎等及道州兵練馳至賊衆氣奪紛紛乞
降李逆與死黨萬餘向江華竄去十二日顏月
洲等派隊跟追賊越嶺狂奔賊目何灝誠等將
偽職何瞬明等縛獻軍前計兩日共斃賊一千
餘人招撫及救出難民四千餘人分別留遣王
永章行抵道州調集所部兼程繞出賊前十三

欽定剿平粵匪方略卷三百五十六

二

日遇賊於江華羅坪迎戰勝之據擒賊供稱李
逆誓欲竄越嶺東以遂其入江之計十五日王
永章探知賊竄粵西富川縣屬之古城當派遊
擊王德益等分路進擊參將彭芝亮等策應自
率親兵督陣行約三里賊山隊迎拒我軍俟賊
撲近用槍礮轟擊斃先鋒賊二十餘名村內之
賊齊出抗拒彭芝亮羅馬突陣斃賊十數名副

將唐敏慎等三路環攻賊匪死傷枕藉退入村寨官軍乘勝追殺十餘里攻復大小村莊八九處賊翻山逃遁旋向富賀兩縣竄逸查富賀各境與湖南廣東相距均不過二三百里該逆在楚屢創現有陳士杰王永章等軍分駐各邊足遏回竄惟粵東之兵萃於肇慶高州深慮此股乘虛直入福建臬司張運蘭六營副將楊虎臣六營原係兩廣督臣毛鴻賓奏調赴粵之師臣已飭由宜章橫出連山扼賊東趨卽以保全粵東腹地仍與楚邊各軍聯絡期將李幅猷一股悉數殄除當髮逆由龍勝竄往全州時其後隊數千仍留龍勝以圖牽掣官軍而黎平匪徒又復潛相勾結遂渡陡江犯通道縣屬牙屯堡進至風箱爲團勇所扼折竄靖屬之陪坡復從陪

聖朝聖略卷五十六

三

坡退竄桂陽旋往黎平府所屬洪州地面滋擾現飭周洪印戈鑑黃元齡分守沅靖各隘探明賊蹤所向相機堵剿此次防剿出力管弁官紳可否由臣擇尤保獎出自天恩陣亡擬保守備朱家福應請飭部照守備例議卹奏入上命議政王軍機大臣傳諭毛鴻賓惲世臨郭嵩燾張凱嵩曰髮逆竄入富賀界內與廣東相距不過二三百里現在該省兵力萃於肇慶高州若此股乘虛直入廣東腹地深屬可虞惲世臨現飭臬司張運蘭等軍由宜章橫出連山扼賊東趨之路卽著毛鴻賓郭嵩燾督飭張運蘭等實力扼截與楚邊各軍聯絡實力剿洗杜其竄入江西之路並著惲世臨嚴飭陳士杰王永章等軍力遏回竄毋稍

聖朝聖略卷五十六

四

疏虞李逆屢敗之後兇醜漸衰著張凱嵩速派得力將弁迎頭截剿期與黔楚各軍三面兜圍迅圖蕝事不得稍有遲誤此次湖南防剿出力各營暨地方官紳著准由惲世臨擇尤保獎陣亡之擬保守備朱家福著交部照守備例議卹

二十三日丙申張凱嵩奏旨李幅猷擁衆由楚竄

粵關入龍勝廳境旋被兵練截擊分爲二股一

欽定剿平粵匪方略卷三十六

五

繞北路竄山湖南道州一由西路逃往茶溪水

圍一帶其北竄道州一股復爲楚軍擊敗遁走

永明臣以粵西富川等縣與楚省毗連當檄平

樂文武集練巡防該匪復由永明江華縣界潛

竄入粵九月十四日賊至富川縣屬之麥嶺橋

經署知縣楊徵詩等擊退賊匪屯紮古城十五

日楊徵詩等與總兵王永章率勇合力追擊殲

賊無算該匪越嶺奔逃又經團總李紹仁等設

伏截殺斃匪二三百名生擒十六名正法當賊

竄古城時勢將直趨平樂窺伺潯梧知府方炳

奎署副將陳培桂派軍扼截該匪乃折而東竄

距賀縣城僅四十里知縣葉宜毅與護都司甘

廣春商派軍功黃科捷等帶勇截擊斃匪多名

匪卽退竄黃科捷等集團跟追及之於灰洞該

欽定剿平粵匪方略卷三十六

六

逆回旗拒鬪黃科捷揮衆衝擊手刃騎賊一名

殺斃餘匪甚多外委胡紀廣帶團合擊殲匪五

百餘名生擒賊目二十五名敗匪竄山山口黃

科捷等追至石牛渡該匪已由小路竄往廣東

開建縣界臣現飭平樂文武確探嚴防並飛咨

東省派兵堵擊其西竄茶溪水圍一股疊爲懷

遠鄉團所挫復由通道縣境竄往貴州黎平府

境現在逆蹤俟黔俟楚轉竄靡常距粵西邊界均不甚遠貴州黎平路通都勻與粵西慶遠府屬連壤恐該匪假道慶遠疾趨潯州南甯臣已嚴飭該管文武布置防堵至副將黃仲慶及遊擊孔憲隆等軍均抵懷遠知府鳳貴復集團扼堵臣現檄各該文武認真追躡約會黔楚兵練三面圍剿如該匪由黎平竄走都勻立即拔隊

聖學聖略卷五十六

七

馳赴慶遠以固西路邊防仍咨會代辦提督蕭榮芳察看柳慶兩屬緩急情形隨時調度奏入上命議政王軍機大臣傳諭毛鴻賓勞崇光張亮基惲世臨郭嵩燾張凱嵩曰李幅猷本係石逆黨中悍賊石逆被殲後率其餘黨分投竄擾俟黔俟楚轉徙靡常並擾及粵東西各邊界若令所至蔓延日久嗚張勦辦更爲費手必須楚黔粵三省官軍

會合兜剿就地殲除著勞崇光張亮基惲世臨毛鴻賓張凱嵩等嚴飭各該省帶兵文武互相聯絡探明賊蹤前截後追務令該匪不得喘息此等紛竄之賊尤須鄉團四面設防俾賊無所擄掠官軍得以會合擊剿乃足制其死命並著各該督撫飭各地方官認真辦理其由賀縣竄至開建之賊著毛鴻賓等督飭兩粵各軍乘勢殲除毋令滋蔓

聖學聖略卷五十六

八

二十四日丁酉李鴻章奏言程學啟戈登等軍自攻克蠡口黃埭後即飭由潯關一帶抄襲十月初九日戈登督帶常勝軍並礮隊輪船前進程學啟派陳有昇等營分爲兩翼自督陳忠德等由中路進攻復派巡湖營水師由大河直逼黃翼升督成俞卿等水師三營均分路由黃埭繞進潯關該逆連營數十座俱以悍賊踞守抗拒

程學啟派張行科等分攻左右賊營戈登督槍
隊兩面環攻黃翼升督水師連環開礮酣戰三
時戈登帶隊奮勇直撲立將王瓜涇口賊營六
座攻克程學啟督軍將觀音廟賊營四座攻克
各軍直抵關口該逆仍復死拒程學啟戈登派
令各軍施放洋槍火箭轟斃悍賊無數遂將滸
關賊營五座全行攻破戈登督兵駐守程學啟

欽定剿平粵匪方略卷三十六

九

卽會同克根本督帶輪船進逼十里亭賊營張
行科等踰濠攻入先克左首賊營其餘四營之
賊亦卽敗遁虎邱賊營相繼潰走沿途賊卡十
數處一律掃平擒斬悍逆無數追至閩門街口
該逆自相踐踏沿途賊屍枕藉程學啟等分派
水陸各營擇要扼紮臣查滸關道通無錫援賊
恃有此路得與城賊策應此次程學啟等妥速

進剿分兵置守蘇城陸路盡斷城賊已孤忠侍
各援逆當亦氣奪十二日忠逆分股由無錫回
援復經程學啟等擊退李朝斌等水陸各軍是
日由五龍橋進攻盤門又破賊營六座臣擬親
赴城外察看督飭圍攻

李鴻章又奏言本年恭奉

恩綸蘇松常鎮太四府一州分別減定漕糧江南重
賦之區從此得蘇喘息永被

欽定剿平粵匪方略卷三十六

十

皇仁億萬生民同深感戴茲據蘇屬各紳士呈稱現
在收復地方各業戶額收租息願以三分之一
報捐軍餉另提善後撫恤經費豫備克復蘇州
之用懇請派員設局勸辦等情臣查該紳士等
所請報捐軍餉豫籌善後經費出於真誠所有
新復各州縣地方既未能一律徵漕自應遴派

委員會同紳董察看情形分別籌辦俟將來辦有成數做照上海現辦捐例由臣覈實彙案奏獎奏入

上命議政王軍機大臣傳諭都興阿李鴻章馮子材魁玉曰此次程學啟等督軍攻克潯關蘇城陸路盡斷賊勢已孤李朝斌等復由五龍橋偪攻盤門踏平賊壘六座李鴻章親赴調度擬卽分門進攻

聖朝聖略卷三十六

十一

是蘇城大有克復之機覽奏深慰塵念惟現在忠侍各股尙踞無錫雖潯關旣克勢難回援而城賊旣窮難保該逆不拌死回救以顧巢穴著李鴻章一面飭令李鶴章等攔頭截擊以圖牽制一面督同程學啟等軍分攻各門使該逆兩不相顧以期各城迅復早奏清公仍須穩慎將事謀出萬全不可稍有疏失蘇城陸路旣斷恐該逆渡江北竄或

擾及鎮防都興阿馮子材魁玉務各飭令水陸防師嚴密布置如敗匪紛竄卽行迎頭截擊力圖聚殲毋任鋌走蘇郡各屬紳民呈稱收復地方各業戶願於應收租息內以三分之一報捐軍餉又另提善後撫恤經費豫備克復蘇城之用具見惻忱惟地方新復民困甫蘇李鴻章惟當飭令所派委員會同該紳董體察民生困苦情形分別籌辦不

聖朝聖略卷三十六

十二

得稍有抑勒以順輿情

二十七日庚子馮子材魁玉奏言南岸軍事自金陵官兵紮過孝陵衛屢戰屢捷乘勝攻克秣陵

等處關隘南路長圍漸合並探知提臣鮑超從東壩溧水轉戰而前賊勢危蹙蘇常各逆首悉索死黨號稱六七萬盡銳下援分屯句容丹陽境內以洪逆僞令死守句容而丹陽一城屏蔽

蘇常賊守尤力近城一帶賊卡林立查鎮防密
邇丹陽當此上游掃蕩羣兇震懾之時正宜乘
勢整軍用資犄角擬派馬步各隊先將沿途賊
壘設法翦除仍伺賊蹤所向分兵進紮新豐方
不至腹背受敵鎮江內外各營合之丹徒屯駐
兵勇共止一萬二千餘名除留守城垣分防營
隘僅能抽撥五六千人而援賊分屯丹句者尙

欽定剿平粵匪方略卷五十六

十三

以數萬計彼衆我寡尤當謀山萬全刻下金陵
圍合東壩諸軍復建瓴而下因利乘便正在此
時現已選備勁旅六千以總兵田宗揚張文德
將之配齊軍火攜帶糧餉聽候進紮另派遊兵
三千爲後路接應其餘將弁兵勇扼守城垣暨
雲臺寶蓋諸壘俟鮑超一軍由溧水進攻句容
卽飭田宗揚等由新豐進規丹陽聯絡上游聲

勢兩面夾擊奏入

上命議政王軍機大臣傳諭馮子材魁玉曰金陵賊
勢窮蹙蘇常各逆首悉索死黨數萬盡銳下援分
屯句容丹陽境內以洪逆僞令併力死守鎮防近
接丹陽當上游掃蕩羣兇之時自應力振軍威用
資犄角惟鎮防兵力未厚我兵舉動尤當謀出萬
全著卽督飭派出之總兵田宗揚等將挑備各營

欽定剿平粵匪方略卷五十六

十四

勁旅簡齊軍實秣馬厲兵聽候進止先將沿途賊
壘設法翦除分兵進紮新豐其餘各營扼守鎮城
及雲臺寶蓋諸山不得稍涉疏虞一俟鮑超之軍
由溧水進攻句容卽令田宗揚等各營由新豐滾
營前進規取丹陽聯絡聲勢以收夾擊之效鎮防
距賊密邇尤須防賊挺走並著馮子材等懷遵疊
次諭旨與都興阿南北兩岸嚴行備禦仍隨時稟

商會國藩通籌戰守以赴事機

三十日癸卯李鴻章奏言本月初二日侍逆率黨

山撲鴨城橋經李鶴章飭郭松林張樹聲周盛波等分路進攻將賊擊退追至坊前賊營忠逆復由茅塘橋率數萬人來撲周盛波張樹聲分軍禦之鏖戰良久郭松林攻破坊前一營周盛波擊退西路奪東亭土卡一座張樹聲擊退東

勦平匪方略卷三十五十六

十五

路奪茅塘石卡賊股數千又由梅村繞山槍阻浮橋適譚正武等及郭松林馬隊至橋猛衝槍隊奮力排擊賊乃大敗周盛波等五營已先紮隆興橋鴨城橋兩處李鶴章又調張樹聲等營分紮中安太平西安橋芙蓉山等處並飭郭松林周盛波張樹聲等次第滾紮劉銘傳亦率銘字六營至鴨城橋會勦初十日劉銘傳郭松林

分營誘敵忠逆突由東路排列大隊抗拒張樹

珊督軍猛擊符信等從旁抄入該逆大亂追至西倉我軍槍礮齊發踏毀賊營二十餘座追至茅塘橋十一日李鶴章劉銘傳復調各軍由西合攻錫城出援賊數萬分股攻我雁臺石卡當飭李正珮等分隊往堵並派周盛波兩營隔河抵敵余思樞劉啟福兩營由後截之正相持閒

勦平匪方略卷三十五十六

十六

賊忽由新塘街一帶分路來撲我軍左右迎擊賊始敗回適程學啟等已克澗關滕嗣武等約於十二日水陸會攻連毀賊營四座斬擒無數是日侍逆仍添調護逆等股由常來援城中潮道亦出大隊相助自東南門屯紮至新塘街縱橫十餘里李鶴章劉銘傳商令張樹聲等各營先向侍逆土城後路進紮郭松林等伏軍於土

城河邊王東華率礮船會同各營擊退侍逆潮
逆等亦被我軍擊敗斃賊千餘名十三日劉銘
傳等乘夜三面環攻暗繞賊後燒其更樓十餘
座攻賊前營悉殲其眾餘賊棄壘逃走我軍節
節跟追侍逆扼踞浮橋我軍憑河開槍轟擊童
邦喜等適由新塘追剿又抄其後賊乃狂奔追
近南門始各收隊李鶴章先調符信余思樞等

欽定剿平粵匪方略卷三十六

七

營徑攻茅塘賊壘由西倉分路抄入該逆初未
及防我軍乘勢蹙之擒斬甚眾追至虞塘而還
計忠侍兩逆大股連營數十里一律毀盡連日
擒斬轟斃溺斃賊匪踰萬踏毀大小賊壘百餘
座訊據擒賊供稱護逆遁回常州侍逆遁回宜
興溧陽忠逆暫退蘇州北望亭一帶仍欲繞由
許關背後靈巖山木瀆小路接應蘇州等語臣

查官軍分攻蘇錫以來城賊勢漸窮蹙忠侍各
悍酋糾率大股回救擾我後路冀解蘇圍經劉
銘傳郭松林張樹聲周盛波等滾營偪紮晝夜
苦戰得以大挫其鋒臣現督飭水陸各軍設法
攻蘇並飭李鶴章劉銘傳等乘勢進紮併圖無
錫如一處得手則兩城次第可下惟將士過勞
窮寇死守仍須於奮勇中力求穩慎以策萬全

欽定剿平粵匪方略卷三十六

十六

奏八

上命議政王軍機大臣傳諭李鴻章曰忠侍各悍酋
糾率大股併力回援冀擾蘇軍後路經劉銘傳等
滾營偪紮晝夜苦戰大挫其鋒實屬奮勇出力惟
將士摧堅陷陣攻勦過勞而窮寇負隅死守且訊
據賊供忠逆暫退蘇州北望亭一帶仍欲繞由許
關背後靈巖山木瀆小路接應蘇州是賊黨雖敗

而援蘇之路未斷李鴻章亟宜乘此兵威大振之時督飭水陸各軍併力攻克蘇城並飭李鶴章劉銘傳等乘勝進紮圍攻無錫使賊首尾不能相顧則一處得手其餘自成破竹之勢現在聲威正盛尤當謀出萬全李鴻章仍須督率各軍於奮勇之中力求穩慎迅奏膚公同膺懋賞實有厚望焉

同日沈葆楨奏言石逆餘黨李幅猷一股前竄

欽定四庫全書

十九

湖境經護撫臣孫長紱調護贛南鎮總兵普承忠帶兵千人由撫州回顧吉安又調道員席寶田精毅營四千人由青陽回顧贛州普承忠現已到防席寶田軍遠在皖江尙無拔營消息准曾國藩咨稱石太各軍以病勇過多額求休息江忠義席寶田因病請假是精毅營能否西顧尙未可知探聞李逆前隊已入粵西之富川難

欽定四庫全書

二十

保不被擊橫竄刻下皖逆古隆賢投誠石太旌德以次收復浙師亦克昌化東路較鬆臣飛檄饒防之韓進春一軍五千餘人馳歸贛州該逆如由桂陽上竄則南安當其衝如由桂東下竄則吉安當其衝贛州居中均可相機迎擊至皖南受降就緒江忠義席寶田可以次而西先於鎮撫分紮以便相機調遣再湖南之鄰縣與江西之永甯等縣有齋匪餘孽聞風思逞業經檄調道員蔡應嵩由粵東折回南贛督辦防堵團練事宜俾迎剿之軍不為賊所牽掣臣惟有振刷精神隨時酌度以民力補兵數之闕以吏治為軍政之根竭盡愚誠期副

高厚生成於萬一奏八

上命議政王軍機大臣傳諭沈葆楨曰石逆餘黨李

幅猷一股近據輝世臨張凱嵩先後馳奏該逆被
擊回竄黔粵境內江省西南防務稍鬆惟該逆奔
竄靡定且永甯等縣有齋匪餘孽乘機思逞不可
無得力兵勇扼要駐紮以備不虞沈葆楨現因席
寶田江忠義兩軍請假休息已檄調普承忠帶兵
千人回顧吉安並饒防之韓進春一軍五千餘人
馳回贛州相機迎擊著卽嚴飭該護鎮等速將齋
匪餘黨搜捕淨盡仍隨時確探李逆蹤跡如再由
楚粵東竄卽激勵軍士協同地方團練併力兜剿
俾完善之區該匪無從闖入方爲妥善該撫所稱
以民力補兵數之闕以吏治爲軍政之根等語洵
能洞中窾要著卽振刷精神力圖整頓務令治效
蒸蒸日上方爲不負委任

欽定剿平粵匪方略卷三百五十七 癸亥年
十一月初二日_乙李鴻章奏言 臣周歷蘇州東
南北各門察看形勢太湖之水由胥口鮎魚口
流入胥盤兩門外繞至婁門齊門大河如帶橫
豎三四道環衛城垣該逆憑河築長城周圍十
餘里槍眼礮臺層層密布長城內石壘土營數
十座南自盤門北至婁門聯絡扼紮牆內多穴
地爲屋堆土覆板於其上以避開花礮布置極
爲嚴整而婁門外石壘長城尤高且堅程學啟
所部各營與之隔河對壘已踰兩月屢攻不下
賊之精銳盡聚於是 臣與程學啟戈登等再四
籌商須先設法攻破此處使該逆藩籬盡失我
軍乃可直抵城下十月十六夜四鼓各軍銜枚
而進月霧迷茫中偷搭浮橋該逆已有防備伏

垛開槍子密如雨戈登帶隊衝入炸礮火箭迸發賊於暗地藏避抵死對擊傷我弁勇數十名斃洋兵頭目數人程學啟大呼猛撲萬槍排放殪賊無數而守垛悍逆寂然不動天已嚮明仍各撤回戈登約於十九日調齊炸礮二十餘尊合力攻打探知僞忠王李秀城因我軍攻勦緊急十八日由望亭帶悍逆千餘繞路入城協守

聖朝聖略卷五十七

二

十九日程學啟督所部各隊緣南岸進戈登督常勝軍緣北岸進臣在望樓高處督戰該逆旗幟布滿戈登督率弁兵排列開花礮位對準轟擊自辰至午長城堅壘土石亂飛塌缺十餘處守壘之賊當之輒碎餘均伏地窟中程學啟戈登帶隊乘勢搭橋過河忽忠逆暮逆率死黨萬餘人出城湧至助守營牆程學啟揮令王永勝

聖朝聖略卷五十七

三

等四路越濠齊進逆勢稍卻戈登帶奮勇槍隊肉薄以登立將長城攻破壘賊惶遽各軍分投攻奪忠逆大隊併力衝突程學啟督軍鏖戰逾時該逆狂奔入城陳東友水師復登岸夾擊所有婁門賊壘二十餘座次第燒燬擇其衝要者分兵駐守是役也弁勇傷亡五百餘人斃賊五六千人二十日齊門外賊營四座知東門長城已破官軍偪紮自相驚擾黃翼升等乘勢蹙之亦潰入城其盤門外賊營經李朝斌等水陸各軍於十二日攻克我軍收隊後賊復填紮臣飛調駐守西塘之總兵楊鼎勳選帶洋槍隊千人前來助攻十九日楊鼎勳率同副將尹連陞等會合水師攻撲尹連陞拔樁踰濠中礮死之二十日李朝斌楊鼎勳等督軍猛進賊潰追至城

根擒殺頗多又踏毀賊壘四座此連日攻克費
齊葑盤四門外賊壘長城之實在情形也臣查
蘇賊屢挫勢已窮蹙但恃城外大河長牆堅壘
爲憑依之固我軍礮火雖多難以偏城轟打幸
賴將士用命齊心血戰立破長城石壘多座於
是東南北三面我軍可徑抵城下賊膽已寒頗
有逆會乞爲內應者臣暫給諭招撫督同程學

聖朝聖略卷三十七

四

啟妥籌辦理惟蘇州爲忠逆巢穴志在死守仍
欲出擾我軍後路圖解重圍城內精壯老弱聞
有十萬餘人無路能逃不得不爲困獸之鬪臣
惟謹慎戒備一面督軍乘勝攻擊以冀早克省
垣仰慰

慈廬總兵銜儘先副將尹連陞力戰傷亡應懇
恩飭部照總兵陣亡例從優議卹

李鴻章又奏言無錫各軍乘勝偏剿十月十六
日李鶴章令張樹聲周盛波等由鳴城橋進扼
東面城根直抵附城三里街前該處賊卡多座
伏賊數百名我軍以小隊攻撲賊出卡抵拒片
時卽潰各軍分投築壘一面排隊備禦午刻城
賊突出二百餘名各路奮擊鏖戰兩時斃賊匪
多名始復潰退薄暮又出黑龍旗數十面專帶

聖朝聖略卷三十七

五

洋槍六七百桿越河來撲勢極兇悍張樹聲躍
馬大呼衝入賊陣張樹聲從旁夾擊劉銘傳周
盛波兩路追剿槍斃無算各營均於東門外二
三里內紮定劉銘傳所部四千餘人原紮青陽
至西高山自初五日該鎮親帶千人赴東路合
剿其原營軍務暫令縣丞刁祖蔭主守刁祖蔭
以萬壽橋踞賊偏近恐其偵我分隊遠出乘虛

來攻不如先發制之適連朝大霧遂於十五日
早出四營隊伍乘賊不意連毀橋南北賊營三
座搃斬百餘名仍於霧中四伏疑兵掌號放槍
以小隊次第進擊比及霧散賊壘數十座已驚
潰一空俱退往斗門一帶屯踞萬壽橋爲進兵
高橋要路遂抽隊守之現錫城東面已無賊營
南北惟高橋及望亭兩處賊壘林立劉銘傳擬
進攻高橋直逼城北李鶴章派郭松林六營暫
作游擊之師相度賊勢再圖合圍奏入

欽定四庫全書

六

欽定四庫全書

七

上命議政王軍機大臣傳諭李鴻章曰李鴻章馳抵
蘇州親督程學啟等軍奮力猛攻將各門外長城
十餘里賊壘二十餘座全行攻毀東南北三面我
軍可徑抵城下賊膽已寒惟蘇州爲忠逆巢穴志
必死守城內賊衆尙十餘萬無路逃生不得不爲

因獸之鬪且恐忠逆詭詐仍欲出擾我軍後路圖
解重圍著李鴻章督飭各軍乘勝轟擊仍遵疊次
諭旨力求穩慎當茲功在垂成尤應嚴密戒備不
可稍涉疏懈以策萬全城中逆酋乞爲內應是否
可信李鴻章督飭程學啟等妥籌辦理毋稍大意
無錫各軍乘勝逼勦李鶴章劉銘傳等復將附城
三里街及萬壽橋賊壘數十座全行擊潰錫城東
面已無賊營南北惟高橋及望亭兩處賊壘林立
卽著李鴻章督飭李鶴章劉銘傳等速卽進攻高
橋直逼城下仍將郭松林等游擊之師相機調度
力圖合圍務使蘇錫兩城之賊不能相顧官軍得
以早復名城同膺懋賞實殷厚望其進攻盤門賊
營陣亡之總兵銜儘先副將尹連陞著交部照總
兵陣亡例從優議卹

初四日丁未李鴻章奏言查逆匪偽忠王部下偽

王郅雲官伍貴汝汪汝均周汝佳等因回援蘇

錫屢戰屢挫蘇省四路圍困金陵官軍攻奪孝

陵衛糧路斷絕該逆大勢已去轉求管帶魁字

營副將鄭國魁遞稟乞降臣以蘇州城大且堅

猝難攻破暫行給諭招撫令程學啟鄭國魁反

覆開導曉以利害多設方略脅以兵威該偽王

欽定剿平粵匪方略卷三十七

八

汪汝均郅雲官先後密約程學啟單騎相見於

城北洋澄湖情詞懇順求勿開礮轟打臣與程

學啟籌商蘇城本係忠逆巢穴該逆往來援救

行蹤無定其城守事宜專交粵西老賊偽暮王

譚紹洸主持譚逆堅忍兇狡從前杭州湖州各

城均係該逆攻陷必須除此巨患勒令該降衆

等或生擒忠逆或斬暮逆首級來獻始准收撫

程學啟戈登自十月二十日起逐日偏抵城根

挖壘濬濠修築礮臺安設大礮布置攻具爲卽

日轟打之勢城內賊衆惟暮逆一股守志甚堅

餘皆解體忠逆見人心散亂卽於二十夜帶所

部萬餘由胥門出走光福靈巖一帶小路搭橋

而去二十三等日程學啟督隊攻婁齊二門

李朝斌督水陸各軍攻葑盤二門黃翼升督水

欽定剿平粵匪方略卷三十七

九

師牽制間門竄路晝夜不撤愈攻愈緊二十四

日暮逆傳令各偽王上城堵禦正在對衆指揮

郅雲官商令偽天將汪有爲出其不意立拔腰

刀刺殺之大衆呼噪齊入將暮逆死黨殺斃千

餘郅雲官稟求調兵入城協勦是夜開齊門迎

降程學啟卽飭鄭國魁鄭國榜帶兩營隊伍入

城彈壓二十五日郅雲官等齎暮逆譚紹洸首

級來獻 臣令營中降卒驗視無訛城內脅從概
 行薙髮程學啟親督各隊入婁門安撫降眾並
 督軍搜剿暮逆餘黨數百名李朝斌張遇春何
 安泰等帶隊由盤門截殺黃翼升等由閩門截
 殺又斃五六百名解散數千人惟投誠賊黨有
 四偽王四天將之眾欲求添立二十營隨同剿
 賊該會等久在賊中為大頭目狼子野心恐其
 難制 臣與程學啟暨諸將密商宜乘其窮蹙設
 法驅除免致尾大不掉另生枝節因令程學啟
 遣親信隊伍駐守婁齊葑盤各門二十六日程
 學啟督同劉士奇等帶隊分門並進擊斃悍賊
 二千餘名餘眾肉袒稽首乞就遣散亦有捆載
 輜重妻財驚遁出城於是城內稍就清理立將
 省城克復 臣即日入城巡視並令程學啟督帶

聖學聖略卷之十七

十

八營駐守一面會督地方官紳將存城降眾難
 民妥籌遣散安置之方以善其後 臣查蘇省被
 踞四載與金陵杭州為逆匪三大巢窟互相倚
 角根柢極為深固 臣由上海偏隅節節進攻本
 不得勢賊眾兵單時深惴慄仰蒙
 皇上指授機宜多方激勵而督 臣曾國藩遣將助兵
 隨事商推將士和協一心遂得屢挫兇鋒圍偏
 城根黨眾乞降渠魁授首先下名城實非 臣之
 愚慮所及皆緣
 聖主威德遠被氣機大轉賊勢日衰金陵杭州當可
 以次得手遇缺提奏提督南頓鎮總兵程學啟
 忠勇謀略戰功最多經營蘇城甫及半年兵不
 滿萬所向無敵用兵如神應如何優加獎勵之
 處出自

聖學聖略卷之十七

十一

聖裁英國兵官會帶常勝軍權授江蘇總兵戈登奮

勇勤苦洞悉機謀火攻利器尤多贊助擬請

旨酌加賞賚俾事竣回國藉示榮寵統領太湖水師

候補提督處州鎮總兵李朝斌統領淮揚水師

遇缺提奏提督淮揚鎮總兵黃翼升勞苦戰爭

謀勇兼裕蘇州而而皆水惟水師之功居多該

二員均應請

聖朝軍略卷五十七

主

旨酌予優獎至尤為出力將領另繕清單願懇

恩施陣亡將弁並繕清單懇

恩飭部從優議卹奏入

上命議政王軍機大臣傳諭會國藩左宗棠都興阿

李鴻章沈葆楨馮子材魁玉曰李鴻章奏督軍攻

剿蘇州賊勢窮蹙內應克復省垣覽奏曷勝欣慰

逆匪盤踞蘇城與金陵杭城互為犄角此次蘇城

得手他處自不難迎刃而解惟忠逆帶所部萬餘

出胥門由光福靈巖一帶小路搭橋而去此路係

前次該逆首由許關潛入蘇城之路恐復自立一

幟擁眾踞我要隘處所或竄出重圍紛擾他處希

冀分我兵力著李鴻章即查明忠逆實在下落

具奏譚逆授首其手下之偽王天將等如何安置

降眾除解散外分隸各營共有若干俟部勒稍定

聖朝軍略卷五十七

主

可以進攻常州該撫能否在蘇城駐守居中調度

抑或親赴無錫常州督剿之處均著酌度妥辦上

海一隅為餉源所繫應否酌留武職大員在彼駐

紮彈壓李鴻章仍當隨時兼顧以期周密忠逆兇

狡異常人數尙眾此次見蘇城人心散亂即率眾

潛逃失勢之賊其部下亦必各懷離異著李鴻章

一面設法誘擒一面檄令無錫等處官軍慎重防

範來則痛加勦截該逆不得志於蘇必將肆毒於浙左宗棠務飭蔣益澧等嚴行防勦蘇垣既克杭省賊勢漸孤並著飭令在事各軍奮力攻克以成破竹之勢金陵至蘇之路已斷惟恐該逆仍思鋌走曾國藩須飭曾國荃加意慎防並乘隙圖取石城此外皖南江西鎮江江北等處頭頭是道曾國藩都興阿沈葆楨馮子材魁玉等當各飭將弁慎

欽定四庫全書

十四

固地方勿令敗匪闖入曾國藩總統諸軍尤當督飭各處帶兵大員慎益加慎以成全功同膺懋賞有厚望焉

上諭內閣曰蘇州省城被逆匪占踞四年之久經李鴻章督隊進攻連克婁齊葑盤四門外長城賊壘賊膽已寒乞為內應十月二十三、四等日程學啟等水陸各軍分路進攻晝夜不撤偽碁王譚紹洸

上城抵拒正在對眾指揮偽王邵雲官等商令偽天將汪有為出其不意將譚紹洸乘隙刺殺並殺斃譚逆死黨千餘開門迎降程學啟等統帶隊伍入城彈壓並搜斬餘黨悍賊數千名李朝斌等復由盤門等處截殺斃賊多名立將蘇州省城克復仍著李鴻章督令將士乘勝進攻常州會師金陵掃穴揜渠廓清江境協辦大學士兩江總督曾國

欽定四庫全書

十五

藩遣將助兵克復名城著交部從優議敘李鴻章自簡任江蘇巡撫以來悉心調度謀畫萬全疊下堅城戰功屢著此次督軍克復蘇州省城尤堪嘉尚著加恩賞加太子少保銜並賞穿黃馬褂以示優獎黃翼升李朝斌均著賞給雲騎尉世職並交部從優議敘程學啟著賞給雲騎尉世職並賞穿黃馬褂權授江蘇省總兵戈登帶隊助勦洞悉機

謀尤爲出力著賞給頭等功牌並賞銀一萬兩以示嘉獎總兵劉士奇陽利見李助發均著交軍機處記名遇有提督缺出請旨簡放記名提督楊明海著遇有總兵缺出先行請旨簡放總兵陳有昇著賞加提督銜並賞給從一品封典陳東友張遇春均著遇有總兵缺出儘先提奏並賞加提督銜成俞卿著賞加提督銜並賞給從一品封典張光

聖朝聖略卷五十七

七

泰楊鼎勳均著賞加提督銜李恆嵩著賞加提督銜並賞給從一品封典周正林著賞給揚勇巴圖魯名號副將王永勝何安泰均著交軍機處記名遇有總兵缺出請旨簡放並賞加提督銜鄭國魁著交軍機處記名遇有總兵缺出請旨簡放並賞給勃勇巴圖魯名號總兵曾泗美著賞加提督銜副將周良才著交軍機處記名遇有總兵缺出請

旨簡放並賞給二品封典副將周南侯梁安邦鄧長里均著交軍機處記名遇有總兵缺出請旨簡放副將田名魁著賞給振勇巴圖魯名號陳忠德著賞加總兵銜並賞給捷勇巴圖魯名號參將江福山著以副將儘先補用張志邦著以副將補用並賞加總兵銜葉廷杓著以副將補用並賞給壯勇巴圖魯名號阮炳福郭先發均著以副將儘先

聖朝聖略卷五十七

七

補用龔生陽著以副將補用遊擊張行科著以參將儘先補用並賞加副將銜朱寶元著以參將儘先補用都司鄭國榜著以遊擊儘先補用並賞加副將銜守備謝梁鎮著以都司儘先補用並賞換花翎道員潘曾璋著交軍機處記名遇有道員缺出請旨簡放徐佩璠著賞加按察使銜知府吳毓芬著以道員補用知州王學懋著免補本班以知

府儘先補用知縣陳錫純著免補本班以直隸州知州仍留原省遇缺儘先補用並賞加知府銜其打仗陣亡之遊擊張福龔綏成都司衛龍勝守備顏榮合張禮點楊國順汪大海謝洪恩周得貴千總方榮海把總方有桂孔祥瑞把總馮鶴年外委劉新勝鄒得勝臨陣捐軀均堪憫惻著交部從優議卹以慰忠魂

聖學聖略卷三十七

七

臣等謹案用兵之道奇正相生逆賊盤踞金陵分黨四出蘇常杭嘉湖各郡縣相繼不守東南半壁勢若燎原自安慶克復後曾國荃一軍直抵金陵有建瓴而下之勢而賊匪恃蘇常等城為犄角驟難覆其堅巢我皇上特命李鴻章由開道馳赴上海督軍進剿當是時議者咸謂上海一隅於用兵地勢不甚相

宜迫疊奉 諭旨嚴催李鴻章遂以偏師抵滬節節掃蕩進規蘇郡仰賴

聖學聖略卷三十七

九

聖主天威將士效命克拔名城遂使南北賊勢中斷未幾而杭省暨常嘉湖等郡次第廓清金陵踞逆亦以枝葉既除勢成孤立大軍得以指日奏功然後知由安慶直達金陵者為正兵所以搃其吭由上海旁趨蘇郡者為奇兵所以拊其背

廟堂之指示豈臣等管蠡之見所能窺測者哉

初五日戊申曾國藩彭玉麟楊岳斌奏言臣玉麟

率喻俊明等水師兩營並約吳坤修等陸師六營出金寶圩之北進攻水陽臣岳斌亦率李濟清等戰船來會師次審灣九月二十六日喻俊

明等乘夜運礮過河密排洲次徹夜環轟比曉將石壘攻毀遂合吳坤修李濟清等併攻水陽破之其南路則有成發翔等帶三板進南湖毀夾岸兩卡卽於次日衝過新河莊從油榨溝倒擊而下時王可陞由金寶圩之南進攻新河莊正與賊衆相持各水勇登岸大呼踰濠競入力攻新河莊又破之水陽迤北曰滄溪距滄溪十餘里曰塘溝爲直達高淳之要路臣玉麟於二十九日令吳坤修等往取滄溪親督水陸各軍襲陷塘溝十月初一日進拔高淳湖口賊壘並將長樂鎮攻克吳坤修亦自滄溪戰勝而還乃合軍謀進高淳賊目楊友青遣人通款臣玉麟察其情詞可信責令將僞輔王餘黨翦除始許其降初二日率師入城安撫悉遣降衆是夜略

地而東並取固城一鎮此水陸連破要隘收復高淳縣城之情形也至江會義申法喜二會自太平旌德叛去下竄東安鎮圖與僞匡王賴汝鴻合股易開俊以旌城初復賊未遠颺利在速戰而又慮廣德撫議未成仍爲該二會挾之以叛也乃遣降人彭國鈞開道入廣德馳諭招之一面部勒營伍於初三日度環雲嶺將抵東安鎮市日賊館如雲散布村落聞我軍騰蹕而入所遇輒殲賊受大創闕然而潰維時甯郡守將劉松山方揚隊於湯村何村一帶詢知株木店增賊四五千入悉自東安鎮戰敗而來乃引軍突出截之賊衆駭奔劉松山親督各勇驅出廣德大路旋卽移軍東嚮將攻甯國縣城詎城賊賴汝鴻先經聞風宵遁而易開俊所派之軍適

至遂與劉松山會復城池初四日彭國鈞返自廣德引降將鄭魁武部眾萬餘人詣東安鎮軍前乞降易開俊曉以大義簡留一營餘則概予資遣惟鄭魁武舉眾來歸廣德一城又爲江申二會叛黨乘虛竊踞矣初新河莊旣克尙有東夏四壘爲建平東壩之樞紐初六日鮑超令馮標等屯軍曹塘進攻東夏賊恃牆闊濠深堅伏

聖朝軍方略卷三十七

三

不出馮標等奮力齊進立將四壘攻破自是東壩守賊黎立新等密約內應建平守賊張勝祿等請獻城池定議建平撫事使馮標任之東壩戰事則鮑超與臣玉麟同任之初七日臣玉麟率水師八營及吳坤修陸勇六營鮑超亦率馬步十三營合趨東壩見上壩高峙三大壘壩後築有偽城橫亙數里正議分軍立寨僞隨王楊

聖朝軍方略卷三十七

三

柳谷馳告壘賊梗命楊輔青實爲謀主乞速進兵以踐黎立新之約鮑超卽令譚勝達等繞壘圍攻臣玉麟亦令喻俊明等五營依護吳坤修等各隊直出壘下適臣岳斌飛檄而來督令李濟清等專向水路助陣戰不逾時殲賊盈千賊多踰壘而逸楊輔青從亂軍中敗往溧陽而楊柳谷立獻僞城乃克東壩要隘東壩復而建平之捷書亦至自馮標入境宣諭張勝祿等十二人感激涕零矢志不貳卽於是日斬僞跟王藍芒得舉城以降建平復而溧水之降書又至踞溧水者爲楊英青黨眾萬餘願繳軍械各散回籍十二日臣玉麟會同臣岳斌帶隊進城撫慰盡將降眾遣散伏查江皖接壤之區以東壩爲最要關鍵仰賴

天威震疊讐服羣酋旬日之間收復四城攻克東壩

臣國藩現檄鮑超全軍駐守東壩保此三省扼要之地卽爲附近遊擊之師檄派王可陞守溧水李榕守建平洪容海守高瀉朱品隆喻吉三兩軍分守青陽石埭太平三城易開後劉松山兩軍分守甯郡旌德涇縣三城此外無兵可撥以故廣德一州未能進剿甯國一縣未能置守

聖恩聖方略卷五十七

五

諸賊目革面自新有裨全局似宜宥其罪而並錄其功相應開列額懇

聖恩分別給予虛銜頂戴以昭激勸其餘大小頭目可否酌給虛銜此次在事出力人員可否容臣等查明併案保獎之處出自

逾格鴻施陣亡各員弁均俟一併確查彙案請卹奏

八

上命議政王軍機大臣傳諭曾國藩曰皖南水陸官

軍陸續攻克水陽新河莊東壩各隘高瀉甯國建平溧水四城賊目楊友青楊柳谷鄭魁武張勝祿等或率衆投誠或獻城內應辦理甚爲得手惟投誠留營之衆須隨時留意妥爲駕馭勿令再有反覆其遣散之衆亦須令其呈繳軍械分散行走毋聽其隨地屯集復成巨股是爲至要江申二逆乘

聖恩聖方略卷五十七

五

虛竊踞廣德州城該處爲江皖門戶最係扼要之區曾國藩務當乘此聲威派撥勁旅迅速馳往將該城攻拔以期與浙師聯絡毋稍遲延皖南境內已無大股賊匪竊踞曾國藩派撥諸軍分駐青陽等各城著卽飭令駐守各軍將附近餘匪分路剿除以期一律肅清並飭前敵水陸各營乘勝由東壩高溧一帶分途進取自當勢如破竹李鴻章一

軍既克蘇城無錫常郡自可迎刃而解該大臣當
檄飭各營將士與李鴻章聯絡聲勢節節進取為
合圍金陵之計仍須慎益加慎勿稍大意

上諭內閣曰江南逆匪盤踞東壩等處要隘與高瀆
等處踞匪互相聯絡九月二十六等日官軍水陸
並進連克水陽新河莊塘溝滄溪長樂鎮等處賊
壘進逼高瀆楊友青等獻城乞降十月初二日官

聖學聖略卷三十七

三

軍入城安撫是日並將固城鎮收復初三日易開
俊一軍進剿東安鎮之賊所向披靡該逆退至株
木店地方復經劉松山督兵截擊紛紛敗潰甯國
之賊聞風宵遁當將縣城收復廣德降將鄭魁武
亦率眾萬餘人乞降初七日彭玉麟鮑超親督諸
軍合趨東壩降將楊柳谷等乞為內應官軍奮力
攻擊殲賊甚多立將東壩賊壘攻克建平降將張

勝祿等即於是日斬偽王藍芒得舉城以降十
二日踞守溧水之楊英青亦率眾萬餘繳械投誠
當將該縣城池收復辦理尙屬妥協該降眾等悔
罪輸誠獻城反正自當寬其既往予以自新楊柳
谷鄭魁武張勝祿均著賞給都司銜楊仁義黃儒
緒李明魁黃勇發江元泰陳永爵董明玉湯桂風
陳世青周珍金汪保發均著賞給守備銜以為自

聖學聖略卷三十七

三

拔來歸者勸所有出力陣亡各員著會國藩查明
彙案奏請獎卹

上又諭內閣曰兵部侍郎彭玉麟督帶水師剿賊江
南所向有功本年五月間克復九洲洲要隘八月
間解青陽之圍屢著戰績此次收復高瀆溧水城
池及東壩要隘剿撫兼施亦屬甚為出力彭玉麟
著加恩賞穿黃馬褂以示優獎

同日兩廣總督毛鴻賓奏言石逆餘黨李幅猷由蜀繞黔闖入楚境雖係殘喘游魂而其衆尙有三四萬人東奔西竄飄忽無常先自湖南之會同竄山欲由城步東安等縣乘虛內犯旋因該處有備遂由江華永明竄入廣西之富川賀縣其地皆與廣東毗連未幾又繞從廣西全州回竄湖南道州探有由楚入江之意十月初九

聖朝聖略卷五十七

未

日復據連州知州嚴先佑稟稱探得李幅猷自率大股竄往廣西一路其黨李幅曾潰在廣西懷集縣之石埜坑尾等處樹柵屯糧有久踞之勢其地偏近陽山縣之寨岡距州城不滿百里竊思該賊以不得逞志於楚故復圖擾兩粵而粵西地方瘠苦非其所戀其在石埜踞守正以垂涎粵東該處地勢險阻設令築成堅巢則破

之不易况逆首李幅猷四出游哨伺開臨張無非牽掣我師藉以遂其兇狡之謀若不及早撲滅恐致燎原臣已飛調福建臬司張運蘭一軍由郴州西度騎田嶺直抵連州順流進剿乘石埜賊壘未堅迅速掩捕一面札飭副將楊虎臣將所部三千人仍駐宜章以堵該逆竄越江楚之路並檄飭連州陽山及與懷集連界之清遠

聖朝聖略卷五十七

五

廣甯各地方文武一體嚴密堵禦以備不虞奏入
上命議政王軍機大臣傳諭毛鴻賓俾世臨張凱嵩曰石逆餘黨李幅猷率大股竄往廣西其黨李幅曾潰在廣西懷集縣之石埜坑尾樹柵屯糧將圖久踞該處偏近廣東陽山縣境毛鴻賓現已檄調張運蘭一軍由郴州度騎田嶺直抵連州順流進

勦卽著該督與惲世臨嚴飭此軍星速進兵務乘石塋等賊壘未堅迅速掩捕並令現駐宜章之楊虎臣所部嚴堵該逆竄越江楚之路此股餘匪游弋楚粵邊界已久人數尙衆若使負隅久踞及遣黨四出乘隙臨張勦辦又將費手毛鴻賓惲世臨張凱嵩等卽當各督楚粵諸軍會合兜勦乘賊游魂殘喘之際一鼓殲除淨絕根株儻或進勦不能

勦粵匪方略卷三十七

手

實力及各懷觀望致令餘匪仍復蔓延必惟該督撫等是問

欽定勦平粵匪方略卷三百五十八 癸亥年

十一月初六日 己酉 左宗棠奏劉典一

中央民族學院圖書

績溪後僞金王僞東平王僞根王等數大股不能上犯徽歙遂由甯國縣千秋關竄入浙境蔓延昌化於潛一帶直至淳安分水邊界希圖擾我腹地以牽動杭州餘杭官軍之勢劉典聞賊竄昌化之信卽飭總兵黃少春補用知府李耀

勦粵匪方略卷三十八

十一

南等各率所部於九月十八日自績溪啟行由昱嶺關赴昌化進勦並派張聲恆所部千人回扼溘安而自駐績溪縣臨溪地方以防旌德之賊上犯二十一日黃少春等行至株柳地方遇先鋒悍賊百餘人盡殲之乘勝進攻水穿司賊巢該逆猝不及防殺賊數百名正俘斬開後面賊隊突至憑河抗拒李耀南揮兵齊進賊勢不

支紛紛敗竄我軍追至白牛橋忽僞金玉根王
等大隊蠶擁來援我軍扼橋力堵鏖戰良久賊
復從右路山谷竄出幸黃少春等先已派隊伏
叢莽中賊至伏發復斃賊百餘名李耀南等俟
黃少春等抄出賊後亦奪橋而進賊大驚潰我
軍三面合追該逆奪路狂奔沿途斃賊數百名
生擒二百餘名立將昌化縣城收復餘黨向甯

聖皇聖考卷五十八

二

國縣界竄去是夜於潛太陽埠錫口等處之賊
亦聞風潛遁二十二日黃少春等督隊冒雨追
之不及遂收隊還二十八日仍折回安徽績溪
老營該逆後起復由甯國竄至孝豐與前山廣
德竄來各股合隊衆尙數萬十月初三四等日
分爲兩股一竄臨安西鄉一竄臨安北鄉去餘
杭青山官軍營盤均不甚遠臣飛飭駐紮新城

副將劉明燈等派隊進剿蔣益澧亦飭遊擊徐
文秀率所部五營赴亭子頭會剿初八日各營
馳抵臨安北路賊見官軍至卽蒼黃奔逃僅追
殺數十名初九日劉明燈等進攻西路賊巢一
鼓齊進該逆紛紛驚竄各勇圍殺斃賊七八百
名生擒三百餘名餘賊翻山北竄現在杭州餘
杭兩城該逆堅守如故各軍防剿援賊勢雖合

聖皇聖考卷五十八

三

圍應俟援皖各軍回浙乃敷分布臣前以皖賊
紛紛竄浙上游喫緊石太旌德未復徽防不可
稍鬆王開琳留防黟縣劉典移軍績溪均難遽
撤不得不暫屯嚴州以期上下兼顧頃據報皖
南軍情石埭古逆獻城投降太平旌德逆匪或
降或走均已收復徽池一律肅清餘衆竄臨甯
國廣德孝豐之閒勢甚渙散臣擬令劉典所部

各營由昌化於潛趨臨安進剿孝豐爲規取湖州之計王開琳一軍現當徽防無事亦可調歸以備策應臣軍後路穩固亦即日移紮富陽督飭各軍先將餘杭攻克然後悉力杭州分規湖郡仍與皖南各軍聯絡一氣互相應援斷不稍分畛域致誤大局

左宗棠又奏言臣在嚴州軍營接奉

聖皇聖考卷三十八

四

諭旨青陽雖已解圍而太平石埭旌德甯國四縣尙爲賊踞徽郡防務未可稍鬆左宗棠駐軍富陽距徽防稍遠但係浙師後路亟須妥籌兼顧仍著隨時策應與皖南諸軍聯絡聲勢臣惟制賊之要在避長圍防後路上年十一月調道員王文瑞等入皖共一萬餘人均於無可抽調中勉爲抽調亦嚴防後路之意也昨因青陽圍解逆首僞金

王鍾逆僞東平王何逆等各率黨夥東竄臣卽飛飭劉典王開琳漸次移軍東向扼其由皖竄浙之路於時曾國藩有調浙軍過嶺會剿之咨臣未敢應蓋青陽之圍旣解石太賊勢已孤野無可掠自無久踞之理又江忠義等旣軍其西鮑超一軍復偏其東勢必徧賊南趨恐將闖入浙境若由歙境竄淳安遂安則出臣軍之後若

聖皇聖考卷三十八

五

由績溪甯國竄昌化於潛則出杭州餘杭各軍之後殘黎何堪再擾而浙江大局亦將被其牽綴臣所以剋期進紮富陽旋復中止者此也浙軍援皖自應兼顧浙境斷無坐視皖賊入浙之理浙軍嚴防後路自應先其近者斷無舍近圖遠之理臣所以檄劉典等軍漸次東向遏賊竄浙之路劉典所以駐軍臨溪一聞賊由甯國縣

境北竄昌化卽派隊馳援者此也幸而竄入昌化之賊經總兵黃少春等由績溪入昱嶺關回援一戰破之若已出嶺會剿則前拒虎而後進狠誠恐於皖未必有功於浙則必有害耳昌化肅清後劉典所派之黃少春等收隊回皖仍駐臨溪老營現在石埭太平旌德之賊業已肅清甯國縣亦已無賊而湖州孝豐一帶竄來之賊

欽定剿平粵匪方略卷五十八

六

甚多天目山麓時有大股賊蹤山沒以局勢論之則皖緩而浙急也明矣臣軍之入皖者應調回浙省以備進剿臣仍當妥籌兼顧不敢稍涉疏虞奏入

上命議政王軍機大臣傳諭左宗棠曰逆首僞金王等由甯國縣竄入浙境蔓延昌化於潛一帶經劉典派總兵黃少春等同浙進剿立將昌化縣城收

復該逆後股復由甯國竄至孝豐分擾臨安雖經官軍擊敗而湖州孝豐一帶竄賊甚多天目山麓時有賊蹤山沒浙省援皖之軍自應調回迅籌進剿現在皖南軍事大定昨據曾國藩等奏到東壩甯國高涇溧水各城次第俱下惟廣德尙爲賊踞皖軍得手逆賊南趨浙境必然之勢昨已諭令曾國藩迅調勁旅進克廣德堅城與浙軍互相聯絡

欽定剿平粵匪方略卷五十八

七

左宗棠現檄劉典所部山昌化於潛趨臨安進剿孝豐並將王開琳一軍調回策應卽著飭令劉典等迅速進兵收復孝豐爲規取湖州之計並與皖南進攻廣德之師互爲聲援使皖浙諸軍聯爲一氣以期得手杭州餘杭賊勢如故該督現擬卽日移軍富陽督軍先克餘杭然後悉力杭州諒不難次第掃蕩現在蘇州省垣業已克復皖南亦漸就

廓清各路軍情同時得手金陵杭州兩城各軍已薄城下立盼捷音該督其迅奏膚公同膺懋賞有厚望焉

初八日 辛亥 富明阿奏言 臣奉

命赴援臨淮嗣因蒙城被圍緊急督師馳救現在蒙圍已解苗逆伏誅懷遠相繼投誠餘黨勦洗殆盡皖北軍事漸就肅清昨據曾國荃咨稱連次

聖軍聖略書卷五十八

八

攻克上方橋等處附城百餘里已無賊蹤俟新募之軍到齊即圖合圍之計蘇常官兵亦極得手又據都興阿咨稱賊眾屢由包港小河等處出竄均經水師擊退而南岸賊勢甚眾鋌而走險之時必有大逞實屬防不勝防各等語 臣查江南各軍四路攻剿甚為順利若金陵蘇常偏之愈緊該逆窮極思竄江北實當衝要且裏下

河素稱完善久為逆所覬覦現在揚防兵力甚單沿江縣互二百餘里港汊紛歧實屬不敷分布儘有警急首尾不能相顧貽誤非輕可否將派援臨淮官兵撤回揚州防所以保完區伏候訓示遵行再 臣近日以來傷疾復發舉動維艱寢臥呻吟莫名痛楚而蒙宿一帶荒涼凋敝醫藥甚艱惟有仰乞

聖軍聖略書卷五十八

九

天恩賞假一箇月准 臣前赴清淮一帶趕緊延醫調治一俟就痊即行奏請銷假奏入 上命議政王軍機大臣傳諭僧格林沁富明阿都興阿吳棠曰江南蘇州府城克復後現在進攻無錫常州金陵亦漸合圍若偪之愈緊恐逆眾窮極思竄江北實當衝要沿江縣互二百餘里港汊紛歧裏下河一帶完善之區髮逆久已注意揚防存兵

無多不敷分布都興阿各情實屬緊迫若有貽誤關係非輕援蒙各軍爲數不少況首逆已誅皖事漸定江北援軍當可酌量調回著僧格林沁悉心籌畫如富明阿所帶各兵無須留辦防務卽將揚防派來之兵全數撤回原防以資調遣江北防務都興阿吳棠當將現有兵力悉力嚴防毋以目前無事稍涉大意江面水師都興阿尤

欽定剿平粵匪方略卷五十八

十一

宜悉心整頓以資得力富明阿傷疾復發著賞假一箇月前赴清淮安心調理仍著隨時察探江北軍情與都興阿協力辦理

十三日 丙辰 李鴻章奏言李鶴章劉銘傳等軍擊

退無錫大股援賊並踏毀三里街萬壽橋賊壘後劉銘傳卽回堰橋原營十月十八日出勦斗門秦巷一帶踞逆賊盡遁高橋之惠山孟里等

處高橋西通常州南扼宜興賊以礮船二十餘隻守河口河東築土壘木卡十餘處劉銘傳商調王東華水師於二十日會合陸軍至高橋二里外賊卽來迎我軍分路抄擊斃賊千餘名賊棄營逃奔二十一日賊萬餘列隊高橋王東華以大礮轟擊徐得勝等由西斗門出勦賊始遁去龍山西三里墩營匪衆亦遁護逆自常州來

欽定剿平粵匪方略卷五十八

十一

接見高橋已阻折回西斗門沿河紮卡偽英王率賊二萬餘與護逆合援二十三日圍撲萬壽橋營盤一股由橫山牽掣青陽官軍另股由錢周村渡河撲石撞橋劉銘傳令徐得勝等固守毋出自帶三營堵錢周村橋口調唐殿魁者貴二營折回堰橋以顧後路二十四五日該逆疊撲西萬壽橋營盤均經擊敗二十六日忠逆

帶大股二萬餘由蘇州西路繞來擁撲萬壽橋
離我軍里許築壘劉銘傳督飭各軍分三路進
擊賊大清走追殺數里擒斬二千餘人偽忠王
率其黨遁回常州高橋大河賊船數百號均向
常州一路而走李鶴章聞蘇城已克令郭松林
等進剿新安望亭各賊壘二十六日我軍進至
新安壘賊迎拒郭松林等率隊衝殺該逆棄壘

聖朝聖略卷五十八

十一

狂奔追及望亭並將該處賊壘踏平生擒賊匪
七百餘名奪獲賊船三十餘隻南門援賊出城
亦爲吳建瀛擊退是日周盛波張樹聲等又擊
退東北門之賊奪石卡一座木卡四座臣查忠
逆自蘇城遁出仍糾護逆回援無錫據獲賊供
稱忠護二逆皆欲速投金陵再圖竄路現在蘇
錫之交一律肅清高橋既克西北衝要已斷但

賊匪搶有小輪船一隻往來衝突恐由常州孟
河口等處出江繞竄圖援金陵臣已飛咨都興
阿曾國荃吳全美等一體嚴防堯勦李鶴章現
飭郭松林進紮無錫南門周盛波移紮北門俟
惠山紮定即可合圍與劉銘傳等併力攻城
李鴻章又奏言蘇州逆首偽王郅雲官伍貴汝
汪汝均周汝佳偽天將范啟發張大洲汪懷武

聖朝聖略卷五十八

十二

汪有爲等因官軍圍攻緊急乞降內應該會等
願望太奢獻城後遂占住閩胥盤齊四門於街
巷各口堆石置卡隱然樹敵又添招蘇城附近
賊黨陸續進城堅求准立二十營並乞保奏總
兵副將官職其挾眾要求之狀種種堪虞臣思
受降如受敵若任其擁眾盤踞必至貽患無窮
况郅雲官等積歲巨會在賊中封至偽王天將

其罪惡已不可赦今圍困始降毫無悔罪之意仍多非分之求將來斷不能遂其所欲即斷不能無反覆因傳令該會等八人來營謁見多方開導冀其解散脅眾再為顛懇

恩施詎該會等堅不應允部雲官並未薙髮維時忠逆李秀城尚在望亭距蘇甚近部雲官等皆係忠逆黨與誠恐復生他變不如立斷當幾萬不

欽定剿平粵匪方略卷三十八

十四

得已登時將該偽天王天將等駢誅派程學啟督隊入城搜捕逆黨於是降眾二十萬咸繳軍器乞就遣散臣復派委弁挑留精銳二千人分置各營其餘陸續資遣安置臣即於二十九日入城駐守督率官紳分投撫恤人心大定奏八上命議政王軍機大臣傳諭會國藩都興阿李鴻章曰李鶴章劉銘傳等軍擊退無錫大股援賊踏毀

三里街萬壽橋賊壘後復將高橋新安望亭等處賊壘攻克忠護二逆率黨撲萬壽橋官軍營盤亦經擊走賊黨遁回常州現在蘇錫之交雖已肅清高橋衝要亦斷而賊情狡譎難保不拌死復來水陸各路悉其衝撲李鴻章仍當督飭劉銘傳等軍加意嚴防並飭郭松林周盛波穩紮穩進一俟無錫南北兩門及惠山紮定合圍後即與劉銘傳等

欽定剿平粵匪方略卷三十八

十五

併力進攻速復錫城賊以輪船由常州之孟河口等處出江繞竄圖援金陵亦在意中並著會國藩令會國荃與都興阿於南北兩岸防江各水師嚴為之備無稍疏虞李鴻章另片奏蘇州賊日部雲官等於投誠後仍復挾眾要求恐貽後患當將部雲官等立予駢誅降眾人等業已遣散人心大定辦理甚為允協惟散遣降眾二十餘萬人數過多

究竟如何辦理之處未據詳細聲明著李鴻章妥爲籌辦毋稍大意

十四日丁巳李鴻章奏言無錫官軍攻克高橋等處賊壘擊退忠護各股援逆乘勝合圍逆首偽潮王黃子澂父子率衆六七萬人矢志死守傍運河圍築土城各門橋口均以四五大營護之槍礮極密李鶴章親赴各門來往督攻十一月

欽定四庫全書

十六

初一日周盛波北門獲勝燒沈礮船十餘隻民船百餘號郭松林等攻破惠山石卡二道擒斬悍賊二千餘名是夜李鶴章令丁日昌手燃開花礮燒城屋數處賊中驚亂復親督張樹聲等攻破亭子橋口賊營一座殺賊數百名初二日張樹聲等攻破東門土營四座符信等乘勝破其土城周盛波等攻破北門土營四座郭松林

欽定四庫全書

十七

攻破南門土營五座張光泰等礮船又合擊西門之賊奪礮船八十餘隻民船七八百隻郭松林黃中元又破其西南二營李鶴章見城上賊漸移動飛催東北兩軍登城自赴南門令郭松林等率衆爬城與黃翼升分督水陸四門登梯一擁而登賊全走向東西城頭放槍死抵張樹珊等復從東西門橫阻而登賊卽下城巷戰潮逆自率老賊五六千名出北門經周盛波擊斬三千餘級轉由西門而遁周壽昌等領隊截殺先破城外五環洞橋賊營該逆路斷衝突十餘次周壽昌縱馬手擒偽潮王黃子澂餘賊四散悉追斬之潮逆之子仍在城領衆抵拒又被郭松林擒獲李鶴章速登南門城頭城中棄械跪降者數萬人其餘悉數擒斬逸出之賊經水師

截殺數百名又被劉銘傳萬壽橋一軍攔擊其竄往常州者無多計生擒潮逆父子及大小賊目五百餘人擒斬溺斃賊眾二萬餘人無錫金匱縣城遂於是日克復實足以伸

天討而快人心臣查無錫爲蘇常咽喉水陸關鍵自李鶴章劉銘傳等軍由江陰進紮忠侍各逆糾大股悍賊回援冀解蘇圍日久搏戰我軍傷一

聖朝方略卷三十八

十六

移動卽爲所乘幸各將士堅苦相持移營進逼旋擊退忠侍各股俾攻取蘇城之軍不受牽掣其爲功於大局非淺迨忠逆由蘇遁出復糾常州護逆拌死撲犯潮逆亦立意死守我軍兩次擊退忠逆乃得直抵城下合圍猛攻迅速奏效各將士苦戰三月之久先後大小百餘仗實屬著有勞績除臣弟李鶴章分應效力不敢仰邀

毫無約束已可概見而參將尙秉衡輒乘隙避

匿更爲狡猾適以援陝馬步各軍漸次回鄂急

將王桐柏所部十營蕭恆勝所部三營次第遣

散又統領凱字各營候補道梁作楫前稟鄖西

勝仗未盡屬實經臣奏恭摺去頂戴仍諭唐協

和就近密查茲據面稟四月初聞河南髮逆爲

張隲等馬步各軍追擊餘賊無多迨沿途擄脅

聖朝方略卷三十五

十九

又圍撲鄖西縣城梁作楫於十二日自鄖郡馳援見城外山頭旗幟紛紛不辨是兵是賊頓兵未下賊曾留新擄之眾牽掣我軍自率老賊遁往香口梁作楫帶隊進剿新擄之眾跪道乞降隨卽遣散城圍遂解等語覈與梁作楫原稟殺賊解圍等情迥不相符臣伏查該鎮道等或不

州之僞聽王陳炳汝僞歸王鄧光明踞守無錫之僞潮王黃子澐爲最該會等各擁衆數萬與臣軍搏戰較久謀勇兇狡實倍他賊仰賴

皇上威德遠布天奪其魄藉各路官軍合力驅除計蘇州之捷剿除僞暮王等解散約二十萬人無錫之捷剿除僞潮王父子擒斬解散約五萬人金陵浙江各軍擒殺解散之數更不勝計忠逆

聖學聖略卷三十八

三

黨與已孤巢穴已失據擒賊僉供該逆踉蹌西走隨行僅兩萬餘人將赴金陵設法解圍儘無法解救則挾僞天王洪秀泉及其眷屬由浙皖交界上竄江西福建以尋回粵之路現在曾國藩派兵回防江西左宗棠派兵分截皖南固已豫有戒備但使該逆不再竄踞城池剿滅較易至常州僞護王陳坤書一股約衆數萬能守而

不耐戰溧陽僞侍王李侍賢戰守俱悍人數尙多皆聽忠逆爲進止杭州之聽逆陳炳汝係安徽人歸逆鄧光明係湖南人聞忠逆有回粵之志多不願從嘉湖蓄糧甚富尙須死守幸各路兵力皆強布置甚穩如金陵杭州再有一處得手賊勢自必瓦解臣卽日馳赴無錫籌度分布進取之方擬令程學啟會同李朝斌劉秉璋潘

聖學聖略卷三十八

三

鼎新水陸各軍由平望太湖平湖乍浦兜剿浙西之賊龔與左宗棠蔣益澧之軍前後夾擊李鶴章劉銘傳各軍相機進取常州宜興兜剿蘇境之賊龔與曾國荃鮑超之軍前後夾擊欲分各路賊勢藉固蘇滬藩籬總須慎之又慎斷不敢恃勝而驕自取顛覆惟各軍自春徂冬幾於無日不接仗無時不移營傷亡病瘵累累相屬

卽能戰之將多有積勞致病天氣苦寒須略休
養臣惟有體察軍情相機籌辦奏入

上命議政王軍機大臣傳諭曾國藩左宗棠李鴻章
沈葆楨曰李鴻章奏官軍克復無錫金匱縣城及
籌辦大略情形覽奏甚爲嘉悅本日業經明降諭
旨將出力各員獎勵李鴻章能與其兄同心戮力
爲國宣勤此次未行破格之獎正爲該員係李鴻

欽定剿平粵匪方略卷三十八

三

章之弟以示該撫功不自私俾得推勞將士鼓舞
衆心李鴻章當益自勉勵指日常郡金陵次第奏
捷克成全功同膺懋賞至所稱忠逆李秀城巢穴
旣失黨與亦孤官軍各路布局皆穩金陵杭州再
有一處得手賊更瓦解該撫擬卽馳赴錫城籌布
進取令程學啟等水陸各軍由平望太湖平湖乍
浦兜剿浙省之賊冀與左宗棠蔣益澧之軍前後

夾擊李鴻章劉銘傳各軍進圍常州宜興兜剿蘇
境之賊冀與曾國荃鮑超之軍前後夾擊以分各

路賊勢而固蘇滬藩籬所籌均極周至卽著曾國
藩飭令曾國荃與左宗棠聯絡進止督率各路將
領與李鴻章部勦諸軍相爲策應相機進取如賊
欲由浙皖毗境竄出江閩各路或由乍浦海口登
船逃逸並著曾國藩左宗棠豫籌堵截沈葆楨於

欽定剿平粵匪方略卷三十八

三

江省饒信等防經營有素此時尤當嚴密設防不
可稍涉疏虞並與曾國藩左宗棠隨時商布置
所有江忠義席寶田等軍現在是否尙駐贛饒境
內亟應妥籌調度以赴事機會國藩前奏鮑超及
王可陞等軍分駐東壩溧水高淳及皖南甯池等
屬左宗棠前奏劉典王開琳各軍以次由孝豐等
處進發兼顧皖防諒皆各有成算在胸與李鴻章

所籌定相符合金陵漸已合圍杭湖亦已分軍進
搆時勢均有可圖該督撫等務須聯絡一氣層層
進逼萬不可稍涉遷延惟賊勢雖衰而人數尙衆
總宜力求穩慎以保萬全縱或各城收復稍稽斷
不可令李秀城潰圍逃逸務將此賊就地芟除絕
其根株免致竄擾完善辦理更形費手李鴻章所
部各軍因天氣苦寒多有積勞致病須略加休養

欽定四庫全書

三

卽著加意拊循養蓄精銳慎重進取

上諭內閣曰無錫官軍自攻克高橋望亭等處賊壘
復分路進攻四面合圍逆首偽潮王黃子濬父子
率六七萬人負嵎死守李鶴章督軍環攻本月初
一初二日官軍連破賊營十餘座水陸各軍奮勇
登城賊衆敗走黃逆自率老賊五六千名逃由北
門經周盛波擊斬三千餘級該逆轉由西門而遁

周壽昌等督隊截殺手擒黃逆餘賊追斬殆盡潮
逆之子亦經郭松林擒獲共計生擒大小賊目五
百餘人擒斬溺斃二萬餘人當將無錫金匱縣城
克復勦辦甚爲得手知府李鶴章等督軍攻勦克
拔堅城甚爲出力李鶴章著交軍機處記名遇有
道員缺出請旨簡放提督劉銘傳郭松林均著加
恩賞加頭品頂戴所有在事出力之總兵王東華

欽定四庫全書

三

黃中元滕嗣武周盛波張樹珊張光泰陳東友周
國興均著以提督記名簡放周盛波陳東友並賞
給從一品封典張桂芳羅得陞均著以總兵遇缺
提奏張桂芳並賞加提督銜羅得陞並賞給展勇
巴圖魯名號副將顏邦桂著賞加總兵銜並賞給
博勇巴圖魯名號周壽昌等十四員均著交軍機
處記名遇有總兵缺出請旨簡放周壽昌並賞加

提督銜彭述清並賞給勳勇巴圖魯名號易用剛
並賞給紹勇巴圖魯名號李正珮並賞給樸勇巴
圖魯名號吳建瀛並賞給正二品封典參將易宏
達遊擊吳家榜均著以副將補用易宏達並賞給
堅勇巴圖魯名號遊擊張紹棠等十一員均著以
副將推補張紹棠並賞給鼓勇巴圖魯名號胡金
元並賞給迅勇巴圖魯名號劉克仁並賞給赫勇

勳勇巴圖魯名號

三十八

三

巴圖魯名號董大義並賞給節勇巴圖魯名號劉
啟福並賞給禦勇巴圖魯名號謝連陞並賞給靖
勇巴圖魯名號道員張樹聲著賞加三品頂戴符
信著賞給特勇巴圖魯名號甘肅補用直隸州知
州余思樞著免補本班以知府儘先補用並賞給
俊勇巴圖魯名號同知劉盛藻著免補本班以知
府補用並賞給恆勇巴圖魯名號賞換花翎趙宗

道著以知府儘先補用並賞換花翎知縣丁日昌
著免補本班以直隸州知州仍留江西補用並賞
戴花翎劉東堂著免補本班以直隸州知州補用
前任金匱縣知縣暢和會著免其查辦失守處分
開復原官已革道員馮席珍著免其發遣留營效
力教練槍礮之畢乃爾著以副將補用美敘羅殿
矩類均著賞給遊擊銜以示鼓勵其餘出力陣亡

勳勇巴圖魯名號

三十八

三

員弁著李鴻章查明奏請獎卹
同日富明阿奏言臣前因傷疾復發懇
恩賞假並請將揚軍撤回以顧江北尙未奉到
諭旨昨又據探報蘇常均已得手髮逆紛紛擁至江
邊深恐揚軍不敷分防當飭層收綸稟商僧格
林沁先令該總兵督帶三千五百人於初九日
馳回揚州臣暫留揚營兩起馬隊三百名親軍

小隊四百名在蒙侯奉到

諭旨後即赴清淮延醫調理將所帶馬步兵勇六百

名仍令撤回揚營奏入

上命議政王軍機大臣傳諭僧格林沁都興阿富明

阿吳棠曰富明阿前奏傷疾復發業經降旨賞假

一箇月著懷遵前旨前赴清淮安心調理一俟就

痊仍回揚營與都興阿會籌防剿機宜妥為布置

平定回疆方略卷三十八

三十八

平定回疆方略卷三十八

三十八

蘇常各軍均極得手髮逆紛紛擁至江邊深恐該

逆鉗走北岸揚軍單薄不敷分防僧格林沁富明

阿將揚營援蒙之軍先行撤回三千五百人令詹

敏綸統帶仍回揚州原防所籌甚是富明阿所留

馬隊二百名親軍四百名或暫留清淮或撤回揚

營並著富明阿酌量辦理本日據李鴻章奏無錫

業已克復南岸攻勦愈緊北岸防務愈形喫重若

稍有疏虞致令金陵常州等處之賊竄入江北完

善之區即南岸屢奏捷音亦復得不償失著都興

阿富明阿吳棠分督水陸各軍嚴密堵禦力遏該

逆北渡之路不可稍涉大意

平定回疆方略卷三十八

欽定剿平粵匪方略卷三百五十九 癸亥年

中央民族學院圖書

十一月十五日戊午都興阿奏冒據總兵

稟稱探得蘇城克復後望亭賊營亦經攻克忠逆從蘇州率大股悍賊直犯萬壽橋各營經劉銘傳督軍迎擊該逆大股奔竄又探得忠逆欲合護侍各逆乘火輪船並礮船率悍賊數萬竄擾江陰並欲北渡以解金陵之圍查現在蘇城

欽定剿平粵匪方略卷三百五十九

一



欽定剿平粵匪方略卷三百五十九

克復忠逆賊黨已無歸路勢必鋌而走險沿江一帶水陸防務不獨江陰一處喫緊卽申夏圩塘等處均屬險要當飭吳全美督帶礮艇由丹徒南岸節節防堵隨時截剿以固江防又飭副將蔣臨照等統帶駐防靖泰各營於沿岸地方聯絡防範使該逆無隙可乘同日馮子材魁玉奏言臣等前因滬軍直搗蘇

垣擬由鎮防撥兵進規丹陽以資牽制十月二

十六日總兵田宗揚張文德率十二營自鎮進

發臣等面授機宜我軍先紮越河諫壁一帶依

山築壘俟布置稍定然後揮軍深入直逼逆巢

正在滾營進紮聞連接探報蘇州無錫各城業

已先後克復因思南岸各城壘下賊勢如羣川

赴壑鎮防實首當其衝一而飛飭田宗揚等持

欽定剿平粵匪方略卷三百五十九

二



欽定剿平粵匪方略卷三百五十九

重堅定聽候進止一而多派偵探察看賊蹤所向旋諜知偽忠侍輔護諸會率所部死黨盡銳併竄自常州以迄丹陽句容縱橫數十里約有六七萬衆忠會李秀城竄入丹陽城內指揮羣逆沿江焚掠遊騎充斥西南一帶其勢甚張臣等伏思蘇州一城係羣逆東南命脈一旦失所憑藉狼奔豕突事在意中且金陵被圍日久屢

調忠逆往援該會兇悍為諸賊冠茲既遁入丹陽勢必糾合醜類亟圖一逞或疾撲金陵或聚攻京口均未可知鎮城不立濱江三面受敵東路如新豐餘干南路如馬陵博洛西路如高資上塘等處逆蹤川沒颯忽難防提臣鮑超一軍自溧水受降後是否進攻句容尚無消息臣等權衡緩急自應以慎固危疆力持全局為第一

聖朝聖訓卷五十九

三

聖朝聖訓卷五十九

四

義當飭張文德率定制復勝四營即日回防以厚兵力並令田宗揚所部歸併丹徒駐紮聽候調撥聯絡東南聲勢以期互相策應均奏入

上命議政王軍機大臣傳諭曾國藩都興阿李鴻章馮子材魁玉曰蘇州無錫各城先後克復忠侍各逆竄併丹句一帶圖竄北岸鎮防實首當其衝馮子材等調張文德所部四營回防以厚兵力並令

田宗揚一軍歸併丹徒駐紮聯絡東南聲勢所籌均尚周妥即著督飭在防各軍實力扼守以逸待勞庶戰守皆有把握不致為窮寇所乘鮑超全軍現紮東壩此時溧水已復自應進圖句容以斷忠逆援救金陵之路著曾國藩飭令該提督迅速進兵將句容踞逆殲除該逆不能回援金陵勢必猛撲京口亟圖一逞如馮子材等兵力不敷分布並

著曾國藩飭令曾國荃撥兵協助可使金陵暫緩合圍斷不可令鎮城有失都興阿片內有探聞忠逆欲合護侍各逆乘火輪船破船竄擾江陰並欲北渡以解金陵之圍等語江陰現係略國忠駐守其兵力是否足資抵禦應否添兵協助著李鴻章迅籌布置嚴飭防江師船扼勦並防其由江陰口岸渡江而北金陵漸次合圍曾國藩宜飭曾國荃

等加意偵深守禦以防忠逆竄突江北防務正關
緊要都與阿當遵疊次諭旨督飭水師嚴防北竄
毋得稍有疏虞忠逆既竄丹陽城內常郡守禦自
必空虛李鴻章昨奏兵勇血戰經年擬暫爲休養
惟機有可乘時不可失著該撫揀擇選鋒乘勝前
進如能一鼓攻克則丹句之賊勢必望風瓦解想
李鴻章必能相機辦理籌畫萬全也

欽定剿平粵匪方略

卷三五九

十六日己未張凱嵩奏言石逆餘黨李幅猷分股

奔竄一由賀縣逃往廣東開建縣界一竄黔楚
交界播陽所其奔逃開建一股續據探報復星
夜折山蒼梧邊境竄至懷集縣藍洞地方旋由
僻徑橫竄沙基突入荔枝鋪一帶九月二十二
日署知縣況逢春與署守備李占元督率團紳
前往勦剿珍匪甚眾賊即奔竄二十三日我軍

前隊追至下寨一面催集大團二十五日兵練
分路攻入賊村匪勢不支奪路狂奔我軍奮力
縱擊立斃匪黨二百餘名生擒悍賊七十五名
餘匪連夜竄往廣東連山廳屬之石田墟我軍
追至石田該匪已由高鄉一帶竄入陽山縣界
況逢春正在查點西路團練分別撤留詎該匪
於二十七日復由陽山邊境竄至懷集交界之

欽定剿平粵匪方略

卷三五九

石塋地方況逢春李占元移軍堵截陽山縣亦
有勇練截剿該處山路崎嶇羣匪進退失踞遂
樹柵築壘拒守以圖休息並分紮長岡松岡大
洞大田等寨負嶠自固我軍會合陽山連山各
團逐日攻擊焚燬長岡大田二寨斃匪二三百
名該匪復沿村空濠灌水外釘竹籤勢將久踞
十月十一日況逢春遣勇目黃光亮持臣所發

解散告示直入賊巢曉以利害首逆李幅猷令其弟幅忠面議投誠遲疑未決而其黨則多半樂從十二日黃光亮回報況逢春乃豎旗招降散其黨與十三十四等日投到各省難民二百六十七名其由閒道走散並未投營者尤復不少況逢春查訊衆供僉稱李逆自知罪大不敢投誠意欲他竄等語況逢春等乃密議分路合

聖朝聖略卷三十九

七

圍攻其不備十五日兩省勇練競前填濠焚柵先將松岡大寨攻破該逆猶拌死支撐外委鄭煥彪等槍入賊隊刺倒悍賊多名羣賊披靡李逆率其死黨奪路逃竄我軍沿途追殺賊屍枕藉是夜追至陽山縣屬之泉坑又擒斬百餘名救出難民三百餘名餘匪約一二千人連夜由陽山之白帶寨同竄去十七日有東省兵勇趕

聖朝聖略卷三十九

八

到立即督隊跟追况逢春仍督隊堵守要隘以防回竄其前竄黔楚交界一股倏遠倏近轉徙靡常九月二十七日移踞開泰縣屬之陽朝草坪地方負嶠抗拒臣嚴飭在事文武協助黔楚兵練訂期進攻該匪忽於十月十一日自焚其巢全股突出向永從縣竄去相距懷遠愈遙查貴州永從縣境與廣西羅城縣之三防接壤若由永從走古州繞出荔波獨山可入廣西之河池思恩等州縣風聞此股逆匪志在趨粵臣已調撥靈字營勇駐守三防小路並飛飭副將黃仲慶等帶所部勇丁馳往慶遠府屬確探堵剿奏入

上命議政王軍機大臣傳諭毛鴻賓勞崇光張亮基揮世臨張凱嵩郭嵩燾曰張凱嵩奏李幅猷一股

竄至廣西懷集縣之石塋地方意圖久踞署知縣
況逢春等督圍截殺賊匪甚多餘匪一二千人由
陽山之白帶寨開竄去其前竄開泰縣屬一股自
焚其巢向永從縣竄去等語李幅猷股匪經此次
痛創後餘黨尙有一二千人亟應各省合兵夾擊
聚而殲旃著毛鴻賓勞崇光張亮基郭嵩燾惲世
臨等各飭在事員弁實力堵截嚴密兜拏或懸賞

欽定剿平粵匪方略

九

購獲首逆或設法解散脅從務將積年巨夥一鼓
殲除毋令豕突狼奔餘燼復熾方能永靖邊陲至
貴州永從縣境與廣西之羅城接壤若由永城走
古州繞出荔波獨山可入廣西之河池思恩等州
縣此股逆匪本有趨粵之志自應扼要嚴防著勞
崇光等迅派兵勇迎頭截剿張凱嵩飭令副將黃
仲慶等探明賊蹤所向嚴密堵剿毋得稍有疏虞

十七日庚申都興阿奏言竊自蘇城克復賊黨紛
竄臣飭令吳全美督率水師於沿江地方加意
防範旋聞蘇垣敗賊竄至丹陽一帶十一月初
二日忽有賊衆突至江邊經總兵李起高開礮
擊退旋據探劉巷朱家圩等處有賊衆數千意
圖橫船渡江撲犯太平洲初三日鎮海藩對江
之龍虎埭復有賊馬步隊一二千人馳驟而來

欽定剿平粵匪方略

十

李起高卽督礮船星馳迎剿一面飛調參將吳
奇勳等各帶礮船接應逆衆直前撲犯各船輪
流轟擊殲賊甚多賊仍不退李起高督隊登岸
抄擊鏖戰許久斃賊無算賊始逃遁我軍追殺
里許各收隊回船是日總兵郭定猷瞭見賊犯
龍虎埭李起高揮軍迎敵當派把總劉永安等
各帶勇丁一齊登岸助剿擊倒逆匪甚衆臣仍

飭令沿江水師嚴為戒備以杜該逆乘虛竄渡
奏八

上命謫政王軍機大臣傳諭都興阿富明阿馮子材
魁玉曰蘇垣敗賊竄擾丹陽一帶突至江邊經總
兵李起高等軍擊退劉巷朱家圩等處賊眾撲犯
鎮海菴對江之龍虎埭我軍登岸迎擊賊始回竄
該逆窮極思竄擬而走險旁擾鎮城北犯揚防均

聖學聖略卷五十九

十一

屬意中之事著都興阿富明阿馮子材魁玉督飭
各軍扼要布置嚴密堵禦如鎮營兵力不敷防剿
並著都興阿撥兵策應總之揚州鎮江兩軍雖營
分南北實則同辦一事必須聯絡一氣互為聲援
方不致為賊所乘不得稍分畛域致誤戎機

同日惲世臨奏言李幅猷股匪遁入連陽山內
之石堽坑尾一帶築壘負嵎臣飛檄福建臬司

張運蘭副將楊虎臣等分道入粵該員等於十
月十一日分抵連屬寨岡七拱司隨派三營於
十四日馳抵距石堽三十里之茶巖駐紮該匪
畏懼乞撫張運蘭等密約圍練聯絡官軍四路
布置以防其變十六日賊目二十餘名隨同紳
士羅傳心詣營張運蘭等察其情詞尚無詐偽
限令緝獻首逆聽候遣散十七日該賊目等將

聖學聖略卷五十九

十二

石堽坑尾賊壘概行焚燬呈繳名冊及軍械偽
印多件張運蘭等會同連州知州嚴先佑帶隊
前往點驗內有偽旗帥向日鼎偽元宰李輔偽
武衛將軍夏洗新及小頭目秦明瑞等三十餘
名均係積年悍賊即於軍前正法餘黨三千餘
名訊明籍貫分別遞解其路遠無歸者酌量就
地安插部署已定惟查首逆李幅猷潛避未到

張運蘭等嚴飭各營趕緊搜緝十九日復擊獲
偽軍略曾潰伍幅勝二名又設法購綫派得力
勇丁逐日於山僻處所節節搜捕二十二日捕
至連州所屬之鐵坑李幅猷率死黨十餘人伏
匿在彼猶敢拌死拒捕壯勇范正綱奮呼衝殺
劈傷該逆頭額登時就縛餘人無一脫者現將
李幅猷會潰伍幅勝解赴廣東審辦連陽地境

欽定剿平粵匪方略卷三十九

十一

一律肅清至該逆分股李七竄擾黎平洪州所
蔓及通道邊界十月初七日周洪印進剿獲勝
賊眾併歸野崗洪州等處初十日署古州鎮成
應洪督帶兵勇進紮黎屬下溫約同分攻洪州
野崗十一日周洪印派隊進至距野崗十餘里
地方分三路直撲賊寨鏖戰逾時賊不能支悉
向洪州下溫竄走十二日據探報該逆竄至下

溫將成應洪營盤攻破兵團潰散成應洪不知
下落賊之前隊擾及中朝潘老竹坪等處距黎
平府城僅四五十里周洪印當飭參將李金榜
率飛字右營兼程赴黎協守並調齊知府戈鑑
等營擬由黎平進剿該逆知楚師踵至星夜退
竄宰宰四寨離府城九十餘里其地與粵西融
縣接壤周洪印見黎危已解而楚邊防兵過單

欽定剿平粵匪方略卷三十九

十四

恐賊蹤復繞道融懷以窺綏通因令滕加洪李
金榜暫駐黎城而自率戈鑑楊洪明等折回靖
州探明賊勢相機防剿臣已分飭參將彭炳武
等於寶永邊隘實力巡防如果該逆仍趨龍勝
以圖東竄即便會合粵軍四面兜圍若尙徘徊
黔中亦即會合黔軍認真剿辦務將此股悉數
殲除以副

皇上綏靖邊疆之至意奏入

上命議政王軍機大臣傳諭毛鴻賓勞崇光張亮基

懌世臨張凱嵩郭嵩燾曰李幅猷自竄入粵東連

陽山內之石塋坑尾一帶經臬司張運蘭等督率

湘軍入粵馳勦賊目二十餘名詣營乞降將石塋

坑尾賊壘概行焚燬張運蘭將積年悍賊偽旗帥

向日鼎等三十餘名悉予誅餘黨三千餘名分

聖學聖略卷十九

十五

別遣散安插李幅猷逃至連州所屬之鐵坑復經

兵勇捕獲並拏獲偽軍略會潰伍幅勝二名解赴

廣東審辦連陽境內一律肅清辦理尙爲得手李

幅猷以石逆餘黨著名兇悍現經官軍拏獲卽著

毛鴻賓郭嵩燾將該犯等訊明後盡法懲治該逆

全股竄擾蜀黔楚粵現雖窮蹙乞降難保不陰謀

反側懌世臨所稱分別遣散安插之處能否不貽

患將來著毛鴻賓懌世臨郭嵩燾飭令地方官及

帶兵員弁實力搜捕妥籌辦理其已降之衆如有

叵測卽當一律勦除以清後患至該逆前竄開泰

縣屬一股昨據張凱嵩奏於十月十一日自焚其

巢全向永從縣竄去又經李幅猷與其弟李幅忠

而議投誠遲疑未決意欲他竄此次懌世臨奏稱

該逆分股李七竄擾黎平洪州所等處復竄至下

聖學聖略卷十九

十六

溫攻陷成應洪營盤經周洪印等追勦復退竄宰

宰四寨地方所稱李七是否卽係李幅忠其宰宰

四寨之賊是否卽竄往永從之股分擾現在李幅

猷既經生擒該逆黨與自己聞風膽落正宜乘此

聲威合黔粵及楚省官軍掃清全股以靖邊圉著

勞崇光張亮基懌世臨張凱嵩督飭各該省官軍

會合兜勦無分畛域務將積年巨患殲除淨盡毋

一第... 子... 4 反...

得藉口邊防株守境內儘有意存觀望任令匪蹤
挺走將來竄往何路肆擾卽將何省會剿不力之
員弁從重治罪決不寬貸此次成應洪既與周洪
印約會進攻何以該逆竄向洪州下溫攻陷營盤
未見周洪印接應難保非該副將心存畛域坐視
不援卽著惲世臨查明奏成應洪下落並著勞
崇光張亮基查明辦理

聖軍方略卷三十九

十七

二十日 癸亥 曾國藩奏言曾國荃雨花臺一軍於

十月初五六等日攻克濱化解溪隆都湖墅三
全鎮五隘破賊二十餘壘金陵城東百餘里內
一律肅清遂於十五日進紮孝陵衛城賊運糧
之路業已斷絕惟城內賊數尙多其氣尙固我
軍於四月間開挖地道直至十一月初五夜始
得挖成用火藥轟陷十餘丈該逆內築月城下

穿橫洞竟能搶堵缺口我軍陣亡三百餘人傷
者更多蘇州克復後聞僞忠王之計將入金陵
挈洪逆以出竄臣觀洪酋之堅悍未必肯棄金
陵而竄他處目下當以全力謀破堅城一面布
置各軍分堵上游事機愈順圖謀愈不可不慎
奏入報

聞

聖軍方略卷三十九

十八

二十一日 甲子 都興阿奏言逆衆自竄擾龍虎埭
擊退後數日以來均無動靜現聞丹徒一帶難
民紛紛濟渡臣派令侍衛訥依楞阿等赴三江
營大橋一帶及七濠口八濠口等處巡查彈壓
頗爲安靜惟聞數日前南岸賊竄鎮江丹徒新
豐等處尙無確信又據駐防秦靖之副將蔣臨
照探稟連日南岸難民由六七圩港土橋龍王

廟等處北渡者每日不下五六百人詢據各難民聲稱逆匪仍屯聚漁塘魏村一帶約有數萬並有薙髮之匪聲稱投誠之信沿江各港師船扼泊防勦甚為嚴密現當蘇垣敗匪窮極思竄之際誠恐瀕入難民乘間北渡已嚴飭水師仍令下游難民由六圩八圩兩港對渡俾易稽查其餘各港仍一概封禁並飭蔣臨昭等於該兩

欽定四庫全書

十九

欽定四庫全書

二十

港口設卡認真盤查其上游難民專在七濠口一帶濟渡飭遊擊鄭啟貴等嚴密稽察此時敗匪雖竄至常州一帶幸該處水陸毗連鎮江者居多鎮營穩守兵力較厚似可無虞臣惟有悉心整頓水師倍加慎密不敢稍有疏懈奏入上命議政王軍機大臣傳諭都興阿曰江北軍情既據都興阿奏逆賊自龍虎墩敗退後數日來均無

動作三江營七濠口等處均尚安靜沿江水師扼泊甚為嚴密惟當此南岸軍務得手之時誠恐該逆併力北犯且丹徒一帶及六七圩港等難民北渡甚夥尤恐瀕跡其中此時揚軍防勦機宜尤當慎之又慎著督飭在防水陸各軍妥籌戰守不可稍有自恃如鎮城情形喫重仍須撥兵協助毋稍疏虞

二十三日 丙寅 李鴻章奏言臣派撥水陸各軍分

路兜勦浙西之賊疊據劉秉璋呈稱嘉城東六里張涇匯為婁嘉平三邑要路該逆堅壘重濠聯絡固守劉秉璋先於十月二十日由楓涇帶隊進攻該處官塘南北岸有石壘四座逆眾出拒我軍拔樁下濠分撲各壘劉秉璋在濠邊揮戰援賊大至我軍憑河分堵猛撲數十次賊在

營後站隊壘賊抵死拒敵劉秉璋受槍傷仍
督隊撤回嘉善踞賊遂連日糾眾出窺劉秉璋
派令略東昌帶船分扼茜涇及伍子塘與曾守
忠師船聯絡二十一日城賊大股直撲干窰之
鳳洞橋大通橋一帶離伍子塘不遠略東昌等
師船並進連毀亭子橋口及鳳洞橋木卡二座
斃賊不少賊即敗走退至大通橋外二十八日

欽定剿平粵匪方略卷三十九

三

城賊又山大股馬步萬餘人槍礮船百餘號由
南星橋分股撲東茜涇口師船分投迎擊賊猶
恃眾不退劉秉璋以茜涇爲西塘楓涇中間要
路二十九日抽派水陸隊伍往勦該逆屯踞大
河南北中搭浮橋於南岸橋口築卡我軍先擊
退北岸之賊又進擊南岸之賊該逆退入村莊
小有斬獲三十日水陸各軍復分路夾擊列隊

茜涇四汊河口擊斃南岸賊二百餘人賊勢不
支由浮橋南退適太湖水師及潘鼎新楊鼎勳
各營亦皆派隊來援賊眾狂奔橋斷溺斃無數
我軍乘勝追擊賊仍逃入城中其北岸與未及
過河者二百五十餘人悉數擒獲十一月初四
日劉秉璋創傷漸愈又率水陸各營往攻張涇
匯潘鼎新亦派徐道奎帶三板船十七號趙濟

欽定剿平粵匪方略卷三十九

三

川帶礮隊兩哨助勦劉秉璋令蔡渭川等帶船
攻河南石壘以綴賊勢令趙濟川以炸礮打河
北橋頭賊壘斃賊甚夥賊仍抵死不退聶桂榮
等帶二營一齊猛撲拋擲火罐延燒賊屋賊始
慌亂我軍肉薄以登殺賊百餘當將北岸橋頭
賊壘攻克其餘壘賊各駭而奔適善城援賊大
至我軍分路包抄斬敵數百人賊棄械狂奔所

有張涇匯賊壘一律攻奪劉秉璋當派袁發萬重喧填紮二營爲進逼嘉善地步臣仍飭劉秉璋等相機攻勦程學啟李朝斌水陸各軍亦已次第分道前進冀成犄角之勢

李鴻章又奏臣於十一月初五日馳往無錫晤商李鶴章劉銘傳等偵知常州護逆一股因蘇錫克復其部衆漸已離心正當乘機進取遂

聖朝聖略卷三十九

三

飭劉銘傳督帶所部九營並略國忠二營張桂芳一營由江陰西南焦塾三河口等處進紮李鶴章派周盛波張樹聲等十二營由運河官塘進紮圖攻常州步步爲營穩慎籌辦臣訊據無錫逆首僞潮王黃子隆供稱忠逆現帶各股賊衆退聚丹陽欲突圍入金陵將洪秀泉之子擁戴出城竄擾江西仍留僞天王守金陵以待援

聖朝聖略卷三十九

三

應等情未知確否業將該逆首黃子隆暨其子黃德懋凌遲處死懸首示衆又准曾國荃來函金陵官軍業經合圍城中接濟已斷驚擾異常惟洪逆踞陴死守似忠逆未必能遂入城卽進城未必能再出竄各路防備自須加嚴臣於初九日由無錫回蘇督籌善後各事查城內降衆難民尙有十數萬人近甚安靜其籍隸廣東湖南北江西者酌給川資先行押送過江遞送回籍其隸皖浙江蘇者分別資遣安置派令署臬司郭柏蔭督同府縣官紳次第經理仍派六營分門駐守以昭嚴密

同日馮子材魁玉奏言近據密探忠酋李秀城竄踞丹陽所帶敢死之賊尙有數萬覬知鎮郡兵單謀卽日大舉環攻以圖掣我江防動搖全

局嗣見新豐越河官軍層層收束各防營壘聯絡謹嚴無懈可擊遂率死黨潛竄句容龍潭一帶而去臣等一面函知曾國荃嚴爲準備一面多派員弁分投偵探仍令水陸諸軍加意防範頃准曾國荃函覆忠逆已於十一日帶馬隊數百潛入金陵步賊仍紮句容丹陽寶堰石埠橋龍潭等處覈與鎮營謀報大略相同查蘇城旣

欽定剿平粵匪方略卷三十九

三

拔羣賊以金陵爲去就忠會陰鷲梟悍惟所指揮此次該逆悉衆上援不急於解圍而輕騎入城自必另有詭計至侍護兩逆死守常州溧陽等處兇燄尙熾丹陽逆首格添義恃其糧多黨衆負嶠益堅鎮防係南北咽喉深慮逆氛橫溢防務甚形喫重一俟上游機有可乘臣等仍當激勵三軍力圖攻剿斷不敢稍滋延誤均奏八

上命議政王軍機大臣傳諭曾國藩左宗棠李鴻章沈葆楨馮子材魁玉曰張涇匯爲嘉善東隅要隘現經官軍攻克賊膽已寒著李鴻章督飭劉秉璋等進逼縣城並飭程學啟李朝斌水陸並進迅掃賊氛以孤浙西賊勢俟嘉善克復即可直搗嘉興左宗棠前已進攻餘杭現在嘉善之師正當得手著該督分撥所部將士會合兜剿速克堅城劉銘

欽定剿平粵匪方略卷三十九

三

傳等軍山焦塾三河口進紮與李鶴章會攻常州步步爲營辦理甚爲周妥卽著李鴻章嚴飭劉銘傳李鶴章等穩慎籌辦毋稍大意馮子材接據曾國荃函稱忠逆已於本月十一日帶馬隊數百潛入金陵步賊仍紮句容等處現在金陵業經合圍著曾國藩飭令曾國荃等督飭各軍嚴加備禦密速圍攻斷不可令忠逆乘隙他竄李鴻章奏據逆

首黃子灘供稱忠逆欲突入金陵將洪秀泉之子擁戴出城竄擾江西所供情形雖未必盡屬可信然不可不加意嚴防著沈葆楨督飭江西各軍豫為防範扼守要隘毋令竄入江境致滋蔓延蘇城降衆難民尚有十數萬之多著李鴻章飭令郭柏陰等妥為安插毋令滋事

二十七日庚午李鴻章奏言劉銘傳於十一月初

聖朝軍方略卷三十九

三

九日帶隊抵常州城北十五里之陳都橋其前營滾進距城四五里地方探視城外各門賊營林立人數甚衆劉銘傳督軍由羊頭橋問道深入而圩塘賊營三座適包我軍之後幸屢戰皆捷飭駱國忠兩營暫紮西施橋扼其竄路張桂芳等滾紮孫村距城僅隔一河徐得勝者貫兩營紮過河西卽有常州西路奔牛鎮石城賊營

聖朝軍方略卷三十九

三

那小雙率衆二千乞降劉銘傳卽令駐守該處堵擊丹陽援賊李鶴章派周盛波張樹聲兩軍於初七八日由無錫進紮戚墅堰初九日周盛波進抵常州城東十五里之捕鼓橋張樹聲攻奪白家橋賊卡十一日卽派兩營進紮白家橋周盛波哨至東門三里橋攻破賊卡一座逆衆萬餘由西南兩路來撲我軍鏖戰良久斃賊甚多賊退入營十三日各營出隊先搭浮橋數道並築長卡陸續滾進李鶴章已將無錫城守布置就緒馳赴常州督勦十四日劉銘傳督所部進攻西北門外各營一而飭令唐殿魁等環攻圩塘之賊該逆抵死拒守我軍以礮轟塌營牆各勇拔椿踰濠一擁而入先破賊壘三座檢斬無數城賊二三萬盡擁山救劉銘傳督隊分投

迎勦力戰兩時賊敗退入城劉銘傳乘勝攻擊連破東北門外賊營十數座收降卒一萬五六千人十五日李鶴章飭周盛波等於五鼓出隊進攻東門賊營連破石營數座擒斬數千我軍入據其壘與劉銘傳各營一氣聯絡又會攻小北門口大石營劉銘傳正川千里鏡測望礮路被賊洋槍子中傷頂額登時暈倒幸入骨未深

聖皇聖略卷五十九

三九

子已取出午刻偽護王陳坤書率眾數萬出南門繞撲周盛波營後我軍大隊撤過河南張兩翼迎戰逾時賊乃潰走乘勢追過西門大河擒斬溺斃數千人破南門石營兩座臣查護逆一股久踞常州人數雖眾不甚耐戰前此疊援江陰無錫經劉銘傳屢次擊敗又值蘇錫克復軍氣愈奮賊膽愈虛祇以城堅池深各門外多紮

堅壘為死拒待援之計茲劉銘傳李鶴章等乘其衰蹙神速猛進勦撫兼施連克賊營二十餘座收降二萬餘人城外已漸肅清丹陽宜興來援各路亦經紮斷該逆似難久踞臣已函囑劉銘傳加意調治裏創督戰並飭李鶴章設謀招撫仍督隊速攻以期早克名城再浦東一路自劉秉璋攻克張涇匯賊壘平湖賊酋陳恩榮赴

聖皇聖略卷五十九

三九

潘鼎新營中乞降初八日已率眾薙髮獻城當將平湖縣城收復官軍旋入協守乍浦嘉善賊酋亦紛紛具稟投誠臣飭劉秉璋潘鼎新相機察辦俟措置就緒再行縷晰陳明程學啟即日拔隊進攻平望與劉秉璋等隨時會商辦理奏

上命議政王軍機大臣傳諭李鴻章曰常州逆匪堅

守待援經李鶴章等分路進攻連克賊營二十餘
座收降二萬餘人丹陽宜興來援各路亦經紮斷
該逆諒難久踞卽著飭令李鶴章等迅速圍攻力
拔堅城毋令護逆乘間免脫其丹宜等處賊援之
路仍應加意防範以免勾結劉銘傳督隊受傷殊
堪慮念該撫卽傳諭該員加意調治仍一而裹創
督戰以竟全功降衆二萬餘人必須妥爲安置投

聖皇聖考卷三十九

三

誠賊會邵小雙現經派令駐守奔牛鎮石城一帶
堵擊丹陽援賊是否可靠仍當隨時察看毋稍大
意平湖縣城收復乍浦嘉善賊會亦具稟投誠著
卽飭令劉秉璋等相機妥辦如措置就緒卽行詳
細馳奏

二十九日 壬申 都興阿奏言蘇垣無錫相繼克復

逆匪勢必各路亂竄節經 臣飭水陸各軍嚴加

備禦並稽查各隘口使奸匪無從瀾跡查江面
港汊紛歧下游江靖一帶尤甚前因稽察難周
僅准開八圩六圩兩港俾滬軍往來採買軍需
並令南岸難民專由六圩港濟渡此時各路降
衆過多難民紛紛四散江防尤宜倍加嚴密現
已札飭下游師船統領林宜華等除八圩港係
滬軍南北往來採買之地仍照常濟渡其六圩

聖皇聖考卷三十九

三

港口向係濟渡難民茲恐奸匪夾雜瀾渡暫可
會同各港口一律封禁以昭慎重至蘇城降衆
人數至二十餘萬之多諒李鴻章必能妥爲籌
備但不知目下如何辦理現在南岸各州縣大
半克復該降衆及難民人等似亦有可安置之
地無須分飭渡江如遣散之中有係兩湖江安
等處之人應由淮揚水師查明撥船順江上送

其江安及儀揚附近人民均由儀徵以上登岸以便分起遣散不致驚擾裏下河完善腹地相應請

旨飭下李鴻章轉飭滬軍各統領及淮揚水師妥爲辦理至北岸泰興陸路爲下游要隘現派副將劉成元帶領二營前往駐防以資堵禦並嚴飭侍衛訥依楞阿日夜沿江探防不敢稍涉大意

奏八

上命議政王軍機大臣傳諭都興阿富明阿李鴻章曰蘇城散遣降衆二十餘萬人數過多前經李鴻章奏明分別給資散遣回籍惟是否由江南岸陸路行走抑有兩湖江安等處之人由江面水路行走及渡江北歸者著李鴻章查明轉飭滬軍及淮揚水師將渡江降衆分起撥船上送如係江安及

欽定剿平粵匪方略卷三十九

三

儀揚附近之人均由儀徵登岸以便稽察遣散其兩湖安徽等處之人卽由淮揚水師查明撥船順江上送以免驚擾裏下河完善腹地勿稍疏忽現在南岸各州縣大半克復該降衆有籍隸南岸各州縣及該處難民人等如有地方可以安插卽可無須分飭渡江所有前留濟渡難民之六圩港口卽由都興阿富明阿暫時封禁以防奸匪潛跡此後如須有仍前設渡之處應由李鴻章隨時察看情形與都興阿富明阿會商奏明辦理此時南岸軍務得手北岸防堵尤宜格外加嚴著都興阿等將儀徵渡口妥爲防範其下游泰興陸路一帶卽著飭令派出之副將劉成元督兵駐守認真堵禦並飭侍衛訥依楞阿於沿江一帶嚴密探防不准以空言敷衍了事

欽定剿平粵匪方略卷三十九

三

欽定勦平粵匪方略卷三百六十 癸亥年

十二月初二日 甲戌 李鴻章奏言查浙江

會陳殿選卽陳恩榮先於十月中赴潘鼎新劉

秉璋營中乞降並言城中不願投誠者半請謀

定舉事及劉秉璋苦涇張涇之捷擬分兵進

扼新埭該會遂請約期進取十一月初六日潘

鼎新派夏金標潘鼎立進紮廣陳以觀動靜劉

秉璋派聶桂榮張應魁由楓涇移紮新埭楊鼎

勳出隊干審劉秉璋進兵鍾埭牽綴嘉屬各逆

而絕該會反顧之心初七日令徐道奎帶水師

夜偪城根該會卽勒所部分圍各逆館開城迎

我軍入當將偽洗天安陶雲從等各館悍賊誅

殺殆盡督令合城薙髮陳殿選率陳殿魁王應

海錢玉興朱六玉等所部萬餘人盡降初八日

中央民族
學院圖書

欽定勦平粵匪方略卷三百六十

一

欽定勦平粵匪方略卷三百六十

二

遂將平湖縣城收復陳殿選初約乍浦賊會熊

建勳同降熊會未決十月二十六日乍浦偽天

福甘姓密約內應請我軍夜襲之十一月初五

日三更潘鼎新親督潘國揚潘鼎立等銜枚疾

走過乍浦東門外牛橋賊壘賊睡中驚起我軍

殺八鮮得脫者及抵乍城賊眾有備甘會謀不

得發潘鼎新當派各軍將經光山等處賊營四

座分路踏毀殺賊數百名餘匪逃向沿海山坳

踐死無算我軍天明收隊熊建勳懾於兵威始

具稟乞降潘鼎新派員齎札進城宣諭初十日

派丁壽昌唐宏成劉恩洲帶三營進紮乍浦城

根自督潘國揚一營勒兵平湖南門外以俟十

二日熊建勳率眾獻城當將乍浦城收復次日

潘鼎新卽令熊建勳隨同唐宏成等隊前往海

鹽該縣踞逆多能會舊部經唐宏成等反覆開
導立時迎官軍入城澈浦鎮踞賊震懼思逃亦
經熊建勳傳諭招撫十三十四等日遂又將海
鹽縣城及澈浦鎮收復潘鼎新劉秉璋商派四
營駐守平湖三營協守乍浦留二營守金山衛
以固蘇省門戶海鹽暫令降眾自守臣查平湖
乍浦海鹽各城相爲犄角與浦東金山接壤爲
滬防後路浙省東北沿海屏蔽該降會等備我
軍威次第納款浙賊藩籬已撤杭嘉踞逆首尾
不能相顧據各降會願率眾往攻嘉興已飭潘
鼎新劉秉璋等分別遣留相機督剿惟聞歸逆
鄧光明等率黨三萬餘人入援嘉興意圖復奪
各城海鹽澈浦去蘇較遠訪由潘鼎新等隨時
酌調應援並令程學啟速攻平望嘉善以圖牽

欽定剿平粵匪方略

三

制遊擊徐道奎首先入城搜殺梗逆請以參將
儘先拔補並
賞加副將銜降會陳殿選等殺賊歸誠應請
旨分別給予獎勵

李鴻章又奏言臣前因蘇錫攻剿喫緊暫留黃
翼升淮揚水師薪資協助現在蘇州無錫次第
克復已飭陸軍乘勝進取西圖常州東略嘉湖
各路水道紛歧尙須多用戰船以資分布惟彭
玉麟楊岳斌前派赴臨淮師船約期換防未便
再延商令黃翼升酌帶所部水師五營先行馳
往臨淮察奪情形會同安徽撫臣唐訓方妥籌
調度而蘇浙交界進攻正在得手仍留淮揚水
師六營協同防剿以期兼顧奏入
上命議政王軍機大臣傳諭左宗棠李鴻章曰官軍

欽定剿平粵匪方略

四

連復平湖乍浦海鹽各城現派四營守平湖三營
守乍浦二營留守金山衛惟海鹽澉浦無官兵派
守仍令降眾駐紮恐不可靠歸逆鄧光明等入援
嘉興意圖復奪各城若復有失則前功歸於烏有
著李鴻章督飭潘鼎新劉秉璋妥爲調度隨時相
機策應勿稍大意並著飭令程學啟遠攻平望嘉
善此二城一經得手便可會合浙軍圍攻嘉湖劉

聖朝聖訓卷之五

五

銘傳受傷後常州是否接仗並著催令迅克以期
漸次廓清餘杭杭州近日軍情若何左宗棠前奏
擬令劉典所部進剿孝豐規取湖州並親紮富陽
督軍先克餘杭日來尙未見有奏報殊深慮繫該
督全局胸羅前以髮逆圖竄江皖故以全力協助
會國藩防剿浙東保全後路未能分兵攻剿嘉湖
現在皖南州縣克復殆徧滬軍亦已收復乍浦海

聖朝聖訓卷之六

六

鹽等城聲勢可期聯絡該督督飭蔣益澧劉典
迅圖攻克各城並派兵與李鴻章之軍會合以圖
嘉興湖州所有近日一切布置接仗情形著該督
隨時迅速具奏李鴻章另片奏令黃翼升帶水師
五營馳往臨淮等語現在臨淮一帶兵力足敷分
布而蘇浙交界正在得手需兵助剿黃翼升如留
在蘇浙一帶必更得力著李鴻章咨商曾國藩唐
訓方妥籌調度卽令折回或派在蘇浙一帶防剿
或令扼紮緊要江口以益兵力均著妥籌調派
上諭內閣曰江蘇官軍進剿浙西逆匪疊破要隘羣
賊震懼乞降遂將平湖乍浦海鹽各城及澉浦鎮
收復勦辦甚屬得手卽著李鴻章飭令在事員弁
乘勝進兵將嘉興府屬各逆迅速掃蕩毋留餘孽
遊擊徐道奎著以參將儘先拔補並賞加副將銜

降人陳殿選著賞給遊擊銜陳殿魁著賞給都司銜王應海錢玉興朱六玉均著賞給守備銜熊建勳著賞給三品頂戴花翎其餘在事出力員弁人等著李鴻章查明彙案保奏候旨施恩

初三日乙亥馮子材魁玉奏言探得忠會遁往金陵

未出死黨數萬仍在丹句一帶歸僞然王陳逆調遣又無錫官兵進薄常州奔牛孟河等處

欽定剿平粵匪方略

七

逆匪望風歸正僞護王陳坤書所部悍賊數千亦復歸併丹陽臣等恐該逆疑而走險卽派總兵張文德等馬步兵勇八千名進紮距鎮十五里之甘棠橋地方一面派總兵田宗揚等相機策應二十日丹逆數千乘我軍布置未定由馬陵抄撲健成兩營張文德令副將楊青山等前後截擊賊始潰退二十一日陳會率四僞王大

股萬餘三路分竄撲營甚急將士更番轟擊自辰至申斃賊無算該逆恃衆不退楊青山督同副將關松志等會同鎮城馬隊分路兜抄逆屍枕藉都司古龍光遊擊李士喜千總王忠福等殺賊尤衆均以裹創力戰先後陣亡將士憤怒爭先盪擊賊衆登時潰散是日約計斃賊千餘名我軍傷亡數十名臣等聞報飛飭張文德等

欽定剿平粵匪方略

八

督同前敵將士持重堅守仍派田宗揚等由鎮城挑派馬步馳往甘棠橋附近扼紮擊其惰歸二十二日大股逆匪纒擁而來距營里許往來馳騁遙爲衝突之勢另股由紅山凹旁抵團山窺探後路我軍堅壁不動自己至申該逆再撲再卻其氣已竭我軍鼓行而進四而蹙之賊勢披靡殲殪不可勝計乘勢追剿十餘里直抵馬

陵華山一帶是日斃賊約有二三千名臣等察看目前賊勢斷不能久持惟有督飭鎮將量敵而動相機而進聽候上游消息妥為辦理不敢稍有疏虞至此次陣亡之儘先遊擊四川保安營都司古龍光儘先遊擊李士喜守備銜儘先千總王忠福等三員均以奮勇殺賊血戰捐軀相應請

聖恩厚賜卹恤

九

旨飭部從優議卹以慰忠魂奏入

上命議政王軍機大臣傳諭馮子材魁玉曰丹句悍賊由馬陵分路撲營雖經各營將士奮力擊退而官軍傷亡不少著馮子材魁玉督飭鎮營將弁戰守兼資務將各路賊匪悉數殲除勿使窺覷鎮城久踞要地並隨時偵探如常州攻勦業已得手即酌量分軍會合滬軍相機進取丹陽總須自行紮

穩先為不可勝以待敵之可勝諒該提督等用兵有年必能領會也陣亡之儘先遊擊四川保安營都司古龍光儘先遊擊李士喜守備銜儘先千總王忠福均著交部從優議卹以慰忠魂

初六日戊寅會國藩奏言偽忠王李秀城自蘇州

逸出統眾數萬分布丹陽句容龍潭石埠橋等處初十日忠逆率數百騎由太平門入城會國

聖恩厚賜卹恤

十

荃令蕭孚泗李祥和等在附城一帶修一月牆十三日賊山大股來撲我軍力戰卻之賊亦傍城增壘防我地道我軍復於十六夜力攻破之疊據降賊供稱忠逆既至金陵勸洪逆棄城同逃洪逆不從忠逆有向甯國縣繞越開化玉山入江西之議臣已咨商左宗棠沈葆楨嚴防東路其西路為羣賊上犯熟徑處處可通臣於微

甯池三屬派兵分守十城江西之東北邊境如石門洋塘景德鎮等隘亦經沈葆楨逐段設防惟尙欠大枝游擊之師頃因贛南防務已鬆臣函商沈葆楨調韓進春一軍回顧饒景重地以期有備無患奏入

上諭曰前據李鴻章等奏忠逆遁回金陵有挾洪逆之子竄江西之說疊經諭令曾國藩左宗棠沈

欽定剿平粵匪方略

十一

葆楨等豫爲防範仍著恪遵前旨嚴飭皖南諸軍力守要隘毋令該逆乘間上竄江西防務緊要卽會同沈葆楨迅將韓進春一軍調回饒景扼紮毋稍疏虞

初八日庚辰李鴻章奏言臣前飭程學啟李朝斌

水陸各軍進攻平望以圖嘉湖二十二日程學啟令劉士奇所部兩營由南廂進紮梅堰塘防

湖州之賊來援餘營分三路進攻李朝斌督水師由汾湖兜剿查平望之賊於鴛脰湖南北岸築石城二座土壘三座皆憑河爲濠異常堅固以巨石沈舟填大河而以木椿阻小河船不能行我軍甫至賊突山二三千人隔河密放洋槍程學啟督王永勝等併力擊退是夜四鼓時賊分兩路劫營我軍聞聲密令各勇潛伏蘆葦伺

欽定剿平粵匪方略

十一

賊漸近突起迎之賊復退回二十三日程學啟等分路進攻賊先以大礮遙擊近則偃旗不出我軍開放炸礮數十各勇隨煙擁進正在得手嘉興援賊突來萬餘我軍一面急抽師船迎剿援賊一面仍併力緊攻連開大小炸礮五百餘斃悍賊多名立將各壘攻破賊聞有乘舟逸者悉爲槍船截殺屍骸山積計擒斬頭目三十餘

人悍黨四五千人燒賊船五百餘隻奪獲礮船百餘隻援賊氣奪遁走水陸追殺十餘里復擒斬數百人二十四日程學啟令王永勝等進攻九里橋李朝斌自督兩營由鴛脰湖會剿立破賊營二座追斬百餘人淹斃無算復會劉士奇等與水師進攻黎里斬數十級賊已狂奔該處賊營二座亦破平望附近一律肅清程學啟派

聖朝聖略卷百十

十三

吳統棻陸師兩營填紮平望兩石城其三土營立即平毀李朝斌派水師兩營泊鴛脰湖相為依護並令費金綬礮船紮牛頭河以杜繞竄之路臣查平望一鎮東連嘉興西連湖州南通杭郡實為蘇浙樞紐浙賊多聚精銳守此要隘現經我軍攻克嘉湖失此藩籬賊當已奪氣仍當飭令程學啟等乘勝相機與潘鼎新劉秉璋

各軍夾擊併圖嘉興所有此次出力陣亡各員相應開列請

旨分別獎卹

李鴻章又奏旨李鶴章劉銘傳等進剿常州自十一月十五日攻克東北門外倉橋寶塔邊一帶賊壘我軍紮營進逼十七日李鴻章約會劉銘傳各營環攻小北門外大土城賊以槍礮抵

聖朝聖略卷百十

十四

拒我軍力攻四時之久暫行收隊是夜二更李鶴章復派張樹聲等進攻賊仍死拒張樹聲親督弁勇運草填濠猛撲以火彈焚燒賊棚董鳳高率眾殺入手刃悍賊數十名各軍擒斬數百名逸者無多遂將小北門口大土城攻克先是常州西路奔牛踞賊邵志倫羅魁灣踞賊夏登山萬錫階石橋灣踞賊張邦振等共十餘石壘

有衆數千至劉銘傳營中乞降許之派水師營官鄭龍彪斬春和帶戰船前往部署復令道員馮席珍往督戰守奔牛至小河口運道已通惟小河口沿江數里之孟河汎城尙有賊踞十三日城賊由西門出撲降衆各營孟河賊亦糾衆從西猛攻斬春和馮席珍督同邵志倫等將城賊擊退十四日乘勝進攻孟河賊閉關拒守斬

聖軍平粵方略

十一

春和激勵降衆一鼓前進拔樁越牆而入踞賊千餘擒斬殆盡當將孟河汎城攻克李鶴章劉銘傳商派黃桂蘭一營率降衆紮守奔牛以扼丹陽來路二十日忠逆派僞章王太股由句容來援已抵西門三里街李鶴章令張樹聲等分攻各門牽綴城賊自督周盛波等九營專剿援賊而令郭松林紮大南門之左架礮轟城午刻

章逆護逆治逆糾衆五六萬分列西南前來迎拒李鶴章分兵三路進擊自率董邦喜等在後策應章逆徑撲中路經余思樞等擊退追至三里街賊營賊未入壘當被我軍踏毀土營四座擒斬五六百名護治二逆從兩旁抄襲周盛波余拔羣分路截之章逆又率衆回撲余思樞等合力痛擊逆勢稍卻李鶴章令董邦喜等遠包

聖軍平粵方略

十二

西南五里之外飛調郭松林率槍隊徑撲大南門賊卡使賊處處受敵申刻我軍各路衝入賊遂大潰追過西門七里橋又破賊營三座擒斬溺斃二千餘人臣查孟河汎城爲沿江要口經我軍攻克則常郡之賊斷難由此北竄護逆踞城死守惟恃忠逆來往應援疊受痛懲援逆亦漸不振仍飭李鶴章劉銘傳等合謀偪勦力圖

克復

李鴻章又奏言欽奉

諭旨都興阿片內有探聞忠逆欲合護侍各逆乘火

輪船藏船竄擾江陰著李鴻章迅籌布置防其由

江陰口岸渡江而北臣查江陰城最險固置守尙

易前因駱國忠自告奮勇協勦常州當飭其分

帶二營隨劉銘傳進攻卽由李鶴章添撥張士

芳等二營赴江陰填紮協守劉銘傳現圍常城

西北李鶴章圍偏東南僅西門正面未圍又招

撫奔牛降衆攻克孟河賊壘不但忠護各逆無

繞竄江陰之路並不能由常州境內出江北竄

忠逆所購小火輪船聞已繞赴溧陽刻下游氛

雖衆賊膽甚虛如果南北岸各軍鎮定堵剿該

逆似不致由此北竄

勦平粵匪方略卷三十一

十七

李鴻章又奏言浙江海鹽縣城於十一月十三

日收復後十五日瓊城踞逆左元恩糾衆數千

來犯該處距海鹽十三里當經潘鼎新派唐宏

成等帶隊前往督同降會熊建勳將賊擊走卽

將瓊城石壘攻毀賊退至沈蕩乘勝追殺餘賊

遁入嘉興潘鼎新令降會吳秉權等分紮三營

於瓊城犄角堵禦方政德紮二營於三環洞橋

勦平粵匪方略卷三十一

十八

對面以防嘉賊從小路抄後十七日嘉興桐鄉

石門各逆大股並撲瓊城僞會王蔡逆由海甯

徑撲澈浦海鹽潘鼎新派丁壽昌唐宏成等分

道馳援十八日唐宏成抵海鹽北門飛飭降衆

嚴守瓊城自督熊建勳等繞山沈蕩截其歸路

殄斬數百名賊始潰退其撲海鹽之賊經丁壽

昌等督率降衆扼南門外之駱駝橋鏖戰兩時

賊亦潰敗追剿十餘里蔡逆遂併趨激浦該處城廢降會李汶楚等分紮城外已被賊圍奮死抵禦我軍追至偏剿賊乃敗回臣聞聽歸各逆黨眾均集嘉興杭州海甯等處該逆雖經擊退必復來爭潘鼎新兵力較單暫撫降卒而用之臣飭其妥為控馭並帶所部各營移紮乍浦扼海口形勝之地兼顧平湖復調唐宏成協守海

欽定剿平粵匪方略

十九

鹽劉秉璋由嘉善進取程學啟由平望進紮亦得面而牽制之勢仍飭各軍穩慎以圖互為策應

李鴻章又奏言臣欲保蘇滬門戶不能不進圖浙西以剿為堵各城踞逆抗拒者設法攻打投誠者乘勢招撫潘鼎新受平湖乍浦海鹽之降臣意初欲盡遣之劉秉璋潘鼎新等皆以前路

賊勢尙多地形散漫我軍分布防剿實苦單薄且與浙軍中隔杭嘉海甯各城難遽聯絡誠慮逆眾挺走或有潰裂之時不得已暫就降人可用者撫而留之准該降會備資自效仍隨時籌捐接濟此目前權宜辦法臣飭潘鼎新等嚴明約束力禁騷擾平湖乍浦守事我軍主之海鹽則我軍督降眾守之似尙操縱由我惟左宗棠

欽定剿平粵匪方略

二十

行營相距較遠自杭來蘇必須繞由甯波渡海新復地方不可一日無官若拘泥文法俟浙省委員來署恐多遲誤且與客軍及降人雜處或且裹足不前可否變通辦理做照前湖北撫臣胡林翼進剿安慶太湖潛山由鄂委員代理地方成案暫由臣慎選委員於收復浙省府縣時就近暫委代理以便調協軍民彈壓撫綏仍咨

明浙省備案俟浙江委員到後再飭交卸或俟杭城克復左宗棠兵力能及再統由浙省覈辦其暫留降衆仍責令經手人員逐漸遣散伏乞聖鑒訓示

同日馮子材魁玉奏言逆衆經官軍擊退後尙未遠颺旋據探報忠逆之子勾結句容悍賊岡天義黃逆率黨分道圖犯甘棠橋新立營壘十

聖皇聖考略卷三十一

三十一

一月二十四日大股賊匪約二三萬衆分西南兩路直撲營盤勢極兇悍臣等豫派副將周伯雲等前往助陣經總兵張文德飭令會同已革副將陳步高等率隊紮西路並派副將刁經明率馬步伏東路山凹以備策應該逆先以數十騎誘敵我軍屹不少動相持約兩時許句逆岡天義恃勇猛進率洋槍賊隊直撲陣前副將楊

聖皇聖考略卷三十一

三十一

春山整隊以待見賊近在五十步以內始令開放排槍連環轟擊賊勢不支紛紛倒地步軍衝入賊隊適見黃衣逆賊中槍墜騎軍士割取首級搜得岡天義偽照羣賊紛紛奔竄楊春山等乘勢跟追斃賊極多其東路之賊已知黃逆被誅遂巡逃遁副將刁經明等當由山後抄出擊斃賊匪無算二十五日諜知羣賊遁入丹句各城不敢窺伺鎮防臣等仍飭各營嚴爲備禦相機而動現又探得丹陽踞逆擬派偽翹王等分援常州孟河等處聲東擊西是其慣技惟宜慎固鎮防根本徐圖進取之機均奏入

上命議政王軍機大臣傳諭會國藩都興阿左宗棠李鴻章馮子材魁玉曰平望鎮爲蘇浙兩省樞紐賊之精銳併聚程學啟等軍破壘之後李鴻章現

派陸營填紮並以水師泊鴛脰湖礮船紮牛頭河
杜賊匪繞竄之路常州各軍收降奔牛踞賊攻破
孟河汎城已進紮各門擊退句容援賊海鹽之軍
攻奪璵城石壘嘉甯之賊屢撲海鹽皆經擊走李
鴻章以潘鼎新所部兵力稍單暫撫降衆用之並
帶所部移紮乍浦兼顧平湖復調唐宏成之軍協
守海鹽程學啟由平望進紮劉秉璋由嘉善進取

聖皇聖略卷三



以爲面面牽制之勢辦理均極妥協卽著李鴻章
督飭各軍穩慎進攻不可稍涉大意嘉興克復卽
與浙省之軍會取湖杭常郡克復卽與鎮城之軍
會攻丹句並著曾國藩隨時妥籌兼顧商令曾國
荃乘此賊勢大蹙面面受敵之時相機進取擄穴
擒渠勿令洪逆與李秀城伺隙圖竄左宗棠亦卽
督令浙西各軍迅速進攻期與蘇軍聲勢相倚以

收夾擊之效忠逆之子勾結丹句悍賊黃逆撲犯
甘棠橋新營馮子材所派各軍力戰退賊鐵厥渠
魁鎮城防守尙爲穩固仍著馮子材等嚴行備禦
防剿兼施並著都興阿嚴防北岸以杜竄越與南
岸馮子材等聲息相通飭令水陸各軍鎮定堵剿
毋稍懈弛李鴻章奏忠逆所購小火輪船聞已繞
赴溧陽究竟是何詭謀仍須飭令各路嚴加防範

聖皇聖略卷三



至新復浙西府縣此時杭城未克浙省不能顧及
自應暫由蘇省就近妥籌彈壓撫綏卽著照李鴻
章所請由該撫慎選委員暫委代理此係權宜辦
法俟浙省兵力能及卽統由浙省委員接替
上諭內閣曰賊匪盤踞江浙交界之平望鎮等處經
李鴻章飭令水陸各軍進攻平望連破賊壘擒斬
賊目三十餘人悍黨四五千入燒燬賊船五百餘

隻進攻九里橋立破賊營二座追斬百餘名黎里之賊望風狂奔復破該處賊營二座平望附近一律肅清勦辦甚屬得手著李鴻章督飭諸軍乘此聲威迅速攻取嘉興毋稍延緩其尤為出力之記名提督劉士奇陳東友李助發記名總兵王永勝何安泰周正林均著遇有總兵缺出先行請旨簡放副將龔生陽著賞給威勇巴圖魯名號阮炳福

聖皇聖考略卷三十一

三

著賞給冠勇巴圖魯名號儘先參將張行科彭連陞均著以副將推補五品藍翎費金綬著以守備補川並賞換花翎陣亡守備孟得元謝正元王德昭張萬青把總劉富春林得勝涂長慶劉得才外委馮萬順劉保善李春瑞陳玉林李承熙均著交部從優議卹

初十日 壬午 李雲麟奏言接准陝西撫臣劉蓉來

咨以所部川軍已擬由甯羌進趨褒沔催令臣速由興安進勦西鄉踞匪以杜該逆下竄之路又疊接各路探報漢中之賊擬分黨十餘萬由興安漢陰一帶竄犯楚邊等情查前此藍逆與髮逆合謀分股東下者原以牽掣楚軍之勢使之不能西上今該逆由山陽敗竄商南距漢中已千餘里聲氣不通正可乘勢西上若猶以楚

聖皇聖考略卷三十一

三

師一意東追則趨而愈遠漢中之賊必將因甯羌已進重兵全股東下彼時興商郡縣路路空虛必盡為賊踞縱楚師返旆西征衆寡懸殊亦屬緩不濟急 臣既奉劉蓉疊次咨調不敢稍事遲延當即督率親兵先赴興安並飭所部各營陸續前進現聞西鄉踞城之賊因楚師西上已有懼意此時進攻西鄉則漢中可望轉機退勦

川匪則興郡亦成危局且各營將抵興安斷難再退儻進兵之後所辦不能有功卽請治以重刑以儆延誤惟據鄖西縣知縣林瑞枝稟稱山陽東遁之賊復由商水關回竄商南又由商南竄至湖北鄖西之趙家川一帶游弋並聞該逆欲分爲兩枝一由鄖西下四十里之天河口偷渡一由鄖陽上三十里之武陽等處偷渡由竹谿回川等情查武陽一帶自梁作楫所帶凱字五營截剿已足遏其去路惟鄖西一路雖有林瑞枝在彼扼防僅恃鄉團恐難周密現已派總兵蔣運喜率義勝兩營回援楚疆計二十九日可抵鄖西縣境並派漢營水師前往堵截一面飛咨梁作楫迎頭截擊並咨總兵藍斯明在商南扼要嚴防不使仍由舊境回陝似此三路堵

欽定剿平粵匪方略

卷三六〇

剿諒不難於殄滅矣奏入

上命議政王軍機大臣傳諭官文嚴樹森李雲麟曰山陽敗匪竄至鄖西之趙家川等處欲分兩枝偷渡回川武陽一帶自梁作楫截剿鄖西一路經李雲麟調總兵蔣運喜率義勝兩營回援並派水師前往堵截著官文嚴樹森卽飭令梁作楫等將武陽等處股匪實力殲除如兵力尙不敷剿辦卽著酌度調派務將此股竄匪盡數殄滅毋任再有竄越李雲麟既經劉蓉調赴興安著卽將西鄉踞匪先行攻克會商劉蓉分路進兵以期節節掃蕩該京卿旣稱進兵之後儻所辦不能有功卽請置以重刑諒必確有把握如任漢中之賊竄犯興安關入完善之地定惟該京卿是問

欽定剿平粵匪方略

卷三六〇

十一日癸未駱秉章奏言查漢南賊勢蔓延甚廣

大隊屬聚於黃官嶺牟家壩法慈院紅廟塘新集一帶銳意窺川湘果桂字嚮導各營甫挫之後軍威難以驟振臣已飛飭果後九營由保甯馳赴巴州聽候陝西撫臣劉蓉調撥前赴南通邊界與湘果等營聯絡扼剿復由昭化抽調參將許蔭棠一軍馳往通江以期周密惟賊眾兵單昭廣一帶隘口紛歧僅有武字定武兩軍及

聖朝聖學略書本

三

參將黎鴻鈞所部共六千餘人分布各隘勢難越境山期此時劉蓉若徑率各軍出青石關以規漢南賊得分路衝突以全力抗拒難期得手須俟新募楚勇到齊兵力既厚或剿或防數路並進大張撻伐漢中可望肅清川境不致蹂躪至漢郡之賊前因援軍失利遂越城縱火房屋一概延燒城乃失陷據湘果各軍稟報漢郡人

民因賊全數調過南岸其圍已鬆遂於二十日三更放火潰圍而出紛紛向城固一帶逃走現據劉蓉咨及各路探報該逆日拆民房輒石增修城垣意圖久踞又據總兵周達武稟報城內逃出難民供稱盧又熊死於城下其餘文武未知下落等語是否屬實未得確信沔縣城池雖據毛震壽稟稱經該縣文武官紳收復又據定

聖朝聖學略書本

三

武營曾紀鳳探報沔縣之賊退聚褒沔之交黃沙驛長寨等處現查留壩褒城新集一帶賊尙縱橫沔縣如何收復之處難以確探應請飭下陝西撫臣劉蓉就近確查具奏奏入上命議政王軍機大臣傳諭駱秉章劉蓉曰據駱秉章奏漢南賊勢蔓延甚廣大隊屬聚黃官嶺等處銳意窺川此時劉蓉若徑率各軍出青石關以規

漢南賊得分道衝突難期得手須俟新募楚勇到
齊兵力既厚數路並進漢中可望肅清川境不致
蹂躪等語自係爲慎重軍務起見惟漢中賊勢狡
獪與其各處設防不如一力進剿且劉蓉受命撫
陝將及半載該撫於九月間奏請派員回湘募勇
三四千名有臘底取齊三路進剿之語並云俟所
調果後九營到後親自統率進駐青石關先固川

欽定剿平粵匪方略

卷三六〇

壘門戶略乘章現已飛飭果後九營由保甯馳赴
巴州聽該撫調遣並調參將許蔭棠一軍馳赴通
江及武字定武兩營黎鴻鈞所部六千餘人分布
各隘兵力不爲不厚卽新募楚勇計時亦應到川
若劉蓉卽行統率各軍星速前進駐紮青石關力
圖克復漢中城固等處會合李雲麟等約期進攻
以解漢南倒懸之危無得任意遲緩虛又熊是否

死於城下其餘文武下落究竟若何留壩褒城新
集一帶賊勢若何沔縣如何收復之處著劉蓉於
行抵漢中後查明速奏

欽定剿平粵匪方略

卷三六〇

中央民族
學院圖書
館藏書

欽定剿平粵匪方略卷三百六十一 癸亥年

中央民族學院圖書

十二月十二日 甲申 都興阿奏言十一月

日賊匪馬步數千衝撲孟河以上超飄港一帶

經吳全美督帶礮艇駛至該處奮力轟擊斃賊

甚多賊即敗遁該總兵恐賊犯小河連夜趕回

察看沿江一帶陸洲亦有賊蹤旋據探稱小河

西首三里許石橋灣地方有賊萬餘屯踞該處

有投誠降眾營壘三面被圍二十八日吳全美

親督梁正源等挑選精銳數百人登岸策應徑

入小河東南距降眾營盤里許遙見賊旗密布

勢甚鷓張其時有馬步賊二三百人突入小河

街道意圖過橋圍襲營盤吳全美親督將士奮

力堵截一面派勇拆毀橋梁該逆隔河開槍抵

禦我軍分隊連環迎擊傷斃馬步賊匪多名逆

勢稍卻礮划復繞近隔岸轟擊賊遂退遁當即

傳諭各降眾實力固守現在小河孟河十數里

地方賊勢甚熾防務仍形喫緊惟當督飭師船

嚴密布置相機堵剿趕將河口木椿一律補釘

穩固並札飭遊擊鄭啟貴帶兵二千渡江後即

紮丹徒鎮以便沿江策應至北岸泰興縣附近

各口岸則有都司廖長明帶勇防守下游靖江

一帶則有副將孫文友帶勇防守不敢稍涉疏

懈奏入

上命議政王軍機大臣傳諭都興阿曰孟河以上超

飄港一帶有賊匪滋擾經總兵吳全美親督礮艇

擊退並將圍攻小河石橋灣降眾營壘之賊擊敗

該將軍現飭遊擊鄭啟貴管帶援兵二千於渡江

後即紮丹徒鎮沿江策應著即督令實力巡防並

欽定剿平粵匪方略卷三百六十一

十一

欽定剿平粵匪方略卷三百六十一

十一

飭水師各營將士嚴密堵截毋任逆船偷渡北岸沿江一帶陸洲既有賊蹤卽著都興阿嚴飭水師勦洗不可任其久踞致滋蔓延前據李鴻章奏稱招撫奔牛降衆攻克孟河賊壘等情現在小河孟河地方賊勢甚熾必須江北援師協力進剿隨時策應毋令降衆營壘爲賊因偏該營降衆係何人爲首並著都興阿查明具奏泰興靖江一帶都興

欽定剿平粵匪方略卷三十一

三

阿亦當飭令在防將士嚴加防堵以保完善

二十日壬辰曾國藩奏言恭奉

諭旨鮑超全軍現紮東壩此時溧水已復自應進圖句容以斷忠逆救援金陵之路一節查溧水池北爲句容池東則爲溧陽該處去東壩較近實僞侍王李侍賢之老巢十一月十二日侍逆糾黨五六萬衆分屯梅渚距東壩建平各四十餘里

十四日進犯建平守城將士一戰卻之又轉趨周城社渚一帶於二十五日猛撲溧水守將王可陞徹夜登陴力戰卻之近據謀報忠逆由金陵退入句容旋由句容潛入溧陽與侍逆合股意在分擾溧水建平奪我東壩一關並圖上竄東壩爲江皖浙三省關鍵鮑超正須以全力爭此要區暫不能進取句容以合金陵之圍自句

欽定剿平粵匪方略卷三十一

四

容而外論者又謂宜急取廣德肅清全皖扼賊上犯之路臣以廣德易取而不易守鮑超旣力扼東壩更無他軍可當廣德一路句容廣德之不能早爭先著實由限於兵力難以兼顧奏入上命議政王軍機大臣傳諭曾國藩曰曾國藩覆陳鮑超兵力祇能力扼東壩暫難分攻廣德著卽照該督所擬妥籌辦理惟蘇常一帶軍情正在得手

賊勢趨重丹句金陵意圖奪圍上竄馮子材兵力苦單急盼鮑超之軍會攻句容而鮑超力扼東壩既不能與之會攻又不能分攻廣德祇是相持局面日久終慮變生該大臣仍當於慎重之中力求出奇制勝之策方為妥善

二十二日甲午李鴻章奏言臣前令劉秉璋偪取嘉善程學啟由平望進紮楊鼎勳一軍先在干

聖朝寬大之德

五

聖朝寬大之德

六

十八日程學啟劉秉璋楊鼎勳等入城陳占榜余嘉鼇率眾跪迎城內肅靜無聲市廛未改程學啟等旨諭

聖朝寬大之德降眾羅拜感激遂將嘉善縣城收復降人老弱約近二萬陸續遣散暫准挑選千人編立兩營仍令自備口糧協同官軍守禦臣查我軍收復平乍海鹽後惟嘉善一城尚為嘉興

竊洪家灘等處堵截嘉善往來之路嘉善逆首陳占榜余嘉鼇詣道員吳毓芬營中乞降獻城並求派兵前往吳毓芬察其意甚誠赴蘇稟商臣令會同程學啟劉秉璋楊鼎勳等妥為辦理十一月二十七日先飭該會等將城外營盤撤退劉秉璋楊鼎勳各帶小隊前往分列東西兩

門吳毓芬隊入自南門督令圍城降眾薙髮二

東面之蔽是以分飭各軍先圖此地現經該降會等率眾投誠計嘉興東北兩面均已肅清潘鼎新之軍又克沈蕩新豐賊壘當飭各軍會合進攻降會陳占榜余嘉鼇悔罪獻城恪遵約束可否仰懇

天恩准將陳占榜賞給遊擊銜余嘉鼇

賞給都司銜以示激勵

李鴻章又奏言嘉興踞逆分撲海鹽平湖在沈蕩新豐兩鎮築壘自海鹽守兵擊敗蔡逆後偽王宗陳炳桂偽蔣王陶金會偽天將錢得勝等併踞沈蕩與瑣城之軍連日接仗十一月二十四日悉眾來撲唐宏成督熊建勳等分投夾擊賊始披靡陣斬四五百名生擒百餘名乘勝追

欽定剿平粵匪方略卷二十一

七

勦該逆敗回嘉興當將沈蕩鎮賊營六座盡行踏毀新豐鎮離平湖城十里爲嘉興至平湖要道二十五日潘鼎新由乍浦帶隊往勦賊跨河爲營平列三座堵斷橋門阻我礮船二十六日潘鼎新令潘國揚等直攻中路石壘丁壽昌等繞後襲其北潘鼎立等迎頭衝其南賊扼險死拒潘國揚等以開花礮轟塌營牆數丈丁壽昌

等由上塘新篁里抄出排槍環擊北面賊先潰潘鼎立等自竹林廟一帶抄攻逾時南面賊亦不支與石壘之賊紛紛皆潰我軍拔樁踰濠砍殺數十名餘眾奪路狂奔追至十八里橋落水死者無算新豐鎮賊營一律毀平臣查嘉興竄逆屢受懲創現經收復嘉善其勢益孤仍飭潘鼎新等相機攻取

欽定剿平粵匪方略卷二十一

八

李鴻章又奏言常州東北門外賊營數十座均經官軍攻塌惟南門口德安橋尙有賊土營石卡十一月二十八日李鶴章督郭松林周盛波等三面進攻用炸礮轟塌營牆郭松林率奮勇數十人乘煙擁進擒斬悍賊二百餘名李鶴章卽派隊填紮又附城河趕築一營以便架礮轟城護逆忽帶城賊數萬由西門抄出我後周盛

波等奮力兜勦賊大挫退捨斬六七百名護逆被圍緊急求救於丹陽僞然王漳王等糾黨分撲孟河石橋灣羅墅灣各降衆營壘陸續攻破惟奔牛二營係降酋邵志倫與劉銘傳派去營官黃桂蘭唐殿魁督勇死守該逆於奔牛四面築營十餘座夾河搭橋周圍聯絡又由溧陽調回小火輪船開放炸礮營內更樓石牆房屋多被轟倒勢甚危急十二月初三日劉銘傳李鶴章商抽攻城隊伍二千人由湯莊橋突圍猛衝距奔牛八里賊出大隊迎拒我軍且戰且進忽兩邊村樹中伏賊齊起包抄後路我軍小挫而奔牛守將日有帛書乞援子藥將罄久必難支劉銘傳密派幹弁於初五夜輕齎洋藥捲四萬箇送入奔牛營中諭令唐殿魁等堅守五日以

聖朝軍略卷二十一

九

待援師初七日劉銘傳親帶三營郭松林挑派三營槍隊滾紮而前自奔牛至常州西門二十里內賊營暮布無懈可擊劉銘傳等偏師直搗倚營自固李鶴章又添派副將曹仁美參將周蘭亭董鳳高帶兩營槍隊繼進以備策應頃據劉銘傳李鶴章馳報初九日十僞王之衆圍撲董鳳高前營另股萬餘人抄襲我後劉銘傳郭松林分投迎勦自辰至未鏖戰大破之殲斃生擒六七千人追逐十餘里薄暮乃止有此奇捷當可卽解重圍常城踞賊因我軍分隊遠勦日出撲營初五六日張桂芳駱國忠敗賊於北門初八夜周盛波敗賊於南門遂不敢出查踞守常州僞護王陳坤書係粵西老賊部衆十餘萬其籍隸三江者多已投降惟楚粵悍黨相約死

聖朝軍略卷二十一

十

守又恃丹陽金壇句容宜興各股就近援應是以屢戰屢挫而其氣不衰此次漳然各逆欲攻奔牛直抄劉銘傳西北門各營之後深入腹地圖解常圍臣初聞援賊甚衆慮我攻城各營受其牽掣浙西軍情少紓已檄調總兵楊鼎勳六營由嘉善拔赴常州協力援剿又調總兵況文榜兩營由太倉拔赴江陰常州交界以保劉銘

聖學聖略卷二十一

十一

傳後路又派程學啟親帶小隊馳赴常州察看賊情以備兩邊策應詎援軍未至而劉銘傳郭松林等已酣戰破賊此後兵力愈增或可漸次得手奏入

上命議政王軍機大臣傳諭李鴻章曰江蘇官軍自連復平乍海鹽惟嘉善一城尙爲嘉興東面之蔽此次該降酋率衆投誠蒞籬盡撤且沈蕩新豐兩

鎮賊壘一律毀平其勢益孤自應乘勝進規嘉興迅拔堅城牽制杭湖各賊之勢卽著李鴻章督飭潘鼎新劉秉璋等相機攻取毋稍疏虞左宗棠近日久無奏報不知有何布置現在滬軍與浙軍聲息漸通如須與浙軍會合攻剿之處著該撫卽行飛催並將浙省軍情迅速具奏常州踞逆陳坤書糾合漳然各逆圍攻奔牛營盤圖抄劉銘傳各營

聖學聖略卷二十一

十二

之後雖經官軍分投迎剿大獲奇捷而奔牛之圍未解賊援亦未全退亟宜悉破羣賊以期漸次得手李鴻章已調楊鼎勳六營況文榜兩營赴常協助防剿並派程學啟馳往策應所籌均屬周密卽著督率各軍迅解重圍攻克常郡不得稍涉大意上諭內閣曰官軍自攻克平望後嘉善踞逆震懾軍威詣營乞降請獻城池程學啟等入城宣諭遂將

縣城收復道員潘鼎新一軍亦將沈蕩新豐賊壘
攻克辦理甚屬得手著卽乘此聲威進攻嘉興埭
蕩逆巢迅奏膚公降人陳占榜等先期納款悔罪
獻城恪遵約束自應加恩予以自新之路陳占榜
著賞給遊擊銜余嘉謏著賞給都司銜以示激勵
二十三日 乙未 馮子材魁玉奏言查南路撲營悍
賊自前月下旬大創後遁回丹句各處負隅不

聖朝聖略卷百二十一

十三

臣等督飭總兵張文德等將前敵各營嚴密
固守以防該逆乘虛衝突連日察看甘棠橋營
壘一律堅穩士心奮勵似不致有他虞諜知赴
接常州之賊先後攻撲奔牛營盤經官軍迎勦
頗有斬獲逆勢已卻臣等仍當督同將弁嚴密
堵禦一面探聽常州消息相機進取都興阿所
派遊擊鄭啟貴帶勇二千名已於本月初一二

等日先後到鎮卽前往丹徒鎮河屯紮該處爲
鎮防東路先經臣等派兵留守此起江北兵勇
同在一處屯駐足資扼堵奏入

上命議政王軍機大臣傳諭馮子材魁玉曰南路各
股悍賊遁回丹句各巢負隅不出馮子材等現飭
張文德等將前敵各營深溝高壘以防衝突自可
穩固無虞至圍攻奔牛營盤之賊昨據李鴻章奏

聖朝聖略卷百二十一

十四

官軍奮力迎擊已獲大捷重圍指日可解惟該逆
一經敗潰勢必鋌而走險紛竄旁趨鎮城尤當其
衝馮子材等惟當督同將弁隨時戒嚴相機進取
不得稍涉大意揚防派出之遊擊鄭啟貴等屯紮
丹徒鎮一帶並著飭令實力扼紮毋稍疏虞
二十四日 丙申 左宗棠奏言杭州餘杭兩處賊匪
經官軍屢次痛勦後復於餘杭東門至杭州之

一第... 叶... 頁...

倉前長橋女兒橋等處糾添悍黨欲由何母橋繞截餘杭各軍後路均經官軍擊退蔣益澧派副將周廷瑞等於天水橋太平橋等處添築營壘十月十八日長橋女兒橋之賊來犯復經官軍擊走其杭城踞逆亦於十八日由萬松嶺直撲我軍營盤都司張志功等憑濠堅守高連陞等督隊馳擊賊勢稍卻時劉連陞等三板師船

聖朝聖略卷三十一

五

將沿河之賊擊退登岸衝殺該逆分股迎拒酣戰兩時賊匪大敗殲斃數百名其由清波門所出之賊被王月亮督軍截殺潰退回城康國器一軍於十一月初五初七等日攻擊餘杭東門城賊壘亦屢有斬擒臣馳抵富陽後於初十日馳赴餘杭察看形勢當調駐紮富陽之朱明亮等五營駐紮分水之張聲恆等四營齊至餘杭

會剿一而飭副將劉明珍率駐嚴州兩營淳安兩營與紮分水由皖調回之黃少春一軍亦檄其由分水新城以出餘杭進扼西北一路十七日令魏喻義等列隊南門康國器列隊東門以制賊勢羅大春楊昌濬等由丁橋分路繞出西北隅城賊壘賊及東北門外之賊悉眾來撲官軍分投接仗鏖戰逾時殺悍賊百餘名生擒黃

聖朝聖略卷三十一

六

衣賊日十餘名該逆敗回追近城邊賊爲水阻各軍偪之戮斃溺斃無算二十四日令張聲恆等進紮餘城西北隅蔣益澧黃少春楊昌濬等各率馬步繞出西北一帶官軍排列甫定該逆悍黨萬餘由北路前來拒戰西門之賊亦皆出隊負城壘而陣黃少春從左路先進擊斃先鋒悍賊數十名蔣益澧楊昌濬各率所部衝入賊

陣賊分數十支，拚死抗拒官軍，三面蹙之，節節偏壓而進。賊敗至城北，沿途屍骸枕藉。偽王鄧光明偽朝將汪海洋猶揮其死黨，苦相格鬪。蔣益澧策馬陷陣，各軍乘之，首逆鄧光明被擡，賊轟穿左脅，立斃。陣前自辰至酉，斬大小賊目百數十名，悍賊五百餘名。其東路康國器一軍攻破柯埭賊卡，乘勝進攻牛畝、太平橋賊壘，斬賊

聖朝聖略卷百六十一

十七

亦多。賊敗後，兇徒頓衰於餘城西北門外。連夜濬濠築壘，官軍日夜搦戰，賊鼠伏不出。臣與蔣益澧、楊昌濬、黃少春等商議，由北路築壘分軍，襲取瓶窰，絕其糧路。臣暫回富陽，大營清理積隕，擬即拔營進駐東西兩路適中之橫溪頭，以便督勦蔣益澧暫回，留下鎮老營，布置杭州一路戰守，登山遙瞰，各路援賊趨重杭州西北餘

杭東北一帶，凡自賊中逃出者，均言鄧逆授首，羣賊洶懼。十二月初一日，蔣益澧親督馬步各營列隊錢塘門外，秦豪山、棲霞嶺一帶牽制。賊令提督高連陞、洋將德克碑等會同水陸各營徑攻鳳山門外各壘，該逆揚旗而出。高連陞、德克碑等大呼陷陣，賊勢披靡，退入壘中。官軍躡蹤追入，破其一壘，乘勝分攻各壘，羣賊望風

聖朝聖略卷百六十一

十六

逃竄。自辰至午，共破九壘，追賊直抵城隍山脚。劉連陞等師船排礮轟擊江邊石壘，亦破之。計共斃賊二千有奇。現在杭州城外祇餘古塘、賊壘及近城兩壘未破。蔣益澧即令高連陞分所部五營駐賊五壘，德克碑所部駐賊二壘，偏之。臣維杭州形勢所恃為屏蔽者，餘杭一城，悍酋鄧光明、汪海洋拚死爭之，今鄧光明業已伏誅。

而杭州城外各壘掃除幾盡餘杭之賊自不能
不同顧杭城老巢且夕必有可乘之機如兩城
有一先下則浙西三郡大局可以漸定蔣益澧
擬卽移紮饒頭山雷峰塔秦亭山並調橫溪頭
各營力攻古塘堅壘臣函飭楊昌濬如探知餘
杭賊勢變動卽相機截之令其首尾不能相顧
復檄劉培元統各營水師下勦以扼錢江之險

聖學聖略卷二十一

十九

而助陸路聲威臣拜摺後卽拔營進駐餘杭之
橫溪頭以便相機督勦

左宗棠又奏言浙江臬司劉典在營聞訃丁憂
前經欽奉

上諭改爲署任俟軍務稍定再行回籍治喪事畢卽
行赴浙統帶原部勦賊欽此伏查皖南自石埭太
平旌德三城收復徽甯次第肅清鮑超一軍復

進克東壘建平局勢已臻穩固劉典來嚴謁見
泣請回籍治喪情詞極爲懇切臣已令其卽日
起程一俟治喪事畢速卽遵

旨來浙勦賊其所部克勇派令總兵黃少春暫行接
帶奏入

上命議政王軍機大臣傳諭左宗棠曰此次官軍猛
攻餘杭陣斃僞王鄧光明克獲全勝杭城外踞賊

聖學聖略卷二十一

二十

又被官軍破其九壘僅餘古塘賊壘及近城兩壘
未下攻勦甚爲得手現在杭州之賊聞風洶懼餘
杭賊勢亦將回顧杭城老巢均有可乘之機左宗
棠卽日拔營進紮餘杭之橫溪頭相機督勦令蔣
益澧進攻古塘堅壘復飭楊昌濬偵探餘杭賊勢
相機截擊所籌均極周密卽著督飭各軍乘勝進
取力圖恢復兩城迅奏捷音以紓股盼昨據李鴻

章奏滬軍收復嘉善縣城已諭令該撫進規嘉興
牽制杭湖各賊之勢左宗棠前奏亦已分兵進規
湖州杭賊向賴嘉湖援賊接濟糧運此時各軍同
時並舉該逆實有兼顧不遑之勢如杭餘兩城一
處得手則浙西三郡可期功收破竹漸次底定卽
著該督妥爲籌策用副馳驅洋將德克碑此次會
攻杭城賊壘甚爲出力著左宗棠仍飭令勉籌會

勦粵匪方略卷六十一

三

勦迅奏膚公署浙江臬司劉典丁憂懇請回籍治
喪情詞極爲迫切已由左宗棠飭令起程惟現在
浙西軍務攻勦正形喫緊該臬司帶兵甚爲得力
著左宗棠飭令趕緊料理一俟治喪事竣卽行赴
浙勦賊以副委任

同日劉蓉奏冒漢南自援軍挫退賊勢蔓延據
探報僞端王藍城春僞扶王陳德才僞遵王賴

汝光等分踞漢郡城固兩城僞啟王梁城富分
踞新集黃官嶺一帶僞天將馮士榮范太頭等
分竄西鄉前踞襄城之易矮子分竄留壩等處
藍湖柱仍踞洋縣分股竄陷佛坪張第才自鎮
安陷山陽李雲麟前軍小挫現督各軍勦辦計
可得手臣自抵巴後檄飭漢南州縣督率團練
扼要堵截先後擒斬長髮老賊多名川省各軍

勦粵匪方略卷六十一

三

分駐青石關梅子壩一帶勦將賊匪擊退青石
關一帶地勢高峻十月以後冰霰堅凝米糧不
能轉運不得已退紮川陝交界之西河口大壩
等處以就糧運該逆見我軍不戰而退莫測所
爲亦遂退駐新集油坊街老巢於是黃官嶺法
慈院等處均無賊蹤查該逆自踞漢郡以後其
賊益張其黨愈盛約計二十餘萬人密布分屯

綿亙二百餘里然衆雖多而不整諸酋爭相雄
長急則相救緩則相圖故其勢尙非難破之賊
以臣度量儲得精兵三萬人籌備半年之餉必
能殲茲醜類今駐巴已逾兩月未敢遽爾前進
者實緣兵力尙單餉糈無出不得不持重以待
之從前川省各軍除裁撤外僅存九千餘人湘
果兩軍自挫敗後銳氣大傷驟難復振果後九

聖皇聖考卷二十一

三

營四千餘人近始陸續到巴合臣所募親兵各
營統計一萬六七千人以之共當一路則聲勢
頗壯而以分作兩路則尙嫌單臣現擬親率所
部及果後九營進紮甯羌徐規勦辦以取建瓴
之勢頃聞南岸之賊忽竄出漆樹壩鐵鎖關距
甯羌僅數十里已檄飭參將劉鶴齡等先率所
部進紮梨坪臣亦即督率各軍由廣元進發一

切進止機宜容俟到甯羌後規畫陳奏至於悉
師大舉必須三路進兵查太平城口一帶經駱
秉章派令唐友耕等添兵防守計臘底可到李
雲麟會勦山陽後春初可由興安進趨石泉臣
擬咨商駱秉章卽令唐友耕等四千餘人與李
雲麟所部五千餘衆會趨西鄉以圖洋縣是爲
東路進勦之師新調四川藩司江忠濬帶有楚

聖皇聖考卷二十一

三

勇二千聞正月可到並擬咨商駱秉章飭令徑
赴南通會同何勝必等軍由青石關徑搗漢中
是爲南路進勦之師至臣所謂唐星照會傳道
兩軍現經催令迅速募齊前赴臣營卽由甯羌
進規襄沔是爲西路進勦之師此三路總於來
春正二兩月先後取齊三月以內可期大舉臣
總當與駱秉章統籌熟商力圖勦辦

劉蓉又奏言接據李雲麟咨稱十月二十四日業將山陽縣克復擬卽由鎮安所屬之七里峽米糧川取道蜀河前赴興安以圖進剿查李雲麟所部各軍合計不過五千餘人獨當東路兵力過單川省唐友耕之軍尙未募齊驟難出境會師此時李雲麟自未便孤軍深入祇宜暫駐石泉茶鎮一帶扼賊下竄一俟諸軍取齊約期

聖朝聖學書卷二十一

三

共進惟將來川省援軍分西南兩路進剿則東路更形喫重鄂省前派駐紮興安之水陸兩軍均經陸續調回應請

飭下湖廣督臣官文湖北撫臣嚴樹森於該省各營抽調一軍仍駐興安專防該逆回竄鄂省之路以免疏虞

劉蓉又奏言查漢南軍務之壞不壞於賊股之

多而壞於游勇之雜漢中城固之陷不陷於賊蹤之驟至而陷於兵勇之先逃推原其故由於賊股紛集任事者急不暇擇不籌餉源所自出但思添勇以自強餉日絀而勇日增所收者多游惰奸滑之徒毫無紀律副將盧又熊自同治元年十一月到漢中後小有斬獲動輒冒功脅賞旋與國民爭鬪擅殺在籍知縣高化鵬本年

聖朝聖學書卷二十一

三

二月開髮逆分撲該營立卽潰退六月以後在城按戶搜糧居民不堪其擾八月二十日川省各軍挫退護漢中鎮陳天柱登陴痛哭誓衆固守是夜盧又熊率衆二千餘人奪門而出城遂不守陳天柱被執罵賊不屈而死候補知府署南鄭縣知縣周蕃壽亦全家殉節盧又熊行至漢岸無船可渡其黨四散該員亦不知實在下

落城固各軍向惟代理知縣張開鑒所部保捷
營駐紮城內其餘均紮城外漢中失陷之後零
星騎賊漸至在籍知縣王佶等議會副將白鳳
鳴所部入城協守而靖逆奇勝兩軍爭搶而入
無賴之徒乘機搶奪城外各營亦紛紛入城搜
括均於二十一二三日陸續潰逃有徑投入賊
中者賊初至僅四五騎連二十四日大隊始至

聖朝方略卷二十一

三

城遂失陷伏查川省各軍既經挫退漢中城固
勢本雖支但賊匪尙未撲城勇丁率先逃散甚
至乘機肆搶實堪痛恨臣以此等兵勇潰散之
後不可復加收錄現已陸續遣散易佩紳所部
果健一軍由法慈院拔赴巴州經臣挑選六七
百人另立營官管帶餘眾悉令回籍從此內患
既弭軍令稍申臣乃得一意籌軍專心討賊惟

各將領均有管帶之責既不能固守城池又復
任聽勇丁搶掠潰逃不能約束禁阻實屬咎無
可辭副將盧又熊情節較重應請
旨卽行革職並

飭下陝西四川湖北各省一體嚴拿務獲就地正法
以昭炯戒副將徐邦導陝西略陽營遊擊王其
發四川督標都司白鳳鳴都司穆懷德四川儘

聖朝方略卷二十一

三

先遊擊楊發祥儘先都司浮圖關汛千總胡尙
瀛南鄭縣訓導魯炳塏四川太平縣拔貢生賴
春山守備顏作棟張宜華千總董正國已革直
隸州知州袁昌鵬均請

旨一併革職拏問代理城固縣知縣張開鑒接辦未
久情較可原應請革職留營以觀後效候補知
府易佩紳榮經革職應毋庸議至護理漢中鎮

總兵漢鳳營遊擊陳天柱守義不屈大節凜然
應請

旨照總兵例議卹以慰忠魂其餘兩城大小文武各
官容俟查明實在下落再行具奏奏入

上命議政王軍機大臣傳諭劉蓉李雲麟曰劉蓉所
奏各路賊匪紛竄情形尙爲明晰該撫以賊踞漢
郡其熾益張而黨愈盛然人數多而不整尙非難

聖朝聖略卷二十一

三

破之賊祇以兵力尙單餉需不繼不宜輕進現率
所部各軍進紮甯羌徐繼進勦卽著速由廣元進
發到甯羌後籌定一切進止機宜速行具奏所擬
唐友耕等軍與李雲麟會赴西鄉以圖洋縣爲東
路之師江忠溶會同何勝必各軍由青石關徑擣
漢中爲南路之師該撫催調唐星照會傳道兩軍
由甯羌規取褒沔自西路進爲三路進兵之策均

著照擬迅速辦理惟進兵須至三月則此兩月未
能進兵之前仍當督飭各軍穩守養成精銳及時
而動唐友耕等軍尙未募齊驟難出境會師李雲
麟未可孤軍深入著卽暫駐石泉茶鎮扼賊竄路
一俟諸軍取齊卽當約期並進

上又命議政王軍機大臣傳諭官文略秉章嚴樹森
張集馨曰劉蓉遵查漢中城固失守殉難各員業

聖朝聖略卷二十一

三

經降旨分別懲卹惟其中盧又熊一員開城出走
縱勇肆掠情尤可惡漢中失陷後盧又熊行至漢
岸無船可渡其黨四散該員亦不知實在下落諒
必潛逃各處著官文略秉章嚴樹森張集馨於湖
北四川陝西各省一體嚴拏務獲就地正法以昭
炯戒劉蓉現已進紮甯羌籌畫進兵將來川省援
軍分西南兩路進勦則東路更形喫重鄂省前將

派駐興安之梁作楫所部調回著官文嚴樹森於
該省各營抽調一軍仍駐興安以防賊竄回鄂之
路並與李雲麟之軍聯絡策應防勦兼施略秉章
於陝南軍務素能竭力兼顧著速飭唐友耕等軍
迅卽到防與李雲麟所部會合進取西鄉一路以
圖洋縣並與劉蓉進規襄沔之師相爲策應迅奏
府公

聖朝聖略卷二十一

三

上諭內閣口陝西漢中府城及城固縣城於本年八
月間先後被賊攻陷該帶兵將弁等旣不能固守
城池又復任聽勇丁搶掠潰逃不能約束禁止實
堪痛恨副將盧又熊徐邦導陝西略陽營遊擊王
其發四川督標都司白鳳鴻都司穆懷德四川儘
先遊擊楊發祥儘先都司浮圖關汛千總胡尙瀛
南鄭縣訓導魯炳璽四川拔貢生賴春山守備顏

作棟張宜華千總童正國已革直隸州知州袁昌
鵬均著革職擊問交劉蓉嚴行審訊如有棄城逃
走及臨陣退縮重情卽著嚴叅懲辦代理城固縣
知縣張開鑒在任未久情尙可原著革職留營效
力以贖前愆候補知府易佩紳業經革職著免其
置議護理漢中鎮總兵漢鳳營遊擊陳天柱登陴
固守城陷後罵賊不屈致被戕害殊堪憫惻著照

聖朝聖略卷二十一

三

總兵例賜卹以慰忠魂其餘兩城文武各官下落
仍著劉蓉查明具奏

二十七日己亥沈葆楨奏言查金陵賊匪現經官
軍圍逼窮無復之必以西江爲壑廣德州尙爲
賊踞甯國縣未得守兵一入皖浙之境則饒廣
處處當衝指不勝屈幸李幅猷全股殲滅西路
鬆勁卽檄韓進春由贛拔赴樂平如該逆由皖

窺饒則以祁門之繼果營爲前部浮梁之長左營景鎮之衡字營鼓湘營石門之精捷營洋塘之精毅營謝家灘之仁右營應之樂平之平江營韓字營爲其後援如該逆由浙窺信則以樂平之平江營韓字營爲前部各營亦以次應之至東流建德一帶徧地荆榛無糧可掠且石太有守兵似洋塘石門之防較緩而徽南各路處

聖朝軍略卷三十一

聖朝軍略卷三十一

處空虛臣囑統領精毅營之道員席寶田代辦精捷營之道員陳鳴志就近相度機宜移師於祁景之間以聯各軍氣脈第隘口林立地廣兵單冬旱連旬河流枯竭戰船萬難施展陸營無米可購糧運維艱萬一人股分道而來終有防不勝防之慮臣飭各府城中嚴守備訓練士卒省城標兵與新招之衛民軍日夕教演以備不

虞再江忠義故後精捷營接統乏人查有江忠義之堂兄總兵江忠朝曾與道員席寶田陳鳴志共事咸稱其智勇足備惟聞該總兵曾受重傷不願再作出山之計雖由督臣函囑赴皖未卜能否前來合無仰懇天恩俯念江防喫緊飭令在籍總兵江忠朝迅速來江接統精捷營以資

聖朝軍略卷三十一

聖朝軍略卷三十一

得力奏入

上命議政王軍機大臣傳諭沈葆楨惲世臨曰金陵現經官軍圍困將來賊勢窮蹙必分股肆竄江省東路邊境更宜加意嚴防沈葆楨現派韓進春駐紮樂平並調席寶田陳鳴志等移師於祁景之間聯絡聲勢布置尙屬周妥卽著該撫督飭在防文武員弁認真訓練兵勇嚴密戒備毋得稍有

疏虞在籍總兵江忠朝既據沈葆楨稱其智勇足
備著憚世臨傳知江忠朝迅速前赴江右接統精
捷營以副委任

欽定剿平粵匪方略卷三六二

三

欽定剿平粵匪方略卷三百六十二 甲子年

三年正月初二日甲辰左宗棠奏言餘杭踞逆於

西北門外修築濠壘與城賊相犄角十二月初
三日各軍三路進剿該逆由西北門出悍賊千
餘東北門外村房內出賊數千分股迎拒黃少
春等督率各營苦戰竟日共破賊三大壘擊斃
悍賊數百名其東路倉前等處爲通杭州要路
賊於太平橋一帶築壘與倉前之賊聯絡一氣
康國器於初三日派吳光亮等進攻連克四壘
首逆汪海洋率黨來援復經吳光亮等截殺斃
賊六七百名該逆自此次擊敗後勢愈窮蹙堅
匿不出我軍若乘勢偏攻往往爲其槍礮所傷
非取遠勢包圍絕其糧道不足制賊死命臣卽
日進駐餘杭之橫溪頭相機進剿以期迅拔堅

欽定剿平粵匪方略卷三百六十二

一

城其蔣益澧攻杭一軍已分紮錢塘湧金等門
裏賊中央惟地勢太寬兵力不敷分布臣已將
徐之秀駐紮橫溪頭五營調歸蔣益澧一處併
力規杭其水師劉連陞等營於初五日進攻清
泰門外觀音堂賊壘將附城房屋燒燬劉培元
復飭蔣榮彩等招水師三板戰船由錢江入西
湖奪賊礮船三號小划船十餘號斃賊多名平

聖朝軍略卷之三

二

湖乍浦海鹽之賊俱已投誠海甯州城賊酋亦
有獻城之說蔣益澧委陳思燭前往辦理如杭
州各屬以次收復漸漸移軍西向則杭賊勢孤
自亦無能久踞現在杭州餘杭兩城必須有一
先下則全局皆活嘉湖兩郡乃可次第肅清
左宗棠又奏言臣維逆賊起事各渠魁之最悍
者均已次第殲除以現存悍賊而論惟李秀城

與李侍賢而已蘇州未復之先李秀城已遁回
金陵聞有欲挈洪逆出走之說臣處相距稍遠
未得確信然當徽池肅清之時揣度賊勢必以
皖浙爲逃竄之路臣前經咨商曾國藩皖軍由
甯國進廣德以力扼東壩浙軍由昌化於潛進
孝豐以規湖郡准曾國藩咨覆廣德撫局未成
各軍分扼城隘別無大支勁旅可以進剿廣德

聖朝軍略卷之三

三

不克與浙師聯絡相應臣以皖軍既未能進剿
廣德則浙師由於潛昌化以進孝豐既有兩面
受敵之虞且皖浙交界各縣久遭蹂躪人多流
亡不但無米可買且轉運亦極艱難非先取餘
杭軍食無從轉饋孝豐安吉之賊均以食盡自
走所存賊卡寥寥官軍不難剿賊而難於久駐
是浙師亦不克與皖軍聯絡相應不得已乃留

王開琳一軍三千三百人仍駐徽州之屯溪鎮
伺賊所向截之而令黃少春代統劉典所部會
攻餘杭俟餘杭攻克乃可規德清以通水運賊
如由湖入浙臣力或能制之惟王開琳老湘營
全軍雖在皖屢立戰功究以力薄勢孤難當巨
寇如果李秀城挾洪逆以來能否邀擊得手實
無把握曩接曾國藩緘牘言布置皖南所屬貼

欽定剿平粵匪方略卷三十二

四

近江西各城此外別無大支遊擊之師臣已屢
次函商請其注意廣德以現在局勢言之金陵
賊勢甚蹙覓路逃竄本在意中縱洪逆戀其巢
穴誓以死拒李秀城李侍賢等未必肯束手就
戮縱李秀城李侍賢等肯束手就戮而夥黨尙
衆亦必覓路紛逃况現在句容溧陽廣德一帶
均尙爲悍賊所踞賊之必由此路逃竄殆無可

疑設由廣德州竄入皖南腹地雖無糧可掠無
人可擒然果晝夜疾馳不數日即可出險恐終
成不了之局曾國藩慮無大支遊擊之師意或
在此然現在賊勢蘇州旣克杭州之圍正急悍
賊鄧光明旣誅陳逆炳汶汪逆海洋均在杭餘
兩城自救不暇海鹽平湖又已收復其海甯嘉
興之賊不足爲蘇州之患也是李鴻章所部可

欽定剿平粵匪方略卷三十三

五

緩攻嘉興其踞常州之逆爲陳坤書李鴻章旣
冒其不甚耐戰自無能爲暫舍此不攻金陵一
破常州亦必應手而下是李鴻章所部可緩攻
常州惟溧陽一縣爲各逆眷屬所在守賊李侍
賢又狡悍素著賊如思竄必假塗於此李鴻章
如派得勝之師由無錫移軍急攻宜興溧陽西
北與曾國藩溧水守軍互相聯絡縱溧陽未能

卽拔而此路要可無虞賊縱由溧陽衝出與廣德之賊合夥李鴻章之軍猶可跟蹤狂追不令免脫較之空此一路任賊竄過自爲勝之曾國藩力持堅守之議現在布置皖南江西一帶防兵固爲老成之見然賊知我以堅守爲主必不攻各將以堅守爲事必不戰備賊捨城不攻從開道疾馳而過恐調撥尾追亦有所不及何如

聖學聖略卷十三

木

厚集兵力扼廣德建平東壩要隘與李鴻章一軍互相聯絡之爲得乎至江西距賊稍遠爲饒廣計均宜以嚴扼昌江力保上游爲主如婺源祁門石門諸處是也苟兵力有餘則仍以遠防廣德州甯國爲要懇請

飭下曾國藩李鴻章沈葆楨酌議可否

同日李鴻章奏言侍護諸逆分踞金壇溧陽丹

陽並常州城內添賊數萬又在奔牛四面紮營數十座李鶴章抽撥吳超凡等營復挑選洋槍隊繞赴李士橋與劉銘傳等會剿十二月十四日我軍分三路進劉銘傳率董鳳高等以炸礮轟其攔橋頭營兼護浮橋郭松林率吳建瀛等由上數里攻其東南黃中元等由下數里攻其西南密飭奔牛守營之唐殿魁等衝出夾擊賊

聖學聖略卷十三

七

衆二萬餘迎拒我軍排槍猛進三而撲入先破東面大賊營聚斲其衆西而賊營驚亂皆奪門走黃中元由後截擊斫斃無算對河各股賊匪拚命來拒曹仁美帶選鋒數十人梟水傍船連拋火彈立將忠逆所購輪船焚燬劉銘傳督隊向奔牛猛衝賊分股三四萬繞後圍撲郭松林折回以馬隊突入賊陣賊衆各鳥獸散不及歸

營徑向奔牛丹陽一路遁走唐殿魁等分路追擊十餘里連破賊營三十餘座計擒斬溺斃賊衆約近萬人奔牛之圍立解查奔牛一鎮爲鎮常交界衝途該降衆投誠後劉銘傳卽派唐殿魁等二營冒險併紮而忠護等逆死護金陵老巢後路併力糾集各巨股窺我兵單重圍困裏用輪船炸礮力爭此地此次官軍以四千餘人

欽定剿平粵匪方略卷三十一

八

當十餘萬狂寇力戰解圍實足寒逆膽而除後患其尤爲出力之總兵唐殿魁等相應先行開列懇

恩獎勵其餘出力員弁陣亡將士容臣查明彙請獎卹前據曾國荃函稱李秀城前夜山城向句容竄去復據擒賊供稱圍奔牛時李秀城亦在其內現飭李鶴章劉銘傳相機圖攻常城仍防忠逆

回援均奏入

上命議政王軍機大臣傳諭曾國藩左宗棠李鴻章沈葆楨曰奔牛一鎮爲鎮常衝要李秀城李侍賢等巨酋方以死力護金陵老巢後路糾集大股圍困唐殿魁等新營並用輪船炸礮力爭其地官軍以少禦衆竟能力解重圍焚其輪船所辦尙好李鴻章旣據曾國荃函會李秀城由金陵向句容而

欽定剿平粵匪方略卷三十一

九

去又獲賊供圍奔牛時李秀城卽在其內是此賊猶恃其狡悍必欲爭此要衝以爲竄走之路與左宗棠所奏賊必由句容溧陽廣德一帶圖竄等情正相符合李鴻章現飭李鶴章劉銘傳等相機圍攻常城並防忠逆回援著卽妥籌兼顧左宗棠所部黃少春等軍攻勦餘杭踞逆東西北路均破壘獲勝蔣益澧攻杭一軍分紮錢塘等門裏賊中央

不容竄走復進攻清泰門外之觀音堂賊壘水陸
進逼杭城平湖乍浦海鹽之賊俱已投誠海甯州
賊亦有獻城之說杭賊勢孤左宗棠已進駐橫溪
頭督勦餘杭與蔣益澧攻杭之師必須有一先下
嘉湖乃可次第肅清卽著督令所部迅圖攻取現
在蘇州已克金陵杭州均圍攻緊急賊勢必以皖
浙爲逃遁之路廣德撫局未成曾國藩所部不敷

勦平匪方略卷三十三

十一

勦平匪方略卷三十三

十一

分兵進勦左宗棠留王開琳一軍仍駐徽州之屯
溪鎮究恐力薄勢單如李秀城果挾洪逆由此路
突出恐不足資扼截句溧一帶賊踞甚堅溧陽更
爲賊之眷屬輜重所在李秀城李侍賢復併力於
此唐殿魁等營僅守奔牛一鎮頗覺空虛曾國藩
左宗棠等老謀均不急求旦夕之功而欲併力聚
蹙使賊不得筵走所見本同卽李鴻章遞克蘇錫

各城此次與賊力爭奔牛亦必能識此意惟常州
勢在垂克恐未能令各軍捨而他圖常賊雖不耐
戰而守亦頗堅若不速籌攻克難保不別生枝節
李鴻章諒有成竹在胸左宗棠此奏謂曾國藩亟
應分兵以取廣德力顧東壩與浙師聯絡李鴻章
急應由無錫攻宜溧使賊不致由此路筵走自屬
確有所見著曾國藩左宗棠李鴻章沈葆楨悉心

商酌謀出萬全以期同心合力迅奏膚公江省之
防據左宗棠奏以嚴扼昌江力保上游爲主昌江
係屬何水蕚沈葆楨嚴密布置與皖境浙師相爲
策應並將饒信兩防各軍妥爲調度豫籌堵截奔
牛降人前據李鴻章奏係邵小雙此次所保之邵
之倫請賞加遊擊銜業經照准是否卽係其人現
在該處守禦緊要該降人等是否出力可靠著李

鴻章查明具奏

上諭內閣曰常州官軍擊退援賊奔牛之圍立解仍著李鴻章督飭將士乘勝追擊盡除醜類毋留餘孽尤爲出力之總兵唐殿魁著賞加提督銜文茂林著賞給健勇巴圖魯名號副將黃桂蘭著賞給魁勇巴圖魯名號已革道員馮席珍著賞給道銜參將周蘭亭著以副將留於兩江補用並賞給利

欽定剿平粵匪方略卷三十一

十一

勇巴圖魯名號副將曹仁美著以總兵遇缺儘先提奏奔牛降人邵之倫著賞給遊擊銜其餘出力陣亡員弁兵勇並著查明奏請獎卹

初六日戊申會國藩奏言自蘇州克復僞忠王卽

帶數萬人援救金陵到城已近五十日尙未猛撲官軍營壘近據李鴻章來函聞忠逆以溧陽至饒景數百里處處乏食頗以裹糧急趨爲難

又據鮑超來牘侍逆蓄意由長興廣德甯國一

帶上犯江西先踞產糧之區以俟忠逆續至各

等語竊計忠侍二逆旣不能各保分地又不欲

苦援金陵誠非自皖入江別無圖存之策從廣

德甯邑上竄江西約有兩路西路由旌德太平

石埭以竄饒景東路由昌化淳安開化以竄玉

山西路之防臣已派兵堅守涇旌太石青池六

欽定剿平粵匪方略卷三十一

十一

城東路之防必由浙境經過臣已飛咨左宗棠

沈葆楨分別扼守以期節節堵遏力保上游完

區其金陵洪逆老巢賊氣尙固糧食未竭臣囑

令會國基不求速效但求穩慎以仰副

聖主塵念南疆謀出萬全之至意奏入

上命議政王軍機大臣傳諭會國藩左宗棠李鴻章

沈葆楨喬松年曰東南事方得手尤應防賊山竄

晏據曾國藩左宗棠等所奏謀畫均屬相同惟西路甯池太屬曾國藩分兵駐守自足以遏賊衝而東路徽屬據左宗棠前奏本有王開琳一軍駐屯溪鎮力薄勢單恐不足資扼截之語浙軍此時進攻杭州餘杭二城徽境之防是否尙能增兵廣德撫局未成辦理究竟如何曾國藩所部能否分兵力取此城以與浙師聯絡朝廷不能遙度諒該督

聖朝聖學書本十二

十四

等同矢公忠必能共籌大局以保萬全也金陵賊氣尙固糧食未盡仍當飭令曾國荃力求穩慎相機攻取毋徒急求且夕之功常州攻剿勢在垂克如果賊以全力併由句溧一路突竄該撫亦當豫籌兼顧分飭諸軍緊躡力追與徽甯各防之軍奮力夾擊江省饒信兩防沈葆楨籌之有素此時更當嚴密布置著卽妥爲調度毋稍疏虞皖北漸就

肅清壽六一帶毛有銘蔣凝學等軍當可別資分撥能否調赴皖南分投防剿之處並著曾國藩妥爲籌布

二十二日甲子曾國藩奏言金陵城中積糧未罄仍爲負隅死守之謀另股分擾上興埠力山柘塘等處十二月二十八日夜窺犯溧水該城守將王可陞登陴防禦賊不得逞侍逆勾結堵逆

聖朝聖學書本十二

十五

黃汝金及廣德餘黨於正月初二日由甯國縣上竄初六日已至績溪人數頗多意在衝過徽州直上江西沈葆楨探得賊勢趨重東路已調韓進春五千餘人移防玉山席寶田等軍萬人移防婺源臣亦調毛有銘一軍由安慶過江馳赴休甯均爲江皖交界遊擊之師以期合力堵剿奏入

上命議政王軍機大臣傳諭曾國藩左宗棠沈葆楨
曰金陵賊巢雖未卽破而檻穿之勢已成此時自
以防賊出竄滋擾他處不令餘燼復燃致成不了
之局爲最要著節據曾國藩左宗棠所奏均有賊
欲竄由皖南以犯江西之語茲復據曾國藩所奏
侍堵兩逆果已擁衆突竄績溪深恐左宗棠所派
駐防徽州屯溪鎮之王開琳官軍不敷扼截被賊
衝過前據左宗棠所奏諭令曾國藩酌籌分兵以
取廣德此時已不相及著卽飭令毛有銘一軍星
馳前赴休甯與王開琳一軍聯絡策應毋令賊得
肆其奔突沈葆楨所調韓進春五千餘人移防玉
山席寶田等軍萬人移防婺源均能豫籌守禦並
著督令兩軍實力嚴防務令賊黨不得闖入江境
此次賊之分股出竄僅係侍堵兩逆而忠逆不在

欽定剿平粵匪方略

卷三六二

其中是否仍與洪逆死守金陵抑仍在句溧等處
堅踞馮子材等鎮江之軍與賊相持因鮑超一軍
未能往會未卽進攻南岸各軍防剿正當喫緊殊
恐不敷分撥因思北岸揚防無事官軍屯戍已久
都興阿老於戎行頗形持重是否可以量爲調撥
令該將軍帶赴南岸與馮子材等合力以攻丹句
之賊使常州賊黨失其援應則李鴻章所部攻取
毗陵自可迅期得手卽分竄皖境之賊亦將有後
顧之虞不得直前衝突都興阿如帶兵過江足資
臂助卽著曾國藩迅速奏明飭調其淮揚一帶卽
可交吳棠妥爲籌防富明阿因傷疾舉發請假現
在清江調理就痊亦可回揚營以資統率鮑超軍
在東壩能否量爲調撥廣德勦撫究竟如何如此
路能有一軍以踞賊後亦可與毛有銘王開琳前

欽定剿平粵匪方略

卷三六三

後夾擊均著曾國藩酌量妥籌賊勢已偏徽防浙師應由嚴州出兵邀擊左宗棠所部能否相機酌撥著與曾國藩隨時聯絡以保萬全

二十四日 丙寅 西安將軍多隆阿奏言探報甘肅

徽縣兩當兩股髮賊由隴竄至寶雞地方裹脅百姓約有二萬餘人出寶雞山口擄糧由郿縣各路分援整屋等語 臣思髮逆既意在救援整

聖朝聖略卷三十一

六

屋一經竄出山口必從郿縣岐山扶風武功直抵整屋毫無阻隔若由 臣分兵迎剿又恐整屋之賊乘虛突出遂檄陶茂林一軍迅由汧陽折回鳳翔設法進剿據報該提督抵汧後探知髮逆竄至寶雞即帶兵於十二月十八日折回鳳郡次日馳抵寶雞察看地勢分紮要隘正月初四日髮逆大股盤踞縣南十五里之雨門鎮築

壘空濠為踞守計我軍出其不意分左右兩路進兵該逆猝不及防登時潰敗斬擒甚眾餘匪遁至二嶺關初五日我軍先由小路埋伏誘賊出關截住歸路槍礮齊發刀矛並進賊之落崖墜澗者不計其數由觀音堂尖又坪等處沿途追殺至草涼驛該處係通衢要路一通郿縣一通川界一通漢中 臣已飛飭該提督相機剿辦

聖朝聖略卷三十一

九

毋任蔓延奏入

上命議政王軍機大臣傳諭多隆阿曰甘肅徽縣兩當髮逆有出寶雞山口由郿縣分援整屋之說該大臣檄調陶茂林之軍由汧陽折回鳳翔設法進剿在雨門鎮二嶺關等處擒斬甚夥惟該匪現竄草涼驛通衢要路隨在可以分竄著飭陶茂林認真截剿毋任回竄漢中

同日

上命議政王軍機大臣傳諭都興阿富明阿曰歸綏一帶防務緊要必須有知兵之員整飭兵勇慎重籌防方可以資重鎮都興阿久在行間辦理軍務素稱得力著卽馳赴綏遠歸化兩城會同德勒克多爾濟等將該處一帶兵勇訓練操防堵遏回氛富明阿傷病諒已就痊著卽迅回揚營督率都興

聖朝軍略卷六十二

三

阿所部兵勇妥爲布置如應派撥南岸助剿卽著酌量派撥其不能打仗之兵勇並可會商曾國藩酌量裁撤以節糜費現在丹甸一帶尙爲賊踞馮子材鎮江之軍與賊相持因兵力較單未能前進富明阿到防後酌量情形如傷病尙未全愈不能親自渡江該將軍卽在揚防坐鎮一面選派得力兵弁迅赴南岸相機助剿與馮子材之軍聯絡一

氣痛掃賊氛不得意存畛域致誤事機

二十七日己左宗棠奏言十二月二十五日楊

昌濬等督各營分路進攻餘杭踞逆康國器於黎明乘賊未覺越濠而進連破東路賊壘四座並將楊家橋賊卡焚燬北路官軍乘勢急進梟水過河揮兵猛擊立破何家陡門堅壘五座是日東北兩路殺賊二千有餘陣斬闕天義李有

聖朝軍略卷六十二

三

罄等賊目多名其黃少春一軍進攻平審鎮賊壘鏖戰數時因逆賊負山修砌石壘死守不出官軍仰攻輒爲礮石所傷僅破賊卡五處二十六日各軍分路而進越餘杭縣城而北直搗林清堰首逆汪海洋老巢該逆率悍黨數千憑壘拒戰官軍奮力衝突擊斃六七百名追過小港已偏汪海洋老巢楊昌濬以收隊之路長互五

六里雙港夾之勢難列陣傳令收隊甫過橫港壘中悍賊悉銳來撲並分伏港邊竹林排開槍礮以致余佩玉中礮陣亡各營弁勇之殿後力戰陣亡者共三百餘名二十七日杭州城外古塘踞逆率眾撲犯錢塘門外官軍營壘經高連陞等擊退斃賊百餘名二十八日楊昌濬黃少春復列隊五聖廟遣輕騎誘戰賊仍伏匿不出

聖朝聖略卷之三十三

查汪逆所踞之林清堰在城北十里溪流環匯進攻之路能魚貫而不能雁行官軍收隊為賊所乘實由臣未能詳察地勢趨戰過急之故非將士戰陣之不力也現仍激勵各軍設法攻勦務期迅速蕝事以利戎機此次血戰捐軀之副將余佩玉等應請

旨飭部從優議卹並入祀湖南昭忠祠以慰忠魂

左宗棠又奏言海甯州城濱臨大海雄踞下游為杭垣東北屏蔽偽會王蔡元濬擁眾萬餘竄踞其間致攻杭之師未能北渡合圍浙東之防亦時形喫重嗣因杭州餘杭等處疊獲大捷蔣益澧一軍進薄鳳山清波湧金錢塘等門賊勢日蹙蔡元濬迺通款於前署海甯營都司王錫馴轉稟蔣益澧願率所部獻城乞降蔣益澧來

聖朝聖略卷之三十三

營密商臣以蔡元濬於大軍未至之先望風款附其情與勢蹙乞降者不同當令其妥籌招撫蔣益澧飭署杭州府知府陳思燭署海甯州知州廖安之先往覘之而自率親兵及副將劉樹元所部並水師各營於上年十二月十六日馳赴海甯州對江之小泗渡駐紮一而令王錫馴廖安之等入城曉以禍福蔡元濬隨同廖安之

等渡江來見泣訴衷曲蔣益澧察其情詞懇切
卽宣布

朝廷恩德爲之更名元吉飭令回城將被脅夥黨一
律薙髮呈繳礮械等件二十七日官軍入城蔣
益澧挑其精壯列爲八營交蔡元吉管帶駐紮
城外聽候調遣責令立功贖罪餘均資遣回籍
蔡元吉捐給所部八營兩月口糧復捐給散遣

欽定剿平粵匪方略卷六十二

三

之資衆心亦服現在城內有劉樹元等營分布
防守城外有張景渠等各營駐紮足資控制臣
維海甯一城旣下杭州賊勢更孤從此東北兩
面可期逐漸合圍於大局實有裨益蔡元吉雖
久陷賊中而自拔來歸不煩兵力應請
旨賞給四品翎頂以昭激勸辦撫出力之已革前署
甯紹台道張景渠請免其治罪留營差遣以觀

後效前署海甯營都司王錫馴首先入城尙知
愧奮請免其查辦仍以都司留浙補用並免繳
捐資其餘出力員弁可否由臣查明俟克復杭
城彙案保獎

左宗棠又奏言用兵之道勦撫兼施而實則撫
之流弊極多臣入浙以來祇行解散一策不敢
輕議招撫現在杭州城內及石門德清各逆會
均有求撫之事海甯撫局一成各逆私相猜貳
者更復不少頃准李鴻章密咨亦稱僞聽王陳
炳汶呈遞帛書乞降臣以各賊偪聚一方勢實
窘蹙其求降固在意中然事前之詐僞宜防事
後之安插不易此中節目甚多惟有分別勦撫
相機辦理奏入

上命議政王軍機大臣傳諭左宗棠曰降人蔡元吉

獻城反正功尚可錄自與他處僅係脫身來歸者不同該督摺內所稱蔣益澧將其精銳挑選八營卽交蔡元吉管帶人數已屬不少著左宗棠將該降人留心察看妥爲防範如有未盡馴伏恐滋事端之處仍須隨時量爲遣散並傳知蔡元吉此次優給頂翎乃朝廷逾格恩施俾益感奮該督所陳招撫一事流弊甚多事前之詐僞宜防事後之安

聖皇聖略卷三十一

未

插不易惟有分別勦撫相機辦理持論頗爲通達此時海甯撫局已成各逆私相攜貳其應如何乘機分別勦撫之處惟在該督妥爲籌辦僞聽王陳炳汶早有與洪逆及李秀城互相猜疑之說此時在李鴻章處呈遞帛書乞降卽著左宗棠與李鴻章妥商辦理至進攻林清堰賊巢因地勢未詳趨戰過急致爲汪海洋所乘傷亡將士殊爲可惜此

次血戰捐軀之副將余佩玉參將張明遠劉質彬都司唐得勝李陞德陳吉進守備陳宗懿均著交部從優議卹並入祀湖南昭忠祠以慰忠魂海甯收復杭州賊勢更孤東北兩面可漸合圍且偏攻餘杭諸軍不須籌兵他顧更可一意併攻著左宗棠卽嚴督諸軍奮力攻擣迅拔名城以奏膚公前據左宗棠奏稱江南賊勢已蹙恐其分黨由皖南

聖皇聖略卷三十一

未

以犯江西當將所籌布置各情寄諭與曾國藩商同辦理旋據曾國藩奏侍堵兩逆已由甯國竄至績溪調派毛有銘一軍過江前赴休甯堵截復令與左宗棠前派徽防之王開琳聯絡策應此次左宗棠奏報於賊竄績溪未經陳及殊深慮系著仍遵前旨相機調撥出兵遊擊與曾國藩隨時聯絡防勦毋令賊得肆其衝突

上諭內閣曰偽會王蔡元濬踞守海甯州獻城乞撫
官軍於十二月二十七日入城當將海甯州城收
復降人蔡元濬於官軍未至之先自拔來歸獻城
反正著准其更名蔡元吉從優賞給四品翎頂已
革前署甯紹台道張景渠隨同辦撫尙屬出力著
免其治罪留營差遣以觀後效前署海甯營都司
王錫馴首先入城尙知愧奮著免其查辦仍以都

欽定剿平粵匪方略卷三十二

三

司留於浙江補用並免繳捐資其餘出力員弁著
左宗棠查明俟克復杭城彙案保奏

二十八日庚午李鴻章奏言常州踞逆堅伏不出
惟於西門外通丹陽宜興大路添築營壘數十
座我軍偏紮東南北三門緣常城過大兵數稍
單未能遽圖合圍而賊勢漸衰亟須設法攻擊
十二月二十五二十九等日戈登來謁願由無

錫進勦宜興兼助官軍攻常之勢正月十二日
帶隊由崑起行請 臣派提督郭松林一軍並准
揚水師數營與之同進 臣當飭李鶴章調派郭
松林等所部各營及王東華等所部水師與常
勝軍會合進勦並飭劉銘傳等於常勝軍進攻
宜興時分督各營猛攻常城使賊首尾不能照
應或可先後得手浙西自嘉善復後劉秉璋程

欽定剿平粵匪方略卷三十二

三

學啟各督所部進偏嘉興十二月二十一日偽
榮王廖發受分股由東南兩門出撲劉秉璋潘
鼎新派隊迎擊大破之擒斬溺斃無算追近城
下榮逆乃於二十九日遞稟乞降 臣飭程學啟
劉秉璋等移營進偏察看妥辦程學啟等屢帶
小隊赴城偵看賊中布守甚嚴恐其別有狡謀
臣惟飭各軍穩慎會攻迅規嘉郡以固蘇滬門

戶至李秀城李侍賢二酋將來窮無復之必由
句容溧陽廣德一路竄走浙皖交界而入江西
臣軍從下游節節仰攻勢不能繞越賊區扼斷
竄路以臣現處境地並現有兵力計之欲保蘇
滬不得不分攻常嘉以勦為堵其圖常州也將
以聯鎮江之氣外堵其北竄長江內堵其繞竄
腹地其圖嘉興也將以制杭賊之勢外堵其竄

聖朝聖學略卷之三

三

越海塘內堵其回竄松滬至由金陵溧陽竄皖
浙之路臣力萬不能及想在

聖明洞鑒之中昨因戈登欣然效順令其協同郭松
林等進搆宜興但可以為奇兵而不可以為正
兵如果常州宜興次第攻克或分搆溧陽旁略
丹句遲速利鈍殊難逆料而兵勢自北而南路
徑叢歧亦難保賊眾不由南路竄走若常宜得

手後賊以全力由句溧一帶突竄自當謹遵
諭旨分飭將士躡追與東壩西浙各軍前後夾擊昨
接曾國藩緘商欲調程學啟赴金陵協攻程學
啟先已進兵嘉興雖遽撤退應俟嘉郡克復守
局穩固再飭程學啟移軍西向屆時商酌調派
總期於兩而大局皆有裨益奏入

聖朝聖學略卷之三

三

上命議政王軍機大臣傳諭李鴻章曰常州城大賊
眾官軍未能遮圍合圍而賊勢漸衰自應設法攻
擊以期迅克堅城常勝軍進攻宜興常賊已有首
尾不能照應之勢著督飭李鶴章劉銘傳等分督
各營猛攻常城剋日攻拔毋稍遲玩劉秉璋潘鼎
新之師屢敗嘉郡之賊進逼城下榮逆廖發受雖
遞稟乞降而城中布守甚嚴難保不別有狡謀藉
詞緩師李鴻章務當飭令程學啟等乘賊降戰未

定之時相機攻剿迅下嘉城以固蘇滬門戶不得
稍涉大意至忠侍各逆圖竄皖浙之路屢經諭令
曾國藩左宗棠沈葆楨等嚴扼要隘李鴻章所稱
蘇軍從下游節節仰攻勢不能繞越賊區扼斷竄
路自係實在情形該撫惟當督率各軍迅復常宜
兩城期與金陵諸軍合兵掃蕩方爲妥善程學啟
攻剿嘉興正當喫緊且蘇滬守局尙未穩固自難

欽定剿平粵匪方略卷三十一

三十一

赴調著照該撫所籌俟克嘉郡後酌度情形再行
調赴金陵協剿

同日李雲麟奏言據探漢郡髮匪於上年十二
月內間川楚各軍由襄沔等處並進慮爲官軍
兜剿逆黨數十萬分南北中三路盡力東趨一
由石泉漢陰山興安而至鄖陽是爲中路一由
西鄉出紫陽甄坪平利而至竹山是爲南路一

由甯陝出鎮安而至商州是爲北路皆於河南
之南陽湖北之襄陽一帶會齊等語臣之所部
水陸本止十數營除分撥各處外所隨同進剿
者合計不滿四千路徑紛歧防不勝防而興安
一府爲前後適中要路亟須妥爲部署以備不
虞因飭各營高壘固守臣於十二月二十八日
馳赴興安將一切事宜趕緊清理仍卽馳回石

欽定剿平粵匪方略卷三十一

三十一

泉正月十一日到營維時中路股匪已至石泉
境內欲由茶鎮等處偷渡過河經水師奮勇截
回惟北路之賊已由洋縣渡江擾至甯陝其西
鄉踞逆亦欲由瓦房店梅湖而出紫陽臣再四
籌思漢中之賊旣已分股下竄南路股匪人數
較少已派遊擊金殿安等進紮紫陽西鄉交界
之瓦房店梅湖一帶督飭民團相機堵剿臣率

各營親兵於十三日進紮石泉迤北之饒峯嶺
其地處石泉甯陝之交既可固中路門戶亦可
截北路竄匪總期勉圖進取以赴戎機奏入
上命議政王軍機大臣傳諭官文多隆阿嚴樹森張
之萬劉蓉李雲麟張集馨曰髮逆東下勢甚猖獗
李雲麟所部無多恐不能十分得手現在漢南所
屬勢必空虛著劉蓉迅由甯羌一帶進兵先復漢

聖朝軍略卷六十二

三

中郡縣並分兵接應李雲麟以防疏失該撫當迅
速入陝振刷精神力圖滅賊毋稍觀望李雲麟現
紮饒峯嶺地當石泉甯陝之交既可固中路門戶
亦可截北路竄匪亟應分投扼截並須兼顧興安
之防不得稍形疏懈如兵力不敷卽飛咨多隆阿
劉蓉調撥以資得力張集馨現權撫篆責無旁貸
著卽督飭地方文武實力防剿如有兵勇可撥並

須撥赴商州要隘勿任寇氛四竄整屋卽可得手
著多隆阿嚴飭穆圖善等設法攻克以便分兵剿
洗髮逆此股逆衆既有由河南南陽湖北襄陽一
帶會齊之謠其爲窺伺楚豫意圖竄擾毫無疑義
官文嚴樹森張之萬當各飭派出防兵實力遏截
勿令闖入本境如能派兵出境會秦師夾擊更爲
上策

聖朝軍略卷六十二

三

欽定剿平粵匪方略卷三百六十三 甲子年

二月初一日 壬申 多隆阿奏言探報漢中髮逆偽

扶王陳得才接南京來信蘇州已被官軍攻克

約會偽齊王偽端王偽增王諸逆會於正月初

三四等日回竄金陵援救馬逆擬由紫陽關輒

坪圖竄興安城固陳逆等擬由甯陝山陽圖竄

商雒商州均備乾糧口袋分起東繞約至豫省

聖皇聖略卷三百六十三

會齊又准撫 臣劉蓉咨稱襄沔留壩漢中賊匪

業已全數逃逸勢將下竄擬親率大軍由甯羌

徑趨漢中跟蹤追剿各等語 臣卽檄調駐守武

關之藍斯明等四營折回商州又迎提東省撥

來之劉漢秀雷顯揚等兩營駐紮潼關派金順

溫德勒克西等兩起馬隊前往灃峪大峪子午

峪等處扼要堵剿一面飛咨湖北河南各督撫

迅派精兵於各要隘嚴密防禦以爲迎剿之計

同日張集馨奏言據報劉蓉已到甯羌漢中賊

情洵懼紛紛竄逃略陽襄沔俱無賊蹤留壩亦

卽收復其髮逆大股北竄甯陝頭隊已至鎮安

地面漢中間已克復惟甯陝係省城門戶賊若

北竄深爲可虞等語查髮逆兩股一東走鎮安

一北竄江口甯陝文報現已不通江口多紮賊

聖皇聖略卷三百六十三

營前隊已至金鎖橋距省僅二百里省外並無

一營可調殊形空虛正月二十日鄧縣之梁家

橋有髮逆數十人窺伺旋由灃峪口南去梁家

橋距省三十餘里係多隆阿大營後路當由多

隆阿調副都統常興阿等帶領馬隊防守省城

兵單餉竭逼近逆氛亟須嚴爲布置已咨明多

隆阿將大峪口馬隊調紮東關一面與署西安

將軍德興阿會商如有警信請其親帶滿兵千
 名山屯南關一面將臣所練省兵一千名交已
 革遊擊何九皋等統帶操防屯紮西關以備截
 擊至北門不通要路其城上防守事宜業經西
 安府知府呂雋孫分段布置城內倉糧早罄與
 藩司林壽圖等籌商於附近州縣趕緊提運均
 奏入

聖朝聖訓卷之三

三

上命議政王軍機大臣傳諭多隆阿德興阿劉蓉李
 雲麟張集馨曰漢中留壩收復是否為賊所棄劉
 蓉進兵甯羌而漢郡褒沔已無賊蹤所部各軍自
 應覘賊所向繞出賊前攔頭截擊或緊躡跟追著
 該撫籌定機宜與李雲麟聯絡調度甯陝係省城
 門戶賊之北竄深屬可虞鎮安之江口及金鎖橋
 距省匪遙鄠縣之梁家橋地方更為切近且為多

隆阿大營後路著多隆阿相機布置務將甯陝等
 處竄賊分兵截勦保全省城毋令賊得乘虛撲犯
 省城內外防禦著張集馨嚴密籌備其所稱調兵
 儲積各事宜均須與德興阿等實力辦理李雲麟
 駐軍饒峯嶺兼顧興郡之防務須乘賊窮竄將甯
 陝及石泉等處逆氛嚴行截勦仍隨時與鄂豫兩
 省聯絡接應多隆阿已調藍斯明一軍折回商州

聖朝聖訓卷之三

四

並提催劉漢秀等營駐紮潼關金順等馬隊前往
 澧峪等處堵擊即著嚴督各路之軍奮力防勦毋
 稍鬆勁

初四日乙亥沈葆楨奏旨准曾國藩咨稱侍逆由
 溧陽上竄江西臣計該逆必趨稍為完善之地
 乃有所掠皖之青建江之彭湖皆徧地榛荆居
 民以草充食饒州以北暫可無虞即飭道員席

寶田統精毅營道員陳鳴志鄧子垣統精捷營
出婺源副將韓進春統韓字營出玉山爲游擊
之師道員張岳齡統平江營守廣豐縣城副將
顧雲彩統仁右營守玉山縣城各軍當可陸續
到防據探賊分六股號三十餘萬從廣德甯國
翻山而行其來甚疾入皖界者正月初六日至
績溪初八日侵及歙境總兵唐義訓迎勦頗有

欽定剿平粵匪方略卷三十三

五

斬獲入浙界者初四日至昌化初七日由五都
侵及淳安境初八日副將王開琳以老湘營由
屯溪援徽初九日提督黃少春以克勇由餘杭
抵嚴惟曾國藩所派道員毛有銘一軍尙無南
渡消息浙江稍急王開琳必將回援李侍賢黃
汝金大股均在後路伺隙而來祁景之師未易
輕動屯溪無兵扼紮徽南處處空虛臣續飭席

寶田等相機進勦務與徽浙之師聯絡添調守
備楊錦斌統衛民軍赴玉山爲韓進春後應道
員王德榜之長左營由浮梁拔歸信郡署總兵
普承忠統贛鎮兵進扼撫州樂平縣知縣孫鑑
挑練丁二千人以保其本境其原紮祁門道員
王沐之繼果營原紮景鎮督糧道段起之衡湘
祥字等營皆令兼顧東路以期周密

欽定剿平粵匪方略卷三十三

六

沈葆楨又奏言續據探報正月初九日總兵唐
義訓副將王開琳會勦績溪該逆遁由歙南之
深渡過河竄入淳安縣界當將績溪縣城收復
其由昌化淳安來者掠至遂安境上去開化僅
百餘里此股爲忠逆所部約由浙界入廣信第
二股爲侍逆約繞閩界入建昌第三股爲僞小
西王約由徽北入湖口第四股爲僞小東王約

由徽南入景鎮均會於撫州等語查該逆計窮力竭思為流寇擊之則分道而竄堵之則翻山而行辦理本屬費手若再蔓延閩界則更勢若燎原應請

飭下福建一體嚴防以資犄角奏入

上命議政王軍機大臣傳諭曾國藩左宗棠李鴻章

沈葆楨徐宗幹曰該逆率銳南趨江省軍情萬分

聖學聖略卷三十三

七

喫重沈葆楨分調各軍於婺源玉山廣豐等縣駐

紮布置尙屬周妥惟賊勢太盛剽疾異常稍有疏

虞勢必闖入江境著沈葆楨嚴飭各路將領認真

防守務與徽浙之師聯絡聲勢互相策應其竄往

潛安遂安之賊若江省防堵嚴密必將折竄浙東

左宗棠進攻餘杭如急切尙難得手自應力顧後

路抽調兵勇赴衢嚴一帶相機迎剿兼顧徽防該

逆既有由閩入江之議不可不豫為之防並著左

宗棠徐宗幹迅派得力兵勇並督飭地方文武嚴

扼閩疆毋令竄越毛有銘一軍曾否啟行著曾國

藩嚴催該道員迅速渡江或由徽北扼賊入湖口

之路或前赴休甯與王開琳會師截剿著該大臣

相機調遣毋落後著南竄賊股號稱三十餘萬廣

德自必空虛溧陽為忠侍兩酋巢穴若由此兩路

聖學聖略卷三十三

八

進兵或扼其咽喉或攻其要害皆為該逆所必救

縱不能必得而以堅壘相持亦可繫忠侍等逆之

足使不得逞以待其敝諒曾國藩李鴻章等亦必

能審度及此鮑超是否仍在東壩東壩固係入蘇

門戶能否另易他將駐守而以鮑超之軍分路進

攻俾賊匪首尾不能相顧著曾國藩酌量調派曾

國荃圍攻金陵近日情形若何賊糧尙足賊守尙

一第(二) 廿賣參日全書第 8 反E句

堅自未能剋期攻拔曾國藩仍當飭令曾國荃嚴
密合圍斷其接濟以收聚殲之效戈登郭松林進
取宜興有無勝仗常州之師曾否得手著李鴻章
激勵諸軍迅圖攻克乘勝移軍溧陽蘇省軍威日
盛亦足以牽制賊勢使不暇擾我完善以援救金
陵漢中踞匪率眾東趨據多隆阿張集馨先後奏
稱逆酋偽扶王等接南京來信蘇州已經官軍收

欽定剿平粵匪方略卷三十三

九

復調各逆酋回援現由石泉鎮安等縣全股東竄
等語該逆無故棄城而走其為金陵逆酋嗾使無
疑本日已調僧格林沁駐師豫境力遏賊氛皖北
伏莽未清恐僧格林沁拔隊後餘燼復燃著曾國
藩豫作準備防其竄逸勾合

同日張集馨奏言據署漢中府知府楊光澍稟
稱撫臣劉蓉派湘果各軍於正月十一日克復

漢中郡城屢獲大勝髮逆現竄西鄉石泉地界
又據署甯陝營參將謝正球等稟稱該逆於十
二三等日屢次撲城俱被官軍擊退斬殺數十
人生擒髮逆十九名訊據獲賊供稱接南京逆
首來信蘇州已經官軍收復調回各偽王援救
南京正月初三日偽扶王約會偽齊王偽端王
偽增王等各自拔營由石泉甯陝鎮安商州等

欽定剿平粵匪方略卷三十三

十

處回南因無處打糧是以來攻廳城當將該逆
等正法現在匪眾由東河賈家營向鎮安一路
而去各等情查鎮安商州一帶已飭兵團合力
防守若該逆竟不停留則鄂豫二省勢必喫重
已飛咨湖北河南各督撫臣一體設防以杜紛
竄西鄉城固之賊據報東竄省城澧峪子午峪
各口經多隆阿派副都統溫德勒克西金順各

帶馬隊嚴防如再有警報 臣卽添調勁軍迎剿
奏入

上命議政王軍機大臣傳諭僧格林沁官文多隆阿
嚴樹森張之萬沈桂芬張集馨曰據張集馨奏湘
果各軍已於正月十一日克復漢中郡城髮逆竄
至西鄉石泉地界屢撲甯陝驪城均經官兵擊退
該逆現由東河賈家營向鎮安而去等語漢南髮

聖朝聖訓卷之三

十一

逆全股東趨意圖竄擾楚豫爲回救金陵牽掣官
軍之計其謀甚狡豫省兵力單薄不敷剿辦僧格
林沁布置皖省事宜已否周妥著酌量情形督帶
兵勇進紮南陽一帶迎頭截剿如一時尚難離皖
卽酌派得力將弁統帶勁旅星馳赴豫會同該省
兵勇扼要堵截勿任闖入腹地張之萬當督飭地
方文武員弁認真防剿不可稍有疏失鎮安接壤

卽襄該逆前次本有會兵襄陽之說不可不豫籌
防範著官文嚴樹森督飭防軍實力截擊並添派
勁兵前赴鄖襄一帶探蹤迎剿湖北河南如能嚴
密堵遏該逆窮無復之難保不分竄商南由豫窺
晉著沈桂芬相機設防妥籌辦理陝西省城防務
雖鬆張集馨仍隨時偵探如城固西鄉之賊竄近
子午峪各口卽著溫德勒克西等痛加剿洗

聖朝聖訓卷之三

十二

初六日丁巳曾國藩奏言僞侍王李侍賢賊黨於
正月初六日攻陷績溪意將直撲徽州府城初
八日署皖南鎮總兵唐義訓率所部八營自徽
城出紮吳山鋪分駐新營地方俄有賊隊擁至
唐義訓催軍備剿平毀賊館不少賊向績城孔
靈兩路退走我軍斬馘尤多適左宗棠部將王
開琳督帶老湘營自屯溪馳至唐義訓與之商

定次日會師進攻初九日王開琳率隊由臨溪
大路進唐義訓率隊渡過臨溪對河與賊戰於
孔靈陣斬百餘賊追襲十數里將爲薄城之計
王開琳自臨溪驅賊至七里牌踰卡而登直抵
城南一帶賊遽返走入城唐義訓揮兵夾擊斜
入城西城賊由東北兩門遁出立克績溪縣城
我軍仍回臨溪下寨維時賊之在大石門者已
由大嶺竄至歙之南鄉距城三四十里其在昌
化境內者已竄過威坪街口等處距城亦祇百
有餘里王開琳以賊趨南路慮越休甯斜竄而
上引軍回駐屯溪唐義訓出佛嶺及南源口以
截之初十日唐義訓聞績溪敗賊併聚於鴻琴
七賢各村落移軍往駐南源口十一日風雪甚
厲唐義訓部隊迤邐而進賊惶遽失措我軍入

聖朝聖略卷之三

十三

村搜捕俘執其會誅匪殆盡十二日唐義訓迎
擊昌化另股十三日追勦深渡零賊沿途抄殺
正擬進取街口威坪一路詎此路之賊已竄往
遂安所屬之郭村而王開琳屯溪一軍旋出白
際嶺赴援遂安矣查績溪攻克後旋有歙南之
捷徽境暫告肅清而遂安一帶賊勢尙重現又
擾及開化之馬金街該處一通休甯一通婺源
一通常玉兩山臣所帶毛有銘一軍於十七日
由安慶渡江計此時可抵休甯沈葆楨所派席
寶田等移守婺源之軍韓進春等移守玉山之
軍亦據報先後到防已飭各軍扼要分堵以遏
賊蹤奏入

聖朝聖略卷之三

十四

左宗棠沈葆楨等將竄賊分投截剿矣遂安賊勢尙重現又擾及開化該處可通休甯婺源常玉山之路在在均須嚴防會國藩當檄飭毛有銘之軍聯絡浙江江西派出各軍分路截剿毋令一賊竄入江西福建境內掣我兵力方爲妥善

同日劉蓉奏冒逆匪竄擾略陽意圖徑撲陽平關臣飛飭知府劉嶽曙等設伏掩擊該逆率衆

聖朝聖略卷之三

十五

行至朱家埡遙見我軍旗幟卽折回戴家壩赴大安驛一帶正月初二日我軍追及該逆不敢接戰望風狂走初四日竄至廣元屬之黎坪查黎坪爲入川要衝臣派撥果毅彝字兩營駐紮防守添派府經歷張星帶長字營前往協守乃張星逗留不前果毅彝字兩營又分紮燕子巖紅山兩處兵力本單該匪大股掩至抄出果

毅營之後守備鄧洪超等力不能支營壘被撲陣亡兵勇三十餘人知縣黃鼎督勇力戰始克收隊臣聞信後當飭總理營務戴炳奎統帶七營前赴旺蒼壩扼截該逆退走黃官嶺紅廟塘一帶先是李雲麟咨稱詢知該逆聞我軍三路進剿諸逆會會商分作兩路下竄臣卽飭何勝必蕭慶高兩軍迅由青石關出師一面嚴防中

聖朝聖略卷之三

十六

旗偷竄一面徑擣漢中又飭參將唐大有率所部隨同李雲麟進擊西鄉並咨西安將軍多隆阿分撥勁旅迅由甯陝聽截出前後夾攻初四五六等日沔陽褒城留壩之賊已陸續移入漢中何勝必蕭慶高冒雪越嶺分派副將蕭德揚等進剿法慈院副將劉厚基等直趨新集場總兵曾克勝等直擣牟家壩何勝必蕭慶高各率

親兵分起策應初十日蕭德揚等直薄法慈院該逆蒼黃失措我軍乘勢撲入斃賊四五百人餘賊奪路狂竄十一日曾克勝等抵牟家壩該逆拜死抵拒我軍愈進愈猛賊勢不支殲斃千餘人生擒二百餘人各軍乘勝徑趨油坊街蕭德揚等亦率師由右路來會當即衝入賊巢立將諸壘踏平斬馘千計何勝必蕭慶高以既破

欽定剿平粵匪方略卷三十三

十七

油坊街則漢郡唾手可得當令諸軍涉淺渡河派赴新集之劉厚基等已將該處賊壘踏破遙見油坊街火起即從上游渡江四路齊進直薄城根維時該逆頭隊業已竄動後隊踞城者已無固志副將楊得勝等由南關奪門而入何勝必蕭慶高與署漢中府知府楊光澍等揮衆入城四路掩擊搜斬千餘人生擒八百餘人救出

難民千餘當將城池收復餘賊均向東北兩門循山奔逸隨派蕭德揚等追躡下竄之賊適接探報中旗前隊竄往城固與偽扶王陳得才合股其中隊在黃官嶺紅廟塘一帶游弋何勝必蕭慶高各派三營前赴法慈院牟家壩迎擊又各派馬步三營一由高家嶺兜剿一由黃官嶺紅廟塘一帶壓擊十四日奮勇進攻殺斃騎賊

欽定剿平粵匪方略卷三十三

十八

十餘人老賊三百餘人賊始紛紛狂奔何勝必等督隊行抵牟家壩又截殺敗賊二千餘人生擒偽檢點等五十餘名餘賊奔赴西河口適曾克勝等由高家嶺督兵踵至我軍兩路夾擊又斃賊千餘人落河死者尤多該逆悉向下游遁去現在大軍由漢中進趨城固掃蕩而前惟聞髮逆頭隊已下竄漢陰石泉一帶興安以下苦

無攔截之師臣已咨湖廣督臣官文湖北撫臣嚴樹森迅派勁旅嚴堵鄖襄並咨河南撫臣張之萬扼守商雒邊界但冀鄂豫兩省均有迎擊之師使該逆不能前進臣與李雲麟督率各軍躡之於後當可悉數殲滅至已革保升提督甘肅肅州鎮總兵何勝必已革保升提督蕭慶高督隊衝鋒深知愧奮應請先沛

聖朝聖略卷之三

十九

恩施開復原官仍交軍機處記名遇有提督缺出請旨簡放其餘出力文武員弁可否由臣查明會同四川督臣駱秉章分別請獎以昭激勸府經歷張星逗留不前致有梨坪之失應請

旨即行革職守備鄧洪超疏於防範應請革職留營以觀後效奏入

上命議政王軍機大臣傳諭官文多隆阿嚴樹森劉

蓉張集馨曰該逆意圖回援金陵率眾東竄逆蹤已及漢陰石泉勢必一由山陽商雒以趨豫省一由興安一帶以窺鄂疆若令竄出山險則平原曠蕩勢必紛擾蔓延堵截更難得手劉蓉務宜督率諸軍星夜東下乘勢追擊一面飭令李雲麟迎頭扼截並著官文嚴樹森飭令襄鄖在防將士嚴扼要隘仍添派勁旅馳往策應豫省與陝西商雒交

聖朝聖略卷之三

二十

界地方即著張之萬添籌兵勇鼓舞鄉團嚴扼山險毋令賊蹤竄入以期與陝省追師前後夾擊陝省商雒一帶為入豫門戶著多隆阿添派兵勇與藍斯明一軍迎頭扼截毋任闖入豫省劉蓉追剿此股賊匪務當盡力追躡如該匪竄入楚豫即著越境窮追與楚豫防兵聯絡夾擊不得稍分畛域致令滋蔓難圖如楚豫不能堵截任賊長驅視其

竄擾何省惟何省督撫是問儻前截而後不能追
惟劉蓉李雲麟是問

上諭內開曰官軍收復漢中府城並截剿中旗賊匪
獲勝勦辦尙屬得手仍著乘勢進剿盡殲醜類毋
任遠颺所有尤爲出力之已革保升提督甘肅肅
州鎮總兵何勝必已革保升提督蕭慶高均著開
復原官仍交軍機處記名遇有提督缺出請旨簡

欽定剿平粵匪方略卷三十三

三十三

放其餘出力員弁准其查明擇尤保奏府經歷張
星任意逗留著卽行革職守備鄧洪超疏於防範
著革職留營以觀後效

初九日庚辰劉蓉奏言漢郡收復後蕭慶高何勝

必等軍於正月十五日追至二郎壩殺賊五六
百名餘賊分兩路狂奔一趨盤壩一趨上元觀
我軍亦分兩路跟追其竄盤壩者經知縣張開

鑑帶圍截擊又殺斃數百名該逆竄併上元觀
查上元觀爲僞扶王陳德才黨與盤踞之地外
列壁壘十餘座聚匪甚衆何勝必等於十六日
率所部分四路前進該逆分隊來迎我軍乘勝
截殺將賊壘概行焚燬斬馘三千餘級敗賊向
城固逃竄何勝必等於十八日會合劉嶽曙所
派果後九營併力齊進直抵城下該逆不意我

欽定剿平粵匪方略卷三十三

三十三

軍驟至頗形驚惶各軍奮力攻撲一擁而進當
將附城一帶賊壘延燒該逆不敢入城悉由河
邊南岸繞竄東下蕭慶高等督隊掩擊沿途斬
馘屍骸枕藉當將城固縣城克復現在敗竄之
賊多趨西鄉一帶業飭蕭慶高何勝必等會同
果後九營跟蹤躡剿惟興安以下文報久梗未
得實在消息容俟探悉情形相機辦理奏入

上命議政王軍機大臣傳諭官文多隆阿嚴樹森張之萬劉蓉李雲麟張集馨曰官軍大破上元觀賊壘並克城固縣城敗竄之賊多往西鄉一帶劉蓉現飭何勝必蕭慶高等營由西鄉一路跟蹤躡剿著卽督飭步步緊躡乘賊喘息未定痛加剿洗將此股餘賊殄滅淨盡李雲麟前奏駐軍饒峯嶺兼顧賊由甯陝興安分竄鄂豫兩途此次劉蓉奏報

聖學聖略卷三十三

三

何以有興安以下文報久梗之旨劉蓉李雲麟務須聯絡一氣規賊所趨盡力追剿劉蓉身任陝疆無論賊竄何處均屬責無旁貸務當掃除各路逆氛以清全陝張集馨前奏賊至西鄉石泉地界屢撲甯陝聽城經在城兵勇擊退由東河賈家營向鎮安而去現已竄往何處是否卽係何勝必等從後追剿一股劉蓉李雲麟務須嚴督所部悉力窮

追官文嚴樹森昨奏各路軍情於漢中賊匪分竄甯陝西鄉之路勢趨鄜竹尙未深悉著官文嚴樹森懍遵疊諭嚴密籌布增兵堵剿張之萬於秦豫邊界實力嚴防張集馨亦不得以西安防務較鬆稍涉大意其子午峪等處防賊復竄之路總須與溫德勒克西等隨時戒備劉蓉所部各軍已成尾追之勢如能不分畛域窮追不已鄂豫各邊防兵

聖學聖略卷三十三

三

退其前多隆阿李雲麟所部復從中要擊諒茲羣醜亦不難就地掃除

十二日癸未李鴻章奏言臣派郭松林等營會同

戈登李恆嵩之常勝軍進剿宜興李鴻章恐兵力尙單又命總兵楊鼎勳率所部協剿先後進紮河橋正月十九日戈登派洋將美敘羅殿至宜興城下察看地勢郭松林等帶隊同至北門

將近城各賊卡一律燒燬該逆開城出拒我軍分路兜剿生擒三百餘名二十一日戈登李恆嵩率隊由河東進郭松林等各率所部由河西進水師各營派流而上前任宜興縣知縣周守典亦帶團勇槍船助剿二十二三等日各軍進紮三里橋總兵曹仁美會同戈登李恆嵩攻東門外賊營郭松林等分攻上湖橋及西門外賊營並截溧陽援賊正在得手偽代王黃青忠大股來援漸次撲近我軍以洋槍排擊該逆死傷相繼尙無退志當派總兵吳勝清抄其左總兵彭述清等抄其右副將高占彪等直搗中堅逆眾三面受敵遂不能支各軍勇氣倍增殲賊甚多敗逆向西狂奔復經各水師橫擊之自東汎至西汎追殺四十里燬奪大小賊船千餘隻援

欽定剿平粵匪方略卷三十三 三

賊既敗城賊勢孤戈登滕嗣武及遊擊王萬劍等環攻各門賊勢窮迫開西門而逃戈登飛騎馳至與黃中元併力合擊郭松林令已革參將李長樂帶馬隊追殺該逆竄逸無多餘眾乞降遂於正月二十四日克復宜興荆溪縣城城中降眾悉令薙髮分別遣散仍留黃中元滕嗣武陸師五營鄧長里成俞卿水師二營駐守查宜荆二縣濱太湖西岸毗連三郡乃江浙之通衢常州金陵之後路中外各軍不出旬日速拔堅城從此蘇州無錫之防益固常州之克可期實於大局有裨郭松林戈登所向克捷應與楊鼎勳等俟常郡克復再行彙案請旨優獎其攻破賊壘首先登城之諸將自應先行開列懇請

欽定剿平粵匪方略卷三十三 三

恩獎其餘出力陣亡員弁俟查明彙案奏請辦理

李鴻章又奏言宜興既復自應乘勝進圖溧陽

戈登郭松林王東華等水陸六七千人業於二

十七八等日陸續進發惟溧陽為李侍賢老巢

實金陵後路咽喉賊所必爭必守之地金壇常

州在其北句容丹陽值其西長興廣德當其南

而而賊窺備各城悍逆左右抄援前與鮑超東

壩溧水之軍相隔不能接氣後距李鶴章劉銘

傳常州之軍稍遠不及分救孤軍深入轉可危

慮臣飛飭郭松林李恆嵩商同戈登妥慎進止

就近密約鮑超東壩溧水防軍前後兜擊並催

令李鶴章劉銘傳猛攻常郡須先破其西門接

賊各壘然後合力攻城常郡果即得手則旁縣

可漸次肅清至嘉興賊糧最足志在死守程

學啟

聖朝聖略卷之三

三

聖朝聖略卷之三

三

啟劉秉璋潘鼎新等攻破東北門外及東南角

鹽倉橋賊壘多座連日苦戰斬馘頗多諸軍直

抵城根查嘉興榮逆前曾乞降以緩我師程學

啟等察知其詐定讞痛勦果以死拒現在東北

門外隘口多壘均已毀平惟餘城根一營即日

乘勝偪勦合攻城垣以期漸次得手惟湖州踞

賊圖援嘉興意欲撲犯盛澤平望兩鎮擾我後

路經李朝斌水師數營及淮揚水師楊宏勝等

擊敗臣飭程學啟李朝斌隨時分隊扼堵庶保

無虞此次出力將士陣亡員弁可否容臣查明

彙覈分別獎卹出自格外

恩施

同日沈葆楨奏言逆匪從遂安小路疾走第一

股由開化華埠至玉山之七都正月十九日直

趨

抵距城十里之十七都適仁右營抽隊出啤斃賊多名是晚韓字營頭二隊至營於城西該逆遂趨廣信二十日由大南橋竄往廣豐二十一

欽定剿平粵匪方略卷六十三

三

日平江營偕練勇山哨於城北五里之叉路頭見賊數百疾趨殪其前鋒數人遂返走屯聚於三官殿等處蔓延數十里其第二股由開化窺婺源十二日精毅營至十六日精捷營至該逆聞婺源有備將由白沙關犯德興二十日精毅營統領道員席寶田等率隊馳擊該逆頭隊踞規橋尾隊踞歇嶺以中隊由大濟關下橫過泥嶺關翻山而竄席寶田奪隘直入進扼規橋副將邊曉堂等由開道奪泥嶺關守備魏玉彩等奪大濟關頭隊中隊之賊遂陷入谷中與歇嶺路絕乃以悍黨數千向泥嶺關猛撲我軍短兵

相接殺賊極多餘賊遂伏谷中負嵎待援其歇嶺後股之賊犯大濟關魏玉彩等擊卻之谷內之賊攀嶺求山冰雪中跌死者無數自辰至酉血戰竟日陣斬安天義喇天安擇天義珊天燕叨天福諸逆目殺賊二千餘人生擒四百餘人餘逆從歇嶺翻山竄德興南鄉入玉山界查第一股多花旗係黃逆第二股多黃旗係侍逆所

欽定剿平粵匪方略卷六十三

三

部侍逆全股尙未到也現在瀉遂一帶源源而來臣已飛催祥字等營並催總兵普承忠迅至撫州駐守添調廣昌營協守建昌銅鼓營協守臨江然人數尙單又咨請督臣曾國藩另調一軍守祁門俾繼果營得以回顧本省祁門既爲西江門戶又係督臣糧臺關繫至重當飭該營俟接防軍到再行起程均奏入

上命議政王軍機大臣傳諭曾國藩左宗棠李鴻章
沈葆楨曰宜荆二縣濱臨太湖界連三郡此次戈
登奮勇自效李鴻章復抽派精銳會同前往先破
附城十餘壘擊退溧陽大股援賊遂拔堅城從此
蘇錫之防益固常州之克可期實於大局有裨溧
陽爲李逆老巢金陵後路羣賊所必爭之地儻孤
軍深入面面受敵深可危慮著李鴻章密飭戈登

聖朝聖略卷之三

三

等步步爲營務須謀出萬全不可輕進貪功致有
疏失曾國藩當檄飭鮑超東壩溧水防軍前後兜
擊以期聲勢聯絡西路賊情地勢以常州爲關鍵
常郡果能得手則旁縣更成破竹之勢李鴻章卽
催令李鶴章劉銘傳設法攻取先破城外賊壘自
必更有把握嘉興賊糧尙足逆酋志在死守程學
啟等已破東北門外賊壘多座督軍直抵城壘榮

逆異常兇狡務令程學啟等妥速籌攻勿稍鬆勁
湖州踞逆圖擾盛澤平望撲犯後路爲李朝斌等
水師擊敗並著督飭各軍認真防剿毋令與嘉興
城賊勾合此次出力陣亡各將弁准其彙案分別
獎卹據沈葆楨奏髮逆分股內竄精毅等營截剿
獲勝餘逆從歇嶺翻山竄德興南鄉入玉山界現
在滄遂一帶後股仍源源而來該撫飛催各營迎

聖朝聖略卷之三

三

剿等語髮逆上竄江西關繫左宗棠後路該省又
爲曾國藩軍餉需所自出若有疏虞牽掣東南全
局其患不小刻下江路肅清彭玉麟楊岳斌二軍
數月以來水師均無戰事著曾國藩卽派楊岳斌
酌帶戰船數百號駛赴鄱湖擇要駐紮江忠義所
部現歸陳鳴志等統帶威望尙輕而所謂之江忠
朝一時恐難赴營此軍卽可交楊岳斌兼行統帶

該提督謀勇素著諒能認真督辦力顧江防會國
藩仍當隨時與沈葆楨商酌妥籌策應以期萬全
無失沈葆楨卽就現有兵力實力堵剿左宗棠仍
遵前旨密防衢嚴一帶並於浙江交界處所添派
勁旅會同浙江防軍合力夾擊其由歇嶺竄德興
入玉山之賊人數究有若干官軍戰守情形並著
沈葆楨續行馳奏

欽定剿平粵匪方略卷三十三

三

上諭內閣曰逆匪占踞江蘇宜興荆溪縣城經李鴻
章派令郭松林等各營會同戈登李恆嵩進剿李
鶴章又令楊鼎勳率隊合擊於正月二十四日將
宜興荆溪縣城克復仍著李鴻章督飭各軍乘勝
進攻常州迅拔堅城郭松林戈登所向克捷著俟
常郡克復與楊鼎勳等一併彙案請獎此次攻破
賊壘首先登城之總兵李恆嵩著賞給果勇巴圖

魯名號成俞卿著賞給一品封典鄧長里易用剛
均著賞加提督銜副將黃式壽著儘先補用並賞
給猛勇巴圖魯名號遊擊廖玉林著儘先補用並
賞給剛勇巴圖魯名號副將宋德鴻著賞給適勇
巴圖魯名號高占彪著賞給誠勇巴圖魯名號參
將劉起著以副將補用遊擊王萬釗李永元均著
以參將補用已革參將李長樂著以遊擊補用前

欽定剿平粵匪方略卷三十三

三

任宜興縣知縣周守典著免其查辦失守罪名仍
帶革職處分其餘出力陣亡人員著李鴻章查明
彙案奏請獎卹

同日馮子材魁玉奏冒丹陽逆眾自去臘回巢
後近聞常州圍急又復糾黨上援當飭總兵張
文德等嚴陣以待該逆知我有備未敢深入至
道員李鶴章一軍進攻常州已偏東南北三門

惟西路通丹陽大道未經圍而城賊恃有資糧
囤積堅不肯下而外援之賊屢衝屢敗勢蹙枝
窮聞撫臣李鴻章添派勁兵大舉會攻不日當
有捷報奏入

上諭曰本日據李鴻章奏報宜興荆溪縣城攻克常
州已漸次合圍惟因賊糧囤積一時尙未能得手
該撫已飭李鶴章等力圖攻取鎮江防剿機宜該

欽定四庫全書

三

提督等仍當嚴密妥籌穩紮穩進不可稍涉大意

十三日甲 荆州將軍富明阿奏言臣於二月十

三日假期屆滿右腰傷口尙未就痊欽奉

諭旨飭臣迅回揚營督帶都興阿所部兵勇敢不勉
力支持盡心辦理遵於二月初七日由清河縣
起程前赴揚營接辦軍務俟到營後嚴飭水陸
將弁加意操防相機進剿並趕緊延醫在營調

治儘傷口仍未痊愈殘廢已成惟有據實請
旨另簡大員接辦江北軍務不敢戀棧嘗試貽誤戎
機亦不敢心存諉卸辜負

生成奏入

上諭曰現在南岸軍威甚振宜荆縣城新復常郡亦
攻克在卽江北情形稍鬆該將軍在揚防坐鎮指
揮調度之餘兼可安心攝養所盼日就痊愈以慰

欽定四庫全書

三

塵念

欽定剿平粵匪方略卷三百六十四 甲子年

二月十六日 丁亥 多隆阿奏言髮逆陳得才大股

前隊已到山陽後隊尙在甯陝一帶 臣 自當相

機過勤不任蔓延爲害本日欽奉

諭旨訥欽請飭多隆阿調撥馬隊五百能否分撥著

酌度辦理查 臣 所部馬隊本屬無多現值漢南髮

逆全股東竄南山峪口紛歧均須撥兵防守賊

聖朝聖略卷三百六十四

一

衆兵單不敷分布以現在情形而論一時尙難

抽撥奏入

上命議政王軍機大臣傳諭多隆阿劉蓉李雲麟曰

髮逆陳得才大股前隊已到山陽後隊尙在甯陝

一帶劉蓉現至漢中自應緊躡賊蹤分投追剿此

股逆匪因金陵逆首調回棄城東竄剿疾異常若

追軍稍事遷延勢必蔓延楚豫劉蓉務當激勵諸

軍迅速前進不得以收復漢中郡縣遂可塞責李

雲麟駐紮饒峯嶺曾否與賊接仗東路之防是其

專責何以日久竟無奏報著卽督率所部偵賊所

向與劉蓉追賊之軍前後兜剿盡殲醜類儘期辦

不力任賊東趨恐劉蓉李雲麟均不能當此重咎

也

十九日 庚寅 曾國藩奏言曾國荃駐師雨花臺以

聖朝聖略卷三百六十四

二

來奪取附城諸要隘東西南三面悉爲我有惟

鍾山偽壘尙未克復城北兩門尙未合圍終不

能制賊之命曾國荃商之楊岳斌飭派彭楚漢

丁泗濱各師船雪夜巡江見奸民小划載米偷

渡輒要而奪之以斷江而接濟又派朱洪章等

營各山三成隊繞過鍾山之後分夜輪擊以絕

陸路接濟然城北地而太寬洪逆與忠會踞守

老巢仍堅伏不動其偷運賊糧亦有防不勝防之慮會國荃調韋志俊五營渡江守金柱關騰出朱南桂等六營助圍金陵甫至三汊河適因兩阻頓兵未發比至正月十六日始令陳萬合等營由草靛峽登岸朱南桂等繼進將欲移營城北旋於二十夜偵知忠會之子率黨數千自太平門赴句容護糧進城朱洪章等潛約各營

聖軍方略卷十四

三

伏兵要路截擊斬馘七百餘級執二百餘人棄糧阜積狼藉道左次日會國荃親督朱南桂等各率親兵槍隊至洪山北固山神策太平等門外周歷形勢適忠會先由城中糾大股出鍾山之南猛撲嘉字營濠牆我營以槍礮憑牆環擊賊不少卻朱洪章與武明良等遂留兵守定營寨一而率隊出濠分路夾擊殲賊數百賊乃返

聖軍方略卷十四

四

走上山鍾山之巔有石壘爲名天保城羅兩春攀崖直上沈鴻賓率哨弁繼至會合朱洪章武明良等四出抄殺該匪無一得脫立將鍾山石壘克復會國荃飭黃潤昌熊上珍移紮山嶺分戍天保城二十四日派蕭孚泗蕭慶衍馬步十二營出山北分隊太平門外護修二壘以王遠和等營守之維時梁美材所部紮洪山朱南桂所部紮北固山堵住神策門大路僅餘元武湖一段無兵分布然隔水甚寬援賊不得入城賊不得出而金陵城北自此合圍現在距城百里之外如鎮江東壩溧水金柱關均有重兵駐守宜興溧陽二縣又新經蘇軍克復外援將絕糧米無多如果克此堅城當不致有大股逸出貽患地方惟是圍師不滿五萬分布九十餘里偏

因數十萬賊深慮窮寇衝突抵隙蹈瑕惟有嚴飭各營加倍穩慎以圖進取

曾國藩又奏言侍逆之黨偽凜王一股於正月十七日由胡樂司續竄績溪十三都時唐義訓在歙南勦賊移軍馳至績境賊見官軍卽走僅斬尾隊數百而還其另股之關入遂安者十五十七等日經王開琳迎擊於中洲昏口一帶疊

欽定剿平粵匪方略卷六十四

五

有斬擒賊乃由馬金街華埠分枝一向婺源一向玉山其向婺源者由白沙關內犯席寶田等軍於二十日在規橋頭大獲勝仗其向玉山者由七都球內犯韓進春一軍於二十三日在洋口大獲勝仗該逆雖屢經敗挫而銳意上竄但求覓食偷生絕不返顧現已繞至廣豐又繞至鉛山湖坊勢將蔓延腹地窺伺撫建兩郡臣調

席寶田軍援勦廣玉撫建等處又與撫臣沈葆楨咨商或添調繼果等營回顧江西腹地所幸

此次竄擾江南非大股極悍之賊除忠逆繫在金陵勢難他竄外如黃汶金尙在湖州楊輔青未知的在何處侍逆溧陽老巢新爲蘇軍所破聞該逆率其黨與歸併湖州目下湖州賊數極多由安吉孝豐昌化遂安以竄江西毫無阻隔

欽定剿平粵匪方略卷六十四

六

如侍堵等逆接續上竄則三省交界之游兵江西內地之防兵均嫌單薄臣當嚴飭唐義訓毛有銘等軍慎守徽休兼顧馬金街一帶以固藩籬奏入

上命議政王軍機大臣傳諭曾國藩左宗棠沈葆楨曰曾國荃親督諸將攻取鍾山石壘奪回天保偽城派營戍守並紮營扼斷神策太平兩門大路金

陵城北之圍自此始合所辦甚合機宜惟官兵不滿五萬分布地段甚長深慮困獸猶鬪亟思一逞曾國藩務飭曾國荃督率諸將穩慎進攻晝夜嚴防必須就地殄除毋任竄突他處宜興荆溪克復業經李鴻章奏報至溧陽之捷尙未據該撫奏到該大臣稱侍逆溧陽老巢新爲蘇軍所破該逆率其黨與歸併湖州由安吉孝豐昌化遂安以竄江

聖軍方略卷三十四

七

西著左宗棠添調得力兵勇遏其由昌化遂安上竄江西之路並嚴防衢嚴等處俟餘杭克復設法進規湖州以牽賊勢侍逆之黨分股內犯雖屢經江西防軍擊敗而絕無返顧之心現已繞至廣豐又繞至鉛山湖坊勢將蔓延腹地窺伺撫建兩郡曾國藩已調席寶田軍援廣玉撫建等處又與沈葆楨咨商添調繼果等營回顧江西腹地卽著沈

葆楨從長計議飭令在防將弁認真堵剿如侍堵等逆接續上竄江西防兵單薄著曾國藩添派勁旅趕緊援救以固藩籬前諭曾國藩派楊岳斌酌帶戰船數百號駛赴鄱陽湖擇要駐紮並將江忠義舊部歸其統帶此時江省防務十分喫緊該督撫卽籌商妥調以期萬全無失

聖軍方略卷三十四

八

同日富明阿奏言臣於二月十一日馳抵揚防十三日都興阿由揚起行北上現在丹句逆衆添集黨與竄犯江陰屢撲包港小河魏村太平洲等處意圖北竄雖節經水師擊退而逆計思逞已在意料所及昨據遊擊廖長明稟稱英逆及忠逆次子糾合丹句逆衆約計萬餘於二月初五日竄至江陰楊厘等處前經都興阿派廖長明帶兵千名在彼駐紮臣又添撥兵勇二千

名駐紮四墩子靖江兩處爲犄角之勢以資策應前因馮子材一軍扼守鎮防兵力甚單經都興阿與臣先後籌撥兵勇四千名前赴鎮營助剿頃揚防兵勇分布沿江將及四千之數不敷調遣不得不酌留兵勇以爲緩急之備臣與吳棠在淮面商擬將駐防蔣壩之總兵安勇一軍撤回揚防以資抽撥蔣壩應否仍設防兵即由

欽定剿平粵匪方略

九

爲潮王僞英王率衆五六萬於二月初六七兩日從江陰南門外花山直奔楊厓常熟一帶等語賊蹤飄忽難保不聲東擊西肆志北竄此時江防極形喫重自應先顧藩籬未便遽行派員渡江擬俟北岸部署周妥再飭總兵詹啟綸赴鎮密爲查探妥籌會剿以期南北兼顧奏入上命議政王軍機大臣傳諭富明阿吳棠李鴻章曰丹句逆衆添集黨與窺犯江陰屢撲包港小河等處雖經水師擊退逆計詭譎時圖一逞現在忠逆之子及僞潮王等率衆五六萬從江陰南門外花山直奔楊厓常熟等處賊蹤飄忽難保不聲東擊西肆志北竄著該將軍督率在防將弁實力防剿毋任該逆得以竄越總兵安勇一軍既經富明阿撤回揚防其蔣壩地關緊要應否仍設防兵即由

欽定剿平粵匪方略

十

吳棠就近酌度情形妥籌辦理江陰防務有略國
忠一軍守禦此時賊蹤已偏縣城且分竄楊厘常
熟一帶該處軍情日形喫緊該撫當督飭在事文
武兵勇痛加勦洗盡殄賊氛本日曾國藩奏報有
溧陽新為蘇軍攻破之語想李鴻章必已馳奏在
途著將克復詳細情形迅速具奏曾國藩所稱宜
興溧陽之賊歸併湖州欲由安吉孝豐昌化遂安

聖學聖略卷十四

十一

以竄江西各情本日已諭令左宗棠沈葆楨一體
嚴防都興阿現已起程北上所有江甯將軍印務
卽著富明阿暫行兼署揚防現形喫重自應先顧
藩籬總兵詹啟綸著照富明阿所請俟防務稍鬆
再行前赴鎮城密探軍情妥籌會勦

二十日 辛卯 左宗棠奏言正月初三日花旗賊匪

由廣德甯國竄入昌化縣之白牛橋副將劉明

珍率所部前往迎勦將該逆前隊花旗賊百餘
殲之跟追十餘里忽紅旗等股突至劉明珍輕
敵前進官兵多有傷亡初六日賊散屯昌化縣
西北一帶山中蹤跡偏向西路 臣知其將犯溧
遂當飭提督黃少春由餘杭率馬步八營赴嚴
州以出溧安溫處道魏喻義率所部三營由新
城回守嚴州知府喻德成等兩營守金華副將

聖學聖略卷十四

十二

戴奉聘等三營守衢州檄調副將王開琳率所
部老湘全軍由屯溪下趨溧安與黃少春一軍
夾擊並調水師新右營師船赴溧助勦黃少春
初九日馳抵嚴州該逆已一股到徽州績溪一
股向溧安而竄其竄溧安界者經副將唐連勝
率所部師船堵截斃賊多名而賊之前隊已於
十一十二等日由歙縣之深渡地方擄民船宵

濟先是王開琳因賊已竄入績溪初七日率所部由屯溪赴徽會同皖南鎮總兵唐義訓馳赴臨溪截勦頗有斬獲賊卽宵遁潛由績溪山徑竄至遂安之昏口馬金街一帶王開琳卽折回屯溪繞從白濟嶺赴遂安截擊十五日該逆率衆來撲總兵丁長勝等督隊痛擊立斃長髮悍賊千餘名賊敗竄昏口十七日王開琳率各營

聖朝聖略卷六十四

十三

將昏口各館踞逆勦洗殆盡其由遂安鮑村向馬金街而竄者官軍從後蹙之羣賊自相蹂踐殺斃無算連破賊館四處斃賊數百忽大股賊匪復由郭村蠶擁而來黃少春等率所部四面兜勦偏賊入郭村盡殲之十八日該逆後隊仍由遂安之章村將竄昏口路過新橋黃少春督各營截之斃長髮賊近千名生擒二百餘名王

開琳復率所部繞山昏口截殺又斃賊三四百名餘賊由昏口馬金街逸出竄往開化華埠據生擒賊供首逆李侍賢由溧陽竄過廣德甯國分股一竄安徽之績溪一竄浙江之昌化由昌化竄溧遂者爲僞王宗李芒受等前隊爲林政揚所帶廣東花旗賊及僞沛王譚星所帶廣東賊李侍賢尙在後未到也其績溪一股亦繞從

聖朝聖略卷六十四

十四

深渡過河與此股合併此次官軍所勦者爲廣東花旗股匪之後隊譚星李芒受之前隊其林政揚一股已竄開化華埠等語探聞遂安敗匪與此股花旗賊匪復由華埠繞江西玉山德興邊界竄至河口欲候大隊齊至再竄撫建李逆侍賢聞其行至昌化復行折回又聞尙在績溪地方臣一面飛咨江西撫臣一面飭黃少春由

馬金街華埠追勦並飭王開琳嚴扼迤遂以防後股續至之賊現在沈葆楨於廣信玉山廣豐等處均已密布防兵賊之前隊雖竄江西大局或可無礙提督黃少春副將王開琳截勦竄賊連獲大捷實屬奮勉出力黃少春擬請

賞給清字勇號王開琳擬請以總兵

記名簡放其餘各將士可否擇尤保獎之處出自

聖聖聖聖聖聖聖聖

主

聖聖聖聖聖聖聖聖

主

天恩

左宗棠又奏言侍逆李侍賢一股上年冬閒由

溧陽廣德分股竄至淳安績溪一帶其前隊廣

東花旗股匪已竄入江境江皖浙三省交界之

區戰事方殷必應處處嚴防杜其竄越查福建

之崇安浦城光澤等處皆與江浙毗連防務亦

關緊要福建臬司張運蘭前在皖南帶勇未經

赴任上年兩廣督臣毛鴻賓於該員假歸時奏調赴粵可否請

旨飭下兩廣督臣速飭張運蘭即赴福建臬司本任

並將所部勇丁挑選二三千名一併馳帶赴閩

以資得力又署浙江臬司劉典回籍後接其來

稟以浙江軍務方殷擬於本年春閒葬親事畢

迅速回營臣已札飭即在湖南本籍募勇丁三

聖聖聖聖聖聖聖聖

主

千配齊軍械由江西赴浙並令路過江西時察

探情形如須就近助勦即稟明江西撫臣相機

辦理以期速為蕝事

左宗棠又奏言海甯州城收復後桐鄉與海甯

相隔僅三十餘里為杭州通嘉興要路必先下

此城始可分取嘉興石門等處蔣益澧於正月

初二日飭蔡元吉率八營乘夜襲取桐鄉縣城

守逆僞朝將何培漳開城拒傷蔡元吉勇丁百餘人初三日蔡元吉卽率所部分紮西南兩門蔣益澧復飭已革道員張景渠等馳往桐鄉分紮東北兩門何培漳見官軍雲集勢甚窮蹙遣人通款於都司張其光初六日才身赴張景渠營中乞降願率衆卽日薙髮獻城並呈繳軍械等件蔣益澧以何培漳情詞尙無詐僞自可

聖朝聖略卷三十四

七

准其投誠以省兵力初八日官軍齊隊入城何培漳率衆迎伏道左其被脅夥黨除貨遺回籍外蔣益澧挑其精壯列爲章字六營仍交何培漳管帶責令立功贖罪何培漳因烏鎮雙橋爲由杭入嘉要道願率所部前往駐守嗣杭賊之赴嘉取糧者路經雙橋被何培漳所部擊走之查何培漳雖爲賊中巨擘然獻城就撫不致重

煩兵力自應寬其既往以廣皇仁俟續有勞績再請給予獎敘至此大辦理招撫出力各員謹分別開列額懇

恩施

左宗棠又奏言蔣益澧收復桐鄉縣城後卽飭署杭州府知府陳思矯會同副將葉炳忠及蔡元吉各營進規嘉興以與蘇師聯絡浙師駐城

聖朝聖略卷三十四

八

之西南蘇師駐城之東北正月二十二十一等日湖州悍賊二萬餘分撲烏鎮雙橋營壘杭州亦出賊萬餘逼近桐鄉焚掠莫解嘉郡之圍經蔣益澧督飭各軍擊退二十四日嘉興城外東北賊壘數座經蘇師攻克西面賊壘數座經蔡元吉攻克城賊之勢愈蹙其杭州城外官軍偵知賊援嘉興於二十五日乘勢將望江門外賊

壘三座攻克斃賊千餘直偏城根城上礮石如
兩官軍仰攻數時始行收隊 臣維嘉興一城米
糧充足杭州餘杭之賊俱仰給於此自何培漳
扼紮烏鎮雙橋杭嘉之氣中斷賊謀益沮現蔣
益澧飭副將劉樹元亦進紮烏鎮局勢可期穩
固蔣益澧已於二十八日回留下老營 臣當督
飭各軍相機攻取奏入

聖朝軍略卷十四

十九

上命議政王軍機大臣傳諭左宗棠曰昨因曾國藩
奏侍逆率黨歸併湖州由安吉孝豐昌化遂安以
竄江西當諭左宗棠添調兵勇分投遏截著該督
仍遵昨日諭旨檄飭派出各軍將後股賊匪實力
截剿毋令接續上竄江境逞其撲犯撫建之謀至
侍逆是否行至昌化又復折回抑尚在績溪地方
著偵探明確分飭各軍奮力追擒以除巨慝蔣益

澧一軍收復桐鄉縣城後連克嘉興城外賊壘分
軍駐紮嘉城西南與李鴻章之軍會同夾擊是杭
嘉之賊勢已斷著飭該藩司等迅圖攻拔嘉城以
孤杭賊之勢花旗股匪前已竄入江境雖經沈葆
楨派令韓進春等在玉山一帶堵遏尙慮兵力單
薄且該匪現又竄及鉛山湖坊地方漸入腹地必
得一校勁旅前赴撫建遏截方可力挫兇鋒臬司

聖朝軍略卷十四

二十

劉典既經左宗棠飭其在湖南本籍募勇赴浙卽
著飭令迅速督勇起程於路過江西時察探賊蹤
迎頭勦擊以保完善所請飭令張運蘭帶勇赴任
一節本日已諭毛鴻賓催令起程桐鄉降將何培
章仍令帶所部駐紮烏鎮雙橋是否可靠著該督
隨時加意察看

上又命議政王軍機大臣傳諭毛鴻賓曰據左宗棠

奏李侍賢一股由溧陽廣德分竄溇安績溪一帶
其前隊廣東花旗股匪已竄入江境福建之崇安
浦城光澤等處皆與江浙毗連防務緊要請令臬
司張運蘭赴任等語福建界連江浙現在髮逆分
股上竄必須有得力大員督防方能保全完善著
毛鴻賓傳知張運蘭卽赴福建臬司本任並將所
部勇丁挑選二三千名一併帶赴閩省以資得力

欽定剿平粵匪方略卷十四

三

上諭內閣曰此次官軍收復桐鄉縣城所有辦理招
撫之都司張其光著免補本班以遊擊留於浙江
儘先補用守備陳紹著以都司留於浙江補用並
賞換花翎署海甯州知州廖安之著賞戴花翎降
將何培章獻城就撫並親率所部擊走由杭赴嘉
取糧之賊尙屬真心歸正著准其免罪俟續有勞
績再行奏請獎敘其截剿竄匪速獲大捷之提督

黃少春著賞給達春巴圖魯名號副將王開琳著
以總兵記名簡放其餘出力將士著左宗棠擇尤
保奏

二十三日甲午沈葆楨奏言逆匪第一股由大南

橋竄至廣豐其尾隊之在玉山者經副將顧雲
彩等分途追襲撿斬甚夥其被席寶田痛剿之
第二股復由德興之分水嶺竄入玉山韓進春

欽定剿平粵匪方略卷十四

三

顧雲彩督軍於正月二十三日由錦雞嶺斜趨
其後奮力擊剿賊遂大潰我軍追殺十餘里日
暮收隊斬偽王宗李侍洸各巨逆殺悍賊二千
餘人二十四五等日韓進春顧雲彩各派隊追
剿該逆時聚時散被我軍截爲兩段一傍江山
境一傍上饒境乘夜竄廣豐與第一股合是時
開遂一帶紛傳李侍賢等股由績溪溇安跟蹤

至夢源玉山各營皆以大警踵至未便窮追敗
匪遂趨廣豐上饒鉛山弋陽貴溪之南鄉蔓延
二三百里二十六日道員張岳齡及廣豐縣知
縣王恩溥敗賊於廣豐之黃茅嶺二月初三日
廣信府知府鍾世楨敗賊於鉛山之安州渡初
六日參將劉勝祥督勇隊復大敗賊於貴溪之
馬鞍山俘級千計該逆乃遁而西其頭隊至金

聖學聖略卷六十四

三

谿之蕭公廟為撫建適中之地並擾至東鄉界
上甘肅臬司劉于潯護南贛鎮總兵普承忠先
後到撫守備頗固建昌僅有兵勇千人該逆必
避撫窺建 臣飭守備楊錦斌以衛民軍赴撫建
協守幸左宗棠所派黃少春王開琳兩軍已抵
瀘遂累戰獲勝該逆後股扼不得渡曾國藩所
派毛有銘一軍亦抵休甯守徽之總兵唐義訓

續獲勝仗席寶田知前路稍鬆馳援安仁貴溪
韓進春繼之再得數次勝仗大局可以無虞惟
探聞賊知大兵緊追其前隊已由瀘溪小路翻
山潛入閩境 臣謬膺疆寄不能保全本境復將
貽患鄰封調度乖方咎無可諉應請

旨將 臣 交部嚴加議處力戰陣亡之把總李國珍擬
保守禦所千總馮點魁仰懇

聖學聖略卷六十四

三

天恩飭部均照千總例從優議卹奏入
上命議政王軍機大臣傳諭曾國藩左宗棠毛鴻賓
沈葆楨徐宗幹惲世臨曰逆匪合股竄至弋陽貴
溪之南鄉經官軍在黃茅嶺等處扼截獲勝賊之
頭隊已至金谿之蕭公廟並擾至東鄉界上該匪
已深入腹地蹂躪實多著沈葆楨卽飭派出各軍
實力勦辦就地殲除勿任蔓延為患劉典曾否由

湘起程著惲世臨催令迅將勇丁募齊由江西赴浙一路察探賊蹤迎頭截擊左宗棠仍遵前旨飛飭該臬司趕緊赴援以資得力道員王文瑞請假回籍已經數月現在江浙軍務均屬喫緊著左宗棠沈葆楨檄調回營並著惲世臨催令迅速前進毋任逗留後股賊匪經黃少春王開琳兩軍扼之於瀆遂之交累戰皆勝賊不得渡左宗棠仍當激

欽定剿平粵匪方略卷六十四

三

勵各將弁認真截擊不得任令上竄與前股合夥致辦理又形棘手竄江逆股知大兵緊躡其後已由瀘溪小路翻山潛入閩地光澤邵武俱形喫重著左宗棠徐宗幹卽派兵赴邵武一帶扼要設防如有匪蹤闖入卽行擊剿並飛飭該府縣文武員弁晝夜嚴防不得稍有疏失前有旨令張運蘭赴任著毛鴻賓迅飭該員酌帶所部兵勇剋日前赴

福建臬司本任藉資防勦此股逆匪希圖牽掣蘇浙官軍後路奔竄靡定恐其被勦窮蹙或南竄粵東西擾湘南毛鴻賓惲世臨並當豫爲防範以保完善唐義訓現守徽郡毛有銘亦抵休甯著曾國藩飭令該員等嚴扼要隘勿令續來匪股得以肆行竄擾江忠義舊部現紮何處未據沈葆楨奏及楊岳斌能否統帶水師前赴江境並令兼帶江忠

欽定剿平粵匪方略卷六十四

三

義所部勇丁以資督率之處著曾國藩迅速籌商並隨時與沈葆楨會商辦理沈葆楨自請嚴議之處著加恩寬免陣亡之把總李國珍擬保守禦所千總馮黠魁均著照千總例從優議卹
二十九日 庚子張之萬奏冒據探漢中髮逆星夜東趨日行百餘里欲從內鄉所屬之西峽口竄入板山坪與張總愚合股現已擾及內鄉交界

之石橋地方距西峽口僅二十里不可不嚴加防範臣前已飭令總兵李殿元一軍馳往堵扼荆子關現據稟二月十三日帶領兵團往東溝嶺一帶扼截髮逆糾眾來撲我軍奮力迎勦斃賊多名生擒王蛇等五名奪獲器械多件等語是荆關足資防守惟西峽口尙慮空虛傅振邦一軍已到魯山已商令會同蘇克金由南陽相

聖朝聖考卷十四

三

機進剿以固藩籬奏入

上命議政王軍機大臣傳諭僧格林沁官文嚴樹森張之萬曰漢中髮逆日夜銳意東趨欲由內鄉所屬之西峽口竄入板山坪與張逆勾合已擾及內鄉境內經張之萬商令蘇克金傅振邦由南陽進兵嚴防內鄉之西峽口卽著僧格林沁嚴飭蘇克金等迅速進剿如遷延貽誤卽行嚴叅懲辦僧格

林沁久未見有奏報曾否拔隊起程何時可以前往豫省著卽迅速具奏楚省鄖西一帶邊防並著官文嚴樹森飭令梁作楫等軍與豫省官軍聯絡防範張之萬仍當督飭李殿元一軍嚴防荆子關要隘毋令髮逆闖入豫疆如兵力尙單卽著酌量添派以資扼剿毋得稍涉大意致有疏虞

聖朝聖考卷十四

三

甯陝廳境署參將謝正球派守備張忠孝督率兵勇疾趨青草關堵截逆匪退紮坪河正月初九日該逆乘夜撲城謝正球分飭兵勇奮擊槍石如雨西城各營亦連開大礮賊眾奔逃謝正球由東門帶親兵三百餘人追至龍王廟殺賊數十名訊據獲賊供稱僞扶王陳逆回援金陵抄從小路分竄僞主將馬逆已出西鄉僞啟王

賴逆僞增王賈逆均從兩河賈家營奔逸僞端
王藍逆斷後意在破城刮糧從孝義山陽東竄
訊明後卽行正法自十二日起日有游騎數百
人或千人徧城滋擾均經擊退惟城中兵勇僅
三千餘人不敷一月口糧該廳文武公商調蒲
河金雞河鄉團設伏山溝謝正球率領兵團一
千餘人從北坡驟下衝擊該逆不知路徑退入

欽定剿平粵匪方略卷十四

三

伏內團勇齊起兩路夾攻斬馘數百名賊匪狂
奔落崖墮澗死者不少賊竄賈家營梁家堡而
去其山賈家營者至鎮安界出梁家堡者至孝
義界正擬遣散團衆以節口食二月初一日忽
西鄉馬逆一股二萬餘人由石泉銀杏壩竄
關口並未薄城亦由賈家營東竄廳城解嚴由
子午峪至省門一律安靜查甯陝爲省會咽喉

該廳文武紳團相持一月之久卒能化險爲平
在事山力員弁容臣查明奏懇

恩施署甯陝營參將補用副將謝正球擬請免補副
將以總兵用甯陝廳同知龔衡齡擬請

賞戴花翎以示鼓勵奏入

上命議政王軍機大臣傳諭多隆阿劉蓉沈桂芬李
雲麟張集馨曰甯陝廳境已無賊蹤由于午峪至

欽定剿平粵匪方略卷十四

三

省門一律安靜該廳文武紳團相持一月之久卒
能擊退大股逆匪尙屬出力著劉蓉查明奏請獎
敘此股逆匪志在回援金陵日夜東竄亟須力籌
堵截劉蓉督兵追擊現在行抵何處李雲麟扼紮
石泉何以任令馬逆一股竄向關口由賈家營東
去未見奏報現在進剿情形究竟如何著卽迅速
馳奏並著繞赴賊前奮力堵截毋得有名無實徒

託空言自干咎戾賊蹤紛竄靡定僞被楚豫各軍阻截難保不折回陝境以窺晉疆沈桂芬嘗隨時督飭蒲津一帶文武加意嚴防以備不虞所有商雒潼關等處仍著多隆阿檄飭防軍嚴密扼守其子午峪及西安省防仍應加意備豫甯陝廳屬團眾張集馨不可遽令解散

上諭內閣曰漢中髮逆竄撲甯陝廳城署參將謝正

聖朝聖略卷三十四

三十一

球等督率兵團設伏兜擊斃賊數百名賊不能支旋即遠遁甯陝境內肅清勦辦尙屬出力署甯陝營參將補用副將謝正球著免補副將以總兵用甯陝廳同知龔衡齡著賞戴花翎

欽定勦平粵匪方略卷三百六十五 甲子年

三月初二日 壬寅 富明阿奏言二月十二日賊匪

由青山南廂等處攻撲江陰經總兵李正佩等擊退另股分竄浮橋直奔江口總兵李德麟等開礮轟擊復揮令參將張登三等率礮划船貼岸環攻斃賊甚多賊始潰遁又有馬步賊千餘名竄至新溝江口副將李定勳督隊攻擊賊愈

聖朝聖略卷三十五

一

聚愈眾復經各船進擊斃賊無數賊始奔退探聞楊厘已於初六日失守福山亦於十一日失守常昭戒嚴此股逆匪係由宜荆常郡分竄而來類多薙髮開有頂翎顯係冒充官兵現在淮揚水師已抵福山南路官軍進紮焦甸青場合力兜剿伏思南逆分竄沿江東擾福山離巢甚遠焦甸乃其歸路既經官軍截斷則該逆勢窮

益將狂竄且該逆假扮官兵難保不瀾跡北渡
臣當飭吳全美等嚴訪確探並咨吳棠令藩司
萬啟琛通飭地方文武兵團一體認真盤詰查
南岸下游福山一帶提督黃翼升一軍駐紮
江陰口門有淮揚水師周國效專泊協剿現於
黃田港添設礮划石牌港添撥紅單大船飭總
兵李起高等嚴密堵遏其北岸之八圩港太平

欽定剿平粵匪方略卷三十五

二

洲等處亦添調礮船助守北岸陸路一帶現飭
副將蔣臨照統帶各營分防靖江泰興副將劉
成元統帶各營前赴四墩子七圩港土橋等處
擇要分紮與水師聯絡策應昨准吳棠函稱擬
調黃開榜一軍來江協剿臣當函復即由吳棠
徑飭該鎮師船前往通州沿江北岸一帶分段
駐泊與江防艇師互壯聲威臣仍隨時與馮子

材函商如南岸有可乘之機即派營啟給添撥
兵勇渡江會剿

富明阿又奏言據副將刁經明稟稱二月二十
一日率隊與鎮軍會攻北陵該逆高壘深濠恃
堅固守突有丹陽援賊三四千人由西門擁擁
而來當即商同鎮軍以鎮營兵勇攻壘揚營兵
勇迎敵並派馬隊分路包抄官軍奮勇衝突逆

欽定剿平粵匪方略卷三十五

三

勢不支紛紛潰退悉向石橋遁走我軍追趕過
橋直至丹陽城下計斬擒及淹斃賊匪六七百
名第援賊雖經擊退而北陵孤壘猶然負嵎現
仍會合鎮軍晝夜環攻至白兔之賊議降後自
將該營燒燬併歸寶堰旋據該賊會來稟實係
真心投誠緣寶堰共有五營內偽贗王二營堅
意不降是以退往寶堰與願降各營合攻偽贗

王逆壘以圖報效並將各降賊家屬輜重先行
運赴鎮城其水湖賊壘二座亦將家屬送到鎮
營於二十一日一律薙髮投誠等語查北陵逆
賊雖經鎮營圍攻恐難力取現已派員查看如
果急切難下即將揚營所造落地開花礮趕緊
撥解數尊以助攻勦

聖朝聖略卷五十五

四

同日馮子材魁玉奏言鎮防西路如白兔寶堰
燕坡橋等處南路如博洛水湖村等處羣兇蟻
聚臣等屢飭總兵張文德副將楊青山等相機
勦撫先是燕坡橋頭日余經鳳等密有反正之
約願率所部攻奪寶堰楊青山稟商張文德於
二月十六日會同副將林從太由薛村進取白
兔鎮該處介丹甸之交賊聯築四壘槍礮林立
我軍合力攻擣斃賊甚多次日復張兩翼環賊

聖朝聖略卷五十五

五

營三市噴筒火箭更番擲射賊眾棄巢而遁我
軍追斬數百名當將逆壘一律焚燬余經鳳等
圍攻寶堰未拔楊青山帶兵接應行抵丁角村
賊已由磨盤山下壓官軍乘勢掩殺殲賊數十
名一面令降人李知春會合攻撲查寶堰保賊
糧總匯之區逆首偽城王負固死守因飭燕坡
橋降眾照常扼守堵截賊糧運道至南路水湖
博洛兩村夾峙馬陵距丹陽二十餘里賊巢深
溝高壘互相犄角張文德面商副將刁經明進
攻博洛牽制賊援副將沈莘田等左右夾擊賊
匪負嵎不出我軍拔樁填濠而進十八日張文
德馳赴博洛令刁經明扼紮馬陵丹陽逆首陳
聚城率黨數千來犯守備田興富敗之於時水
湖頭目劉洗如李德蓉等震懼投誠懇請殺賊

自贖臣等當飭張文德等體察情形辦理又派
總兵陶茂森等前往助剿二十一日陳聚城糾
約句容奔出死黨近萬分路來撲陶茂森刁經
明各當一面張文德親督大隊迎剿楊青山繞
後旁抄賊首尾不能兼顧奪路四竄林從太等
躡蹤追擊直抵丹陽西門而返共斬賊首四五
百級旋令馬步諸軍合圍博洛更番疊進逆黨
遂於二十二日縛獻賊首偽獻王王汝發開壘
乞降當卽訊明梟示救出難民五百餘人並將
該處賊營踏平南路馬陵一帶肅清伏思金陵
常州之賊恃丹句爲屏蔽現在宜興溧陽相繼
告捷逆氛併注鎮防勢處下游自應先固藩籬
相機進止幸此次平毀西南逆壘勦撫兼施俾
賊黨自相解體仍一面扼守根本與上游官軍

欽定剿平粵匪方略卷十五

六

聯絡進取

同日李鴻章奏冒郭松林於正月二十七日由
宜興拔隊進攻張清沿途殺賊千餘二十八日
易用剛等軍分三路抄擊生擒賊匪千餘名殺
斃無算賊衆棄營遁走當將張清賊壘十餘座
一律踏平二十九日戈登由徐舍進攻沿途賊
卡掃蕩淨盡侍逆李侍賢敗退溧陽欲遁入城
城中賊日吳人杰等久思反正閉門不納城內
老賊先期竄往江西現留二三萬衆多係三江
兩湖之人二月初一日吳人杰等率同薙髮迎
降郭松林等立允招撫初二日遂將溧陽縣城
收復戈登帶常勝軍入城駐守臣當飭李恆嵩
等將降衆妥爲遣散分別安置李侍賢聞已逃
往湖州四安一帶其所部死黨有帶赴湖州者

欽定剿平粵匪方略卷十五

七

有竄往常州者郭松林等乘勝進勦金壇援賊
初四日抵楊巷地方偽列王偽襄王率賊船千
餘艘擁而來王東華督水師痛勦逆眾棄舟登
岸郭松林督軍奮力抄襲殺斃淹斃並焚奪賊
船無算陣斬偽列王及頭目多名各軍追至金
壇南門初五日賊由西南門衝出復爲郭松林
等擊敗入城城外賊卡數十座一律掃平常州

聖朝聖略卷五十五

八

護逆先經糾合丹陽句容踞逆偽英王叔儂然
王儂漳王忠逆之子衆號十餘萬由常西繞至
城北築營數十座屢撲劉銘傳等營盤均卽擊
退李鶴章商調楊鼎勳二營周盛波二營進偪
西門紮營二月初一日護逆等率衆來撲經楊
鼎勳等痛擊移時賊陣大亂我軍分路追殺斃
匪數千人賊見圍城各營無聞可乘我軍愈偪

愈緊遂繞竄腹地圍解常圍初四日偽英王叔
忠逆之子糾合數偽王死黨及宜興溧陽敗賊
循江岸迤東圩塘夏港青山一路冒雨急趨初
五日奄至江陰之南牖距城二三里初六七等
日衝至周莊華墅楊庫等處初十日竄撲常熟
縣城十一日竄至福山於是江陰常熟無錫三
城同時告警臣卽調郭松林王東華星速回援

聖朝聖略卷五十五

九

飭常州各營堅壁勿戰調李鶴章酌帶小隊回
守無錫楊鼎勳張樹聲由常州抽勁旅三千橫
紮江陰之焦甸青暘以截該逆歸路黃中元兩
營由宜興回援並以常熟守兵單薄飭程學啟
調鄭國魁水陸三營馳往助戰一面由蘇州添
派官兵趕赴常熟保此要地賊股併聚三縣界
內而常熟圍攻尤急蔓延張涇橋東亭直撲無

錫十三日李鶴章登陴督守派黃中元等帶隊迎勦追過八字橋二十餘里擒斬千餘人郭松林帶馬隊分擊堰橋另股又斃百餘名無錫之圍遂解張樹聲由焦甸進勦南廬花山一帶楊鼎勦由青陽進勦都橋華墅一帶日有擒賊初八初九十二等日該逆圍撲江陰經守將略國忠等合力擊退城圍亦解逆衆以常熟有糧可

聖朝聖略卷十五

十

掠欲合力攻破此城再圖蘇錫北自楊庫福山南至顧山王莊絲互數十里城中望援甚急適黃翼升帶淮揚水師四營由揚州折回留一營協守江陰口親督三營於十四日由白茅口繞進常熟王東華水師三營亦至鄭國魁與李昭慶十五日起至常熟城內郭松林由嚴家橋進內外夾擊賊衆大潰李昭慶飭賈宏材等猛攻

北門賊壘燒斃悍賊數百名生擒數十名我軍乘勢踏平東門賊壘五座郭松林十六日行至王莊偽滕王偽利王二三萬衆迎敵郭松林領隊衝入賊敗至橋口官軍一擁過橋賊衆返奔追殺二十餘里將顧山陳市踞賊一氣掃除復由大河徑趨常熟偽英王叔與忠逆之子帶隊來撲我軍槍礮環擊該逆敗至浮橋黃翼升等

聖朝聖略卷十五

十一

水師四路夾擊將逆衆衝作數段擒斬無算追至城西又與鄭國魁等併力截勦賊紛紛潰散十七日乘勝跟追踏毀劉家橋福山賊壘數座郭松林等遂循江岸追往楊庫鄭國魁等循顧山追勦腹地常熟之圍立解查金陵於正月杪合圍忠逆實在城內曾國荃函稱逆糧接濟已斷三四月間可望克復現在常州丹句各股與

金陵消息難通郭松林等連復宜興溧陽則皖
 浙道路又無可竄是以乘隙死力衝突幸各軍
 分守尙嚴赴援甚速冀可保全大局現仍飭黃
 翼升等前後夾勦務將此股敗賊悉數殲除李
 鶴章劉銘傳再乘勝偏攻常州迅期得手陣亡
 副將劉起等均懇
 恩飭部從優議卹

聖學聖略卷十五

十三

李鴻章又奏言嘉興官軍連破東北門外賊壘
 後程學啟等先令道員吳毓芬三營扼紮城邊
 漏澤寺石卡正月二十八日程學啟親督各營
 圍攻一面趕築礮臺用炸礮轟塌城垣十餘丈
 城賊拼死抗拒程學啟揮軍冒險擁上賊以整
 桶火藥燃擲城下何安泰中槍陣亡弁勇傷亡
 已數百名遂仍收隊適湖州賊酋黃老虎冀援

嘉興竄西蕩壇邱等處另股由卯塔內竄盛澤
 鎮進圍王江涇後路營盤程學啟急令王永勝
 鄭國魁等同援於二十九日擊走之查嘉興四
 面大河環繞該逆恃險死拒此次猛攻幾可得
 手以將士傷亡過多不得不略爲休息礮臺礮
 架均須修築程學啟仍督隊晝夜轟擊以期速
 拔堅城總兵何安泰係程學啟所部最爲出色

聖學聖略卷十五

十三

之將謀勇兼裕因攻城過猛中槍殞命實堪悼
 惜該總兵愛民恤士陣亡之日勇丁痛哭靈輦
 所過百姓泣送現據紳士等呈請建立專祠合
 無仰懇
 天恩飭部照提督陣亡例從優議卹並於嘉興府死
 事地方建立專祠以慰忠魂副將郭興發堵勦
 湖州援賊受傷身故並懇

飭部照副將陣亡例議卹

李鴻章又奏言正緒摺開據程學啟飛報連日督隊進攻嘉興自二月十六日起滾營紮偏北門城根猛攻三晝夜用開花大礮轟塌城垣十餘丈我軍搶搭浮橋城頭悍逆拌死堵擊礮石如雨十八日程學啟親率勇士大呼殺入眾隊繼進城上逆屍枕藉猶有悍賊二三千人以洋

欽定剿平粵匪方略卷十五

十四

槍排抵缺口程學啟肉薄以登猝中槍傷暈倒該部將劉士奇等見主將受傷拌死率隊登城縱橫奮擊賊眾潰散遂將嘉興府城克復各軍整隊而入將守城悍逆圍殺淨盡弁勇傷亡亦多程學啟受傷甚重急送至蘇城就醫臣親往看視飭醫盡心調治派員照料並令劉秉璋布置城守事宜暫飭劉士奇等協力防勦均奏入

上命議政王軍機大臣傳諭富明阿吳棠李鴻章馮

子材魁玉曰逆眾攻撲江陰未得逞志另股紛竄浮橋直奔江口經李德麟等開礮轟擊賊始敗遁並據探聞楊庫福山先後失守常昭戒嚴現在淮揚水師已抵福山南路官軍進紮焦甸青陽合力兜勦此股賊匪銜而走險奔突靡常現既薙髮冒戴頂翎難保不假充官軍冀圖溷跡江北地屬完

欽定剿平粵匪方略卷十五

十五

善富明阿已派兵分防水陸兩路並知照吳棠飭屬一體盤詰所籌均尙周妥福山一帶黃翼升水師駐紮諒可無虞其江陰等處要隘口門防守是否嚴密著富明阿吳棠嚴飭各軍認真防勦程學啟帶兵素稱得力此次賊陷福山忠逆如在其內李鴻章正可抽調程學啟並得力各軍截其歸路設計擒獲則賊勢瓦解未復各城自成破竹之

勢吳棠擬調黃開榜一軍入江協剿著卽飭令統帶師船前往通州一帶沿江分段駐泊與江防艇師互爲聲援富明阿所奏刁經明收撫白兔降賊其白兔及水湖降賊家屬輜重均先送往鎮城一律薙髮投誠等語與本日馮子材所奏攻取白兔該匪棄壘而遁各情不甚相符仍著富明阿馮子材加意防範勿稍大意並著馮子材魁玉卽督諸

聖朝聖略卷三十五

十六

軍攻拔寶堰賊巢其南路博洛水湖業經攻克馬陵一帶肅清官兵可徑達丹陽本日據沈葆楨奏獲賊供稱丹陽溧陽之賊亦已上竄江西富明阿奏賊又分陷福山楊庫著卽相機進取以期節節掃蕩並隨時咨商富明阿調派各軍聯絡聲勢揚營所製開花礮係攻堅利器並著趕緊運赴鎮防以資得手正寄諭閒李鴻章奏官軍收復溧陽敗

賊竄併常州西路圍撲江陰常熟無錫各城各軍援剿次第解圍連獲大捷並程學啟督軍攻克嘉興等語覽奏欣慰逆衆乘隙內竄冀圖死灰復燃幸各軍防守甚嚴該逆受創而去侍逃往湖州四安一帶難保不再圖大逞仍當飭令在事各員實力嚴防其楊庫等處之賊是否尙在盤踞著飭黃翼升郭松林等前後夾剿務將此股敗賊悉數

聖朝聖略卷六十五

十七

殲除勿留餘孽李鶴章劉銘傳卽飭乘勝偪攻常州以期一律削平嘉興已復餘匪飭卽就地掃除湖州援賊黃老虎等被擊回遁卽著督令李朝斌等會同浙軍設法進取程學啟受傷甚重其督軍奮勇深堪嘉尙務當妥爲調治冀速就痊上諭內閣曰江蘇官軍自攻克宜興後郭松林等進攻溧陽沿途掃蕩而前賊目吳人杰等率衆投誠

當將縣城收復官軍乘勝進剿金壇將城外賊營賊卡一律掃平時常州各處援賊撲犯江陰常熟無錫等城悉經防兵擊敗江陰無錫次第解圍賊眾竄併常熟郭松林等併力夾擊常熟之圍立解剿辦尙爲得手著李鴻章督飭諸軍乘勝追剿務將敗匪悉數殲除毋留餘孽此次出力員弁著李鴻章擇尤保獎陣亡之副將劉起黃式壽都司張

欽定剿平粵匪方略卷十五

六

榮魁守備彭昌諭劉桂芳劉維聰千總顧仲學把總唐志同外委徐自成廖學宏額外胡慶雲均著交部從優議卹

上又諭內閣曰嘉興官軍連破東北門外賊壘後程學啟等督隊偪城猛攻轟塌城垣十餘丈官軍奮力攻擊程學啟肉薄以登致被槍傷該部將劉士奇等各捨命率隊登城縱橫擊刺賊眾潰散各軍

整隊而入城內悍逆圍殺淨盡遂將嘉興府城克復此次程學啟冒死血戰身受重傷用能攻拔堅城掃除巨逆其志可嘉其功尤偉著李鴻章傳旨嘉獎令其安心醫治以冀速痊仍著該撫詳查勞績奏請獎敘其尤爲出力之將領各員並著查明一併請獎陣亡總兵何安泰謀勇兼優中槍殞命深堪悼惜著照提督陣亡例從優議卹並於嘉興

欽定剿平粵匪方略卷十五

七

府死事地方建立專祠以慰忠魂副將郭興發受傷身故亦堪憫惻著照副將陣亡例議卹

李鴻章又奏言提督銜福山鎮總兵鞠耀乾統帶艇船駐紮福山初聞賊警臣卽飭帶兵扼紮海口石壘並以所部估捷等艇護守藉遏游氛二月十一日賊股猝至乃以眾寡不敵立即潰退並被賊奪去艇船二隻殊屬畏葸無能惟該

總兵熟悉海面情形從前協勦鎮江瓜州尙屬
著有微勞可否請

旨革去提督銜開缺以江南水師參將降補奏入

上諭內閣曰提督銜江蘇福山鎮總兵鞠耀乾統帶

艇船駐紮福山乃當賊股猝至因眾寡不敵立即

潰退並被賊奪去艇船實屬畏葸無能惟該員熟

悉海面情形從前協勦鎮江瓜州尙有微勞鞠耀

聖朝聖略卷之五

三

乾著革去提督銜開缺以江南水師參將降補用

示薄懲

同日沈葆楨奏言賊匪竄入金谿縣城道員席

寶田冒雨疾進由安仁渡河二月初九日馳抵

竹橋去金谿二十二里席寶田以兵勢甚單如

稍示弱必爲所乘遂誓師決戰派守備魏玉彩

等分左右中三路進攻自督都司金國泰等前

往策應左右路之賊不意我軍猝至豕突狼奔

我軍縱橫搏擊斬敵各以千計賊望風披靡城

外一律肅清中路之軍由揚芳橋掃蕩而入乘

勝直逼城根城中突出悍賊萬餘副將邊曉堂

等銜盪數十次斃賊極多賊大股突從城東繞

出守備張宜道等均受矛傷金國泰腹被重創

猶大呼陷陣賊爲辟易邊曉堂等斬其前鋒賊

聖朝聖略卷之五

三

匪數十名另股又由城東欲抄官軍後路適右

路之軍馳至會同夾擊賊遁入城計前後斃賊

三千餘人生擒二百餘人救山難民甚多金國

泰受傷甚劇旋即殞命十一日偵知城賊震懼

欲遁席寶田督飭全隊併力攻城賊衆膽落奪

門逃遁我軍四面截擊斬敵數百名立將城池

收復查席寶田謀勇兼資軍民愛戴疾馳數百

里冒雨血戰迅復堅城厥功甚偉應如何

獎勵之處伏候

聖裁其所部將士奮勇爭先可否懇

恩准臣擇尤請獎陣亡都司金國泰前因疊克堅城

擬保副將合無仰懇

飭部照副將例從優議卹並

加恩予諡擬保千總張青連等均請

欽定剿平粵匪方略卷十五

三

飭部從優議卹

沈葆楨又奏冒沛逆一股自初九日敗後知撫

州不可犯頭股潛趨建昌臬司劉于濬飭飛划

營進援十二日駛至萬年橋沿途與衝鋒營在

石門擊賊各有斬獲衛民軍亦擊賊於金竺山

各營兵勇悉為響應與飛划營分護橋道十三

日賊匪分股繞越上游一股從城南之石頭港

口擄民船數十搶渡一股從城東之圭峯渡拆

毀民屋搭造浮橋一股仍攻萬年橋使我應接

不暇守備楊錦斌以衛民軍馳至港口賊過西

岸已數百人官軍排槍環擊斃賊百餘名餘賊

蒼黃上船我軍追擊賊棄船梟水道去淹斃無

數各勇即用賊船徑渡追至十里山又檢斬數

十人其圭峯渡浮橋經官兵儘數焚燬攻萬年

欽定剿平粵匪方略卷十五

三

橋之賊亦經擊退斃賊數十名十四日賊瞰我

軍分扼上游各渡遂全力攻撲萬年橋卡勇潰

退楊錦斌聞信馳至賊過橋者已數千人洋槍

兩集楊錦斌分三路接戰王耀亮戰船亦飛檣

直下水陸各勇苦戰逾時斃賊數百賊扼橋而

守楊錦斌以流星鎗擊斃紅衣賊目一名羣逆

大潰遁入山谷其偽王宗一股尙踞白港蔓延

瀘溪卽席寶田痛勦於規橋頭者也十五日席寶田與劉勝祥分路進勦該逆翻山而遁現計建郡可以無虞惟該逆將越新城而西臣已檄令總兵普承忠由宜黃進至廣昌南豐相機扼守飭席寶田督軍分道緊追使該逆無可駐足沈葆楨又奏冒據席寶田稟稱屢訊賊供句容金壇宜興之賊未動溧陽股匪實已悉數上犯

聖朝方略卷六十五

三

侍逆後路僅留四偽練王入江者前股爲幼沛王譚逆所統次股爲偽王宗諸李等逆所統合計衆近十萬幸侍逆未至心志不齊江省兵力漸集大局不致決裂惟是賊衆且悍若不遽就殄滅鋌而四散福建廣東湖南必將受其流毒等情除已飛咨各鄰省趕緊堵禦外相應請旨飭下福建廣東湖南各督撫臣迅飭地方文武合

力嚴防以杜竄越而保全局奏入

上命議政王軍機大臣傳諭曾國藩左宗棠毛鴻賓沈葆楨徐宗幹惲世臨郭嵩燾曰髮逆竄陷金谿原欲踞守以待侍逆經席寶田攻克後該逆知撫郡不可犯遂潛趨建昌復被劉于濬等力扼萬年橋要隘賊不得逞遁入山谷其偽王宗一股聞席寶田與劉勝祥進勦亦由白港翻山而遁此時建

聖朝方略卷六十五

三

郡諒可無虞但逆衆尙未殄除豕突狼奔廣昌南豐等城在在可慮著沈葆楨嚴飭普承忠督率兵勇由宜黃相機前進迎頭截擊毋令該匪深入擾及完善並飭席寶田等緊躡賊蹤前後夾擊偽王宗一股尙踞白港蔓延瀘溪將越新城西偏閩境著左宗棠徐宗幹卽派得力弁兵嚴密堵勦毋令蔓延貽患溧陽業經克復該匪悉數上竄侍逆後

路留守者僅四偽練王入江各股衆近十萬惟因侍逆未至心志難齊江省兵力漸集大局不致決裂惟疑而四散則福建廣東湖南恐將受其流毒著毛鴻賓郭嵩燾惲世臨分飭所屬豫籌防勦以備不虞張運蘭一軍計已啟行赴閩左宗棠等當酌度緩急調派該臬司扼要嚴防劉典所募之勇應已成軍著惲世臨催其由江前進遇賊卽擊以

聖朝方略卷六十五

三

退該匪西竄之路曾國藩前奏溧陽已克楚滬各軍聯絡一氣卽著飭令鮑超等規取廣德以分賊勢侍逆如有上竄信息該大臣尤當分飭皖南諸營沿途堵截斷不可令其竄入江境左宗棠仍當扼守徽嚴各隘口俾該匪不能接續南竄則竄江之匪自不難剋期撲滅

上諭內閣曰髮逆闖入金絡經道員席寶田帶兵馳

援分路攻擊立將縣城克復勦辦甚爲得手道員席寶田在江西帶隊屢著戰功茲復迅速馳援克復城池實屬異常出力席寶田著交軍機處存記遇有按察使缺出提奏在事出力員弁著沈葆楨擇尤保獎陣亡之擬保副將都司金國泰與賊接仗身受重傷猶復裹創陷陣因傷殞命深堪憫惻金國泰著交部照副將例從優議卹並加恩予諡

聖朝方略卷六十五

三

以慰忠魂擬保千總張青連擬保把總蘇世揚楊祖志均著交部從優議卹

同日劉蓉奏言城固敗匪多趨西鄉一帶我軍會合環攻二月二十五日曾克勝等馬隊先至十里鋪遙見村中火光知賊隊將遁遽分三路衝入賊衆狂竄我軍乘勢跟追截殺八百餘人生擒百餘人城賊繞路下竄各軍整隊入城搜

捕餘匪一面分隊馳追該逆竄抵白家塢經官軍截殺數十人追至渭門地面復殲斃二三百人查此股逆匪實計二十六七萬人自上年十月以來金陵圍急洪逆屢趨赴援而各會意見參差逮臘月初旬聞我軍三路會剿之謀該逆始行震懼合謀圖赴金陵本年正月間襄沔諸逆陸續竄動相率併趨甯陝臣本期於三月間

欽定四庫全書

三

分三路大舉破賊不意各軍多為牽掣但能嚴護省城所以逆匪東趨竟成鞭長莫及之勢探報偽天將馬仕榮尙在安康北境游弋而藍逆一股又由鄖西回竄洵陽之蜀河此賊多係川匪其志總圖回竄臣現咨商四川督臣駱秉章請留蕭慶高何勝必兩軍駐紮興安相機防剿至臣新募楚軍三千人已檄令由城口驢取道

甄坪徑趨商州扼要堵剿臣現將漢南善後事宜布置就緒即徑赴西安接篆與司道熟籌整頓奏入

上命議政王軍機大臣傳諭駱秉章劉蓉李雲麟曰劉蓉收復西鄉此股髮逆因回援金陵一意東竄而偽天將馬仕榮尙在安康北境游弋藍逆又由鄖西竄及洵陽之蜀河難保不意圖回竄劉蓉擬

欽定四庫全書

三

留蕭慶高何勝必兩軍駐紮興安所籌係為川陝兩省門戶起見著駱秉章即飭蕭慶高等扼要駐紮相機防剿劉蓉新募楚勇三千人現今徑趨商州堵剿正可攔腰截賊不可徒事尾追且須兼顧鄖防毋得稍分畛域昨據張之萬奏髮逆已竄內鄉等處是楚豫兩省防剿萬緊前諭劉蓉令其東下追賊以收夾擊之效該撫擬欲進省接篆固為

整頓起見惟賊匪未受大創安然出境若無大員
總統進剿恐復鬆勁又將回竄陝疆其漢南防務
布置是否周密如該撫已赴西安卽著將應辦事
宜迅速籌畫仍察看賊勢軍情出省督兵毋稍延
緩李雲麟扼守興安何以任賊東趨不思扼擊著
懍遵前旨妥籌會剿

欽定剿平粵匪方略卷三十五

三

欽定剿平粵匪方略卷三百六十六 甲子年

三月初三日 癸卯 李鴻章奏目前任江蘇巡撫徐

有壬於咸豐十年四月間賊偏蘇城力籌守禦

嗣因逆衆屢至省垣失陷正在督隊迎剿賊已

直撲內署力不能禦被刀刺帽將墜尙手自整

冠抗聲大罵立時遇害其族弟工部主事徐曾

庚幕友候選理問鮑鄂銜家人楊安同時被戕

欽定剿平粵匪方略卷三十六

一

次子候選郎中徐震翼投池水死妾施氏女淀

姑均自縊僕婦劉氏裴氏亦俱焚死當經前兩

江總督何桂清等奏明奉

旨分別旌卹今蘇城克復其長子同知徐震耀赴蘇尋

求遺骨備棺重殮 臣查徐有壬由進士部曹外

擢道員洊陞藩臬兩司旋陞授江蘇巡撫服官

數省皆有政聲爲人嚴厲自持有爲有守當江

南軍潰丹陽繼陷常州棄逃人力無可挽回惟
有一死自靖無愧封疆守土之義且聞署相從
殉難忠孝節烈正氣猶存合無仰懇

天恩准於蘇州建立專祠其同時殉難之家屬幕友
人等一併附祀以彰忠蓋並宣付史館立傳出
白

鴻慈再徐有壬僅二子次子震翼從死撫署長子正

聖朝聖略卷十六

二

三品廕生候選同知徐震耀當時留籍辦理團
防未及於難今得為有壬收骨孤露餘生亦堪
憫惻奏入

上諭內閣曰前任江蘇巡撫徐有壬於咸豐十年四
月在蘇州省城殉難當經奉

旨照巡撫例賜卹並

加恩予諡家屬幕友均交部分別旌卹茲據李鴻章奏

稱該故員服官數省所至皆有政聲在江蘇巡撫
任內臨難捐軀無愧封疆守土之義徐有壬著再
加恩准其於蘇州省城建立專祠其同時殉難之
家屬幕友人等一併附祀以彰忠蓋其平生事蹟
並著宣付史館立傳伊子正三品廕生候選同知
徐震耀著吏部帶領引見

初五日乙徐宗幹奏言接督臣左宗棠咨稱廣

聖朝聖略卷十六

三

德踞匪欲由皖南竄江西福建回粵浦城為閩
浙通衢與江西之廣豐毗連亟應派兵扼紮囑
臣調兵一千名委已革參將蔡潤澤帶往駐紮
以資控禦等因查蔡潤澤出洋巡緝未能剋期
到防當飭總兵袁良帶本標精兵四百名就近
馳赴浦城一面檄調金門鎮標兵二百名同安
營兵三百名俟蔡潤澤回省星夜督帶前往並

飭知府張文斌招募壯勇數百名併交袁良調遣現在賊匪由江蘇溧陽竄至皖省廣德建平卽由績溪甯國竄入浙省昌化遂安開化境內賊衆號稱十餘萬現已竄至江西德興樂平等處又有另股二萬餘賊欲犯建昌伏思閩省崇安光澤邵武等處及汀州府屬均與江西連界前因浙東肅清西路防兵早經裁撤辰下賊蹤

欽定剿平粵匪方略

甲

飄忽猝不及防閩浙交界關隘甚多現委道員張啟煊馳往建甯會同袁良探明賊蹤督率團勇分路布置並飭都司羅洪標等各率所部聽候張啟煊調遣並分飭各屬文武聯絡民團扼守要隘奏入

上命議政王軍機大臣傳諭左宗棠徐宗幹曰賊匪因江浙兩省不得逞志圖竄閩疆人數甚衆閩省

與浙江江西毗連處所甚多徐宗幹派出之兵恐尙形單弱張文斌所募壯勇倉猝湊集亦未必卽能得力著左宗棠徐宗幹仍於浙江江西接壤福建地方嚴密堵禦如兵力不敷應如何添派勁旅擇要扼守之處並著妥籌辦理前諭左宗棠等將會元福所部兵勇派赴邵武一帶著飭該員星速前進以厚兵力張運蘭一軍當已在途並著飛催

欽定剿平粵匪方略

五

趨行迅回閩省俾資攻剿

初六日丙午僧格林沁奏言擒匪張總愚一股盤

踞南召一帶倚山負固臣前派提督傅振邦督帶步隊前往會剿頃聞賊匪向西北山中竄至嵩縣屬之龍王廟地方有奔黑峪樂川之信該處係亂山之中馬隊不能進擊翼長蘇克金現移往魯山嵩縣一帶堵禦又據探報髮逆於二

月初十一等日竄至西坪地方該處係入西
 峽口大道並有水路之賊自漢中沿江直下若
 過鄖陽指日可到老河口是鄖州新野亦屬喫
 緊捻匪陳大濬一股又於十三日竄至襄陽所
 屬之榆山一帶欲向樊城老河口奔竄而髮逆
 又復東來難保不勾結為患查皖境已就肅清
 臣原擬俟撫臣喬松年到皖將善後事宜而為

聖朝聖略卷十六

六

籌商後再行統軍赴豫該撫臣現尙未到臣祇
 得先其所急於二月二十六日分撥馬隊起程
 作為頭起臣即帶領後起馬隊赴豫先至許州
 一帶相機探勦儻該逆仍踞山谷惟有派撥步
 隊進攻令馬隊紮於許州以南平闊地方俟誘
 其山山方可抄擊惟臣營步隊兵勇不敷調遣
 已於皖省投誠勇丁內選擇一千名帶豫隨勦

同日曾國藩奏言金陵首逆並未出城猛撲僅
 於水西旱西兩門放出老幼婦女萬餘人為節
 省米糧之計曾國荃亦悉心布置杜其衝突鮑
 超東壩之師久無戰事臣當檄令分營進取句
 容丹陽一帶如克復句容即以全軍駐守專防
 金陵城破後冒死外竄之賊不令貽患他省廣
 德州踞匪亦以糧盡棄城遁歸湖州目下湖州

聖朝聖略卷十六

七

羣匪屬集皆思上犯江西以覓生路幸左宗棠
 派軍扼防溇安遂安華埠等處甚為周密臣亦
 嚴飭徽甯各防聯絡要擊其業經內竄江西者
 二月初九日席寶田馳勦金谿獲勝十一日收
 復縣城賊乃由瀘溪潛向建昌十二三四等日
 該郡水陸防軍在萬年橋等處三戰三捷十六
 日楊錦斌於郡南小挫一次韓進春於郡東獲

勝一次十八日賊撲附城各營席寶田會同韓
進春等軍併力迎勦賊衆大敗有此一捷當可
保全腹地完善之區沈葆楨又添調繼果營一
軍回顧撫建或可驅除出境惟據席寶田稟撫
建股匪人數實有八九萬衆未可輕視應請
旨飭下閩粵兩湖一體嚴防免致變成流寇又煩兵
力前奉

欽定剿平粵匪方略卷三十六

八

諭旨飭派楊岳斌戰船數百號駛赴鄱陽湖並將江
忠義舊部歸其統帶查刻下賊由建昌退聚堯
港近偏南豐在鄱湖之南五百里江忠義舊部
精捷一軍駐守婺源新建等處又在鄱湖之北
四百里均非水師所能兼顧江西水師有劉于
濬孫昌國二軍儘數分布而精捷一軍業經奏
調江忠朝統帶撥報起程來江亦未便另派大

員兼統是楊岳斌師船駛至上游無裨於江西
防務似不若仍紮金陵江面尙可斷接濟而防
竄越

欽定剿平粵匪方略卷三十六

九

同日署山西巡撫沈桂芬奏言據探漢南髮逆
於鎮安山陽屬境分股東竄已至內鄉鄧州等
情查南陽一帶現經僧格林沁派副都統蘇克
金統帶馬隊馳往堵禦恐該逆避兵而行難保
不分投竄逸晉邊與河陝各屬僅隔一河臣惟
有相機設防並飭沿河將弁加意梭巡不敢稍
涉疏懈均奏入
上命議政王軍機大臣傳諭僧格林沁官文曾國藩
嚴樹森張之萬沈桂芬劉蓉李雲麟曰捻匪張總
愚竄至嵩縣屬之龍王廟有奔黑峪樂川之信髮
逆竄至西坪並有水路之賊自漢中沿江直下陳

大瀋一股竄至襄陽所屬之榆山一帶欲向樊城老河口奔竄僧格林沁恐各匪勾結為患已親統全軍赴豫先至許州一帶探勦所籌深合機宜著卽督同蘇克金傅振邦等誘賊出險先將此股殄滅以次削平羣寇張之萬督飭地方文武團練協同勦辦均聽候僧格林沁調遣漢中賊匪沿江而下較旱路尤為剽疾若過鄖陽指日可到老河口

聖朝聖略卷之六

十

鄧州新野均屬緊要張之萬當抽撥兵勇嚴防毋任關入勾合為患此股竄賊既有到老河口之說陳大瀋一股亦欲由樊城老河口奔竄是楚北防務甚緊何以未據官文等續報情形著官文嚴樹森飭令將士晝夜防範儘兵力不敷應卽相機籌調樊城一帶儘須水師防勦亦應一併籌派不可稍有疏虞漢南髮逆東竄恐因豫省有大軍堵截

避兵而行或竄晉或回陝俱在意中沈桂芬仍當認真設防劉蓉李雲麟當派兵出境會勦不得以驅賊出境遂可卸責劉蓉仍察看軍情賊勢剋日出省督勦以資得力鮑超東壩之師久無戰事會國藩檄令進取句容丹陽如復句容卽以全軍駐紮專防金陵城賊外竄所籌亦甚周密本日已諭令富明阿馮子材等酌量派兵惟東壩為江浙門

聖朝聖略卷之六

十一

戶現在廣德踞匪歸併湖州皆思上犯江西沈葆楨設防嚴密賊不得逞難保不回竄廣德由東壩圖援金陵鮑超一軍自當力保東壩方能進取現在廣德已經收復應卽派兵駐守以防賊匪復踞該大臣請飭閩粵兩湖一體嚴防免成流寇前已諭令毛鴻賓惲世臨徐宗幹嚴密堵禦著官文嚴樹森一體豫為防範以免疏虞江忠朝業已起程

楊岳斌水師卽著毋庸上駛仍飭於江面嚴斷濟賊之路金陵城大而堅圍攻不易誠恐各營將士心志難齊曾國藩能否親往督辦俾各營有所稟承以期迅速奏功並著酌度辦理

上又命議政王軍機大臣傳諭富明阿馮子材魁玉曰曾國藩奏鮑超東壩之師久無戰事檄令分營進取句容丹陽前據富明阿奏丹句二城非厚集

欽定剿平粵匪方略卷三十六

十三

兵力不能掃蕩已派詹啟綸帶兵前赴鎮營與馮子材等妥籌會剿是揚防鎮江之師亦以規復丹句爲己任現在鮑超一軍業已分營進取正宜乘機兜剿以期迅拔堅城著富明阿馮子材魁玉速派得力將弁各率所部或進攻句容會同鮑超兩面夾擊或分攻丹陽俾賊匪有所牽制則剿辦亦易得手富明阿等務當酌量情形相機妥辦仍一

面將城防江防各事宜布置妥協再圖進取

初七日丁未惲世臨奏言西路黎平髮逆盤踞四

寨勾結各匪偏脅居民渡河回竄粵西古州等處周洪印等軍由黎屬羅里司前進臣所謂之參將彭炳武等兩營於二月十三日由靖屬平蘭前進又派總兵金太文迅速募勇馳赴古州會剿現疊准江西撫臣沈葆楨來咨金陵之賊

欽定剿平粵匪方略卷三十六

十三

分大股上竄取道皖浙邊界繞玉山廣豐侵入撫建地界查湖南東邊與江西毗連防兵實形單弱臣當飭援黔之總兵王永章一軍星夜折回移紮衡州兼顧各路並飭臬司趙煥聯等探明賊蹤聯絡策應臣維髮逆屢敗之餘氣已就衰此時杭州金陵圍攻正緊其竄擾江西計在牽動圍城之師沈葆楨調道員王文瑞募勇入

江閩浙督臣左宗棠調臬司劉典募勇自江入浙臣俱分別借發軍裝行資催令趕緊料理但能力保江西腹地該逆無從逞志江浙後路不至中梗勦辦當易為功奏入

上諭曰髮逆上竄行蹤剽疾且賊類眾多憚世臨當慎固封圻力遏竄越不得因王文瑞劉典等募勇入江可保江西腹地遂形鬆懈

聖朝聖略卷十六

十四

聖朝聖略卷十六

十五

初九日己酉李鴻章奏言官軍攻克嘉興府城前經臣將大略情形奏報現據程學啟等縷晰呈稱我軍自附城倡紮後偽榮王廖發受偽挺王劉得功率眾數萬死守復勾結湖州悍逆黃汝金卽黃老虎四山竄撲二月十五六等日程學啟與李朝斌等飭水陸各軍四面分攻於沿城河邊添築月牆數座各軍自此環攻晝夜不息

十七日程學啟自率親兵用開花大礮擊毀城頭礮臺二十餘座轟塌城垣百餘丈賊仍負土掩塞更番死抗十八日湖州黃逆陡率大股萬餘由新陸直撲我軍後路程學啟攻城正急分飭張家瑜等督師擊走之城上賊漸不支程學啟嚴催各軍豎梯登北門城悍賊湧至抵禦我軍多有傷亡程學啟憤極自督親兵躍過浮橋飛登當被洋槍打入左太陽偏後昏暈撲地劉士奇王永勝等急率隊以木筏分渡直抵西北兩門陳有昇等均被槍傷裹創奮進適礮轟燒城中火藥房賊眾駭亂劉秉璋潘鼎新各率所部乘勢越過城濠槍入東門甕城李朝斌亦抽水師登岸由南門踰牆而進榮逆猶率兩廣老賊數千人巷戰各軍奮勇擊殺斬首五千餘級

餘賊思由西門出遁經陳有昇等與李朝斌水師攔擊分投截殺城內悍逆悉就擒誅偽挺王劉得功爲職轟斃偽榮王廖發受逃匿井中搜山訊明梟示遂於十八日申刻克復嘉興府城二十一日劉士奇等復將黃老虎援逆屯踞新陸四亭子一帶賊卡賊壘踏平該逆全數遁回湖州查嘉興府爲東南財富之區域城堅池深糧

聖朝方略卷三十六

十六

多賊悍榮逆等聚衆死守又恃有湖逆黃老虎外援使我軍腹背受敵程學啟自埽平東北門外堅壘多座一面分勦援賊一面率衆環攻誓死必克始得迅拔堅城盡殲悍黨從此蘇滬之防漸固而杭逆糧路已絕羽翼益孤於大局似有裨益程學啟山奇制勝忠勇謀略實過尋常編修劉秉璋身先士卒堅忍耐苦該二員 臣未

敢擅擬應請

旨優加獎勵署江南提督總兵李朝斌常鎮通海道

潘鼎新均擬請

旨交部從優議敘

李鴻章又奏言據探杭州府城於二月二十三

日經浙軍攻克所有石門縣及湖州踞賊浙師

自應乘勝攻取 臣暫令劉秉璋留守嘉興潘鼎

聖朝方略卷三十六

十七

新分守海鹽乍浦平湖各城俟浙軍克復石門分兵替防 臣即可併力勦辦蘇境之賊前因常州丹陽竄擾江陰常熟股匪經郭松林等四面兜勦歸路已斷惟賊衆尙有二三萬屯踞楊庫周莊花市沙山一帶屢欲奪路衝突均被張樹聲攔頭擊回必須添調勁旅合力兜截以期早就織除程學啟受傷極重幾至不起幸服藥稍

有轉機所部各營現飭劉士奇王永勝暫為代
統挑派精銳馳赴西路會合郭松林等攻剿楊
庫竄匪俟將此股擊退再乘勝會攻常州

同日沈葆楨奏言窺伺建昌賊匪經官軍擊敗
後潛踞城東二十里之小嶺韓進春偕建昌兵
勇追剿至洪門山賊遁踞黃源村乘夜由硝石
上游渡河繞竄新豐上塘等處十七日賊偏城

聖朝聖略卷十六

十六

南經韓進春擊退十八日該逆悉銳三萬餘人
犯精毅營席寶田令各營散伏左右密約韓進
春等分路擣虛該逆先犯中前後三營四而伏
起縱橫盪決殺賊二千有奇該逆猶折回猛撲
韓進春等已將賊館節節掃蕩旁抄而出賊大
驚潰追奔四十里十九日韓進春進紮上湖營
壘甫定賊乘夜涉河撲營復被我軍擊退二十

日賊竄莞港去建城九十里蔓延於新城南豐
各鄉前旗已入廣昌界訊據賊供該逆注意撫
建今屢撼不動思由甯都窺贛州署贛南道蔡
應嵩等已添招勁勇布置城守席寶田統率劉
勝祥等營向南豐留韓進春於上湖以杜回竄
均奏入

上命議政王軍機大臣傳諭曾國藩左宗棠李鴻章

聖朝聖略卷十六

十九

沈葆楨曰杭州省城據探業經浙軍攻克想左宗
棠必已奏報在途所有石門縣及湖州踞賊浙師
可以乘勝攻取李鴻章暫令劉秉璋留守嘉興潘
鼎新分守海鹽乍浦平湖各城其前由常州丹陽
竄抵江陰常熟股匪經郭松林等兜剿斷其歸路
惟賊尙有二三萬衆屯踞楊庫一帶屢欲奪路衝
突李鴻章即飭劉士奇等代統程學啟所部會同

郭松林等軍奮力進剿務將楊厓等處股匪迅即掃蕩乘勝會攻常州並著左宗棠將攻克杭州及布置各情迅速奏聞仍督飭浙軍進克石門分兵替防嘉興海鹽等城以便李鴻章所部各軍併力剿辦蘇境之賊並蘇浙諸軍合力以取湖州漸次肅清蘇浙地方以慰廛念前由皖南竄入江西之賊窺伺建昌疊經韓進春席寶田等軍剿殺甚多

欽定剿平粵匪方略卷三十六

二十

賊遁甌港蔓延新城南豐各鄉前旗已入廣昌地界思由甯都以窺贛州著沈葆楨督飭蔡應嵩等將城守嚴密布置以資捍禦並飭席寶田所統各軍跟蹤追剿總期就地剪除方爲妥善韓進春留於上湖嚴防回竄程學啟受傷曾否就痊正深垂念據李鴻章奏稱所傷極重服藥已有轉機仍著飭令妥爲調理一經痊愈隨時奏聞

上諭內閣曰李鴻章奏攻克嘉興府城擒斬首逆詳細情形二月十五等日官軍進攻嘉興晝夜環擊轟塌城垣百餘丈十八日程學啟親督各軍豎梯登城致被槍傷劉士奇等率隊奮進以炸礮擊入城中火藥房賊衆駭亂劉秉璋等各率所部乘勢拔樁過濠由東南兩門攻入斃賊五千餘人餘賊思由西門出遁經陳有昇等分投截殺城內賊黨

欽定剿平粵匪方略卷三十六

三十一

悉就擒誅僞挺王劉得功被礮轟斃並搜獲僞榮王廖發受正法梟示當將嘉興府城克復剿辦甚屬得手提督程學啟身帶重傷克復郡城實屬出奇制勝謀勇兼資著賞給白玉翎管一枝白玉搬指一箇玉柄小刀一把荷包一對編修劉秉璋身先士卒克拔堅城著賞戴花翎署提督李朝斌常鎮通海道潘鼎新均著交部從優議敘

同日馮子材魁玉奏冒官軍自攻克白兔博洛水湖等處逆巢後南路馬陵一帶並無屯賊惟東路新豐魚干尚有逆壘三座互相犄角因飭總兵張文德等由甘棠橋進取二月二十七日張文德會同副將刁經明等馳抵新豐先將逆壘二處衝埽圍攻魚干逆巢轟擊一時之久斃賊無數遊擊鄭啟貴亦由丹徒帶兵策應時賊

聖學聖略卷三十六

三

中頭日久懷歸正乘官兵前後夾擊羣賊開壘乞降呈繳偽印軍械張文德察其情詞真切諭令一律薙髮臣等當飭張文德將老弱難民分別遣散其餘暫令安插一面派副將林從泰移紮新豐河西彈壓降人聯絡聲勢以防丹逆衝突查由鎮至丹徒水陸大道南以馬陵為要隘東以新豐為要隘沿途巢壘次第削平中間無

所梗阻探悉偽然王陳逆下竄江陰福山等處城賊雖有數千其勢頗蹙自應及時進取適當明阿派總兵魯啟綸渡江而商會勦機宜臣等與之悉心籌畫擬分兵兩路一由新豐攻其北一由馬陵攻其西同時大舉仍察看賊勢如另有大股來援則南北兩軍隨機進勦互相策應臣等商定後已函請富明阿量撥勁旅即日南來會合進攻一面檄飭張文德統領鎮防各營取道馬陵穩紮穩進奏入

聖學聖略卷三十六

三

上諭曰前據曾國藩奏鮑超東壩之師進取丹句已寄諭馮子材等速派兵勇或進攻句容或分攻丹陽以牽賊勢茲覽該提督等奏攻克魚干逆壘進規丹陽各情與前論適相照合即著飭令張文德及揚防波江會勦之軍協力進攻與鮑超之師聯

絡夾擊迅奏膚公

十一日辛亥富明阿奏言據馮子材詹啟給先後

函稟新豐魚干賊巢於二月二十七日經總兵

張文德等督隊圍攻掃其二壘適遊擊鄭啟貴

前往策應賊遂開營投誠一律薙髮丹陽附近

賊巢均已次第勦撫正宜乘此規復請卽撥兵

助勦並擬以鎮營兵勇由馬陵進取兼防西路

欽定剿平粵匪方略卷三十六

二十六

句容之賊揚營兵勇由新豐進攻分顧東路常

州之賊等語臣當飭侍衛請依楞阿等統帶馬

步兵勇四千一百餘名又派參將柯永華帶勇

四百名分起南渡與前撥鎮防之副將刁經明

等所部四千名前後共八千數百名均交詹啟

綸統率歸馮子材魁玉調遣會合鎮軍分路進

取前竄福山逆眾均已折回欲糾大股分撲江

邊圖犯太平洲現踞江陰所屬之楊厘周莊花

市一帶竄及長壽等處查此股賊匪因歸路已

斷肆意焚掠如我軍趨重丹陽該逆勢必乘虛

而北爲挺走之計泰靖一帶早經節節布置現

仍飭水師嚴防不准稍涉疏懈如江防十分喫

緊卽酌撤南渡之軍沿江填紮以期南北兼顧

再賊眾分援南岸難民紛紛北渡泰興土橋七

欽定剿平粵匪方略卷三十六

二十七

圩港一帶已有一萬餘人靖江尤甚殊堪憐憫

當於臣廉俸內提銀二百兩先後撥存營米二

百石並詹啟綸撥米一百石均交地方官接濟

散給一面札飭防兵實力稽查毋許奸宄瀆跡

一面函咨吳棠及藩司萬啟琛飭令地方官趕

緊設法賑濟妥爲安撫

富明阿又奏言據詹啟綸稟稱三月初二日帶

領馬隊由新豐一帶察看地勢直抵丹陽北門城外見城河寬闊內有木柵欄三道當即揮令馬隊前往衝突逆眾率黨抗拒我軍開放洋槍擊斃悍賊數十名餘黨敗竄我軍乘勢追殺復斬首逆一名探聞丹陽踞逆勢頗驚惶等情查揚防續撥兵勇現已渡江 臣仍飭該總兵合力進剿迅掃逆氛奏入

聖朝聖略卷十六

三

上命議政王軍機大臣傳諭曾國藩富明阿吳棠李鴻章馮子材魁玉曰前因曾國藩奏令鮑超移東壩之師進取句容丹陽一帶當諭富明阿馮子材等派兵會剿現在富明阿添派馬步隊渡江前後共八千數百名分路進取層啟綸帶領馬隊由新豐直抵丹陽北門外頗有斬獲然必須南北兩路會同攻擊剿辦較易得手鮑超一軍曾否進攻句

容坤或先取丹陽著曾國藩酌量調派務與鎮防各營聯絡聲勢迅速奏功如鮑超進偏句容兼防金陵城賊外竄即著富明阿馮子材等督率諸軍察看丹陽地勢合力兜剿俾丹句踞匪不能互相援應自不難剋期攻拔揚防渡江兵勇既經富明阿飭令聽馮子材等調遣馮子材等務當審度賊情穩紮穩進毋稍大意屯踞楊庫周莊花市之匪

聖朝聖略卷十六

三

竄及長壽等處肆意焚掠著李鴻章速派將弁實力掃蕩悉數殲除此股賊匪歸路已為官軍截斷紙而走險勢必乘虛而北著富明阿嚴飭水師晝夜巡防如江防喫緊即當酌撤南渡之軍沿江填紮力保裏下河完善之區難民紛紛北渡已有一萬數千人兵燹餘生殊堪憐憫現經富明阿捐廉籌米藉資接濟仍恐不敷散給著吳棠李鴻章督

飭藩司萬啟琛分飭各地方官設法賑濟毋令一夫失所仍令在防兵弁認真盤詰勿使奸宄漏跡同日左宗棠奏旨嘉興府城外賊壘經官軍攻克後蔣益澧派軍扼紮桐鄉之烏鎮雙橋湖州首逆偽普王楊輔青偽佑王李遠繼偽戴王黃呈忠等率黨數萬來犯蔣益澧派同知楊道洽率所部馳往援剿令副將葉炳忠等同駐桐鄉

欽定剿平粵匪方略卷三十六

天

署杭州府知府陳思燭仍率團練偏嘉郡西南兩門以與蘇師聯絡二月初七初八初十等日湖州突來援賊經蔡元吉所部擊退該逆復糾合大股自烏鎮爐頭鎮三里街等處連營數十里直撲桐鄉西門蔡元吉楊道洽各率所部分攻爐頭鎮三里街賊壘蔡元吉奮力衝殺手受槍傷猶裹創血戰賊眾敗走我軍乘勢將爐頭

鎮三里街等處賊壘十餘座一律踏毀斃賊二千餘名生擒百餘名十六日李逆黃逆復率悍黨萬餘撲營營官楊家玉力戰受傷蔡元吉等督隊馳至鏖戰三時蔡元吉率親兵繞出賊後縱火猛擊賊陣始亂楊道洽揮所部夾擊共斬悍賊三百餘名落水淹斃者四五百名十七十八等日蔡元吉復率所部攻克陡門賊壘十九

欽定剿平粵匪方略卷三十六

天

日乘勢進攻烏鎮斃賊二三百名生擒百餘名餘賊悉向高橋萬年橋等處竄遁其嘉興府城經各軍痛剿於二月十七日晝夜環攻十八日轟塌北門城垣十餘丈蘇軍由東北兩門衝殺而入陳思燭督隊併力攻剿當將郡城克復臣維嘉興一府爲浙西腴地杭湖兩郡各逆復調悍黨赴援並冀擾動海甯桐鄉新復各州縣幸

賴蘇軍嚴扼東北兩面力破堅城俾平乍海鹽
新復各區不致復遭擾害厥功甚偉在事出力
員弁兵勇應由江蘇撫臣李鴻章保奏浙軍於
收復海甯桐鄉後分守兩城復擊退杭湖會援
嘉興之賊亦屬著有微勞四品翎頂蔡元吉及
所部縱橫血戰勞績尤著可否由臣查明保奏
之處出自

聖朝聖略卷六十六

三

恩施

左宗棠又奏言杭州餘杭兩城經官軍晝夜環
攻賊勢日蹙二月二十一日蔣益澧督水陸諸
軍分路進攻鏖戰竟日力拔古蕩觀音塘堅壘
十座斃賊無數生擒二百餘名復於錢頭山開
放大礮轟塌城垛數丈其餘杭各軍於四鼓環
攻城壘斃賊尤多次日復出隊猛攻賊眾齊出

官軍奮勇衝殺斃賊千餘名遙見杭城西南一
帶濃煙四起知杭軍業已得手乃收隊而還其
竄遁安威坪一股續圖竄越江西覘知浙軍截
勦前股被創仍即折回甯國縣大塔嶺下一帶
復於十二日由甯國翻山竄入湖州孝豐縣南
鄉現在江皖敗賊屬聚湖州如杭餘兩城得手
自應迅圖湖州杜其回竄奏入

聖朝聖略卷六十六

三

上命議政王軍機大臣傳諭左宗棠曰收復嘉興戰
狀前據李鴻章奏報已明降諭旨宣示湖州大股
援賊竄犯桐鄉烏鎮經蔣益澧調派各軍截勦獲
勝破其堅壘餘賊竄遁並會合蘇軍攻克嘉興府
城在事員弁均屬出力著左宗棠擇尤奏請獎勵
惟嘉興克復後李鴻章派員留守並分守海鹽乍
浦平湖各城現在江陰楊庫一帶尙有賊眾屯踞

常州尙未克復曾經諭令左宗棠分兵替防嘉興海鹽等城以便李鴻章所部各軍併力剿辦蘇境之賊著左宗棠仍遵前旨迅派得力將弁駐守各城俾蘇軍得以騰出兵力痛剿江陰踞賊進規常州杭城是否收復著左宗棠確探情形迅速具奏江皖敗賊屬聚湖州如杭州餘杭均已克復卽著左宗棠督率全軍約會蘇軍迅圖湖州殲除巨寇

欽定剿平粵匪方略卷三十六

三

前次上竄江西之賊已至新城距閩省光邵一帶甚近左宗棠須會商徐宗幹調撥兵將嚴密布置不可令其竄擾完善降人蔡元吉自投誠後屢著戰功著以通判候選以示獎勵

同日劉蓉奏言漢南踞匪合股東竄其前隊扶端各逆會陸續由山陽竄往商南浙川一帶後路馬啟各逆聞漢陰有兵防禦皆由安漢交界

之鐵爐壩龍王廟北趨鎮安二月初二三等日折由穆王坪至安康屬之葉家坪楓溝等處屯踞一百八十餘里伺閒圖犯興安李雲麟飛調各營於漢陰安康交界之區扼要分紮以備截擊該逆分黨數萬山紫溪河東趨圖出景家莊茨溝口一帶旁抄興郡李雲麟飛調遊擊楊桂芳等營由松樹壩一帶迎剿初八初九兩日主

欽定剿平粵匪方略卷三十六

三

事管湧等擊賊於楓溝場殺斃百餘人賊勢稍挫李雲麟亦於初十日率隊由松樹壩之北分路設伏誘賊出剿生擒數十名該逆盡聚於茨溝口恃眾衝突十三日我軍直逼該處都司劉泰福等奮勇合擊鏖戰兩時擒斬數百名各營乘勝猛進追至東溝口西路兵團於先一夜乘賊不備偷襲茅溪賊營該逆自相驚擾越嶺而

逃於是馬逆一股四萬餘人皆狂竄而北其啟
逆餘黨及石逆中旗一股尙遊弋於葉家坪一
帶李雲麟飛飭西路各營進剿該逆於十八九
等日由黑水河地方竄入鎮安境內興安以西
肅清現在髮逆大股多由鎮安竄出商境而蔡
逆眾約二萬又由鄖西上犯洵陽若不先將此
股殄除誠慮勾結蔓延臣與李雲麟熟商擬以

聖學聖略卷三十六

三

該京堂所部各營分爲兩路一由洵陽之蜀河
進一由安康之傅家河進而派英毅六營由鎮
安徑趨山陽則聲勢更爲聯絡如馬啟各逆併
力東竄則英毅六營由山陽跟追現紮商州之
藍斯明一軍亦可分進是爲尾追之師李雲麟
全軍俟將蔡逆破滅卽由水路順流下駛襄樊
相機邀擊是爲攔截之師再得楚豫各軍迎頭

堵剿三路夾攻逆勢定就窮蹙查此賊裹脅之
衆多係德安黃州襄陽之人如就襄陽截擊勢
將解散今賊適由此路竄走則機勢可乘所慮
山陽鎮安洵陽商南等處屢經賊擾米糧一空
現擬由興安境內設法轉運奏入

聖學聖略卷三十六

三

上命議政王軍機大臣傳諭官文駱秉章嚴樹森張
之萬劉蓉李雲麟曰漢南踞匪東竄前隊扶端各
逆會竄往商南浙川一帶後路馬啟各逆伺間圖
犯興安經李雲麟調兵截剿敗賊於茨溝口茅溪
等處馬逆一股狂竄而北其啟逆餘黨及石逆中
旗一股亦經官軍擊退分道竄入鎮安蔡逆一股
由鄖西上犯洵陽若不先將此股殄除勢必乘虛
竄擾李雲麟卽督率所部與劉蓉所派湘果等營
迅殄賊氛劉蓉仍恪遵前旨東下追賊以收夾擊

之效端扶各逆勢極剽悍疊諭楚豫兩省督撫派兵迎勦劉蓉李雲麟現擬分派各營三路並進李雲麟擬俟蔡逆破滅下駛襄樊相機邀擊著官文嚴樹森張之萬添派勁旅會合夾擊毋令賊蹤深入腹地髮逆裹脅之衆多係德安襄陽黃州之人未必甘心從逆楚軍如能嚴扼襄樊相機截勦則被脅者自必望風解散著官文等妥籌辦理

欽定剿平粵匪方略卷三十六

庚

欽定剿平粵匪方略卷三百六十七 甲子年

三月十二日壬子左宗棠奏冒杭州餘杭兩城踞

逆經官軍於二月二十一日攻勦克獲大勝後

勢極窮蹙蔣益澧親督水陸各軍於二十三日

乘勝奮攻慶春艮山武林等門晝夜未息賊膽

愈裂是夜啟武林門向德清一路竄走蔣益澧

督隊入城殺斃賊匪無算當於二十四日將杭

欽定剿平粵匪方略卷三十七

一

州省城克復餘杭之賊亦於是日由東門逃竄

臣於二十一日戰勝後知賊竄必速即豫飭各

營整隊以待是日見城中火起各營分路跟追

至瓶窰鎮逆賊憑壘死拒臣親率各營前往追

勦俟將瓶窰竄賊肅清再進省垣布置一切所

有克復兩城詳細情形容俟查明再行具奏奏

八

上命議政王軍機大臣傳諭曾國藩左宗棠李鴻章
沈葆楨曰杭州敗匪竄向德清餘杭敗匪亦竄踞
瓶窰鎮左宗棠現擬親赴瓶窰鎮督剿著卽迅速
進攻務乘該逆喘息未定將此股悉行殄除其竄
往德清之賊亦著左宗棠派兵剿除毋留餘孽昨
據左宗棠奏稱淳安威坪股匪續圖竄越江西者
現仍折回甯國竄入湖州之孝豐縣侍逆亦由甯

聖學聖略卷二十七

二

國竄入湖州等語是各路悍黨歸併一處正宜乘
此軍威四面兜剿著左宗棠速派兵將進規湖郡
以期一鼓殲除肅清浙境左宗棠剿辦瓶窰之賊
又須赴杭城布置兼須進剿湖郡用兵處所甚多
且距浙省邊界漸遠賊氛四逼深恐或有疏虞所
有浙江及江西交界邊防著曾國藩左宗棠會商
妥籌兼顧嚴斷賊匪竄越之路廣信一帶著沈葆

楨分布兵勇嚴密堵扼以防湖郡敗匪竄入蘇省
常郡尙未克復楊庫股匪爲數衆多屢諭左宗棠
分兵替防嘉興海鹽等城以便李鴻章所部併力
剿辦蘇境之賊惟湖州一城悍賊麕聚若徒以浙
師圍攻恐悍賊尙得伺隙旁竄著李鴻章酌調兵
勇會同浙師夾攻以期迅速克復

聖學聖略卷二十七

三

上諭內閣曰杭州餘杭兩城踞逆經官軍於二月二
十一日攻剿得獲大勝賊勢極爲窮蹙蔣益澧親
督各軍於二十三日乘勢奮攻慶春艮山等門晝
夜不息賊膽愈寒是夜啟武林門向德清一路竄
走蔣益澧督隊入城殺賊無算卽於二十四日將
杭州省城克復餘杭之賊亦於二十四日由東門
逃竄經左宗棠豫飭各營整隊以待是日見城中
火起各營分路跟追餘賊敗竄瓶窰鎮此次官軍

將杭州餘杭二城同日克復辦理甚爲得手所有
竄逸餘匪卽著左宗棠督飭兵勇迅速追剿盡殲
醜類毋留餘孽閩浙總督左宗棠自督辦浙省軍
務以來連克各府州縣城池茲復將杭州省城餘
杭縣城攻拔實屬調度有方著加恩賞加太子少
保銜並賞穿黃馬褂浙江布政使蔣益澧自調任
浙江戰功卓著屢拔堅城茲復親督各軍克復杭

欽定剿平粵匪方略卷二十七

四

州省城實屬奮勇異常著賞穿黃馬褂以示優獎
所有在事出力將士著左宗棠查明擇尤保奏

臣等謹案浙省被陷以來居民備遭蹂躪

朝廷軫念民依

獨申乾斷

特命左宗棠督辦浙省軍務

授鉞專征

宸算旣周兵威丕振遂使機雲濁霧次第掃除茲又
攻克省垣并復要邑兩浙郡縣漸就肅清出
民水火而登衽席非我

皇上知人善任曷克臻此哉

十三日癸丑馮子材魁玉奏言臣等前調揚營兵

勇渡江會攻丹陽當派總兵陶茂森帶馬隊前
赴西南一帶察看賊情三月初五日馳抵東昌

欽定剿平粵匪方略卷二十七

五

街遇賊接仗殲斃數十名是日諜知提臣鮑超

已由東壩拔隊前來臣等又派副將楊青山率

兵勇三千餘名剋日前往會剿初六日陶茂森

從東昌街直擣句容之北賊匪出巢抗拒我軍

分投抄擊火器齊施殺賊數十名初七日官軍

直薄北門該逆大股擁擁而出陶茂森揮衆四

面截殺斃賊無算我軍直抵城下時鮑超一軍

已由南門攻復句容縣城查句容一城與丹逆互爲犄角實鎮防肘腋之患現經克復則西南一路軍情較鬆亟宜進規丹陽並察看金壇形勢與鮑超聯絡聲援相機辦理惟寶堰屯甸一帶逆壘未盡掃除當飭陶茂森等迅速進剿一面函飭總兵詹啟綸等趁此逆情悚懼悉力環攻毋稍觀望奏入

聖朝聖略卷二十七

六

上命議政王軍機大臣傳諭曾國藩富明阿李鴻章馮子材魁玉曰鮑超由東壩進剿句容馮子材等復派陶茂森各軍由東昌街直擣句容之北沿途截殺進薄北門鮑超之軍已由南門攻入立將縣城克復句容與丹陽互爲犄角此次鮑超督軍進逼一戰而下堅城勦辦甚爲迅速深堪嘉尙該軍出力人員及鎮城會剿之軍著曾國藩查明彙案

聖朝聖略卷二十七

七

保奏惟句容餘賊竄往何處未據馮子材等奏明著飭鮑超等速行追剿丹陽之賊此時必聞風喪膽攻剿更易爲功曾國藩卽檄飭鮑超移得勝之師直擣丹陽使該逆不遑喘息富明阿所派渡江兵勇先後八千餘名詹啟綸已直抵丹陽北門外富明阿卽飭該總兵與鮑超之師南北夾擊迅圖攻拔毋稍遲延馮子材以寶堰屯甸一帶逆壘未平飭陶茂森移軍掃蕩著迅將該處逆壘削平卽行乘勝併攻丹陽以期功收破竹其金壇一城如機有可乘各路官軍亦可分兵掩襲使各城次第收復李鴻章派攻常郡之師前以賊氛內竄致稽戰事此時丹句敗逆更恐窮極鋌走思犯毗陵如能早將常郡攻克或不至爲所牽掣現在攻勦情形若何著飭李鶴章等一面迅圖克復常州一面

嚴備丹陽之賊續行內犯毋稍疏虞

十四日
甲寅

上諭內閣曰浙江嘉興杭州兩府先後克復該府屬地方久爲賊踞小民慘遭荼毒蕩析離居田土荒蕪殊堪憫惻所有杭州嘉興兩府屬新復各州縣地方著加恩將同治二年三年分應徵錢漕悉行蠲免其未經克復之湖州一府暨石門等縣並著

欽定剿平粵匪方略卷三十七

八

於克復後查照杭嘉兩府蠲免章程一律辦理

十六日
丙辰

上命議政王軍機大臣傳諭官文曾國藩嚴樹森曰現在蘇杭均已克復金陵圍攻日緊前閱李鴻章奏內有三四月可以克復之旨當此功在垂成各路統兵將帥及各該督撫等允宜同心勦力以期共濟自陝省漢中之賊出竄甯陝商州一路節據

張集馨等奏報漢南賊欲回救金陵約於鄂省襄陽老河口等處會齊是鄂省軍情極爲喫緊所派成大吉等水陸各軍分駐襄鄖並當陽各處是否均已到防何以戰守情形經月並無奏報當此金陵垂克之時若令賊得肆其狡謀於襄樊一帶會齊順流而下將圍攻金陵大軍必致爲所牽動官文嚴樹森如不能將此賊嚴密防剿致誤大局自

欽定剿平粵匪方略卷三十七

九

問當得何罪鄂省各路官軍深恐事權不一官文嚴樹森二人內當商定一人出省督辦防剿毋得安坐省垣一任賊匪紛竄俟有勝仗一奏塞責以爲了事並著於商定出省後一面迅速奏聞曾國藩能否親往金陵督辦攻剿現在襄樊喫緊該處爲金陵及皖省上游亟應豫爲防範該督前奏楊岳斌統帶師船嚴防江面不能調往他處此時江

面上游喫緊著卽於楊岳斌彭玉麟二人內酌留一人防江一人溯流而上以資策應如鄂省派出成大吉等軍無所統率楊岳斌等無論何人前往均可將鄂省各路陸軍併歸統帶調遣其襄樊一帶竄賊官文嚴樹森必當剿除淨盡不准以鄰爲壑曾國藩爲國重臣身繫東南全局安危官文等向來辦理軍務尙能不分畛域均屬有功之人值

聖朝聖略卷二十七

十一

此大功垂成尤應始終罔懈同濟艱難若令垂成之功又有中變事屬何人貽誤必將該督撫重治其罪

十七日己丁李鴻章奏常州丹陽竄擾江陰常

熟股匪經我軍力戰解圍該逆仍踞江陰東南歸路已斷賊數雖衆屯踞楊庫華市周莊沙山五六十里閒面面有我軍屯紮常州丹陽踞逆

聖朝聖略卷二十七

十二

屢由江陰青山等處衝入接應均被我軍剿回賊漸危蹙二月二十四日臣添調劉士奇等帶隊二千人會合郭松林循福山鹿苑江岸偪剿臣於三月初二日由蘇州馳赴長涇親督各軍會戰初六日臣派令各軍分路進搆華市行抵沙山脚距華市三里賊衆列隊山阿倚營拒敵劉士奇等帶隊抄入營後槍礮環施賊陣稍亂鄭國魁等乘勢督隊撲營拔椿踰濠一擁而進賊衆敗潰緣山亂竄臣飭各軍分道猛進追殺四十餘里賊屍枕藉自華市至樹山賊壘百餘處一律掃平日已嚮晦遂令李鶴章等繞至江陰會合略國忠等由北路攔頭截剿劉士奇等帶隊暫駐周莊邀擊楊庫竄路臣督鄭國魁等軍馳往青陽會合楊鼎勳等由南路從後兜剿

是夜五鼓楊庫踞賊惶遽南奔欲併歸雲亭一
路劉士奇等設伏於雞籠山下太平橋賊整隊
來衝我軍槍箭齊施賊衆駭奔乘機蹙之落水
死者無數先是初四日夜僞英王叔及忠逆之
子兩股因東路援軍大至率衆由華市花山馳
回三河口乘夜搭造浮橋三道憑河築壘以護
初五日張樹聲等以小隊誘敵逆衆二三萬由
秦望山包裹而上張樹聲等力戰卻之擒斬六
百餘名是夜又在三河口添搭浮橋二道初六
日華市周莊楊庫敗賊併聚雲亭花山一帶北
抵南牖南至越城橋圖竄丹常李鶴章夜抵江
陰飛令郭松林等分路會剿初七日辰刻郭松
林李昭慶列隊南牖前面駱國忠由花山抄擊
該逆見衆軍堵在歸路拌死來撲黃兆來等迎

戰將賊衝作兩段前隊萬餘人向越城橋西奔
後隊二萬餘人由花山奔竄郭松林躍馬橫出
直撲三河口賊營賊卽棄壘渡河浮橋五道擠
斷其四人馬落水堆積數丈河爲不流楊鼎勳
等復由閒道截住前後夾擊其未過河之賊或
陷入圩中或棄械乞降數以萬計其已過河之
賊張樹聲等分追截殺橫屍遍野餘衆星散日
晡收隊統計各軍俘獲近二萬人沿途淹斃殺
斃無數其逸回常州丹陽者約僅二三千人訊
據擒賊供稱僞王侯及大頭目鮮得脫者查此
股逆衆經諸軍兩日痛剿擒賊解散實有二三
萬衆緣歸路先斷子藥俱盡該逆遂不耐戰大
半徒手受縛所攜百姓米糧衣物概行拋棄當
卽散給窮民現在沿江腹地一律肅清所有守

城殺賊尤爲出力各員謹先行開列懇請從優
獎勵其餘出力及傷亡員弁兵勇可否彙案獎
卹之處出自

恩施奏入

上命議政王軍機大臣傳諭曾國藩李鴻章曰常州
丹陽股匪屯踞江陰李鴻章斷其歸路該逆屢由
江陰青山等處衝入接應均經擊回李鴻章復馳

聖學聖略卷二十七

十四

赴長涇督戰將華市周莊楊庫踞賊擊敗餘匪竄
聚雲亭花山欲由三河口回竄丹常復經官軍分
路剿除沿江腹地一律肅清辦理甚爲妥速此時
常郡賊援已絕李鴻章正當移得勝之師會攻常
州迅拔堅城以斷金陵外應仍一面分軍規復金
壇毋稍延緩鮑超自克句容後進攻丹陽曾否得
手著曾國藩檄飭該提督並飭知馮子材等軍會

同夾攻迅將該城克復以期肅清金陵東路金陵
賊勢當更窮蹙值此功在垂成曾國藩當飭各營
將士嚴密防範以杜該逆出竄毋稍大意程學啟
槍子取出後續據李鴻章奏漸有轉機此次報內
未經提及是否痊愈著李鴻章遇便奏聞道員張
樹聲此次由常州分兵堵紮要口捻斬甚多著交
軍機處存記候旨簡用

聖學聖略卷二十七

十五

上諭內閣曰常州丹陽竄匪屯踞楊庫華市周莊沙
山等處李鴻章督軍分路進攻先將華市至樹山
賊壘百餘處一律掃除其楊庫踞匪復經李鴻章
親督各軍分投兜剿該逆惶遽南奔與華市周莊
敗賊併歸雲亭一路欲由三河口浮橋回竄官軍
連日圍剿賊衆棄壘渡河我軍斷其浮橋四道旋
將三河口賊營攻拔各軍斬獲近二萬人餘匪分

向常州丹陽竄逸沿江腹地肅清勦辦甚爲奮勉
著李鴻章迅飭諸軍將常州金壇郡縣次第攻拔
以靖疆圉此次尤爲出力之記名總兵楊鼎勳著
遇有總兵缺出儘先題奏署副將駱國忠著交軍
機處記名遇有總兵缺出請旨簡放並賞給正二
品封典總兵李正佩著賞給從一品封典參將賈
宏材歐載陽均著以副將儘先補用副將周河清
著賞給捷勇巴圖魯名號參將向順福著賞給強
勇巴圖魯名號易華元著賞給銳勇巴圖魯名號
四川補用都司覃洪陞著免補遊擊以參將仍留
原省補用遊擊管松林著以參將補用並賞加副
將銜遊擊銜黃兆來著以遊擊儘先補用並賞加
副將銜千總鄭國謨著以守備補用並賞加遊擊
銜安徽補用知府魏承樾著免補本班以道員仍

聖軍方略卷二十七

七

留原省補用從九品朱開泰著免選本班以縣丞
儘先選用並賞戴花翎其餘出力及傷亡員弁兵
勇著李鴻章查明彙案奏請獎卹

十八日戊午富明阿奏言據總兵詹啟綸稟稱揚

防南渡兵勇由丹陽北門外七里廟張公渡瓜

渚一帶分紮二十餘營三月初九日僞英王叔

僞廣王僞順王忠逆之子帶賊數萬一由常州

聖軍方略卷二十七

七

運河一由江陰孟河大缺口擁擁而來詹啟綸

督軍迎擊並商令侍衛訥依楞阿等分兩翼夾

攻賊寨潰退我軍追殺二十餘里擒斬三百餘

名是夜賊復率衆二萬餘人由黃村一帶分股

來撲另設抄撲鎮軍營壘詹啟綸等分道迎擊

槍礮環施賊仍恃衆反撲我軍銳氣百倍鏖戰

正酣適遊擊吳世英等由北路追勦而至逆衆

狂奔自相踐踏各軍會合追殺斃匪六七百名
生擒永天福張大志及賊黨多名其東南一路
援賊亦經鎮營總兵張文德等擊退斬擒甚多
惟援賊尙散布於丹陽東南北附近一帶誠恐
繞截我軍後路且南岸地勢遼闊兵力尙覺不
敷經詹啟綸稟請添兵渡江助剿等情查此股
逆匪被剿窮蹙勢必拼死衝撲以爲困獸之鬪

聖朝聖略卷二十七

六

現派營總富陞等統帶馬隊一百五十名副將
廖鴻清參將周萬福各帶勇五百名於十一日
拔隊南渡並飭詹啟綸聯絡鎮軍穩慎進攻不
可稍涉大意

同日馮子材魁玉奏旨鎮揚官軍定計由馬陵
新豐會攻丹陽總兵詹啟綸統揚營馬步滾營
而進遊擊鄭啟貴等帶勇駐紮七里廟各營由

諫壁越河至新豐一帶節節聯絡爲東北一路
總兵張文德統鎮營馬步由馬陵十里牌三橋
村步步爲營前敵直抵湖頭街爲西南一路三
月初六七等日先後會薄丹城屯甸寶堰之賊
卽乘夜焚巢而遁僞英王叔陳逆知官兵大至
自江陰常州率衆五六萬回援圍集東北分犯
官軍營盤初九日詹啟綸率副將李友才等督

聖朝聖略卷二十七

七

隊迎擊陣斬黃衣賊目及餘賊數十名初十日
詹啟綸帶隊馳抵東路扼紮令副將王昌裕等
左右兜抄該逆恃衆抗拒官軍三面盪擊斃賊
無算生擒百餘名賊遁走錢家廟一帶其竄撲
西南之賊見官軍直逼城下悉力來爭初十日
分股抄撲西門各營張文德率副將周伯雲等
更番迎剿賊再卻再進官軍馳驟衝突殲賊甚

多該逆復糾黨萬餘蠶擁而來張文德令各營嚴陣以待飭副將林從太等從後抄擊賊屍枕藉都司田國珍歐得亮各受重傷負創力戰殪前鋒悍賊十餘名官軍乘勢追剿二十餘里斬敵百餘級餘眾竄伏附近村莊查丹陽一城近與常州聯絡遠為金陵聲援賊以全力死守而陳逆卽四眼狗陳玉城之叔狡悍為諸賊冠臣

聖朝聖略卷十七

三

等已嚴飭詹啟綸張文德等慎重圖維相機堵剿務將援逆設法掃除規復方有把握現計揚鎮兩營馬步約共一萬五六千名昨准富明阿來咨添撥兵勇一千一百名南來助剿當飭前往新豐由詹啟綸酌量調派並與鮑超一軍互相策應以期迅掃逆氛均奏入
上命議政王軍機大臣傳諭富明阿馮子材魁玉曰

丹陽一城與常州金陵互為犄角現在詹啟綸張文德已直薄城下揚鎮兩營之兵共有一萬五六千名富明阿又添派富陞等馬步兵勇一千一百餘名兵力已不為少著卽督率詹啟綸等實力進攻迅拔堅城盡殲醜類鮑超自克句容後曾否會攻丹陽並著飭令詹啟綸等與鮑超一軍聯絡一氣勿任窮寇復竄他處致辦理又形棘手陳逆兇

聖朝聖略卷十七

三

狡為諸酋冠此時未受大創仍在附近屯踞勢必拌死力鬪圖解城圍在事各員務令嚴密防維相機痛剿無為所乘

十九日己未富明阿奏言沿江兩岸賊眾紛竄段山池西水師總兵吳全美派參將馮耀祖等率敵船依岸進攻槍礮齊發斃賊多名賊復聚大股由蘆頭沙段山一帶出竄副將林宜華等迎

頭夾擊斃賊百餘名該逆分股竄至合興街擄掠亦經參將鄭起鵬等擊遁吳全美親督師船沿江察看節節戒備三月初十日行抵鎮海菴賊衆大股由小河包港直上蔓延劉巷一帶其鎮海菴對岸之老店頭地方亦有馬步賊數千屯聚吳全美揮令各船開礮迎擊逆衆憑隄抗拒吳全美復親督副將吳奇勛等衝上隄岸環

聖朝聖略卷二十七

三

施洋槍斃匪甚衆賊仍拚命抗拒我軍分隊衝擊遊擊石皓亦督礮船駛至三面奮擊賊衆潰遁我軍追斬無算查此股殘賊數萬因人衆糧絕趨重上下游爲擄糧謀生之計雖經師船勦敗難保不鋌而走險且常州丹陽大軍偏緊無可容身若不悉衆回撲勢必亂竄沿江覲覲太平洲等處以冀苟延殘喘現經吳全美飭令林

宜華策應江面參將李德祿前赴紫氣常陰等沙駐泊鄭起鵬巡防壽星等沙馮耀祖前往蘆頭沙堵禦復令參將張登三於各沙要隘上下梭巡聯絡聲勢臣惟有督飭各軍慎之又慎加意嚴防惟探聞該逆有擄足糧食回犯丹陽各軍後路會合丹城踞匪內外抄截之語已飭詹啟綸等持重進取免墮賊謀

聖朝聖略卷二十七

三

富明阿又奏言正在封摺閒據總兵詹啟綸稟稱三月十一日營總富陞等帶領馬隊查看地勢途遇援賊五六百名蠶擁而至卽揮隊迎擊該逆亦用洋槍抗拒遊擊胡世英奮勇爭先官兵乘勢齊進槍箭並施賊衆敗竄我軍追殺一百餘名生擒三十餘名訊據賊供僞英王叔率黨五六萬散布錢家廟皮城牛港孟河大港沿

江一帶四出擄糧一經糧足卽會合丹陽城賊
夾攻官軍營盤並在各港口搶奪民船冀圖外
竄使官兵首尾不能相顧等語該逆節經被創
人衆乏食刻圖聚糧急鬪自在意中當飭詹啟
綸深溝高壘節節聯絡毋爲賊乘並隨時酌派
馬隊探蹤搜勦俾該逆無可擄掠飭吳全美
親督師船上下梭巡嚴加堵遏奏入

聖朝聖略卷二十七

三

上命議政王軍機大臣傳諭富明阿馮子材魁玉曰
逆匪因人衆糧絕趨重上下游擄糧謀生雖經吳
全美等師船擊敗難保不悉數回撲沿江紛竄著
富明阿仍飭吳全美督帶師船策應江面並於各
沙要隘上下梭巡以期聯絡聲勢北岸一帶尤須
加意嚴防前據富明阿奏詹啟綸等業已直薄丹
陽城下此次截勦援賊頗有斬擒卽著富明阿馮

子材魁玉仍遵前旨督令詹啟綸等並添派之富
陞等軍與鮑超聯絡進勦迅拔堅城盡殲醜類僞
英王叔陳逆悉衆來援據賊匪供稱逆衆五六萬
散布錢家廟等處打館擄糧欲會合城賊夾攻官
軍營盤又在港口搶奪民船冀圖外竄各情逆謀
兇狡著富明阿馮子材等嚴飭在事員弁嚴密防
維不得稍涉大意

聖朝聖略卷二十七

三

同日河南巡撫張之萬奏冒僧格林沁由亳州
督師前來臣卽於三月初三日馳赴許州接見
會商進勦機宜僧格林沁於初七日進紮洛陽
防賊北竄臣折回汝州嚴飭張曜葛承霖宋慶
善慶色爾固善等軍緊躡兜勦查張總愚捻股
由黑峪陸續西竄二十一日張曜等追至黑峪
該匪列隊抗拒我軍奮勇衝擊匪衆竄往盧氏

境內樂川廟子街三川等處張曜令保英李世玉各軍扼紮黑峪防賊回竄自率張士元尹嘉賓步隊與宋慶等軍繞赴盧氏斷張總愚會合髮逆之路初髮逆被張總愚勾合竄抵豫疆臣豫飭張曜於所部抽出精壯分布要隘嚴防旋探髮逆大股麕聚鎮平所屬之馬山口七里坪豹子灘一帶單體晉等帶馬步兵勇截殺陣斬

聖朝聖略卷二十七

三

馬賊多名乘勢追壓該逆向西南奔竄二月二十八九等日圍攻內鄉縣城城上守禦嚴密三月初一日匪衆由東北復撲城關東南一帶又有大股踵至合而爲一我軍開放大礮斃匪多名該匪退至山岡上下屯聚經參將周兆常等率領團勇縋城而下奮勇進攻該逆猝不及防死者無算盡棄所攜糧食衣物一向西竄一向

南竄城圍立解其陳大濬捻股時由鄧州之孟樓厚坡等處向內鄉奔竄冀與髮逆合股臣於二月二十五日函至蘇克金傅振邦等移紮南陽該副都統等當派春山桂錫楨等帶領馬隊六百餘人前赴鄧州防勦陳逆震懾聲威不敢與髮逆合股同行仍由舊路折回距內鄉城六十五里之章家集復由帥家岡回竄浙川之李

聖朝聖略卷二十七

三

官橋襄陽之老河口而內鄉解圍後髮逆竄往內鄉以西之下瓦亭其後股已由龍駒寨竄至商南之竹林關邊馬擾及商境之穆家呀是豫省宛洛一帶寇氛四集官兵備多力分臣愚以爲目前軍務當以勦滅張總愚爲要領該逆尙踞樂川其地西出朱陽關則犯商雒南走大坪頭則達鄧內臣已飭張曜宋慶等軍裹糧疾走

繞出賊前由盧境之三川進紮桃灣扼其西竄
朱陽關之路並調善慶色爾固善統帶馬隊由
長水重陽溝會合桃灣之師迅圖勦洗奏入

上命議政王軍機大臣傳諭僧格林沁官文嚴樹森
張之萬曰目前軍務以先勦張總愚爲要領張之
萬已飭張曜宋慶等軍繞出其前扼紮桃灣以防
西竄朱陽關之路並令善慶等馬隊會合勦洗著

聖朝方略卷三十七

天

卽嚴飭該將領等捲甲疾趨滅此朝食無再任其
蔓延張曜追勦張總愚擒斬甚少盡成尾追之勢
若再不得力卽由僧格林沁張之萬嚴叅懲辦陳
大禧回竄浙川之李官橋襄陽之老河口髮逆竄
商南之竹林關等處是襄鄖二府均屬喫重官文
等一月無報實屬不知緩急究竟所派之梁作楫
等軍能否得力應否添調新軍均須認真布置該

匪本爲圖救金陵而來若由隨棗黃麻直趨英霍
或由各路順流而下則曾國藩不能不力爭上游
恐於金陵垂成之局又生枝節襄鄖一帶地勢寬
廣官文所派防邊各將無所統率必將貽誤事機
官文嚴樹森當懍遵前旨卽日商定一人出省督
師一人留辦防務不准稍有遷延並飛咨曾國藩
移調楊岳斌等水師於襄樊一帶督同陸師夾勦

聖朝方略卷三十七

天

僧格林沁現已進紮洛陽該親王威望素著各逆
自必望風逃避惟當通籌大局移緩就急妥籌調
度現在陳大禧及漢中竄逆均聚內鄉其北有僧
格林沁駐紮洛陽之師足資捍禦其東係髮捻圖
援金陵之路著僧格林沁飭蘇克金等軍由南
陽進兵勦洗並著張之萬派撥重兵扼其東竄免
致由豫入皖掣動金陵大局其分竄老河口捻股

著官文等嚴密截剿各路竄匪如由何路擊動大局惟何省督撫是問其應扼要設防之處並著僧格林沁官文等悉心調派彼此知照毋誤事機

聖朝方略卷三十七

三

欽定剿平粵匪方略卷三百六十八 甲子年

三月二十日 庚申 左宗棠奏言杭州餘杭兩城經

官軍於二月二十四日同時攻克業將大概情

形先行馳奏二月二十一日蔣益澧派提督高

連陞等率各營攻清泰門外觀音堂賊壘派副

將周廷瑞等率各營攻古蕩賊壘派洋將德克

碑用大礮轟攻鳳山門城垣蔣益澧分親兵五

聖朝方略卷三十八

一

哨助之自率四哨為諸路策應卯刻高連陞等

齊抵觀音堂督隊猛進立破賊壘二座賊卡數

處聽逆陳炳汶率悍黨萬餘來援蔣益澧與總

兵劉清亮等馳至將賊擊退時德克碑在饅頭

山開放大礮已將鳳山門城垛轟塌三丈餘蔣

益澧調轉大隊槍上高連陞等緊逼城根我軍

奮勇先登城賊拚死抗拒高連陞王聯芳均受

槍傷猶裹創力戰逾時始收隊還其周廷瑞等
進攻古蕩賊壘因賊營隔水環攻未下乃分兵
先攻葛嶺之賊忽悍賊千餘由錢塘門外來接
都司賀國輝等擊敗之周廷瑞等乘勢將葛嶺
賊壘兩座攻克共斃悍賊七百餘名遊擊徐文
秀等又連破武林門外二壘並古蕩二壘追至
武林門外十里街始收隊而還二十三日蔣益
澧復派水陸各營分攻武林錢塘鳳山望江清
泰各門自率親兵往武林門督戰徐文秀等督
隊疾至十里街躍進內濠奮勇環攻首逆陳炳
汶率悍黨萬餘來援劉清亮等各營分投堵擊
賊勢稍卻時周廷瑞等奮攻賊壘勢已垂破城
中又出援賊數千蔣益澧飭都司謝茂勝等率
洋槍隊緊逼城門轟擊陳逆并死相持鏖戰三

時斃賊極多而官軍傷亡者已四百餘名攻至
酉刻收隊是日賊壘雖未攻拔然悍賊已多傷
亡聽逆是夜四鼓潛啟武林門逃竄蔣益澧急
派徐文秀等軍分兩大隊由武林錢塘等門衝
殺而入蔣益澧率親兵繼之將匿賊悉行駢戮
賊屍枕藉高連陞等及德克碑亦各率所部同
時由鳳山清波清泰慶春等門梯城而入四路
搜殺斃賊數千名生擒千餘名拔出難民無數
卽於二十四日卯刻將杭州省城攻克蔣益澧
一面分軍移紮各門一面抽派馬隊跟追沿途
又斃賊數百名其餘杭踞逆疊經官軍奮擊攻
克倉前李家塘等處賊壘斃賊近千名二十日
夜臣飭各軍環攻城壘賊勢驚亂至曉收隊已
刻復出康國器令遊擊林本等爲前隊同知康

熊飛等繼之倉前援賊經參將吳光亮等衝擊
斃賊不少乘勢將附近蔣元壩賊卡焚燬偽積
王劉逆率悍黨來援官軍立將劉逆轟斃並斬
黃衣賊目多名賊敗走時倉前援賊由橫渡橋
斜抄而出遊擊蔡盛恩中槍落河身死參將古
捷芳亦力竭陣亡勢甚危迫遊擊林珠等率所
部突圍而入奮力衝殺賊始奔潰官軍又斃賊

勦平匪略卷二十八

四

數百名其西門南門所出之賊復被截殺無算
賊勢窮蹙將城中輜重婦女悉搬出城外壘中
臣知該逆將遁當飭各營輪流猛攻並令礮船
駛入餘城南湖以備轟擊城賊益怖二十四日
汪逆海洋率黨由東門向瓶窰一路竄走當將
餘杭縣城收復已革總兵羅大春等各營分路
追殺斃賊甚多追至瓶窰而杭城之賊亦已竄

至與瓶窰踞逆憑壘抗拒臣得報飛飭各營躡
蹤緊追自率親兵繼進賊連夜竄走臣馳抵瓶
窰即飭各營疾追抵安溪關該處悍賊半伏壘
中半匿林內妄冀分股包抄羅大春等先將伏
賊搜剿殆盡乘勢攻壘賊匪紛紛潰竄當將安
溪關要隘攻克餘賊向武康德清等處敗走臣
飭各營緊追武康之賊飭道員楊昌濬率親兵

勦平匪略卷二十八

五

暫駐瓶窰為各路策應蔣益澧分督各營速攻
德清石門之賊以期規復湖州斷賊回竄之路
竊維杭州為全浙根本餘杭又為杭州西北屏
蔽逆首陳炳汶汪海洋負嵎死守大軍數月以
來攻剿殆無虛日茲幸兩城同克浙西大局漸
可次第肅清現據探報逆首黃汝金李遠繼等
團聚湖州侍逆李侍賢及各悍賊又復竄入是

湖州爲諸逆淵藪最爲喫重臣自當殫竭心力
慎以圖之賊在湖境則圍攻賊出湖境則追勦
務將巨寇聚殲免致流毒完善地方此次克復
兩城在事文武不無微勞足錄浙江布政使蔣
益澧等先行懇
恩分別優加獎敘其餘出力員弁兵勇可否容臣查
明從優保獎出自

聖旨

六

恩施陣亡參將古捷芳等均請
飭部從優議卹臣拜摺後卽入省辦理善後事宜
左宗棠又奏言杭州踞逆僞北王錢貴芒前曾
遣人納款獻城嗣因人多謀泄被汪逆知覺將
內應之人概行殺害錢貴芒卽深自隱飾不敢
輕舉自蔣益澧攻入杭城搜勦逆匪錢貴芒卽
率其黨千餘跪伏道旁泣求免死據蔣益澧稟

報前來臣以錢貴芒雖劫於兇威未能立功贖
罪而事前通款屬實尙可貸其一死已飭令分
別遣散挑留奏入

上命議政王軍機大臣傳諭左宗棠曰據奏攻克杭
州餘杭兩城詳細情形蔣益澧前已賞穿黃馬褂
現復賞給雲騎尉世職提督高連陞亦賞穿黃馬
褂以示優獎左宗棠當飭令蔣益澧等益加奮勉

聖旨

七

立功自效杭州餘杭之賊併竄甌窰經左宗棠督
兵攻克該逆踞壘並將安溪關要隘攻奪敗匪分
趨德清武康該督派兵追躡武康之賊而令蔣益
澧督兵速攻石門德清以期進拔湖州郡城著卽
嚴督將士奮勇進攻湖州爲各路賊匪屬聚之區
黨與尙多必思出竄江西不肯坐困孤城左宗棠
當會同蘇皖各軍分布要隘杜賊出走之路以期

聚而殲旃降日錢貴芒既經事前通款投誠尙可
貸其一死餘黨卽著分別遣散挑留

上諭內閣曰杭州踞逆經蔣益澧督率各軍分路環
攻二月二十一等日疊破城外賊壘德克碑在饒
頭山開放大礮轟塌鳳山門城堞三丈餘該逆屢
率悍黨抵死抗拒官軍奮勇攻擊殲斃甚多賊勢
愈蹙二十三日夜該逆啟門潛遁官軍梯城攻入

聖朝聖略卷二十八

八

搜殺餘匪數千名生擒千餘名卽於二十四日將
杭州省城收復餘杭踞逆經左宗棠督飭各軍晝
夜環擊疊有斬擒賊衆洵懼二十四日該逆率黨
由東門向瓶窰一路竄走當將縣城收復左宗棠
馳抵瓶窰派兵追殺立將安溪關賊壘攻克餘賊
向德清武康等處敗走勦辦甚屬得手仍著左宗
棠督飭各軍乘勝進攻湖州郡縣迅掃逆氛廓清

全浙浙江布政使蔣益澧奮勇勦賊克拔堅城前
經降旨賞穿黃馬褂著再加恩賞給雲騎尉世職

提督高連陞著賞穿黃馬褂權授浙江省總兵德
克碑帶兵助勦尤爲出力著賞給頭等功牌並賞
銀一萬兩以示嘉獎道員楊昌濬著賞加按察使
銜康國器著遇有福建道員缺出請旨簡放並賞
加按察使銜總兵王月亮劉榮合均著賞加提督

聖朝聖略卷二十八

九

銜並賞給三代從一品封典劉清亮著交軍機處
記名遇有提督缺出請旨簡放楊政謨劉連陞均
著賞加提督銜副將周廷瑞劉樹元王聯芳均著
交軍機處記名遇有總兵缺出請旨簡放彭大光
著交軍機處記名遇有閩浙水師總兵缺出請旨
簡放簡桂林著交軍機處記名遇有閩浙總兵缺
出請旨簡放並賞給傑勇巴圖魯名號己革總兵

羅大春著開復原官遇有閩浙總兵缺出請旨簡
放總兵楊和貴著賞給揚勇巴圖魯名號副將曹
魁甲著賞加總兵銜並賞給兩代二品封典遊擊
徐文秀著免補遊擊以副將仍留浙江遇缺卽補
並賞加總兵銜參將李運榮著以副將補用並賞
加總兵銜副將羅啟勇著賞加總兵銜並賞給確
勇巴圖魯名號參將馬德順著以副將仍留浙江

欽定剿平粵匪方略卷六十八

十

補用並賞加總兵銜吳光亮著以副將仍歸江西
補用並賞加總兵銜四川補用副將劉清望著以
副將改留浙江補用並賞給勁勇巴圖魯名號遊
擊余朝貴著以副將仍留浙江補用林珠林本均
著以參將仍歸江西補用並賞加副將銜翁桂秋
著以參將補用並賞加副將銜席得元等均著以
參將仍留浙江補用並賞加副將銜都司王東林

著以遊擊仍留浙江儘先補用並賞加副將銜賀
國輝等均著以遊擊留於浙江補用並賞加副將
銜謝茂勝等均著以遊擊留於浙江補用胡榮著
以遊擊補用守備姜子豹著以都司補用千總李
國棟著以守備補用並賞加都司銜道員朱明亮
著賞加按察使銜同知魏光祜等均著免補本班
以知府仍留浙江遇缺卽補補用同知直隸州知

欽定剿平粵匪方略卷六十八

十一

州吳作梁著免補本班以知府仍歸湖南遇缺卽
補並賞給該員祖父母父母正四品封典同知康
熊飛著免選本班以知府留於浙江補用遊擊高
有志著以副將儘先補用參將丁應龍等均著賞
加副將銜陣亡之參將古捷芳遊擊蔡盛恩均著
交部從優議卹其餘山力陣亡各員弁著左宗棠
查明分別奏請獎卹

二十一日辛酉會國藩奏言金陵城賊常放婦女幼孩出城以爲節食之計洪會忠逆堅忍異常前此兩次掘穿地道及雲梯猛攻均未得手鮑超一軍於三月初六日與賊戰於句容城下賊衆大敗次日克復縣城檢斬僞漢王項大英僞列王方城等從此金陵城外賊壘悉爲我有當不能以大股衝出貽患他方惟營中餉需奇絀

聖朝聖業書卷八

十一

米糧昂貴深慮軍心不固另生波折杭城克復後賊由德清併入湖州該處股數日多恐仍將覓食上竄臣與左宗棠之師在徽浙之交節節布置以防羣賊再犯江西其前此竄入建昌之賊一趨南豐一趨新城並分股擾及廣昌界席寶田劉勝祥韓進春等均在南豐二月二十三

營一軍亦由貴溪馳赴南豐新城若能克復該縣使前股不能立定巢穴則後股亦難跟蹤上竄庶勦辦易於得手

同日沈葆楨奏言髮逆竊伺建郡經官軍痛勦後河西賊館旣破宜黃之路亦隔僞沛王遂於二月十九日潛竄南豐縣城僞天將譚幅以悍黨數萬人築壘於城之西北爲固守計僞王宗

聖朝聖業書卷八

十一

一股於新城各鄉肆行擄掠僞天將林正揚一股犯廣昌界二十二日席寶田劉勝祥率隊進勦紮營於百花亭距南豐城二十里韓進春營於其右之謝坊二十三日韓進春由右路進踏毀包坊賊館截殺二百餘名近逼城根劉勝祥破其左路山卡與精毅營檢斬各以百計斃逆目金添幅一名該逆退伏城中二十四日席寶

田等分路進攻沛逆譚逆於去城十里之羅蒲
洲迎敵猛撲祥字營數次我軍屹立不動遊擊
張集雲等直搗賊堅遊擊陳宜道等分隊旁襲
環攻移時都司朱勝祥等以火彈火箭奮擊賊
衆大亂沛逆踉蹌入城譚逆負創而西當將北
門逆壘四座平毀我軍乘勝截殺逆衆望風駭
遁千總會佐朝陣斬僞天將譚幅一名河東之

聖朝聖恩書卷十八

十四

賊由上游淺灘渡河東門亦出賊數千馳援均
爲總兵邊曉堂等擊退沛逆復自北門出大股
回撲我軍合隊蹙之該逆敗匿城中統計殺賊
三千餘名溺斃千名生擒七百餘名二十五日
韓進春進紮離城五里之樟樹下以牽制城賊
三月初一日席寶田等會隊攻城槍礮環施該
逆堅匿不出臣以皖浙防兵旣集調回精捷營

進新城繼果營進南豐與席寶田等合力夾剿
以期迅速會纖水師統領臬司劉于濬等均派
飛划上駛護南贛鎮總兵普承忠亦抽隊前進
計日內可陸續到齊會同攻剿內閣侍讀銜前
翰林院編修吳嘉賓因賊攻三都督團迎剿力
竭遇害殊堪憫惻可否仰懇

聖朝聖恩書卷十八

十五

天恩飭部加等議卹准於殉難地方建立祠宇以慰
忠魂陣亡之擬保把總黃永全袁正泰並懇
飭部照把總例從優議卹
同日總理各國事務衙門奏旨江浙軍務日有
起色蘇杭疊報克復惟金陵城大而堅悍賊屬
聚聞曾國藩等圍城之軍不下六七萬衆將士
極爲用命而餉需短絀不能全數關支現當攻
城喫緊之時功在垂成亟應竭力共圖以期迅

速蒞事茲 臣衙門查有上年奏請購買輪船經費銀三十七萬五千兩又江海關舊存零稅銀一十一萬四千六十四兩六錢又輪船餘款銀四千八百十六兩三錢四分洋錢一萬六千九十七圓現在金陵攻剿喫緊軍餉尤關緊要自應移緩就急先顧此項餉需所有前項銀兩可否全數撥解曾國藩軍營恭候

聖皇聖考略卷二十八

十六

命下欽遵辦理均奏入

上命議政王軍機大臣傳諭曾國藩李鴻章沈葆楨曰沈葆楨所奏南豐新城等處剿賊情形曾國藩亦經陳及卽著該督撫督飭席寶田等軍趕緊會合聚殲羣醜速將南豐縣克復使賊股不能上竄其徽浙之交曾國藩與左宗棠所部節節布置並著嚴密堵扼毋使羣賊再行越犯江境總超一軍

克復句容後究作如何調度是否飭令進攻丹陽金陵一有可乘之機曾國藩自當督令曾國荃激勵諸軍迅圖攻拔揜渠埽穴以成全功總理各國事務衙門奏金陵功在垂成而餉需短絀竭力籌濟以期迅速蒞事著卽照所請將該衙門上年奏撥輪船經費等項銀五十萬有奇全數撥歸曾國藩軍營充餉曾國藩得此協餉尤當飭令曾國荃

聖皇聖考略卷二十八

十七

奮力圖功穩慎進取激勵將士迅奏膚公以副厚望內閣侍讀銜前翰林院編修吳嘉賓於賊擾南豐縣之三都地方督團力戰力竭被害著卽交部加等議卹並准於殉難地方建立專祠以慰忠魂擬保把總黃永全袁正泰剿賊陣亡均著照把總例從優議卹

同日吳棠奏言 臣前因賊竄福山江防喫重擬

將黃開榜一軍入江協剿茲疊據富明阿及沿江州縣文報南岸官軍將賊擊退江陰福山一帶已無賊蹤等語是江防情形已鬆黃開榜所帶水師本駐高寶內湖西卽天六淙壽等處防守亦關緊要且江防旣鬆又派大隊南下恐沿江居民轉多驚擾臣現飭黃開榜暫緩赴通一面函商富明阿如須添兵協剿卽抽撥水陸各

軍兼程赴援不敢稍有遲誤奏八報

聞

二十二日壬戌馮子材魁玉奏冒丹陽西門緊靠

練湖賊就湖頭村扼要築壘三月初八九等日鎮防各營進紮西門一帶更番轟擊總兵張文德復派軍功劉洸如等紮營湖埂以牽賊勢十一日賊大股萬餘由湖隄出撲另股逆援從南

路衝突西門營盤張文德飭令各營分列堵擊並派遊擊杜日新管帶礮隊協守湖埂營卡該逆悉銳下壓槍礮不絕又於湖內排列礮船水陸轟撲甚急劉洸如等多方扼守斃逆無算賊復分張兩翼衝入南路之賊亦合隊而來張文德親率所部縱橫兜剿馬隊四面蹴之賊衆潰逃我軍連毀礮臺二座跟蹤追殺共斃賊二千餘名十二日城逆千餘復從西門出犯亦經官兵擊退臣等聞報飛飭守備劉連陞管帶礮划駛入練湖堵賊運道城逆乘夜開掘西城隄埂俾湖水外洩圖覓竄路張文德知賊勢已蹙於十四日派各營圍撲湖頭村轟擊多時城逆糾黨來援張文德揮軍分紮湖埂擱頭截剿副將楊青山帶隊猛攻逆壘肉薄先登賊衆驚竄我

軍斬馘無數湖埂賊援望風逃匿奪獲洋礮器械船隻甚多另股馬步悍賊數千人竄過黃墟村總兵詹啟綸派參將林成興等迎擊賊衆驚竄官軍乘勝掩殺追過大缺口地方逆黨數萬又自禹王廟至黃墟村一帶蠶屯蟻聚意在築壘負嶠層啟綸親率副將李有才等馳抵長灣岡三路分抄往來衝殺賊勢不支望禹王廟一

聖朝聖略卷十八

三

路回遁臣等仍令詹啟綸督率北路各營相機堵擊並飭張文德激勵將士由西而南設法合圍力圖攻復奏入

上諭曰仍著督飭張文德等會合詹啟綸一軍相機攻勦力拔堅城不得稍有疏懈

馮子材魁玉又奏言欽奉

諭旨當明阿所奏收撫白兔降賊情形與馮子材所

奏攻取白兔各情不甚相符查白兔燕坡橋寶堰各賊壘均在西南一帶互相犄角臣等因其距鎮窻遠攻勦未便密飭楊青山設法招撫但得一處歸正其餘方可進攻嗣據燕坡橋頭目余經鳳李知春等密約乞降願率所部隨勦附近賊壘二月十六日楊青山等進攻白兔該逆憑巢抗拒官軍受傷一百餘名次日復以火器更

聖朝聖略卷十八

三

番轟擊賊勢始蹙又見燕坡橋反正萬難孤立棄壘而逃除臨陣俘馘外大半併歸寶堰當將賊營四座焚燬此係當時分別勦撫實在情形如果白兔一鎮先經受降何必重勞兵力又何必將該處營壘一律踏平至降衆輜重送往鎮城一節緣余經鳳等雖已就撫仍在燕坡橋駐紮因將家屬眷口先行送出安頓於磨盤山下

距鎮約十餘里並無輜重進城之事刁經明所稟各情卽係燕坡橋之誤該員係在南路甘棠橋防勦於西路軍事本非目擊自不免傳聞異辭相應繕晰具陳奏入報

聞

二十三日癸亥徐宗幹奏言皖南賊匪由江西玉

山廣豐德興樂平等縣分股四出掠食另股擾

及崇安相近之鉛山縣屬黃公橋等處經遊擊

劉朝太督同兵團截勦斃匪多名該逆旋由鉛

山竄往弋陽瀘溪金谿等縣其前隊已入江西

撫建兩屬界內江省有重兵迎擊恐其被勦窮

蹙四路奔突亟須備豫不虞茲飭已革參將蔡

潤澤等管帶兵勇在浦城縣二渡關等處分布

嚴防劉朝太督率兵勇於崇安縣岑陽分水等

欽定剿平粵匪方略卷三十八

三

關扼守總兵袁良等軍駐紮建陽縣居中策應

道員陳維漢由延平至邵武會同佟慶等帶領

兵勇前赴光澤邵武等縣聯絡團防分守關隘

總兵趙連帶兵前往汀屬邊界扼要堵截兼杜

土匪勾引復於省標各營挑選精兵親督操演

以備調遣查閩境建邵汀等府毗連江西各邑

袤延千餘里處處可通惟有分飭帶兵各員視

賊所向擇要堵禦何處有警卽飛速應援並於

附近地方激勸鄉團協同防守設或賊蹤竄越

臣卽帶兵出省督飭諸軍相機防勦惟督臣一

時未能凱旋副都統蘇克金亦未到任新任將

軍英桂計已出京伏乞

飭下該將軍迅速來閩俾臣得以專顧邊防奏入

上命議政王軍機大臣傳諭英桂左宗棠徐宗幹曰

欽定剿平粵匪方略卷三十八

三

皖南賊匪由江西玉山等縣分股四出掠食擾及崇安相近之黃公橋等處經遊擊劉朝太等督團截剿小有斬擒該逆旋由鉛山竄往弋陽等處前據沈葆楨奏賊竄南豐新城已諭令該撫等嚴密防剿該匪窮無復之必圖擾及鄰境新城與光澤邵武等處均屬毗連徐宗幹現派已革參將蔡潤澤等帶領兵勇前赴浦城等處扼防著卽督飭各

聖朝聖略卷二十八

五

員勤加偵探遇賊卽擊並令地方文武聯絡紳團以收衆志成城之效如其賊蹤竄越邊防緊急著徐宗幹相機出省督剿浙省軍務漸平左宗棠身任兼圻自應力圖兼顧能否撥兵助防並著酌量辦理張運蘭屢經有旨飭催赴任著徐宗幹迅咨毛鴻賓催令帶勇起程英桂簡任福州將軍爲日已久現在因病請假著俟假滿卽行起程赴閩與

徐宗幹會商辦理

二十四日甲子安徽巡撫喬松年奏言臣在安慶

接受撫篆卽日起程於三月初三日行抵臨淮知僧格林沁已拔營赴豫深恐民心反側卽於初五日赴懷遠蒙城一帶周歷巡查拊循彈壓十四日仍回臨淮駐紮現令按察使英翰扼紮雒河總管克蒙額總兵張得勝等分防要地總

聖朝聖略卷二十八

五

期呼吸相通緩急可恃惟聞張總愚一股已與髮逆相合恐其導賊來擾皖北潁宿之閒楚豫接壤之區皆須設防兵力不敷分布臣已飭帶兵官添募勇一千名勤加訓練藉資調遣奏入上諭曰所籌布置機宜均尙妥協卽著實心辦理以副委任張總愚一股勾合髮逆恐其竄擾皖北該撫當飭張得勝等將所部兵勇勤加訓練備豫不

虞毋稍鬆懈

二十五日^{乙丑}富明阿奏旨據總兵詹啟綸稟報

三月十四日有馬步賊眾數千竄過黃墟村距

詹啟綸前敵營盤數里詹啟綸派參將林成興

等帶隊迎剿兩路包抄陣斬黃衣賊目餘賊驚

竄官軍追至大缺口復有賊黨數萬屯聚禹王

廟黃墟村一帶意圖築壘久踞詹啟綸飛傳各

營齊赴屯灣岡親督副將孫文友等三路抄襲

賊眾敗遁我軍旋亦收隊共殺賊數百名生擒

數十名十五日大股賊眾於西瓜山下偷築營

壘四座詹啟綸即親督馬步馳往攻取該逆糾

眾譚擁前來遊擊胡世英等直搗中堅孫文友

等進攻南路副將刁經明進攻北路侍衛訥依

楞阿等帶馬隊左右包抄該逆列陣十餘里亦

分三股抗拒胡世英首先陷陣南北兩路並進

槍礮夾擊斃匪多名訥依楞阿等從旁抄擊賊

眾敗潰我軍直抵山下賊壘詎該逆拌死抗拒

各營傷亡甚多且戰且退賊眾尾追里許詹啟

綸飛調劈山礮隊伏於路側出賊不意排列轟

擊斃賊無算胡世英等奮力衝壓詹啟綸揮令

各營繼進所向披靡賊始大潰自相踐踏我軍

追至西瓜山下立將賊壘四座踏平復追過禹

王廟掩殺二十餘里斬獲一千餘名_臣因丹陽

賊勢屢敗恐其復竄江邊壘飭沿江各口加意

嚴防頃據水師總兵吳全美稟報十三日夜聞

偵知逆眾出竄當即飛棹上駛瞭見恤蔭沙隄

岸經總兵魏麟彪等開礮堵遏因轉棹南下親

督副將張殿雄等率勇登岸抄近賊隊東面賊

亦分股來拒我軍奮勇衝殺斃賊甚衆該逆死
拒不退當派遊擊羅浩華撥隊由隄內包抄兩
路兜擊賊匪敗退我軍乘勢掩殺大股賊衆亦
經師船擊退十四日夜開賊復由江干紮壘圍
竄太平洲十五日馬步賊萬餘由劉港竄至姚
家橋江邊另股紛竄恤蔭沙武家橋郭家港一
帶當飭魏麟彪等嚴密堵截親督各船隨進隨
擊並飭張殿雄等槍上隄堦奮呼迎殺斃賊甚
多賊恃劉港援逆屬至拌命鏖戰各軍乘勝衝
擊參將賴進勝等奮力夾攻賊卽敗潰我軍三
面兜擊賊向東南田中小路遁逸官軍追殺不
少劉港援賊亦飛奔歸巢其竄往恤蔭沙武家
橋等處之賊亦經魏麟彪等分投迎擊轟斃甚
衆層啟綸以援賊復於黃墟村一帶築壘五座

聖朝聖略卷之六

天

意圖牽掣我軍並請添撥兵勇助剿等因查南
岸逆衆因常州丹陽大軍進逼無路可歸四出
狂竄雖經揚鎮各軍疊挫兇鋒而賊勢衆多時
思逞志現又築壘相偪意圖立足江邊併力搶
渡目前固處處宜防卽將來金陵常州克復設
餘逆奔竄丹鎮首當其衝非厚集兵力不足制
其死命臣現添調總兵楊心純帶勇五百名參
將劉福興帶勇四百名剋日渡江助剿嚴飭層
啟綸會合鎮軍穩慎進取並函商鮑超分兵扼
紮丹城之南使援賊不敢覬覦兼斷金壇後路
至沿江下游之賊現已併竄上游而太平洲江
面極窄尤須添船駐紮嚴防窺伺復飭吳全美
酌撥師船馳赴上游堵剿委參領圖普新中槍
陣亡相應請

聖朝聖略卷之六

天

旨交部從優議卹奏入

上命議政王軍機大臣傳諭富明阿馮子材魁玉曰
揚防官軍渡江援勦將黃墟村及西瓜山逆衆擊
敗立將賊壘踏毀現在賊勢尙衆復於黃墟村一
帶築壘五座意圖牽掣官軍阻遏進攻之路富明
阿已添調總兵楊心純等渡江助勦著卽飭詹啟
綸等聯絡鎮江各營速將賊壘掃除以期會攻丹

欽定剿平粵匪方略

卷三十八

三

陽至鎮江之師前已將丹陽湖埂逆壘攻克進偪
西門著馮子材魁玉卽嚴督張文德等前敵各營
會合揚防援師互相策應一面聯絡鮑超所部迅
將丹陽城池攻拔毋稍遲緩沿江一帶屢有逆匪
出竄並有大股欲由江干紮壘爲竄渡太平洲之
地沿江下游之賊併竄上游太平洲江面又窄尤
須防其搶渡北岸富明阿已飭吳全美酌撥師船

添赴上游堵勦著飭水師各營將士嚴密梭巡毋
稍大意揚營陣亡之委參領圖普新著交部照委
參領陣亡例從優議卹

欽定剿平粵匪方略

卷三十八

三

欽定剿平粵匪方略卷三百六十九 甲子年

三月二十六日丙寅左宗棠奏言杭州餘糧

經官軍攻克後逆賊一趨武康一趨德清臣以

武康德清為湖州屏蔽石門為通杭湖要道必

先克此三城而後可進圖湖郡當飭楊昌濬督

率各營由瓶窰安溪關進規武康飭蔣益澧分

軍進規石門德清飭李耀南等馬步七營出孝

聖皇聖考卷十九

十一

聖皇聖考卷十九

二

豐武康之間截剿竄賊楊昌濬等疊破鋒頭上

陌各賊卡進攻武康縣城先是武康逆目吳開

俊曾遣人通款於羅大春約為內應楊昌濬令

羅大春率所部先進曉以禍福一而飭余萃隆

等各率所部駐上陌偪之時陳逆炳汶汪逆海

洋及侍輔利來各賊酋屬聚德清賊眾不下十

數萬三月初一夜張聲恆密遣降人乘夜潛入

賊中燒燬賊營賊館數處羣賊驚擾達旦初三

日紛紛由德清遁入武康羅大春率親兵遇賊

於黃洞橋殺賊數十名溺死無算立將黃洞橋

拆毀連夜各營分伏武康城邊用火器攻擊城

賊大震降人楊芸桂等約為內應初四日羅大

春等薄城環攻逆首吳海勝憑卡抵拒楊芸桂

等開門迎納官軍吳海勝棄卡逃遁羅大春等

一面入城一面分兵追剿直抵三橋埠適德清

之賊大股擁至吳海勝復率眾回鬪官軍扼橋

抵禦排礮轟擊斃賊數百名賊始敗走立復武

康縣城其德清一路經蔣益澧令高連陞王月

亮兩軍進駐上七鋪地方探悉陳汪二逆將由

德清竄走侍逆殿後初五日高連陞馳抵城西

見城賊開門逃竄高連陞等策馬衝入詎街巷

破屋中伏賊突起出城之賊仍折回抗拒高連陞等併力猛攻自辰至未鏖戰四時之久城賊洶懼棄城而遁官軍分路追殺擒斬悍賊數百名奪獲大小船隻數十號當將德清縣城克復蔣益澧復飭李邦達等進逼石門踞逆鄧洗明山城乞降初五日將縣城收復臣與蔣益澧提訊鄧洗明據供罪民久已蓄意投誠因爲陳炳

欽定剿平粵匪方略卷十九

三

欽定剿平粵匪方略卷十九

四

汝所偏不能猝脫現惟束身歸命以俟刑誅臣見其左手已廢疴瘠特甚縱令乞降非真抑亦殺之不武旣不忍以其求生而置之死傷

朝廷好生之仁更不敢因前奏該逆業已陣斃稍涉迴護因傳令免死令挑其黨之悍者分爲數營隨同進剿以規湖郡其先竄德清之僞利王僞來王一股繞出武康之西圖竄孝豐初五日

李耀南等督率各營出箚頭鎮截擊該逆急向荻浦竄去正追殺間陳炳汝一股續又竄至羣邦光率隊從旁殺出斃匪數百名賊勢大潰利逆率衆回援劉明燈等馳至夾擊又斃賊數百餘逆棄械狂奔官軍乘勢追殺斃賊無算拔出難民數千該逆經官軍屢次痛勦人心渙散李侍賢楊輔青陳炳汝等逆圖分路以竄廣德孝豐黃汝金李遠繼等逆圖守湖郡及見官軍逼近李遠繼又欲由安吉以竄甯國初八日高連陞等乘賊勢紛亂率師急進行至離湖州四十里地方遇賊隊纒擁而來縱兵大擊斃賊數千名焚燒賊船千餘號羣賊望風潰竄頃據探報前由孝豐竄去賊股已繞從千秋關太陽埠竄至昌化縣境臣前因蘇皖諸賊麇聚湖州卽慮

突犯上游擾我完善當飭分水新城嚴州遂安各處守軍嚴防並調康國器張聲恆兩軍赴臨安截剿現賊既悉由廣德孝豐上竄嚴遂之防尤為緊要臣又加派劉清亮各軍由新城赴嚴州唐學發等營水師於桐嚴一帶梭巡各軍若前後夾擊或可聚而殲旃卽有漏網他竄臣當督飭各軍出境追剿務將此股肅清此次尤為

聖學聖略卷十九

五

出力各員謹先行開列懇請分別獎勵其餘出力員弁可否由臣存記俟克復湖州彙案保獎山自

天恩

左宗棠又奏言臣於三月初二日進駐省垣巡視各城堞身閒有轟坍之處尙易修葺惟駐防城身概行拆卸房屋但存牆壁省城以內倉庫

衙署蕩然無存街市房屋大半拆毀存留遺民及陸續來歸者合計不過數萬口現已遴派官紳設立賑撫局收養難民掩埋屍骸並一面招商開市一面將急須修濬工程辦理以期通商惠工暫救時局其餘善後事宜容再次第籌辦奏入

聖學聖略卷十九

六

上命議政王軍機大臣傳諭曾國藩左宗棠李鴻章沈葆楨曰武康德清為湖州屏蔽石門為通杭湖要道現經左宗棠督飭各軍次第克復該逆疊受懲創人心渙散官軍自可乘勢進取湖州惟賊會李侍賢楊輔青陳炳汶等圖竄廣德孝豐李遠繼又欲由安吉以竄甯國而竄往孝豐之賊已繞從千秋關太陽埠竄至昌化縣境該逆窮無所之希圖突犯上游苟延殘喘左宗棠卽嚴飭水陸各軍

前截後追乘該匪喘息未定聚而殲旃毋任漏網他竄江忠朝曾否已抵江省陳鳴志等所統江忠義舊部現紮何處著沈葆楨酌度機宜或卽派此軍赴江西浙江毗連處所扼要駐紮以杜該匪上竄之路如已乘間闖入江境卽著左宗棠檄飭諸軍迅速越境追剿務將此股竄匪悉數殲除俾江省得以悉力南豐新城肅清腹地高連陞等率師

欽定剿平粵匪方略卷三十九

七

進趨湖郡此時計已緊逼城下左宗棠當乘機鼓舞令其迅拔堅城廓清全浙前因嘉興克復諭令李鴻章督率李朝斌等會同浙軍設法進取湖州現在浙軍業已前進著李鴻章分兵會剿兩路夾擊用收速效廣德甯國一帶係湖賊出竄要衝李侍賢等又有圖竄廣德等處之議該處防剿正緊會國藩前有會同浙師在徽浙之交節節布置之

奏刻下廣德甯國等城防兵是否足資分布著會國藩妥籌調派務將廣德甯國一帶賊竄之路嚴密堵截毋稍大意鄧光明束身待罪左宗棠見其左手已廢庭瘠特甚准暫免一死辦理自屬正大所部悍黨現經分爲數營隨赴湖州攻剿並著左宗棠密飭湖州各營將領加意防範毋令別滋事端江西大兵雲集所有竄踞南豐蔓延新城之賊

欽定剿平粵匪方略卷三十九

八

著沈葆楨激勵將士痛加勦洗務使前竄股匪盡皆殄滅庶後股不敢接踵而來杭城兩次淪陷被禍尤酷存留遺民及陸續逃歸者合計不過數萬覽奏曷勝矜憫左宗棠現已設局賑撫收養難民並將善後各事宜逐一興辦卽著督飭在事官紳認真經理不可有名無實上諭內閣曰浙省官軍克復杭州餘杭後餘匪分竄

武康德清等處經左宗棠派令楊昌濬蔣益澧等分路進攻三月初四日將武康縣克復德清一城經高連陞等併力猛攻賊勢不支棄城而遁德清縣城亦即收復蔣益澧復飭李邦達等進逼石門踞逆鄧光明出城就撫於初五日收復石門縣城李耀南等並將圖竄孝豐匪股迎頭截擊殲斃無算拔出難民數千名勦辦均屬得手著左宗棠督

欽定四庫全書

九

欽定四庫全書

十

飭諸軍一面搜勦敗賊一面迅拔湖州府城肅清全省尤為出力之知府李耀南著以道員仍留浙江補用直隸州知州李邦達著以知府留於浙江補用副將劉明燈著交軍機處記名遇有浙江福建總兵缺出請旨簡放余萃隆著以總兵留於浙江福建補用其餘出力員弁准由左宗棠存記彙案保獎

二十七日 丁卯 官文嚴樹森奏言欽奉

諭旨漢中賊匪沿江而下令臣等相機防剿漢中之賊本有分三路東下中至鄖陽南至竹山北至商州之說嗣據探報偽扶王偽天將倪逆等由商南太古河一帶竄至浙川之西坪其後股偽端王偽遵王偽啟王各逆因鄖邊有備亦由鎮安山陽一帶接踵東趨已至雒南之灰池地方皆係由陝西邊境陸路行走並無由漢江水路而下者前說自係傳聞之誤惟髮逆頭股已由內鄉竄至鄧州之厚坡距河口僅數十里勢將與陳大禧一股會合後股竄至雒南又將與竄往嵩盧之張總愚捻股會合秦楚豫各邊千有餘里數十萬之賊屬聚其間實為可慮髮逆意在取道楚豫救援金陵此時我軍全注上游更

慮其以一股牽掣各軍另以大股繞由唐桐信羅一帶關入隨德以趨下游則腹地空虛更形喫重臣等已飛飭梁洪勝一軍探明髮捻各匪如有分股由鄧新東下之信卽速回軍內顧河口距鄖陽不遠亦飭梁作楫嚴爲戒備樊城各河道現有唐瑞廷等礮船分段駐守又將嚴定國原帶礮船二十隻分撥該二員管帶以厚兵力

聖學聖略卷十九

十一

力至下游沿江一帶爲髮逆赴皖之路已飭蕭恆勝將所部五營分守黃岡黃陂黃安各城池又將由皖調回之萬化林李濟清所部礮船爲江湖游擊之師並咨會舒保督帶馬隊至孝感之小河司與石清吉相機堵扼奏入

上命議政王軍機大臣傳諭僧格林沁官文嚴樹森張之萬曰漢南髮逆已竄至鄧州之厚坡將與陳

大清一股會合後股竄至雒南又將與竄往嵩盧之張總愚捻逆合股楚豫各邊防務喫重官文等現派水陸各兵防堵上下游所籌均尙周密第賊勢正盛而官軍分布各處必須總統有人方能事權歸一著官文卽日出省督師分飭各路將士將西趨老河口捻股乘勝剿滅並偵探髮逆蹤跡迎頭截擊毋令與捻匪蔓延爲患嚴樹森居守省垣

聖學聖略卷十九

十二

務將漢黃一帶嚴密防範僧格林沁移軍嵩縣計張總愚一股不難剋日殄除惟髮逆頭起竄擾鄧州境內後股又竄雒南必須痛加剿洗方能遏其兇鋒不致竄擾腹地著僧格林沁會同張之萬督飭南路各軍與楚師兩路夾擊速殄賊氛

二十八日戊辰毛鴻賓奏言探報金陵逆賊僞侍王李侍賢分大股上竄其前隊廣東花旗股匪

已由浙繞越江西之廣豐玉山漸及撫州建昌地界獲賊供稱該逆有回竄粵東之意查咸豐六年廣東紅匪大股數十萬人竄擾吉安等處會石達開至臨江勾結其眾另編花旗股匪肆擾多年其黨與散歸者亦數萬人時虞蠢動前聞侍輔諸逆有由福建江西回竄廣東之說臣前度該逆乘閒上竄為浙蘇皖之軍備窮蹙

聖朝聖略卷十九

十三

糧道漸斷必分股肆擾出險求生以冀掣動官軍進規杭湖之勢以大勢論之江楚當防其竄擾未必遽及廣東及聞侍逆大隊為浙師所截獨花旗及沛逆一股裹糧疾馳先期竄入江境是此股賊匪本無定向又非若侍輔諸逆與金陵有互相維繫之心其回竄廣東勾結黨與以圖一逞亦情勢所應有粵東伏莽徧地尤易勾

結蔓延不可不早為之備現在足備堵剿者僅有張運蘭所部湘勇三千人臣現飭移紮南雄州探明賊蹤相機辦理兼顧韶南一帶邊防如賊已占踞城邑即當越境助剿以期聚殲復飭知府劉德謙管帶信字營移紮樂昌以資鎮壓仍飭添募楚勇三千人期與張運蘭一軍相為犄角以厚兵力其嘉應州一路毗連福建江西兩省道路紛歧擬飭副將方耀挑選所部潮勇三千名駐紮鎮平兼顧平遠大埔邊防現准閩浙督臣左宗棠來咨飭令張運蘭挑選所部二千三百人馳赴福建臬司本任臣查廣東現存兵勇均不得力此時張運蘭一軍未可輕離粵境如探明撫建一帶官兵可以合圍環攻杜其四竄即當飭令張運蘭酌量會剿顧全大局奏入

聖朝聖略卷十九

十四

上命議政王軍機大臣傳諭左宗棠毛鴻賓徐宗幹
郭嵩燾曰皖南竄越江西逆黨早有由新城等處
圖越閩境光邵一帶者並有回竄廣東之說誠不
可不豫爲之防前據左宗棠奏請飭福建臬司張
運蘭前赴本任以資防勦此時張運蘭一軍不可
輕離粵境而閩省防勦亦亟須豫籌布置著左宗
棠徐宗幹迅催曾元福內渡之軍回顧腹地以資

欽定剿平粵匪方略卷十九

十一

調遣其南韶與嘉潮兩路均屬不可大意而嘉潮
民俗尤悍逆匪由閩之邵汀一路奔趨路尤徑捷
且恐其黨與散歸者於該處爲多張運蘭如移紮
此路相機堵勦於閩省聲息較通卽以劉德謙新
募楚勇專防南韶亦覺便捷著毛鴻賓等妥籌辦
理

二十九日 己李鴻章奏 臣於三月初十日由

青陽行抵常州十四日徧察城西賊營橫亘二
十餘里分爲兩路一當西北通丹陽一當西南
通金壇中夾運河左右環紮形如列星訊據逃
賊供稱踞逆僞護王陳坤書所部人衆數萬蘇
錫宜溧敗賊併歸常州又添數萬現城內外衆
尙十萬惟兩廣悍黨尤多因溧陽路斷丹陽金
壇又有官兵圍攻無路可竄城中糧食尙支四

欽定剿平粵匪方略卷十九

十二

五月護逆決志死守待援等語 臣飭劉銘傳由
北門先攻西北遠處賊營破其一座乘勢進攻
新插三管用炸礮轟塌營牆數丈劉銘傳親督
將士大呼齊進立將踞賊七百餘人圍殺淨盡
護逆率衆渡河來援將過浮橋賊壘已破黃翼
升劉銘傳乘賊半渡揮衆迎擊賊匪落水死者
千餘人南岸頭營二座亦卽潰退十七日 臣先

令王東華帶水師三營由隔湖萬年橋進擊郭松林楊鼎勳合攻陣渡橋大石壘復調程學啟礮隊協攻自辰至午壘賊死力堅拒揚鼎勳親率將士奮呼殺入郭松林帶隊填濠而進令易用剛繞堵賊壘後門賊屢衝不出悉數捨斬迤南三營相繼潰走郭松林督軍追殺連踏賊壘六七座鄭國魁築營新厠賊隊隔河相拒劉銘傳分搭浮橋過河猛追賊不能支王東華礮船適由三河口衝出軍勢正合臣與李鶴章飛調周盛波等折回向西北與劉銘傳前後夾擊賊衆緣河狂奔自相蹂踐死者甚衆王萬釗曾明魁以槍隊排擊斃賊無數有廣賊數千回戈迎戰郭松林等縱橫衝殺斃二千餘人又踏平沿河賊營二十餘座鄭國魁張桂芳卽扼紮河

北高壘三座郭松林楊鼎勳扼紮河南堅壘五座於是丹陽金壇兩路俱斷祇西門城根尙有賊營六座緊護城身小南門尙有賊壘一座土營兩座十八日張樹聲周盛波合攻小南門賊營劉銘傳郭松林合攻西門賊營羅榮光用炸礮轟倒小南門橋上石卡周盛傳乘勢攻奪土營及石營之賊皆潰我軍捨斬多名張樹聲復督隊向西門追擊賊方踞高阜拒戰張樹珊等直衝而入繞出賊後賊衆駭奔張樹聲乘勢攻奪一營殺斃悍賊數百名郭松林劉銘傳等由西北兩路夾攻復踏毀靠城賊營三座其西北城角兩營亦卽潰退時護逆在西門城頭見各營不守立將城門堵塞營中潰賊多係兩廣悍衆盡向城根奔竄各軍三面擠殺填屍盈河所

有城外賊營數十座一律掃平我軍分壘屯駐
長圍已合戈登屢請帶隊協剿常州臣准令前
來適於十八日起到西門正我軍合力攻營之
候亦以炸礮助剿查蘇省賊衆屢敗併聚金陵
常州兩城拌死鉅險互爲犄角若任其他竄必
貽鄰省無窮之憂茲因嘉興克復湖州之賊全
數上竄蘇省東南防務稍鬆自應併力常郡設

欽定剿平粵匪方略卷十九

十九

法攻城臣飛調劉士奇王永勝帶五營行隊用
程學啟攻嘉興巨礮分攻正南門小南門令劉
銘傳炸礮隊攻北門郭松林攻西門張樹聲攻
東門約期並舉惟常城係各路敗賊精銳所集
約有十萬其兩廣悍衆積年死黨一旦窮蹙無
歸勢必拌死拒守爲萬死一生之計臣惟設法
招撫一面開礮轟擊脅以兵威仍離其衆心相

機妥慎籌辦

同日馮子材魁玉奏冒丹陽逆匪自西路被劫
後援賊屯聚東北聯營築壘悉力相持三月十
九日大股悍賊先後圍撲遊擊胡世英等前敵
各營總兵詹啟綸督飭所部開放槍礮壘殲前
鋒逆目多名賊始敗退我軍仍由黃墟禹王廟
一帶進偏臣等因羣逆趨重東北勢漸蔓延慮

欽定剿平粵匪方略卷十九

二十

其闖入新豐抄截官兵後路二十一日臣馮子
材率親軍小隊馳赴新豐察看東北一路逆巢
聯築九壘餘皆沿村包紮懸互十餘里因囑詹
啟綸相機堵剿隨由張官渡過河自北門至西
路查看總兵張文德各營是夜卽派勇五成疾
搗西門並攻勦十里牌逆壘以牽綴東路之賊
竟夕環攻擊斃守垛之賊無數旋聞金壇之賊

紛紛外竄提臣鮑超紮營西洋截殺甚衆查金
邑既下丹陽各逆聞風喪膽亟應乘機規復當
派各營於二十二日徑搗西南兩門暨附城逆
壘副將楊青山等分三路齊發副將汪柱元帶
隊策應一面函令詹啟綸同時大舉楊青山等
銜枚疾走直搗城根賊於城上開放大礮我軍
奮力攻擊槍礮環施焚燬附城逆卡數處殺賊

聖軍方略卷之九

三

聖軍方略卷之九

甚多時詹啟綸派馬步各營直撲黃墟一路逆
壘賊見西路攻城甚急未敢離巢抗拒我軍四
面兜剿斬馘無算當將該處逆巢九座全行奪
毀仍飭詹啟綸張文德等乘此聲威迅圖攻克
至鎮城根本重地當此逆氛潰竄尤當加意防
維臣即日回城督飭留守各營晝夜梭巡未敢
稍涉大意均奏入

上命議政王軍機大臣傳諭曾國藩李鴻章馮子材
魁玉曰李鴻章由青陽赴常督率各軍將城外賊
壘數十座全行踏毀官軍分營屯駐業已四面合
圍諸軍踴躍用命甚屬可嘉惟城賊陳坤書與各
路敗賊屬集其中且多兩廣積年死黨勢必拚命
死拒此時官軍長圍已合該逆飛走路窮李鴻章
仍當穩慎圖功以策萬全所稱湖州之賊全數上

聖軍方略卷之九

三

聖軍方略卷之九

竄究係竄往何處湖州曾否收復李鴻章如果探
實卽著先行馳奏鎮揚各軍會剿丹陽城援各逆
壘有殲馘丹陽之賊經馮子材親往西北各路察
看布置飭令各軍聯絡堵剿奪毀附城營卡並開
金壇賊已紛紛外竄鮑超紮營西洋大加截殺是
金壇一城已爲鮑超攻拔丹賊更必聞風喪膽著
曾國藩卽飭該提督迅移得勝之兵與鎮揚各軍

會攻丹陽以期速拔兩邑連下常賊之勢益孤攻
勦更易得手馮子材以鎮防緊要旋即回城著仍
嚴密周防毋令賊蹤潰逸

李鴻章又奏言遇缺提奏提督江西南贛鎮總
兵程學啟前攻嘉興府城槍子貫八頭腦既絕
復甦回營醫治進藥數劑言語神氣稍為清楚
臣於三月初二日出省赴楊庫督勦復往看視

程學啟言賊雖潰敗勢悍且眾請飭諸將慎重
兜擊又言人才難得恨將死不能為

國家驅除殘寇輒哽咽流涕向臣太息臣猶勉以
安心調治並囑地方官時往照料迨臣追賊至
青陽忽接省信以程學啟日漸危篤傷處成洞
時有髓流火毒貫喉六日滴水不入惟神志尙
清初九日囑家丁為穿

御賞黃馬褂望

闕叩頭旋繞室行走數步見案上有茶舉杯至口
不能下咽悽然淚下並令其營務處知縣韓杰
馳赴臣處囑專心勦賊不及等候回省語不及
私臨絕時大呼心事未了

聖恩未報腦漿迸流當於初十日子刻出缺臬司郭
柏蔭督同府縣親視含斂料理後事臣適行抵
常州接信不勝悲悼各營將士慟哭失聲江浙
遠近官紳士民無不同聲呼嗆查程學啟籍隸
安徽桐城遭亂被擄陳逆四眼狗欲重用之程
學啟嘗自逃去為賊追回拘繫不得脫咸豐十
一年四月間今浙江撫臣曾國荃督軍進偏安
慶程學啟密赴會貞幹營中納款曾國荃兄弟
見其志趣忠勇迥異尋常遂留營帶隊旋克復

安慶省城程學啟之功居多 臣奉

命赴滬卽帶程學啟所部兩營東來五月虹橋之捷

八月北新涇之捷十月四江口之捷皆殺賊近

萬大挫兇鋒實賴程學啟多謀善戰以少擊衆

臣因爲程學啟陸續增募至萬餘人部勒嚴整

所向克捷先後克復青浦嘉定太倉鎮洋崑山

新陽吳江震澤各州縣二年七月進逼蘇城程

學啟以水陸一萬人由婁門外跨塘逐漸進剿

苦心經營將城東之寶帶橋五龍橋城北之蠡

口黃埭城西之許關虎邱各處石卡賊壘次第

掃平又兩次遠剿嘉興援賊於八坼平望一帶

助剿忠逆大股援賊於大橋角望亭一帶分剿

湖州援賊於太湖東山一帶出奇入險賊中怖

爲神兵洋槍炸礮爲攻戰利器程學啟隨 臣入

聖朝實錄卷三十九

三

聖朝實錄卷三十九

三

滬留心講求晝夜研究去冬克平望堅城今春

轟嘉興名郡 臣購覓大洋礮三尊交給演放竟

能指揮如意功效屢著其深心遠略謀勇精勤

設使天假之年功業詎止於此今年甫三十五

歲遽因攻克嘉興隕身鋒鏑每念時事多艱將

才不易 臣誠私心痛之程學啟無子以嫡姪建

勳爲後年尙幼小念其攻克安慶後兩年之間

連復江浙名城十數處並克復蘇州省城似爲

東南第一戰功可否仰祈

飭部准照提督陣亡例從優議卹並

加恩予諡宣付國史館立傳並於安慶蘇州嘉興各

府建立專祠以彰忠盡奏入

上諭內閣曰遇缺提奏提督江西南贛鎮總兵程學

啟由安慶來歸帶隊攻克皖城上年復隨李鴻章

啟由安慶來歸帶隊攻克皖城上年復隨李鴻章

督兵由滬赴蘇所向無敵兩年之間先後克復蘇
州省城嘉興府城及江浙名城十數處實爲東南
戰功稱最朝廷見其謀勇兼優勳勞卓著疊擢提
鎮賞給世職殊恩異數屢錫褒嘉乃於本年攻克
嘉興時該提督躬冒矢石首先登城致槍子貫腦
絕而復甦屢經降旨詢問病狀方冀調治就痊重
資任使詎意竟因傷重出缺覽李鴻章所奏其臨

勳章

七

絕時猶以不能爲國驅除殘寇爲憾將才難得悼
惜殊深程學啟著追贈太子太保銜照提督陣亡
例從優議卹任內一切處分悉予開復加恩予諡
入祀昭忠祠所有戰績及死事情形宜付國史館
立傳並於安慶蘇州嘉興各府城建立專祠靈柩
回籍地方官妥爲照料並著李鴻章派司道大員
前往賜祭一壇伊子程建勳著俟及歲時帶領引

見侯旨施恩用示眷念勳勞優加褒卹之至意

勳章

天

中央民族
學院圖書
館藏書

欽定剿平粵匪方略卷三百七十 甲子年

中央民族學院圖書

四月初一日 辛未 富明阿奏言南岸姚家

數千於三月十八日由二道橋直奔江口總兵

吳全美親督各船會合外委胡占魁等兩面夾

擊賊即大潰各弁勇乘勝追殺直抵二道橋下

該逆過橋不及盡行梟水逃命淹斃無數是日

又有另股由薛家港至武家橋一帶焚掠經郭

聖軍方略卷七十一



定猷督飭參將林家祚等分路登岸迎擊四路

衝殺殲斃甚多賊眾又屢於江口紮筏搶渡均

經師船擊退丹陽援賊連營築壘意在久持十

九日大股撲我英字等營層啟綸飭胡世英等

堅定固守俟賊蹤逼近開放槍礮轟擊相持多

時見賊中旗幟散亂層啟綸即揮令各軍齊出

並派隊豫伏高岡兩路夾攻賊眾潰退計共傷

斃悍賊數百名二十日復有馬賊沿村馳繞並

有步賊千餘四出擄掠亦經層啟綸派隊擊走

二十一日馮子材以賊勢趨重東北隨帶親軍

前往布置並飭層啟綸胡世英等各帶所部分

投馳勦該逆不虞我軍驟至均各憑壘死守我

軍四面環擊銳氣百倍胡世英等躬冒矢石薄

壘先登賊眾見勢不支出巢思竄經我軍四面

聖軍方略卷七十一



兜勦斬馘無算當將賊壘九座一律踏平餘黨

四散逃遁層啟綸復督馬步各隊跟蹤追勦直

抵丹陽城下城中踞逆甚多一時尙難攻拔適

准鮑超咨稱二十一日克復金壇黃墟一帶賊

壘又爲我軍踏平賊勢日見窮蹙正宜乘此聲

威力圖進取惟臣傷疾雖漸就痊步履尙形艱

澀不能親自督勦實深悚惕現已嚴飭層啟綸

會合鎮軍聯絡鮑超之師相機前進迅拔堅城
並飭吳全美嚴督各防師船晝夜梭巡以杜逆
氛紛竄奏入

上命議政王軍機大臣傳諭富明阿曰南岸逆衆由
姚家橋等處直奔江口經吳全美等督帶水師擊
退另股逆匪復在薛家港等處焚掠又屢於江口
紮筏搶渡均經水師剿敗賊不得逞仍著富明阿

聖朝聖略卷七十一

三

督飭吳全美等各防師船晝夜梭巡毋稍疏懈丹
陽援賊屢經官軍擊敗該匪連營築壘意在持久
經各軍四面兜剿將賊壘九座一律踏平金壇縣
城亦被鮑超攻拔丹陽賊勢更蹙著卽嚴飭詹啟
綸會合鎮軍聯絡鮑超之師相機進拔丹陽以期
迅速蕺事該將軍傷疾已愈步履尙艱惟當選派
得力將弁奮勉圖功毋庸親身督剿以昭慎重

初二日壬申曾國藩奏言句容踞逆僞守王方海

棕因部黨攜貳又聞鮑超大軍將至卽在金壇
寶堰等處糾結僞翰王項大英僞列王方城棕
兩大股同守句容三月初五日鮑超親督各營
冒雨疾馳行過溧水攻破三岔賊卡初六日軍
次句容所屬之塔岡距城祇十里正在修築營
寨城中突出三四萬衆密布山岡意將乘我立

聖朝聖略卷七十一

四

營未定悉銳猛撲鮑超卽令周有勝等直前迎
敵宋國永等左右環攻戰至數時賊不少卻黃
海清等各率騎隊分左右兩路越過田隴直抵
賊後叟雲慶更以步隊佐之賊見歸路將斷大
譁欲遁我軍且戰且進偪至城下斃賊數千附
壘之賊一聞散走鮑超料城賊膽落飭令各營
徹夜環攻漏至四下忽見城東角火光燭天知

內變已作急引軍東向而賊已啟南門傾巢衝
山諸將士乘勝截勦斬賊尤多並內應之翟本
邦等七人將偽翰王項大英偽列王方城棕縛
獻我軍遂於初七日黎明入城立將句容克復
派員檻送二酋前來安慶訊明正法距句容四
十五里之寶堰南通金壇北達丹陽尚有堅壘
五座維時句容逆首方海棕遁至該處與壘賊

聖朝聖略卷七十一

五

偽顯王袁得厚謀阻進兵之路初九日鮑超率
隊前往摩壘而攻賊但穴牆施礮堅閉不出是
夜派婁雲慶等潛伏壘下又派馮標等五路併
進賊漸不支各軍負草填濠爭先躍入一壘既
破衆壘俱亂壘中逸出之賊又經伏兵掩殺蹙
偪入河者無算方逆袁逆遁往金壇丹陽而去
查句容一城與金壇丹陽鼎足而三實爲金陵

之左輔鮑超率師進勦一戰克捷並執二偽王
毀五賊壘而金陵亦有日孤之勢裨益全局厥
功甚偉所有尤爲出力之甘肅涼州鎮總兵馮
標等先行開列請

旨分別獎勵其餘在事出力員弁可否查明彙案保
獎出自

聖恩知府田芬參將陽茂泰都司易新勝黃昌陳光

聖朝聖略卷七十一

六

謨守備向忠國等均保力戰陣亡仰懇

飭部從優議卹

會國藩又奏冒近日杭州賊首陳炳汶汪海洋
等分道犯徽三月十三日唐義訓戰於徽郡之
南殺傷相當毛有銘在郡東三十里外迎戰失
利十四日羣賊併犯郡城圍攻東北兩門力戰
卻之十五十六等日官軍出城奮擊均獲勝仗

詎湖州僞侍王大隊續由昌化而來十七日唐
義訓毛有銘渡河進剿竟大挫於楊村刻下嶺
內徧地賊氛微休祁夥四城岌岌難保而賊之
前隊已紛紛由龍灣婺源上竄江西後股續至
者猶復絡繹不絕蓋侍堵輔三巨酋實有二十
萬衆自湖州克後悉數由徽竄江其杭餘德清
武康之賊數亦甚多金壇丹陽業經鮑超會同
鎮揚兩軍克復常州亦有克復之信計蘇境各
賊皆將繞由浙皖竄犯江西臣現調石埭二營
青陽四營入嶺援救徽州又調鮑超全軍回援
江西道途太遠竊恐已落賊後欽奉疊次
諭旨詢臣能否親往金陵督辦攻剿目下徽境賊勢
如此浩大上游無所稟承臣自不宜前赴金陵
顧彼失此所有金陵圍師仍責成曾國荃一手

經理臣囑其不可令大股衝出貽患他方並囑
萬一金陵倖克卽由曾國荃彭玉麟楊岳斌將
大概情形先行馳奏以慰
聖懷其詳細戰狀則轉咨官文與臣會奏至漢中髮
捻各匪前聞竄至鄧州內鄉之交頃接稟報鄂
軍成大吉等於三月初六日在樊城附近大獲
勝仗賊已全竄豫境該逆欲以舟師水路下竄
援救金陵斷無可慮所慮者由豫皖陸路衝至
鳳穎廬州巢縣一帶據船南渡圖解金陵之圍
是應防者在安慶以下之江面不在蕪黃以上
之江面也臣現咨商楊岳斌彭玉麟於浦口以
上七百里要津渡口節節布置以防漢中東援
之賊至鄂中需用水師該省本有礮船四五百
號下游如楊岳斌全軍向食鄂臺之餉朝調夕

至前准官文嚴樹森咨調李濟清萬化林二營
臣飭派前往想已到矣前奉

諭旨飭於楊岳斌彭玉麟二人中酌分一人溯流而
上統帥鄂省陸軍之處俟接到官文來咨再行
酌度辦理

曾國藩又奏言臣向患嘔吐之證三月二十二
日復行舉發二十四日忽然眩暈左手左腳疼

聖學聖略卷七十一

九

痛異常起坐不便延醫診視據云非調理得宜
恐成偏廢之證臣忝縮兵符將近四年尙未克
復金陵悚仄方深若遽嬰疾不能治事尤增愧
憾幸右手尙能勉強作字而年未六十或不至
竟成痼疾惟有仰懇

天恩俯准賞假一月在營調養一俟病痊卽當奏明
銷假

聖學聖略卷七十一

十

同日沈葆楨奏言髮逆竄至新城署知縣唐先
霖集團迎勦小有斬獲另股由開道犯城該署
知縣率團入城守禦三月初二日賊向城南場
處猛攻遂被闖入唐先霖及把總劉興榮退守
皮家源初七日道員陳鳴志等統六成隊並唐
先霖所集鄉團攻東門外之南山亭賊悉銳來
拒盪決數次遊擊權光輝等裹創血戰殺賊甚
多都司邱采芹守備谷開文殞於陣初九日提
督黃仁遺等冒雨由張司嶺進紮大漢嶺陳鳴
志等統隊護之賊蠱擁來爭殲其前鋒二三百
名後者遂退我軍連夜築壘修濠未畢賊隊屬
集陳鳴志等飭各營堅壁以守俟其近壘擊之
賊恃衆猛撲我軍連開巨礮擊斃七八十人賊
卻而復集黃仁遺率所部山擊鏖戰三時賊氣

稍沮王順慶等潛從左右路繞出賊後邵善居
等同時繼進羣逆奪路紛逃自相蹂踐我軍勇
氣百倍斃賊四千餘人生擒七十餘人據逃出
難民供稱賊有他竄之勢是夜四鼓唐先霖及
紳團冒雨疾進五鼓偪近賊壘及東北兩門已
聞人聲洶洶黃仁遺等遂由城南缺處登城署
知縣唐先霖等繼之該逆且戰且走劉光文等

欽定剿平粵匪方略卷七十一

十一

由北城衝入劉興榮等繼之城賊一時俱潰或
走新豐橋或梟水向西南路而竄踐死溺死者
不可勝計當將新城克復殺賊二千餘人生擒
八百餘人救出難民千餘人該逆旋越邱家隘
入福建之建甯縣境初八日劉于濬等進剿南
豐踞逆以小隊誘賊於城西伏兵伺擊斬敵甚
夥初九日席寶田飭東岸各營分路並進擊賊

於八都墟后竹等處賊匪敗潰追至大洋源斬
其偽信天侯張在明橋背太坪埭之賊見我軍
至依壘而陣遊擊魏玉彩等分左右路進剿遊
擊王耀亮督戰船轟擊賊勢不支敗向水南楓
嶺一路與偽天將林政揚合力以拒席寶田親
統各營合擊之羣逆棄壘狂奔追至劉家灣賊
斷橋而去敗賊不得入城而城賊爲戰船所扼

欽定剿平粵匪方略卷七十一

十二

不得東援乃川悍逆萬餘圍撲城西營壘韓進
春劉于濬等奮勇迎擊賊不能支遂潰入城十
一日祥字營築壘於橋背街城賊出爭精殺營
護之水師溯流而上斃賊不少十二日韓進春
移兩營於偏左漸爲長圍之勢城逆出衆猛撲
韓進春等率兵迎擊賊陣大亂斬敵無算追至
城下而還是日劉勝祥聞林政揚尙踞城南五

十里之丹陽墟復追殲其後隊該逆遂入建甯
縣境席寶田以東路已固悍逆屢犯城西十四
日仍統隊西渡聯韓營作長濠以困之臣查精
捷營獨力克復新城厥功甚偉提督黃仁遺徐
生德摧鋒陷陣驍勇絕倫係一品大員應如何
獎勵之處伏候

聖裁卽選道陳鳴志鄧子垣可否以道員留江遇缺

聖旨

奉

卽補其餘出力鎮將弁勇可否容臣擇尤請獎
出自

鴻慈署新城縣知縣唐先霖到任甫經旬日城池塌

損致被關入情有可原事後隨同克復尙知愧

奮請免其置議力戰陣亡之都司邱采芹守備

谷開文把總王豐河陳耀林懇請

飭部從優議卹軍功蔭慶安請照外委例議卹均奏

八

上命議政王軍機大臣傳諭曾國藩左宗棠毛鴻賓
李鴻章沈葆楨徐宗幹郭嵩燾曰江浙軍務正當
得手賊之分竄皖南江西前後踵接甚爲可慮句
容克復曾國藩現已飭令鮑超全軍回援江西調
石埭二營青陽四營之兵入嶺援徽著卽嚴飭各
員趕緊分投援剿新城克後南豐一城尙未攻克

聖旨

奉

著沈葆楨席寶田韓進春等乘各軍雲集之時速
將南豐縣城攻克聚殲羣醜以絕後股竄匪黃仁
遺等所帶係江忠義舊部此次獨力克拔新城甚
爲得力著沈葆楨相機調遣迎探後股竄賊攔頭
截擊新城餘匪與南豐分竄之賊均已由江竄走
閩境建甯地方前諭左宗棠徐宗幹催調曾元福
之軍以資防剿此軍何日內渡該督撫等作何調

度隨時奏聞仍恐由江竄閩之賊其勢過重則會元福一軍力尙薄弱著毛鴻賓飭令張運蘭速回福建臬司本任帶領所部迎頭堵剿使賊之竄閩者不得肆行奔突卽所以保完粵境並著將知府劉德謙添募楚勇酌定如何調撥防賊由江竄粵之路粵東剿除各處餘匪兵力如尙不敷須行另募道員唐啟蔭現在何處該員是否得力能否籌

欽定剿平粵匪方略

卷三七〇

給勇資飭令添募西勇及楚邊各勇以資調遣之處著毛鴻賓郭嵩燾酌量辦理會國藩本日奏報有湖州克復賊悉由徽竄江金壇丹陽業經鮑超會同鎮揚兩軍克復常州亦有克復之信等語湖常兩郡克復左宗棠李鴻章想各奏報在途此時全局通籌李鴻章克復常州後卽可移軍助攻金陵以圖速拔毋令大股再得竄逸擾及他處自是

第一要著如兵力有餘尙可分撥由宜溧東場入皖助剿兼防本省邊境要隘皖南賊勢甚衆惟左宗棠克湖州後將蔣益澧等軍由浙派赴徽境會同會國藩調往之青陽石埭各營併力截剿尙爲捷近著該督等妥速籌辦並著催令劉典之軍迅卽取道江西與江省各軍規賊所向以爲迎擊之師暫歸沈葆楨調遣會國藩患病自屬實情當此

欽定剿平粵匪方略

卷三七〇

事機緊切之際全在該大臣運籌決策以竟全功著賞假一箇月安心在營調理其軍務要件仍可照常督辦金陵圍師卽責成會國藩一手經理務令拊循士卒奮勉圖功如果克復准其先由會國藩所慮賊由豫皖陸路至鳳潁廬巢一帶據船南渡之處本日已寄諭僧格林沁檄令陳國瑞移軍

援勦楊岳斌彭玉麟水師江面布置仍著曾國藩
隨時籌商辦理

上又命議政王軍機大臣傳諭僧格林沁曰漢中髮
捻各匪竄至鄂州內鄉之交襄樊賊勢甚眾慮由
豫皖陸路銜至鳳潁廬巢一帶橫船南渡圖解金
陵之圍皖北防勦各軍節經官文曾國藩移調湖
北皖南現存皖北各營兵力已不甚厚金陵功在

聖朝聖略卷七十一

七

垂成漢中髮逆人數眾多設由豫省竄入皖北勢
將掣動大局關係匪輕鳳潁廬巢一帶為該逆救
援金陵陸路所必經之處防堵均形喫重喬松年
雖在臨淮所部未必可恃陳國瑞一軍素稱得力
且阜鳳潁廬巢一帶較近著僧格林沁酌量情形
陳國瑞應移紮何處兵力是否足敷堵勦即可由
該大臣繳令遇有髮捻各逆由豫竄皖時就近由

徐宿一帶移軍援勦以資得力

上諭內閣曰賊匪踞守句容縣城負隅抗拒提督鮑
超督軍進勦立將句容縣城克復其寶堰賊壘復
經鮑超率隊攻破勦辦甚屬得手所有尤為出力
之總兵馮標譚勝達唐仁廉均著交軍機處記名
遇有提督缺出請旨簡放周有勝易昌煥李文益
均著賞加提督銜劉順隆王衍慶張玉田均著交

聖朝聖略卷七十一

六

軍機處存記遇有總兵缺出先行提奏參將黃海
清著以副將仍留安徽儘先補用並賞給彥勇巴
圖魯名號孫開華著賞加總兵銜並賞給擢勇巴
圖魯名號陳永康羅運昌均著無論四川推題副
將缺出先行補授羅運昌並賞加總兵銜段福著
遇有副將缺出先行補授並賞加總兵銜參將唐
得勝著以副將儘先補用並賞加總兵銜遊擊洪

容海著以參將儘先補用並賞加副將銜降人翟本邦等七名均著賞給守備銜其餘在事出力員弁准其查明彙案保奏陣亡知府田芬參將陽茂泰都司易新勝黃昌陳光謨守備向忠國均著從優議卹

上又諭內閣曰逆匪竄擾江西疊陷南豐新城兩縣提督黃仁遺等督兵進取當將新城縣城克復其

聖朝聖略卷七十一

十九

竄踞南豐之賊經席寶田韓進春等軍分路進擊城賊悉銳出撲官軍左右包抄殺斃無算追至城下四面合圍勦辦尙爲得手仍著沈葆楨督飭各軍迅拔南豐盡掃賊氛毋任竄逸此次克復新城出力之提督黃仁遺徐生德均著交部從優議敘卽選道陳鳴志鄧子垣均著以道員留於江西遇缺卽補其餘出力鎮將弁勇准其擇尤保奏署新

城縣知縣唐先霖到任甫經旬日城池塌損致被關入情尙可原事後隨同克復尙知愧奮著免其置議陣亡之都司邱采芹守備谷開文把總王豐河陳耀林均著交部從優議卹軍功蔣慶安著照外委例議卹

初六日丙子左宗棠徐宗幹奏旨查臺灣彰化斗六等處現已克復惟首逆未擒尙須搜捕善後

聖朝聖略卷七十一

三十一

事宜亦須籌辦曾元福應留臺郡所有福建水師提督一缺查有臺灣鎮總兵曾玉明堪以委令署理帶印內渡任事所遺臺灣鎮總兵請卽以曾元福署理奏入

上命議政王軍機大臣傳諭左宗棠徐宗幹曰福建水師提督卽著曾玉明署理所遺臺灣鎮總兵著曾元福署理現在江西新城克復南豐疊獲勝仗

該二處竄匪陸續竄越閩省之建甯一帶地方黨與衆多必須厚集兵力方足以資堵剿曾元福既留臺郡著左宗棠徐宗幹催令曾玉明督率所部將士趕緊內渡馳赴建甯一帶相機進剿毋稍遲延昨據曾國藩奏稱侍逆大隊由昌化竄擾徽郡並有湖州克復後侍堵輔三逆悉數由徽竄江等語湖州郡城於何日克復左宗棠諒已奏報在途

聖朝聖果卷七

三

現在浙境是否一律肅清著即迅速奏聞唐義訓毛有銘兩軍在徽郡剿賊竟至大挫徽休祁夥四城岌岌難保此時皖南賊蹤徧地兇燄甚張非厚集兵力不足以殄寇氛著即調集各路兵勇馳往徽郡會合曾國藩現調之青陽石埭等營聯絡夾攻務將該逆就地殲除不可再任紛竄他處所有浙界防務仍著左宗棠飭令王開琳劉清亮等軍

嚴密堵遏毋令賊蹤再行入浙繞竄江西

初七日丁丑官文嚴樹森奏冒捻逆擊敗後分竄

河南浙川所屬之李官橋鄧州所屬之厚坡勢愈窮蹙梁洪勝督率各營正擬出境追剿適值漢中髮逆由河南浙川內鄉鄧州下竄於三月十九日亦至李官橋遂勾結捻逆作為前驅探知襄樊已有重兵分股取道河南鄧州新野之

聖朝聖果卷七

三

交乘虛闖入棗陽縣境其後隊仍在河南浙鄧內鄉等處賊衆數十萬蔓延數百里現在無巢可歸到處裹脅人數日增較鄂軍多逾十倍而我軍迫於餉力難以添募且連次以少禦衆傷亡多係精銳實屬戰守兩難髮逆自漢中東下始則剽疾繼則遲緩是必探明楚豫虛實以定趨向適僧格林沁移師洛陽以圖張總愚一股

又值楚軍全力專注襄鄖該逆乃得糾合殘餘
取道豫南犯我邊疆圖擾腹地以救金陵是該
逆之處處乘虛實爲狡毒楚皖有長江之險水
路似無可虞惟陸路四通八達湖北自安麻斬
羅可達英霍河南自信羅光固可達六安數百
里空虛均無一兵扼紮爲今之計先以保守漢
黃安德四府及力扼長江廣漢爲切要之圖但

聖朝聖略卷七

七

以二萬兵力分布於一千餘里之地而欲殄
除數十萬強寇日夜籌思實無把握鄖西藍逆
幸未渡漢而豫軍之在荆子關者爲髮逆攻破
鄖陽防務更爲喫重襄樊係南北咽喉賊所必
爭之地尤須鎮以重兵是以梁作楫等陸師周
有全等水師概不敢輕於移調現在擬令張啟
基等各營礮船自襄河滙河以達長江而至潯

陽分紮江湖河汊各要隘以防沿江下竄之路
舒保馬隊及石清吉等各營分防德安黃州黃
孝各路以固省城北路門戶復飛調成大吉由
襄河水路下駛繞出賊前迎頭截勦王桐柏一
軍已紮應城之楊家河梁洪勝一軍已令折回
鍾祥留周鳳山一軍暫駐襄陽會同該處防軍
遏截後路髮逆楊朝林蔡棗陽以備應援並飛

聖朝聖略卷七

七

咨會國藩嚴爲準備酌派水師陸軍以收夾擊
之效臣官文定於四月初三日起程由省先由
水路上駛次第布置惟有激勵將士迅掃妖氛
同日張之萬奏言張曜等軍三月二十三日馳
抵馬山口探知張總愚向內鄉竄去正在整隊
馳追忽大股髮逆由內鄉之西坪巡檢司赤眉
城竄來二十四日我軍直前迎擊鏖戰四時殺

賊不計其數匪勢不支向後敗退我軍指揮前進該逆狂奔四散其後隊接應之賊一見我軍亦卽翻山向西南竄去二十五日僧格林沁大軍已到令張曜等於是夜四鼓山隊向赤眉城進剿是時內新唐鄧一帶各股髮逆陸續竄擾伏莽如林前經蘇克金派營總春壽等帶隊前赴鄧州於十五日在鄧州東北茶菴地方與賊

聖朝聖德書卷七十一

五

接仗斃匪多名十六七等日在鄧州雙橋里接仗均有斬擒十八日另股髮逆擾及鄧北又經春壽追至雙橋里斃匪百餘名二十日蘇克金自率馬隊馳援新野探知髮逆前股會同陳大禧一股已由新野東竄楚北棗隨之交後股尙在鄧州桑莊腰店一帶二十一夜聞該逆竄至城西分作四路來渡白河我軍三面兜剿斃賊

五六百名追殺十里許適署新野縣知縣方承宣督團接應將擊散餘匪概行斬斃會同馬隊仍前追壓又斃賊六七百名二十三日該逆分股從新野過河復經蘇克金派營總烏爾圖那遜出隊兜擊自率後隊接應斃賊千餘名偵知該逆已由新野之南新店鋪鼻渡東奔向棗陽而去其後股髮逆尙在鄧州元店盤踞陳大禧

聖朝聖德書卷七十一

五

之後股由鄧州竄至新野之葫蘆套郭灘等處又髮逆一股於二十四日竄近鄧州城外經春壽帶隊出剿在城西之軒西里一帶剿斃馬步賊百餘名救出難民不少該匪疾竄新野而去查髮捻各逆紛竄宛南現在僧格林沁已抵馬山口督飭張曜等軍由赤眉城進剿復將蘇克金等由新鄧調回內鄉會剿探聞二十六日張

曠色爾固善善慶隨同僧格林沁大軍在赤眉城之西大獲勝仗餘賊折入山陬等語該處截剿髮逆兵力已敷而張總愚窺伺楚疆豫軍亟須跟追期與楚軍夾擊現飭宋慶葛承霖兩軍取道內鄉趕赴河口一帶盡力會剿並令連美賈文田馮聖傳步隊千五百人益以李承先馬勇二百馳赴信陽以備截擊臣於初三日由汝州拔營取道魯山南召前往南陽督催豫軍分道馳追無論何賊竄至何處惟當不分畛域出境追擊以期痛掃狂氛均奏入

上命議政王軍機大臣傳諭僧格林沁官文曾國藩多隆阿嚴樹森張之萬曰逆捻被擊敗竄河南浙川之李官橋等處漢中逆股竄至鄧州新野之交適與之合乘虛闖入棗陽而賊之尾股仍在河南

欽定剿平粵匪方略

卷三七〇

內浙鄧州等處其地由湖北之安麻靳羅可達英霍由河南之信羅光固可達六安到處空虛賊欲由豫楚以擾皖軍後路而解金陵之危計頗狡毒官文等以先保漢黃安德四府及力扼長江廣漢爲切要之圖派周鳳山等軍分駐襄陽等處布置均爲妥協官文現在出省督師著卽嚴督諸軍實力防剿盡殲醜類漢中逆匪恐與張總愚陳大樽

等均已勾合捻逆盡竄鄂疆賊勢一片恐非鄂軍獨力所可支僧格林沁大軍並傳振邦所帶前敵各營應與鄂軍如何聯絡前截後追併力攻剿著卽迅速籌辦仍遵前旨兼顧北路之防以備賊復回竄豫境張之萬前奏髮逆曾在荆子關爲李殿元等邀擊繞竄內鄉何以近日復有豫軍在荆子關爲髮逆攻破之事是否前奏諱敗爲勝著該撫

欽定剿平粵匪方略

卷三七〇

查明具奏並與僧格林沁趕緊商定督率張曜等與傅振邦等軍分投堵剿如須越境窮追毋得遷延觀望會國藩前奏會商楊岳斌彭玉麟於浦口以上津渡節節布置以防賊之東援此時逆黨麕集鄂境其由水陸下竄圖擾皖軍後路以解金陵之危均須加意防維不可稍涉大意陳得才等股既已攻破荆子關偏擾鄖境恐其後股尙復游衍

聖朝聖訓卷三十一

三

商維一帶多隆阿所派藍斯明等軍自應由後追躡與楚豫官軍前後夾擊本日又據張之萬奏追剿張總愚股匪至馬山口突遇逆匪大股截剿獲勝現在分兵剿辦等情正與此論多相符合張總愚果與髮逆竄合其由內新唐鄧一帶竄去大股卽係陳得才陳大濬等全股南趨僧格林沁已抵馬山口督率蘇克金張曜等軍於赤眉城西大獲

聖朝聖訓卷三十一

三

勝仗餘賊折入山陬避我馬隊著僧格林沁卽飭各軍將此入山殘匪掃除以便分兵堵截逆捻大股張之萬已移營南陽著飭宋慶葛承霖之軍由內鄉等處跟追期與楚軍會剿並令連美等馬步各隊馳赴信陽實力堵截賊既由豫竄鄂豫軍分路馳追無論何股竄至何處總當不分畛域越境追擊共殄逆氛南北賊氛本相一氣值此游氛四合各路官軍亦須會合四面兜剿以期聚殲該大臣督撫等其各同心齊力以赴事機是所殷望
官文又奏言提臣江長貴由皖到鄂尙未赴任該提督久經戰陣紀律嚴明爲諸將冠現令該提督統帶原部親兵一營隨臣同行辦理行營翼長事務並將一切戰守機宜隨時商酌奏入報

聞

同日沈葆楨奏言新城克復後偽王宗一股蔓延於邵武府屬建甯泰甯兩縣地面去江境均不過百餘里南豐屢經各營力攻賊仍負隅不出臣本擬飭令精捷繼果兩營緊追偽王宗一股精毅韓字等四營猛攻南豐乃後股賊匪三月初八日忽由昌化竄至績溪極為剽銳可饒

欽定剿平粵匪方略卷七十一

三十一

可廣防不勝防遂改令精毅精捷繼果三營東馳仍以韓字等三營留圍南豐計此檄甫經到營而二十日陳炳汶汪海洋等逆已及德興之海口十七日李侍賢黃汶金等逆已及休甯之巖市江省軍務實有進退維谷之勢臣祇得嚴催各軍迅速拔營探賊所向穩紮穩進飛催浙江臬司劉典江西道員王文瑞各統新募楚勇

星夜來江其接統精捷營之總兵江忠朝已報起程日期茲准湖南撫臣來咨復以舊傷觸發中止仰懇

飭下湖南巡撫催令該總兵迅速醫治稍愈即行來江接統以資得力現因兵力萬分不敷祇得令席寶田添招二千五百人以便調遣

欽定剿平粵匪方略卷七十一

三十一

同日李鴻章奏言三月十九日金壇踞逆為鮑超之軍偏勦窮蹙棄城出竄二十日道員吳毓芬探知逆眾已抵南渡距溧陽不遠恐其窺伺城即帶隊三百名前往察看逆眾約二三千人屯列南渡東北小山大股直自山下行走吳毓芬伏兵山後令武和勝等率數十人誘之賊以五百人來撲吳毓芬揮伏兵兩路衝出斃賊數十賊即退走是夜復探知賊在南渡西南二

三十里之小蜀山丁上橋周城鎮等處滋擾二十一日吳毓芬帶隊至離城三十里之烏鴉嶺遙望丁上橋西尚有賊旗整隊馳剿擒斬數十名追過周城鎮二十五日探聞偽直王率眾約會常州西路孟河呂城各賊由金壇境內竄往廣德已至南渡占踞侍逆舊營三座並分屯山下各村約有萬餘人吳毓芬出賊不意自率陳占榜等出南渡正路吳毓蘭率杜長生由山腹小路出南渡東南扼招仙橋以截其前羅義勝帶礮船及礮隊繞出南渡之後是夜二更齊至吳毓芬率陳占榜列隊山上令余嘉鼇率姜全政先圍村卡該逆睡熟悉數擒斬營賊驚覺與我山上之軍對擊適羅義勝礮船駛至排礮並發賊棄營狂走吳毓芬令羅義勝扼守南渡陳

聖朝聖略卷七

三

占榜武和勝沿山搜抄賊館自帶余嘉鼇追剿大股時黑夜無月賊未知虛實驚竄蹂躪死亡枕藉四鼓至招仙橋吳毓蘭列陣截擊賊沿河亂竄吳毓芬等由後掩殺逆眾臭水溺斃者甚眾二十六日追至丁上橋又追至周城鎮四面兜裏賊棄械就戮已刻至建平交界已無賊蹤途中伏屍數十里陣斬偽直王林得善偽統天安黃有才偽愚天福李六偽洞天福袁明勝等多名皆於屍身搜得偽印生擒廣西偽天將黃金龍訊係金田老賊偽護駕王黃金鳳之弟即行梟斬計共斃賊四五千入解散江浙被脅難民三四千人此次吳毓芬等以少擊眾全股殲除勦辦甚為奮勉其尤為出力之遊擊余嘉鼇等請先開列可否分別獎勵出自

聖朝聖略卷七

三

天恩其餘出力員弁兵勇容查明彙案請獎

李鴻章又奏言自常州西南門外賊壘掃除後
臣卽督飭劉士奇等將前攻嘉興大礮在小南
門安設轟擊常勝軍礮位在大南門安設轟擊
劉銘傳礮隊在北門安設轟擊夜以繼日至二
十二日午刻各將城垣轟塌數十丈偽護王抵
堵大南門缺口偽誌王抵堵小南門缺口偽天

聖軍方略卷百七

聖

將費姓抵堵北門缺口拌死救護隨塌堵我
軍屢次撲過城濠未能搶登偽誌王業經炸礮
轟斃兩粵悍黨仍捨命拒守兇狡異常我軍暫
行收隊休息一面飭催蘇州礮局趕製各項炸
彈多備攻具剋期再舉連日城內逃出脅衆供
稱護逆因丹陽被困金壇收復我軍四面密圍
無路能逃堅志死守城內米糧可支數月惟油

鹽子藥久將缺乏等語查侍聽堵輔各逆現由

湖州廣德分路上竄江西常州護誌二逆與丹
陽偽英王叔一股本欲約會陸續併竄誠恐江
蘇完善之區又受擾害爲患更大臣一至常州
卽督各軍奮力攻塌西南門賊營先斷竄路然
後嚴密合圍以冀設法剿滅該逆亡命困聚旨
死格鬪固在意中臣惟督飭各軍穩慎以圖設

聖軍方略卷百七

聖

再轟擊不進卽長圍困之當有聚殲之日附近
各城俱已收復丹陽又有馮子材富明阿派兵
牽制偽英王叔雖擁衆三四萬屢敗之後終必
竄走其勢似不能援常卽使來援蘇軍全力聚
於一城尙可以分撥迎剿臣前商令黃翼升派
淮揚水師周國興一營赴小河口查禁接濟昨
據周國興稟稱常丹交界之奔牛孟河圩塘魏

村螺蛳灣沿江一帶賊壘俱蕪髮繳印乞降周國興收撫降衆一萬餘人分別遣散並留守要隘丹陽來路已斷北竄更可無虞

李鴻章又奏言嘉興復後因湖州尚有餘匪踞守商令李朝斌派太湖水師在湖面梭巡防剿因湖州濱湖之錢漚有賊竄踞並築石壘三座三月十六日水師往剿賊衆迎敵開礮猛轟

聖朝聖考卷七十一

七

賊漸不支我軍乘勝登岸追斬頗多即將石壘踏毀又聞大錢口內楊漚賊築壘一座十九日水師以兩營登岸設伏桑林中兩營對壘轟擊賊始猶抵禦適伏兵由林中突出槍礮齊施賊遂棄壘狂奔追殺無算查蘇常各屬濱湖地界甚多湖州踞賊未除防剿未可稍懈仍飭李朝斌督令各營嚴密梭巡以期周密均奏入

上命議政王軍機大臣傳諭曾國藩左宗棠毛鴻賓李鴻章沈葆楨惲世臨徐宗幹郭嵩燾曰江西官軍自克復新城後南豐一城尙復堅持未下而廣饒警報接踵而來陳炳汶汪海洋已竄至德興之海口李侍賢黃汝金已及休甯之巖市賊氛過重沈葆楨現以韓字等營留圍南豐而檄精毅精捷繼果三營東馳即著嚴飭各軍迅速拔營前赴德

聖朝聖考卷七十一

三

興一帶攔頭截剿總須穩慎堵遏毋令蔓延腹地仍一面飭韓字等軍迅拔南豐以免後股踵至曾國藩前奏賊犯徽城唐義訓毛有銘兩軍大挫以徽浙之軍層層布置尙不能力遏奔突此時已入江境而侍逆等復陸續上犯江右兵力單微豈能當此巨寇曾國藩前於句容克復後飭鮑超全軍回援江西此軍是否業已拔營著曾國藩檄令迅

赴事機與江西官軍前後夾擊痛加勦洗並飭皖南防軍將竄至休甯之李侍賢等逆擱頭截擊以免其接踵上竄左宗棠前於桐嶷一帶已調劉清亮等軍馳往扼守賊之由昌化入徽者絡繹而來在防各軍曾否扼勦劉興已酌帶所部起程王文瑞新募之勇亦由湖南籌給行資催令趕緊料理何以至今均無人江消息著左宗棠俾世臨檄飭

欽定剿平粵匪方略卷七十一

三

兼程前進並由沈葆楨一面迎催飭令視賊趨重何路卽由何路截勦江忠朝已報起程因舊傷觸發中止著俾世臨催令該總兵趕緊醫治稍痊卽行赴江接統江忠義舊部以資得力僞王宗一股蔓延福建之建甯泰甯兩縣曾玉明內渡之軍徐宗幹催令督率所部馳赴建甯一帶痛加勦洗如曾玉明年老不能得力卽著左宗棠徐宗幹另選

將材派往毋稍遲延現在閩邊喫重著毛鴻賓仍飭張運蘭速回本任迅統所部卽赴建甯與曾玉明妥籌會擊不准輾轉耽延貽誤大局其粵東毗連江閩各邊並著毛鴻賓郭嵩燾嚴密布置豫籌分扼以杜窺伺之路金壇敗賊與常州西路餘賊將竄赴廣德圖合侍逆之黨道經南渡爲駐防溧陽之吳毓芬等截勦全股殄除勦辦甚爲得手各

欽定剿平粵匪方略卷七十一

四

路官軍若於敗賊紛竄均能如此勦除不令善脫則賊數日減何至殘寇復張嗣後遇有此等竄賊著李鴻章卽飭各軍攔截聚殲毋任竄逸常州圍攻甚緊轟塌城垣數處皆爲護誌等逆糾衆堵截丹陽未克湖州踞賊未除曾國藩前奏丹陽湖州收復常州亦有收復之信自係傳聞之誤現在常賊米糧雖可支數月而油鹽子藥久將缺乏已成

坐困李鴻章籌備攻具剋期再舉卽著督飭諸軍
穩慎轟擊期拔堅城仍當嚴斷竄路以免旁逸湖
州未復而賊之大股已陸續上竄湖賊勢難堅守
浙軍勦辦情形現在究竟若何著左宗棠速催蔣
益澧等軍乘賊勢瓦解併力攻擊以圖克復徽浙
之交一面催令防軍嚴密堵遏以防敗賊踵竄如
兵力不敷添派數營前往與皖軍聯絡扼截著左

聖學聖考卷三十一

望

宗棠妥速調派李朝斌太湖水師疊破湖州濱湖
之錢溲楊溲等處賊壘仍著李鴻章督令相機進
取並於濱湖地方嚴密梭巡防其內犯蘇浙軍情
左宗棠李鴻章務須隨時咨會會國藩與皖軍聲
息聯絡通籌大局援剿兼施

上諭內閣曰江蘇金壇縣克復後敗賊糾約二三千
人屯踞南渡東北小山大股則自山下行走意圖

肆擾經道員吳毓芬等設伏誘賊分路進攻斬偽
直王林得善等於陣餘匪殲滅殆盡勦辦尙爲得
手此次尤爲出力之遊擊余嘉鼐著以參將補用
並賞加副將銜參將陳占榜著賞戴花翎都司羅
義勝著以遊擊儘先補用並賞加參將銜守備武
和勝著以都司儘先補用並賞換花翎記保守備
姜全政千總杜長生均著以守備儘先補用並賞

聖學聖考卷三十一

望

戴藍翎其餘出力員弁兵勇並著李鴻章查明彙
案請獎

四月初九日己卯富明阿奏言據總統水

吳全美稟報三月十九二十等日賊眾竄至思

義港對江沿岸及武家橋西北一帶經總兵郭

定猷等督帶師船登岸迎擊該逆卻而復進又

分股由北抄襲被參將林家祚伏兵圍擊該逆

勢不能支遂各奔潰我軍尾追十餘里逆眾被

偏落水者不計其數二十夜開賊復由武家橋

紛竄江邊亦經郭定猷等督軍擊退連日共計

斃賊數百名現值常州官軍合圍丹陽擊退援

賊賊俱陸續前赴揚鎮各營投誠江防藉以稍

鬆太平洲一帶難民亦均紛紛回南又據詹啟

綸稟報二十四日派隊進抵丹陽北門外駐紮

該逆由東北兩門蠢擁來犯我軍奮呼擊賊投

欽定剿平粵匪方略卷三百七十一

一

欽定剿平粵匪方略卷三百七十一

二

誠之周錫應等帶領降眾首先衝入賊隊各軍

會合併進賊勢稍卻我軍隨以大礮連環轟擊

左右馬步包抄正鏖戰時突有賊目數人帶賊

百餘名高聲乞降卽反戈相向逆眾驚懼四散

我軍乘勢掩殺斃賊四百餘名二十六日詹啟

綸復親督各營分三路進取並派周錫應等乘

勢築營該逆分三股抵拒我軍槍礮齊施轟斃

逆匪甚眾該逆死拒不退參將李慶圓槍入賊

隊手刃悍賊數名中礮陣亡各軍奮力衝突連

壓數次賊勢仍眾副將李福興驟馬奮擊左腰

受傷猶裹創力戰適總兵張文德派令總兵楊

青山統帶鎮防馬步二千餘名由西路策應潛

躡其後賊見腹背受敵始行掣動各軍乘機猛

進前後夾擊逆勢不支紛紛潰遁共斬獲五百

餘名查丹陽一城爲金陵常州咽喉故僞英王叔及忠逆之子率領長髮悍賊負固死守意在牽掣我軍兼爲聯絡金陵常州之計前此援賊數萬雖經我軍擊退而句容金壇餘黨及常州西門敗賊五六千人屯聚於丹城東南門外各村並據降賊頭目等供將來金陵常州如實不能支亦必趨聚丹陽併力出竄是丹陽一隅之地爲官軍所必取亦爲該逆所必爭前屢奉

聖軍略卷七十一

三

諭旨飭令鮑超乘勝會攻丹陽臣昨接鮑超函稱會國藩飭其駐守句容專備金陵出竄之賊兼防東壩不能來丹會勦並囑馮子材撥兵換守金壇等語伏思進勦丹陽雖有揚鎮兩軍祇能顧及西北兩面若再分守金壇更覺鞭長莫及况前准會國藩咨開漢南賊衆竄出已由楚豫東

下昨又據安徽臬司英翰來稟西路張總愚陳大禧兩股會合漢南竄匪勢甚猖獗併力下犯均欲圖救金陵若果有下竄之信則江北又形喫重現擬將駐防靖江三營撤回揚防以固根本其泰興四墩子一帶駐防各營仍飭劉成元照舊駐紮備再有警報南渡之軍尙須酌撤回揚以防西路爲今之計正宜乘援賊未至併力

聖軍略卷七十一

四

攻取丹陽庶不爲賊牽掣臣又函催鮑超先其所急趕緊分兵會攻若得堅城早拔則金陵常州勢成孤注更易得手其丹陽附近之劉巷木橋等處賊衆陸續投誠前後有數千人除擇其強壯堪備戰陣者隨隊攻勦外其餘均令一律薙髮分別遣散臣等當於廉俸內捐備銀兩卽在丹徒縣地方設立撫恤局酌量程途遠近按

名發給路費派已革知府方長澤知縣吳炳庭
縣丞黃開儀總司其事並飭江甯揚州鎮江各
府地方官豫備船隻分投遞送再行酌加川資
以期妥爲解散此次陣亡之副將銜參將李慶
圓相應請

旨交部從優議卹

富明阿又奏查揚防馬隊除渡江攻取丹陽

欽定剿平粵匪方略卷七十一

五

現僅賸有一百餘名半係傷殘老弱不足以備

戰陣且翼長杜嘎爾又爲都興阿帶赴歸綏是

揚營旣無得力騎兵又乏大員總理臣骸疾尙

未痊愈不能親自督率設有警報實難禦敵因

思前撫臣唐訓方曾派副都統克蒙額管帶駐

臨馬隊官兵該副都統驍勇善戰治兵嚴肅所

部僅有官兵一百六十餘名精壯不過百名人

數無多不成隊伍且皖北現已全境肅清可無
需此馬隊合無仰懇

天恩俯准將駐防臨淮吉林黑龍江馬隊官兵挑選
精壯百名由克蒙額管帶來揚其餘傷殘老弱
仍由喬松年查明遣撤奏入

上命議政王軍機大臣傳諭僧格林沁富明阿馮子

材魁玉喬松年曰丹陽一城爲該逆必爭之地富

欽定剿平粵匪方略卷七十一

六

明阿請令鮑超會兵攻取丹陽策亦頗善惟因侍

堵各逆由皖南上竄江西前經曾國藩奏請令鮑

超一軍上援江西已允其請是鮑超之軍不獨不

能助攻丹陽並不能固守東壩仍著富明阿馮子

材督飭層啟綸等就現有兵力實力攻拔不准耽

延並不准任賊出竄致令蹂躪他處劉巷木橋等

處降衆富明阿等捐廉資遣設局辦理飭令該委

員等實心經理不得有名無實此次打仗陣亡之副將銜參將李慶圓著交部照副將陣亡例議卹以慰忠魂臨淮現存馬隊不甚得力若調赴揚營則該處更形空虛現在楚豫賊匪圖犯皖疆以援金陵不可全無豫備陳國瑞現紮徐宿著僧格林沁酌量將該提督一軍調赴臨淮一帶扼要駐紮以備不虞如楚豫賊匪有竄近皖疆之信即可飛

聖朝聖略卷七十一

七

調陳國瑞一軍截勦並催提陝西所撥之常興阿等馬步各隊迅速赴豫一俟到營卽酌撥馬隊數百名赴皖交喬松年調遣以防賊匪下竄喬松年卽可騰山克蒙額所統馬隊全數赴揚歸富明阿調遣以資得力

十一日辛巳左宗棠奏言自武康德清石門三縣

克復後各賊酋擁衆十餘萬由安吉孝豐上竄

聖朝聖略卷七十一

八

偽堵王黃汶金偽祐王李遠繼偽輔王楊輔青仍堅踞湖州臣當飭蔣益澧派軍進攻湖州飭楊昌濬督各營進駐武康飭分水嚴州淳遂各處守軍相機截勦三月初九初十等日該逆陸續竄至昌化縣境前股已趨績溪十一日駐防分水副將劉明珍率所部四營前赴昌化攔擊兼理昌化縣事署分水縣知縣邵杜亦率鄉團助勦將其後隊截殺六七百名生擒悍賊百餘名十二日劉明珍復率各營追至白牛橋搜殺粵賊二百餘名遣散者四五百名侍逆李侍賢及各逆繞由昌化十都過老竺嶺悉向安徽績溪竄去復由開道走歙西之巖寺篁墩以竄屯溪其聽逆及偽濂王汪海洋等逆走歙縣之水南村分路向南源口深渡過河折竄浙境十五

日徑趨小川希圖分犯瀆遂十七日駐防遂安
總兵王開琳令王福昌一營嚴守雪嶺黃蔚嶺
自率親兵並龔隆貴等三營由黃蔚村進下長
勝等三營並水師後營師船由威坪街口沿河
直上行近小川該逆出隊來撲官軍奮擊賊退
踞石橋官軍乘勢急進衝過橋北丁長勝等各
隊繼至師船遙於河中轟擊斃賊六七百名賊

聖朝聖略卷七十一

九

敗走一向深渡一向小川裏山而遁王開琳摩
兵趕殺約追七八里賊復回拒羅瑞山等沿山
圍剿而上賊始大敗爭向山谷狂奔自相踐踏
死者無數其向深渡逃竄一股亦經龔隆貴等
截殺四百餘名落河溺斃者無算餘賊悉敗竄
屯溪是役殺賊二千餘名生擒百餘名踏斃溺
斃者倍之其湖北一路自初八日高連陞進剿

獲勝後羣賊皆退聚菱湖東村山茅菁山一帶
築壘復於西北之長興及四安梅溪安吉等處
連營數十里臣當飭劉連陞水師各營駛赴德
清飭蔣益澧分撥高連陞各軍由德清進規湖
郡西南劉樹元各營由石門進規湖郡東南十
三十四等日劉連陞等各率師船進攻菱湖破
賊一卡蔡元吉復率軍進駐靈山高連陞等率

聖朝聖略卷七十一

十

軍進駐埭溪二十二日湖郡之賊分路來撲高
連陞等營壘各軍擊敗斬殺數百名賊潛竄洛
舍亦經高連陞等擊退現在浙江一省惟餘湖
州一城及長興安吉兩城未卽克復賊數雖多
然形勢漸蹙尙可緩圖惟蘇皖餘逆李侍賢等
與杭城餘杭漏出首逆陳炳汶汪海洋竄入皖
境決意竄擾江西必須節節截剿豫爲戒備臣

於杭餘等城克復後卽飭黃少春等嚴密準備並催調劉明燈等各營馳赴嚴衢各要隘以厚兵力乃各軍甫抵嚴州而賊已竄至徽境進竄屯溪鎮旋又竄至婺源之江灣汪口等處距江西之德興樂平不遠臣方飭王開琳由馬金街出大鋪嶺以趨婺源之南戴奉聘等三營由萃埠出德興之東截之忽接黃少春飛報聽逆汪

聖朝聖略卷七十一

十一

逆前股擊敗遁回屯溪後復翻白際嶺折竄遂安昏口楊村一帶黃少春已帶所部馬步各營與王開琳一軍出楊村橫擊之魏喻義等急馳赴馬金街與黃少春所派黃元吉李良平兩營合隊爲迎頭截擊之兵臣已飭劉清亮一軍速赴馬金街尙未知能否趕在賊前昨接署浙江臬司劉典來稟知新募之軍四月初旬始可由

湖南啟行道員王德榜回湘續募兩營已抵廣信臣擬俟此股竄賊剿除後卽飭王開琳王德榜戴奉聘各軍赴江西助剿與劉典一軍會合稍資厚集其黃少春劉清亮兩軍則仍應留防迨遂俟湖州賊蹤稍定乃可他調蓋皖南之廣德州甯國縣績溪縣一路空虛湖州之賊以長興安吉爲出路一舉足卽入徽境不由此竄江

聖朝聖略卷七十一

十一

西必由迨遂竄江西未可任其衝突也奏入上命議政王軍機大臣傳諭曾國藩左宗棠李鴻章沈葆楨曰皖南賊勢甚重左宗棠所派王開琳等軍因汪逆折竄浙境遂安一帶回軍迎頭截擊其續派劉清亮之軍赴馬金街若能趕到賊前速與諸軍併力截剿將漭逆此股就地殲除則由皖竄江之賊勢可稍輕卽飭王開琳王德榜等軍速赴

江西會同劉典等軍力勦江境之賊其黃少春劉清亮兩軍應留防遂安等境俟湖賊勦平賊蹤稍定乃可移動惟廣德甯國以至績溪一路空虛不但蘇境餘賊全由此路竄走卽湖州之賊亦可由此竄微以入江境毛有銘等近日軍威是否重整堪資截擊丹陽未克鮑超一軍赴援江西曾否啟行著曾國藩將皖南徽甯各路之防加意布置嚴

欽定剿平粵匪方略卷七十一

十三

督諸軍節節截勦卽未能將竄賊聚殲但能勦滅一賊卽少貽江境以一賊之患湖州官軍漸次合圍著左宗棠督飭高連陞等軍迅圖攻克浙省惟餘此城及安長兩邑未復並著速行掃蕩全清浙境李鴻章派攻湖郡各軍前奏破賊錢漫著飭會合浙軍併力攻擣江西南豐一城曾否攻克著沈葆楨嚴飭席寶田等軍實力進攻所派精捷等營

馳赴德興一帶攔截皖南續竄賊股並飭會合皖浙諸軍前截後追共收夾擊之效其劉典王文瑞兩軍催提星速來江以資調遣該撫前奏飭令席寶田添招二千五百人此項新軍係由何處招募現在曾否招齊作何布置之處並由江甯閩之賊有無續往兵力能否支持均著隨時馳奏

欽定剿平粵匪方略卷七十一

十四

同日馮子材魁玉奏言三月二十六七等日總兵張文德等挑選各營直偏丹陽城下築壘三座以蔽隊左右夾護賊伏不出我軍輪流轟擊斃賊極多於是十里牌西門橋南鄉姑村等處逆壘震盪乞降當將賊巢賊卡十數處全行平毀拔出難民數千分別遣散擇其年力精壯者數百名隨營殺賊一面飭前敵各營輪派五成隊伍晝夜環攻該逆憑巢抗拒急切難下自三

月下旬至四月初旬西門各營明攻暗襲頗有
斬擒都司張永山中槍陣亡其北路戰事先經
臣等派千總周明知管帶頭起降衆前赴詹啟
綸營隨勦二十四日東北兩門各出逆匪數千
乘揚營紮壘未定蠡擁來犯詹啟綸揮軍迎擊
周明知轉戰陣亡二十六日揚軍由北門七里
廟進紮僞然王陳逆糾合大股出撲鏖戰約兩
時許張文德派楊青山率馬步隊飛速接應賊
不虞鎮軍驟至兇斃稍卻楊青山先以精銳衝
突後以步隊分抄會合揚軍兜擊逆衆披靡回
竄四月初三日詹啟綸派劉巷降衆於北門前
敵紮營步步進逼先期函約鎮軍策應張文德
派令楊青山等馬步各隊前往護紮辰刻行抵
北門詹啟綸所部正在布置營壘城逆傾巢出

竄糾合東南附城各賊數萬直撲前敵揚軍攻
其左鎮軍攻其右往還數十次逆陣稍動陳逆
復率四僞王冒死回拒傷亡枕藉猶不肯退我
兵三面抄擊殲前鋒逆目數百名賊始潰退楊
青山等收隊回營是夜三鼓城賊由西門出撲
頭敵各營張文德督同副將汪柱元等奮力擊
退斃賊數百名伏思金陵常州丹陽三城未拔
關繫江南全局金陵早成阱獸近接李鴻章來
信常州亦已合圍丹陽城險而堅賊悍且狡逆
首僞然王與常州護逆同宗誓以死守自旬容
金壇克復各路潰賊歸併內外約四五萬衆鎮
揚兩營兵數本少僅能扼其西北而東南一路
無兵扼紮臣等惟有督飭張文德等就現有兵
力會合北軍相機攻勦此次陣亡之都司張永

山千總周明知應請

飭部從優議卹奏入

上諭曰張永山等均著交部從優議卹據奏各情已於本月初九日據富明阿奏到當一併諭知馮子材等遵辦著仍遵前旨會同揚防各軍迅速攻擊克復丹城毋稍鬆懈

馮子材魁玉又奏言前准督臣曾國藩咨稱句

欽定剿平粵匪方略卷七十一

七

容既復金壇丹陽亦旦夕可下應由鎮軍分守金壇揚軍分守丹陽而令鮑超一軍駐守句容專剿金陵外竄之賊等因當卽呈覆俟丹陽得手分兵照辦嗣據鮑超函請抽撥四營換防金壇臣等查鎮軍攻剿喫緊未便抽動致誤全局且丹陽未拔各營官兵皆爲牽掣不若先其所急併力攻取丹城一經克復遵照督臣指派分

別換守金壇等處鮑超一軍卽可專顧上游於目前軍務較有裨益奏入

上諭曰續據曾國藩奏已調鮑超一軍馳援江西其應如何協守金壇之處仍與曾國藩速籌辦理

馮子材魁玉又奏言丹陽賊勢自三月中旬後羣兇囂集負嶠固守臣等先後派出馬步六七千名兵力甚單其餘存營兵勇不過四千餘名

欽定剿平粵匪方略卷七十一

太

尚須留守城池分防要隘萬難續撥不得已於各起降衆內擇其勇敢善戰者酌量收錄分別派員管帶隨營殺賊先後共收用二千二百餘名此項降衆口糧應如何籌給之處臣等體察情形隨時函商糧臺酌量辦理一俟丹陽克復立卽給資遣散奏入報

聞

十四日甲申富明阿奏言我軍自擊退援賊踏平

逆壘後旋據詹啟綸稟稱孟河奔牛等處賊黨

陸續前赴揚鎮兩營投誠我軍後路既已肅清

即移全軍緊逼丹陽城下會合鎮軍輪流環擊

並先期派定各營擇要設伏以防竄逸四月初

三日賊果傾巢山撲我軍開礮轟擊悍賊猶縶

擁而前我軍扼定橋口奮呼迎殺都司許惠等

首先槍入賊隊各軍賈勇齊進馬隊左右包抄

賊勢稍卻旋又糾集後隊死力突竄都司許惠

驟馬衝壓斃黃衣賊目二名中礮陣亡披甲

雙成亦受傷殞命副將田興富等俱受重傷猶

復裹創力戰自辰至申鏖戰數時之久我軍銳

氣倍增爭先齊進陣斬偽法天安鼎天安賊首

二名擊斃逆匪五百餘名其餘被創者不可勝

聖朝聖略卷七十一

十九

聖朝聖略卷七十一

三十一

計賊始遁入城中我軍甫經收隊賊復於夜間

撲營亦經擊退雖連朝陰雨賊無日不拚死攻

營我軍亦無日不極力痛剿斬獲甚衆連日投

誠者復有數千初八日酉刻詹啟綸派令壽昌

等率領馬隊四路設伏派刁經明等分路進攻

詹啟綸即一面函約鎮軍同時大舉一面親督

廖鴻清等揮軍前進槍至東北門外該逆瞭見

即憑牆死守礮石如雨我軍亦開礮轟擊更樓

望臺該逆勢甚惶懼各營將士乘其驚亂之際

填濠猛進沖煙突火豎立雲梯一擁齊上砍倒

守梁賊衆焚燒城中房屋賊即大潰奪門四竄

適鎮軍亦由西南斬關而入合力搜剿當於初

八日亥刻將丹陽縣城克復一面派兵分守安

撫一面抽調馬步各軍跟蹤追剿是役共斃悍

賊千餘名生擒七百餘名救出男婦老弱難民三四千人據擒賊供稱僞英王叔受傷已於前夜易裝潛赴常州求救至今未歸並據副將劉成元稟報常州亦於初六日攻克臣查丹陽爲金陵常州咽喉要地賊衆負隅日久仰賴

皇上指示機宜攻拔堅城現在常州既經克復金陵已成孤注東南肅清指日可待臣仍當督飭將

聖軍方略卷七十一

三

士搜捕餘氛並派總兵蔣臨照等渡江趕將降衆及早分別遣散俾不致逗留滋事以靖地方在事尤爲出力之侍衛訥依楞阿等謹先行開列請獎其餘在事出力文武員弁兵勇可否由臣查明擇尤保奏之處出自

鴻慈此次陣亡儘先都司許惠披甲雙成請旨交部照陣亡例議卹

同日馮子材魁玉奏言鎮揚官軍圍攻丹陽四月初八日酉刻張文德派副將楊青山等分路梯攻西南兩門另派軍功蔣湧源等管帶各起降勇隨同進剿副將林從太等統帶各營馬隊截殺潰匪鄉團練勇豫備包抄布置既定張文德直抵城下令諸軍賈勇先登該逆憑巢抗拒官軍前隊受傷數十人楊青山等奮不顧身指麾將士從礮火中填濠而進將城上更樓哨臺轟燬數處守堞之賊殲殪無數官軍斬關直入時詹啟綸所部亦由東北兩門合力圍攻逆勢大潰揚鎮兩軍四面截殺斃賊近萬生擒一千二百餘名卽於是日亥刻克復丹陽縣城其西南各門附近賊巢數十處一律焚燬殲甚多在事鎮將躬冒矢石著有微勞合無仰懇

聖軍方略卷七十一

三

天恩先行獎勵其餘出力文武官弁兵勇容臣等擇尤保奏

同日李鴻章奏言官軍合圍常州自三月二十

二日轟塌城垣臣與諸將日夜派隊嚴守缺口

適連旬陰雨該逆每黑夜冒雨偷築塌處弁勇

時以槍箭防護殲賊甚多四月初三日各項炸

彈配齊臣添調劉士奇王永勝所部全隊赴常

州令戈登礮隊仍攻南門劉士奇等礮隊移攻

東南角又於城濠外豫築長牆百數十丈使兵

勇有所護身礮位可以移近部署既定臣與李

鶴章輪替查勘飭郭松林劉士奇等各於長牆

下開一深溝暗通城河可容二三千人夜間密

派弁勇由溝內出搭浮橋屢被城頭守賊知覺

自初更至天明槍礮徹耳互有傷亡如是三四

夜而浮橋已成六道初五日雨稍止臣卽令戈

登王永勝劉銘傳等開礮轟擊至初六日午刻

戈登仍將南門舊缺口轟塌數十丈劉銘傳仍

將北門舊缺口轟塌十餘丈劉士奇王永勝督

同管帶礮隊都司劉玉龍將東南角亦轟塌十

餘丈黃翼升督派各營水師分門對轟城賊死

力堵拒隨塌隨填經我軍礮斃槍斃甚夥無處

立足臣見機有可乘未刻傳令各軍大隊同時

由缺口齊上郭松林等分路突衝而上受傷多

人其南門缺口後隊稍卻郭松林橫刀亂砍一

擁直前劉士奇王永勝催隊愈急頃刻間我軍

旗幟布滿城頭戈登督常勝軍槍隊繼進忽護

逆率兩廣悍逆數千拌死由水北門來撲王永

勝劉士奇由東門循城迎擊張樹聲乘勢督三

營搶上東城會合兇勦賊漸不支而北門守賊仍與劉銘傳所部拚死拒鬪劉銘傳率所部猛力撲進遂將護逆一大股擊入街心王永勝劉士奇劉銘傳張樹聲節節追勦賊亦節節回撲沿衢塞巷屍血狼藉追至偽護王府該逆仍率死黨紮立石卡以槍礮對擊我軍圍之數重副將龔生陽衝入賊隊生擒偽護王陳坤書遊擊

聖皇聖略卷十一

三

宋雲龍生益偽佐王黃和錦賊衆奔潰殲戮靡遺郭松林劉士奇等見城內人衆不可勝誅傳令伏地棄械者免死於是男女老幼跪降者六七萬有餘郭松林戈登等由南門沿城追勦偽列王費天將帶賊七八千人由小南門趨擁撲來又戰十數合忽前忽卻周壽昌等大呼陷陣周盛波王東華等由缺口進合力兜擊該逆前

後受敵猶亡命猛衝其繩落城下數百人經周盛傳等截勦淨盡大股繞城亂走亦經各軍追殺內有廣東悍逆數百埋伏僻巷持矛格鬪盡數斬之周盛波所部生擒費天將網送正法自未刻登城巷戰直至酉末始將賊衆全股擒殺無得脫者遂克復常州府城當將偽護王陳坤書凌遲處死梟示常州東門外以洩衆忿查常

聖皇聖略卷十一

三

州爲護逆分地脅從最多荼毒最甚臣沿途察看百數十里內村市平毀農田全荒白骨荆榛絕無居人卽從此招徠撫恤一二年內農商斷難復業臣惟有亟爲休養冀慰

宸廑此次攻克常州除臣弟李鶴章無功可錄不敢仰邀

獎敘外所有尤爲出力之統將提督劉銘傳屢卻大

敵福山鎮總兵郭松林提督王永勝劉士奇均
首先登城不避矢石可否請

旨酌加優獎准揚鎮總兵黃翼升勞苦功多可否請
旨交部從優議敘其勞績尤著之將佐文武先行開

列請獎以昭激勸其餘應獎應卹員弁兵勇容
俟查明專案奏辦

李鴻章又奏言常州既復丹陽已成孤注臣派

聖朝聖略卷七十一

毛

令劉銘傳郭松林等督帶二十餘營由奔牛北

趨相機夾攻以期速克昨准曾國藩咨稱聽侍

各逆上竄江西欲調鮑超全軍援江商令臣酌

派勁旅接防東壩查該處為金陵丹陽上竄廣

德要路臣若以孤軍進東壩一經竄逆中梗蘇

州消息難通現今劉銘傳郭松林等進攻丹陽

張樹聲六營守常州劉士奇王永勝兩軍困苦

戰疲勞且湖州未克蘇省空虛須令屯紮休養

專備各路游擊援應局勢方穩目前暫無大枝

勁旅可以遠赴東壩擬令提督周盛波黃中元

八營由溧陽進紮南渡以備截剿金丹等處竄

賊與溧陽東壩較易聯絡俟丹陽克復北路防

鬆即派各軍進紮東壩二溧一帶以便替出鮑

軍援剿江西臣俟常州防務布置粗定交李鶴

聖朝聖略卷七十一

天

章就近妥商調度仍即回省籌辦一切均奏入

上命議政王軍機大臣傳諭曾國藩富明阿李鴻章

馮子材魁玉曰賊首陳坤書聚黨負隅與金陵賊

窟為犄角李鴻章督率各軍苦戰奮攻於月之初

六日克復郡城竟將賊首生擒就戮賊之全股殄

滅無一漏網江南大局得以漸定所辦至為周妥

現在丹陽亦已克復雖據馮子材等奏稱斬擒不

少恐竄出之賊尙多且未將賊竄何路明晰聲敘丹陽城中悍賊甚衆若任其奔突又將貽患他處現在賊股竄往皖南江西等處者其勢已重尤當防其陸續竄往合併著李鴻章卽飭劉銘傳等軍迎探賊蹤攔頭截擊並著富明阿馮子材等嚴飭揚鎮各軍奮力追剿丹陽竄賊與劉銘傳等軍前後夾擊務將餘股全數殲除毋得以克復丹陽遂

欽定剿平粵匪方略卷三十一

三十一

置竄賊於不顧曾國藩調鮑超一軍赴援江西而令李鴻章酌撥勁旅接防東壩東壩爲賊竄要道該撫以丹陽未克先令提督周盛波等八營由溧陽進紮南渡與東壩聯絡截剿此時丹陽已克北路防鬆是否卽可調派各軍進紮東壩二溧一帶以便騰出鮑超一軍及早援江抑將丹陽出竄之賊剿滅淨盡再行調派著曾國藩李鴻章會商妥

籌相機辦理富明阿摺內所奏僞英王叔身受重傷先期逃往常州等語未知是否確實仍著富明阿馮子材查明首逆如尙在逃務須擒戮毋任漏網降衆人等尤須設法妥爲安插遣散以絕後患勿稍大意

上諭內閣曰鎮江揚州官軍會攻丹陽經詹啟綸張文德等督隊進攻斬關直入當將丹陽縣城克復

欽定剿平粵匪方略卷三十一

三十一

其西南各門附近賊巢一律焚燬剿辦甚爲出力仍著富明阿馮子材督飭各軍迅將潰賊悉數殲除毋任漏網富明阿所保之提督詹啟綸著加恩賞給白玉四喜徽指一箇火鏢一把大荷包一對小荷包兩箇以示優獎侍衛訥依楞阿著賞給瑚松額巴圖魯魯名號遊擊鄭啟貴著賞給著勇巴圖魯名號都司李福興著賞給效勇巴圖魯名號遊

擊葉廣全著賞給力勇巴圖魯名號委營總富陞
德明均著交軍機處記名遇有副都統缺出請旨
簡放副將刁經明著交軍機處記名遇有提督缺
出請旨簡放遊擊胡世英著以副將儘先補用並
賞加總兵銜馮子材等所保之總兵張文德著交
軍機處記名遇有提督缺出請旨簡放楊青山著
賞給道勇巴圖魯名號參將霍名陞著賞給勅勇

聖朝聖略卷七十一

三

巴圖魯名號李耀光著賞給確勇巴圖魯名號以
示鼓勵其揚鎮兩軍出力文武員弁著富明阿馮
子材等會同擇優保奏揚州官軍力戰陣亡之儘
先都司許惠著交部照都司陣亡例議卹披甲雙
成著照陣亡例議卹以慰忠魂

上又諭內閣曰江蘇常州踞逆陳坤書等擁眾死守
經李鴻章親督各軍合力夾擊將逆黨全股擒殺

無得脫者當將常州府城克復勦辦甚屬得手此
次李鴻章親督各軍痛殲巨股克拔堅城實屬謀
勇兼全深堪嘉尚著加恩賞給騎都尉世職道員
李鶴章提督劉銘傳郭松林王永勝劉士奇俱能
親冒矢石奮勇爭先均著賞穿黃馬褂以旌勞勩
提督黃翼升著交部從優議敘權授江蘇省總兵
戈登帶隊助勦屢著戰功此次協同攻克常州尤

聖朝聖略卷七十一

三

為出力著賞加提督銜並著照李鴻章所請頒給
旗幟功牌以示優異仍俟將所部常勝軍部署妥
協再由李鴻章奏請嘉獎尤為出力之遇缺提奏
提督王東華等均著交部從優議敘內陳東友周
盛波黃中元滕嗣武李恆嵩並著交軍機處存記
遇有總兵缺出先行提奏總兵楊鼎勳著以提督
記名遇缺提奏提督張樹珊等均著賞給正一品

封典總兵陳忠德易用剛鄭國魁均著交軍機處存記遇有總兵缺出先行提奏並賞給從一品封典唐殿魁著以提督記名簡放董鳳高周盛傳童邦喜者貴均著交軍機處存記遇有總兵缺出先行提奏並賞加提督銜周壽昌文茂林均著交軍機處存記遇有總兵缺出先行提奏並賞給二品封典張桂芳等均著賞給從一品封典況文榜等

聖朝聖略卷十一

三

均著以總兵記名簡放內周蘭亭顏邦桂宋德鴻並賞給二品封典徐得勝並賞給質勇巴圖魯名號畢乃爾並賞給法什尙阿巴圖魯名號副將謝連升參將王平西均著免補副將以總兵記名簡放副將朱聯陞著賞給剛勇巴圖魯名號韓殿甲著賞給固勇巴圖魯名號以上二員並賞加總兵銜參將王萬釗著以副將歸於四川儘先補用並

賞加總兵銜劉朝幹等均著免補參將以副將儘先補用劉朝幹並賞給猛勇巴圖魯名號覃洪陞並賞給誠勇巴圖魯名號羅榮光並賞給果勇巴圖魯名號曾明魁並賞給衝勇巴圖魯名號李長樂並賞給尙勇巴圖魯名號舒義志並賞給才勇巴圖魯名號鄧明遠並賞給銳勇巴圖魯名號副將彭連陞著賞給赫勇巴圖魯名號參將駱金榮

聖朝聖略卷十一

三

著賞給強勇巴圖魯名號遊擊鄭國榜參將陶位中均著以副將儘先補用鄭國榜並賞給精勇巴圖魯名號陶位中並賞給衝勇巴圖魯名號道員符信等均著賞給二品封典參將黃桂蘭等均著以副將儘先推補黃桂蘭並賞加總兵銜遊擊張正全等均著以參將儘先推補並賞加副將銜鄭龍彪著賞給健勇巴圖魯名號參將朱寶元著賞

給利勇巴圖魯名號遊擊宋雲龍著賞給展勇巴圖魯名號都司楊玉書等均著以遊擊留於江蘇儘先補用內劉玉龍並賞給直勇巴圖魯名號擬保守備廖德旺等均著以都司補用並賞戴藍翎外委王桂林等均著免補千總把總以守備儘先補用知府劉盛藻等均著以道員用直隸州知州丁日昌著免補本班以知府儘先補用通判包國

聖朝聖考卷七十一

三

挺著免選本班以同知直隸州知州儘先選用知縣史書青著免補本班以直隸州知州仍留江西補用並賞換花翎主簿刁祖彜著以知縣選用已革道員馮席珍著開復原官候補同知直隸州知州韓杰著賞給四品封典其餘出力陣亡員弁兵勇著李鴻章查明奏請獎卹

上又諭內閣曰江蘇常州府城於咸豐十年四月間

被匪圍攻時紳民嬰城固守迨失陷後士女殉難者數萬人被害極為慘苦現在李鴻章奏報克復據稱該郡村市平毀農田全荒白骨荆榛絕無居人一二年內農商斷難復業等語披覽情形實堪矜憫允宜特沛恩施以蘇民困所有常州府武進陽湖二縣加恩著自同治三年起至五年止豁免三年錢漕用副軫恤遺黎至意

聖朝聖考卷七十一

三

欽定剿平粵匪方略卷三百七十二 甲子年

四月十六日 丙戌 僧格林沁奏言 臣於三月十九

日督帶馬隊由嵩縣越山取道向南進發二十
五日馳抵南陽縣屬之馬山口據副都統色爾
固善等面稟二十四日突有後股長髮逆首梁
姓率衆來撲我軍迎頭截擊殲賊二百餘名該
逆敗逃追殺二十餘里復斃賊二三百名二十

欽定剿平粵匪方略卷三百七十二

一

六日 臣統領馬步各隊進山追剿行至夾道溝
地方該逆膽敢列隊抗拒當卽揮令副都統恆
齡等各帶馬隊越山衝壓翼長舒通額等馬隊
從旁接應該逆敗走我軍追殺數百里斃賊四
五百名生擒數百名救出難民三四百名賊匪
翻山向西南板橋川一帶狂奔馬隊未能窮追
訊據賊供此股髮賊不過七八千人現向西南

逃遁欲與前路逆首陳德才合股等語是此股

髮逆人數無多且經兩次擊敗自不難於掃滅
當飭色爾固善張曜等帶領所部兵勇躡蹤追
剿無論此股竄至何處無分畛域實力追擊其
前竄髮逆數股及張總愚股匪悉向新野鄧州
一帶逃奔三月十五至二十五等日蘇克金春
壽連日在鄧州雙橋新野縣安春寨一帶與各

欽定剿平粵匪方略卷三百七十二

二

股賊匪接仗屢獲勝捷現仍跟蹤追剿先經臣
飭撥都司桂錫楨等馬隊趕赴前敵隨同蘇克
金勦辦以厚兵力 臣督帶各起馬隊兼程跟追
於四月初二日至棗陽屬之唐縣鎮距賊二十
餘里紮營與總兵楊朝林面晤該鎮帶有楚省
步隊兵勇四千名在彼駐紮並將棗陽所駐步
隊五百名隨州所駐步隊五百名一併令該鎮

統帶隨同前進 臣於初四日冒雨跟追探得張
總愚股匪在州城南關一帶潛伏當卽派隊迎
擊擒斬甚多現飛調蕭河清孟宗福等酌帶四
千人迅卽來楚交官文飭令與楊朝林之軍合
力追擊迅掃逆氛查各股賊匪現竄德安一帶
距省城不遠有官文督飭水路各軍足敷剿辦
儻向江南一帶奔竄有曾國藩各軍截擊諒可

聖皇聖考聖書卷七十三

三

無虞 臣所帶步隊無多且礮位又難轉運馬隊
因地勢不能得力難以深入一俟蕭河清等步
隊到楚卽將馬隊撤至豫境以防北路再據色
爾固善張曜等稟報三月二十七日緊躡後股
髮逆於泉山地方追及擊斃二百餘名生擒賊
目林濤桂等七名長髮賊百餘名其逃至北山
頂一股三百餘名悉數誅戮餘匪翻山敗遁二

十八日復於老鶴河遇另股髮逆經色爾固善
張曜等渡河衝殺該逆大敗我軍乘勝追殺二
三百名生擒賊目數十名該逆現分兩股敗竄
我軍惟有由北向南沿山搜剿以期淨絕根株
至蘇克金等於四月初一日由唐縣向東北一
路跟追竄匪未悉何股俟續接稟報再行馳奏
同日官文奏言髮逆由河南浙川內鄧勾結捻

聖皇聖考聖書卷七十三

甲

逆號稱數十萬分股闖入楚疆現在襄樊以下
處處喫緊棗隨鍾京疊次撲城雖經我兵擊退
猶在各處裹脅擄掠隨州德安均與豫境毗連
下游麻羅蘄黃又可直達皖北而孝感小河司
一帶尤爲武漢門戶該逆又分股竄至安陸府
城並在襄河沙洋對岸白口多寶灣等處滋擾
希圖擄船爭渡雖屢經礮船擊敗而湖北祇此

兵力髮捻股數愈分愈多我軍派撥愈分愈少
防剿益形不足相應請

旨飭下多隆阿速飭姜玉順等將派令赴楚之兵勇
四千名再由多隆阿添派馬隊五百名星夜兼
程來鄂會合楚軍實力堵剿儘賊由陸路東趨
並可爲皖北一路追剿援應之師一舉兩有裨
益

聖朝聖略卷七十三

五

官文又奏言髮捻合股關入棗陽意在撲城並
撲總兵楊朝林營壘楊朝林先已準備三月二
十日派隊直逼賊巢該匪猝不及防譁然驚潰
殺悍賊數十名燒燬賊館十餘處偵知該逆將
攻土橋鋪寨楊朝林密飭都司鄧榮升等各帶
本營繞出賊前三面夾攻殺賊數百名賊向梁
家集一帶竄去二十二三四等日該逆分股下

竄隨州擾及京山所屬之京河鍾祥所屬之板
凳岡一帶後股髮逆糾合捻逆由蒼苔過河復

竄棗屬之楊家壩楊朝林督兵迎擊於隆興寺
殺騎賊數十名大股由齊方岡包抄而來楊朝
林以大礮轟之擊斃馬步悍賊數百名賊向南
敗竄二十五六等日該逆由鍾祥縣屬洋梓地
方擾至附城紅廟一帶總兵梁洪勝帶隊接仗

聖朝聖略卷七十三

六

殺賊數百名二十七日賊約六七萬分爲三股
一撲城東一撲城西南以精悍大股包抄我軍
營壘又於山岡下伏萬餘人步步來撲我軍槍
礮轟擊傷斃不少又有黃衣賊萬餘爲左右兩
支直逼濠邊梁洪勝飭各營護濠而立派隊暗
山營外奮力前攻自率親兵從後繼進聯絡接
應各軍同時齊上轟斃黃衣賊目八名步賊棄

械奔逃其時撲城之賊經副將黃勝日會同安陸府知府同勳等登陴固守連開大礮轟斃馬賊十餘名賊始退卻梁洪勝復令各營將大礮一齊開放該逆傷斃無數歸併一股合力死鬪我軍勇氣百倍鏖戰三時之久殺斃轟斃千餘名生擒偽丞相偽指揮五名解散裹脅難民二千三百人全股向火龍山敗遁我軍追十餘里至

聖朝聖略卷七十三

七

石家店收隊梁洪勝恐後股之賊繼至回郡防守該匪竄距安陸九十餘里之舊口鎮總兵張啟基率領礮船順流而下轟斃逆匪多名賊蹤稍卻我軍各持刀矛登岸又斃賊數百名四月初一日該逆復至河岸搶渡官軍三路齊進槍礮環攻該逆向林家集一帶遁去是日四鼓該逆於馬梁內湖搜擄小划船數十隻黑夜偷渡

張啟基豫為設伏以礮船連環擊之該逆紛紛落水岸上之賊奪路狂奔當將划船燒盡該匪現已擾及應城愈趨愈下武漢戒嚴臣現飭石清吉由小河司移紮楊店上顧德安下顧武漢成大吉馬步十二營移紮漢口並分撥二三營紮漢口新溝以顧省城門戶飭楊朝林俟後路稍定即由鍾祥水路下駛會合提督江長貴自

聖朝聖略卷七十三

八

新溝漢口縣河口一帶節節進攻又將舒保馬隊分布於孝感之楊店等處先顧省垣兼扼趨皖之路其孝感黃陂水路已飭左光培分撥礮船扼要嚴防飛調唐瑞廷礮船由襄趕赴漢口又添派守備黎澤唐礮船入天門阜市一帶湖河截剿並於各河口要隘札飭紳士團勇晝夜梭巡押令襄河停泊竹簞盡行放出江口使賊

無從竄越自三月下旬連日大雨江湖陡漲該
逆奔突於泥淖之中我軍礮船更覺便於施展
臣現在沂流而上先督水師保守襄河水面俟
安陸京山天門應城逆氛掃蕩卽由陸路前往
雲孝德安一帶相機督勦均奏入

上命議政王軍機大臣傳諭僧格林沁官文曾國藩
多隆阿穆圖善喬松年嚴樹森張之萬劉蓉曰髮

欽定剿平粵匪方略卷七十三

九

逆梁姓股匪七八千人及捻匪張總愚等股疊經
僧格林沁指揮馬步各軍痛勦斃賊甚多餘匪越
嶺逃避僧格林沁以棗隨一帶地勢狹窄馬隊難
以施展請調蕭河清孟宗福等所帶四千人迅速
赴楚著多隆阿穆圖善劉蓉迅飭蕭河清等馳赴
楚省交官文調遣官文俟此項步隊到後飭令與
楊朝林之軍追擊各股逆匪以資得力儘該匪被

勦回竄一至平關地方該親王當扼要豫爲布置
迎頭截擊爲一鼓聚殲之計金陵已成孤注且夕
可克該逆如向英霍一帶奔竄曾國藩喬松年自
當嚴密防勦誠恐皖南軍事方殷皖北兵力不厚
急切難以分撥僧格林沁仍當妥籌截勦並催調
陳國瑞一軍駐紮臨淮一帶以備緩急之用總不
可令該匪東趨得遂其回救金陵之計張曜此次

欽定剿平粵匪方略卷七十三

十

追斬各逆亦頗奮勇張之萬務當飭令該總兵實
力搜捕不得恃有僧格林沁大兵稍耽安逸豫省
無賊地方當嚴飭文武各員督同紳團協力守禦
毋令敗匪再行闖入隨棗鍾京賊氛徧地武漢戒
嚴官文現飭石清吉移紮楊店上顧德安下顧武
漢成大吉馬步十二營移紮澠口分紮澠口楊朝
林俟後路稍定由鍾祥水路下駛會合江長貴節

節進攻又將舒保馬隊分布於孝感之楊店等處先顧省垣兼扼東趨皖省之路孝感黃陂水路各分撥礮船扼防著卽督飭派出各軍認真勦辦並卽督帶親兵泝流而上先保襄河水面俟安陸京天等處掃蕩卽由陸路往雲孝德安一路督勦省城防守事宜著嚴樹森妥籌辦理毋稍大意所調之姜玉順等楚勇四千名著多隆阿穆圖善等迅

聖朝聖略卷三十二

十一

卽催令起程前撥常星阿等馬隊迅催前赴僧格林沁軍營到營後應如何分撥湖北交官文調遣卽由僧格林沁妥籌辦理

十七日 丁亥 馮子材魁玉奏言四月初八日鎮軍

克復丹陽縣城業將大略先行馳報續據總兵張文德稟稱是日督同副將楊青山等攻破西門斬關而入逆首偽然王陳時泳卽偽英王叔

偽來王賴桂芳冒死巷戰歸正頭目黃先知杜玉成等爭先響應會合官軍奮力鏖戰陳時泳被創倒地立梟其首杜玉成等亦將賴桂芳擒縛並陣斬偽廣王李愷瞬偽烈王金友瞬偽梁王凌郭鈞偽鄒王周林保等大小頭目百餘名餘衆乞降查賴逆係逆賊洪秀泉妻弟久著兇頑罪大惡極立卽凌遲處死與陳會首級一併

聖朝聖略卷三十二

十二

竿示其東南一帶敗匪冒雨潰竄經副將林從太等追勦自丹陽延陵以至金壇境內之西洋句壇交界境內之大茅山一帶沿途斬馘實有六七千名淹溺無算臣馮子材初九日親往丹陽慰勞將士安撫降人查點難民分起資遣其一時未能回籍者權宜安插設法遣散城內防守事宜揚軍屯紮東北鎮軍屯紮西南擬俟部

署略定查照督臣曾國藩前咨由富明阿派兵專駐一面撥隊移防金壇此時常鎮各屬一律肅清金陵益成孤注東南指顧可平臣等尤不敢不慎之又慎現督飭將士搜捕殘孽扼要防守未敢稍形鬆勁此次勇目黃先知杜玉成等去逆效順擒斬逆首尤爲出力合無懇恩賞給三品頂戴花翎以示破格獎勵奏入

欽定剿平粵匪方略卷三十二

上命議政王軍機大臣傳諭富明阿李鴻章馮子材魁玉曰丹城既克首逆亦除金陵自成孤立之勢不難合力攻克惟竄匪必須搜捕淨盡殘黎必須加意安輯該提督等卽飭在事文武妥爲籌辦務當慎之又慎以靖地方馮子材現擬撥隊移防金壇以揚軍專守丹陽惟江北空虛楚豫賊匪仍思東竄皖境以救金陵前據李鴻章奏俟丹陽克復

後卽可派撥所部進紮東壩二溧一帶現在常州丹陽均已克復李鴻章所部兵力有餘前所派由溧陽進紮南渡之周盛波等軍及助攻丹陽之劉銘傳郭松林等軍除派赴金陵皖南等處助剿外其餘卽著酌量調赴東壩二溧駐紮以固江蘇門戶鮑超一軍卽可騰出趕赴江西丹陽一城卽著馮子材魁玉派兵就近駐守其富明阿所統江北

欽定剿平粵匪方略卷三十二

之軍卽可調回揚防以備截剿楚豫東竄之賊以上布置情形卽著富明阿李鴻章馮子材魁玉通籌大局妥爲辦理一面迅速奏聞
上諭內閣曰據馮子材等將丹陽克復詳細情形入奏鎮江官軍圍攻丹陽立將陳逆殲斃陣斬廣逆烈逆梁逆鄒逆等頭目生擒洪逆妻弟來逆賴桂芳正法追殺敗匪六七千名常州鎮江一帶一律

肅清勦辦甚為得手馮子材駐守鎮江數載以來
屢禦悍賊此次復派撥兵勇克復丹陽縣城調度
有方深堪嘉尚著加恩賞穿黃馬褂魁玉幫同馮
子材辦理軍務亦甚得力著加恩賞給巴圖隆阿
巴圖魯名號富明阿自親督兵勇馳援蒙城軍威
丕振立解重圍會著勞績嗣令統帶所部回駐揚
防復能派兵援應鎮江會克丹陽實屬不分畛域

聖朝聖考卷七十三

七

著加恩賞穿黃馬褂以示優獎其益漸逆首尤為
出力之勇目黃先知杜玉成均著賞給三品頂戴
花翎

十八日 戊子 李鴻章奏言常州攻克後擬派劉銘

傳郭松林等馳往丹陽會剿臣於四月初七日

先派副將黃金志帶馬隊百餘名山奔牛呂城

前進探聞丹城偽英王叔等因常州已克全股

聖朝聖考卷七十三

七

被賊驚懼殊甚劉銘傳郭松林冒雨帶隊進行
甫抵奔牛據探騎回報初八夜丹賊內亂偽英
王叔陳時泳被殺餘眾開南門逃竄鎮揚官軍
入城收復等語是蘇境北路已清自應查照會
國藩咨商派兵接守句容東壩以便鮑超迅速
赴援江西當飭劉銘傳所部十二營赴句容接
防鄭國魁所部水陸五營赴東壩接防以固蘇
省門戶而扼金陵竄路金陵外援久絕枝葉全
芟賊勢益窮不日當可得手臣已將常州隊分
布置就緒拜摺後起程回蘇奏入

上諭曰昨有旨諭令該撫將周盛波劉銘傳等軍除
派赴金陵皖南助剿外酌量調赴東壩二漂駐紮
以固江蘇門戶騰出鮑超一軍迅赴江西茲覽該
撫所奏飭劉銘傳接防句容鄭國魁接防東壩各

情與前論適相磨合卽著飭該兩軍認真嚴防以扼金陵竄賊外竄之路毋稍疏虞

十九日丑己曾國藩奏言偽聽王陳炳汶偽侍王

李侍賢各會由浙境先後犯徽業經附陳大概情形查杭州餘杭旣克賊首陳炳汶汪海洋等分道出竄畢萃於徽郡之東南毛有銘率所部八營自休甯至郡商之唐義訓出城迎勦三月

欽定剿平粵匪方略卷七十一

七

十三日唐義訓出郡南毛有銘出郡東乃東軍隊伍未整猝然賊至前軍旣挫後軍旋亂毛有銘遂率衆退入郡城唐義訓在南路之方村迎戰聞東軍失利亦卽撤隊回城而賊已由吳山鋪分擾桂林又繞出藍田等處自東而北直撲城垣郡中大震唐義訓毛有銘督軍出城擊退並徧搜碣田槐塘棠越唐模各村落斬賊頗衆

賊乃由巖市入屯溪圍撲該處營壘防守屯溪之羊寅洪良輝竭力堅守一晝夜適毛有銘於

夜半向屯溪疾進又有汉口三營前來助戰該逆不暇奪食棄釜撤圍多向龍灣上溪口竄去毛有銘卽築營駐師屯溪十六日唐義訓率隊至齊武遇賊薄有益斬俄聞待逆分股繞竄巖市以西而親督死黨出深渡過河唐義訓乃令

欽定剿平粵匪方略卷七十一

六

王品高等留駐朱村而自帶親兵及葛清泰一營駐紮篁墩謀與毛有銘會師禦賊十七日朱村各營侵曉出隊行次楊村詎深渡之賊已大至我軍初尙得手迨裏入重圍傷亡甚多時毛有銘適在屯溪上游途次聞警卽飭各營分三路飛援毛有銘自外攻入唐義訓自內衝出賊始披靡我軍追過十里山坳中忽遇賊伏遂爲

所乘將士損折棄械爭渡幾不能軍毛有銘唐
 義訓回郡賊已連宵西上直偪休甯自是歛休
 境內無地非賊亦無路不梗布長圍以二我郡
 城而郡東之接踵而來者仍復絡繹於道十八
 十九兩日唐義訓舉退薄城之賊並藉小捷休
 甯守將劉長春等亦於十九二十等日截賊於
 溪邊村等處賊知兩城守禦尙固乃由龍灣浙
 嶺分竄婺源境內以達江西之德興延及玉山
 勢甚猖獗此次毛有銘唐義訓堵剿不力咎無
 可辭相應請

聖朝聖略卷七十二

九

旨將署皖南鎮總兵唐義訓革職仍留署任道員毛
 有銘革去勇號拔去花翎以知府降補仍留營
 差委以觀後效臣調度無方並請

旨將臣交部嚴加議處

會國藩又奏言近日金陵一軍在朝陽神策金
 川等門外開挖地道十數處賊於附城一帶築
 月圍以拒之三月二十三二十五六等日攻破
 月圍焚其火藥礮斃極衆當此之時除卻嚴圍
 猛攻力禁接濟更無他法賊之由婺源境內關
 入江西者一聚德興一撲玉山又將延慶腹地
 臣前調超鮑率師西援縱使李鴻章派兵替守

聖朝聖略卷七十二

二十

句容東壩鮑超軍亦難速到實恐緩不濟急因
 派周寬世駐省七營金國琛馬步九營先從饒
 州一路進援江西未知果否有裨鮑超於尙未
 援江之際囑令會同鎮揚兩軍力攻上游髮捻
 巨股已竄過隨州棗陽將及黃德二郡意在假
 道鄂皖東援金陵前奉

諭旨飭於彭玉麟楊岳斌二人中派一人統率鄂軍

現接官文來咨鄂省江面防勦有李濟清萬化林等師船足數分布請於彭玉麟楊岳斌二人中商一人布置九江以下臣卽商請彭玉麟率師上駛已於四月初九日過安慶初十日由安慶馳赴九江防勦北岸鄂皖江面兼顧南岸鄱湖都昌一帶自徽軍失利後臣慮婺源樂平饒州景鎮或致淪陷不意均得保全且聞竄江之賊因糧食不繼號令不一紛紛逃散仰託

欽定剿平粵匪方略卷七十三

三

聖主威福此股或不足深慮惟皖北陸路僅潁州六安廬郡巢縣等處置有防兵其餘潛太英霍桐舒等縣皆係當年髮捻往來熟徑防守無兵空虛可慮臣惟有力疾調度勉措危局曾國藩又奏言查鮑超一軍旣取句容遂平寶堰五壘卽乘勝直逼金壇城下並豫飭周有勝

曹志忠等四營伏於茅山之左而以黃海清等騎隊佐之令唐仁廉李文益等四營伏於茅山之右而以婁雲慶等騎隊佐之金壇逆酋率賊二萬出撲我軍佯退俟賊追過茅山正向田隴村落閒邁迤而進鮑超揮令張玉田等突出中路槍礮齊發賊亦以洋槍小隊繼擁來迎張遇春衝入賊隊賊眾披靡鮑超催動號鼓伏兵四起截斷歸路該逆蒼黃失措棄械滿道各軍追殺五十餘里偪至金壇西門賊不敢進城而城賊亦啟南門向三仙關遁走卽於二十日收復縣城此次遊擊張遇春奮不顧身疾馳入陣實屬勇敢相應懇

欽定剿平粵匪方略卷七十三

三

恩以副將儘先補用其餘出力員弁兵勇容卽彙入東壩句容各案查明請獎至參將鮑昌齡都司

宋連陞王正禮力戰陣亡並請

飭部從優議卹奏入

上命議政王軍機大臣傳諭僧格林沁官文曾國藩
富明阿左宗棠吳棠李鴻章喬松年沈葆楨嚴樹
森曰浙省賊股上犯徽郡總兵唐義訓堵剿不力
道員毛有銘軍無紀律竟至大挫咎無可辭唐義
訓著革職仍留署任毛有銘著革去勇號拔去花

聖朝聖略卷七十三

三

聖朝聖略卷七十三

三

師以知府降補仍留營差委曾國藩自請嚴議之
處著加恩寬免至此股賊勢衆多由湖郡竄徽陸
績不絕毛有銘等軍既經挫折歛休境內無地非
賊該處軍情正當喫緊皖南兵力尙單前諭左宗
棠籌撥蔣益澧各軍馳援徽境著卽酌量情形多
撥勁旅前往與該處防軍聯絡夾攻務將該逆速
行剿洗並飭令黃少春劉清亮兩軍嚴扼遂安要

陞以防湖賊續竄徽境飭令王開琳等截賊婺源
德興之交毋令南竄嚴州西竄饒郡曾國藩慮鮑
超馳援江西不能速到現派周寬世金國琛等營
先援饒州一路著飭迅速前往力籌堵剿並著沈
葆楨飭令在防將士與周寬世等軍嚴密布置互
相援應此時竄江之賊糧食不繼號令不一紛紛
逃散劉典王文瑞各軍陸續到後聲勢更壯諒已

聖朝聖略卷七十三

三

足敷剿辦髮捻竄近隨棗黃德曾國藩已派彭玉
麟統率師船上赴九江防剿北岸鄂皖江面兼顧
南岸鄱湖都昌一帶江路當可無虞惟皖北陸路
僅賴六廬巢等處置有防兵其餘潛太英霍桐舒
等縣皆空虛無兵深慮楚豫境內髮捻大股乘隙
東竄鮑超一軍自攻克金壇後該處敗匪全股殄
除現在常丹兩城已克東壩二溧已經李鴻章派

兵扼守鮑超一軍自可騰出移援徽郡或卽令渡江北防勦潛太英霍桐舒一帶著會國藩酌量情形妥爲調度至皖北穎亳廬壽等處與豫楚邊境甚近防兵空虛喬松年如何撥兵防守各城堵禦髮捻之虞惟當力籌布置會國藩仍隨時兼顧以期互相策應前諭僧格林沁將陳國瑞一軍調赴皖北爲截勦髮捻東竄之備現在皖北空虛可慮

欽定剿平粵匪方略卷三十二

三

自應卽以此軍移紮截勦著僧格林沁相機酌度如果髮捻竄近皖疆卽可令其截擊此外或另有勁旅可以扼要駐紮豫備緩急之處著僧格林沁會國藩隨時會商辦理淮徐一帶著吳棠撥兵駐守並與臨淮各軍聯絡聲勢天長六合一帶著富明阿將援勦鎮江之揚營兵勇撤回移紮該處嚴密堵遏仍著會國藩與富明阿吳棠喬松年互相

援應髮逆大股現在屬聚隨棗鍾京等處鄂省兵力尙敷堵勦官文嚴樹森當嚴督諸軍將該逆就地殄盡不可令其竄入皖境金陵官軍攻破朝陽等門月圍殲賊甚衆正當乘該匪窮蹙之時力籌攻拔並著李鴻章將丹陽常郡餘匪搜捕淨絕分布諸軍嚴扼要路以防金陵逆股外竄值此功在垂成各路將帥及封疆大吏俱宜振刷精神統籌

欽定剿平粵匪方略卷三十二

三

兼顧以期及早蕪功上諭內閣曰此次官軍進攻金壇誘賊出戰收復縣城勦辦甚爲得手仍著將敗殘餘匪迅速殲除毋任竄逸遊擊張遇春馳入賊陣奮不顧身著以副將儘先補用其餘出力員弁兵勇卽著彙入東壩句容各案查明保奏力戰陣亡之參將鮑昌齡都司宋連陞王正禮均著交部從優議卹

欽定勦平粵匪方略卷三百七十三 甲子年

四月二十二日 壬辰 富明阿奏言層啟綸於四月

初八日親督各將士將丹陽縣城克復卽飭令馬步各軍跟勦竄賊追至珥村地方突有壘賊分股來撲我軍鼓勇爭先該逆勢不能支退入壘中死拒各將士躍濠而進焚燒房屋一擁齊上將壘中悍逆殲除淨盡餘賊見巢穴已覆卽

勦平粵匪方略卷七十三

一

行竄適當留步隊將賊壘一律踏平派馬隊併力尾擊追殺三十餘里斬斃甚多所在橋梁均已拆斷賊被偪落水者不計其數並聞僞英王叔被創後已爲亂軍所殺伏思丹常旣經恢復金陵已成孤注正宜乘此聲勢抽出各軍合力進取以冀掃穴控渠第前准曾國藩來文漢南賊衆欲由楚豫下竄捻匪大股竄擾隨州誠恐

蔓延漸及皖北傳聞此股逆匪號稱數十萬衆計圖援救金陵亟須抽撥勁旅合力殲除尤宜自顧揚防力保完善 臣擬將泰興口岸四墩子防兵撤回並於南渡之軍抽回四千以固根本而防西路酌留總兵楊心純管帶五營按照曾國藩來咨駐守丹陽用備賊蹤流竄另挑選五千精銳飭層啟綸統帶暫紮丹邑以便馳助金

勦平粵匪方略卷七十三

二

陵已與曾國藩函商俟其覆到如兵力不敷卽行飭令前進儘金陵未下援賊突犯江北西路兵力不敷 臣卽將暫紮丹陽之師全數撤回以固藩籬以免顧彼失此至丹陽降衆留營二千餘人現在丹邑旣經攻拔自應早爲遣散以節餉需奏入

上命議政王軍機大臣傳諭富明阿曰丹陽竄賊經

我軍擊敗踏平賊壘卽著富明阿督飭將弁乘勝
跟追務將餘匪悉數殄除楚豫逆匪竄擾隨州圖
投金陵該將軍現將泰興防兵撤回並於南渡之
軍抽回四千以防西路留總兵楊心純守丹陽令
唐啟綸統帶五千人暫紮丹邑以便馳助金陵卽
著照所擬妥爲布置金陵逆援如犯江北萬一兵
力不敷堵禦應如何抽撥勁旅遏賊紛竄之處著

欽定剿平粵匪方略卷七十三

三

富明阿妥籌辦理不可稍有疏虞掣動金陵全局
丹陽降衆卽著妥爲遣散毋令滋生事端

同日沈葆楨奏言髮逆續入江境頭股屬聚德
興之海口曹門等處三月二十六日出撲小港
樂平縣知縣孫鑑督勇嚴扼河岸紳團輔之內
河水師助擊斃多賊乃退二十八日悍賊分
路撲營孫鑑等迎擊伏兵乘風縱火羣逆駭退

三十日卯刻該逆繞從牛頭灘擇淺而渡孫鑑
聞警馳至該逆半渡折回午刻該逆分十餘股
林立河干我軍隔河槍礮互轟斃賊不少忽上
流竹筏十餘飛駛而下礮船溯流奮擊盡奪其
筏悍逆咸沒於水次日水陸各勇將賊浮橋拆
毀該逆以樂平猝不可渡乃分股趨向弋陽地
界而海口等處之逆壘則仍盤踞如故其第二

欽定剿平粵匪方略卷七十三

四

股由歙南趨華埠撲副將戴奉聘營道員王德
榜派隊助守二十六日副將顧雲彩雕剿於七
渡橋二十八日王德榜擊賊於七里街均有斬
獲該逆屬聚於上玉交界之沙溪希圖南竄廣
豐道員張岳齡派隊擊之殺斃淹斃甚多該逆
仍退沙溪北岸至南豐踞逆負嶠如故二十二
日精捷營偪城築壘城中出悍賊萬餘撲之提

督徐生德等悉力相持殺賊甚夥乃遁入城二
十五日該逆出撲祥字營受創而退二十六日
城逆傾巢出撲精毅營苦戰數時韓進春馳援
分路痛剿賊見我軍無閒可入乃潰入城是日
竄建甯之僞王宗出窺廣昌犯尖峯隘欲為南
豐聲援知縣彭芝等督兵練擊之遁向石城甯
化交界之分水坳而去席寶田恐韓進春勢單

聖朝聖略卷七十三

五

乃令祥字營衛民軍移紮兜港以通建昌為可
進可退地步仍以精毅韓字兩營留南豐總兵
江忠朝於四月初三日抵省初八日馳赴安仁
所屬鄧家埠軍營接統軍事贛南道王文瑞已
抵袁州派隊進紮永豐准會國藩來咨已檄提
督鮑超援江左宗棠亦檄湘克等營跟蹤追剿
副將劉明珍統安武軍四營已抵玉山惟聞甯

國等處後股賊匪絡繹而至援軍恐為牽掣耳
沈葆楨又奏冒江忠朝到省臣檄令迅統所部
會同繼果營道員王沐前赴弋貴相度機宜與
浙江援師並信郡防員前後夾擊現探樂平邊
境賊壘業已肅清玉山亦已解圍浙江之安武
軍已到廣信合先馳陳奏入

聖朝聖略卷七十三

六

上命議政王軍機大臣傳諭會國藩左宗棠沈葆楨
曰髮逆續竄江西雖經官軍截剿樂平邊境肅清
玉山解圍而東路賊氛仍未殄滅西路南豐踞逆
負嵎如故竄建甯之僞王宗出窺廣昌犯尖峯隘
經官軍擊敗遁向石城甯化交界之分水坳而去
難保不復來窺犯圖為聲援現在江忠朝已抵安
仁即著沈葆楨飭令統率所部會同王沐一軍前
赴弋陽貴溪一帶相機夾擊王文瑞已抵袁州派

隊進扼永豐並著飭令該道員與席寶田韓進春等妥速進兵迅將南豐攻拔並將建昌一帶要隘力籌布置毋令賊蹤紛竄曾國藩慮鮑超馳援江西不能速到現派周寬世七營金國琛九營先後由饒州一路往援著卽飭催迅速前往並著沈葆楨督飭在防將士與周寬世等軍互相援應毋稍疏懈左宗棠所派副將劉明珍安武軍四營已抵

欽定剿平粵匪方略卷七十三

七

廣信卽著該督飭令劉明珍與王開琳一軍嚴扼要隘截賊續竄江西之路不得稍有疏虞

二十三日癸巳官文奏冒髮捻各股闖入楚疆據

總兵楊朝林稟稱四月初三日馬隊已至棗陽親王僧格林沁派令帶隊前進初四日卽抵隨州維時州城四面皆係賊館連日撲城知州潘亮功督同在城文武正在開礮轟擊適僧格林

沁親率馬隊由東西兩門包抄該總兵督率八營由北而南併力合擊賊勢不支向東敗竄我軍乘勝掩殺追賊二十餘里殺斃一千餘名溺斃賊匪甚衆等情查該逆自入隨棗蔓及京山應城安陸賊情實爲叵測幸我軍處處設備未爲所乘今更得僧格林沁探蹤勦辦大張撻代不獨該逆震懾聲威我軍精神更爲一振臣現

欽定剿平粵匪方略卷七十三

八

飭石清吉七營由孝感雲夢前進會合夾擊而以成大吉所部各營由新溝赴孝感縣屬之楊店爲後路接應總兵楊朝林等所部各營現在隨棗會剿均聽僧格林沁遣調至該逆竄至天門京山雲夢一帶沿河擄搶民船搭造浮橋意圖渡越均爲水師擊退初七日賊在兩河口搭橋偷渡經都司熊星源督率民船擊斃賊匪多

人遂向楊家河退去水路港汊紛歧情形尤為喫重現派副將張啟基力保襄河水面俟安陸京天應城賊蹤掃蕩臣卽由陸路馳赴德安與僧格林沁面商戰守機宜妥速辦理

官文又奏言臣自咸豐五年奉

命督師臣統軍漢北胡林翼駐師鄂南徵兵調將從不稍分界限今撫臣嚴樹森履任以來自行遴員

聖朝聖略卷七十三

九

派赴湖南招募馬步水師已增至五十餘營現尙陸續添募其營勇號衣旗幟均用撫標名目各營官俱發給撫標鈐記又設立撫標營務處調度之機用巡撫關防雖與臣相商或自主稟而會臣之銜或徑自札行但相知照當地方安靜無事同為保護疆圉原未與之較論恐存意見致成芥蒂此次臣出省後撫標各營或由撫

臣豫為調撥或仍在省代為札派如將黃陂當衝之兩營調回省城點驗不解何意水師總兵李濟清萬化林兩營係撫臣派調而來臣欲派赴上游阻令不可遠移並代臣札調曾紹霖礮船八隻隨營上駛其沈俊德梁作楫曾紹霖樊國泰等本係楚省多年舊營亦皆改隸撫標調遣該撫臣剛復用事視

聖朝聖略卷七十三

十

欽差關防直如虛設意在把持兵柄以致號令紛歧政體乖紊當此楚省髮捻交乘金陵功虧一簣設有顛蹶咎將誰歸臣不得不據實直陳可否仰懇天恩飭下臣與嚴樹森將各營督撫兩標字樣概行裁革統由督撫商同調遣凡軍務事件歸欽差大臣主稟辦理並請將撫標再行查明裁繁去

弱以節糜費營務處撤去歸併臣營辦理庶事
有專責兵歸實用

同日張之萬奏目前竄髮逆數股經僧格林沁
在隨州一帶進剿疊獲大勝三月二十七日色
爾固善張曜等於浙川泉山下追及敗匪生擒
偽朝將林禧桂等七名並長髮老賊百餘人陣
斬悍賊二百餘人賊敗紛竄大股三百餘人奔

聖朝聖略卷之三

十二

至北山我軍迎頭截擊悉數誅戮次日山隊甫
行數里偽啟王梁城富一股沿山衝撲我軍分
投攻剿賊始四散狂奔由板橋川之南蠻子營
向西南翻山敗遁我軍正在追殺間探悉西北
毛塘一路偽朝將邱姓等糾領髮匪七八千人
來撲張曜等勒回馬步於板橋川之老雞河東
岸伏兵以待旋見賊衆躡至色爾固善親督馬

步從旁抄擊張曜親率馬隊直搗中路渡河衝

殺所向披靡乘勝追逐越山三重擒斬偽朝將

邱姓偽天王陳姓二名賊目多人二十九日賊

踞浙川廳西之娘娘渡我軍乘夜渡河會合進

攻宋慶督領本隊步勇先將賊陣衝開馬步繼

進賊被槍斃及溺水死者無數四月初一日張

曜等督同馬步直越楚境跟蹤躡剿初二日追

聖朝聖略卷之三

十二

賊於湖北鄖陽之羊皮灘地方該匪回拒經宋
慶等擊敗次日張曜派隊探蹤追截於南化一
帶斃賊多名賊復西越大山直竄趙家川等處
張曜等繞路前進務在盡殲餘孽連日探報頭
股髮逆銳意東竄於初二日已抵信陽之黃土
關下兵團抵禦衆寡不敵該逆繞至平靖黃土
兩關之後旋即竄至距城二十餘里之楊柳河

等語查信陽為豫南藩籬臣先後派令連美賈文田馮聖傳李承先等營馳往扼守三關昨又派令道員葛承霖一軍馳往以厚兵力不意賊行剽疾各該營未到以前匪蹤業已闖入然有此數軍前往尙足以資堵剿且聞僧格林沁已派蘇克金馳防信陽則聲威更壯臣於十三日行抵南陽分飭前敵各軍地方團練嚴防邊境

聖皇聖略卷三十三

十三

並飛咨官文嚴樹森派兵與色爾固善張曜等赴楚追剿之師前後夾擊以冀早日蕩除均奏八

上命議政王軍機大臣傳諭僧格林沁官文曾國藩富明阿吳棠李鴻章喬松年張之萬毛昶熙唐訓方曰髮捻前股已竄至豫省之信陽州屬黃土平靖兩關距城二十餘里之楊柳河等處張之萬前

派連美賈文田馮聖傳李承先等營馳扼三關並派道員葛承霖一軍馳往現已行落賊後僧格林沁所派之蘇克金恐亦未能繞及賊前該逆蓄意東趨皖北兵力甚單深為可慮前經諭曾國藩能否抽出鮑超一軍防剿皖北一帶此時事機緊急著即檄令該提督統率所部迅速前往楚皖交界地方嚴密堵遏由信陽東竄之賊並著官文將天

聖皇聖略卷三十三

十四

門等處股匪力行掃除嚴防東竄皖省之路仍一面派兵與豫省派出各軍聯絡盡殲醜類多隆阿舊部八千人業已陸續起程赴楚兵力已足資剿辦如何接替分撥著官文妥籌布置僧格林沁當督催馬隊星夜窮追並仍遵前旨檄調陳國瑞一軍赴皖北扼要駐紮以備截擊喬松年當就近分撥兵勇將竄近皖北之匪竭力剿洗暫紮丹陽之

揚營兵勇著當明阿迅卽調回移紮嚴密堵遏仍與吳棠喬松年互相援應張之萬並當檄令連美等軍嚴扼東竄股匪毋稍鬆懈至髮逆後股由浙川敗至板橋經張曜會同色爾固善馬步各軍截殺甚多復追入楚境鄖陽所屬之羊皮灘屢獲勝仗該逆勢已窮蹙著僧格林沁官文張之萬檄飭色爾固善並楚豫各軍前截後追務將此股殄除

聖朝聖略卷七十三

十五

毋留餘孽嚴樹森把持兵柄本日已降旨以道員降補湖北巡撫令吳昌壽補授未到任以前令唐訓方暫署矣唐訓方久在戎行熟諳軍務一切戰守布置機宜著與官文悉心籌商以臻妥善

上諭內閣曰據官文奏嚴樹森把持兵柄剛愎用事等情各省巡撫如與總督同城遇有緊要公事均須與總督會商巡撫豈可任意專擅若遇總督

統兵出省則一應調度機宜設非事機迫不及待

卽當會商統帥以期事權歸一俾將士有所稟承至督標撫標兵數均有定制豈可率意移改楚勇亦係總督巡撫公共之勇豈得率書撫標字樣乃嚴樹森招募湘勇五十營俱令隸歸撫標鈐記等項均用撫標名目文札多不與官文會商意在把持兵柄其於官文帶兵出省後又復任意檄調各

聖朝聖略卷七十三

十六

營互相易置並將楚省舊營一併改隸撫標似此爭權競勢實屬任意妄爲現在髮捻大股各匪竄擾湖北正當勦辦喫緊之時官文以欽差大臣督兵進駐漢川所有各營將士均應歸該督節制庶號令不致紛歧若如嚴樹森之種種率掣率意更張必致貽誤大局該撫前在河南時坐擁重兵株守汴梁於省城以外各郡縣任聽髮捻各匪焚掠

一籌莫展不敢出省垣一步其於省城防守事宜亦復措置乖方朝廷因嚴樹森於軍務雖非所長而操守尙好吏治亦能講求未經卽予撤任並經諄諄訓誡冀其湔濯自新乃竟怙過不悛挾私妄作深負委任嚴樹森著以道員降補以示薄懲

同日左宗棠奏言三月二十五日湖郡首逆偽祐王李遠繼率悍黨水陸數萬由菁山下施村

聖朝聖略卷七十三

七

等處直犯埭頭鎮高連陞王月亮營壘高連陞等督各營擊之鏖戰竟日斃悍賊數百名晚間該逆復列炬齊隊撲營高連陞等飭各軍堅壁不出潛派槍礮隊蹲伏壘旁俟賊撲近排轟之至亥刻賊始敗竄官軍逐之逆賊自相蹂藉斃斃無算是日偽列王劉得蟻等率賊萬餘由張村出將抄埭頭鎮高連陞營壘之後距武康縣

城二十五里楊昌濬督兩營自武康縣城潛出截之陣斬劉得蟻羣賊駭遁該逆經此挫敗其膽始喪菁山和平鎮妙喜鎮各賊均向湖郡附城西南一帶退去其竄徽之賊經王開琳於三月十七日在歙南小川截勦獲勝後該逆遁回楊村屯聚徽軍是日失利黃少春王開琳各營於十九日由小川前進抵黃背村遇賊於余岸

聖朝聖略卷七十三

六

敬興地方殪其先鋒數十二十日王開琳派隊分路進攻自率親兵隨後接應巳刻齊抵楊村羣賊蟻擁而出各營奮威衝殺立斃悍賊多名王開琳復自楊村山後繞出陣前立將上下楊村之賊掃除淨盡敗匪向篁墩鼻水而逃溺斃頗多是日斃賊約三四千人大小賊目以百計生擒六七百名而屯溪倖獲保全追過屯溪鎮

時張福齊等見有賊數百在休甯南界龍安一帶正欲覓路逃竄張福齊派弁持令傳呼投誠免死賊目楊海芳等率其黨七百餘人乞降詢知爲李侍葵之黨挑其壯健者二百餘名分置各旗餘皆給資遣散是夜接遂安探報賊由白際嶺竄山前隊已抵小洞直趨馬金街先經黃少春派赴馬金之黃元吉張介和等營在姚村

欽定剿平粵匪方略卷七十三

十九

築壘甫定賊卽大至更番猛撲經一晝夜黃元吉等竭力固守二十二日黃少春等馬步各營由瀘安冒雨馳抵昏口途遇魏喻義約其同援馬金適王開琳所調之參將王福昌亦至各軍繞至霞山馬金之間賊悉銳來撲官軍分路擊之重圍立解魏喻義所部從右路攻霞山賊巢銳進遇伏弁勇傷亡者百餘名是夜賊於馬金

街對河連築三壘黃少春乘其甫成挑勇丁黃夜梟水破之二十三日該逆率銳來撲我軍分兩路抄擊斃賊多名二十四日賊分起竄走一出星口一出華埠二十五日猛撲副將戴奉聘等華埠營盤適道員王德榜派兵由玉山馳來助勦議堅壁以待是夜該逆大隊圍至圍撲兩晝夜均經戴奉聘等擊卻二十七日辰刻賊向

欽定剿平粵匪方略卷七十三

二十

西路竄走戴奉聘等躡蹤追擊斬殿後賊百餘名仍分路追之時劉明珍等四營已抵衢州署衢州鎮總兵劉培元卽飭其由常山草坪關出勦二十八日劉明珍甫出屏風關卽遇賊前隊斃先鋒悍賊數十名賊卽敗退二十九日追至古城斃賊數百名遂北至玉山城河溯斃不少拔出難民數千時王德榜已擊敗三里街七里

街等處之賊生擒僞朝將胡德才斬之是日由
玉山城西北鳳凰山出隊亦斬悍賊百餘玉山
圍解三十日卯刻劉明珍王德榜兩軍分三路
齊抵賊巢賊亦分支拒敵王德榜等督所部衝
賊數段賊勢不支紛向浮橋逃竄官軍馬隊追
及橋忽中斷賊之墮河死者無數是夜賊竄沙
溪距廣信府城五十里四月初一日劉明珍等

聖學聖考卷七十三

三

拔隊急追已刻到沙溪王德榜已由南岸前進
適北岸有賊擄船過渡將襲其後遊擊賴長等
分隊下流扼之劉明珍帶隊從上游奮擊賊中
槍落水者甚多其從沙溪衝出匪徒劉明珍擊
卻之斃賊百餘名而還是日王德榜已馳抵廣
信府城戴奉聘所部三營亦可繼至賊之大股
尚屯沙溪其前路股匪距廣信二十里該軍既

到任賊先府城當可無慮臣前以入江西之軍
不滿六千恐眾寡不敵飛令提督劉清亮帶所
部接防馬金令王開琳帶所部急進玉山以壯
後路聲勢劉清亮行至華埠聞賊已至玉山擬
卽赴江西會剿臣以兩軍人數相當應留一軍
駐華埠以防由常州續至之賊劉清亮既先到
華埠應卽令其先往而留王開琳暫駐華埠以

聖學聖考卷七十三

三

期慎密大約劉清亮一軍初三日可到玉山初
四日可抵沙溪自浙軍在昌化將賊擊敗後沿
途截剿大小十餘戰斃賊萬餘拔出難民二萬
餘此股爲陳炳汶汪海洋及僞利王僞戴王僞
來王諸逆其中亦有李侍賢之黨人數號稱十
數萬其李侍賢一大股已由歙休地界竄婺源
入江西未嘗闖入浙境其由常州竄來之僞然

王林彩新一股人數約二三萬四月初二日至昌化之白牛橋康國器由分水縣麻車埠過河擊之賊卽潰走皆由甯國縣竄去中途逃散者多大約亦將由績歙覓路而竄江西 臣已飭黃少春嚴備以待聞後股賊衆尙有數起故瀆遂未可解嚴 臣當豫爲布置隨時相機辦理此次截剿最爲出力之副將劉明珍戴奉聘均請

欽定剿平粵匪方略卷七十三

三

賞加總兵銜參將張介和請以副將仍留浙江儘先補用並加參將銜以示激勵力戰陣亡之遊擊廖渭臣等一併開列均請

等部照例議卹

左宗棠又奏言江西擊敗前起竄賊收復新城縣城後餘賊悉趨閩界三月十四日竄陷邵武

府屬之建甯縣城旋報克復而將樂縣地方忽有賊蹤闖入是延平軍情喫緊漸有蔓延腹地之虞臬司張運蘭一軍尙無入閩消息閩省兵事冗雜無章萬無可恃現臺灣大局肅清林文察既署陸路提督防剿閩省上游是其專責 臣與撫 臣徐宗幹已飛咨調其內渡恐到任尙需時日 臣於道員康國器截剿常州竄賊獲勝後

欽定剿平粵匪方略卷七十三

三

調其由昌化回營取道嚴衢入浦城達閩已報起程此軍勇丁多籍隸湖嘉於閩省邵汀一帶地勢尙熟近來頻加訓約漸就範圍杭餘克復後汰存二千餘名均尙精壯以之入閩可期得力如粵東能令張運蘭由湖州入閩則粵軍南來閩軍北往可收夾擊之效於粵閩大局均有裨益

左宗棠又奏言此次大股逆賊分竄江西東南垂成之局爲之一變而湖城尙堅持未下常州丹陽諸逆如林彩新等股又由東壩溧陽交界各處源源而來頃據楊昌濬等稟報長興四安境上續來常州丹陽巨股人數甚衆揣度賊勢蓋以湖城堅拒浙軍俾諸逆得從容由廣德甯國績溪以分竄徽境也黃少春一軍甫於四月

欽定四庫全書

五

初八日進歙南一帶迎勦林彩新一股尙未接據續報王德榜劉清亮劉明珍等三軍已追賊入江西廣信玉山一帶康國器一軍又將拔隊入閩統計浙軍及新附之衆水陸馬步不滿五萬而分攻湖州分赴江西福建截勦竄賊分防各城隘或數百里或千餘里勢遠力分深爲可慮臣竊謂巨股竄入江西實爲腹心大患此時

要著在以全力專注江西江西如有重兵截勦賊不能復犯皖南以赴金陵則金陵久困孤城亦必不攻自破臣前飭署臬司劉典在籍募勇三千速赴江西爲救敗之著其時賊之得竄江西者人數尙不爲多今則大股畢入江西而常州丹陽之賊又復源源而至劉典新募之軍祇三千人衆寡懸絕且入江各軍無大員統率調

欽定四庫全書

五

度亦恐難期用命再四思維福建水師提督楊岳斌膽智超羣秉性忠直爲衆情所翕服與曾國藩胡林翼共事最久口不冒功僅令專帶水師實未足展其素蘊現在金陵水師將領尙不乏才揚岳斌在彼非萬不可少之人如蒙

皇上天恩委以重寄令其督辦江西皖南軍務而以劉典爲其幫辦則江西之勢重而皖南可以圖

存卽浙江得所庇賴江西各軍及皖浙諸軍之
入江者亦有所統攝於大局不爲無補奏入

上命議政王軍機大臣傳諭曾國藩左宗棠楊岳斌
李鴻章沈葆楨徐宗幹曰髮逆羣竄江西雖經江
浙兩省官軍會合防剿惟南豐踞賊負隅如故上
饒玉山一帶亦未肅清而李侍賢大股已由歙休
地界竄婺源入江西其由常州丹陽竄出之林彩

聖朝方略卷七十三

七

新等巨股亦將由長興四安一帶取道績歙圖竄
江西若不迅圖掃蕩該逆竄聚一方裹脅日衆必
仍狡焉思啟圖救金陵於全局關係甚鉅此時江
省援兵日集江忠朝王文瑞等軍均已入境浙軍
劉明珍等已抵廣信曾國藩所派之周寬世金國
琛等營左宗棠此次改派之劉清亮一軍亦已先
後赴江惟該將領等位望相等非有威望素著之

大員統率調度恐難迅奏庸公本日已命楊岳斌
督辦江西皖南軍務並令劉典幫辦軍務曾國藩
接奉此旨卽行咨商楊岳斌令其迅赴江西現在
彭玉麟前赴九江扼要布置爲髮捻東竄之備若
楊岳斌卽日赴江則下游水師統帶乏人著曾國
藩李鴻章酌量情形於黃翼升李朝斌二員內揀
派一人統帶楊岳斌水師以資得力楊岳斌馳赴

聖朝方略卷七十三

三

江省後卽於江皖交界扼要地方駐紮督率諸軍
實力勦洗一切軍情有應由楊岳斌專摺具奏者
有應與曾國藩沈葆楨會銜具奏者均著隨時酌
度緩急分別辦理曾國藩楊岳斌沈葆楨均受朝
廷倚畀想能和衷商辦共濟時艱劉典回湘募勇
六營前據惲世臨奏四月中可以入江此時該臬
司行抵何處並著楊岳斌沈葆楨飛速催提前進

以厚兵力曾國藩前因責任太重屢請派員分任
仔肩此時江皖軍務既派楊岳斌前往督辦為該
大臣分任其勞惟一切應勦機宜曾國藩仍須隨
時與楊岳斌通籌兼顧金陵官軍攻破月圍後賊
勢已蹙著督飭曾國荃等迅速進攻仍當於勇猛
之中寓以慎重李鴻章恪遵前旨分軍嚴扼要隘
毋令金陵潰賊外竄江浙敗賊悉萃湖州意在以

聖朝聖略卷三十三

三

一隅牽掣浙師而以全股竄徽歙擾及江西其謀
甚狡此時進規湖州各軍業於菁山等處獲勝著
左宗棠督飭高連陞等軍迅速合圍力拔堅城庶
上竄之賊退無所踞掃蕩自易為力王開琳一軍
既經留駐華埠著左宗棠迅飭劉清亮等於馳抵
玉山沙溪後會合該處防兵相機堵勦遏賊續竄
江西之路建甯縣被賊竄陷旋即收復賊蹤擾及

將樂縣境延平軍務萬分喫緊左宗棠擬調林文
察內渡勦賊並令康國器率師入閩與張運蘭由
粵赴閩之師會合夾擊所籌甚屬周密即著左宗
棠徐宗幹妥速商辦飭催林文察迅速由臺內渡
趕赴延邵等處迎頭截擊康國器現已取道嚴衢
入浦城達閩即著飭令確探賊蹤迎頭痛勦毋令
蔓延腹地

聖朝聖略卷三十三

三

上諭內閣曰江浙敗賊竄入徽境經左宗棠督飭王
開琳等軍分投兜勦屢有斬擒逆匪復趨遂安縣
屬馬金街圍撲黃元吉營盤並經黃少春等軍環
擊重圍立解劉明珍遇賊於屏風關外斃悍賊多
名追至江西玉山縣境斃賊無數王德榜一軍由
鳳凰山夾擊玉山之圍立解劉明珍等復分三路
進勦賊巢逆勢不支向浮橋潰竄溺斃甚多官軍

復追賊於沙溪擊斃百餘名勦辦尙屬奮勉著左
宗棠迅卽乘勝督飭各軍將沙溪屯賊悉數殲除
毋任竄逸所有此次尤爲出力之副將劉明珍戴
奉聘均著賞加總兵銜參將張介和著以副將仍
留浙江儘先補用都司黃元吉著以遊擊留於浙
江儘先補用並賞加參將銜其力戰陣亡之遊擊
廖渭臣參將黃應春遊擊彭光祥陳升倫都司劉

欽定剿平粵匪方略卷三十三

三十三

開賢張禮宜劉宗金均著交部照例議卹

上又諭內閣曰福建水師提督楊岳斌著督辦江西
皖南軍務所有該處帶兵員弁及赴援江西各軍
均歸節制浙江按察使劉典著幫辦楊岳斌軍務

欽定剿平粵匪方略卷三百七十四 甲子年

四月二十七日丁酉富明阿奏旨江防下游肅清
水師紅單拖管等船自應酌裁以省糜費臣熟
籌再四擬將所存紅單拖管各大船分爲三起
目前先擇其朽爛者遣撤二十五隻酌派大員
統率回粵卽以在防礙划移泊防堵俟頭幫起
程後如果江防實臻穩固再裁二十船爲第二

欽定剿平粵匪方略卷三十四

一

起餘船卽歸三起全數裁清似此分次起行既
無礙於防剿亦不難於照料至江防各幫師船
隨征十餘年身經百餘戰巡防堵截力保完善
今幸江防安謐師船一律議裁似與凱旋無異
可否由臣擇尤請獎以示鼓勵之處出自

鴻慈再前因江防喫重奏請封江現在下游肅清難
民均經南渡似宜弛禁以便商民復業但江防

雖已稍鬆而金陵未下難保無竄突之虞是沿江水師仍宜照舊巡防且江路一開稽查奸宄亦目前當務之急臣仍當督飭吳全美嚴加梭巡實力防範不敢稍涉疏虞

富明阿又奏冒頓接曾國藩來咨漢南髮逆勾合豫捻闖入楚境已竄至隨州之吳山店唐縣鎮等處意在急趨皖省以救金陵之危咨令撥

聖朝聖略卷七十四

二

兵防守六合等情臣現派總兵安勇管帶直隸陝西山東等處官兵八營馳往六合駐守至金陵有長江之隔又有各路水陸重兵聯絡扼守該逆雖稱救援金陵未必即萌覬覦惟聲東擊西是其慣技裏下河素稱財富之區爲賊垂涎日久難保不圖犯江北亟宜豫爲之防現在江皖各隘以及揚防西路來六全滁等處均經曾

國藩分兵扼紮似可無虞西北天長等處尙覺空虛現因太平洲一帶肅清當將礮船全數調回邵伯以防西北湖面如賊情緊急仍當抽撥隊伍相機剿辦奏入

上命議政王軍機大臣傳諭曾國藩富明阿曰江南下游一律肅清所有江面駐防之紅單拖罾等船自應酌裁以節餉需該將軍擬分爲三起遣撤籌

聖朝聖略卷七十四

三

置尙屬周妥卽著照所議辦理遣散各船兵勇務須妥爲安插毋令滋生事端其師船出力將士卽著富明阿擇尤保奏毋許冒濫富明阿請弛封江之禁以期貨物流通著卽照所請行惟金陵尙未克復難保無竄突之虞富明阿仍當督飭現有水師嚴密巡防不得稍存大意漢南髮捻各逆現已竄至豫省之信陽州勢將東趨皖省江蘇裏下河

地方素稱饒富難保不爲賊匪窺伺揚防西路來
六全餘等處既經會國藩分兵扼紮而天長一帶
尙覺空虛富明阿已將太平洲一帶礮船全數調
回邵伯並擬抽撥隊伍相機勦辦著會國藩富明
阿隨時聯絡聲勢互相策應毋令擾及完善

二十八日戊戌僧格林沁奏言四月初九日髮逆

藍姓倪姓范立川戴侍保及陳大喜捻股悉在

欽定剿平粵匪方略卷七十四

四

應山縣以北盤踞有北趨之勢而張總愚敗匪
已由馬平港島水渡過府河向德安府城西洛
陽店一帶狂奔欲與前股髮逆勾合臣卽會商
官文督飭各軍迎頭截擊並札總兵楊朝林等
馬步各軍躡蹤勦辦務將張逆敗匪悉數翦除
臣於初十日督帶馬步各隊冒雨前進十一日
至應山縣探得藍逆等股尙在距應山五十餘

里之孟販店一帶屬聚倪逆與陳逆股匪已竄
出黃土關北遂飭翼長蘇克金帶領所部馬隊
扼要堵勦倪陳二逆股匪臣於十二日督帶馬
步各隊行至孟販店以南高樓販地方該逆膽
敢列仗抗拒當令翼長舒通額等馬隊分路抄
擊斃賊多名該逆敗退我軍追至孟販店該逆
糾合大股援賊迎拒提督傅振邦等帶隊分兩

欽定剿平粵匪方略卷七十四

五

翼相輔而進斃賊無數該逆翻山逃竄舒通額
等分六路追擊立將該逆衝斷我軍向正北追
殺三十餘里斃賊千餘名又探得孟販店以西
吳家店地方有髮逆邛姓分股前來逆匪范立
川等與之勾結約有萬餘衆依山盤踞十五日
督飭馬步各隊追勦該逆恃險迎敵傅振邦帶
隊攻擊舒通額等分左右翼登山抄襲賊後賊

敗向西北亂竄我軍連翻大山三道追殺二十餘里斃賊千餘名餘匪向西北朱家店一帶潰竄十六日折往信陽屬之馮家莊譚家河一帶逃奔翼長蘇克金帶領馬隊由信陽取道馮家莊探蹤進剿先是蘇克金於初一日由唐縣帶隊行至桐柏縣探得陳大禧等股匪有向東北奔竄信陽之勢當卽帶隊前進於初七日抵信

聖朝聖略卷七十四

六

該逆在該州西北六十餘里之譚家河盤踞我軍連日出隊因稻田過多未能得手十二日該逆竄至王家岡地方正在築壘我軍乘其不備毀柵而入該逆紛紛亂竄我軍乘勢追殺斃賊數十名十七日我軍分西南正南兩路前進追及范逆邱逆等股小有斬擒十八日探得髮捻各股敗匪俱向正南狂奔有回竄應山之勢當

飭候補道葛承霖等帶領步隊並飭蘇克金傅振邦統帶馬步各軍跟蹤追剿查陳得才一股已竄向德安一帶遊弋陳大禧一股現與髮捻合夥南趨此二股均未受我軍懲創其餘髮捻股匪經我軍疊次痛剿勢極窮蹙刻下賊蹤悉數南趨若沿江一帶密爲設防不任該逆渡越加以楚省各路官軍聯絡聲勢處處堵剿無使

聖朝聖略卷七十四

七

兵分力單則敗殘之餘不難盡殲醜類臣查楚省地勢若用馬隊須在冬春水田乾涸之時此時實難施展計我軍追剿各股賊匪登山涉水奔馳已及一月馬匹不無疲乏是以臣於十九日督帶舒通額等馬隊暫紮信陽以固北路之防備該逆被剿回竄一經官軍追出山險得有平原地勢馬隊堪以馳騁立卽督隊相機迎剿

所有我軍疊次打仗救出難民已咨照河南陝西撫臣飭沿途地方官按站解回原籍妥爲安插又副都統色爾固善總兵張曜等稟報初一日督帶馬步各隊浮渡丹江赴楚躡剿初二日於鄖陽之羊皮灘地方追及賊股陣斃悍賊二百餘名生擒五十餘名裏脅之人逃散殆盡所贖多係湖北等處長髮老賊初三至初六等日

欽定剿平粵匪方略卷七十四

八

我軍繞由北路冒雨追剿斃賊多名立即搶紮南化該逆西越大山直竄趙家川等處我軍因河水未消繞由北路前進等語臣已札飭色爾固善張曜等實力追剿毋任蔓延同日嚴樹森奏言查髮捻各逆由豫境合竄鄂疆股數衆多現在德安雲夢應城隨州京山天門等處縱橫數百里徧地賊蹤而大股則麇集

於德安附近之三里店等處切近城池及天門東北之阜市鎮接連漢川銅冢一帶臣方慮其擄船由漢川東南出潰入漢以達大江所幸督臣官文於初三日督師出省徑抵潰漢匯流之新溝地方扼紮適當其衝並調派馬步水陸各軍分投堵剿潰漢一帶河防諒可恃以無恐惟是賊蹤竄擾之區順流而下距省均不甚遠雖

欽定剿平粵匪方略卷七十四

九

江湖重疊有險可憑而根本重地僅有總兵成得升蕭恆勝所部四營分紮城外實形單薄且蘇浙之賊悉由徽境竄入江西鄂境毗連尤虞波及一旦有警無兵可調臣現派副將成世音等分赴江西湖南各屬招募精壯勇丁四營剋期來鄂歸成得升統帶駐紮省外以備不虞並因省河現無礙船令遊擊熊兆飛添募殺安水

師一營以資巡邏省城各門加派勇丁會同官紳兵役嚴密盤查其附城一帶擇要建立礮臺並挑濬城濠兩月後新募之勇可以到防礮臺城濠已可次第蒞事似於防務稍有把握至下游濱江各屬為該逆赴皖必經之路若江面有失不特南岸可危更慮其由水路達金陵則大局不堪設想計惟有嚴督水師力扼江面臣現

聖朝方略卷七十四

十

檄令總兵萬化林水師專防漢黃所屬之陽邏沙口水口一帶江面以及江內之澗口湖黃陂城河社其由黃陂出江之路總兵左光培水師專防游湖關以至孝感城河過其由孝感竄漢口之路都司熊星源水師專防澗水內之新溝一帶截其由澗出漢之路總兵李濟清水師專防黃州所屬之團風鎮一帶江面及江內之嚴

家嘴趙家潭各河湖斷其橫船達江之路其接連趙家潭之何家橋一帶江面湖而則以副將丁長春水師守之至回風磯之下散花洲一帶江面則以副將曾紹霖水師守之當此新漲初生漢黃一帶江面湖而或可不至疏虞

聖朝方略卷七十四

十一

嚴樹森又奏言准陝西撫臣劉蓉咨稱李雲麟俟剿除蔡逆後所部十二營即由水路順流下駛其前派之英毅六營業由商州徑赴襄樊現又添派湘果馬步十四營共二十營東下追賊月需餉銀五萬七千七百餘兩屬由鄂省先行籌撥一月接濟等因查髮逆由商南一帶蹂躪豫境勾合捻匪塗炭鄂疆現經督臣官文督師由省勦辦僧格林沁亦由豫省追賊入境疊挫兇鋒又奉

諭旨飭令姜玉順等一軍四千人來鄂隨勦督臣官
文復請添派馬隊五百名一同來鄂得此大兵
雲集當可次第掃蕩此時賊蹤徘徊安隨雲應
京天等處相距秦省二千餘里縱使秦軍越境
晝夜遄征固不能繞出賊前亦決難追及賊尾
鄂省餉源將竭前敵各軍月餉尙不能如期撥
解更何能代秦軍籌巨款養此尾追之師與其

欽定剿平粵匪方略

卷七十四

該軍到後無款應付致有飢潰之虞曷若乘其
未來先行截回俾免跋涉之苦臣與督臣往返
函商擬請

飭令陝西撫臣劉蓉速將英毅湘果二十營兵勇卽
日截回毋庸來鄂尾追以節糜費而息兵力均
奏入

上命議政王軍機大臣傳諭僧格林沁官文劉蓉唐

訓方曰髮捻各逆竄楚股數衆多官文已抵漢川
著嚴飭水陸各軍認真勦辦德安等府縣城池責
令各該地方官嚴密防守不可稍有疏失嚴樹森
所派駐防潰漢之師悉歸官文調遣如何路有失
定惟何路帶兵官是問防省之成得升等營歸唐
訓方調遣唐訓方接署撫篆辦理省城防守事宜
務當隨時稟商官文以一事權嚴樹森所募之湖

欽定剿平粵匪方略

卷七十四

南勇丁如已將次到鄂卽歸成世音等訓練調撥
如尙未募齊卽可停止並著官文等酌量辦理劉
蓉前派之英毅六營已入楚境應否留楚卽著官
文知照劉蓉辦理至湘果十四營著劉蓉責令搜
勦各路餘匪將來如何區畫遣撤並須妥爲籌辦
陳大禧與藍范等逆合股在應山一帶屬聚僧格
林沁親督大隊痛勦捻斬無算復經傅振邦等馬

步追躡逆衆向正南狂奔該親王已飭候補道葛承霖等帶隊追剿而自帶舒通額等馬隊暫駐信陽以固北路之防所辦極爲周妥著卽督飭各將弁分投躡剿務期節節肅清無任竄入腹地該親王卽在信陽州居中調度儻該逆被擊東趨卽可督率舒通額等盡力追擊以收聚殲之效官文務當督飭水軍力固江防陸路迎剿竄逆豫軍到楚

聖朝聖略卷七十四

十四

一併歸官文節制調遣以資得力

同日直隸總督劉長佑奏言 臣維湖北湖南兩

省現在軍務方殷亟須勁旅協剿 臣現擬裁撤

之陳飛熊一軍五百名曾在湖南江蘇廣西等

省屢立戰功最爲得力擬請

旨飭赴官文軍營聽候調遣俾收指臂之效奏入

上命議政王軍機大臣傳諭劉長佑喬松年曰湖北

雖甚緊要現有僧格林沁大軍及官文出省調度兵力尙不爲薄惟該逆人數衆多恐鋌而走險東竄堪虞劉長佑現擬裁撤之陳飛熊一軍五百名著飭迅赴皖北歸喬松年調遣喬松年於此項勇丁到後卽酌量派駐扼要地方與陳國瑞等軍及皖北各軍聲勢聯絡無任楚逆侵入皖疆回救金陵方爲妥善

聖朝聖略卷七十四

十五

同日沈葆楨奏言三月二十九日閩浙督 臣左

宗棠派援之副將劉明珍擊賊於十七都道員

王德榜擊賊於鳳凰山均獲全勝三十日副將

顧雲彩抽八成隊署玉山縣知縣章激以義勇

民團繼之會於距城五里之東津橋鏖戰兩時

顧雲彩陣斬逆首傅泳珊等賊始稍卻營官顧

文福等四面追殺有穿黃龍馬褂騎賊落荒而

走顧文福擊以洋槍應聲墮馬賊陣大亂追奔二十餘里王德榜從十里山分剿劉明珍從螺涼山分剿合計斃賊三千有奇玉山城圍遂解副將戴奉聘等堅守華埠營盤賊以萬眾環攻三晝夜智窮力竭而退該營亦拔隊跟追至玉山王德榜劉明珍遂統隊疾趨廣信其香屯林河曹門一帶逆壘疊經內河水師及樂平練勇所挫遂於四月初一日夜遁初二日樂平縣知縣孫鑑復督勇追及於德興之黃柏園斃賊三百餘名各路鄉團助之窮追二十餘里又殺賊七八百名樂平肅清德興亦無賊蹤賊由戚公鎮方家墩分竄弋貴弋陽縣知縣葉琳貴溪縣知縣周溯賢均嬰城待援初五日提督黃仁遣等馳入貴溪城初六日賊以萬餘眾三面撲城

聖朝聖略卷十四

七

我軍槍礮猝發斃其前鋒百餘該逆退紮離城五里外之騎龍山是夜哨長羅福隆率廣勇二百餘人銜枚潛進各營以二成隊應之該逆蒼黃失措棄壘遁走探聞沙溪之賊已分路南渡從上饒縣屬之上瀘坂至鉛山縣屬之湖坊陳坊徧地賊蹤然廣信廣豐必無他慮惟弋陽被圍勢殊岌岌道員陳鳴志等已疾馳往援又聞該逆已從黃沙港過河道員王沐榮營於貴溪南岸以備之臣查兵數賊數多寡懸殊所賴各保要區使之無可依踞玉山樂平均當賊衝一則力戰卻敵一則保護全境兼援鄰封均屬著有微勞浙江補用道王德榜等相應開列懇請獎勵其餘出力員弁勇丁可否由臣擇尤保奏之處出自

聖朝聖略卷十四

七

鴻慈其陣亡之團紳副貢黃夢槐軍功何啟昆仲懇飭部照外委例議卹

沈葆楨又奏旨南豐踞逆以祥衛兩營移紮堯港四月初五日逆眾分撲韓席兩營席寶田韓進春奮擊卻之殺賊千餘名初七日席營回紮百花亭卽令祥衛兩營先行回顧建昌其偽王宗一股復由閩境回竄新城之樟村偽天將林

聖朝聖略卷七十四

十六

正楊一股竄入甯都州界現仍飭席寶田等相機進剿

沈葆楨又奏言續探得四月初四日賊數千人直撲弋陽之小北門城上施放槍礮擊斃數十人水師輔之賊稍卻另股數千繞撲東門軍功吳金鼇燃大礮轟斃黃衣賊目一人賊黨數十人忽山後突出黑旗悍賊萬餘蟻附城下吳金

鼇中槍殞命署知縣葉琳馳往救護該逆盡擁攀援而上葉琳受傷墜馬勇丁背負出城礮船向前接應遂赴西鄉招集潰勇外委劉步瀛率眾巷戰陷入重圍存亡未卜初九日精捷左營道員陳鳴志等督隊馳赴弋陽該逆大隊業已過河以悍賊千餘拒敵於離城十里之連湖坂相持良久適大雨如注我軍佯為收隊賊遂退去提督徐生德等捲旗疾趨城賊驚駭競趨浮橋人擠橋斷溺死甚眾不及渡者均被我勇撿斬弋陽城池甫陷隨復現飭總局司道查明該縣被擾情形有無捏飾並劉步瀛實在下落分別辦理此次出力之精捷營弁勇可否附入克復新城案內一併請獎之處出自

天恩奏入

聖朝聖略卷七十四

十九

上命議政王軍機大臣傳諭沈葆楨曰玉山樂平均
常賊衝現在德樂雖已肅清而分竄之賊復擾及
貴溪沙溪賊復分路南渡擾及上饒鉛山之上瀘
坂湖坊等處是東路賊勢仍形喫重亟須極力剿
辦提督黃仁遺等現入貴溪道員王沐紮營於貴
溪南岸著卽督飭該提督等分投堵剿力圖掃蕩
南豐踞逆負嶠如故而僞王宗一股復由閩境回
竄新城之樟村林正楊一股復竄入甯都州界是
東路情形愈形喫重王文瑞已抵袁州派隊進扼
永豐卽著督飭道員席寶田韓進春等妥速進兵
迅將南豐攻拔並將由閩回竄之賊急圖掃除勿
令紛竄昨已有旨命楊岳斌督辦皖南江西軍務
劉典幫辦軍務所有由皖浙續竄江西之賊當可
以資堵截該撫俟該提督到後可卽與之會商剿

辦機宜一面嚴飭本省現有之兵迅克南豐保全
完善

上諭內閣曰賊匪圍逼江西玉山縣城經副將劉明
珍等軍會剿城圍隨解其香屯林河一帶逆壘亦
經水師及練勇擊敗夜遁樂平肅清德興亦無賊
蹤剿辦甚屬得手所有出力之浙江補用道王德
榜著賞加布政使銜副將顧雲彩著交軍機處記
名遇有總兵缺出請旨簡放都司顧文福著免補
遊擊以參將補用遊擊曾光榮著賞給達勇巴圖
魯名號署玉山縣知縣章澂著以知府留於江西
補用並賞換花翎參將劉光裕著以副將儘先補
用並賞加總兵銜樂平縣知縣孫鑑著賞加知府
銜並賞換花翎知縣余汝霖著以同知儘先卽選
並賞戴藍翎縣丞徐預猷府經歷彭達均著以知

縣仍留安徽儘先補用並賞戴藍翎縣丞孫福寶著以知縣儘先卽選並賞戴藍翎其餘出力員弁勇丁著准其擇尤保奏至陣亡之團紳副貢黃夢槐軍功何啟昆均著照外委例議卹弋陽縣城被匪闖入旋經道員陳鳴志等督率精捷營會同提督徐生德馳赴弋陽擒斬多賊當將縣城收復外委劉步瀛著查明下落具奏此次出力之精捷營弁勇著准其附入克復新城案內由沈葆楨一併奏請獎勵

聖朝聖考卷七十四

三

聖朝聖考卷七十四

三

二十九日己亥僧格林沁奏言用兵之道首貴嚴明偵探賊情尤須真切如是則統帥居中調度戰守自合機宜知己知彼方能百戰百勝然臨茲之際偶值天時之變地利之險人事之不齊斯又利鈍之難以豫料也近見各路奏章每以

賊衆兵單爲詞獲捷之報絡繹不絕而賊勢愈衆蔓延愈廣推原其故總由領隊之員偏守一隅不能確探賊情賊至不肯迎擊賊退不肯跟追敷衍出境卽報勝仗並以少報多諱敗爲勝豫爲冒功邀賞地步而握兵符者旣不能身臨前敵又不知詳加查考率行據稟入

告甚至冒濫請獎若不破除積習認真整飭則將士益難駕馭軍務何時可收實效現在髮捻各股人數皆不過萬餘統計亦止六七萬人卽如竄楚各股除髮逆陳德才擒匪陳大濬未受我軍懲創其餘皆經臣督飭官軍痛加勦洗目睹各股賊勢實無數萬之多惟擒逆巢穴近在腹地馬賊較衆行走尤疾各旗合股時多分竄時少出巢擄掠不肯遠去一遇官兵緊追卽奔回老

巢每與交仗非慶戰數時短刃相接不能取勝
此臣從前在皖勦辦張落刑等匪所親見者也
其各股髮逆離巢久遠現有大江阻隔回窺金
陵亦屬非易且馬賊少而裹脅多行走疾徐與
我步隊相等每與交仗一經我軍衝壓賊即披
靡此臣刻下追剿髮逆所目睹者也今各股髮
逆雖向南趨若得水師一軍沿江嚴密布置不

欽定剿平粵匪方略卷七十四

三

使該逆渡越加以楚陝豫官軍聯絡跟追處處
扼截以勦爲防可期剋日掃除設使東窺皖境
地勢較楚省稍覺平坦臣當酌撥馬步各隊相
機協剿不致任此窮寇再事臨張臣目擊各路
軍情鋪張粉飾不敢不據實直陳應如何嚴禁
積習之處恭候

聖裁奏入

上諭內閣曰各路軍營惡習以少報多諱敗爲勝疊
經通諭各該統兵大臣及督撫大吏痛除積弊不
啻三令五申茲覽僧格林沁所奏是各路軍營積
弊仍未革除該統兵大臣仍不能認真整頓似此
積習日深何以殄滅賊氛又安黎庶僧格林沁此
次督師由豫入楚所冒軍營各弊自必確有見聞
該大臣老於用兵惟能真實不欺故所向克捷洵

欽定剿平粵匪方略卷七十四

三

足爲各路軍營之法嗣後各路營員及統兵大臣
等於賊勢之多寡接仗之勝負均須字字從實奏
報如仍任意鋪張未能掃除積習一經有人奏
必將捏報軍情之營員及統兵大臣等一併從嚴
懲治決不姑容僧格林沁督師皖豫楚三省之交
如有似此情弊一經見聞所及卽著指名奏參懲
一儆百以挽頹風庶幾各路軍營不敢視朝廷諄

諄告誠爲具文也

欽定平粵匪方略卷三十四

三

欽定平粵匪方略卷三百七十五 甲子年

五月初一日庚子喬松年奏言髮逆自湖北棗陽

趨向東南屬聚楚地聲言往救金陵聞湖廣督

臣官文出省迎勦僧格林沁已率師追賊賊如

不及南犯漢口則銜而走險將東竄皖北亟宜

豫防查皖楚相接之潁州六安均爲門戶計楚

中之賊已距孝感不遠如果東竄則六安尤當

欽定平粵匪方略卷三十五

一

其衝現在駐守六安之安肅道蔣凝學所帶六

營皆係楚師能戰可以獨當一面臣又派總兵

王才秀帶所部一千五百人前往駐守三河尖

藉資接應並飭駐守正陽關之總兵朱淮森整

頓聽調如六安有警卽馳往應援壽州定遠亦

皆分布嚴防鳳陽距臨淮較近查有總兵黃鳴

鐸熟悉營務已派令募勇五百名前往防守至

提督陳國瑞一軍仰蒙

諭飭僧格林沁調赴臨淮現在賊匪未入皖境而僧

格林沁方在用人之際臣現咨請僧格林沁酌

度情形如可派來實與皖省軍務有益奏入

上命議政王軍機大臣傳諭僧格林沁喬松年曰逆

匪屬聚楚地聲言回救金陵若由楚東竄皖北則

六安首當其衝現在駐守六安有道員蔣凝學六

欽定剿平粵匪方略卷七十五

二

營喬松年復派總兵王才秀帶所部駐守三河尖

爲六安接應並飭駐紮正陽關之總兵朱淮森整

頓聽調如六安有警卽刻馳援其壽州定遠等處

亦皆有營防守所籌尙屬妥協惟逆股甚多現在

楚省德安雲夢應城隨州京山天門等處縱橫數

百里徧地皆賊而皖北防兵究嫌單薄恐不足以

資堵禦陳國瑞一軍前據吳棠奏業已拔營前赴

徐州聽候僧格林沁調遣此軍驍勇善戰前諭僧

格林沁調赴臨淮此時賊雖未入皖疆而軍情且

夕變遷尤宜先爲籌畫著僧格林沁卽飭該提督

一軍擇要駐紮或卽調赴臨淮如賊勢東趨卽行

馳往援應以資扼截

同日徐宗幹奏言據同知周星詒稟稱探明江

西大兵進剿新城該同知同紳士何炳魁等各

欽定剿平粵匪方略卷七十五

三

率團練出關夾擊新城縣城卽於三月十二日

克復該逆由樟村竄近建甯縣之邱家隘署邵

武營都司佟慶帶兵堵截衆寡不敵力戰陣亡

該逆卽於是日竄入建甯縣境該縣文武員弁

均分駐關隘縣城旋卽失守候補道張啟煊調

派已革參將吳連陞等各帶所部進攻該逆紛

紛敗竄於二十二日將建甯縣城克復臣已飛

飭張啟煊迅速督兵與吳連陞等合隊跟蹤截擊並探聞該逆有分股由汀回粵之說卽令署漳州鎮總兵祿魁酌調本標精兵取道龍巖馳赴歸化一帶堵剿復派署臬司徐曉峯統帶省標精兵一千名及興泉各府勇丁一千名前赴延平駐紮相機策應並遵

旨委員赴粵迎催臬司張運蘭迅帶所部星夜前來

聖朝聖略卷七十五

中

繞出賊前與江西各軍合力會剿至署提督林文察已催令剋日帶兵內渡以便督辦閩省西路防務此次克復建甯縣城出力各文武及團練紳民人等俟查明存記另行彙獎已革前署邵武營參將吳連陞首先登城可否仰懇

聖恩准予開復原官署邵武營都司佟慶力戰陣亡

深堪憫惻應請

飭部從優議卹以慰忠魂建甯縣城文武各員是否分駐關隘以致被賊竄陷容確查另行具奏奏

八

上命議政王軍機大臣傳諭左宗棠徐宗幹曰此次髮逆由江西竄入建甯縣境署都司佟慶帶兵堵截力戰陣亡而該縣文武員弁乃以分駐關隘爲詞置城守於不顧以致賊氛一至城卽被陷賊去

聖朝聖略卷七十五

五

之後又捏報克復以爲請獎地步種種畏葸粉飾甚屬可惡乃徐宗幹並不實力查辦輒據屬員稟報之詞含混入奏封疆大吏辦事如此顛預安望其整飭戎行綏靖疆圉耶著傳旨嚴行申飭所請將已革參將吳連陞開復原官並克復縣城出力文武存記彙獎之處著不准行其失守地方之文武員弁並著徐宗幹查明有無開警逃避情形從

嚴宗辦至各該員等分駐關隘一節何以先期並不稟報迨至縣城失守以此藉口希圖卸罪徐宗幹務當認真查出按律懲辦並著左宗棠查明如有前項情節即將各該員弁嚴行叅辦該逆既有分股由汀回粵之說甯化歸化一帶防務喫重該撫當嚴飭在防員弁實力堵剿不可再有貽誤道員張啟煊從前帶兵甚不得力徐曉峯在皖營時

聖朝聖略卷三十五

六

疊次被人叅奏徐宗幹於該二員何以如此信任仍著隨時察看如始終不知奮勉即著另選委員接統其軍毋令債事左宗棠前奏請飭林文察內渡剿賊令康國器由浙入閩會合張運蘭粵師夾擊會諭令該督等照辦現在賊氛正熾左宗棠當妥籌兼顧儘張啟煊徐曉峯等不甚可靠著左宗棠另擇知兵之員酌量收派徐宗幹當恪遵前旨

迅催林文察康國器兩軍剋日馳赴延邵一帶迎頭痛剿毋令蔓延其張運蘭一軍已寄諭毛鴻賓等催令剋日赴閩力戰陣亡之署邵武營都司佟慶著交部從優議卹

上又命議政王軍機大臣傳諭毛鴻賓郭嵩燾曰前因江西餘賊悉趨閩界延平軍情喫緊諭令毛鴻賓郭嵩燾檄令張運蘭由潮州入閩剿賊現在閩

聖朝聖略卷三十五

七

省賊勢甚重兵力不敷剿辦亟須添撥勁旅著毛鴻賓郭嵩燾懍遵疊次諭旨飛催張運蘭督率所部星馳赴閩協剿儘再任意奏留或任令延不起程以致閩省賊匪蔓延腹地掣動全境恐毛鴻賓郭嵩燾不能當此重咎也

初四日癸卯馮子材魁玉安冒丹陽攻克後潰匪四竄副將林從太等分投掩捕斬馘甚多復經

提臣鮑超截殺殆盡當令總兵張文德馳赴金壇駐守其丹陽一城卽商派總兵陶茂森統領六營前往扼紮臣等督率將士妥爲布置查拏土匪並多設偵探隨時飛報金壇一軍與東壩溧陽聯絡丹陽一軍與常州句容聯絡以期周密至鎮江丹陽金壇三城量留兵勇七千餘名業已足敷戍守尙可抽撥四千名移緩就急上

聖旨 聖旨 聖旨

八

游軍事方殷或派往江皖各省協同防剿或將此項兵勇先行分起遣撤恭候

聖裁奏入

上命議政王軍機大臣傳諭曾國藩馮子材魁玉喬松年曰丹陽攻克後經馮子材等派出將弁將潰賊捕斬殆盡張文德現守金壇陶茂森現守丹陽著卽飭令該總兵等統領將士嚴密梭巡查拏土

匪與句容東壩等處防兵聯絡聲援嚴扼上游竄賊所稱鎮防兵勇除留戍鎮江丹陽金壇三城外尙可抽出四千名或派往江皖各省或分起遣撤等語現在髮逆屬聚楚疆時思東竄皖北防兵究嫌單薄此項兵勇四千名著曾國藩喬松年酌量情形如可得力卽咨行馮子材等調往臨淮歸喬松年調遣以資防剿如皖北情形無須添兵此項

聖旨 聖旨 聖旨

九

兵勇卽可不必調往著一面奏聞一面咨會馮子材等分起妥爲遣撤

初五日甲辰官文奏冒據總兵楊朝林稟稱隨州

擊敗之賊盤踞於八里畝一帶卽帶隊進剿四月初六日該逆已過河列陣楊朝林督令各營由左路衝出賊前營格林沁馬隊又四路包抄殺斃逆黨者無數賊向浙河一帶遁竄馬平港

聞大兵將至由游山竄洛陽店而去十一日僧
格林沁以馬平港無賊親帶馬隊馳往應山追
剿北路之賊令楊朝林等率各營馳赴德安迅
圖剿滅現已行抵德安紮營城外其自棗陽南
竄之賊經總兵梁洪勝戰捷於安郡再捷於白
口該逆卽向京山阜市一帶竄去初五日梁洪
勝督率所部追抵永澧河斃賊極多我軍由永

欽定剿平粵匪方略卷七十五

十

澧河行距天門七十里之金河灘偵知另有大
股髮逆圍偃天門縣城梁洪勝移營馳赴該縣
奮勇衝殺該逆全股潰散各營分途追剿賊屍
枕藉初九日我軍整隊過河探得另有大股逆
賊由宋河直竄阜市意在由雲夢孝感以犯黃
州石家河設匪亦欲赴阜市合夥查天門之柳
河爲該逆必由之路梁洪勝由小路疾趨節節

設伏賊至起而擊之衝爲兩段傷斃頗多該逆
仍向柳河竄去等情目下天門應城德安同時
告急迫大兵踉蹌追擊該逆又分股盤踞隨州
之南山等處我軍以寡敵衆雖經獲勝究未大
挫兇鋒因與僧格林沁疊次函商請駐軍德安
會同攻剿實於東南軍務有裨臣仍飭水陸各
軍實力進攻以冀共殲醜類

欽定剿平粵匪方略卷七十五

十一

官文又奏旨准陝西撫臣劉蓉咨稱蔡逆勢頗
窮蹙此股剿滅後李雲麟所部水陸十二營卽
由水路下駛其前派之英毅六營業由商州徑
赴襄樊現擬添派湘果馬步十四營東下追賊
以收夾擊之效所有湘果與英毅馬步共計二
十營每月約需餉項五萬七千餘兩俟該軍到
鄂按數發給等因查漢南髮逆闖入棗陽勾結

拾股蔓延郡縣幾至不可收拾臣出省督師勦
辦僧格林沁親統馬隊勁旅會合鄂軍疊獲大
勝該逆震懼軍威悉趨下游天門京山應城德
安等處賊蹤距秦已遠情形較前迥異即使秦
師越境遠征但事尾追不能繞出迎擊徒令跋
涉道途於事鮮濟現已遵

聖軍方略卷七十五 十二

咨調姜玉順四千人並添派馬隊五百名僧格林
沁又調蕭河清步軍來楚進勦餉項已萬難支
柱若再加秦軍二十營餉糈軍火實屬無從籌
給惟有請

飭陝西撫臣將派撥赴楚之英毅湘果二十營全行
截回以節糜費至李雲麟所部十二營本係楚
軍該軍餉銀仍由鄂省按月籌解現在藍二瞬
死黨尙在雙河廟坪大小壩等處盤踞俟將該

逆殄除淨盡後或仍留秦或即遣撤再行酌量
辦理奏入

聖軍方略卷七十五 十三

上命議政王軍機大臣傳諭僧格林沁官文劉蓉唐
訓方曰隨州賊匪盤踞八里畷經總兵楊朝林擊
敗逃竄馬平港溺斃甚多僧格林沁馬隊馳往應
山楊朝林移營德安總兵梁洪勝將棗陽南竄之
賊擊敗於安郡白口永澧河等處並將圍偏天門
縣城及竄擾阜市之匪擊退現在天門應城德安
等處賊勢甚衆其擊敗之賊復回竄隨州之南山
官文現咨商僧格林沁進駐德安會軍夾擊著僧
格林沁酌量情形移軍前往務與官文督飭各
軍四面兜剿並分兵繞出賊前力遏賊匪東竄之
路總期就地殲除毋令闖入皖境武昌省城防守
事宜卽著唐訓方嚴密布置不可稍涉大意僧格

林沁現調蕭河清一軍赴該大臣軍營著卽飭令該總兵前往聽候調遣其餘步隊各軍應分隸何路著僧格林沁官文會商調度常星阿所統馬隊俟到鄂後卽著歸僧格林沁調遣前據嚴樹森奏請將陝西所派英毅等二十營撤回當因英毅六營已入楚境應否留楚諭令官文知照劉蓉辦理現據官文奏稱賊蹤去秦較遠陝軍勢成尾追不

欽定剿平粵匪方略卷七十五

十四

能繞前迎擊餉糈亦難籌給著官文劉蓉卽檄此軍無論行抵何處迅卽撤回陝境其湘果等十四營著劉蓉責令在陝南搜捕餘匪毋庸飭令赴楚所有英毅六營勇丁應否留防陝境或酌量裁撤之處著劉蓉酌度辦理

同日會國藩奏言丹陽一城經富明阿馮子材會師攻復後僞灑王僞甘王等巨酋糾敗賊三

四萬衆圍犯東壩並分股圍犯高瀆四月十三日水師營官柳壽田迎擊於固城湖敗之高瀆守將蕭信集等追擊於楊村又敗之賊遁回漆橋時鮑超正欲馳諭譚勝達率東壩各營先剿大山頭一股仍親督騎隊專剿漆橋一股詎行抵漆橋賊已合股併向東壩一路十四日譚勝達商之吳雲集等軍尊食出隊師次安興該逆

欽定剿平粵匪方略卷七十五

十五

迎面撲來諸將士奮勇直前節節掃蕩甘逆顯逆率悍黨正在高岡督陣不料我軍猝至賊衆大潰悉向湖州廣德竄去是役斃賊約七千人中有僞王等十七人查丹陽各賊股意在衝出東壩由皖南併竄江西經鮑超飭令譚勝達等督軍痛剿雖未能悉數翦除而下游多殺一賊卽上游少竄一賊現在鮑超卽日上援江西

已撥餉銀十萬兩解交鮑超冀速師行此次出力員弁仍請附入東壩句容各案內彙保優獎其陣亡之副將張遇春等請

旨飭部各照本職本銜從優議卹

曾國藩又奏言據報徽州南路有賊詢其會日爲僞烈王林逆僞鱗王朱逆及僞爵潘忠義李石黃棕保等究其來路蓋江陰楊庫之敗賊常

欽定四庫全書

七

州城外之壘賊由丹陽等處上竄從昌化關入歙境距郡城三四十里四月初十日徽郡守將唐義訓率所部六營馳山城南爲迎頭截剿之計是夜唐義訓以一營伏鍾塘嶺後十一日以五營進遇賊接戰伏軍並發礮其前鋒金國琛毛有銘會帶馬步十二營行抵富場隔河屯紮傳餐未畢賊以大股圍至我軍猛撲猛進更以

欽定四庫全書

七

騎卒沿隄包抄唐義訓適從鍾塘嶺尾賊而至兩面夾攻俘斬千餘人解散不可以數計逸出之賊遁向黃山小路復於十二日爲唐義訓所敗賊既趨重黃山則歙休之北黟縣之東均形喫重十三日我軍馳抵五弓橋賊已揚旗而來唐義訓揮令各營從溪河上流大呼衝入斬馘無算十四日金國琛毛有銘等亦率各營自五弓橋疾進聲威大震羣賊驚亂不復成伍奪路狂奔生擒林義等十餘陣斬潘忠義等十四會死者散者實有二萬餘衆敗殘零賊潛向上溪口南竄不過二三千人婦女輜重馬匹器械拋棄略盡此次續竄沒匪經各軍擒斬解散約去十分之八入江之匪無幾軍威爲之一振在事出力員弁可否容臣酌量保獎之處出自

聖裁

曾國藩又奏言蘇浙羣賊由徽上竄者約分六起第一起為偽涪王等係溧陽宜興敗出者現尙踞江西之南豐縣城暨分竄汀州等處第二起為陳炳汶汪海洋等係杭州敗出者現尙延蔓於鉛山之湖坊陳坊等處第三起為偽侍王來自湖州由徽入江攻陷弋陽四月十六七等日圍撲撫州旋退至金谿之許灣將與南豐股匪合為一路第四起為江陰楊庫之敗賊常州城外之壘賊卽唐義訓金國琛等軍十三日在歙休境內所破者也其金壇句容敗出之賊是否仍在內尙未可知常州克城之時各頭目與兩粵老賊均就駢誅無一漏網不至貽患上游至丹陽逸出之賊雖在東壩一敗餘黨悉趨廣德

欽定剿平粵匪方略

卷三

卷三十五

十九

湖州是將為第五起湖州堵輔二悍會徒黨尙衆又將為第六起無不圖竄徽境併犯江西目下賊情以江西為最重而江西之待援實比皖北為尤急鮑超全隊四月必可成行五月當可到江自不宜改援皖北致負江西軍民雲霓之望至周寬世金國琛兩軍現因侍逆南竄已遠卽調駐祁門漁亭休甯等處以備迎堵續至之賊俟丹陽湖州廣德各股竄盡後再行馳入江西會剿

曾國藩又奏言臣前因患病蒙恩賞假調養現一月期滿病根已深非一時所能遽痊惟疊接湖北各營函稟上游髮捻延竄應山孝感境內賊計在圍魏救趙屢有攻撲安慶圖援金陵之說當此軍事方殷何敢顧惜微軀陳

欽定剿平粵匪方略

卷三十五

十九

請續假已於四月二十六日力疾強起照常治
事藉固軍心奏入

上命議政王軍機大臣傳諭曾國藩楊岳斌沈葆楨
曰丹陽敗賊意在衝出東壩由皖南併竄江西經
鮑超等督軍痛剿大挫兇鋒下游多殺一賊即上
游少竄一賊在事出力員弁著准其附入東壩句
容各案內彙案保奏陣亡副將張遇春等著交部

聖皇聖考卷七十五

三

各照本職本銜從優議卹江陰等處敗賊續竄徽
郡者亦經唐義訓金國琛毛有銘等於鍾塘嶺五
弓橋一帶疊獲大勝擒斬解散約去十分之八八
江之匪無幾勦辦甚屬可嘉出力員弁即著曾國
藩酌量保奏蘇浙羣賊由徽上竄約分六股第一
起偽涪王等尙踞南豐並分竄汀州等處第二起
陳炳汶汪海洋等延蔓於鉛山境內第三起偽侍

王攻陷弋陽退至金谿將與南豐一股會合第四
起股匪雖經唐義訓等所破而丹陽之賊悉趨廣
德湖州其湖郡之堵輔二悍會亦將接踵併犯江
西是目下軍情江西待援實比皖北尤急曾國藩
調周寬世金國琛兩軍分駐祁門漁亭等處迎堵
續至之賊而檄鮑超全隊上援江西並撥餉銀十
萬以速師行斟酌緩急甚合機宜即著飭令鮑超

聖皇聖考卷七十五

三

剋日拔隊援江毋稍延緩楊岳斌督辦江西皖南
軍務責無旁貸著懍遵前旨迅赴江皖交界緊要
處所居中駐紮督率諸軍會同劉典力圖掃蕩沈
葆楨督飭江右諸軍實力防堵並將南豐攻拔盡
截踞賊毋令旁竄曾國藩力疾強起照常治事具
見公忠體國之忱此時上游髮捻圖援金陵而金
陵圍師與江西羣賊亦均在危疑震撼之際軍事

方殷非該大臣督率調度不能竟此全局也

初六日乙巳富明阿奏言欽奉

諭旨飭將江北之軍調回揚防以備截剿東竄之賊
查南岸自丹常金句次第恢復金陵賊勢已成
孤注正宜會合諸軍共圖進取臣前曾酌留五
營令楊心純駐守丹邑又挑詹啟綸所部五千
以備助剿金陵嗣准曾國藩來咨漢中髮匪闌

欽定剿平粵匪方略卷七十五

三

入楚境隨棗一帶意在趨皖以救金陵是江皖
各境尤宜嚴密籌防以遏其下竄之路現將南
渡之軍全數撤回飭副將劉成元管帶五營馳
防天長又派勇三營前往儀徵駐守其邵伯湖
一帶派副將金文廷等帶領礮船駛往該處擇
要巡防並飭總統水師吳全美於各港口酌留
礮船稽查奸宄酌撥師船移泊瓜州以防上游

竄賊惟天長距六合百里六合距儀徵七十里

皆係平坦衝途並無要隘可扼非聯絡各營互
相犄角不足以遏竄突而揚州兵勇祇有萬餘
節節分防實形單薄臣惟有就現有兵力相機
布置並隨時與曾國藩吳棠喬松年妥籌剿辦
總期畛域無分共殲醜類

欽定剿平粵匪方略卷七十五

三

富明阿又奏言准喬松年咨稱駐防臨淮之副
都統克蒙額所部馬隊除遣撤疲病外其可用
者祇八十人應遵
旨暫留臨淮俟僧格林沁派有馬隊到皖卽騰出此
起赴揚助剿等因查克蒙額馬隊現僅留八十
人是臨淮雖有此軍已屬不能成隊若早調來
揚可以合成勁旅於皖省軍事無礙而於揚防
大有裨益應請

飭下喬松年於常星阿未到之先卽著克蒙額管帶來揚以資得力

同日喬松年奏言楚北之賊經僧格林沁擊敗後分股回竄信陽其餘仍盤旋於應城應山雲夢京山等處雖距皖尙遠而賊蹤飄忽總虞闖入臣惟有督飭各軍加意嚴防勿稍鬆懈並飭臬司英翰帶兵駐守亳州搜拏土匪以杜勾結

欽定四庫全書

五

普承堯何紹彩兩軍奉

旨交臣調遣俟會國藩移交到臣再行分派防剿疊奉

諭旨飭令鮑超一軍來皖現聞該提督已進援江西恐未能移回皖境臣已函商會國藩或卽令陳國瑞扼紮穎六之閒以固西面之防均奏入

上命議政王軍機大臣傳諭富明阿曰現在髮逆屬

聚楚境天門應城德安等處賊勢甚重該逆不能南竄勢必東趨是江皖各境之防關繫尤爲緊要富明阿前留守丹邑之楊心純五營並詹啟綸所部五千人卽著全數撤回分籌布置以資扼守該將軍擬派副將劉成元等營馳防天長等處並令吳全美師船移泊瓜州以防上游竄賊所籌均尙妥協惟天六儀揚一帶皆係坦途無險可扼務飭

欽定四庫全書

五

各營互相犄角聯絡聲勢以防竄突並隨時與會國藩吳棠喬松年所派分防皖北各軍聲息相通妥籌剿辦毋稍大意所請將克蒙額汰留馬隊八十名催赴揚州本日已諭知喬松年調派矣

上又命議政王軍機大臣傳諭喬松年曰楚北賊匪分竄信陽應山等處賊蹤飄忽靡常不可不嚴爲戒備該撫已飭臬司英翰駐守亳州以防土匪布

置尙妥普承堯何紹彩兩軍經曾國藩派令分駐
廬州巢縣斷難移動鮑超一軍昨據曾國藩奏稱
仍遵前旨赴江西援剿亦未能分顧皖境陳國瑞
一軍該撫擬令扼紮穎六之間著卽稟商僧格林
沁辦理如兵力尙單可卽將馮子材派守金壇等
處所餘兵勇四千名仍遵前旨酌量調赴臨淮以
資防剿滁州天長等處業經吳棠等派遊擊張從

欽定剿平粵匪方略卷七十五

三

龍等帶勇前往駐紮所有善後事宜卽著該撫飭
令各州縣實心經理克蒙額馬隊前有旨俟僧格
林沁酌撥馬隊到臨淮後再令赴揚茲據富明阿
奏此項馬隊僅存八十人留於臨淮不能成隊若
早調來揚可以合成勁旅尙屬實情所請於常星
阿未到之先卽飭克蒙額管帶赴揚以資得力之
處著喬松年酌量辦理

同日徐宗幹奏言據延建邵道夏家泰等稟報
江西前踞南豐各匪竄入閩省邊界於三月二
十日猝犯甯化縣其時調派兵勇均未到齊該
逆分爲數股由小路竄入縣城張啟煊飛飭汀
州府同知丁承禧等各帶鄉團馳往截擊斃賊
無算二十五日夜開馳至城西北焚燬賊卡城
賊驚潰由東西兩門逃竄卽將縣城收復該逆

欽定剿平粵匪方略卷七十五

三

竄至將樂西鄉之萬全地方復經官兵截剿殺
賊甚多餘匪又分竄歸化建甯縣境張啟煊督
率各軍馳往會合江西官兵堵剿以防南豐等
處竄匪合股滋擾復據建甯府知府張桐熙等
稟報皖浙逆匪一股由徽州竄至德興一股由
開化竄至玉山逆首李侍賢等各率死黨竄至
上饒鉛山廣豐境內逼近崇安浦城等縣查有

廣東候補同知沈廣鵬熟悉浦崇各路情形請
仍留閩襄辦防務以期得力署臬司徐曉峯馳
抵延平調派署建甯鎮總兵袁良統師回駐建
陽所有崇浦各軍悉歸節制策應北路候補道
張啟煊駐紮泰甯所有邵武光澤歸化兵勇均
歸統帶以備應援中路候補道陳維漢駐紮將
樂署延平協副將顧飛熊副之又飛催署漳州

聖朝聖略卷七十五

三六

鎮總兵祿魁統帶兵勇會同趙漣接應清流長
汀以顧南路並催臬司張運蘭由粵東帶勇迅
速至閩再由督臣左宗棠派撥勁旅前來助剿
又檄調署陸路提督林文察迅速內渡前赴延
邵各屬相機督剿至建甯甯化兩邑相繼失守
雖數日內即已收復究屬防堵不力除該地方
文武員弁查明另行叅辦外應請將臣先行交

部議處奏八

上命議政王軍機大臣傳諭會國藩左宗棠楊岳斌
徐宗幹沈葆楨曰江西竄匪闖入閩疆分股竄陷
甯化縣城經官軍會合鄉團馳往攻剿即將縣城
收復餘匪分擾將樂歸化建甯縣境其皖浙逆匪
李侍賢等股分由徽州開化竄至上饒鉛山廣豐
等境內逼近崇安浦城等縣徐宗幹即飭徐曉峯

聖朝聖略卷七十五

三九

等軍嚴密布置相機策應惟賊蹤飄忽靡常此次
竄陷甯化之匪雖經諸軍擊退並未大受懲創此
後恐尚有另股逆匪陸續竄入閩境徐曉峯張啟
煊等軍是否得力能否遏截兇鋒著左宗棠徐宗
幹仍遵前旨隨時察看儘始終未能奮勉即另選
委員接統其軍毋稍瞻徇左宗棠前派援閩之康
國器一軍計已起程林文察一軍前據徐宗幹奏

第一... 日 返下

稱即日由臺內渡著左宗棠徐宗幹迅速催提刻
日馳往延邵一帶迎頭截擊並飛提張運蘭所部
由粵入閩會同康國器等軍儘力兜剿毋任逆蹤
紛竄腹地江西賊勢蔓延曾國藩所派之周寬世
金國琛等軍前據奏稱留紮祁門漁亭等處未卽
入江著催鮑超迅率所部馳援江西毋再延緩楊
岳斌前經諭令馳赴江皖交界居中駐紮督辦江

欽定剿平粵匪方略

卷三

欽定剿平粵匪方略

卷三

西皖南軍務著遵前旨迅赴該二省適中之地擇
要扼紮督率各軍會同劉典所統之師力圖掃蕩
其江西與閩省毗連各境著沈葆楨嚴飭在防各
軍與閩軍實力防剿不得稍分畛域並迅飭席寶
田等將南豐攻拔盡殲醜類建甯甯化相繼失守
雖旋即克復究屬防堵不力徐宗幹著交部議處
該二縣失守地方文武各員並著左宗棠徐宗幹

查明叅辦廣東候補同知沈廣屬著准其仍留閩
省襄辦防務

欽定剿平粵匪方略卷三百七十六 甲子年

五月初八日 丁未 官文奏言自髮捻各逆關入楚

疆經僧格林沁親督馬隊到鄂率領總兵楊朝

林等由棗陽隨州奮力攻擊連獲大勝其南竄

敗匪屢欲向天門京山沿河擄船直下 臣 駐軍

漢川先已調撥水師礮船於水面各要隘嚴密

防堵不使該逆偷渡該逆以上下游均有官兵

剿平粵匪方略卷七十六

一

截擊大股麕聚於阜市巡檢司等處擾及京山

地界復分股一自宋河至隨州之南山攻破民

寨多處一自楊家河至德安互延二百餘里徧

地賊蹤護軍統領舒保會同總兵石清吉楊朝

林由楊家河渡河擊賊斬馘甚多舒保於四月

二十一日辰刻帶隊察看情形前隊遇賊已經

戰捷舒保勇敢過人每遇大敵無不爭先遂指

揮所部窮追二十餘里直至壽山山下其地層

岡深澗不利馬戰舒保遂陷重圍力竭陣亡營

總德隆阿卽補驍騎校額爾根札普圖興阿五

品花翎委官富喜六品頂戴馬甲圖恰布救護

主將同時力竭捐軀相應仰懇

天恩將都統銜鑲紅旗護軍統領舒保照都統陣亡

例從優議卹並

剿平粵匪方略卷七十六

二

加恩予諡歷年戰績宣付史館立傳入祀昭忠祠於

湖北武昌漢陽黃州德安襄陽建立專祠德隆

阿等均請

飭部優卹附祀以慰忠魂舒保之子倭克吉訥俟及

歲時另請

恩施再捻首歐老洪率眾數萬竄踞德安府河屢次

偷渡均經我軍擊退該逆遂由白兆山繞出平

林市一帶圖犯德安窺伺黃孝而黃土關另股
經僧格林沁擊敗復繞回南竄應山所屬之東
篁店廣水驛二十一日竄至孝感縣屬之二郎
畝三角山等處已飭楊朝林扼紮白沙鋪石清
吉同吉林馬隊扼紮楊店以守爲戰遇其東趨
僧格林沁駐軍信陽飭翼長蘇克金會同提督
傅振邦等各率馬步來鄂會剿已由臣飛催該

欽定剿平粵匪方略卷七十六

三

軍繞出賊前分紮小河司楊店力扼狂氛庶下
游武漢及大江北岸亦可無虞竄越
官文又奏言舒保追賊壽山自率德隆阿等百
餘騎由中路履險衝突深陷重圍維時左右兩
路馬隊營總烏勒喜布保升凌祥等不能力顧
主將或另有別情相應請

旨將營總烏勒喜布保升凌祥等一併革職拏問由

臣訊明有無臨陣退縮情事按律懲辦至舒保
所部馬隊仍須大員管帶查有成都副都統富
森保堪資統率當飭即日馳往德安接統奏入
上命議政王軍機大臣傳諭僧格林沁官文會國藩
富明阿左宗棠吳棠彭玉麟李鴻章喬松年曾國
荃張之萬曰官文奏護軍統領舒保力戰陣亡已
降旨優卹其不能力顧主將之營總烏勒喜布保

欽定剿平粵匪方略卷七十六

四

升凌祥等均著革職拏問交官文嚴提審訊如另
有別情卽著按照軍法從事逆股闖入楚疆雖經
僧格林沁等督率馬步各隊累戰皆捷而大股屬
聚於阜市巡檢司等處擾及京山復分股一自宋
河至隨州之南山一自楊家河至德安互延二百
餘里逆首歐老洪率衆由白兆山繞出平林市一
帶圖犯德安窺伺黃孝其黃土關一股經僧格林

沁擊敗後復由東筮店廣水驛竄至孝感縣屬之二郎畝三角山等處是漢江以北羣賊如毛亟宜盡力勦洗著僧格林沁官文等遵照前旨督飭各軍四面兜勦務將下游武漢及大江北岸竄路竭力遏截並飭蘇克金傅振邦等繞出賊前毋令竄入皖豫邊境光固一帶著張之萬派撥勁兵豫爲防範以備不虞英霍毗連楚境更覺喫緊著曾國

欽定四庫全書

五

藩喬松年督率地方文武嚴密布置俾該匪無隙可乘惟該逆等以援救金陵爲名故能號召匪徒固結不解爲今之計若將金陵迅速攻拔則該逆失所依附衆心渙散勦滅必易是攻拔金陵洵爲目前第一要務曾國荃率師合圍已經數月布置自必周妥著督率諸軍會合彭玉麟水師奮勇進攻出奇制勝迅拔堅城金陵城內醜類尙多不可

少有瑕隙致令乘閒出竄貽患他省如由何處衝突出而即惟何處統兵之員是問李鴻章所部兵勇攻城奪隘所向有功礮隊尤爲得力現在金陵功在垂成髮捻蓄意東趨遲恐掣動全局李鴻章即迅調勁旅數千及得力礮隊前赴金陵會同曾國荃圍師相機進取速奏膚公李鴻章如能親督各軍與曾國荃會商機宜勦辦更易得手著該撫

欽定四庫全書

六

酌度情形一面奏聞一面迅速辦理曾國藩身爲統帥全局在胸尤當督同李鴻章曾國荃彭玉麟和衷共濟速竟全功同膺懋賞並著左宗棠嚴飭蔣益澧高連陞等迅拔湖州郡城肅清全浙騰出兵力馳援江皖俾免蔓延貽患江北天六等處地廣兵單該處爲裏下河一帶門戶恐賊匪垂涎完善前諭富明阿將援勦江南之師悉數調回分投

布置現在計已到防如果賊有竄近消息而兵力
尙有不敷卽著李鴻章調派得力之兵妥籌兼顧
陳國瑞一軍應令移紮何處堵禦東竄之賊仍著
曾格林沁酌量調派徐宿清淮等處並著吳棠隨
時整飭加意籌防期於有備無患

上諭內閣曰都統銜鑲紅旗護軍統領舒保自到湖
北帶兵以來屢卻悍寇疊復名城十餘年來戰功

欽定剿平粵匪方略卷七十六

七

卓著此次因竭力追賊陷陣遇害覽奏殊深悼惜
舒保著照都統陣亡例從優議卹任內一切處分
悉予開復並加恩予諡入祀昭忠祠於湖北武昌
漢陽黃州德安襄陽建立專祠歷年戰績並著宣
付史館伊子倭克吉訥俟及歲時由該旗帶領引
見候旨施恩以示篤念勳臣至意營總德隆阿卽
補驍騎校額爾根札普圖興阿五品花翎委官富

喜六品頂戴馬甲圖恰布同時陣亡均堪憫惻著
交部從優議卹並准其附祀舒保專祠以慰忠魂

初九日 戊申 荆州將軍穆圖善奏言查多隆阿所

部提督姜玉順統帶九營於四月十七日由鄂

縣澇峪口拔營起程提督譚仁芳統帶四營於

十六日由整屋縣起程提督藍斯明統帶四營

於二十七日由商州起程提督蕭河清統帶四

欽定剿平粵匪方略卷七十六

八

營由潼關起程四月二十八日已抵陝州總兵

孟宗福統帶四營於二十八日由西安起程總

兵黃金山管帶親兵左營提督劉定邦管帶藤

牌營於五月初一日由西安起程以上十八營

均取道河南北路赴鄂副都統溫德勒克西常

星阿舒倫保等六起馬隊亦於四月二十七日

起程前進現在馬步各營均已先後出關臣定

於五月初六日督率全軍兼程前進奏入

上命議政王軍機大臣傳諭僧格林沁官文曾國藩

穆圖善劉蓉喬松年李雲麟曰據穆圖善奏多隆

阿所部全行赴楚著卽催令各軍迅速前進到後

交僧格林沁官文分別調遣楚北羣盜如毛得此

兵力自無難剋日奏功惟皖北地方仍形空虛該

匪不能逞志於楚恐蓄意東趨由英霍以及金陵

不可不慮陳國瑞曾否到潁六駐紮著僧格林沁

曾國藩喬松年速為布置並著曾國藩喬松年悉

心籌畫如兵力實有未敷或函商官文酌撥楚軍

或仍遵前旨撥鎮防兵勇四千人扼紮要地均須

早為籌策萬不可任令逆匪闖入致誤戎機現在

楚省兵力已厚官文督飭唐訓方設法寬備餉需

以收飽騰之效所有劉蓉李雲麟前派追剿髮逆

聖朝聖略卷七十六

九

聖朝聖略卷七十六

十

已入楚境各營著劉蓉李雲麟迅速檄調回陝勿
令前進

初十日己酉沈葆楨奏言查侍逆悍股四月十五

日越金谿犯許灣為劉于濬戰船所擊不得渡

十六日犯撫州之河東灣大股猛撲東門外之

文昌橋營官黃名揚等轟大礮奮擊萬立松以

舟師助之斃賊無算後隊悍賊拌死猛撲胡迪

堂中礮殞命哨官黃國棟等均受重傷萬立松

等督師船環擊郭子奇以陸隊助之護南贛鎮

總兵普承忠等督兵勇於城上連轟巨礮至十

七日賊始計窮而遁十八日復至劉于濬列陣

以待俟該逆撲近橋邊槍礮並發斃賊極多羣

會負創狂奔許灣十九日李春培等擊之於許

灣斷其浮橋賊向金谿大路而逸撫州之圍立

解署甘肅按察使劉于澗調度有方應如何獎勵伏候

宸裁參將施從善等謹先行開列懇請獎勵其餘出力文武員弁勇丁可否由臣擇尤請獎之處出自

鴻慈陣亡之留江儘先參將胡迪堂等懇請飭部分別議卹

聖皇聖略卷七十六

十一

沈葆楨又奏冒精毅營自四月初七日回紮百花亭去南豐已二十里席寶田復於初八日派隊馳伏韓營之左賊果傾巢擁至直逼濠邊我軍奮力夾攻斬馘千餘追至城下守備楊明發千總李典發攀堞而登均中槍殞命環攻逾時該逆堅匿不出乃收隊而退十二日賊擾西鄉署知縣譚澧等以聯丁擊走之十四日賊至樟

樹下焚燒民房韓進春擊走之其僞王宗一股

由新城瀘溪入金谿界以會侍逆林政揚一股

爲石城甯都兵勇所扼折而西趨又爲瑞金雩

都興國兵練所擊復南入福建之甯化界侍逆

自撫州敗後循河而南以窺建昌陳炳汶尙在

弋貴之南鄉汪海洋於陳坊湖坊堅築營壘尾

隊出沒於弋鉛交界之黃沙港王德榜敗之十

聖皇聖略卷七十六

十二

八日賊由青沙灣過河攻赭亭山堡鄉民據堡死守王德榜馳援殺賊千計北岸肅清而金壇句容之匪復至德興賊氛環集計日內必有數次惡戰也王文瑞現紮永豐劉典已抵袁州不日可到省城陣亡之擬保參將守備楊明發擬保遊擊千總李典發懇恩飭部各照擬保官階議卹

沈葆楨奏冒自弋陽被擾後廣信文報不通者累日茲據報稱該逆竄踞沙溪思由靈溪橋口突犯廣信均經水師擊退廣信府知府鍾世楨派副將哈必發於四月初一日會同道員張岳齡督勇馳至合力鏖戰殺賊甚夥相持兩日賊以船筏搶渡者十數次均經擊退初三日道員王德榜等擊賊於王村橋大獲全勝賊以郡城無可窺伺乃盡數南竄廣豐初四日王德榜張岳齡並廣豐練勇擊之於青荆山石灰嶺初五日擊之於洋口鎮均斬獲甚多賊遂下竄結壘於鉛山之陳坊湖坊廣信廣豐兩城幸保無恙江西卽補道廣信府知府鍾世楨可否賞加布政使銜候選道張岳齡可否以道員留於江西補用其餘出力員弁可否由臣擇尤保獎之

聖朝聖略卷七十六

十三

處出自

鴻慈再署弋陽縣知縣葉琳署弋陽汛外委劉步瀛均帶重傷隨同克復縣城情尙可原均請革職暫行留任以觀後效奏入上命議政王軍機大臣傳諭曾國藩楊岳斌沈葆楨曰侍逆由金谿犯撫州猛撲東門外之文昌橋經劉于濬等奮勇截擊賊仍敗回金谿撫州之圍遂解惟侍逆自撫州受創後循河而南圖竄建昌勢尙鴟張著沈葆楨督飭劉于濬等軍乘勝跟追擒斬首逆務將此股賊匪就地殄除毋令蔓及他境官軍圍攻南豐追至城下守備楊明發等奪門而入均中槍殞命該縣城池未能卽復是否後隊不克繼進以致未能得手著沈葆楨檄飭席寶田韓進春等激勵各營迅復南豐縣城以期節節掃蕩

聖朝聖略卷七十六

十四

一五二八 平定回疆方略卷七十六

僞王宗一股由新城瀘溪入金谿界以會侍逆林政揚一股由石城甯都折而西趨爲瑞金雩都興國兵練所擊南入福建之甯化界陳炳汶尙在弋貴之南鄉汪海洋於陳坊湖坊堅築營壘尾隊出沒於弋鉛交界之黃沙港金壇句容竄賊復至德興江西省羣賊如毛勢殊岌岌若非及早殄除於全局殊有關繫著曾國藩統籌布置妥爲兼顧並飛

聖朝聖略卷七十六

十五

催鮑超帶領所部迅速馳援江西毋再遲延王文瑞現紮永豐劉典已抵袁州應如何分路進剿之處著楊岳斌沈葆楨妥籌辦理江皖情形甚屬喫緊著楊岳斌懷遵前旨速赴該二省適中之地扼要駐紮力圖掃蕩精毅營陣亡之擬保參將守備楊明發著照參將例議卹擬保遊擊千總李典發著照遊擊例議卹

上諭內閣曰此次侍逆突犯撫州水陸各軍血戰解圍辦理尙爲妥速所有尤爲出力之署甘肅按察使劉于濬著以布政使遇缺提奏仍交部從優議敘參將施從善遊擊黃名揚著以副將留於江西儘先補用施從善並賞給揚勇巴圖魯名號黃名揚並賞給鋒勇巴圖魯名號護南鎮總兵普承忠著交軍機處記名遇有總兵缺出請旨簡放其

聖朝聖略卷七十六

十六

餘出力員弁著沈葆楨擇尤請獎陣亡之參將胡迪堂著照副將例議卹守備彭稱發著照都司例議卹千總賀長發方柏順把總趙洪勝徐友勝帥鳳元外委龍日勝田開勝均著交部從優議卹其廣信府水陸各軍於四月初一至初五等日疊次擊賊於葉家灘等處屢獲全勝擒斬甚多廣信廣豐兩城得以保全無恙出力之廣信府知府鍾世

楨著賞加布政使銜候選道張岳齡著以道員留
於江西補用其餘出力員弁並准沈葆楨擇尤保
獎署弋陽縣知縣葉琳署弋陽汛外委劉步瀛前
於克復弋陽時隨同出力情尙可恕葉琳劉步瀛
均著革職暫行留任以觀後效

十一日 庚戌 李鴻章奏言 臣於四月十二日回蘇

因湖州未復賊蹤未遠將蘇城防兵復加整練

聖學聖略卷七十六

七

茲准閩浙督 臣左宗棠咨稱浙軍擬即日進逼
湖城東南兩面漸次移軍而西湖郡既有重兵
則嘉興可無須蘇軍屯紮請酌調進規長興等
語 臣先派道員潘鼎新各營分守吳江平望侍
講劉秉璋各營駐守嘉興專防湖賊內犯之路
茲准左宗棠咨商嘉興無須屯兵自可騰出劉
秉璋一軍另調他處常勝軍現經裁遣英領事

等方請添兵防守上海擬檄令劉秉璋酌帶七
營移防松滬擇要駐紮連日探報湖州賊氛尙
熾分竄城北楊漚大漚一帶潘鼎新由平望分
撥數營進紮南潯震澤適當其衝防剿正緊浙
軍尙未進逼城下 臣未便派軍深入會攻惟查
浙江長興縣在湖郡之西與蘇之宜溧皖之廣
德均屬毗連該處踞逆與湖賊相為犄角又為

聖學聖略卷七十六

十六

湖州竄路自應揀派勁旅相機進攻以制湖城
賊勢 臣已飭令郭松林劉士奇王永勝楊鼎勳
等三十營由宜興分路進取並調李朝斌帶太
湖水師數營陽利見陳東友等淮揚水師四營
由夾浦口會合進攻至前派劉銘傳十四營接
防句容鄭國魁五營接防東壩周盛波等八營
進紮溧陽之南渡定埠各要隘均於四月中旬

先後到防以備截剿金陵竄賊

李鴻章又奏言常勝軍現經裁撤酌留礮隊六

百名派副將羅榮光等管帶駐紮滄關槍隊三

百名暫留崑山交李恆嵩督率巡防均已辦理

就緒查戈登自上年春閒會帶常勝軍協同官

兵攻克福山解常熟之圍又克復太倉州崑山

吳江各縣及蘇州省城本年克復宜興溧陽縣

及擊退楊厘竄賊攻克常州府城均屬異常出

力厥功甚偉可否

旨頒賞黃馬褂出自

邊格鴻施奏入

上命議政王軍機大臣傳諭李鴻章曰常勝軍現已

裁遣酌留礮隊六百人槍隊三百八分紮滄關崑

山等處籌辦甚屬周妥長興一城得郭松林等水

陸進攻不難立拔一俟克復長興後該撫即當激

勵各軍直抵湖郡與浙軍兩路夾擊迅拔堅城惟

金陵城大而堅曾國荃所部兵勇圍攻恐未能周

而李鴻章仍遵前日寄諭酌調勁旅數千並礮隊

數百前往會剿期於速克該撫能否親赴金陵仍

著酌度機宜迅速籌辦

上諭內閣曰戈登自上年春閒會帶常勝軍協同官

兵攻克福山解常熟之圍又克復太倉州崑山吳

江各縣及蘇州省城本年克復宜興溧陽縣並擊

退楊厘竄賊攻克常州府城疊著勞績殊堪嘉尚

戈登著賞穿黃馬褂賞戴花翎並頒給提督品級

章服四襲以示寵榮

十二日

辛亥署西安將軍副督統德興阿奏言陝

西撫臣

劉蓉由漢南蒞任隨帶楚勇二千名駐

聖聖聖聖聖聖聖聖

九

聖聖聖聖聖聖聖聖

三

紮省東五月初三日髮逆大股二萬餘衆竄出大峪口在尹家衛一帶焚掠撫臣劉蓉會同臣飛調金順馬隊來省會合步勇出隊迎擊將賊壓退惟省垣兵力甚單賊勢過重勦辦深爲棘手穆圖善現未動身兵勇雖已東趨計程尙不甚遠相應請

旨飭下穆圖善速將所部各營星夜檄調入關會勦

以顧眉急

德興阿又奏言現在逆賊占踞尹家衛一帶難保該逆不乘隙撲犯省城亟應嚴加防範擬將金順馬隊三百八十餘名仍歸臣調遣並派撥滿營官兵登陴固守又派旗兵步隊一千名以備緩急策應臣惟有激勵士卒加意守禦不敢稍涉鬆懈

聖朝聖略卷十六

三十一

德興阿又奏言臣前晤穆圖善據云山內無賊劉蓉則云漢南肅清迫髮逆突竄山口穆圖善因劉蓉屢催兵勇起程不肯調兵回剿劉蓉以姜玉順所部經由山內赴楚正可探蹤迎擊逆匪何致奔竄臣責在操防竟不知此股究由何處竄來伏思統兵大員各存意見於大局深有關繫爲此據實直陳奏入

聖朝聖略卷十六

三十一

上命議政王軍機大臣傳諭都與阿雷正綰穆圖善德興阿劉蓉李雲麟曰陝南髮逆前據劉蓉奏報肅清乃本月初三日忽有大股髮逆竄出大峪口焚掠尹家衛一帶偏近省垣劉蓉身任陝撫何以毫無布置亦不據實馳奏殊不可解著卽督飭所部兵勇迅圖撲滅前有旨令劉蓉山省赴東路防剿現在省垣喫緊劉蓉自當將此股匪徒剿滅後

再行山省毋得以奉旨在先藉詞諉卸穆圖善赴楚各營計距西安尙不甚遠著卽將後隊酌量調回以資攻剿該將軍等務當和衷共濟力圖掃蕩儻各存意見任令大峪口股匪復行滋蔓卽將穆圖善劉蓉李雲麟按照軍法治罪決不寬貸大峪口賊匪果係何股近日曾否接仗著穆圖善劉蓉李雲麟迅卽明白回奏曹克忠一軍能否調回西

欽定剿平粵匪方略卷七十六

奉

安以資防剿之處著雷正綰劉蓉妥籌辦理西安省城戰守事宜仍著德興阿會同劉蓉妥爲布置金順所統馬隊卽著歸德興阿調遣都興阿現赴定邊所有陝省後路軍情仍著隨時偵探毋稍大意

同日懌世臨奏旨查江西十三府在贛東者六府在贛西者七府贛東廣撫建三屬已被賊匪

闖入無險可扼獨贛江一水猶可憑河設守力保贛西七郡完善之區贛南道王文瑞現抵吉安署浙江臬司劉典現赴臨江兩軍共七千人雖新集之卒兵力亦非甚厚然與水師相倚遏賊西渡猶爲力所能任惟據劉典稟報奉江西撫臣沈葆楨札調赴省防守伏思賊入江境沈葆楨必當早籌布置斷無待客兵守城之理且

欽定剿平粵匪方略卷七十六

奉

賊蹤無定亦不當使游擊之師株守省垣劉典一軍三千人合之王文瑞所部分防贛江數百里地面尙恐不敷分布儻復調開則賊將乘虛竄渡蹂躪愈廣收拾愈難臣已咨商沈葆楨迅派水師入贛仍令劉典扼守臨江與王文瑞及水師各營聯絡應請

旨飭下江西撫臣沈葆楨通盤籌算力爭先著以維

東南大局奏八

上命政議王軍機大臣傳諭楊岳斌沈葆楨惲世臨
曰據惲世臨奏稱江西贛東廣撫建三郡已被賊
圍入無險可扼獨贛江尚可憑河設守力保贛西
七郡惲世臨前飭王文瑞劉典兩軍分防該處現
經沈葆楨將劉典調赴省城恐賊乘虛竄渡收拾
愈難請仍令劉典扼守臨江與王文瑞及水師聯

聖皇聖考卷七十六

三

絡布置所籌不為無見惟江省軍情前據沈葆楨
奏侍逆自撫州敗後圖窺建昌偽王宗一股由新
城瀘溪入金谿界以會侍逆陳炳汝尚在弋貴之
南鄉汪海洋出沒於弋鉛交界之黃沙港而金壇
句容竄賊復至德興贛江以東賊氛甚熾省城防
範不可稍鬆沈葆楨將劉典一軍調回自係為回
顧根本起見但贛江一帶防兵單薄應否添派勁

兵駐紮與王文瑞分投防守仍著沈葆楨酌量調
派劉典抵省後即當視賊所向帶兵迎剿不得株
守省垣江省羣賊如毛勢甚岌岌楊岳斌督辦江
皖軍務當懷遵前旨力圖掃蕩應如何進剿設防
之處並須通盤籌畫隨時與沈葆楨悉心商酌妥
籌辦理

十三日壬子張之萬奏言髮逆自竄入平靖黃土

聖皇聖考卷七十六

三

兩關後分踞信陽西南鄉一帶圖撲州城連美
馮聖傳等軍揮隊進擊該逆不虞我軍猝至不
敢拒戰我軍追剿十餘里當即回營四月十七
八等日連美等督率兵勇行至中途正與賊遇
我軍奮力衝殺斃賊五六百名敗賊竄譚家河
向武勝關一帶南奔復經僧格林沁檄飭葛承
霖連美等軍追剿十九日敗賊於譚家河殺斃

甚多二十至二十二等日各軍疊有斬擒追出武勝關外始行收隊其偽啟王一股前經色爾固善張曜等向鄖西跟蹤緊躡惟山路過險馬匹跌損不少當商留色爾固善善慶等馬隊回紮南化張曜自督各營出隊星夜馳抵鄖西時梁作楫之軍已與該匪接仗擒斬數百名賊知官軍踵至卽西竄漫川關上津一帶該處嶺嶂

聖朝方略卷七十六

七

層疊連年兵燹之後村落爲墟我軍購食維艱不敢冒險前進其光州羅山一帶正當喫緊髮逆各股已由大新店竄至羅山之姚家坂宣化鎮及光州之白雀園雖經臣派徐連陞等馳赴羅山堵剿仍恐兵力尙單又飛調張曜色爾固善善慶宋慶督率所部前往信陽聽候僧格林沁調度會合各軍併力掃蕩又慮西路或有匪

蹤回竄仍留李世玉兩營駐紮浙川嚴密巡防

臣俟催調各軍東行並籌畫餉糈布置一切卽

擬親赴信陽會同僧格林沁熟商防剿奏入

上命議政王軍機大臣傳諭僧格林沁官文穆圖善

德興阿張之萬劉蓉沈桂芬曰髮逆自竄入平靖

黃土兩關後分踞信陽西南鄉一帶窺伺州城經

僧格林沁督率葛承霖等疊次剿殺追出武勝關

聖朝方略卷七十六

天

外此股賊匪出關現奔何處著僧格林沁查明具奏並著飭令葛承霖等跟蹤追剿務期掃除淨盡勿任再竄他處偽啟王一股經張曜色爾固善等追過鄖西而光州羅山一帶正當喫緊髮逆各股由大新店竄至羅山之姚家坂宣化鎮及光州之白雀園張之萬已派徐連陞等前往堵剿張曜色爾固善等隊馳赴信陽歸僧格林沁調遣並留李

世玉兩營駐防浙川著僧格林沁妥籌調度以期節節掃蕩豫省西路防兵甚單多隆阿所部楚軍已悉數起程赴楚著僧格林沁官文穆圖善酌量情形南陽浙川一帶如無重兵可卽分撥數營前往駐紮張之萬擬親赴信陽會同僧格林沁熟商防剿惟汝南地方並未肅清亦關緊要信陽州有僧格林沁在彼可無庸該撫前往如須會商辦理

聖朝聖略卷七十六

三

商定後仍以分駐爲妥南陽地當衝要應否扼要駐紮該撫妥籌辦理德安等處賊情近日如何會否接仗著官文督率水陸官軍力圖剿洗昨據德興阿奏大股髮逆逼近省垣請截留赴楚兵勇剿辦已諭令穆圖善將後隊量酌調回以資攻剿其先行起程之馬步各隊如已到楚豫著僧格林沁官文分別調遣陝省兵力無多穆圖善務當抽調

聖朝聖略卷七十六

三

所部折回會同金順等馬隊及劉蓉步隊實力痛剿不得意存漠視致誤戎機前據劉蓉奏派防各路之軍似甚周密何以大峪口逆股二萬餘衆突如其來先事旣絕無偵探臨事又未能制勝此等重大軍情毫無防備並不趕緊奏聞抑何聾瞶若是著卽懷遵昨日寄諭與穆圖善德興阿妥速籌辦曹克忠一軍如可調回西安助剿並著一而奏聞一而飛調此股匪衆究由何處竄入是否卽張之萬所奏由漫川關竄入之匪抑係另股並著劉蓉派員查明趕緊布置賊匪奔馳飄忽恐其疾趨山西著沈桂芬勤加偵探妥籌防剿

欽定剿平粵匪方略卷三百七十七 甲子年

五月十四日 癸丑 穆圖善德興阿劉蓉奏言髮逆

偽啟王等勾結蔡逆徑由鎮安孝義一路竄山

山口近偏省城非厚集兵力難期迅就殄除 臣

穆圖善部下金順所帶馬隊為數僅四百名連

撫標各營布置甚屬不敷查派赴鄂省之孟宗

福黃金山等步隊六營甫經起程去省未遠因

聖皇聖略卷三十七

十一

聖皇聖略卷三十七

二

思該軍赴鄂原係剿辦髮匪現值啟逆等闖入

陝省腹地自應就近截留會剿目下姜玉順蕭

河清藍斯明等管帶各營計日均可抵鄂楚北

增此兵力亦足以資調遣 臣等已飛調孟宗福

黃金山等步隊六營趕緊折回赴省協剿 臣穆

圖善本定期初六日拔營赴鄂茲值局勢稍異

不得不暫緩起程至省中城守事宜經 臣等逐

一妥籌人心尙屬安靜

劉蓉又奏言主簿李百魁率英毅六營越境追

剿髮逆已由荆子關入浙川境內適偽啟王梁

城富偽天將馬仕榮范立川等大股被僧格林

沁擊敗仍圖回竄荆子關四月初七日我軍正

與賊遇奮力衝殺該逆奔竄金家坪及鄧西屬

之紅廟子八道河等處十一至十四等日李百

聖皇聖略卷三十七

二

魁派參將王九齡等分路進剿該匪悉向土門

一路逸去蔡逆自被李雲麟擊敗後聞啟逆回

竄土門潛相勾結於是梁城富等諸賊目由上

津竄赴小心川與之合股該逆等偵知上游業

已有備遂由鎮安旁竄孝義五月初三日已出

大峪口踞距省五十里之尹家衛一帶 臣當檄

總兵彭基品等率所部親兵二千並咨商署西

安將軍德興阿撥金順所帶馬隊二起前往迎擊初四日各派八成隊分三路前進該逆排列峪口知師無後繼輒布長圍左右包繞十餘重守備李續傑登時陣亡弁勇帶傷死者四五十人幸金順馬隊突至內外夾攻始將該逆擊退彭基品等復整隊進攻終以賊黨太多未能得手該逆於初八日潛竄鄆長交界之秦渡鎮梁

聖朝聖訓卷七十七

三

家橋一帶查梁城富本屬著名渠魁馬仕榮係陳玉城餘黨范立川係石達開餘黨均驍悍善戰若不及早殄除勢將蔓延為患臣惟有催調湘果英毅各營並咨商穆圖善將赴鄂之後起兵勇飛調來省協力勦辦以靖逆氛劉蓉又奏言啟逆與蔡逆合竄秦中將來一經痛剿勢必仍趨漢南圖竄川境臣現以兵力太

單急約蕭慶高所部來省會勦擬撥何勝必之湘果右軍徑紮漢中分防城固洋縣華陽褒沔一帶並咨請李雲麟分軍扼防石泉寶陝漢陰各隘以遏該逆下竄之路儘各軍併力同心當可將該逆偏入南山痛加勦洗奏入

聖朝聖訓卷七十七

四

上命議政王軍機大臣傳諭穆圖善德興阿劉蓉李雲麟曰偽啟王梁城富等由荆子關竄鄆西經官軍扼截回遁土門與蔡逆勾結徑由鎮安孝義一路出大峪口踞距省五十里之尹家衛一帶偏近西安前據劉蓉陳奏布置情形尙為周密防勦均有把握此次髮逆大股突偏省垣劉蓉毫無準備任令賊匪來往自如如入無人之境該撫平日所派各路防軍不識所司何事且此股眾至二萬有餘而自荆子關鎮安孝義一路長驅直入該撫先

事毫無偵探並未據奏報一字及偏近省垣始知
該逆回竄似此昏憤糊塗實屬有負委任李雲麟
專辦蔡逆一股此次由鎮安勾結啟逆出竄李雲
麟不但不能剿滅並任令窺伺省城毫無堵禦實
堪痛恨劉蓉李雲麟均著先行交部嚴加議處穆
圖善等現調孟宗福黃金山等步隊六營折回赴
省卽著檄令該員等迅速回援會同省城防軍實
力剿洗楚省調去兵將爲數不少計已足敷剿辦
而陝省竄賊膠聚勢甚危急穆圖善著暫時毋庸
赴楚仍駐西安會同德興阿劉蓉辦理防剿事宜
以固省防俟陝省肅清再行奏請石泉甯陝漢陰
各隘著李雲麟嚴加防守以遏該逆下竄之路穆
圖善德興阿劉蓉李雲麟惟當督飭各軍先將竄
近省垣之賊斬馘淨盡節節掃蕩如再有疏失必

將劉蓉李雲麟按照軍法治罪穆圖善德興阿會
同剿賊均屬責無旁貸如不能得力定將穆圖善
德興阿一併治罪決不寬貸

十六日乙卯左宗棠奏言湖郡踞逆於三月二十

五日猛撲埭頭鎮提督高連陞營壘經高連陞
等擊敗後仍堅守東林山菱湖等處四月初四
日通判蔡元吉率所部與總兵劉連陞各營水

陸並進直搗菱湖賊巢該逆憑河結壘未能猝
拔十四日各營疊水過河殺斃悍賊數十名乘
勢猛攻連破賊營十餘座奪賊礮船四號蔡元
吉復率親兵由後路抄殺而入斬賊五百餘名
生擒一千餘名立將菱湖鎮攻克十五日蔡元
吉率隊進攻荻港該逆望風潰竄當將荻港賊
壘焚燬總兵劉梅元等營進紮東路舊館雙林

等處十二三等日遊擊何培英率隊至卡生橋奮力衝擊斃賊多名十四日該逆分兩路直撲雙林何培英營壘劉梅元率所部馳往助勦力戰卻之是晚該逆退聚卡生橋一帶十六日劉梅元復與何培英等分三路進擊並令礮船轟攻賊壘賊不能支棄壘焚橋而遁據生擒賊供偽樂王譚應芝已經官軍轟斃首逆黃汝金之

聖朝聖略卷三十七

七

弟黃十四亦受重傷提督高連陞等偪紮東林山後探聞湖郡踞逆萬餘又至妙喜鎮十五日高連陞約會總兵王月亮分撥各營水陸並進守卡各逆紛紛潰竄高連陞王月亮踴躍先登立斃守壘悍賊數名賊棄壘狂竄當將東林山賊壘五座一律攻克二十一日署湖州府知府李邦達督帶降人鄧光明各營進駐妙喜鎮王

月亮率各營助之該逆率眾萬餘繞出妙喜鎮分路來撲遊擊甯世杰胡榮兩營先潰致各營俱為所乘時高連陞單騎馳至急與王月亮李邦達派光字三營迎擊詎該逆又分兩大枝從旁抄襲王月亮鄧光明督各勇突出重圍而勇丁已傷亡數百名遂將隊伍收回埭頭駐紮高連陞亦將所部由菁山折回該逆以全力守湖

聖朝聖略卷三十七

八

郡經官軍疊次攻勦將菱湖東林山兩處要隘攻克東南之險已為我據惟賊勢趨重西路日將城內米糧運至長興四安廣德等處而安吉亦添賊黨蓋欲留此路為挺走之計官軍進規湖郡西南兩路自應厚集兵力攻勦而東北濱臨太湖與蘇常接壤非蘇軍水陸進偪則此勦彼竄事有固然臣昨咨商江蘇撫臣李鴻章請

調嘉興之師與太湖水師併力進扼湖州北路以防竄越宜溧而湖州西路長興安吉均與皖南之廣德甯國接壤皖南既無防軍浙師又勢難越境截堵祇可於皖浙交界之處相機扼擊不能禁其不關入皖界也頃據諜報堵輔各逆欲分三路傾巢內竄已飭水陸各軍嚴密準備如能就其來犯痛與勦洗則兇鋒盡挫縱有竄

欽定剿平粵匪方略卷三十七

九

逸之賊亦易收拾此次疊獲勝仗在事出力者以高連陞蔡元吉兩軍爲最二十一日之挫則遊擊甯世杰胡榮督戰不力咎實難辭應請旨革職提督銜總兵王月亮署湖州府知府李邦達應請暫摘翎頂以示懲儆降人鄧光明因傷痕未愈未能力戰而所部勇丁傷亡獨多應請免其置議以觀後效

左宗棠又奏言常州竄出之賊僞烈王林彩新一股經康國器所部在昌化白牛橋擊敗後悉向甯國績溪一路竄去四月初七日竄至歙縣南建口地方適黃少春所派張福齊等率各營奮擊賊不得渡遂於建口一帶屯踞初八日張福齊等復會同唐連勝水師列隊迎擊奮威衝殺共斃賊四五百名其繞竄黟縣八都葉村者

欽定剿平粵匪方略卷三十七

十

又爲徽軍擊敗聞由上溪口竄婺源入江西德興人數無多至聽逆陳炳汶濂逆汪海洋竄入江西玉山縣境四月初一夜從沙溪搶搭浮橋意圖偷竄劉明珍派王益隆等於沙溪上五六里乘筏潛渡擊之殺賊三四百名餘賊悉向西北竄去劉明珍恐其直犯廣信率隊急趨信城該逆頭隊已及靈溪而先竄沙溪一股見官軍

馳援廣信復折向廣豐邊界竄去是日劉明珍率所部擊賊於靈溪斬賊二三百名遂收隊回城時王德榜一軍亦已行抵廣信四月初四日各率所部出廣豐洋口截擊遇賊大隊纒擁而來劉明珍與王德榜合軍痛擊斃賊千餘名賊竄廣豐二十九都初五日官軍奮勇追殺又斃賊數百名餘賊竄向鉛山一路旋因賊由南岸

聖朝聖略卷三十七

十一

竄至上清宮一帶撫州喫緊王德榜當派戴奉聘三營馳赴貴溪自率所部進駐弋陽二十二日派主簿劉廷選水師礮船護運米糧軍火行至距弋陽二十餘里之黃沙港該逆設卡攔截矢石如雨我軍以槍隊轟擊賊潰走港內賊船十餘隻亦經水師擊毀查該逆大股兩經浙軍截剿一經徽軍截剿逸賊無多尙不足爲江西

之患惟由浙境竄踞湖坊陳坊之賊與由皖境竄江西一股合併而前由江西竄福建之賊現復回竄江西各股併聚一方深爲可慮臣前飭王開琳一軍赴援江西現據報已抵貴溪王德榜已抵弋陽聲勢尙爲聯絡昨接劉典來稟新募之三千人於四月初二日自湘起程計此時早已抵袁州臨江一帶臣已飭王開琳王德榜

聖朝聖略卷三十七

十二

兩軍並歸劉典調度俟湖城賊蹤稍定仍當酌調涇遂防軍馳赴江西爲其後繼左宗棠又奏冒正拜摺間據王德榜稟稱該軍馳抵弋陽後探悉德興竄賊於四月二十五日全股撲至弋陽東北門外王德榜親督鍾元等迎剿楊士樑等率馬隊繼之趁斬冷天燕鄭礎懷冷天安張得幅僞丞相吳得斌等各賊目餘

第... 冊... 頁...

匪殄斃無算賊向河西一路竄去查該逆由德興竄來係粵逆林彩新一股經各軍疊次截擊餘黨所賸無幾惟此股係常州竄出之頭隊其續竄數股現尙屯踞湖州安吉等處臣仍當飭上游各軍嚴密防範奏入

上命議政王軍機大臣傳諭曾國藩左宗棠楊岳斌李鴻章沈葆楨曰髮逆以全力踞守湖郡經高連

欽定剿平粵匪方略卷七十七

三

陸蔡元吉兩軍奮勇進剿將菱湖東林山兩處要隘攻克東南之險已爲我據惟妙喜鎮營盤爲賊所乘致有挫失遊擊甯世杰胡榮督戰不力咎實難辭著一併革職總兵王月亮署知府李邦達均著暫摘翎頂以示懲儆降人鄧光明因傷痕未愈未能力戰所部兵丁傷亡獨多尙非臨陣退縮者可比著免其置議現在賊勢趨重西路運糧增黨

刻刻爲挺走之計李鴻章前奏已派郭松林等三十營由宜興進調李朝斌陽利見等水師進取長興蘇浙官軍會合夾擊自可迅下堅城第長興安吉在在與皖之廣德甯國接壤皖南防兵旣單浙師又難越境截堵曾國藩雖派周寬世等駐紮祁休之間而於廣德甯國守禦事宜尤當妥籌布置力遏上竄不得以地廣兵單稍存畏難之心致形

欽定剿平粵匪方略卷七十七

十四

鬆懈其長興湖州等處之賊左宗棠李鴻章督飭在事員弁實力堵剿總當將積年悍賊就地殲除毋令貽患他省堵輔各逆旣有分路內竄之謀左宗棠當飭水陸各軍嚴密準備如能力挫兇鋒則郡賊喪膽於攻取湖州自可事半功倍粵逆林彩新一股竄逸無多惟由浙竄江一股現踞湖坊陳坊等處與前股合併而竄閩之賊現復回竄江西

屬集一方甚屬可慮楊岳斌接奉疊次諭旨計已
剋日起程卽著督飭江右各軍將境內羣逆次第
掃蕩劉典現已抵江楊岳斌未至以前所有浙師
王開琳王德榜兩軍暫歸劉典調度著沈葆楨就
近傳諭該臬司照辦弋陽境內竄賊經江浙官兵
擊退餘賊向河西一路竄去著沈葆楨嚴飭在事
文武實力追剿並堵截續出之賊勿稍疏懈此時

聖朝聖略卷十七

十五

賊勢固結不解須將金陵迅速攻拔使該逆無所
依附自成瓦解之勢前經疊諭李鴻章撥兵助攻
金陵能否親往並令該撫酌辦現當事機緊要李
鴻章務當不分畛域不避嫌怨迅速遵辦力圖共
濟不准稍有推諉

十七日丙辰官文奏言查總兵梁洪勝紮營於天

門之九真廟四月二十四五等日該逆馬步賊

萬餘圍裏而來我軍分隊抵禦乘賊不備奮勇
直衝立解重圍又阜市之賊日久盤踞屢次攻
撲天門經梁洪勝屢次截擊該逆未得逞志復
連撲應城總兵李喜溢督率八營於四月二十
七日行抵阜市街口前後抄擊截殺多名因賊
過衆未便遠追收隊回營賊卽猛撲京山縣城
又經防兵及鄉團齊力抵禦該逆見各路有備

聖朝聖略卷十七

十六

遂向宋河奔逸至馬平港尾隊陸續竄向德安
西北之洛陽店桑樹店一帶現在京天阜市應
城均無賊蹤惟德安極爲喫重阜市敗匪全數
東趨而東北東南徧地皆賊自應山之廣水孝
感之小河司楊店一帶漸近雲夢我軍南北中
阻不能聯絡該匪處處乘虛有自小河溪分竄
黃陂邊境者有由應山至黃陂站者亟應派軍

繞前截擊無如各路防兵無可抽調姜玉順一軍准穆圖善咨稱四月十七日拔營月餘方能到鄂蕭河清步隊未報起程僧格林沁所派之蘇克金傅振邦尙在應山爲賊所阻不得不就現有兵力權衡布置查石清吉現與營總保陞駐紮楊店該逆疊次撲壘幾瀕於危楊朝林駐紮白沙鋪亦祇能自守五月初五日前防襄陽

欽定剿平粵匪方略卷三十七

七

之周鳳山來營卽令前赴雲夢防剿兼顧應城後路以成大吉馬步十營爲游擊之師聯絡石清吉楊朝林各營相機堵剿撥李喜溢三營並略萬春水師前紮濟口南岸同萬化林礮船防守漢口水陸要隘令梁洪勝三營留京山防賊回竄又撥李喜溢三營歸併成大吉以厚兵力留三營分守應城調喜昌二營及桂廉馬隊紮

長江埠以防雲孝之賊被剿回竄一面飛催姜玉順蕭河清星夜趨行並催蘇克金傅振邦繞出賊前夾擊以期迅掃妖氛

官文又奏冒漢中髮逆僞啟王一股前經僧格林沁擊敗於新邵等處其尾隊復經副都統色爾固善總兵張曜等躡擊該逆卽由商南之趙家川竄入鄖西之八道河一帶四月十一日大

欽定剿平粵匪方略卷三十七

六

股直撲鄖西縣城經官紳督率兵團登陴守禦斃賊百餘名該逆退踞東北後山西刻凱前凱左兩營各帶四成隊伍出城襲擊斃賊百餘名賊遂退奔山下道員梁作楫由鄖郡統帶凱軍義勝各營星夜馳援十四日紮營城南正在築壘該逆分三股來撲梁作楫飭勇一面修壘一面出隊迎擊擒斬約千餘名救出難民二千餘

人維時秦師英毅六營追賊適至會合在防之
 凱前凱左等營三面攻擊該逆紛紛向土門竄
 逸十五六等日梁作楫函約統帶英毅六營之
 主簿李百魁乘勝跟追至宋家河出長溝往孟
 家川該逆一竄十八盤一竄馬家溝復經我兵
 分途躡擊擒斬甚多逃亡及解散者亦數百名
 餘匪悉向大小壩竄去我軍因道路崎嶇未裹
 行糧不及窮追所有在事出力各員可否由臣
 擇尤存記彙案請獎之處出自

聖朝聖略卷十七

十九

恩施奏八

上命議政王軍機大臣傳諭僧格林沁官文曾國藩
 富明阿喬松年張之萬曰湖北天門應城等處賊
 匪經梁洪勝李喜溢等擊退猛撲京山縣城又經
 兵團抵禦遂向宋河奔逸至馬平港尾股陸續竄

向德安西北之洛陽店桑樹店一帶現在京天阜
 市應城已無賊蹤而德安極為喫重東北東南徧
 地皆賊自應山孝感漸近雲夢有自小河溪分竄
 黃陂黃安邊境者有由應山而至黃陂站者官文
 現調成大吉馬步各營相機堵剿一面飛催姜玉
 順等繞前截擊布置均屬周妥著飭派出各軍以
 勦為防並催蕭河清等星夜趨行迎頭擊勦僧格

聖朝聖略卷十七

二十

林沁現紮信陽著即調派勁旅迎勦蘇克金傳振
 邦馬步隊在應山尙為賊阻必須令其設法繞出
 賊前斷其東趨之路信羅光固一帶偏近賊氛張
 之萬當嚴防竄越該逆若由黃麻以窺英霍則舒
 桐潛太路路喫重曾國藩當懷遵疊次諭旨增兵
 嚴防並令水師扼守江面陳國瑞一軍前經喬松
 年奏請令駐潁六一帶著僧格林沁喬松年即檄

該提督督率所部扼紮六安潁州要隘遇賊卽擊勿稍疏懈皖北兵力如尙不敷著喬松年咨商曾國藩等撥鎮江兵四千人赴防抑或商撥揚防兵勇均須趕緊籌畫不可臨時張皇江北現無兵事天六等處前已據富明阿奏派防守如尙不敷卽著酌量添派陳國瑞一軍尙恐單薄由鎮防撤回江北之兵勇爲數不少著富明阿酌派勁兵爲陳

欽定剿平粵匪方略卷三十七

三

國瑞等軍後路聲援並酌量地勢駐紮若有警報卽由富明阿就近調派協同剿洗以上各路各該督撫等飭令實力防剿儘任該逆東竄不能阻遏必惟該省督撫是問不能因有前功稍從寬貸也僞啟王一股撲鄖西縣梁作楫等率軍擊敗出力各員准其擇尤存記俟全股撲滅再行彙案請獎此股敗匪業由小路竄至陝西出大峪口踞尹家

衛地方去西安祇數十里穆圖善已折回省垣調回孟宗福等六營赴剿其先行起程之馬步各隊諒可到楚豫境內著僧格林沁官文趕緊布置以厚兵力近日軍情並著各路勤加偵探飛速奏聞十九日戊午曾國藩奏冒湖州廣德各賊黨分踞如故尙無上竄之信賊之在徽州擊潰者由婺源德興併入江西道員王德榜率長左營截殺

欽定剿平粵匪方略卷三十七

三

於弋陽境大獲勝仗賊衆誅戮將盡侍逆一股攻破建昌之萬年橋卡以小枝牽掣官軍以大枝疾趨而西疊陷宜黃崇仁兩縣卽在崇仁繕城擄糧爲久踞計自樟樹鎮及豐城新淦峽江等縣處處喫緊省城戒嚴沈葆楨調湖口守將萬泰王定國管帶潯兵於五月初三日進省彭玉麟派喻俊明等各率師船駛入省河臣飛檄

周寬世七營從景鎮饒州雇船赴援必能先後
 趕到省垣重地當可無虞鮑超一軍於初六日
 由蕪湖啟行擬取道湖口九江繞出樟樹鎮迎
 頭遏擊能與劉典王文瑞諸軍痛勦數次不使
 羣賊竄渡贛江以西或不致有妨大局至鄂中
 髮逆勢尙蔓延黃陂孝感麻城一帶去皖甚近
 英霍潛太桐舒節節空虛臣咨商李鴻章分撥
 數軍接守建平溧水高淳三縣騰出李榕王可
 陞等軍渡江向北扼紮舒城以固藩籬
 曾國藩又奏旨浙江提督鮑超前因聞計丁母
 憂呈請奔喪回籍經臣奏奉
 諭旨俟江南軍務大定再由臣奏請給假回籍營葬
 鮑超一聞
 成命悲不自勝仍復再三申請臣與之期約俟攻克

聖朝聖略卷七十七

三

聖朝聖略卷七十七

三

西河灣沚保全甯郡後必當代為陳奏上年二
 月鮑超以西河灣沚並復甯郡肅清請踐前旨
臣多方撫慰又與之期約待攻克東壩後始行
 具奏十月閒水陸諸軍奪取東壩一關而乞假
 之文旋至臣復婉詞批答囑其暫留五箇月勉
 抑一時哀慕之誠以待金陵大勦之集如金陵
 逾期弗克亦必專疏願求
 恩准給假今年三月初間五箇月之期又滿鮑超復
 以悽詞苦語懇請代奏查目下江西軍務喫緊
 本不應奏請離營惟鮑超部將如宋國永馮標
 婁雲慶諸鎮皆相從十年之久其餘驍將尙多
 足資勦辦頃復欽奉
 諭旨派楊岳斌督辦江西軍務鮑超係其舊部卽令
 楊岳斌統率該軍以行必可指揮如意合無願

懇

天恩俯念鮑超苦戰功多賞假四箇月飭令暫回四
川本籍俟營葬事竣迅卽回營俾遂孝思奏入
上命議政王軍機大臣傳諭會國藩左宗棠楊岳斌
李鴻章喬松年沈葆楨曰鮑超乞假葬親情詞肫
摯本應俯如所請惟念鮑超謀勇兼著屢立奇功
爲江皖諸軍之冠此時金陵功在垂成會國藩現

欽定剿平粵匪方略卷三十七

五

令該提督赴援江西事機至迫自未便遽易生手
本日已明降諭旨命鮑超俟金陵攻克江皖肅清
再行給假並賞銀五百兩經理葬事會國藩當傳
諭該提督移孝作忠奮勉勦賊不得再有瀆請侍
逆一股攻破建昌之萬年橋卡以小枝牽掣官軍
以大枝疾趨而西疊陷宜黃崇仁兩縣卽在崇仁
繕城擄糧爲久踞計自樟樹鎮及豐城新淦映江

等縣處處喫緊省城戒嚴賊勢如此猖獗沈葆楨
何以尙無奏報甚深懸系著楊岳斌恪遵疊次諭
旨迅赴江西與沈葆楨妥籌防剿總當力保樟鎮
等處要隘迎頭截剿毋令逼近省垣一面迅催劉
典王文瑞等軍向東迎擊會合鮑超赴援之師痛
加勦洗將崇仁宜黃迅速攻拔南豐圍攻日久何
以尙未克復著沈葆楨嚴飭席寶田等軍奮力進

欽定剿平粵匪方略卷三十七

五

剿不准再事遷延此時各路敗賊屬集江右其勢
岌岌而湖州之賊時思由廣德等處接踵上竄會
國藩當恪遵前旨迅撥勁兵於皖南一帶力籌堵
截毋使逆股再竄江西致勢成燎原不可收拾左
宗棠督飭各軍會合蘇省水陸官軍迅將湖州長
興攻拔盡殲醜類一面分軍截剿由浙皖邊境上
竄之賊毋令貽患鄰疆至分竄黃陂孝感之賊逐



S
2121.5
15a

漸東趨會國藩咨商李鴻章撥軍接守建平溧水
高淳三縣騰山李榕王可陞等軍渡江而北扼紫
舒桐所籌甚是著李鴻章迅速撥兵扼守並著會
國藩飭李榕等迅赴舒桐力顧藩籬喬松年督飭
皖軍先事布置不得稍有疏虞現在羣賊紛竄總
當迅拔金陵覆其巢穴會國藩當嚴飭會國荃督
率所部奮勇圖功李鴻章當恪遵前旨不分畛域

聖朝聖略卷十七

三十七

撥兵助剿或親往會攻毋稍避嫌推諉

上諭內閣曰前因會國藩奏浙江提督鮑超聞計丁
憂當經降旨無庸開缺改爲署理俟江南軍務大
定再行給假回籍營葬茲會國藩復據情代奏懇
請賞假回籍葬親情詞肫摯原應勉如所請惟念
鮑超自轉戰江皖以來勇略過人所向克捷爭關
奪隘屢保名城現因賊竄江西復經會國藩檄令

率師往援江皖軍情緊急雖經簡派楊岳斌督辦
仍須該提督合力剿賊方可迅奏膚公鮑超著無
庸給假回籍加恩賞銀五百兩由四川藩庫給發
交該提督家屬祇領經理葬事鮑超務念移孝作
忠之義勉抑哀思專意剿賊俟金陵克復江皖肅
清再行賞假回籍以遂孝思朝廷破格奪情本屬
萬不得已之舉該提督其勉力圖功毋再瀆請

聖朝聖略卷十七

三十八